

Atharvaveda-Samhita, Saunaka recension  
Based on the ed.: Gli inni dell' Atharvaveda (Saunaka),  
traslitterazione a cura di Chatia Orlandi, Pisa 1991,  
collated with the ed. R. Roth and W.D. Whitney:  
Atharva Veda Sanhita, Berlin 1856.

Input by Vladimir Petr and Petr Vavrousek.  
TITUS redaction by Jost Gippert (31 January 1997).  
Text of Books 11-20 improved by  
Arlo Griffiths, Leiden 18 May 2000 and  
Philipp Kubisch, Bonn 13 March 2007.  
Revised by Arlo Griffiths, August 2009.

## ACCENTED TEXT

### NOTE ON REFERENCES IN BOOKS 11-20:

The basic numbering of Books 11-20 follows the ed. Roth/Whitney.  
Numbering in [...] follows the ed. by Vishva Bandhu: Atharvaveda  
(Saunaka),  
with the Pada-Patha and Sayanacarya's commentary, Hoshiarpur  
1960-1964  
(Vishveshvaranand indological series, 13-17).

---

THIS TEXT FILE IS FOR REFERENCE PURPOSES ONLY!  
COPYRIGHT AND TERMS OF USAGE AS FOR SOURCE FILE.

Text converted to Unicode (UTF-8) with "underring" characters and  
Vedic accents.

(This file is to be used with a UTF-8 font and your browser's VIEW  
configuration  
set to UTF-8.)

description:	multibyte sequence:
long a	ā
long A	Ā
long i	ī
long I	Ī
long u	ū
long U	Ū
vocalic r	ṛ
vocalic R	Ṛ
long vocalic r	ṝ

vocalic I	ᳵ
long vocalic I	ᳶ
velar n	᳷
velar N	᳸
palatal n	᳹
palatal N	ᳺ
retroflex t	᳻
retroflex T	᳼
retroflex d	᳽
retroflex d, intervoc.	᳾
retroflex D	᳿
retroflex n	᳠
retroflex N	᳡
palatal s	᳢
palatal S	᳣
retroflex s	᳤
retroflex S	᳥
anusvara	᳦
visarga	᳧
a udatta	á
a svarita	à
long a udatta	ᳱ
long a svarita	ᳲ
i udatta	í
i svarita	ì
long i udatta	᳴
long i svarita	ᳵ
u udatta	ú
u svarita	ù
long u udatta	᳷
long u svarita	᳸
voc. r udatta	ᳺ
voc. r svarita	᳻
long voc. r udatta	᳼
vocalic I udatta	᳾
vocalic I svarita	᳿
long vocalic I udatta	᳠
long vocalic I svarita	᳡
e udatta	é
e svarita	è
o udatta	ó

o svarita	ò
accented ai =	aí / àì
accented au =	aú / àù

For a comprehensive list of GRETIL encodings and formats see:  
[www.sub.uni-goettingen.de/ebene\\_1/fiindolo/gretil/gretldiac.pdf](http://www.sub.uni-goettingen.de/ebene_1/fiindolo/gretil/gretldiac.pdf)  
and  
[www.sub.uni-goettingen.de/ebene\\_1/fiindolo/gretil/gretldias.pdf](http://www.sub.uni-goettingen.de/ebene_1/fiindolo/gretil/gretldias.pdf)

---

(AVŚ\_1,1.1a) yé triṣaptāḥ pariyānti víśvā rūpāṇi bíbhrataḥ |  
(AVŚ\_1,1.1c) vācās pátir bálā téṣāṃ tanvò adyá dadhātu me ||1||

(AVŚ\_1,1.2a) púnar éhi vacas pate devéna mánasā sahá |  
(AVŚ\_1,1.2c) vásosḥ pate ní ramaya máyy evāstu máyi śrutám ||2||

(AVŚ\_1,1.3a) iháivābhí ví tanūbhé ārtñī iva jyáyā |  
(AVŚ\_1,1.3c) vācās pátir ní yachatu máyy evāstu máyi śrutám ||3||

(AVŚ\_1,1.4a) úpahūto vācās pátir úpāsmān vācāspátir hvayatām |  
(AVŚ\_1,1.4c) sám śruténa gamemahi má śruténa ví rādhiṣi ||4||

(AVŚ\_1,2.1a) vidmā śarásya pitāraṃ parjānyaṃ bhúridhāyasam |  
(AVŚ\_1,2.1c) vidmó ṣv āsya mātāraṃ pṛthivīm bhúrivarpasam ||1||

(AVŚ\_1,2.2a) jyāke pári ṇo namāśmānaṃ tanvaṃ kṛdhi |  
(AVŚ\_1,2.2c) vīḍúr várīyó 'rātīr ápa dvéṣāṃsy ā kṛdhi ||2||

(AVŚ\_1,2.3a) vṛkṣám yád gāvāḥ pariṣasvajānā anusphurám śaráṃ  
árcanty ṛbhúm |  
(AVŚ\_1,2.3c) śárum asmád yāvaya didyúm indra ||3||

(AVŚ\_1,2.4a) yáthā dyām ca pṛthivīm cāntás tiṣṭhati téjanam |  
(AVŚ\_1,2.4c) evá rógam cāsrāvám cāntás tiṣṭhatu múnja ít ||4||

(AVŚ\_1,3.1a) vidmā śarásya pitāraṃ parjānyaṃ śatávṛṣṇyaṃ |

(AVŚ\_1,3.1c) tēnā te tanvè śám karam pṛthivyām te niṣécanam  
bahíṣ ʔe astu bál íti ||1||

(AVŚ\_1,3.2a) vidmā śarásya pitāram mitráṃ śatávṛṣṇyam |  
(AVŚ\_1,3.2c) tēnā te tanvè śám karam pṛthivyām te niṣécanam  
bahíṣ ʔe astu bál íti ||2||

(AVŚ\_1,3.3a) vidmā śarásya pitāram váruṇam śatávṛṣṇyam |  
(AVŚ\_1,3.3c) tēnā te tanvè śám karam pṛthivyām te niṣécanam  
bahíṣ ʔe astu bál íti ||3||

(AVŚ\_1,3.4a) vidmā śarásya pitāram candráṃ śatávṛṣṇyam |  
(AVŚ\_1,3.4c) tēnā te tanvè śám karam pṛthivyām te niṣécanam  
bahíṣ ʔe astu bál íti ||4||

(AVŚ\_1,3.5a) vidmā śarásya pitāram sūryam śatávṛṣṇyam |  
(AVŚ\_1,3.5c) tēnā te tanvè śám karam pṛthivyām te niṣécanam  
bahíṣ ʔe astu bál íti ||5||

(AVŚ\_1,3.6a) yád āntréṣu gavīnyór yád vastáv ádhi sámśritam |  
(AVŚ\_1,3.6c) evā te mútram mucyatām bahír bál íti sarvakám ||6||

(AVŚ\_1,3.7a) prá te bhinadmi méhanam vártram veśantyā iva |  
(AVŚ\_1,3.7c) evā te mútram mucyatām bahír bál íti sarvakám ||7||

(AVŚ\_1,3.8a) víṣitam te vastibilám samudrásyodadhér iva |  
(AVŚ\_1,3.8c) evā te mútram mucyatām bahír bál íti sarvakám ||8||

(AVŚ\_1,3.9a) yátheṣukā parāpatad ávasṛṣṭádhi dhánvanaḥ |  
(AVŚ\_1,3.9c) evā te mútram mucyatām bahir bál íti sarvakám ||9||

(AVŚ\_1,4.1a) ambáyo yanty ádhvabhir jāmáyō adhvarīyatām |  
(AVŚ\_1,4.1c) pṛñcatír mádhunā páyaḥ ||1||

(AVŚ\_1,4.2a) amúr yā úpa sūrye yābhir vā sūryaḥ sahá |  
(AVŚ\_1,4.2c) tá no hinvantv adhvarám ||2||

(AVŚ\_1,4.3a) apó devír úpa hvaye yátra gávāḥ píbanti naḥ |  
(AVŚ\_1,4.3c) síndhubhyaḥ kártvam havíḥ ||3||

(AVŚ\_1,4.4a) apsv àntár amṛtam apsú bheṣajám |  
(AVŚ\_1,4.4c) apám utá práśastibhir áśvā bhávatha vājíno gávo  
bhavatha vājínīḥ ||4||

(AVŚ\_1,5.1a) ápo hí ṣṭhá mayobhúvas tá na ūrjé dadhātana |

(AVŚ\_1,5.1c) mahé ráṇāya cákṣase ||1||

(AVŚ\_1,5.2a) yó vaḥ śívátamo rásas tásya bhājayatehá naḥ |

(AVŚ\_1,5.2c) uśatír iva mātáraḥ ||2||

(AVŚ\_1,5.3a) tásmā áraṃ gamāma vo yásya kṣáyāya jínvatha |

(AVŚ\_1,5.3c) ápo janáyathā ca naḥ ||3||

(AVŚ\_1,5.4a) íśānā vāryāṇāṃ kṣáyantís carṣaṇīnām |

(AVŚ\_1,5.4c) apó yācāmi bheṣajám ||4||

(AVŚ\_1,6.1a) sám no devír abhíṣṭaya ápo bhavantu pītáye |

(AVŚ\_1,6.1c) sám yór abhí sravantu naḥ ||1||

(AVŚ\_1,6.2a) apsú me sómo abravīd antár víśvāni bheṣajá |

(AVŚ\_1,6.2c) agníṃ ca víśváśaṃbhuvam ||2||

(AVŚ\_1,6.3a) ápaḥ pṛṇítā bheṣajám várūthaṃ tanvè máma |

(AVŚ\_1,6.3c) jyók ca sūryaṃ dṛśé ||3||

(AVŚ\_1,6.4a) sám na ápo dhanvanyāḥ sám u santv anūpyāḥ |

(AVŚ\_1,6.4c) sám naḥ khanitrímā ápaḥ sám u yāḥ kumbhá ábhṛtāḥ |

(AVŚ\_1,6.4e) śívā naḥ santu vārṣikīḥ ||4||

(AVŚ\_1,7.1a) stuvānám agna á vaha yātudhānaṃ kimīdínām |

(AVŚ\_1,7.1c) tvám hí deva vanditó hantá dásyor babhúvitha ||1||

(AVŚ\_1,7.2a) ájyasya parameṣṭhin jātavedas tánūvaśin |

(AVŚ\_1,7.2c) ágne taulásya práśāna yātudhānān ví lāpaya ||2||

(AVŚ\_1,7.3a) ví lapantu yātudhānā attrīṇo yé kimīdínaḥ |

(AVŚ\_1,7.3c) áthedám agne no havír índraś ca práti haryatam ||3||

(AVŚ\_1,7.4a) agníḥ púrva á rabhatāṃ préndro nudatu bāhumān |

(AVŚ\_1,7.4c) brávitu sárvo yātumān ayám asmíty étya ||4||

(AVŚ\_1,7.5a) páśyāma te vīryaṃ jātavedaḥ prá ṇo brūhi yātudhānān  
nṛcakṣaḥ |

(AVŚ\_1,7.5c) tváyā sárve páritaptāḥ purástāt tá á yantu prabruvāṇá  
úpedám ||5||

(AVŚ\_1,7.6a) á rabhasva jātavedo 'smákárthāya jajñise |

(AVŚ\_1,7.6c) dūtó no agne bhūtvá yātudhānān ví lāpaya ||6||

(AVŚ\_1,7.7a) tvám agne yātudhānān úpabaddhāṃ ihá vaha |

(AVŚ\_1,7.7c) áthaiṣām índro vājreṇāpi śīrṣāṇi vṛścatu ||7||

(AVŚ\_1,8.1a) idám havír yātudhānān nādí phénam ivá vahat |  
(AVŚ\_1,8.1c) yá idám strī púmān ákar ihá sá stuvatām jánaḥ ||1||

(AVŚ\_1,8.2a) ayám stuvāná ágamad imám sma prāti haryata |  
(AVŚ\_1,8.2c) bṛhaspate váse labdhvāgnīṣomā ví vidhyatam ||2||

(AVŚ\_1,8.3a) yātudhānasya somapa jahí prajám náyasva ca |  
(AVŚ\_1,8.3c) ní stuvānasya pātaya páram ákṣy utávaram ||3||

(AVŚ\_1,8.4a) yátraīṣām agne jánimāni véttha gúhā satām attrīṇām  
jātavedaḥ |  
(AVŚ\_1,8.4c) táms tvám bráhmaṇā vāvṛdhānó jahy èṣām  
śatatārham agne ||4||

(AVŚ\_1,9.1a) asmín vásu vásavo dhārayantv índraḥ pūṣā váruṇo  
mitró agníḥ |  
(AVŚ\_1,9.1c) imám ādityā utá víśve ca devā úttarasmin jyótiṣi  
dhārayantu ||1||

(AVŚ\_1,9.2a) asyá devāḥ pradísi jyótir astu sūryo agnír utá vā  
híraṇyam |  
(AVŚ\_1,9.2c) sapátnā asmád ádhare bhavantūttamám nákam ádhi  
rohayemám ||2||

(AVŚ\_1,9.3a) yénéndrāya samábharaḥ páyāṃsy uttaména  
bráhmaṇā jātavedaḥ |  
(AVŚ\_1,9.3c) téna tvám agna ihá vardhayemám sajātānām śráiṣṭhya  
á dhehy enam ||3||

(AVŚ\_1,9.4a) áiṣām yajñám utá várco dade 'háṃ rāyás póṣam utá  
cittāny agne |  
(AVŚ\_1,9.4c) sapátnā asmád ádhare bhavantūttamám nákam ádhi  
rohayemám ||4||

(AVŚ\_1,10.1a) ayám devānām ásuro ví rājati vāsā hí satyā  
váruṇasya rájṇaḥ |  
(AVŚ\_1,10.1c) tátas pári bráhmaṇā śásadāna ugrásya manyór úd  
imám nayāmi ||1||

(AVŚ\_1,10.2a) námas te rajan varuṇāstu manyáve víśvaṃ hy ùgra  
nicikéṣi drugdhám |

(AVŚ\_1,10.2c) sahásram anyān prá suvāmi sākāṃ śatāṃ jīvāti  
śarādas tāvāyām ||2||

(AVŚ\_1,10.3a) yád uvákthāṇṛtam jihváyā vṛjinám bahú |  
(AVŚ\_1,10.3c) rájñas tvā satyádharmaṇo muñcāmi váruṇād ahám ||  
3||

(AVŚ\_1,10.4a) muñcāmi tvā vaiśvānarād arṇavān mahatás pári |  
(AVŚ\_1,10.4c) sajātān ugrehá vada bráhma cápa cikīhi naḥ ||4||

(AVŚ\_1,11.1a) váṣaṭ te pūṣann asmínt sūtāv aryamá hótā kṛṇotu  
vedhāḥ |  
(AVŚ\_1,11.1c) sísratām nāry ṛtāprajātā ví párvāṇi jihatām sūtavā u ||  
1||

(AVŚ\_1,11.2a) cátasro divāḥ pradíśas cátasro bhúmyā utá |  
(AVŚ\_1,11.2c) devā gárbhaṃ sám airayan tám vy ūṇuvantu sūtave  
||2||

(AVŚ\_1,11.3a) sūṣā vy ūṇotu ví yóniṃ hāpayāmasi |  
(AVŚ\_1,11.3c) śratháyā sūṣaṇe tvám áva tvám biṣkale sṛja ||3||

(AVŚ\_1,11.4a) néva māmsé ná pívasi néva majjásv áhatam |  
(AVŚ\_1,11.4c) ávaitu pṛśni sévalam súne jaráyv áttavé 'va jaráyu  
padyatām ||4||

(AVŚ\_1,11.5a) ví te bhinadmi méhanaṃ ví yóniṃ ví gavínike |  
(AVŚ\_1,11.5c) ví mātāraṃ ca putráṃ ca ví kumārāṃ jaráyuṇāva  
jaráyu padyatām ||5||

(AVŚ\_1,11.6a) yáthā vāto yáthā máno yáthā pátanti pakṣiṇaḥ |  
(AVŚ\_1,11.6c) evā tvám daśamāsyā sākāṃ jaráyuṇā patāva jaráyu  
padyatām ||6||

(AVŚ\_1,12.1a) jarāyujāḥ prathamá usríyo vṛṣā vātābhrajā stanáyann  
eti vṛṣtyā |  
(AVŚ\_1,12.1c) sá no mṛḍāti tanvā ṛjugó ruján yá ékam ójas tredhá  
vicakramé ||1||

(AVŚ\_1,12.2a) áṅgeaṅge śociṣā śísriyāṇām namasyántas tvā havíṣā  
vidhema |  
(AVŚ\_1,12.2c) añkánt samañkán havíṣā vidhema yó ágrabhīt  
párvāsyā grábhītā ||2||

(AVŚ\_1,12.3a) muñcá śīrṣaktyā utá kāsá enaṃ páruṣparur āvivésā

yó asya |

(AVŚ\_1,12.3c) yó abhrajá vātajá yás ca súṣmo vānaspátīnt sacatām  
párvatāmś ca ||3||

(AVŚ\_1,12.4a) sám me párasmai gātrāya sám astv ávarāya me |

(AVŚ\_1,12.4c) sám me catúrbhyo áṅgebhyaḥ sám astu tanvè máma  
||4||

(AVŚ\_1,13.1a) námas te astu vidyúte námas te śtanayitnáve |

(AVŚ\_1,13.1c) námas te astv áśmane yénā dūḍāśe ásyasi ||1||

(AVŚ\_1,13.2a) námas te pravato napād yátas tápaḥ samúhasi |

(AVŚ\_1,13.2c) mṛḍáyā nas tanúbhyo máyas tokébhyas kṛdhi ||2||

(AVŚ\_1,13.3a) právato napān náma evástu túbhyaṃ námas te  
hetáye tápuṣe ca kṛṇmaḥ |

(AVŚ\_1,13.3c) vidmá te dhāma paramám gúhā yát samudré antár  
níhitāsi nábhiḥ ||3||

(AVŚ\_1,13.4a) yām tvā devá ásrjanta víśva íṣum kṛṇvāná ásanāya  
dhr̥ṣṇúm |

(AVŚ\_1,13.4c) sá no mṛḍa vidáthe gṛṇāná tásyai te námo astu devi  
||4||

(AVŚ\_1,14.1a) bhágam asyā vārca ádiṣy ádhi vṛkṣád iva srájam |

(AVŚ\_1,14.1c) mahābudhna iva párvato jyók pitṛṣv āstām ||1||

(AVŚ\_1,14.2a) eṣá te rājan kanyā vadhúr ní dhūyatām yama |

(AVŚ\_1,14.2c) sá mātúr badhyatām gṛhé 'tho bhrátur átho pitúḥ ||2||

(AVŚ\_1,14.3a) eṣá te kulapá rājan tám u te pári dadmasi |

(AVŚ\_1,14.3c) jyók pitṛṣv āsātā á śīrṣnáḥ sámópyāt ||3||

(AVŚ\_1,14.4a) ásitasya te bráhmaṇā kaśyápasya gáyasya ca |

(AVŚ\_1,14.4c) antaḥkośám iva jāmáyó 'pi nahyāmi te bhágam ||4||

(AVŚ\_1,15.1a) sám sám sravantu síndhavaḥ sám vātāḥ sám  
patatrīṇaḥ |

(AVŚ\_1,15.1c) imóṃ yajñám pradívo me juṣantām saṃsrāvyèṇa  
havíṣā juhomi ||1||

(AVŚ\_1,15.2a) iháivá hávam á yāta ma ihá saṃsrāvaṇā utémám  
vardhayatā giraḥ |



(AVŚ\_1,15.2c) iháitu sárvo yáh paśúr asmín tiṣṭhatu yá rayíḥ ||2||

(AVŚ\_1,15.3a) yé nadínāṃ saṃsrávanty útsāsaḥ sádam ákṣitāḥ |  
(AVŚ\_1,15.3c) tébhir me sárvaiḥ saṃsrāváir dhánaṃ sám  
srāvayāmasi ||3||

(AVŚ\_1,15.4a) yé sarpíṣaḥ saṃsrávanti kṣīrásya codakásya ca  
(AVŚ\_1,15.4b) tébhir me sárvaiḥ saṃsrāváir dhánaṃ sám  
srāvayāmasi ||4||

(AVŚ\_1,16.1a) yé 'māvāsyāṃ rátrim udásthur vrājám attríṇaḥ |  
(AVŚ\_1,16.1c) agnís turíyo yātuhá só asmábhyam ádhi bravat ||1||

(AVŚ\_1,16.2a) sísāyādhy āha váruṇaḥ sísāyāgnír úpāvati |  
(AVŚ\_1,16.2c) sísam ma índraḥ práyachat tát aṅgá yātucátanam ||  
2||

(AVŚ\_1,16.3a) idám víṣkandham sahata idám bādhate attríṇaḥ |  
(AVŚ\_1,16.3c) anéna víśvā sasahe yá jātāni piśācyāḥ ||3||

(AVŚ\_1,16.4a) yádi no gāṃ háṃsi yády áśvaṃ yádi pūruṣam |  
(AVŚ\_1,16.4c) tám tvā sísena vidhyāmo yáthā nó 'so ávīrahā ||4||

(AVŚ\_1,17.1a) amúr yá yánti yoṣíto hirá lóhitavāsasaḥ |  
(AVŚ\_1,17.1c) abhrátara iva jāmáyas tiṣṭhantu hatávarcasaḥ ||1||

(AVŚ\_1,17.2a) tiṣṭhāvare tiṣṭha para utá tvám tiṣṭha madhyame |  
(AVŚ\_1,17.2c) kaniṣṭhiká ca tiṣṭhati tiṣṭhād íd dhamánir mahí ||2||

(AVŚ\_1,17.3a) śatásya dhamánīnāṃ sahásrasya hirāṇām |  
(AVŚ\_1,17.3c) ásthur ín madhyamá imáḥ sākám ántā araṃsata ||3||

(AVŚ\_1,17.4a) pári vaḥ síkatāvatī dhanúr bṛhaty àkramīt |  
(AVŚ\_1,17.4c) tiṣṭhateláyatā sú kam ||4||

(AVŚ\_1,18.1a) nír lakṣmyāṃ lalāmyāṃ nír árātiṃ suvāmasi |  
(AVŚ\_1,18.1c) átha yá bhadrá táni naḥ prajáyā árātiṃ nayāmasi ||1||

(AVŚ\_1,18.2a) nír áraṇiṃ savitá sāviṣak padór nír hástayor váruṇo  
mitró aryamá |  
(AVŚ\_1,18.2c) nír asmábhyam ánumatī rárāṇā prémāṃ devā  
asāviṣuḥ sáubhagāya ||2||

(AVŚ\_1,18.3a) yát ta ātmáni tanvāṃ ghorám ásti yád vā kéśeṣu

praticákṣaṇe vā |

(AVŚ\_1,18.3c) sárvaṃ tát vācāpa hanmo vayám devás tvā savitá  
sūdayatu ||3||

(AVŚ\_1,18.4a) ríśyapadīm vṛṣadatīm goṣedhām vidhamām utá |

(AVŚ\_1,18.4c) vilīḍhyām lalāmyām tá asmán nāśayāmasi ||4||

(AVŚ\_1,19.1a) mā no vidan vivyādhíno mó abhivyādhíno vidan |

(AVŚ\_1,19.1c) ārác charavyā asmád víśūcīr indra pātaya ||1||

(AVŚ\_1,19.2a) víśvañco asmác cháravaḥ patantu yé astá yé cāsyāḥ |

(AVŚ\_1,19.2c) daivīr manuṣyesavo māmāmitrān ví vidhyata ||2||

(AVŚ\_1,19.3a) yó naḥ svó yó áraṇaḥ sajātá utá níṣṭyo yó asmāñ  
abhidāsati |

(AVŚ\_1,19.3c) rudráḥ śaravyāyaitān māmāmítrān ví vidhyatu ||3||

(AVŚ\_1,19.4a) yáḥ sapátno yó 'sapatno yás ca dviśán chápāti naḥ |

(AVŚ\_1,19.4c) devás tám sárve dhūrvantu bráhma várma  
māmāntaram ||4||

(AVŚ\_1,20.1a) ádārasṛd bhavatu deva somāsmín yajñé maruto  
mṛdātā naḥ |

(AVŚ\_1,20.1c) mā no vidad abhibhá mó áśastir mā no vidad vṛjiná  
dvéṣyā yá ||1||

(AVŚ\_1,20.2a) yó adyá sényo vadhó 'ghāyūnām udírate |

(AVŚ\_1,20.2c) yuvám tám mitrāvaruṇāv asmád yāvayataṃ pári ||2||

(AVŚ\_1,20.3a) itás ca yád amútaś ca yád vadhám varuṇa yāvaya |

(AVŚ\_1,20.3c) ví mahác chárma yacha váriyo yāvayā vadhám ||3||

(AVŚ\_1,20.4a) śásá itthá maháñ asy amitrasāhó astṛtāḥ |

(AVŚ\_1,20.4c) ná yásya hanyáte sákhā ná jīyáte kadā caná ||4||

(AVŚ\_1,21.1a) svastidá viśám pátir vṛtrahá vimṛdhó vaśí |

(AVŚ\_1,21.1c) vṛṣéndraḥ purá etu náḥ somapá abhayaṃkarāḥ ||1||

(AVŚ\_1,21.2a) ví na índra mṛdho jahi nīcá yacha pṛtanyatáḥ |

(AVŚ\_1,21.2c) adhamám gamayā támo yó asmāñ abhidāsati ||2||

(AVŚ\_1,21.3a) ví rákṣo ví mṛdho jahi ví vṛtrásya hánū ruja |

(AVŚ\_1,21.3c) ví manyúm indra vṛtrahann amítrasyābhidāsataḥ ||3||

(AVŚ\_1,21.4a) ápendra dviṣató máno 'pa jíjyāsato vadhám |  
(AVŚ\_1,21.4c) ví mahác chárma yacha várīyo yāvayā vadhám ||4||

(AVŚ\_1,22.1a) ánu sūryam úd ayatām hṛddiyotó harimá ca te |  
(AVŚ\_1,22.1c) gó róhitasya várṇena téna tvā pári dadhmasi ||1||

(AVŚ\_1,22.2a) pári tvā róhitair várṇair dīrghāyutváya dadhmasi |  
(AVŚ\_1,22.2c) yáthāyám arapá ásad átho áharito bhúvat ||2||

(AVŚ\_1,22.3a) yá róhiṇī devatyā gāvo yá utá róhiṇī |  
(AVŚ\_1,22.3c) rūpām rūpaṃ váyovayas tábhiḥ tvā pári dadhmasi ||3||

(AVŚ\_1,22.4a) súkeṣu te harimāṇaṃ ropāṇākāsu dadhmasi |  
(AVŚ\_1,22.4c) átho háridraveṣu te harimāṇaṃ ní dadhmasi ||4||

(AVŚ\_1,23.1a) naktamjātási oṣadhe ráme kṛṣṇe ásikni ca |  
(AVŚ\_1,23.1c) idám rajani rajaya kilāsaṃ palitám ca yát ||1||

(AVŚ\_1,23.2a) kilāsaṃ ca palitám ca nír itó nāsayā pṛṣat |  
(AVŚ\_1,23.2c) á tvā svó viśatām várṇaḥ párā súklāni pātaya ||2||

(AVŚ\_1,23.3a) ásitam te praláyanam āsthānam ásitam táva |  
(AVŚ\_1,23.3c) ásiknī asy oṣadhe nír itó nāsayā pṛṣat ||3||

(AVŚ\_1,23.4a) asthijásya kilāsasya tanūjásya ca yát tvací |  
(AVŚ\_1,23.4c) dúṣyā kṛtásya bráhmaṇā lákṣma śvetám anīnaśam ||4||

(AVŚ\_1,24.1a) suparṇó jātáḥ prathamás tásya tvám pittám āsitha |  
(AVŚ\_1,24.1c) tát āsurí yudhá jitá rūpám cakre vānaspátin ||1||  
(AVŚ\_1,24.2a) āsurí cakre prathamédám kilāsabheṣajám idám  
kilāsanāśanam |  
(AVŚ\_1,24.2c) ánīnaśat kilāsaṃ sárūpām akarat tvácam ||2||

(AVŚ\_1,24.3a) sárūpā náma te mātá sárūpo náma te pitá |  
(AVŚ\_1,24.3c) sarūpakṛt tvám oṣadhe sá sárūpam idám kṛdhi ||3||

(AVŚ\_1,24.4a) śyāmá sarūpaṃkáraṇī pṛthivyā ádhy údbhṛtā |  
(AVŚ\_1,24.4c) idám ū ṣu prá sādahaya púnā rūpāni kalpayā ||4||

(AVŚ\_1,25.1a) yád agnír ápo ádahat pravísya yátrākṛṇvan  
dharmadhṛto námāṃsi |

(AVŚ\_1,25.1c) tátta ta āhuḥ paramāṃ janítram sá naḥ saṃvidván  
pári vṛṇgdhi takman ||1||

(AVŚ\_1,25.2a) yády arcír yádi vási śocíḥ śakalyeśi yádi vā te  
janítram |  
(AVŚ\_1,25.2c) hrúḍur námāsi haritasya deva sá naḥ saṃvidván pári  
vṛṇgdhi takman ||2||

(AVŚ\_1,25.3a) yádi śokó yádi vābhiśokó yádi vā rájño váruṇasyāsi  
putráḥ |  
(AVŚ\_1,25.3c) hrúḍur námāsi haritasya deva sá naḥ saṃvidván pári  
vṛṇgdhi takman ||3||

(AVŚ\_1,25.4a) námaḥ śítāya takmāne námo rūrāya śocíṣe kṛṇomi |  
(AVŚ\_1,25.4c) yó anyedyúr ubhayadyúr abhyéti tṛtīyakāya námo  
astu takmāne ||4||

(AVŚ\_1,26.1a) āre 'sāv asmád astu hetír devāso asat |  
(AVŚ\_1,26.1c) āre ásmā yám ásyatha ||1||

(AVŚ\_1,26.2a) sákhāsāv asmábhyam astu rātíḥ sákhéndro bhágaḥ |  
(AVŚ\_1,26.2c) savitā citrārādhāḥ ||2||

(AVŚ\_1,26.3a) yūyám naḥ pravato napān mārutaḥ sūryatvacasaḥ |  
(AVŚ\_1,26.3c) śárma yachatha sapráthāḥ ||3||

(AVŚ\_1,26.4a) suṣūdāta mṛḍāta mṛḍáyā nas tanúbhyo |  
(AVŚ\_1,26.4c) máyas tokébhyas kṛdhí ||4||

(AVŚ\_1,27.1a) amúḥ pāre pṛdākvàs triṣaptā nírjarāyavaḥ |  
(AVŚ\_1,27.1c) tāsām jarāyubhir vayám akṣyāv āpi vyayāmasy  
aghāyóḥ paripanthínaḥ ||1||

(AVŚ\_1,27.2a) víṣūcy etu kṛntatí pínākam iva bíbhratī |  
(AVŚ\_1,27.2c) víṣvak punarbhúvā mánó 'samṛddhā aghāyávaḥ ||2||

(AVŚ\_1,27.3a) ná bahávaḥ sám aśakan nárbhakā abhí dādhṛṣuḥ |  
(AVŚ\_1,27.3c) veṇór ádgā ivābhító 'samṛddhā aghāyávaḥ ||3||

(AVŚ\_1,27.4a) prétaṃ pādaḥ prá sphurataṃ váhataṃ pṛṇató gṛhān |  
(AVŚ\_1,27.4c) indrāny ètu prathamájítāmuṣitā puráḥ ||4||

(AVŚ\_1,28.1a) úpa práḡād devó agní rakṣohāmīvacátanaḥ |  
(AVŚ\_1,28.1c) dāhann ápa dvayāvíno yātudhānān kimīdínaḥ ||1||

(AVŚ\_1,28.2a) prāti daha yātudhānān prāti deva kimīdīnaḥ |  
(AVŚ\_1,28.2c) pratīcīḥ kṛṣṇavartane sām daha yātudhānyāḥ ||2||

(AVŚ\_1,28.3a) yā śaśāpa śāpanena yāghām mūram ādadhé |  
(AVŚ\_1,28.3c) yā rāsasya hāraṇāya jātām ārebhé tokām attu śā ||3||

(AVŚ\_1,28.4a) putrām attu yātudhānīḥ svāsāram utā napyām |  
(AVŚ\_1,28.4c) ādhā mithó vikeśyò ví ghnatām yātudhānyò ví  
tr̥hyantām arāyyāḥ ||4||

(AVŚ\_1,29.1a) abhīvartēna maṇínā yénéndro abhivaṇṛdhé |  
(AVŚ\_1,29.1c) ténāsmān brahmaṇas pate 'bhí rāṣṭráya vardhaya ||  
1||

(AVŚ\_1,29.2a) abhivṛtya sapātnān abhí yā no árātayaḥ |  
(AVŚ\_1,29.2c) abhí pṛtanyāntam tiṣṭhābhí yó no durasyāti ||2||

(AVŚ\_1,29.3a) abhí tvā devāḥ savitābhí śómo avīṇṛdhat |  
(AVŚ\_1,29.3c) abhí tvā víśvā bhūtāny abhīvartó yāthāsasi ||3||

(AVŚ\_1,29.4a) abhīvartó abhibhavāḥ sapatnakṣāyaṇo maṇīḥ |  
(AVŚ\_1,29.4c) rāṣṭráya máhyaṁ badhyatām sapátnebhyaḥ  
parābhúve ||4||

(AVŚ\_1,29.5a) úd asáu sūryo agād úd idām māmakām vácaḥ |  
(AVŚ\_1,29.5c) yāthāhām śatruhó 'sāny asapatnáḥ sapatnahā ||5||

(AVŚ\_1,29.6a) sapatnakṣāyaṇo viśābhíraṣṭro viśāsahíḥ |  
(AVŚ\_1,29.6c) yāthāhām eṣām vīrāṇām virājāni jánasya ca ||6||

(AVŚ\_1,30.1a) víśve devā vásavo rákṣatemám utáidityā jāgrtá  
yūyám asmín |  
(AVŚ\_1,30.1c) mémām sánābhir utá vānyānābhir mémām prāpat  
páuruṣeyo vadhó yāḥ ||1||

(AVŚ\_1,30.2a) yé vo devāḥ pitáro yé ca putráḥ sácetaso me  
śṛṇutedám uktám |  
(AVŚ\_1,30.2c) sárvebhyo vaḥ pári dadāmy etām svasty ènaṁ jaráse  
vahātha ||2||

(AVŚ\_1,30.3a) yé devā diví ṣṭhá yé pṛthivyām yé antárikṣa óṣadhīṣu  
paśúṣv apsv àntáḥ |  
(AVŚ\_1,30.3c) té kṛṇuta jarásam áyur asmái śatám anyān pári  
vṛṇaktu mṛtyún ||3||

(AVŚ\_1,30.4a) yéṣāṃ prayājá utá vānuyājá hutábhāgā ahutádaś ca devāḥ |

(AVŚ\_1,30.4c) yéṣāṃ vaḥ páñca pradíśo víbhaktās tān vo asmái satrasádaḥ kṛṇomi ||4||

(AVŚ\_1,31.1a) áśānām āśāpālébhyaś catúrbhyo amṛtebhyaḥ |

(AVŚ\_1,31.1c) idám bhūtásyādhyakṣebhyo vidhéma havíṣā vayám ||1||

(AVŚ\_1,31.2a) yá áśānām āśāpālās catvāra sthána devāḥ |

(AVŚ\_1,31.2c) té no nírṭyāḥ páśebhyo muñcátāmhasoamhasaḥ ||2||

(AVŚ\_1,31.3a) ásrāmas tvā havíṣā yajāmy áśloṇas tvā ghr̥téna juhomi |

(AVŚ\_1,31.3c) yá áśānām āśāpālās turíyo devāḥ sá naḥ subhūtám ehá vakṣat ||3||

(AVŚ\_1,31.4a) svastí mātṛá utá pitré no astu svastí góbhyo jágate púruṣebhyaḥ |

(AVŚ\_1,31.4c) víśvam subhūtám suvidátram no astu jyóg evá dṛśema súryam ||4||

(AVŚ\_1,32.1a) idám janáśo vidátha mahád bráhma vadiṣyati |

(AVŚ\_1,32.1c) ná tát pṛthivyām no diví yéna prāṇánti vīrúdhaḥ ||1||

(AVŚ\_1,32.2a) antárikṣa āsām stháma śrāntasádām iva |

(AVŚ\_1,32.2c) āsthānam asyá bhūtásya vidúṣ tād vedháso ná vā ||2||

(AVŚ\_1,32.3a) yád ródasī réjamāne bhūmíś ca nirátakṣatam |

(AVŚ\_1,32.3c) ārdṛám tād adyá sarvadā samudrásyeva śrotyāḥ ||3||

(AVŚ\_1,32.4a) víśvam anyām abhīvāra tād anyáśyām ádhi śritám |

(AVŚ\_1,32.4c) divé ca víśvávedase pṛthivyái cākaram námaḥ ||4||

(AVŚ\_1,33.1a) híraṇyavarṇāḥ súcayaḥ pāvakā yásu jātáḥ savitá yásv agníḥ |

(AVŚ\_1,33.1c) yá agníṃ gárbham dadhiré suvárṇās tá na āpaḥ sám syonā bhavantu ||1||

(AVŚ\_1,33.2a) yásām rájā váruṇo yāti mādhye satyānṛté avapáśyan jánānām |

(AVŚ\_1,33.2c) yá agníṃ gárbham dadhiré suvárṇās tá na āpaḥ sám

syonā bhavantu ||2||

(AVŚ\_1,33.3a) yāsāṃ devā diví kṛṇvānti bhakṣāṃ yā antárikṣe  
bahudhā bhavanti |

(AVŚ\_1,33.3c) yā agníṃ gárbhaṃ dadhiré suvárṇās tá na āpaḥ sám  
syonā bhavantu ||3||

(AVŚ\_1,33.4a) śívēna mā cákṣuṣā paśyatāpaḥ śíváyā tanvópa  
sprśata tvácaṃ me |

(AVŚ\_1,33.4c) ghṛtaścútaḥ súcayo yāḥ pāvakās tá na āpaḥ sám  
syonā bhavantu ||4||

(AVŚ\_1,34.1a) iyāṃ vīrún mádhujātā mádhunā tvā khanāmasi |

(AVŚ\_1,34.1c) mádhor ádhi prájātāsi sá no mádhumatas kṛdhi ||1||

(AVŚ\_1,34.2a) jihvāyā ágre mádhu me jihvāmūlé madhūlakam |

(AVŚ\_1,34.2c) máméd áha krátāv áso máma cittám upáyasi ||2||

(AVŚ\_1,34.3a) mádhuman me níkrāmaṇaṃ mádhuman me  
parāyaṇam |

(AVŚ\_1,34.3c) vācā vadāmi mádhumad bhūyāsaṃ mádhusaṃdṛśaḥ  
||3||

(AVŚ\_1,34.4a) mádhor asmi mádhutaro madúghān mádhumattaraḥ |

(AVŚ\_1,34.4c) mám ít kíla tvāṃ vānāḥ śákhāṃ mádhumatīm iva ||  
4||

(AVŚ\_1,34.5a) pári tvā paritatnúnekṣúnāgām ávidviṣe |

(AVŚ\_1,34.5c) yáthā mām kamíny áso yáthā mán nāpagā ásaḥ ||5||

(AVŚ\_1,35.1a) yád ābadhnan dākṣāyaṇā hiraṇyaṃ śatānīkāya  
sumanasyāmānāḥ |

(AVŚ\_1,35.1c) tát te badnāmy áyuṣe várcase bálāya dīrghāyutváya  
śatáśāradāya ||1||

(AVŚ\_1,35.2a) náinaṃ rákṣāṃsi ná piśācāḥ sahante devānām ójaḥ  
prathamajám hy ètát |

(AVŚ\_1,35.2c) yó bíbharti dākṣāyaṇāṃ hiraṇyaṃ sá jīvéṣu kṛṇute  
dīrghám áyuh ||2||

(AVŚ\_1,35.3a) apām téjo jyótir ójo bálaṃ ca vānaspátīnām utá  
vīryāṇi |

(AVŚ\_1,35.3c) índra ivendriyāṇy ádhi dhārayāmo asmín tát  
dákṣamāṇo bibharad dhíraṇyam ||3||

(AVŚ\_1,35.4a) sámānāṃ māsām ṛtúbhiḥ tvā vayāṃ saṃvatsarásya

páyasā piparmi |  
(AVŚ\_1,35.4c) indrāgní víśve devās té 'nu manyantām  
áhr̥ṇīyamānāḥ ||4||

(AVŚ\_2,1.1a) venás tát paśyat paramám gúhā yád yátra víśvaṃ  
bhávaty ékarūpam |  
(AVŚ\_2,1.1c) idám pś̥nir aduhaj jáyamānāḥ svarvído abhy ànūṣata  
vrāḥ ||1||

(AVŚ\_2,1.2a) prá tát voced amṛtasya vidván gandharvó dhāma  
paramám gúhā yát |  
(AVŚ\_2,1.2c) trīṇi padāni níhitā gúhāsyā yás tāni véda sá pitúṣ  
pitāsāt ||2||

(AVŚ\_2,1.3a) sá naḥ pitá janitá sá utá bándhur dhāmāni veda  
bhúvanāni víśvā |  
(AVŚ\_2,1.3c) yó devānām nāmadhá éka evá táṃ sampraśnám  
bhúvanā yanti sárvā ||3||

(AVŚ\_2,1.4a) pári dyāvāpṛthiví sadyá āyam úpātiṣṭhe prathamajām  
ṛtasya |  
(AVŚ\_2,1.4c) vācam iva vaktári bhuvaneṣṭhá dhāsyúr eṣá nanv eṣó  
agníḥ ||4||

(AVŚ\_2,1.5a) pári víśvā bhúvanāny āyam ṛtasya tántuṃ vítataṃ  
dṛśé kām |  
(AVŚ\_2,1.5c) yátra devā amṛtam ānaśānāḥ samāné yónāv ádhy  
áirayānta ||5||

(AVŚ\_2,2.1a) divyó gandharvó bhúvanasya yás pátir éka evá  
namasyò vikṣv ídyaḥ |  
(AVŚ\_2,2.1c) táṃ tvā yaumi bráhmaṇā divya deva námas te astu  
diví te sadhásthām ||1||

(AVŚ\_2,2.2a) diví spr̥ṣṭó yajatáḥ súryatvag avayātá háraso  
dāivyasya |  
(AVŚ\_2,2.2c) mṛḍāt gandharvó bhúvanasya yás pátir éka evá  
namasyāḥ suśévāḥ ||2||

(AVŚ\_2,2.3a) anavadyābhiḥ sám u jagma ābhir apsarāsv ápi  
gandharvá āsīt |  
(AVŚ\_2,2.3c) samudrá āsām sádanaṃ ma āhur yátaḥ sadyá á ca  
pārā ca yānti ||3||

(AVŚ\_2,2.4a) ábhriye dídyun náksatriye yá víśvāvasuṃ gandharvám



sácadhve |

(AVŚ\_2,2.4c) tábhyo vo devīr náma ít kṛṇomi ||4||

(AVŚ\_2,2.5a) yāḥ klandās támiṣīcayo 'kṣákāmā manomúhaḥ |

(AVŚ\_2,2.5c) tábhyo gandharvábhyo 'psarábhyo 'karam námaḥ ||5||

(AVŚ\_2,3.1a) adó yád avadhāvaty avatkām ádhi párvatāt |

(AVŚ\_2,3.1c) tát te kṛṇomi bheṣajám súbheṣajam yáthāsasi ||1||

(AVŚ\_2,3.2a) ád aṅgá kuvíd aṅgá śatám yā bheṣajāni te |

(AVŚ\_2,3.2c) téṣām asi tvám uttamám anāsrāvám árogaṇam ||2||

(AVŚ\_2,3.3a) nīcáiḥ khananty ásurā arusrāṇam idám mahát |

(AVŚ\_2,3.3c) tát āsrāvāsya bheṣajám tát u rógam anīnaśat ||3||

(AVŚ\_2,3.4a) upajīkā úd bharanti samudrād ádhi bheṣajám |

(AVŚ\_2,3.4c) tát āsrāvāsya bheṣajám tát u rógam aśīśamat ||4||

(AVŚ\_2,3.5a) arusrāṇam idám mahát pṛthivyā ádhy údbhṛtam |

(AVŚ\_2,3.5c) tát āsrāvāsya bheṣajám tát u rógam anīnaśat ||5||

(AVŚ\_2,3.6a) śám no bhavantv apá óṣadhayaḥ śivāḥ |

(AVŚ\_2,3.6c) índrasya vájro ápa hantu rakṣása ārád vísr̥ṣṭā íṣavaḥ  
patantu rakṣásām ||6||

(AVŚ\_2,4.1a) dīrghāyutvāya bṛhaté ráṇāyāriṣyanto dákṣamāṇāḥ  
sádaivá |

(AVŚ\_2,4.1c) maṇím viṣkandhadúṣaṇam jaṅgiḍám bibhṛmo vayám ||  
1||

(AVŚ\_2,4.2a) jaṅgiḍó jambhād viśarād viṣkandhād abhiśócanāt |

(AVŚ\_2,4.2c) maṇíḥ sahásravīryaḥ pári ṇaḥ pātu viśvataḥ ||2||

(AVŚ\_2,4.3a) ayám viṣkandham sahate 'yám bādhaté attríṇaḥ |

(AVŚ\_2,4.3c) ayám no viśvábheṣajo jaṅgiḍáḥ pātv āṃhasaḥ ||3||

(AVŚ\_2,4.4a) deváir datténa maṇínā jaṅgiḍéna mayobhúvā |

(AVŚ\_2,4.4c) viṣkandham sárva rákṣāṃsi vyāyāmé sahāmahe ||4||

(AVŚ\_2,4.5a) śaṇás ca mā jaṅgiḍás ca viṣkandhād abhí rakṣatām |

(AVŚ\_2,4.5c) áraṇyād anyá ábhṛtaḥ kṛṣyā anyó rásebhyaḥ ||5||

(AVŚ\_2,4.6a) kṛtyādúṣir ayám maṇír átho arātidúṣiḥ |

(AVŚ\_2,4.6c) átho sáhasvān jaṅgiḍáḥ prá ṇa áyumuṣi tāriṣat ||6||

(AVŚ\_2,5.1a) índra juṣásva prá vahá yāhi śūra háribhyām |  
(AVŚ\_2,5.1c) píbā sutásya maté ihá madhós cakānás cārur mādāya ||1||

(AVŚ\_2,5.2a) índra jaṭhāraṃ navyó ná pṛṇásva mādhor divó ná |  
(AVŚ\_2,5.2c) asyá sutásya svār ṇópa tvā mādāḥ suvāco aguḥ ||2||

(AVŚ\_2,5.3a) índras turāṣāṇ mitró vṛtrāṃ yó jaghána yatír ná |  
(AVŚ\_2,5.3c) bibhéda valāṃ bhṛgur ná sasahe śátrūn máde sómasya ||3||

(AVŚ\_2,5.4a) á tvā viśantu sutása indra pṛṇásva kukṣí viḍḍhí śakra dhiyēhy á naḥ |  
(AVŚ\_2,5.4c) śrudhí hávaṃ gíro me juṣasvéndra svayúgbhir mátsvehá mahé ráṇāya ||4||

(AVŚ\_2,5.5a) índrasya nú prá vocaṃ vīryāṇi yāni cakāra prathamāni vajrí |  
(AVŚ\_2,5.5c) áhann áhim ánu apás tatarda prá vakṣāṇā abhinat párvatānām ||5||

(AVŚ\_2,5.6a) áhann áhim párvate śísriyāṇaṃ tváṣṭāsmāi vájraṃ svaryāṃ tatakṣa |  
(AVŚ\_2,5.6c) vāśrá iva dhenávaḥ syándamānā áñjaḥ samudráṃ áva jagmūr ápaḥ ||6||

(AVŚ\_2,5.7a) vṛṣāyámāṇo avṛṇīta sómaṃ tríkadrúkeṣu apibat sutásya |  
(AVŚ\_2,5.7c) á sáyakaṃ maghávādatta vájraṃ áhann enaṃ prathamajám áhīnām ||7||

(AVŚ\_2,6.1a) sámās tvāgna ṛtávo vardhayantu saṃvatsará ṛṣayo yāni śatyā |  
(AVŚ\_2,6.1c) sám divyéna dīdihi rocanéna vísvā á māhi pradíśas cātasraḥ ||1||

(AVŚ\_2,6.2a) sám cedhyásvāgne prá ca vardhayemám úc ca tiṣṭha mahaté saubhagāya |  
(AVŚ\_2,6.2c) mā te riṣann upasattāro agne brahmāṇas te yaśásaḥ santu mányé ||2||

(AVŚ\_2,6.3a) tvām agne vṛṇate brāhmaṇá imé śívó agne saṃváraṇe bhavā naḥ |  
(AVŚ\_2,6.3c) sapatnahāgne abhimātijíd bhava své gáye jāgṛhy áprayuchan ||3||

(AVŚ\_2,6.4a) kṣatrēṇāgne svēna sām rabhasva mitrēṇāgne  
mitradhā yatasva |  
(AVŚ\_2,6.4c) sajātānām madhyameṣṭhā rājñām agne vihávyo  
dīdihīhá ||4||

(AVŚ\_2,6.5a) áti ního áti sṛdhó 'ty ácittīr áti dvīṣaḥ |  
(AVŚ\_2,6.5c) víśvā hy āgne duritā tára tvám áthāsmábhyam  
sahāvīram rayīm dāḥ ||5||

(AVŚ\_2,7.1a) aghādviṣṭā devájātā vīrúc chapathayópanī |  
(AVŚ\_2,7.1c) ápo málam iva prāṇaikṣīt sárván mác chapáthāṁ ádhi  
||1||

(AVŚ\_2,7.2a) yás ca sāpatnáḥ śapátho jāmyáḥ śapáthaś ca yáḥ |  
(AVŚ\_2,7.2c) brahmā yán manyutáḥ śápāt sárvaṁ tán no  
adhaspadám ||2||

(AVŚ\_2,7.3a) divó mūlam ávatataṁ pṛthivyā ádhy úttatam |  
(AVŚ\_2,7.3c) téna sahasrakāṇḍena pári ṇaḥ pāhi víśvátaḥ ||3||

(AVŚ\_2,7.4a) pári mām pári me prajāṁ pári ṇaḥ pāhi yád dhánam |  
(AVŚ\_2,7.4c) árātir no má tārīn má nas tārisúr abhímātayaḥ ||4||

(AVŚ\_2,7.5a) śaptāram etu śapátho yáḥ suháṛt téna ṇaḥ sahá |  
(AVŚ\_2,7.5c) cākṣurmantrasya durhādaḥ pṛṣṭīr ápi śṛṇīmasi ||5||

(AVŚ\_2,8.1a) úd agātām bhágavatī vicītau náma tárake |  
(AVŚ\_2,8.1c) ví kṣetriyasya muñcatām adhamám páśam uttamám ||  
1||

(AVŚ\_2,8.2a) ápeyam rātry uchatv ápochantv abhikṛtvārīḥ |  
(AVŚ\_2,8.2c) vīrút kṣetriyanāśany ápa kṣetriyám uchatu ||2||

(AVŚ\_2,8.3a) babhrór árjunakāṇḍasya yávasya te palālyā tīlasya  
tilapiñjyā |  
(AVŚ\_2,8.3c) vīrút kṣetriyanāśany ápa kṣetriyám uchatu ||3||

(AVŚ\_2,8.4a) námas te lāṅgalebhyo náma īṣāyugébhyaḥ |  
(AVŚ\_2,8.4c) vīrút kṣetriyanāśany ápa kṣetriyám uchatu ||4||

(AVŚ\_2,8.5a) námaḥ sanisrasākṣébhyo námaḥ saṁdeśyèbhyaḥ |  
(AVŚ\_2,8.5c) námaḥ kṣétrasya pátaye vīrút kṣetriyanāśany ápa  
kṣetriyám uchatu ||5||

(AVŚ\_2,9.1a) dásavṛkṣa muñcémam rākṣaso grāhyā ádhi yáinam  
jagrāha párvasu |

(AVŚ\_2,9.1c) átho enam vanaspate jīvānām lokám ún naya ||1||

(AVŚ\_2,9.2a) āgād úd agād ayám jīvānām vrátam ápy agāt |

(AVŚ\_2,9.2c) ábhūd u putránām pitá nṛṇām ca bhágavattamaḥ ||2||

(AVŚ\_2,9.3a) ádhītīr ádhy agād ayám ádhi jīvapurá agān |

(AVŚ\_2,9.3c) śatām hy āsya bhiśājaḥ sahásram utá vīrúdhaḥ ||3||

(AVŚ\_2,9.4a) devās te cītīm avidan brahmāṇa utá vīrúdhaḥ |

(AVŚ\_2,9.4c) cītīm te vísve devā ávidan bhūmyām ádhi ||4||

(AVŚ\_2,9.5a) yás cakāra sá níṣ karat sá evá súbhiṣaktamaḥ |

(AVŚ\_2,9.5c) sá evá túbhyaṁ bheṣajāni kṛṇávad bhiśájā súciḥ ||5||

(AVŚ\_2,10.1a) kṣetriyāt tvā nírṛtyā jāmiśaṁśád druho muñcāmi  
váruṇasya páśāt |

(AVŚ\_2,10.1c) anāgásaṁ bráhmaṇā tvā kṛṇomi śivé te dyāvāpṛthiví  
ubhé stām ||1||

(AVŚ\_2,10.2a) sám te agníḥ sahādbhír astu sám sómaḥ  
saháuṣadhībhiḥ |

(AVŚ\_2,10.2c) eváhám tvám kṣetriyān nírṛtyā jāmiśaṁśád druho  
muñcāmi váruṇasya páśāt |

(AVŚ\_2,10.2e) anāgásaṁ bráhmaṇā tvā kṛṇomi śivé te dyāvāpṛthiví  
ubhé stām ||2||

(AVŚ\_2,10.3a) sám te vāto antárikṣe váyo dhāc chām te bhavantu  
pradīśaś cátasraḥ |

(AVŚ\_2,10.3c) eváhám tvám kṣetriyān nírṛtyā jāmiśaṁśád druho  
muñcāmi váruṇasya páśāt |

(AVŚ\_2,10.3e) anāgásaṁ bráhmaṇā tvā kṛṇomi śivé te dyāvāpṛthiví  
ubhé stām ||3||

(AVŚ\_2,10.4a) imá yá devíḥ pradīśaś cátasro vātapatnīr abhí súryo  
vicāṣṭe |

(AVŚ\_2,10.4c) eváhám tvám kṣetriyān nírṛtyā jāmiśaṁśád druho  
muñcāmi váruṇasya páśāt |

(AVŚ\_2,10.4e) anāgásaṁ bráhmaṇā tvā kṛṇomi śivé te dyāvāpṛthiví  
ubhé stām ||4||

(AVŚ\_2,10.5a) tásu tvāntár jarásy á dadhāmi prá yákṣma etu nírṛtiḥ  
parācáiḥ |

(AVŚ\_2,10.5c) eváhám tvám kṣetriyān nírṛtyā jāmiśaṁśád druho  
muñcāmi váruṇasya páśāt |

(AVŚ\_2,10.5e) anāgāsaṃ brāhmaṇā tvā kṛṇomi śivé te dyāvāpṛthiví  
ubhé stām ||5||

(AVŚ\_2,10.6a) árukthā yáḁsmād duritād avadyād druhaḥ páśād  
grāhyās kód amukthāḥ |

(AVŚ\_2,10.6c) evāhāṃ tvāṃ kṣetriyān nírṛtyā jāmiśaṃsād druho  
muñcāmi váruṇasya páśāt |

(AVŚ\_2,10.6e) anāgāsaṃ brāhmaṇā tvā kṛṇomi śivé te dyāvāpṛthiví  
ubhé stām ||6||

(AVŚ\_2,10.7a) áhā árātim ávidaḥ syonám ápy abhūr bhadré  
sukṛtāsyā loké |

(AVŚ\_2,10.7c) evāhāṃ tvāṃ kṣetriyān nírṛtyā jāmiśaṃsād druho  
muñcāmi váruṇasya páśāt |

(AVŚ\_2,10.7e) anāgāsaṃ brāhmaṇā tvā kṛṇomi śivé te dyāvāpṛthiví  
ubhé stām ||7||

(AVŚ\_2,10.8a) sūryam ṛtāṃ tāmāso grāhyā ádhi devā muñcānto  
asṛjān nír énaṣaḥ |

(AVŚ\_2,10.8c) evāhāṃ tvāṃ kṣetriyān nírṛtyā jāmiśaṃsād druho  
muñcāmi váruṇasya páśāt |

(AVŚ\_2,10.8e) anāgāsaṃ brāhmaṇā tvā kṛṇomi śivé te dyāvāpṛthiví  
ubhé stām ||8||

(AVŚ\_2,11.1a) dúṣyā dúṣir asi hetyā hetír asi menyā menír asi |

(AVŚ\_2,11.1c) āpnuhí śréyāṃsam áti samāṃ krāma ||1||

(AVŚ\_2,11.2a) sraḁtyó 'si pratisaró 'si pratyabhicáraṇo 'si |

(AVŚ\_2,11.2c) āpnuhí śréyāṃsam áti samāṃ krāma ||2||

(AVŚ\_2,11.3a) prāti tám abhí cara yó 'smān dvéṣṭi yāṃ vayāṃ  
dviṣmāḥ |

(AVŚ\_2,11.3c) āpnuhí śréyāṃsam áti samāṃ krāma ||3||

(AVŚ\_2,11.4a) sūrír asi varcodhá asi tanūpāno 'si |

(AVŚ\_2,11.4c) āpnuhí śréyāṃsam áti samāṃ krāma ||4||

(AVŚ\_2,11.5a) śukró 'si bhrājó 'si svār asi jyótir asi |

(AVŚ\_2,11.5c) āpnuhí śréyāṃsam áti samāṃ krāma ||5||

(AVŚ\_2,12.1a) dyāvāpṛthiví urv àntárikṣaṃ kṣétrasya pátny urugāyó  
'dbhutaḥ |

(AVŚ\_2,12.1c) utāntárikṣam urú vātagopaṃ tá ihá tapyantāṃ máyi  
tapyāmāne ||1||

(AVŚ\_2,12.2a) idāṃ devāḥ śṛṇuta yé yajñíyā sthá bharádvājo

máhyam ukthāni śamsati |  
(AVŚ\_2,12.2c) páśe sá baddhó durité ní yujyatām yó asmākaṃ  
māna idām hināsti ||2||

(AVŚ\_2,12.3a) idām indra śṛṇuhi somapa yát tvā hṛdá sócatā  
jóhavīmi |  
(AVŚ\_2,12.3c) vṛścāmi táṃ kúliśeneva vṛkṣām yó asmākaṃ māna  
idām hināsti ||3||

(AVŚ\_2,12.4a) aśītíbhīḥ tisṛbhīḥ sāmagébhīr ādityébhīr vásubhīr  
āṅgīrobhīḥ |  
(AVŚ\_2,12.4c) iṣṭāpūrtám avatu naḥ pitṛñām āmúṃ dade hārasā  
dāivyena ||4||

(AVŚ\_2,12.5a) dyāvāpṛthivī ánu mǎ dīdhīthām víśve devāso ánu mǎ  
rabhādhvam |  
(AVŚ\_2,12.5c) āṅgīrasaḥ pítaraḥ sómyāsaḥ pāpām á ṛchatv  
apakāmasya kartā ||5||

(AVŚ\_2,12.6a) átīva yó maruto mányate no bráhma vā yó níndīṣat  
kriyāmāṇam |  
(AVŚ\_2,12.6c) tápūṃṣi tásmāi vṛjināni santu brahmadvíṣaṃ dyáur  
abhisám̐tapāti ||6||

(AVŚ\_2,12.7a) saptá prāñān aṣṭáu manyás táṃs te vṛścāmi  
bráhmanā |  
(AVŚ\_2,12.7c) áyā yamasya śádanam agnídūto áram̐kṛtaḥ ||7||

(AVŚ\_2,12.8a) á dadhāmi te padām sámiddhe jātávedasi |  
(AVŚ\_2,12.8c) agníḥ śárīraṃ veveṣṭv ásum vǎg ápi gachatu ||8||

(AVŚ\_2,13.1a) āyurdá agne jarásaṃ vṛñānó ghṛtápratīko ghṛtápṛṣṭho  
agne |  
(AVŚ\_2,13.1c) ghṛtām pītvá mádhu cāru gávyaṃ pitéva putrán abhí  
rakṣatād imám ||1||

(AVŚ\_2,13.2a) pári dhatta dhattá no várcasemám jarāmṛtyuṃ  
kṛṇuta dīrghám áyuh |  
(AVŚ\_2,13.2c) bṛhaspátīḥ práyachad vása etát sómāya rájñe  
páridhātavá u ||2||  
(AVŚ\_2,13.3a) páridám vāso adhithāḥ svastáyé 'bhūr gr̥ṣṭīnām  
abhiśastipá u |  
(AVŚ\_2,13.3c) śatām ca jíva śarádaḥ purūcí rāyás ca póṣam  
upasām̐vyayasva ||3||

(AVŚ\_2,13.4a) éhy ásmānam á tiṣṭhāsmā bhavatu te tanúḥ |  
(AVŚ\_2,13.4c) kṛṇvántu víśve devá áyuṣṭe śarádaḥ śatám ||4||

(AVŚ\_2,13.5a) yásya te vásaḥ prathamavāsyāṃ hārāmas tám tvā  
vísve 'vantu devāḥ |  
(AVŚ\_2,13.5c) tám tvā bhrátaraḥ suvṛdhā vārdhamānam ānu  
jāyantāṃ bahávaḥ sújātam ||5||

(AVŚ\_2,14.1a) niḥsālāṃ dhr̥ṣṇūṃ dhiṣāṇam ekavādyāṃ jighatsvām |  
(AVŚ\_2,14.1c) sārvas cāṇḍasya napyò nāsáyāmaḥ sadānvāḥ ||1||

(AVŚ\_2,14.2a) nír vo goṣṭhād ajāmasi nír ákṣān nír upānaśāt |  
(AVŚ\_2,14.2c) nír vo magundyā duhitaro gṛhébhyaś cātayāmahe ||  
2||

(AVŚ\_2,14.3a) asáu yó adharād gṛhás táttra santv arāyyāḥ |  
(AVŚ\_2,14.3c) táttra sédir ny ūcyatu sārvas ca yātudhānyāḥ ||3||

(AVŚ\_2,14.4a) bhūtapátir nír ajatv índraś cetāḥ sadānvāḥ |  
(AVŚ\_2,14.4c) gṛhásya budhná āsīnās tā índro vājreṇādhi tiṣṭhatu ||  
4||

(AVŚ\_2,14.5a) yádi sthá kṣetriyāṇāṃ yádi vā púruṣeṣitāḥ |  
(AVŚ\_2,14.5c) yádi sthá dásyubhyo jātá násyatetāḥ sadānvāḥ ||5||

(AVŚ\_2,14.6a) pári dhāmāny āsām āsúr gāṣṭhām ivāsaram |  
(AVŚ\_2,14.6c) ájaiṣaṃ sārvaṇ ājīn vo násyatetāḥ sadānvāḥ ||6||

(AVŚ\_2,15.1a) yáthā dyáuś ca pṛthiví ca ná bibhító ná ríṣyataḥ |  
(AVŚ\_2,15.1c) evá me prāṇa má bibheḥ ||1||

(AVŚ\_2,15.2a) yáthāhaś ca rātrī ca ná bibhító ná ríṣyataḥ |  
(AVŚ\_2,15.2c) evá me prāṇa má bibheḥ ||2||

(AVŚ\_2,15.3a) yáthā sūryaś ca cāndráś ca ná bibhító ná ríṣyataḥ |  
(AVŚ\_2,15.3c) evá me prāṇa má bibheḥ ||3||

(AVŚ\_2,15.4a) yáthā bráhma ca kṣatrāṃ ca ná bibhító ná ríṣyataḥ |  
(AVŚ\_2,15.4c) evá me prāṇa má bibheḥ ||4||

(AVŚ\_2,15.5a) yáthā satyāṃ cāṇṛtaṃ ca ná bibhító ná ríṣyataḥ |  
(AVŚ\_2,15.5c) evá me prāṇa má bibheḥ ||5||

(AVŚ\_2,15.6a) yáthā bhūtāṃ ca bhávyāṃ ca ná bibhító ná ríṣyataḥ |  
(AVŚ\_2,15.6c) evá me prāṇa má bibheḥ ||6||

(AVŚ\_2,16.1a) prāṇāpānau mṛtyór mā pātaṃ svāhā ||1||

(AVŚ\_2,16.2a) dyāvāpṛthivī úpaśrutyā mā pātaṃ svāhā ||2||

(AVŚ\_2,16.3a) sūrya cákṣuṣā mā pāhi svāhā ||3||

(AVŚ\_2,16.4a) ágne vaiśvānara vísvair mā deváiḥ pāhi svāhā ||4||

(AVŚ\_2,16.5a) víśvambhara víśvena mā bhárasā pāhi svāhā ||5||

(AVŚ\_2,17.1a) ójo 'sy ójo me dāḥ svāhā |1||

(AVŚ\_2,17.2a) sáho 'si sáho me dāḥ svāhā ||2||

(AVŚ\_2,17.3a) bálam asi bálam dāḥ svāhā ||3||

(AVŚ\_2,17.4a) áyur asy áyur me dāḥ svāha ||4||

(AVŚ\_2,17.5a) śrótram asi śrótram me dāḥ svāha ||5||

(AVŚ\_2,17.6a) cákṣur asi cákṣur me dāḥ svāha ||6||

(AVŚ\_2,17.7a) paripāṇam asi paripāṇam me dāḥ svāha ||7||

(AVŚ\_2,18.1a) bhrātr̥vyakṣāyaṇam asi bhrātr̥vyacātanam me dāḥ svāhā ||1||

(AVŚ\_2,18.2a) sapatnakṣāyaṇam asi sapatnacātanam me dāḥ svāha ||2||

(AVŚ\_2,18.3a) arāyakṣāyaṇam asy arāyacātanam me dāḥ svāha ||3||

(AVŚ\_2,18.4a) piśācakṣāyaṇam asi piśācacātanam me dāḥ svāha ||4||

(AVŚ\_2,18.5a) sadānvākṣāyaṇam asi sadānvācātanam me dāḥ svāhā ||5||

(AVŚ\_2,19.1a) ágne yát te tápas téna tám prāti tapa yò 'smān dvéṣṭi yām vayām dviṣmāḥ ||1||



(AVŚ\_2,19.2a) ágne yát te háras téna tám práti hara yò 'smán dvéṣṭi  
yám vayám dviṣmáh ||2||

(AVŚ\_2,19.3a) ágne yát te 'rcís téna tám práty arca yò 'smán dvéṣṭi  
yám vayám dviṣmáh ||3||

(AVŚ\_2,19.4a) ágne yát te śócís téna tám práti śoca yò 'smán dvéṣṭi  
yám vayám dviṣmáh ||4||

(AVŚ\_2,19.5a) ágne yát te téjas téna tám atejásam kṛṇu yò 'smán  
dvéṣṭi yám vayám dviṣmáh ||5||

(AVŚ\_2,20.1a) vāyo yát te tāpas téna tám práti tapa yò 'smán dvéṣṭi  
yám vayám dviṣmáh ||1||

(AVŚ\_2,20.2a) vāyo yát te háras téna tám práti hara yò 'smán dvéṣṭi  
yám vayám dviṣmáh ||2||

(AVŚ\_2,20.3a) vāyo yát te 'rcís téna tám práty arca yò 'smán dvéṣṭi  
yám vayám dviṣmáh ||3||

(AVŚ\_2,20.4a) vāyo yát te śócís téna tám práti śoca yò 'smán dvéṣṭi  
yám vayám dviṣmáh ||4||

(AVŚ\_2,20.5a) vāyo yát te téjas téna tám atejásam kṛṇu yò 'smán  
dvéṣṭi yám vayám dviṣmáh ||5||

(AVŚ\_2,21.1a) sūrya yát te tāpas téna tám práti tapa yò 'smán  
dvéṣṭi yám vayám dviṣmáh ||1||

(AVŚ\_2,21.2a) sūrya yát te háras téna tám práti hara yò 'smán  
dvéṣṭi yám vayám dviṣmáh ||2||

(AVŚ\_2,21.3a) sūrya yát te 'rcís téna tám práty arca yò 'smán dvéṣṭi  
yám vayám dviṣmáh ||3||

(AVŚ\_2,21.4a) sūrya yát te śócís téna tám práti śoca yò 'smán dvéṣṭi  
yám vayám dviṣmáh ||4||

(AVŚ\_2,21.5a) sūrya yát te téjas téna tám atejásam kṛṇu yò 'smán  
dvéṣṭi yám vayám dviṣmáh ||5||

(AVŚ\_2,22.1a) cándra yát te tāpas téna tám práti tapa yò 'smán

dvéṣṭi yám vayám dviṣmáh ||1||

(AVŚ\_2,22.2a) cándra yát te háras téna tám práti hara yò 'smán  
dvéṣṭi yám vayám dviṣmáh ||2||

(AVŚ\_2,22.3a) cándra yát te 'rcís téna tám práty arca yò 'smán  
dvéṣṭi yám vayám dviṣmáh ||3||

(AVŚ\_2,22.4a) cándra yát te śócís téna tám práti śoca yò 'smán  
dvéṣṭi yám vayám dviṣmáh ||4||

(AVŚ\_2,22.5a) cándra yát te téjas téna tám atejásam kṛṇu yò 'smán  
dvéṣṭi yám vayám dviṣmáh ||5||

(AVŚ\_2,23.1a) ápo yád vas tápas téna tám prati tapata yò 'smán  
dvéṣṭi yám vayám dviṣmáh ||1||

(AVŚ\_2,23.2a) ápo yád vas háras téna tám prati harata yò 'smán  
dvéṣṭi yám vayám dviṣmáh ||2||

(AVŚ\_2,23.3a) ápo yád vas 'rcís téna tám prati arcata yò 'smán  
dvéṣṭi yám vayám dviṣmáh ||3||

(AVŚ\_2,23.4a) ápo yád vas śócís téna tám prati śocata yò 'smán  
dvéṣṭi yám vayám dviṣmáh ||4||

(AVŚ\_2,23.5a) ápo yád vas téjas téna tám atejásam kṛṇuta yò 'smán  
dvéṣṭi yám vayám dviṣmáh ||5||

(AVŚ\_2,24.1a) śérabhaka śérabha púnar vo yantu yātávaḥ púnar  
hetíḥ kimīdinaḥ |

(AVŚ\_2,24.1c) yásya sthá tám atta yó vo práhait tám atta svá  
māṃsāny atta ||1||

(AVŚ\_2,24.2a) śévṛdhaka śévṛdha púnar vo yantu yātávaḥ púnar  
hetíḥ kimīdinaḥ |

(AVŚ\_2,24.2c) yásya sthá tám atta yó vo práhait tám atta svá  
māṃsāny atta ||2||

(AVŚ\_2,24.3a) mrókānumroka púnar vo yantu yātávaḥ púnar hetíḥ  
kimīdinaḥ |

(AVŚ\_2,24.3c) yásya sthá tám atta yó vo práhait tám atta svá  
māṃsāny atta ||3||

(AVŚ\_2,24.4a) sárpānusarpa púnar vo yantu yātávaḥ púnar hetíḥ

kimīdinaḥ |

(AVŚ\_2,24.4c) yásya sthá tám atta yó vo práhait tám atta svá  
māṃsāny atta ||4||

(AVŚ\_2,24.5a) jūrṇi púnar vo yantu yātávaḥ púnar hetíḥ kimīdinaḥ |

(AVŚ\_2,24.5c) yásya sthá tám atta yó vo práhait tám atta svá  
māṃsāny atta ||5||

(AVŚ\_2,24.6a) úpabde púnar vo yantu yātávaḥ púnar hetíḥ  
kimīdinaḥ |

(AVŚ\_2,24.6c) yásya sthá tám atta yó vo práhait tám atta svá  
māṃsāny atta ||6||

(AVŚ\_2,24.7a) árjuni púnar vo yantu yātávaḥ púnar hetíḥ kimīdinaḥ |

(AVŚ\_2,24.7c) yásya sthá tám atta yó vo práhait tám atta svá  
māṃsāny atta ||7||

(AVŚ\_2,24.8a) bhárūji púnar vo yantu yātávaḥ púnar hetíḥ kimīdinaḥ |

(AVŚ\_2,24.8c) yásya sthá tám atta yó vo práhait tám atta svá  
māṃsāny atta ||8||

(AVŚ\_2,25.1a) śám no deví pṛśniparṇy áśam níṛṛtyā akaḥ |

(AVŚ\_2,25.1c) ugrá hí kaṇvajámbhanī tám abhakṣi sáhasvatīm ||1||

(AVŚ\_2,25.2a) sáhamāneyám prathamā pṛśniparṇy àjāyata |

(AVŚ\_2,25.2c) táyāham durñāmnām síro vṛścāmi śakúner iva ||2||

(AVŚ\_2,25.3a) aráyam asṛkpāvānam yás ca sphātīm jíhīṛṣati |

(AVŚ\_2,25.3c) garbhādám káṇvam nāśaya pṛśniparṇi sáhasva ca ||  
3||

(AVŚ\_2,25.4a) girím enāṃ á veśaya káṇvān jīvitayópanān |

(AVŚ\_2,25.4c) táṃs tvám devi pṛśniparṇy agnír ivānudáhann ihi ||4||

(AVŚ\_2,25.5a) párāca enān prá ṇuda káṇvān jīvitayópanān |

(AVŚ\_2,25.5c) támāṃsi yátra gáchanti tát kravýādo ajīgamam ||5||

(AVŚ\_2,26.1a) ehá yantu paśávo yé pareyúr vāyúr yéṣām

sahacārám jujóṣa |

(AVŚ\_2,26.1c) tváṣṭā yéṣām rūpadheyāni védāsmín tán goṣṭhé  
savitā ní yachatu ||1||

(AVŚ\_2,26.2a) imám goṣṭhám paśávaḥ sám sravantu bṛhaspátir á  
nayatu prajānán |

(AVŚ\_2,26.2c) sinīvālī nayatv ágram eṣām ājagmúṣo anumate ní

yacha ||2||

(AVŚ\_2,26.3a) sám sám sravantu paśávaḥ sám áśvāḥ sám u  
púruṣāḥ |

(AVŚ\_2,26.3c) sám dhānyāsyā yā sphātíḥ samśrāvyēṇa havíṣā  
juhomī ||3||

(AVŚ\_2,26.4a) sám siñcāmi gávāṃ kṣīrām sám ájyena bálam rásam  
|

(AVŚ\_2,26.4c) sámśiktā asmākaṃ vīrá dhruvā gávō máyi gópatau ||  
4||

(AVŚ\_2,26.5a) á harāmi gávāṃ kṣīrām áhārṣaṃ dhānyāṃ rásam |

(AVŚ\_2,26.5c) áhṛtā asmākaṃ vīrá á pátnīr idám ástakam ||5||

(AVŚ\_2,27.1a) nēc chātruḥ práśaṃ jayāti sáhamānābhibhūr asi |

(AVŚ\_2,27.1c) práśaṃ prátiprāśō jahy arasān kṛṇv oṣadhe ||1||

(AVŚ\_2,27.2a) suparṇás tvānv avindat sūkarás tvākhanan nasā |

(AVŚ\_2,27.2c) práśaṃ prátiprāśō jahy arasān kṛṇv oṣadhe ||2||

(AVŚ\_2,27.3a) índro ha cakre tvā bāhāv ásurebhya stárītave |

(AVŚ\_2,27.3c) práśaṃ prátiprāśō jahy arasān kṛṇv oṣadhe ||3||

(AVŚ\_2,27.4a) pātām índro vy àśnād ásurebhya stárītave |

(AVŚ\_2,27.4c) práśaṃ prátiprāśō jahy arasān kṛṇv oṣadhe ||4||

(AVŚ\_2,27.5a) táyāhām sátrūnt sākṣa índraḥ sālāvṛkām iva |

(AVŚ\_2,27.5c) práśaṃ prátiprāśō jahy arasān kṛṇv oṣadhe ||5||

(AVŚ\_2,27.6a) rúdra jálāṣabheṣaja nílaśikhaṇḍa kármakṛt |

(AVŚ\_2,27.6c) práśaṃ prátiprāśō jahy arasān kṛṇv oṣadhe ||6||

(AVŚ\_2,27.7a) tásya práśaṃ tvám jahi yó na indrābhidāsati |

(AVŚ\_2,27.7c) ádhi no brūhi śáktibhiḥ prāśí mám úttaraṃ kṛdhi ||7||

(AVŚ\_2,28.1a) túbhyam evá jariman vardhatām ayám mémám anyé  
mṛtyāvo hiṃsiṣuḥ sátām yé |

(AVŚ\_2,28.1c) mātéva putráṃ prámanā upásthe mitrá enaṃ  
mitríyāt pātv áṃhasaḥ ||1||

(AVŚ\_2,28.2a) mitrá enaṃ váruṇo vā riśádā jarāmṛtyuṃ kṛṇutām  
samvidānau |

(AVŚ\_2,28.2c) tát agnír hótā vayúnāni vidván víśvā devánāṃ jánimā  
vivakti ||2||

(AVŚ\_2,28.3a) tvám īśiṣe paśūnām pāṛthivānām yé jātá utá vā yé janítrāḥ |

(AVŚ\_2,28.3c) mémám prāṇó hāsīn mó apānó mémám mitrá vadhiṣur mó amítrāḥ ||3||

(AVŚ\_2,28.4a) dyáuṣ ṭvā pitá pṛthiví mātá jarāmṛtyum kṛṇutām saṃvidāné |

(AVŚ\_2,28.4c) yáthā jīvā áditer upásthe prāṇāpānābhyām gupitāḥ śatām hímāḥ ||4||

(AVŚ\_2,28.5a) imám agné áyuṣe várcase naya priyām réto varuṇa mitra rājan |

(AVŚ\_2,28.5c) mātévāsmā adite śárma yacha vísve devā jarádaṣṭir yáthāśat ||5||

(AVŚ\_2,29.1a) pāṛthivasya ráse devā bhágasya tanvò bále |

(AVŚ\_2,29.1c) āyuṣyām asmá agníḥ sūryo várca á dhād bṛhaspátīḥ ||1||

(AVŚ\_2,29.2a) áyur asmái dhehi jātavedaḥ prajāṃ tvaṣṭar adhinídhehi asmái |

(AVŚ\_2,29.2c) rāyás póṣam savitar á suvāsmái śatām jīvāti śarádas távāyám ||2||

(AVŚ\_2,29.3a) āśír ṇa ūrjam utá sauprajāstváṃ dákṣam dhattam dráviṇam sáquetasau |

(AVŚ\_2,29.3c) jáyam kṣétrāṇi sáhasāyám indra kṛṇvānó anyān ádharānt sapátnān ||3||

(AVŚ\_2,29.4a) índreṇa dattó váruṇena śiṣṭó marúdbhir ugrāḥ práhito no āgan |

(AVŚ\_2,29.4c) eṣá vām dyāvāpṛthivī upásthe má kṣudhan má tṛṣat ||4||

(AVŚ\_2,29.5a) ūrjam asmā ūrjasvatī dhattam páyo asmai payasvatī dhattam |

(AVŚ\_2,29.5c) ūrjam asmái dyāvāpṛthiví adhātām vísve devā marúta ūrjam āpaḥ ||5||

(AVŚ\_2,29.6a) śívābhiṣ ṭe hṛdayam tarpayāmy anamīvó modiṣīṣṭhāḥ suvárcāḥ |

(AVŚ\_2,29.6c) savāsínau pibatām manthám etám aśvino rūpām paridhāya māyám ||6||

(AVŚ\_2,29.7a) índra etām sasṛje viddhó ágra ūrjām svadhām ajārām sá ta eṣá |

(AVŚ\_2,29.7c) táyā tvám jīva śarādaḥ suvárcā má ta á susród  
bhiṣājas te akran ||7||

(AVŚ\_2,30.1a) yáthedám bhúmyā ádhi tṛṇam vāto mathāyāti |  
(AVŚ\_2,30.1c) evá mathnāmi te máno yáthā mām kāmíny áso yáthā  
mán nāpagā ásaḥ ||1||

(AVŚ\_2,30.2a) sám cén náyātho ásvinā kāmínā sám ca vākṣathaḥ |  
(AVŚ\_2,30.2c) sám vām bhágāso agmata sám cittāni sám u vratā ||  
2||

(AVŚ\_2,30.3a) yát suparṇá vivakṣávo anamīvā vivakṣávaḥ |  
(AVŚ\_2,30.3c) tátra me gachatād dhávam śalyá iva kúlmalam yáthā  
||3||

(AVŚ\_2,30.4a) yád ántaram tát báhyam yád báhyam tát ántaram |  
(AVŚ\_2,30.4c) kanyānām víśvárūpāṇām máno gr̥bhāyauśadhe ||4||

(AVŚ\_2,30.5a) éyám agan pátikāmā jánikāmo 'hám ágamam |  
(AVŚ\_2,30.5c) áśvaḥ kánikradad yáthā bhágenāhām sahágamam ||  
5||

(AVŚ\_2,31.1a) índrasya yá mahí dṛṣát krímer víśvasya tárhanī |  
(AVŚ\_2,31.1c) táyā pinaṣmi sám krímīn dṛṣádā khálvāṁ iva ||1||

(AVŚ\_2,31.2a) dṛṣtám adṛṣtam atṛham átho kurúrūm atṛham |  
(AVŚ\_2,31.2c) algāṇḍūnt sárvaṇ chalúnān krímīn vácasā  
jambhayāmasi ||2||

(AVŚ\_2,31.3a) algāṇḍūn hanmi mahatā vadhéna dūná ádūnā arasā  
abhūvan |  
(AVŚ\_2,31.3c) śiṣṭān áśiṣṭān ní tirāmi vācā yáthā krímīṇām nákir  
uchíṣātai ||3||

(AVŚ\_2,31.4a) ánvantryam śírṣaṇyām átho páṛṣṭeyam krímīn |  
(AVŚ\_2,31.4c) avaskavám vyadhvarám krímīn vácasā jambhayāmasi  
||4||

(AVŚ\_2,31.5a) yé krímayaḥ párvateśu vāneṣv óśadhīṣu paśúṣv apsv  
ántāḥ |  
(AVŚ\_2,31.5c) yé asmákam tanvām āviviśúḥ sárvaḥ tát dhanmi  
jánima krímīṇām ||5||

(AVŚ\_2,32.1a) udyánn ādityáḥ krímīn hantu nimrócan hantu

raśmíbhiḥ |

(AVŚ\_2,32.1c) yé antáh krímayo gávi ||1||

(AVŚ\_2,32.2a) viśvárūpaṃ caturakṣāṃ krímiṃ sārāṅgam árjunam |

(AVŚ\_2,32.2c) śṛṇāmy asya pṛṣṭír ápi vṛścāmi yác chíraḥ ||2||

(AVŚ\_2,32.3a) atrivád vaḥ krimayo hanmi kaṇvaváj jamadagnivát |

(AVŚ\_2,32.3c) agástyasya bráhmaṇā sám pinaṣmy ahám krímīn ||3||

(AVŚ\_2,32.4a) ható rájā krímīṇām utáiṣām sthapátir hatáh |

(AVŚ\_2,32.4c) ható hatámātā krímir hatábhrātā hatásvasā ||4||

(AVŚ\_2,32.5a) hatāso asya veśāso hatāsaḥ páriveśasaḥ |

(AVŚ\_2,32.5c) átho yé kṣullakā iva sárve té krímayo hatáh ||5||

(AVŚ\_2,32.6a) prá te śṛṇāmi śṛṅge yábhyām vitudāyāsi |

(AVŚ\_2,32.6c) bhinādmī te kuśumbhaṃ yás te viśadhānaḥ ||6||

(AVŚ\_2,33.1a) akṣíbhyām te nāsikābhyām kárṇābhyām chúbukād  
ádhi |

(AVŚ\_2,33.1c) yákṣmaṃ sīrṣaṇyām mastíṣkāj jihváyā ví vṛhāmi te ||  
1||

(AVŚ\_2,33.2a) grīvābhyas ta uṣṇíhābhyah kíkāsābhyo anūkyāt |

(AVŚ\_2,33.2c) yákṣmaṃ doṣaṇyām āṃsābhyām bāhúbhyām ví  
vṛhāmi te ||2||

(AVŚ\_2,33.3a) hṛdayāt te pári klomnó hálīkṣṇāt pārśvābhyām |

(AVŚ\_2,33.3c) yákṣmaṃ mátasnābhyām plīhnó yaknás te ví  
vṛhāmasi ||3||

(AVŚ\_2,33.4a) āntrébhyas te gúdābhyo vaniṣṭhór udárād ádhi |

(AVŚ\_2,33.4c) yákṣmaṃ kukṣíbhyām plāśér nābhyā ví vṛhāmi te ||  
4||

(AVŚ\_2,33.5a) ūrúbhyām te aṣṭhīvadbhyām párṣṇibhyām  
prápadābhyām |

(AVŚ\_2,33.5c) yákṣmaṃ bhasadyām śróṇibhyām bhāsadam  
bhāṃsaso ví vṛhāmi te ||5||

(AVŚ\_2,33.6a) asthíbhyas te majjābhyah snāvabhyo dhamánibhyah |

(AVŚ\_2,33.6c) yákṣmam pāṇíbhyām aṅgúlibhyo nakhébhyo ví  
vṛhāmi te ||6||

(AVŚ\_2,33.7a) áṅgeaṅge lómnilomni yás te párvaṇiparvaṇi |

(AVŚ\_2,33.7c) yákṣmaṃ tvacasyām te vayám kaśyápasya víbarhéṇa  
víṣvañcam ví vṛhāmasi ||7||

(AVŚ\_2,34.1a) yá íśe paśupátiḥ paśūnām cátuṣpadām utá yó  
dvipādām |

(AVŚ\_2,34.1c) níṣkrītaḥ sá yajñíyaṃ bhāgām etu rāyās póṣā  
yájamānaṃ sacantām ||1||

(AVŚ\_2,34.2a) pramuñcānto bhúvanasya réto gātúm dhatta  
yájamānāya devāḥ |

(AVŚ\_2,34.2c) upākṛtaṃ śásamānām yád ásthāt priyám devānām  
ápy etu páthaḥ ||2||

(AVŚ\_2,34.3a) yé badhyámānam ánu dídhyanā anváikṣanta mánasā  
cákṣuṣā ca |

(AVŚ\_2,34.3c) agníṣ ṭán ágre prá mumoktu devó víśvákarmā prajāyā  
saṃrarāṇáh ||3||

(AVŚ\_2,34.4a) yé grāmyāḥ paśávo víśvárūpā vírūpāḥ sánto  
bahudháikarūpāḥ |

(AVŚ\_2,34.4c) vāyúṣ ṭán ágre prá mumoktu devāḥ prajāpatiḥ  
prajāyā saṃrarāṇáh ||4||

(AVŚ\_2,34.5a) prajānántaḥ práti gr̥ṇantu púrve prāṇām áṅgebhyaḥ  
páry ācárantam |

(AVŚ\_2,34.5c) dívaṃ gacha práti tiṣṭhā śárīraiḥ svargám yāhi  
pathíbhir devayānaih ||5||

(AVŚ\_2,35.1a) yé bhakṣáyanto ná vásūny āṇṛdhúr yān agnáyo  
anvátapyanta dhíṣnyāḥ |

(AVŚ\_2,35.1c) yá téṣām avayā dúriṣṭiḥ sviṣṭim nas tám kṛṇavad  
víśvákarmā ||1||

(AVŚ\_2,35.2a) yajñápatim řsayāḥ énasāhur nírbhaktaṃ prajā  
anutāpyámānam |

(AVŚ\_2,35.2c) mathavyānt stokán ápa yān rarádha sám naṣ tébhiḥ  
sr̥jatu víśvákarmā ||2||

(AVŚ\_2,35.3a) adānyānt somapán mányamāno yajñásya vidvānt  
samāyé ná dhíraḥ |

(AVŚ\_2,35.3c) yád énaś cakṛvān baddhá eṣá tám vísvakarman prá  
muñcā svastáye ||3||

(AVŚ\_2,35.4a) ghorā řsayo námo astv ebhyaś cákṣur yád eṣām  
mánasaś ca satyám |

(AVŚ\_2,35.4c) bṛhaspátaye mahiṣa dyumánn námo vísvakarman  
námās te páhy àsmān ||4||



(AVŚ\_2,35.5a) yajñásya cákṣuḥ prábhṛtir múkhaṃ ca vācá śrótrena  
mánasā juhomi |  
(AVŚ\_2,35.5c) imāṃ yajñāṃ vítatam viśvákarmaṇá devá yantu  
sumānasyāmānāḥ ||5||

(AVŚ\_2,36.1a) á no agne sumatīm saṃbhaló gamed imāṃ kumārīm  
sahá no bhágena |  
(AVŚ\_2,36.1c) juṣṭá varéṣu sámaneṣu valgúr oṣāṃ pátýā  
sáubhagam astu asyái ||1||

(AVŚ\_2,36.2a) sómajuṣṭam bráhmajuṣṭam aryamná sáṃbhṛtam  
bhágam |  
(AVŚ\_2,36.2c) dhātúr devásya satyéna kṛṇómi pativédanam ||2||

(AVŚ\_2,36.3a) iyám agne nārī pátim videṣṭa sómo hí rájā subhágāṃ  
kṛṇóti |  
(AVŚ\_2,36.3c) súvānā putrán máhiṣī bhavāti gatvá pátim subhágā ví  
rājatu ||3||

(AVŚ\_2,36.4a) yáthākharó maghavaṃś cárur eṣá priyó mṛgāṇāṃ  
suśádā babhūva |  
(AVŚ\_2,36.4c) evá bhágasya juṣṭéyám astu nārī sáṃpriyā  
pátýā virādhayantī ||4||

(AVŚ\_2,36.5a) bhágasya nāvam á roha pūrṇám ánupadasvatīm |  
(AVŚ\_2,36.5c) táyopaprátāraya yó varáh pratikāmyàḥ ||5||

(AVŚ\_2,36.6a) á krandaya dhanapate varám ámanasaṃ kṛṇu |  
(AVŚ\_2,36.6c) sárvaṃ pradakṣiṇám kṛṇu yó varáh pratikāmyàḥ ||6||

(AVŚ\_2,36.7a) idám híraṇyāṃ gúlgulv ayám aukṣó atho bhágaḥ |  
(AVŚ\_2,36.7c) eté pátibhyas tvám aduḥ pratikāmāya véttave ||7||  
(AVŚ\_2,36.7e) á te nayatu savitá nayatu pátir yáh pratikāmyàḥ |

(AVŚ\_3,1.1a) agnír naḥ sátrūn práty etu vidván pratidáhann  
abhísastim árātim |  
(AVŚ\_3,1.1c) sá sénāṃ mohayatu páreṣāṃ nírhasṭāṃś ca kṛṇavaj  
jātávedāḥ ||1||

(AVŚ\_3,1.2a) yūyám ugrá maruta īdṛṣe sthābhí préta mṛṇáta  
sáhadhvam |  
(AVŚ\_3,1.2c) ámīmṛṇan vásavo nāthitá imé agnír hy èṣāṃ dūtáh  
pratyétu vidván ||2||

(AVŚ\_3,1.3a) amitrasenám maghavann asmán chatrūyatīm abhí |

(AVŚ\_3,1.3c) yuvām tām indra vṛtrahann agnís ca dahatam prāti ||  
3||

(AVŚ\_3,1.4a) prāsūta indra pravātā hāribhyām prá te vájraḥ  
pramṛṇānn etu śátrūn |  
(AVŚ\_3,1.4c) jahí pratíco anúcaḥ párāco víśvak satyām kṛṇuhi cittām  
eṣām ||4||

(AVŚ\_3,1.5a) índra sénām mohayāmitrāṇām |  
(AVŚ\_3,1.5c) agnér vātasya dhrājyā tán víśūco ví nāśaya ||5||

(AVŚ\_3,1.6a) índraḥ sénām mohayatu marúto ghnantv ójasā |  
(AVŚ\_3,1.6c) cákṣūṃsy agnír á dattām púnar etu párājitā ||6||

(AVŚ\_3,2.1a) agnír no dūtāḥ pratyétu vidván pratidāhann abhísastim  
árātīm |  
(AVŚ\_3,2.1c) sá cittāni mohayatu páreṣām nírhasťś ca kṛṇavaj  
jātávedāḥ ||1||

(AVŚ\_3,2.2a) ayám agnír amūmuhad yāni cittāni vo hṛdí |  
(AVŚ\_3,2.2c) ví vo dhamatv ókaṣaḥ prá vo dhamatu sárvataḥ ||2||

(AVŚ\_3,2.3a) índra cittāni moháyann arván ákūtyā cara |  
(AVŚ\_3,2.3c) agnér vātasya dhrājyā tán víśūco ví nāśaya ||3||

(AVŚ\_3,2.4a) vy ákūtaya eṣām itátho cittāni muhyata |  
(AVŚ\_3,2.4c) átho yád adyáiṣām hṛdí tád eṣām pári nír jahi ||4||

(AVŚ\_3,2.5a) amíṣām cittāni pratimoháyantī gṛhāṇāṅgāny apve  
párehi |  
(AVŚ\_3,2.5c) abhí préhi nír daha hṛtsú sókair gráhyāmitrāṃs támasā  
vidhya śátrūn ||5||

(AVŚ\_3,2.6a) asáu yá sénā marutaḥ páreṣām asmán áity abhy ójasā  
spárdhamānā |  
(AVŚ\_3,2.6c) tām vidhyata támasápavratena yáthaiṣām anyó anyām  
ná jānát ||6||

(AVŚ\_3,3.1a) ácikradat svapā ihá bhuvad ágne vy àcasva ródasī  
urūcī |  
(AVŚ\_3,3.1c) yuñjāntu tvā marúto víśvávedasa ámúm naya námasā  
rātāhavyam ||1||

(AVŚ\_3,3.2a) dūré cit sántam aruṣāsa índram á cyāvayantu  
sakhyāya vípram |

(AVŚ\_3,3.2c) yád gāyatrīm bṛhatīm arkám asmai sautrāmaṇyá  
dádhr̥ṣanta deváh ||2||

(AVŚ\_3,3.3a) adbhyás tvā rāja váruṇo hvayatu sómas tvā hvayatu  
párvatebhyaḥ |

(AVŚ\_3,3.3c) índras tvā hvayatu viḍbhyá ābhyáh śyenó bhūtvá víśa  
á patemáh ||3|| {4}

(AVŚ\_3,3.4a) śyenó havyám nayatv á párasmād anyakṣetre  
áparuddham cárantam |

(AVŚ\_3,3.4c) áśvínā pánthām kṛṇutām sugám ta imám sajātā  
abhisámviśadhvam ||4|| {5}

(AVŚ\_3,3.5a) hváyantu tvā pratijanáh prāti mitrá avṛṣata |

(AVŚ\_3,3.5c) indrāgní víśve devás te víśi kṣémam adīdharan ||5||  
{6}

(AVŚ\_3,3.6a) yás te hávam vivádat sajátó yás ca níṣtyaḥ |

(AVŚ\_3,3.6c) ápāñcam indra tám kṛtváthemám iháva gamaya ||6||  
{7}

(AVŚ\_3,4.1a) á tvā gan rāṣtrām sahá várcasód ihi prān viśám pátir  
ekarāt tvám ví rāja |

(AVŚ\_3,4.1c) sárvas tvā rājan pradíso hvayantūpasádyo namasyó  
bhavéhá ||1||

(AVŚ\_3,4.2a) tvám víśo vṛṇatām rājyāya tvám imáh pradíśaḥ páñca  
devíḥ |

(AVŚ\_3,4.2c) várṣman rāṣṭráśya kakúdi śrayasva táto na ugró ví  
bhajā vásūni ||2||

(AVŚ\_3,4.3a) ácha tvā yantu havínaḥ sajātá agnír dūtó ajiráḥ sám  
carātai |

(AVŚ\_3,4.3c) jāyáh putráḥ sumánaso bhavantu bahúm balím prāti  
paśyāsā ugráh ||3||

(AVŚ\_3,4.4a) áśvínā tvágre mitráváruṇobhá víśvé devá marútas tvá  
hvayantu |

(AVŚ\_3,4.4c) ádhā máno vasudéyāya kṛṇuṣva táto na ugró ví bhajā  
vásūni ||4||

(AVŚ\_3,4.5a) á prá drava paramásyāḥ parāvataḥ śivé te  
dyāvāpṛthiví ubhé stām |

(AVŚ\_3,4.5c) tát ayám rājā váruṇas táthāha sá tvāyám ahvat sá  
upedám éhi ||5||

(AVŚ\_3,4.6a) índrendra manuṣyáh párehi sám hy ájñāsthā váruṇaiḥ

saṃvidānāḥ |

(AVŚ\_3,4.6c) sá tvāyám ahvat své sadhásthe sá devān yakṣat sá u kalpayad víśaḥ ||6||

(AVŚ\_3,4.7a) pathyā revátīr bahudhā vírūpāḥ sárvaḥ saṃgátya várīyas te akraṇ |

(AVŚ\_3,4.7c) tās tvā sárvaḥ saṃvidānā hvayantu daśamīm ugrāḥ sumānā vaśehá ||7||

(AVŚ\_3,5.1a) áyám agan paṇamaṇír balí bálēna pramṛṇánt sapátnān |

(AVŚ\_3,5.1c) ójo devānām páya óśadhīnām várcasā mā jinvantv áprayāvan ||1||

(AVŚ\_3,5.2a) máyi kṣatrām paṇamaṇe máyi dhārayatād rayīm |

(AVŚ\_3,5.2c) ahám rāṣṭráśyābhīvargé nijó bhūyāsam uttamāḥ ||2||

(AVŚ\_3,5.3a) yám nidadhúr vánaspátau gúhyaṃ devāḥ priyám maṇīm |

(AVŚ\_3,5.3c) tám asmábhyaṃ sahāyuṣā devā dadatu bhártave ||3||

(AVŚ\_3,5.4a) sómasya paṇāḥ sáha ugrám ágann índreṇa dattó váruṇēna śiṣṭāḥ |

(AVŚ\_3,5.4c) tám priyāsam bahú rócamāno dīrghāyutváya śatásāradāya ||4||

(AVŚ\_3,5.5a) á mārukṣat paṇamaṇír mahyā ariṣṭatātaye |

(AVŚ\_3,5.5c) yáthāhám uttaró 'sāny aryamṇá utá saṃvídaḥ ||5||

(AVŚ\_3,5.6a) yé dhīvāno rathakārāḥ karmārā yé maṇīśīṇaḥ |

(AVŚ\_3,5.6c) upastín paṇa máhyaṃ tvaṃ sárvaṇ kṛṇv abhító jánān ||6||

(AVŚ\_3,5.7a) yé rájāno rājakṛtaḥ sūtá grāmaṇyās ca yé |

(AVŚ\_3,5.7c) upastín paṇa máhyaṃ tvám sárvaṇ kṛṇv abhító jánān ||7||

(AVŚ\_3,5.8a) paṇó 'si tanūpānaḥ sáyonir vīró vīréṇa máyā |

(AVŚ\_3,5.8c) saṃvatsarásya téjasā téna badhnāmi tvā maṇe ||8||

(AVŚ\_3,6.1a) púmān puṃsāḥ párijāto 'śvatthāḥ khadirād ádhi |

(AVŚ\_3,6.1c) sá hantu śátrūn māmakān yān ahám dvéṣmi yé ca mām ||1||

(AVŚ\_3,6.2a) tán aśvattha níḥ śṛṇīhi śátrūn vaibādhadódhataḥ |

(AVŚ\_3,6.2c) índreṇa vṛtraghnā medī mitréṇa váruṇena ca ||2||

(AVŚ\_3,6.3a) yáthāśvattha nirábhano 'ntár mahaty àrṇavé |

(AVŚ\_3,6.3c) evā tánt sárvaṇ nír bhaṅgdhi yān ahám dvéṣmi yé ca mām ||3||

(AVŚ\_3,6.4a) yáh sáhamānaś cāraṣi sāsahāná iva ṛṣabháh |

(AVŚ\_3,6.4c) tēnāśvattha tváyā vayám sapátnānt sahiṣīmahi ||4||

(AVŚ\_3,6.5a) sinātv enān nírṛtir mṛtyóḥ páśair amokyáih |

(AVŚ\_3,6.5c) áśvattha sátrūn māmakān yān ahám dvéṣmi yé ca mām ||5||

(AVŚ\_3,6.6a) yáthāśvattha vānaspaṭyān āróhan kṛṇuṣé 'dharān |

(AVŚ\_3,6.6c) evā me sátror mūrdhānaṃ víṣvag bhinddhi sáhasva ca ||6||

(AVŚ\_3,6.7a) té 'dharāñcaḥ prá plavantām chinnā náur iva bāndhanāt |

(AVŚ\_3,6.7c) ná vaibādhāpraṇuttānām púnar asti nivártanam ||7||

(AVŚ\_3,6.8a) práiṇān nude mánaśā prá citténotá bráhmaṇā |

(AVŚ\_3,6.8c) práiṇān vṛkṣāsyā śákhaṃyāśvatthāsya nudāmahe ||8||

(AVŚ\_3,7.1a) hariṇāsya raghuṣyádó 'dhi śīrṣāṇi bheṣajám |

(AVŚ\_3,7.1c) sá kṣetriyám viśāṇayā viśūcínam anīnaśat ||1||

(AVŚ\_3,7.2a) ánu tvā hariṇó vṛṣā padbhís catúrbhir akramīt |

(AVŚ\_3,7.2c) víṣāṇe ví ṣya guṣpítám yád asya kṣetriyám hṛdí ||2||

(AVŚ\_3,7.3a) adó yád avarócate cátuṣpakṣam iva chadíḥ |

(AVŚ\_3,7.3c) tēnā te sárvaṃ kṣetriyám áṅgebhyo nāśayāmasi ||3||

(AVŚ\_3,7.4a) amú yé diví subháge vicṛtau náma tárake |

(AVŚ\_3,7.4c) ví kṣetriyāsya muñcatām adhamám páśam uttamám ||4||

(AVŚ\_3,7.5a) āpa íd vā u bheṣajír āpo amīvacātanīḥ |

(AVŚ\_3,7.5c) āpo víśvasya bheṣajís tās tvā muñcantu kṣetriyāt ||5||

(AVŚ\_3,7.6a) yád āsutéh kriyāmānāyāḥ kṣetriyám tvā vyānaśé |

(AVŚ\_3,7.6c) védāhám tāsya bheṣajám kṣetriyám nāśayāmi tvát ||6||

(AVŚ\_3,7.7a) apavāśé nákṣatrāṇām apavāśá uśāsām utá |

(AVŚ\_3,7.7c) ápāsmát sárvaṃ durbhūtám āpa kṣetriyám uchatu ||7||

(AVŚ\_3,8.1a) á yātu mitrá ṛtúbhiḥ kálpamānaḥ saṃveśāyan pṛthivīm  
usrīyābhiḥ |

(AVŚ\_3,8.1c) áthāsmābhyam váruṇo vāyúr agnír bṛhád rāṣṭrām  
saṃveśyām dadhātu ||1||

(AVŚ\_3,8.2a) dhātá rātíḥ savitédām juśantām índras tváṣṭā prāti  
haryantu me vácaḥ |

(AVŚ\_3,8.2c) huvé devīm áditim sūraputrām sajātānām  
madhyameṣṭhá yáthāsāni ||2||

(AVŚ\_3,8.3a) huvé sómam savitāram námobhir víśvān ādityāṃ  
ahám uttaratvé |

(AVŚ\_3,8.3c) ayám agnír dīdāyad dīrghám evá sajātáir iddhó  
'pratībruvadbhiḥ ||3||

(AVŚ\_3,8.4a) ihéd asātha ná paró gamāthéryo gopāḥ puṣṭapátir va  
ājat |

(AVŚ\_3,8.4c) asmái kāmāyópa kāmínīr víśve vo devá upasāmyantu  
||4||

(AVŚ\_3,8.5a) sám vo mánāṃsi sám vratá sám ákūtīr namāmasi |

(AVŚ\_3,8.5c) amī yé vívratā sthána tán vaḥ sám namayāmasi ||5||

(AVŚ\_3,8.6a) ahám gṛbhṇāmi mánasā mánāṃsi máma cittám ánu  
cittébhir éta |

(AVŚ\_3,8.6c) máma váśeṣu hīdayāni vaḥ kṛṇomi máma yātám  
ánuvartmāna éta ||6||

(AVŚ\_3,9.1a) karśáphasya viśaphásya dyáuḥ pitá pṛthiví mātá |

(AVŚ\_3,9.1c) yáthābhicakrá devás táthāpa kṛṇutá púnaḥ ||1||

(AVŚ\_3,9.2a) aśreṣmāṇo adhārayan táthā tán mánunā kṛtám |

(AVŚ\_3,9.2c) kṛṇómi vādhi víṣkandham muṣkābarhó gávām iva ||2||

(AVŚ\_3,9.3a) piśánge sūtre khṛgalam tād á badhnanti vedhásah |

(AVŚ\_3,9.3c) śravasyúṃ súsmaṃ kābavám vādhrim kṛṇvantu  
bandhúraḥ ||3||

(AVŚ\_3,9.4a) yénā śravasyavaś cáratha devá ivāsuramāyáyā |

(AVŚ\_3,9.4c) súnām kapír iva dúṣaṇo bándhurā kābavásya ca ||4||

(AVŚ\_3,9.5a) dúṣṭyai hí tvā bhatsyāmi dūṣayiṣyāmi kābavám |

(AVŚ\_3,9.5c) úd āśávo ráthā iva śapáthebhiḥ sariṣyatha ||5||

(AVŚ\_3,9.6a) ékaśataṃ víṣkandhāni víṣṭhitā pṛthivīm ánu |

(AVŚ\_3,9.6c) téṣāṃ tvām ágre új jaharur maṇīm viṣkandhadúṣaṇam ||6||

(AVŚ\_3,10.1a) prathamā ha vy ùvāsa sá dhenúr abhavad yamé |  
(AVŚ\_3,10.1c) sá naḥ páyasvatī duhām úttarāmuttarām sámām ||1||

(AVŚ\_3,10.2a) yām devāḥ pratināndanti rátrim dhenúm upāyatīm |  
(AVŚ\_3,10.2c) saṃvatsarásya yá pátnī sá no astu sumaṅgalī ||2||

(AVŚ\_3,10.3a) saṃvatsarásya pratimām yām tvā rātry upāśmahe |  
(AVŚ\_3,10.3c) sá na áyuṣmatīm prajām rāyás póṣeṇa sám srja ||3||

(AVŚ\_3,10.4a) iyám evá sá yá prathamā vyáuchad āsv ítarāsu carati  
práviṣṭā |  
(AVŚ\_3,10.4c) mahānto asyām mahimāno antár vadhúr jigāya  
navagáj jánitrī ||4||

(AVŚ\_3,10.5a) vānaspatyá grāvāṇo ghóṣam akrata havīṣ kṛṇvāntaḥ  
parivatsarīṇam |  
(AVŚ\_3,10.5c) ékāṣṭake suprajásaḥ suvīrā vayām syāma pátayo  
rayīṇām ||5||

(AVŚ\_3,10.6a) ídāyās padām ghṛtávat sarīṣpām jātavedaḥ práti  
havyā gr̥bhāya |  
(AVŚ\_3,10.6c) yé grāmyāḥ paśávo viśvárūpās téṣāṃ saptānām máyi  
rántir astu ||6||

(AVŚ\_3,10.7a) á mā puṣṭé ca póṣe ca rátri devānām sumatáu syāma  
|  
(AVŚ\_3,10.7c) pūrṇā darve párā pata súpūrṇā púnar á pata |  
(AVŚ\_3,10.7e) sárvān yajñānt saṃbhuñjatíṣam úrjam na á bhara ||  
7||

(AVŚ\_3,10.8a) áyām āgant saṃvatsaráḥ pátir ekāṣṭake táva |  
(AVŚ\_3,10.8c) sá na áyuṣmatīm prajām rāyás póṣeṇa sám srja ||8||

(AVŚ\_3,10.9a) ṛtún yaja ṛtupátin ārtavān utá hāyanān |  
(AVŚ\_3,10.9c) sámāḥ saṃvatsarān māsān bhūtásya pátaye yaje ||  
9||

(AVŚ\_3,10.10a) ṛtúbhyaṣ ṭvārtavébhyo mādbhyāḥ saṃvatsarébhyaḥ  
|  
(AVŚ\_3,10.10c) dhātré vidhātré samṛdhe bhūtásya pátaye yaje ||10||

(AVŚ\_3,10.11a) ídayā júhvato vayām devān ghṛtávatā yaje |  
(AVŚ\_3,10.11c) gr̥hān álubhyato vayām saṃ viśemópa gómataḥ ||  
11||

(AVŚ\_3,10.12a) ekāṣṭakā tāpasā tapyāmānā jajāna gárbhaṃ  
mahimānam índram |  
(AVŚ\_3,10.12c) téna devā vy àsahanta śátrūn hantā dásyūnām  
abhavac chácipátih ||12||

(AVŚ\_3,10.13a) índraput্রে সোমাপুত্রে দুহিতাসি প্রাজাপতেহ |  
(AVŚ\_3,10.13c) kāmān asmākaṃ pūraya prāti gr̥hñāhi no havíh ||  
13||

(AVŚ\_3,11.1a) muñcāmi tvā havīṣā jívanāya kām ajñātayaḥśmād utá  
rājayaḥśmāt |  
(AVŚ\_3,11.1c) grāhir jagrāha yády etád enaṃ tásyā indrāgnī prá  
mumuktam enam ||1||

(AVŚ\_3,11.2a) yádi kṣitáyur yádi vā páreto yádi mṛtyór antikāṃ evá  
|  
(AVŚ\_3,11.2c) tám á harāmi nírṭter upástthād áspārśam enaṃ  
śatáśāradāya ||2||

(AVŚ\_3,11.3a) sahasrākṣēṇa śatāvīryeṇa śatāyuṣā havīṣāhārṣam  
enam |  
(AVŚ\_3,11.3c) índro yáthainaṃ śarádo náyāty áti víśvasya duritásya  
pārám ||3||

(AVŚ\_3,11.4a) śatām jīva śarádo vārdhamānaḥ śatām hemantān  
chatām u vasantān |  
(AVŚ\_3,11.4c) śatām te índro agníh savitā bṛhaspátih śatāyuṣā  
havīṣāhārṣam enam ||4||

(AVŚ\_3,11.5a) prá viśataṃ prāṇāpānāv anaḍvāhāv iva vrajám |  
(AVŚ\_3,11.5c) vy ànyé yantu mṛtyávo yān āhúr ítarān chatām ||5||

(AVŚ\_3,11.6a) iháivá staṃ prāṇāpānau māpa gātam itó yuvám |  
(AVŚ\_3,11.6c) śárīram asyāṅgāni jaráse vahataṃ púnah ||6||

(AVŚ\_3,11.7a) jaráyai tvā pári dadāmi jaráyai ní dhuvāmi tvā |  
(AVŚ\_3,11.7c) jará tvā bhadrá neṣṭa vy ànyé yantu mṛtyávo yān  
āhúr ítarān chatām ||7||

(AVŚ\_3,11.8a) abhí tvā jarimāhita gām ukśāṇam iva rájivā |  
(AVŚ\_3,11.8c) yás tvā mṛtyúr abhyádhatta jáyamānaṃ supāśáyā |  
(AVŚ\_3,11.8e) tám te satyásya hástābhyām úd amuñcad bṛhaspátih  
||8||



(AVŚ\_3,12.1a) iháivá dhruvám ní minomi śálām kṣéme tiṣṭhāti  
ghṛtām ukṣāmānā |  
(AVŚ\_3,12.1c) tām tvā śāle sáravavīrāḥ suvīrā áriṣṭavīrā úpa sám  
carema ||1||

(AVŚ\_3,12.2a) iháivá dhruvā prāti tiṣṭha śálé 'śvāvatī gómatī  
sūnṛtāvatī |  
(AVŚ\_3,12.2c) ūrjasvatī ghṛtāvatī páyasvaty úc chrayasva mahaté  
sáubhagāya ||2||

(AVŚ\_3,12.3a) dharuṇy àsi śāle bṛháchandāḥ pútīdhānyā |  
(AVŚ\_3,12.3c) á tvā vatsó gamed á kumārā á dhenávaḥ sâyám  
āspāndamānāḥ ||3||

(AVŚ\_3,12.4a) imām śálām savitā vāyúr índro bṛhaspátir ní minotu  
prajānán |  
(AVŚ\_3,12.4c) ukṣántūdnā marúto ghṛténa bhágo no rájā ní kṛśīm  
tanotu ||4||

(AVŚ\_3,12.5a) mánasya patni śaraṇā syonā devī devébhir nímitāsy  
ágre |  
(AVŚ\_3,12.5c) tṛṇam vásānā sumānā asas tvám áthāsmábhyam  
sahāvīram rayīm dāḥ ||5||

(AVŚ\_3,12.6a) ṛténa sthūṇām ádhi roha vaṃsogró virājann ápa  
vṛṇkṣva sátṛūn |  
(AVŚ\_3,12.6c) má te riṣann upasattáro gṛhñāṃ śāle śatām jīvema  
śarádaḥ sáravavīrāḥ ||6||

(AVŚ\_3,12.7a) émām kumārás táruṇa á vatsó jágatā sahá |  
(AVŚ\_3,12.7c) émām parisrútaḥ kumbhá á dadhnāḥ kalásair aguḥ ||  
7||

(AVŚ\_3,12.8a) pūrṇām nāri prá bhara kumbhám etām ghṛtāsya  
dhārām amṛtena sám bhṛtām |  
(AVŚ\_3,12.8c) imām pātṛṇ amṛtena sám aṅgdhīṣṭāpūrtām abhí  
rakṣāty enām ||8||

(AVŚ\_3,12.9a) imá ápaḥ prá bharāmy ayakṣmā yakṣmanāśanīḥ |  
(AVŚ\_3,12.9c) gṛhñan úpa prá sīdāmy amṛtena sahāgnínā ||9||

(AVŚ\_3,13.1a) yád adáh samprayatír áhāv ánadatā haté |  
(AVŚ\_3,13.1c) tásmād á nadyò nāma stha tá vo námāni sindhavaḥ ||  
1||

(AVŚ\_3,13.2a) yát préṣitā váruṇenác chíbham samávalgata |  
(AVŚ\_3,13.2c) tát āpnod índro vo yatís tásmād ápo ánu ṣṭhana ||2||

(AVŚ\_3,13.3a) apakāmam syāndamānā āvīvarata vo hí kam |  
(AVŚ\_3,13.3c) índro vaḥ śáktibhir devīs tásmd vār nāma vo hitām || 3||

(AVŚ\_3,13.4a) ékaḥ vo devó 'py atīṣṭhat syāndamānā yathāvaśám |  
(AVŚ\_3,13.4c) úd āniṣur mahír íti tásmd udakám ucyate ||4||

(AVŚ\_3,13.5a) āpo bhadrá gḥtām íd āpa āsann agníśómau bibhraty  
āpa ít tāt |  
(AVŚ\_3,13.5c) tīvró rāso madhupṛcām araṃgamá ā mā prāṇéna  
sahá várcasā gamet ||5||

(AVŚ\_3,13.6a) ád ít paśyāmy utá vā śṛṇomy ā mā ghóṣo gachati vān  
māsām |  
(AVŚ\_3,13.6c) mánye bhejānó amṛtasya tárhi híraṇyavarṇā átrpaṃ  
yadā vaḥ ||6||  
(AVŚ\_3,13.7a) idām va āpo hṛdayam ayām vatsá ṛtāvarīḥ |  
(AVŚ\_3,13.7c) ihétthám éta śakvarīr yátredām veśáyāmi vaḥ ||7||

(AVŚ\_3,14.1a) sám vo goṣṭhena suśádā sám rayyá sám súbhūtyā |  
(AVŚ\_3,14.1c) áharjātasya yān nāma tēnā vaḥ sám sṛjāmasi ||1||

(AVŚ\_3,14.2a) sám vaḥ sṛjativ aryamā sám pūṣá sám bṛhaspátīḥ |  
(AVŚ\_3,14.2c) sám índro yó dhanamjayó máyi puṣyata yád vásu ||2||

(AVŚ\_3,14.3a) samjagmāná ábibhyuṣīr asmín goṣṭhé karīṣīṇīḥ |  
(AVŚ\_3,14.3c) bíbhratīḥ somyām mádhv anamīvā upétana ||3||

(AVŚ\_3,14.4a) iháivá gāva étanehó śákeva puṣyata |  
(AVŚ\_3,14.4c) iháivótá prá jāyadhvam máyi samjñānam astu vaḥ || 4||

(AVŚ\_3,14.5a) śívó vo goṣṭhó bhavatu śāriśákeva puṣyata |  
(AVŚ\_3,14.5c) iháivótá prá jāyadhvam máyā vaḥ sám sṛjāmasi ||5||

(AVŚ\_3,14.6a) máyā gāvo gópatinā sacadhvam ayām vo goṣṭhá ihá  
poṣayiṣṇúḥ |  
(AVŚ\_3,14.6c) rāyás póṣeṇa bahulá bhávantīr jīvá jīvantīr úpa vaḥ  
sadema ||6||

(AVŚ\_3,15.1a) índram ahām vañijam codayāmi sá na áitu puraetá  
no astu |  
(AVŚ\_3,15.1c) nudānn árātim paripanthínam mṛgām sá íśāno  
dhanadā astu máhyam ||1||

(AVŚ\_3,15.2a) yé pánthāno bahávo devayānā antarā dyāvāpṛthiví  
saṃcāranti |  
(AVŚ\_3,15.2c) té mā juṣantāṃ páyasā ghṛténa yáthā krítvā dhánam  
āhārāṇi ||2||

(AVŚ\_3,15.3a) idhménāgna ichámāno ghṛténa juhómi havýam  
tárase bálāya |  
(AVŚ\_3,15.3c) yávad íse bráhmaṇā vándamāna imām dhíyam  
śataséyāya devīm ||3||

(AVŚ\_3,15.4a) imām agne śaráṇim mīmṛṣo no yám ádhvānam  
ágāma dūrám |  
(AVŚ\_3,15.4c) śunám no astu prapaṇó vikráyaś ca pratipaṇáh  
phalínam mā kṛṇotu |  
(AVŚ\_3,15.4e) idám havýam saṃvidānáu juṣethām śunám no astu  
caritām útthitam ca ||4||

(AVŚ\_3,15.5a) yéna dhánena prapaṇám cárāmi dhánena devā  
dhánam ichámānaḥ |  
(AVŚ\_3,15.5c) tán me bhúyo bhavatu má kánīyó 'gne sātagnó  
devān haviṣā ní ṣedha ||5||

(AVŚ\_3,15.6a) yéna dhánena prapaṇám cárāmi dhánena devā  
dhánam ichámānaḥ |  
(AVŚ\_3,15.6c) tásmin ma índro rúcim á dadhātu prajāpatiḥ savitā  
sómo agníḥ ||6||

(AVŚ\_3,15.7a) úpa tvā námasā vayám hótar vaiśvānara stumáh |  
(AVŚ\_3,15.7c) sá naḥ prajāsv ātmāsu góṣu prāṇéṣu jāgṛhi ||7||

(AVŚ\_3,15.8a) viśvāhā te sádam íd bharemásvāyeva tíṣṭhate  
jātavedaḥ |  
(AVŚ\_3,15.8c) rāyás póṣeṇa sám iṣā mādanto má te agne prátivesā  
riṣāma ||8||

(AVŚ\_3,16.1a) prātár agníṃ prātár índram havāmahe prātár  
mitrāvāruṇā prātár ásvínā |  
(AVŚ\_3,16.1c) prātár bhágam pūṣāṇam bráhmaṇas pátiṃ prātáh  
sómam utá rudráṃ havāmahe ||1||

(AVŚ\_3,16.2a) prātarjítam bhágam ugrám havāmahe vayám putráṃ  
áditer yó vidhartā |  
(AVŚ\_3,16.2c) ādhrás cid yám mányamānas turás cid rájā cid yám  
bhágam bhakṣíty áha ||2||

(AVŚ\_3,16.3a) bhága práṇetar bhága sátyarādho bhágemām

dhíyam úd avā dādan naḥ |  
(AVŚ\_3,16.3c) bhāga prā ṇo janaya góbhīr ásvair bhāga prā ṇḡbhīr  
ṇṛvāntaḥ syāma ||3||

(AVŚ\_3,16.4a) utédānīm bhāgavantaḥ syāmotá prapitvá utá mādhye  
áhnām |  
(AVŚ\_3,16.4c) utóditau maghavant sūryasya vayām devānām  
sumatáu syāma ||4||

(AVŚ\_3,16.5a) bhāga evā bhāgavāñ astu devás tēnā vayām  
bhāgavantaḥ syāma |  
(AVŚ\_3,16.5c) tám tvā bhaga sārva íj johavīmi sá no bhaga puraetā  
bhavēhá ||5||

(AVŚ\_3,16.6a) sám adhvarāyośaso namanta dadhikrāveva śúcaye  
padāya |  
(AVŚ\_3,16.6c) arvācīnām vasuvídaṃ bhāgaṃ me rátham ivāśvā  
vājīnā á vahantu ||6||

(AVŚ\_3,16.7a) ásvāvatīr gómatīr na uśāso vīrávatīḥ sādām uchantu  
bhadráḥ |  
(AVŚ\_3,16.7c) gṛtām dúhānā viśvátaḥ prápītā yūyām pāta  
svastībhiḥ sādā naḥ ||7||

(AVŚ\_3,17.1a) sīrā yuñjanti kavāyo yugá ví tanvate pṛthak |  
(AVŚ\_3,17.1c) dhīrā devēṣu sumnayáu ||1||

(AVŚ\_3,17.2a) yunákta sīrā ví yugá tanota kṛté yónau vapatehá  
bíjam |  
(AVŚ\_3,17.2c) virājāḥ śnúṣṭiḥ sábhārā asan no nédīya ít sṛṇyāḥ  
pakvām á yavan ||2||

(AVŚ\_3,17.3a) lāṅgalaṃ pavīrávat suśímaṃ somasátsaru |  
(AVŚ\_3,17.3c) úd íd vapatu gām áviṃ prasthávad rathavāhanaṃ  
píbarīm ca prapharvyām ||3||  
(AVŚ\_3,17.4a) índraḥ sītām ní gṛṇṇātu tám pūṣābhí rakṣatu |  
(AVŚ\_3,17.4c) sá naḥ páyasvatī duhām úttarāmuttarām sámām ||4||

(AVŚ\_3,17.5a) śunām suphālā ví tudantu bhúmiṃ śunām kīnāsā ánu  
yantú vāhān |  
(AVŚ\_3,17.5c) śunāsīrā havīṣā tósamānā supippalā óṣadhīḥ kartam  
asmāi ||5||

(AVŚ\_3,17.6a) śunām vāhāḥ śunām náraḥ śunām kṛṣatu lāṅgalaṃ |  
(AVŚ\_3,17.6c) śunām varatrā badhyantām śunām áṣṭrām úd inḡaya  
||6||

(AVŚ\_3,17.7a) súnāsīrehá sma me juṣethām |  
(AVŚ\_3,17.7c) yád diví cakráthuḥ páyas ténémām úpa siñcatam ||7||

(AVŚ\_3,17.8a) síte vándāmahe tvārvácī subhage bhava |  
(AVŚ\_3,17.8c) yáthā naḥ sumánā áso yáthā naḥ suphalá bhúvaḥ ||8||

(AVŚ\_3,17.9a) ghṛténa sítā mádhunā sámaktā vísvair deváir  
ánumatā marúdbhiḥ |  
(AVŚ\_3,17.9c) sá naḥ síte páyasābhyávavṛtsvójasvatī ghṛtávat  
pínvamānā ||9||

(AVŚ\_3,18.1a) imām khanāmy óṣadhiṃ vīrúdhām bálavattamām |  
(AVŚ\_3,18.1c) yáyā sapátnīṃ bád hate yáyā samvindáte pátim ||1||

(AVŚ\_3,18.2a) úttānaparṇe súbhage dévajūte sáhasvati |  
(AVŚ\_3,18.2c) sapátnīṃ me párā ṇuda pátiṃ me kévalam kṛdhi ||2||

(AVŚ\_3,18.3a) nahí te náma jagráha nó asmín ramase pátau |  
(AVŚ\_3,18.3c) párām evá parāvátam sapátnīṃ gamayāmasi ||3||

(AVŚ\_3,18.4a) úttarāhām uttara úttaréd úttarābhyaḥ |  
(AVŚ\_3,18.4c) adháh sapátnī yá mámádhara sádharābhyaḥ ||4||

(AVŚ\_3,18.5a) ahám asmi sáhamānātho tvám asi sāsahíḥ |  
(AVŚ\_3,18.5c) ubhé sáhasvati bhūtvá sapátnīṃ me sahāvahai ||5||

(AVŚ\_3,18.6a) abhí te 'dhām sáhamānām úpa te 'dhām sáhīyasīm |  
(AVŚ\_3,18.6c) mám ánu prá te máno vatsám gáur iva dhāvatu  
pathā vār iva dhāvatu ||6||

(AVŚ\_3,19.1a) sámśitam ma idám bráhma sámśitam vīryam bálam |  
(AVŚ\_3,19.1c) sámśitam kṣatráam ajáram astu jiṣṇúr yéśām asmi  
puróhitaḥ ||1||

(AVŚ\_3,19.2a) sám ahám eṣám rāṣṭráam syāmi sám ójo vīryam  
bálam |  
(AVŚ\_3,19.2c) vṛścāmi sátrūṇām bāhún anéna havíṣā ahám ||2||

(AVŚ\_3,19.3a) nīcáiḥ padyantām ádhare bhavantu yé naḥ sūrím  
maghāvānam pṛtanyān |  
(AVŚ\_3,19.3c) kṣiṇāmi bráhmanāmítrān ún nayāmi svān ahám ||3||

(AVŚ\_3,19.4a) tīkṣṇīyāmsaḥ paraśór agnés tīkṣṇátarā utá |  
(AVŚ\_3,19.4c) índrasya vájrāt tīkṣṇīyāmsó yéśām ásmi puróhitaḥ ||4||

4||

(AVŚ\_3,19.5a) eṣām ahám áyudhā sám syāmy eṣām rāṣṭrām  
suvīram vardhayāmi |  
(AVŚ\_3,19.5c) eṣām kṣatram ajāram astu jiṣṇv eṣām cittām víśve  
'vantu devāḥ ||5||

(AVŚ\_3,19.6a) úd dharṣantām maghavan vājīnāny úd vīrāṇām  
jāyatām etu ghóṣaḥ |  
(AVŚ\_3,19.6c) pṛthag ghóṣā ululāyaḥ ketumānta úd īratām |  
(AVŚ\_3,19.6e) devā índrajyeṣṭhā marúto yantu sénayā ||6||

(AVŚ\_3,19.7a) prētā jāyatā nara ugrā vaḥ santu bāhavaḥ |  
(AVŚ\_3,19.7c) tikṣṇéṣavo 'baládhanvano hatogrāyudhā abalān  
ugrābāhavaḥ ||7||

(AVŚ\_3,19.8a) ávasṛṣṭā párā pata sáravye bráhmasaṃśite |  
(AVŚ\_3,19.8c) jáya amítrān prá padyasva jahy eṣām váramvaram  
māmīṣām moci kás caná ||8||

(AVŚ\_3,20.1a) ayām te yónir ṛtvíyo yáto jātó árocathāḥ |  
(AVŚ\_3,20.1c) tám jānānn agna ā rohādḥā no vardhaya rayīm ||1||

(AVŚ\_3,20.2a) ágne áchā vadehá naḥ pratyān naḥ sumánā bhava |  
(AVŚ\_3,20.2c) prá ṇo yacha víśām pate dhanadā asi nas tvám ||2||

(AVŚ\_3,20.3a) prá ṇo yachatv aryamā prá bhágaḥ prá bṛhaspátīḥ |  
(AVŚ\_3,20.3c) prá devīḥ prótá sūnṛtā rayīm deví dadhātu me ||3||

(AVŚ\_3,20.4a) sómaṃ rájānam ávase 'gnīm gīrbhír havāmahe |  
(AVŚ\_3,20.4c) ādityām víṣṇum sūryam brahmāṇam ca bṛhaspátim ||  
4||

(AVŚ\_3,20.5a) tvám no agne agnībhir bráhma yajñám vardhaya |  
(AVŚ\_3,20.5c) tvám no deva dātave rayīm dānāya codaya ||5||

(AVŚ\_3,20.6a) indravāyú ubhāv ihá suhávehá havāmahe |  
(AVŚ\_3,20.6c) yáthā naḥ sárva íj jánaḥ sámgyatām sumánā asad  
dānakāmas ca no bhúvat ||6||

(AVŚ\_3,20.7a) aryamāṇam bṛhaspátim índram dānāya codaya |  
(AVŚ\_3,20.7c) vātaṃ víṣṇum sárasvatīm savitāram ca vājīnam ||7||

(AVŚ\_3,20.8a) vājasya nú prasavé sám babhūvimemā ca víśvā  
bhūvanāni antāḥ |  
(AVŚ\_3,20.8c) utáditsantaṃ dāpayatu prajānān rayīm ca naḥ  
sārvavīram ní yacha ||8||

(AVŚ\_3,20.9a) duhrām me páñca pradīṣo duhrām urvīr yathābalām |  
(AVŚ\_3,20.9c) prāpeyaṃ sārva ākūtīr mānasā hṛdayena ca ||9||

(AVŚ\_3,20.10a) gosāniṃ vācam udeyaṃ vārcasā mābhyúdihi |  
(AVŚ\_3,20.10c) ā rundhāṃ sarvāto vāyús tvāṣṭā póṣaṃ dadhātu me ||10||

(AVŚ\_3,21.1a) yé agnáyo apsv àntár yé vṛtré yé púruṣe yé áśmasu |  
(AVŚ\_3,21.1c) yá āvivésóṣadhīr yó vānaspátīṃs tébhyo agnībhyo  
hutám astv etát ||1||

(AVŚ\_3,21.2a) yáḥ sóme antár yó góṣv antár yá áviṣṭo váyaḥsu yó  
mṛgēṣu |  
(AVŚ\_3,21.2c) yá āvivéśa dvipádo yás cátuṣpadas tébhyo agnībhyo  
hutám astv etát ||2||

(AVŚ\_3,21.3a) yá índreṇa saráthaṃ yāti devó vaiśvānará utá  
viśvadāvyāḥ |  
(AVŚ\_3,21.3c) yám jóhavīmi pṛtanāsu sāsahīm tébhyo agnībhyo  
hutám astv etát ||3||

(AVŚ\_3,21.4a) yó devó viśvād yám u kāmam āhúr yám dātāraṃ  
pratigrhñántam āhúḥ |  
(AVŚ\_3,21.4c) yó dhīraḥ śakráḥ paribhūr ádābhyas tébhyo agnībhyo  
hutám astv etát ||4||

(AVŚ\_3,21.5a) yám tvā hótāraṃ mānasābhí saṃvidús tráyoḍaśa  
bhauvanāḥ páñca mānavāḥ |  
(AVŚ\_3,21.5c) varcodháse yaśáse sūnṛtāvate tébhyo agnībhyo  
hutám astv etát ||5||

(AVŚ\_3,21.6a) ukṣānnāya vaśānnāya sómapṛṣṭhāya vedháse |  
(AVŚ\_3,21.6c) vaiśvānarájyeṣṭhebhyaṣ tébhyo agnībhyo hutám astv  
etát ||6||

(AVŚ\_3,21.7a) dívaṃ pṛthivīm ánsv antárikṣam yé vidyútam  
anusamcāranti |  
(AVŚ\_3,21.7c) yé dikṣv àntár yé vāte antás tébhyo agnībhyo hutám  
astv etát ||7||

(AVŚ\_3,21.8a) híraṇyapāṇiṃ savitāraṃ índraṃ bṛhaspátim váruṇaṃ  
mitráṃ agnīm |  
(AVŚ\_3,21.8c) víśvān devān áṅgirasó havāmahe imám kravýādaṃ  
śamayantv agnīm ||8||

(AVŚ\_3,21.9a) śántó agnīḥ kravýāc chāntáḥ puruṣarēṣaṇaḥ |

(AVŚ\_3,21.9c) átho yó viśvadāvyàs tám kravýādam aśīsamam ||9||

(AVŚ\_3,21.10a) yé párvatāḥ sómapṛṣṭhā āpa uttānaśívarīḥ |

(AVŚ\_3,21.10c) vātaḥ parjánya ād agnís té kravýādam aśīsamam ||10||

(AVŚ\_3,22.1a) haṣṭivarcasām prathatām bṛhád yáso ádityā yát tanvāḥ sambabhúva |

(AVŚ\_3,22.1c) tát sarve sám adur máhyam etád víśve devā áditiḥ sajóṣāḥ ||1||

(AVŚ\_3,22.2a) mitrás ca váruṇas céndro rudrás ca cetatu |

(AVŚ\_3,22.2c) devāso viśvadhāyasas té māñjantu várcasā ||2||

(AVŚ\_3,22.3a) yéna hastí várcasā sambabhúva yéna rájā manuṣyèsv apsv àntāḥ |

(AVŚ\_3,22.3c) yéna devā devátām ágra áyan téna mām adyá várcasāgne varcasvínam kṛṇu ||3||

(AVŚ\_3,22.4a) yát te várco jātavedo bṛhád bhávaty áhuteḥ |

(AVŚ\_3,22.4c) yāvat sūryasya várca āsurasya ca hastínaḥ |

(AVŚ\_3,22.4e) távan me aśvínā várca á dhattām púṣkarasrajā ||4||

(AVŚ\_3,22.5a) yāvac cátrasaḥ pradísas cākṣur yāvat samaśnuté |

(AVŚ\_3,22.5c) távat samáitv indriyām máyi tát dhastivarcasām ||5||

(AVŚ\_3,22.6a) hastí mṛgāṇām suśádām atiṣṭhāvān babhúva hí |

(AVŚ\_3,22.6c) tásya bhágena várcasābhí ṣiñcāmi mām ahám ||6||

(AVŚ\_3,23.1a) yéna vehád babhúvitha nāśáyāmasi tát tvát |

(AVŚ\_3,23.1c) idéṃ tát anyáttra tvád āpa dūré ní dadhmasi ||1||

(AVŚ\_3,23.2a) á te yónim gárbha etu púmān bāṇa iveṣudhím |

(AVŚ\_3,23.2c) á vīró 'tra jāyatām putrás te dásamāsyah ||2||

(AVŚ\_3,23.3a) púmāṃsam putráṃ janaya tám púmān ánu jāyatām |

(AVŚ\_3,23.3c) bhávāsi putráṇām mātá jātānām janáyās ca yān ||3||

(AVŚ\_3,23.4a) yāni badráṇi bījāny ṛṣabhā janáyanti ca |

(AVŚ\_3,23.4c) táis tvám putráṃ vindasva sá prasúr dhénukā bhava ||4||

(AVŚ\_3,23.5a) kṛṇómi te prājāpatyām á yónim gárbha etu te |

(AVŚ\_3,23.5c) vindásva tvám putráṃ nāri yás túbhyaṃ sám ázac chám u tásmāi tvám bháva ||5||



(AVŚ\_3,23.6a) yāsām dyáuḥ pitá pṛthiví mātá samudró mūlam  
vīrúdhām babhúva |  
(AVŚ\_3,23.6c) tās tvā putravídyāya dáivīḥ právantv óśadhayaḥ ||6||

(AVŚ\_3,24.1a) páyasvatīr óśadhayaḥ páyasvan māmakām vácaḥ |  
(AVŚ\_3,24.1c) átho páyasvatīnām á bhare 'hām sahasraśáh ||1||

(AVŚ\_3,24.2a) védāhām páyasvantam cakāra dhānyām bahú |  
(AVŚ\_3,24.2c) sambhítvā nāma yó devás tám vayām havāmahe  
yóyo áyajvano grhé ||2||

(AVŚ\_3,24.3a) imā yāḥ páñca pradíso mānavīḥ páñca kṛṣṭáyāḥ |  
(AVŚ\_3,24.3c) vṛṣṭé śápaṁ nadír ivehá sphātím samāvahān ||3||

(AVŚ\_3,24.4a) úd útsam śatádhāram sahasradhāram ákṣitam |  
(AVŚ\_3,24.4c) evásmákedām dhānyām sahasradhāram ákṣitam ||4||

(AVŚ\_3,24.5a) śatahasta samāhara sahasrahasta sám kira |  
(AVŚ\_3,24.5c) kṛtásya kāryāsya cehá sphātím samāvaha ||5||

(AVŚ\_3,24.6a) tísro mātṛā gandharvāṇām cátasro grhápatnyāḥ |  
(AVŚ\_3,24.6c) tāsām yá sphātimáttamā táyā tvābhí mṛśāmasi ||6||

(AVŚ\_3,24.7a) upohás ca samūhás ca kṣattārau te prajāpate |  
(AVŚ\_3,24.7c) tāv ihá vahatām sphātím bahúm bhūmānam ákṣitam  
||7||

(AVŚ\_3,25.1a) uttudás tvót tudatu má dhṛthāḥ sáyane své |  
(AVŚ\_3,25.1c) íṣuḥ kāmasya yá bhīmá táyā vidhyāmi tvā hṛdí ||1||

(AVŚ\_3,25.2a) ādhīparṇām kāmaśalyām íṣum samkalpákulmalām |  
(AVŚ\_3,25.2c) tám súsamnatām kṛtvá kāmo vidhyatu tvā hṛdí ||2||

(AVŚ\_3,25.3a) yá plīhānam śośáyati kāmasyéṣuḥ súsamnatā |  
(AVŚ\_3,25.3c) prācínapakṣā vyòṣā táyā vidhyāmi tvā hṛdí ||3||

(AVŚ\_3,25.4a) śucá viddhá vyòṣayā súṣkāsyābhí sarpa mā |  
(AVŚ\_3,25.4c) mṛdúr nímanyuḥ kévalī priyavādíny ánuvratā ||4||

(AVŚ\_3,25.5a) ájāmi tvájanyā pári mātúr átho pitúḥ |  
(AVŚ\_3,25.5c) yáthā máma krátāv áso máma cittám upāyasi ||5||

(AVŚ\_3,25.6a) vy àsyai mitrāvaruṇau hṛdás cittāny asyatam |  
(AVŚ\_3,25.6c) áthainām akratúm kṛtvá mámaivá kṛṇutam váśe ||6||

(AVŚ\_3,26.1a) yè 'syām sthá prācyām diśí hetáyo náma devās  
téṣām vo agnír iṣavaḥ |  
(AVŚ\_3,26.1c) té no mṛḍata té nó 'dhi brūta tébhyo vo námas  
tébhyo vaḥ svāhā ||1||

(AVŚ\_3,26.2a) yè 'syām sthá dākṣiṇāyām diśy àviṣyávo náma devās  
téṣām vaḥ káma iṣavaḥ |  
(AVŚ\_3,26.2c) té no mṛḍata té nó 'dhi brūta tébhyo vo námas  
tébhyo vaḥ svāhā ||2||

(AVŚ\_3,26.3a) yè 'syām sthá pratícyām diśí vairājā náma devās  
téṣām va āpa iṣavaḥ |  
(AVŚ\_3,26.3c) té no mṛḍata té nó 'dhi brūta tébhyo vo námas  
tébhyo vaḥ svāhā ||3||

(AVŚ\_3,26.4a) yè 'syām sthódīcyām diśí pravídhyanto náma devās  
téṣām vo vāta iṣavaḥ |  
(AVŚ\_3,26.4c) té no mṛḍata té nó 'dhi brūta tébhyo vo námas  
tébhyo vaḥ svāhā ||4||

(AVŚ\_3,26.5a) yè 'syām sthá dhruvāyām diśí nilimpā náma devās  
téṣām va óṣadhīr iṣavaḥ |  
(AVŚ\_3,26.5c) té no mṛḍata té nó 'dhi brūta tébhyo vo námas  
tébhyo vaḥ svāhā ||5||

(AVŚ\_3,26.6a) yè 'syām sthórdhvāyām diśy ávasvanto náma devās  
téṣām vo bṛhaspátir iṣavaḥ |  
(AVŚ\_3,26.6c) té no mṛḍata té nó 'dhi brūta tébhyo vo námas  
tébhyo vaḥ svāhā ||6||

(AVŚ\_3,27.1a) prācī díg agnír ádhipatir asitó rakṣitádityā iṣavaḥ |  
(AVŚ\_3,27.1c) tébhyo námó 'dhipatibhyo námo rakṣitṛbhyo náma  
iṣubhyo náma ebhyo astu |  
(AVŚ\_3,27.1e) yò 'smān dvéṣṭi yām vayām dviṣmās tám vo jámbhe  
dadhmaḥ ||1||

(AVŚ\_3,27.2a) dākṣiṇā díg índro 'dhipatis tíraścirājī rakṣitā pitára  
iṣavaḥ |  
(AVŚ\_3,27.2c) tébhyo námó 'dhipatibhyo námo rakṣitṛbhyo náma  
iṣubhyo náma ebhyo astu |  
(AVŚ\_3,27.2e) yò 'smān dvéṣṭi yām vayām dviṣmās tám vo jámbhe  
dadhmaḥ ||2||

(AVŚ\_3,27.3a) pratíci díg váruṇó 'dhipatiḥ pṛdākū rakṣitānnam

íṣavaḥ |

(AVŚ\_3,27.3c) tébhyo námo 'dhipatibhyo námo rakṣitṛbhyo náma  
íṣubhyo náma ebhyo astu |

(AVŚ\_3,27.3e) yò 'smān dvéṣṭi yām vayām dviṣmās tám vo jámbhe  
dadhmaḥ ||3||

(AVŚ\_3,27.4a) údīcī dík sómó 'dhipatiḥ svajó rakṣitāśánir íṣavaḥ |

(AVŚ\_3,27.4c) tébhyo námo 'dhipatibhyo námo rakṣitṛbhyo náma  
íṣubhyo náma ebhyo astu |

(AVŚ\_3,27.4e) yò 'smān dvéṣṭi yām vayām dviṣmās tám vo jámbhe  
dadhmaḥ ||4||

(AVŚ\_3,27.5a) dhruvā díg víṣṇur ádhipatiḥ kalmāṣagrīvo rakṣitā  
vīrúdha íṣavaḥ |

(AVŚ\_3,27.5c) tébhyo námo 'dhipatibhyo námo rakṣitṛbhyo náma  
íṣubhyo náma ebhyo astu |

(AVŚ\_3,27.5e) yò 'smān dvéṣṭi yām vayām dviṣmās tám vo jámbhe  
dadhmaḥ ||5||

(AVŚ\_3,27.6a) ūrdhvā díg bṛhaspátir ádhipatiḥ śvitró rakṣitā varṣām  
íṣavaḥ |

(AVŚ\_3,27.6c) tébhyo námo 'dhipatibhyo námo rakṣitṛbhyo náma  
íṣubhyo náma ebhyo astu |

(AVŚ\_3,27.6e) yò 'smān dvéṣṭi yām vayām dviṣmās tám vo jámbhe  
dadhmaḥ ||6||

(AVŚ\_3,28.1a) ékaikayaiśā śṣṣṭyā sám babhūva yátra gā ásrjanta  
bhūtakṛto viśvárūpāḥ |

(AVŚ\_3,28.1c) yátra vijāyate yamíny apartúḥ sá paśún kṣiṇāti riphatí  
rúsatī ||1||

(AVŚ\_3,28.2a) eṣā paśúnt sám kṣiṇāti kravyád bhūtvā vyádvarī |

(AVŚ\_3,28.2c) utáinām brahmāṇe dadyāt táthā syonā śivā syāt ||2||

(AVŚ\_3,28.3a) śivā bhava púruṣebhyo góbhyo áśvebhyah śivā |

(AVŚ\_3,28.3c) śivásmái sárvasmai kṣétrāya śivā na iháidhi ||3||

(AVŚ\_3,28.4a) ihá púṣṭir ihá rása ihá sahasrasātamā bhava |

(AVŚ\_3,28.4c) paśún yamini poṣaya ||4||

(AVŚ\_3,28.5a) yátrā suhárdaḥ sukṛto mādanti vihāya rógam tanvāḥ  
svāyāḥ |

(AVŚ\_3,28.5c) tám lokām yamíny abhisám babhūva sá no má himṣīt  
púruṣān paśúmś ca ||5||

(AVŚ\_3,28.6a) yátrā suhárdām sukṛtām agnihotra hūtām yátra lokāḥ  
|

(AVŚ\_3,28.6c) tám lokām yamíny abhisám babhūva sá no má himṣīt

púruṣān paśúmś ca ||6||

(AVŚ\_3,29.1a) yád rājāno vibhájanta iṣṭāpūrtásya ṣoḍaśám  
yamáśyāmí sabhāsádaḥ |

(AVŚ\_3,29.1c) ávis tásmāt prá muñcati dattáḥ śítipát svadhá ||1||

(AVŚ\_3,29.2a) sárvān kāmān pūrayaty ābhávan prabhávan bhávan |

(AVŚ\_3,29.2c) ākūtipró 'vir dattáḥ śítipānn nópa dasyati ||2||

(AVŚ\_3,29.3a) yó dádāti śítipādam áviṃ lokéna sámmitam |

(AVŚ\_3,29.3c) sá nákam abhyárohati yátra śulkó ná kriyáte abaléna  
bálīyase ||3||

(AVŚ\_3,29.4a) páñcāpūpaṃ śítipādam áviṃ lokéna sámmitam |

(AVŚ\_3,29.4c) pradātópa jīvati pitṛñāṃ loké 'kṣitam ||4||

(AVŚ\_3,29.5a) páñcāpūpaṃ śítipādam áviṃ lokéna sámmitam |

(AVŚ\_3,29.5c) pradātópa jīvati sūryāmāsáyor ákṣitam ||5||

(AVŚ\_3,29.6a) íreva nópa dasyati samudrá iva páyo mahát |

(AVŚ\_3,29.6c) deváu savāsínāv iva śítipān nópa dasyati ||6||

(AVŚ\_3,29.7a) ká idāṃ kásmā adāt kámaḥ kāmāyādāt |

(AVŚ\_3,29.7c) kámo dātá kámaḥ pratigrahītá kámaḥ samudrám á  
viveśa |

(AVŚ\_3,29.7e) kámena tvā prāti gṛhnāmi kāmaitát te ||7||

(AVŚ\_3,29.8a) bhúmiṣ tvā prāti gṛhṇātv antárikṣam idāṃ mahát |

(AVŚ\_3,29.8c) máhāṃ prāṇéna mātmanā má prajáyā pratigṛhya ví  
rādhiṣi ||8||

(AVŚ\_3,30.1a) sáhrdayaṃ sāmmanasyám ávidveṣaṃ kṛṇomi vaḥ |

(AVŚ\_3,30.1c) anyó anyám abhí haryata vatsáṃ jātám ivāghnyá ||1||

(AVŚ\_3,30.2a) ánuvrataḥ pitúḥ putró mātṛá bhavatu sámmanāḥ |

(AVŚ\_3,30.2c) jāyá pátye mádhumatīm vācaṃ vadatu śantivám ||2||

(AVŚ\_3,30.3a) má bhrátā bhrátaraṃ dvikṣan má svásāram utá svásā  
|

(AVŚ\_3,30.3c) samyáñcaḥ sávratā bhūtvá vācaṃ vadata bhadráyā ||  
3||

(AVŚ\_3,30.4a) yéna devá ná viyánti nó ca vidviṣáte mitháḥ |

(AVŚ\_3,30.4c) tát kṛṇmo bráhma vo gṛhé samjñānaṃ púruṣebhyaḥ  
||4||

(AVŚ\_3,30.5a) jyāyasvantaś cittíno má ví yauşta samrādháyantaḥ  
sādhurāś cārantaḥ |

(AVŚ\_3,30.5c) anyó anyásmāi valgú vādanta éta sadhrīcínān vaḥ  
sāmmanasas kṛṇomi ||5||

(AVŚ\_3,30.6a) samānī prapā sahá vo 'nnabhāgáḥ samāné yóktre  
sahá vo yunajmi |

(AVŚ\_3,30.6c) samyāñco 'gnīm saparyatārā nábhim ivābhítaḥ ||6||

(AVŚ\_3,30.7a) sadhrīcínān vaḥ sāmmanasas kṛṇomy ékaśnuṣṭīnt  
samvānanena sárvaṇ |

(AVŚ\_3,30.7c) devā ivāmṛtaṁ rákṣamāṇāḥ sâyāṁprātaḥ saumanasó  
vo astu ||7||

(AVŚ\_3,31.1a) ví devā jarāsāvṛtan ví tvám agne árātyā |

(AVŚ\_3,31.1c) vy àhām sárveṇa pāpmánā ví yákṣmeṇa sám áyuṣā ||  
1||

(AVŚ\_3,31.2a) vy ártyā pávamāno ví śakráḥ pāpakṛtyāyā |

(AVŚ\_3,31.2c) vy àhām sárveṇa pāpmánā ví yákṣmeṇa sám áyuṣā ||  
2||

(AVŚ\_3,31.3a) ví grāmyāḥ paśáva āraṇyáir vy āpas tṛṣṇayāsaran |

(AVŚ\_3,31.3c) vy àhām sárveṇa pāpmánā ví yákṣmeṇa sám áyuṣā ||  
3||

(AVŚ\_3,31.4a) ví mé dyāvāpṛthiví itó ví pánthāno dísaṁdiśam |

(AVŚ\_3,31.4c) vy àhām sárveṇa pāpmánā ví yákṣmeṇa sám áyuṣā ||  
4||

(AVŚ\_3,31.5a) tváṣṭā duhitré vahatúm yunaktítīdām víśvaṁ  
bhúvanam ví yāti |

(AVŚ\_3,31.5c) vy àhām sárveṇa pāpmánā ví yákṣmeṇa sám áyuṣā ||  
5||

(AVŚ\_3,31.6a) agníḥ prāṇánt sám dadhāti candráḥ prāṇéna  
sāmhitāḥ |

(AVŚ\_3,31.6c) vy àhām sárveṇa pāpmánā ví yákṣmeṇa sám áyuṣā ||  
6||

(AVŚ\_3,31.7a) prāṇéna víśvátovīryam devāḥ sūryam sám airayan |

(AVŚ\_3,31.7c) vy àhām sárveṇa pāpmánā ví yákṣmeṇa sám áyuṣā ||  
7||

(AVŚ\_3,31.8a) áyuṣmatām áyuṣkṛtām prāṇéna jīva má mṛthāḥ |

(AVŚ\_3,31.8c) vy àhām sárveṇa pāpmánā ví yákṣmeṇa sám áyuṣā ||  
8||

(AVŚ\_3,31.9a) prāṇéna prāṇatām prāṇeháivā bhava mǎ mṛthāḥ |  
(AVŚ\_3,31.9c) vy àhám sárveṇa pāpmánā ví yákṣmeṇa sám áyuṣā || 9||

(AVŚ\_3,31.10a) úd áyuṣā sám áyuṣód óṣadhīnām rāsena |  
(AVŚ\_3,31.10c) vy àhám sárveṇa pāpmánā ví yákṣmeṇa sám áyuṣā ||10||

(AVŚ\_3,31.11a) á parjányasya vṛṣṭyód asthāmāmṛtā vayám |  
(AVŚ\_3,31.11c) vy àhám sárveṇa pāpmánā ví yákṣmeṇa sám áyuṣā ||11||

(AVŚ\_4,1.1a) bráhma jajñánām prathamām purástād ví sīmatáh  
surúco vená āvaḥ |  
(AVŚ\_4,1.1c) sá budhnyā upamá asya viṣṭhāḥ satás ca yónim ásataś  
ca ví vaḥ ||1||

(AVŚ\_4,1.2a) iyám pítryā rāṣṭry etv ágre prathamāya janúṣe  
bhuvaneṣṭhāḥ |  
(AVŚ\_4,1.2c) tásmā etām surúcam hvārám ahyam gharmām  
śrīṇantu prathamāya dhāsyāve ||2||

(AVŚ\_4,1.3a) prá yó jajñé vidván asya bándhur víśvā devánām  
jánimā vivakti |  
(AVŚ\_4,1.3c) bráhma bráhmaṇa új jabhāra mādhyān nicáir uccáih  
svadhā abhí prá tasthau ||3||

(AVŚ\_4,1.4a) sá hí vidáh sá pṛthivyā ṛtasthā mahí kṣémaṇ ródasī  
askabhāyat |  
(AVŚ\_4,1.4c) mahán mahí áskabhāyad ví jātó dyām sádma  
pārthivam ca rájah ||4||

(AVŚ\_4,1.5a) sá bhudhnyād āṣṭra janúṣo 'bhy ágram bṛhaspátir  
devátā tásya samrát |  
(AVŚ\_4,1.5c) áhar yác chukráṇ jyótiṣo jániṣṭátha dyumánto ví  
vasantu víprāḥ ||5||

(AVŚ\_4,1.6a) nūnām tát asya kāvyó hinoti mahó devásya pūrvyásya  
dhāma |  
(AVŚ\_4,1.6c) eṣá jajñe bahúbhiḥ sākám itthā pūrve árdhe víṣite  
sasān nú ||6||

(AVŚ\_4,1.7a) yó 'tharvāṇam pitāram devābandhum bṛhaspátim  
námāsáva ca gáchāt |  
(AVŚ\_4,1.7c) tvām víśveṣām janitá yáthāsaḥ kavír devó ná dábhāyat  
svadhāvān ||7||

(AVŚ\_4,2.1a) yá ātmadā baladā yásya víśva upāsate praśiṣaṃ yásya devāḥ |

(AVŚ\_4,2.1c) yò 'syéśe dvipádo yás cátuṣpadaḥ kásmai devāya havíṣā vidhema ||1||

(AVŚ\_4,2.2a) yáḥ prāṇató nimiṣató mahitváiko rájā jágato babhúva |

(AVŚ\_4,2.2c) yásya chāyāmṛtaṃ yásya mṛtyúḥ kásmai devāya havíṣā vidhema ||2||

(AVŚ\_4,2.3a) yáṃ krándasī ávataś caskabhāné bhiyāsāne ródasī áhvayethām |

(AVŚ\_4,2.3c) yásyāsáu pánthā rájaso vimānaḥ kásmai devāya havíṣā vidhema ||3||

(AVŚ\_4,2.4a) yásya dyáur urví pṛthiví ca mahí yásyādā urv àntárikṣam |

(AVŚ\_4,2.4c) yásyāsáu súro vítato mahitvá kásmai devāya havíṣā vidhema ||4||

(AVŚ\_4,2.5a) yásya víśve himávanto mahitvá samudré yásya rasām íd āhúḥ |

(AVŚ\_4,2.5c) imás ca pradíśo yásya bāhú kásmai devāya havíṣā vidhema ||5||

(AVŚ\_4,2.6a) āpo ágre víśvam āvan gárbham dádhanā amṛtā ṛtajñāḥ |

(AVŚ\_4,2.6c) yásu devíṣv ádhi devá āsīt kásmai devāya havíṣā vidhema ||6||

(AVŚ\_4,2.7a) hiraṇyagarbháḥ sám avartatāgre bhūtásya jātáḥ pátir éka āsīt |

(AVŚ\_4,2.7c) sá dādhāra pṛthivím utá dyām kásmai devāya havíṣā vidhema ||7||

(AVŚ\_4,2.8a) āpo vatsám janáyantīr gárbham ágre sám airayan |

(AVŚ\_4,2.8c) tásyotá jáyamānasyólba āsīd dhiraṇyáyaḥ kásmai devāya havíṣā vidhema ||8||

(AVŚ\_4,3.1a) úd itás tráyo akraman vyāghráḥ púruṣo vṛkaḥ |

(AVŚ\_4,3.1c) hírug ghí yánti síndhavo hírug devó vánaspátir híruṇ namantu śátravaḥ ||1||

(AVŚ\_4,3.2a) páreṇaitu pathā vṛkaḥ paraméṇotá táskarah |

(AVŚ\_4,3.2c) páreṇa datvátī rájjuḥ páreṇāghāyúr arṣatu ||2||

(AVŚ\_4,3.3a) akṣyāu ca te múkhaṃ ca te vyāghra jambhayāmasi |  
(AVŚ\_4,3.3c) át sárvān viṃśatīm nakhān ||3||

(AVŚ\_4,3.4a) vyāghraṃ datvātām vayāṃ prathamām jambhayāmasi |  
(AVŚ\_4,3.4c) ád u ṣṭenām átho áhiṃ yātudhānam átho vṛkam ||4||

(AVŚ\_4,3.5a) yó adyá stená áyati sá sám̐piṣṭo ápāyati |  
(AVŚ\_4,3.5c) pathām apadhvaṃsénaitv índro vājreṇa hantu tám ||5||

(AVŚ\_4,3.6a) mūrṇā mṛgásya dántā ápiśīrṇā u pṛṣṭáyah |  
(AVŚ\_4,3.6c) nimrúk te godhā bhavatu nīcāyac chaśayúr mṛgáh ||6||

(AVŚ\_4,3.7a) yát samyámo ná ví yamo ví yamo yán ná samyámaḥ |  
(AVŚ\_4,3.7c) indrajāḥ somajā ātharvaṇām asi vyāghrajāmbhanam ||7||

(AVŚ\_4,4.1a) yām tvā gandharvó ákhanad váruṇāya mṛtábhraje |  
(AVŚ\_4,4.1c) tám tvā vayāṃ khanāmasy óṣadhiṃ śepahárṣaṇīm ||1||

(AVŚ\_4,4.2a) úd uṣā úd u sūrya úd idām māmakām vácāḥ |  
(AVŚ\_4,4.2c) úd ejatu prajāpatir vṛṣā súṣmeṇa vājínā ||2||

(AVŚ\_4,4.3a) yáthā sma te viróhato 'bhítaptam ivánati |  
(AVŚ\_4,4.3c) tátas te súṣmavattaram iyām kṛṇotv óṣadhiḥ ||3||

(AVŚ\_4,4.4a) úc chúṣmáuṣadhīnām sārā ṛṣabhāṇām |  
(AVŚ\_4,4.4c) sám̐ puṃsām indra vṛṣṇyam asmín dhehi tanūvaśin ||4||

(AVŚ\_4,4.5a) apām rásaḥ prathamajó 'tho vānaspátīnām |  
(AVŚ\_4,4.5c) utá sómasya bhrátāsy utársám̐ asi vṛṣṇyam ||5||

(AVŚ\_4,4.6a) adyāgne adyá savitar adyá devi sarasvati |  
(AVŚ\_4,4.6c) adyāsyá brahmaṇas pate dhánur ivā tānayā pásāḥ ||6||

(AVŚ\_4,4.7a) áhām tanomi te páso ádhi jyām iva dhánvani |  
(AVŚ\_4,4.7c) krámasvárśa iva rohítam ánavaglāyatā sádā ||7||

(AVŚ\_4,4.8a) áśvasyāśvatarāsyājāsya pétvasya ca |  
(AVŚ\_4,4.8c) átha ṛṣabhásya yé vājās tán̐ asmín dhehi tanūvaśin ||8||



(AVŚ\_4,5.1a) saḥásraśṛṅgo vṛṣabhó yáḥ samudrád udácarat |  
(AVŚ\_4,5.1c) ténā sahasyēnā vayám ní jánānt svāpayāmasi ||1||

(AVŚ\_4,5.2a) ná bhúmim vāto áti vāti náti paśyati kás caná |  
(AVŚ\_4,5.2c) stríyaś ca sárvaḥ svāpáya śúnaś céndrasakhā cāran ||  
2||

(AVŚ\_4,5.3a) proṣṭheśayās talpeśayā nārīr yā vahyaśívarīḥ |  
(AVŚ\_4,5.3c) stríyo yáḥ púṇyagandhayas tāḥ sárvaḥ svāpayāmasi ||  
3||

(AVŚ\_4,5.4a) éjadejad ajagrabham cákṣuḥ prāṇám ajagrabham |  
(AVŚ\_4,5.4c) áṅgāny ajagrabham sárva rātrīṇām atisarvaré ||4||

(AVŚ\_4,5.5a) yá āste yás cāratī yás ca tīṣṭhan vipáśyati |  
(AVŚ\_4,5.5c) téṣām sám dadhmo ákṣīṇi yáthedám harmyám táthā ||  
5||

(AVŚ\_4,5.6a) sváptu mātá sváptu pitá sváptu śvā sváptu viśpátīḥ |  
(AVŚ\_4,5.6c) svápantv asyai jñātáyaḥ sváptv ayám abhító jánaḥ ||6||

(AVŚ\_4,5.7a) svápna svapnābhikāraṇena sárvaṃ ní svāpayā jánam |  
(AVŚ\_4,5.7c) otsūryám anyānt svāpáyāvyuṣám jāgṛtād ahám índra  
ivāriṣṭo ákṣitaḥ ||7||

(AVŚ\_4,6.1a) brāhmaṇó jajñe prathamó dáśaśīrṣo dáśāśyaḥ |  
(AVŚ\_4,6.1c) sá sómaṃ prathamāḥ papau sá cakārārasám viśám ||  
1||

(AVŚ\_4,6.2a) yávatī dyāvāpṛthiví varimṇá yávat saptá síndhavo  
vitaṣṭhiré |  
(AVŚ\_4,6.2c) vācam viśásya dúṣaṇīm tám itó nír avādiṣam ||2||

(AVŚ\_4,6.3a) suparṇás tvā garútmān víṣa prathamám āvayat |  
(AVŚ\_4,6.3c) námīmado nārūrupa utāsmā abhavaḥ pitúḥ ||3||

(AVŚ\_4,6.4a) yás ta āśyat páñcāṅgurir vakrác cid ádhi dhánvanaḥ |  
(AVŚ\_4,6.4c) apaskambhásya śalyān nír avocam ahám viśám ||4||

(AVŚ\_4,6.5a) śalyād viśám nír avocam prāñjanād utá parṇadhéḥ |  
(AVŚ\_4,6.5c) apāṣṭhác chṛṅgāt kúlmalān nír avocam ahám viśám ||  
5||

(AVŚ\_4,6.6a) arasás ta iṣo śalyó 'tho te arasám viśám |  
(AVŚ\_4,6.6c) utārasásya vṛkṣásya dhānuṣ ṭe arasārasám ||6||

(AVŚ\_4,6.7a) yé ápiṣan yé ádihan yá áśyan yé avásṛjan |  
(AVŚ\_4,6.7c) sárve te vādhrayaḥ kṛtá vādhrir viṣagiríḥ kṛtáḥ ||7||

(AVŚ\_4,6.8a) vādhrayas te khanitáro vādhris tvám asy oṣadhe |  
(AVŚ\_4,6.8c) vādhríḥ sá párvato girír yáto jātám idám viṣám ||8||

(AVŚ\_4,7.1a) vār idám vārayātai varaṇāvatyām ádhi |  
(AVŚ\_4,7.1c) tátṛāmṛtasyásiktaṁ ténā te vāraye viṣám ||1||

(AVŚ\_4,7.2a) arasám prācyām viṣám arasám yád udīcyām |  
(AVŚ\_4,7.2c) áthedám adharācyām karambhéṇa ví kalpate ||2||

(AVŚ\_4,7.3a) karambhám kṛtvā tiryām pībaspākám udārathím |  
(AVŚ\_4,7.3c) kṣudhá kíla tvā duṣṭano jakṣivánt sá ná rūrupaḥ ||3||

(AVŚ\_4,7.4a) ví te mádaṁ madāvati śarám iva pātayāmasi |  
(AVŚ\_4,7.4c) prá tvā carúm iva yéṣantaṁ vácasā sthāpayāmasi ||4||

(AVŚ\_4,7.5a) pári grāmam ivácitaṁ vácasā sthāpayāmasi |  
(AVŚ\_4,7.5c) tíṣṭhā vṛkṣá iva sthāmny ábhrikhāte ná rūrupaḥ ||5||  
(AVŚ\_4,7.6a) pavástaḥ tvā páry akrīṇan dūrsébhír ajínair utá |  
(AVŚ\_4,7.6c) prakrír asi tvám oṣadhé 'bhrikhāte ná rūrupaḥ ||6||

(AVŚ\_4,7.7a) ánāptā yé vaḥ prathamá yāni kármāṇi cakriré |  
(AVŚ\_4,7.7c) vīrán no átra má dabhan tát va etát puró dadhe ||7||

(AVŚ\_4,8.1a) bhūtó bhūtéṣu páya á dadhāti sá bhūtánām ádhipatir  
babhūva |  
(AVŚ\_4,8.1c) táśya mṛtyús carati rājasúyaṁ sá rájā ánu manyatām  
idám ||1||

(AVŚ\_4,8.2a) abhí préhi mápa vena ugrás cettá sapatnahá |  
(AVŚ\_4,8.2c) á tiṣṭha mitravardhana túbhyam devá ádhi bruvan ||2||

(AVŚ\_4,8.3a) ātíṣṭhantaṁ pári víśve abhūṣaṁ chríyaṁ vásānás  
caratí svárociḥ |  
(AVŚ\_4,8.3c) mahát tát vṛṣṇo ásurasya námá viśvárūpo amṛtāni  
tasthau ||3||

(AVŚ\_4,8.4a) vyāghró ádhi váiyāghre ví kramasva díśo mahíḥ |  
(AVŚ\_4,8.4c) víśas tvā sárvā vāñchantv ápo divyáḥ páyasvatīḥ ||4||

(AVŚ\_4,8.5a) yá ápo divyáḥ páyasā mādanty antárikṣa utá vā  
pṛthivyām |  
(AVŚ\_4,8.5c) tāsām tvā sárvāsām apām abhí ṣiñcāmi vārcasā ||5||

(AVŚ\_4,8.6a) abhí tvā várcasāsiccann āpo divyāḥ páyasvatīḥ |  
(AVŚ\_4,8.6c) yáthāso mitravárdhanas táthā tvā savitá karat ||6||

(AVŚ\_4,8.7a) enā vyāghráṃ pariśasvajānāḥ siṃhāṃ hinvanti  
mahaté sáubhagāya |  
(AVŚ\_4,8.7c) samudráṃ na subhúvas tasthivāṃsaṃ marmṛjyānte  
dvīpīnam apsv àntāḥ ||7||

(AVŚ\_4,9.1a) éhi jīvāṃ trāyamāṇaṃ párvatasyāsy ákṣyam |  
(AVŚ\_4,9.1c) víśvebhir deváir dattāṃ paridhír jīvanāya kám ||1||

(AVŚ\_4,9.2a) paripāṇaṃ púruṣāṇāṃ paripāṇaṃ gávāṃ asi |  
(AVŚ\_4,9.2c) áśvānāṃ árvatāṃ paripāṇāya tasthiṣe ||2||

(AVŚ\_4,9.3a) utási paripāṇaṃ yātujāmbhanaṃ āñjana |  
(AVŚ\_4,9.3c) utāmṛtasya tvāṃ vetthātho asi jīvabhójanam átho  
haritābheṣajám ||3||

(AVŚ\_4,9.4a) yásyāñjana prasárpasy áṅgamaṅgam páruṣparuḥ |  
(AVŚ\_4,9.4c) táto yákṣmaṃ ví bādhasa ugró madhyamaśír iva ||4||

(AVŚ\_4,9.5a) náinaṃ prāpnoti śapátho ná kṛtyā nábhiśócanam |  
(AVŚ\_4,9.5c) náinaṃ víṣkandham aśnute yás tvā bíbharty āñjana ||  
5||

(AVŚ\_4,9.6a) asanmantrād duṣvápnyād duṣkṛtác chámālād utá |  
(AVŚ\_4,9.6c) durhárdaś cákṣuṣo ghorát tásmān naḥ pāhy āñjana ||  
6||

(AVŚ\_4,9.7a) idāṃ vidvān āñjana satyāṃ vakṣyāmi nánṛtaṃ |  
(AVŚ\_4,9.7c) sanéyam áśvaṃ gām ahám ātmānaṃ táva pūruṣa ||7||

(AVŚ\_4,9.8a) tráyo dāsá āñjanasya takmá balása ád áhiḥ |  
(AVŚ\_4,9.8c) várṣiṣṭhaḥ párvatānāṃ trikakún náma te pitá ||8||

(AVŚ\_4,9.9a) yád āñjanaṃ traikakudám jātāṃ himávatas pári |  
(AVŚ\_4,9.9c) yātúṃś ca sárvāñ jambháyat sárvāś ca yātudhānyàḥ ||  
9||

(AVŚ\_4,9.10a) yádi vási traikakudám yádi yāmunám ucyáse |  
(AVŚ\_4,9.10c) ubhé te bhadré námni tábhyāṃ naḥ pāhy āñjana ||  
10||

(AVŚ\_4,10.1a) vātāj jātó antárikṣād vidyúto jyótiṣas pári |  
(AVŚ\_4,10.1c) sá no hiraṇyajāḥ śaṅkháḥ kṛśanaḥ pātv áṃhasaḥ ||1||

(AVŚ\_4,10.2a) yó agrató rocanānām samudrād ādhi jajñiṣe |  
(AVŚ\_4,10.2c) śaṅkhéna hatvá rákṣāṃsy attriṇo ví śahāmahe ||2||

(AVŚ\_4,10.3a) śaṅkhénāmīvām ámatim śaṅkhénotá sadānvāḥ |  
(AVŚ\_4,10.3c) śaṅkhó no viśvábheṣajaḥ kṛśanaḥ pātv āmhasaḥ ||3||

(AVŚ\_4,10.4a) diví jātáḥ samudrajāḥ sindhutás páry ābhṛtaḥ |  
(AVŚ\_4,10.4c) sá no hiraṇyajāḥ śaṅkhá āyuṣpratáraṇo mañih̥ ||4||

(AVŚ\_4,10.5a) samudrāj jātó mañír vṛtrāj jātó divākarāḥ |  
(AVŚ\_4,10.5c) só asmānt sarvātaḥ pātu hetyā devāsurbhyaḥ ||5||

(AVŚ\_4,10.6a) hiraṇyānām éko 'si sómāt tvám ādhi jajñiṣe |  
(AVŚ\_4,10.6c) ráthe tvám asi darśatá iṣudháu rocanás tvám prá ṇa  
āyūṃṣi tāriṣat ||6||

(AVŚ\_4,10.7a) devānām ásthi kṛśanaṃ babhūva tát ātmanvác  
caraty apsv àntáḥ |  
(AVŚ\_4,10.7c) tát te badhnāmy áyuṣe várcase bálāya dīrghāyutváya  
śatásāradāya kārśanás tvābhí rakṣatu ||7||

(AVŚ\_4,11.1a) anaḍvān dādhāra pṛthivīm utá dyām anaḍvān  
dādhārurv àntárikṣam |  
(AVŚ\_4,11.1c) anaḍvān dādhāra pradísāḥ śad urvīr anaḍvān vísvam  
bhúvanam ā viveśa ||1||

(AVŚ\_4,11.2a) anaḍvān índraḥ sá paśúbhyo ví caṣṭe trayām chakró  
ví mīmīte ádhvanaḥ |  
(AVŚ\_4,11.2c) bhūtām bhaviṣyád bhúvanā dúhānaḥ sárvā devānām  
caratī vratāni ||2||

(AVŚ\_4,11.3a) índro jātó manuṣyèṣv antár gharmás taptás carati  
śósucānaḥ |  
(AVŚ\_4,11.3c) suprajāḥ sánt sá udāré ná sarṣad yó nāśnīyád  
anaḍúho vijānán ||3||

(AVŚ\_4,11.4a) anaḍvān duhe sukṛtásya loká áinaṃ pyāyayati  
pávamānaḥ purástāt |  
(AVŚ\_4,11.4c) parjānyo dhārā marúta údho asya yajñāḥ páyo  
dákṣiṇā dóho asya ||4||

(AVŚ\_4,11.5a) yásya neṣe yajñápatir ná yajñó nāsya dāteṣe ná  
pratigrahītá |  
(AVŚ\_4,11.5c) yó viśvajíd viśvabhṛd viśvákarmā gharmám no brūta  
yatamás cátuṣpāt ||5||

(AVŚ\_4,11.6a) yéna deváh svàr āruruhúr hitvá śārīram amṛtasya  
nābhīm |

(AVŚ\_4,11.6c) téna geṣma sukṛtasya lokām gharmāsya vraténa  
tāpasā yaśasyāvaḥ ||6||

(AVŚ\_4,11.7a) índro rūpēṇāgnír váhena prajāpatiḥ parameṣṭhí virāt |

(AVŚ\_4,11.7c) viśvánare akramata vaiśvānaré akramatānadúhy  
akramata |

(AVŚ\_4,11.7e) só 'dṛṃhayata só 'dhārayata ||7||

(AVŚ\_4,11.8a) mādhyam etád anaḍúho yātraiśá váha āhitaḥ |

(AVŚ\_4,11.8c) etāvad asya prācīnaṃ yāvān pratyāñ samāhitaḥ ||8||

(AVŚ\_4,11.9a) yó védānadúho dóhān saptānupadasvataḥ |

(AVŚ\_4,11.9c) prajāṃ ca lokām cāpnoti táthā saptaṛṣāyo viduḥ ||9||

(AVŚ\_4,11.10a) padbhíḥ sedím avakrámann írāṃ jáñghābhir  
utkhídān |

(AVŚ\_4,11.10c) srāmeṇānaḍvān kīlālaṃ kīnáśaś cābhí gachataḥ ||  
10||

(AVŚ\_4,11.11a) dvādaśa vá etá rātrīr vrātyā āhuḥ prajāpateḥ |

(AVŚ\_4,11.11c) tátropā bráhma yó véda tát vá anaḍúho vratám ||  
11||

(AVŚ\_4,11.12a) duhé sāyām duhé prātár duhé madhyāmdinaṃ pári  
|

(AVŚ\_4,11.12c) dóhā yé asya saṃyānti tán vidmānupadasvataḥ ||  
12||

(AVŚ\_4,12.1a) róhaṇy asi róhaṇy asthnás chinnásya róhaṇī |

(AVŚ\_4,12.1c) rohāyedám arundhati ||1||

(AVŚ\_4,12.2a) yát te riṣṭám yát te dyuttám ásti péṣṭraṃ ta ātmáni |

(AVŚ\_4,12.2c) dhātá tát bhadráyā púnaḥ sám dadhat páruṣā páruḥ  
||2||

(AVŚ\_4,12.3a) sám te majjá majjñá bhavatu sám u te páruṣā páruḥ |

(AVŚ\_4,12.3c) sám te māmśásya vísrastaṃ sám ásthy ápi rohatu ||  
3||

(AVŚ\_4,12.4a) majjá majjñá sám dhīyatām cármaṇā cárma rohatu |

(AVŚ\_4,12.4c) áṣṛk te ásthi rohatu māmśám māmśéna rohatu ||4||

(AVŚ\_4,12.5a) lóma lómnā sám kalpayā tvacá sám kalpayā tvácam |

(AVŚ\_4,12.5c) áṣṛk te ásthi rohatu chinnám sám dhehy oṣadhe ||5||

(AVŚ\_4,12.6a) sá út tiṣṭha prēhi prá drava ráthaḥ sucakráḥ |  
(AVŚ\_4,12.6c) supavíḥ sunābhiḥ práti tiṣṭhordhváḥ ||6||

(AVŚ\_4,12.7a) yádi kartám patitvá saṃśásré yádi váśmā práhṛto  
jaghāna |  
(AVŚ\_4,12.7c) ṛbhū ráthasyevāṅgāni sám dadhat páruṣā páruḥ ||7||

(AVŚ\_4,13.1a) utá devā ávahitaṃ devā ún nayathā púnah |  
(AVŚ\_4,13.1c) utágaś cakrúṣaṃ devā devā jīváyathā púnah ||1||

(AVŚ\_4,13.2a) dvāv imáu vātau vāta á síndhor á parāvataḥ |  
(AVŚ\_4,13.2c) dákṣaṃ te anyá āvātu vy ànyó vātu yád rápaḥ ||2||

(AVŚ\_4,13.3a) á vāta vāhi bheṣajám ví vāta vāhi yád rápaḥ |  
(AVŚ\_4,13.3c) tvám hí viśvabheṣaja devānām dūtá íyase ||3||  
(AVŚ\_4,13.4a) trāyantām imám devās trāyantām marútām gaṇáh |  
(AVŚ\_4,13.4c) trāyantām víśvā bhūtāni yáthāyám arapá ásat ||4||

(AVŚ\_4,13.5a) á tvāgamam sámātātibhir átho ariṣtātātibhiḥ |  
(AVŚ\_4,13.5c) dákṣaṃ ta ugrám ābhāriṣaṃ párā yákṣmaṃ suvāmi  
te ||5||

(AVŚ\_4,13.6a) ayám me hásto bhágavān ayám me bhágavattaraḥ |  
(AVŚ\_4,13.6c) ayám me viśvábheṣajo 'yám śivābhimarśanaḥ ||6||

(AVŚ\_4,13.7a) hástābhyām dáśaśākhābhyām jihvá vācáh purogaví |  
(AVŚ\_4,13.7c) anāmayitnúbhyām hástābhyām tábhyām tvābhí  
mṛśāmasi ||7||

(AVŚ\_4,14.1a) ajó hy àgnér ájaniṣṭa sókāt só apaśyaj janitāram ágre  
|  
(AVŚ\_4,14.1c) téna devá devátām ágrā āyan téna róhān ruruhur  
médhyaśaḥ ||1||

(AVŚ\_4,14.2a) krámadhvam agnínā nákam úkhyān hásteṣu  
bíbhṛataḥ |  
(AVŚ\_4,14.2c) divás pṛṣṭhám svàr gatvá miśrá devébhīr ādhvam ||  
2||

(AVŚ\_4,14.3a) pṛṣṭhát pṛthivyá ahám antárikṣam áruham antárikṣād  
dívaṃ áruham |  
(AVŚ\_4,14.3c) divó nákasya pṛṣṭhát svàr jyótir agām ahám ||3||

(AVŚ\_4,14.4a) svàr yánto nápekṣanta á dyām rohanti ródasī |  
(AVŚ\_4,14.4c) yajñám yé viśvátodhāram súvidvāṃso viteniré ||4||

(AVŚ\_4,14.5a) ágne préhi prathamó devátānām cákṣur devānām utá mānuṣānām |

(AVŚ\_4,14.5c) íyakṣamāṇā bhṛ̥gubhiḥ sajóṣāḥ svār yantu yájamānāḥ svastī ||5||

(AVŚ\_4,14.6a) ajám anajmi páyasā ghṛ̥téna divyám suparnám payasám bṛ̥hántam |

(AVŚ\_4,14.6c) téna geṣma sukṛ̥tasya lokám svār āróhanto abhí nákam uttamám ||6||

(AVŚ\_4,14.7a) pañcaudanam pañcábhīr aṅgúlibhir dárvyóddhara pañcadhítām odanám |

(AVŚ\_4,14.7c) prácyām diśí síro ajasya dhehi dáksīṇāyām diśí dáksīṇam dhehi pārsvám ||7||

(AVŚ\_4,14.8a) pratícyām diśí bhasádam asya dhehy úttarasyām diśy úttarām dhehi pārsvám |

(AVŚ\_4,14.8c) ūrdhvāyām diśy àjasyānūkam dhehi diśí dhruvāyām dhehī pājasyām antárikṣe madhyató mādhyam asya ||8||

(AVŚ\_4,14.9a) śṛ̥tám ajám śṛ̥táyā prór̥ṇuhi tvacā sárvoir áṅgaiḥ sám̐bhṛ̥tam viśvárūpam |

(AVŚ\_4,14.9c) sá út tiṣṭhetó abhi nákam uttamám padbhís catúrbhiḥ práti tiṣṭha dikṣú ||9||

(AVŚ\_4,15.1a) samútpatantu pradíso nábhasvatīḥ sám abhrāṇi vātajūtāni yantu |

(AVŚ\_4,15.1c) mahaṛ̥ṣabháśya nádato nábhasvato vāśrá āpaḥ pṛ̥thivīm tarpayantu ||1||

(AVŚ\_4,15.2a) sám īkṣayantu taviṣāḥ sudānavo 'pām rāsā óṣadhībhiḥ sacantām |

(AVŚ\_4,15.2c) varṣásya sárgā mahayantu bhúmiḥ pṛ̥thag jāyantām óṣadhayo viśvárūpāḥ ||2||

(AVŚ\_4,15.3a) sám īkṣayasva gáyato nábhāṃsy apām vэгāsah pṛ̥thag úd vijantām |

(AVŚ\_4,15.3c) varṣásya sárgā mahayantu bhúmiḥ pṛ̥thag jāyantām vīrúdho viśvárūpāḥ ||3||

(AVŚ\_4,15.4a) gaṇás tvópa gāyantu mārutāḥ parjanya ghoṣīṇaḥ pṛ̥thak |

(AVŚ\_4,15.4c) sárgā varṣásya várṣato várṣantu pṛ̥thivīm ánu ||4||

(AVŚ\_4,15.5a) úd īrayata marutaḥ samudratás tveṣó arkó nábha út pātayātha |

(AVŚ\_4,15.5c) mahaṣṣabhāsya nádato nábhasvato vāśrá āpaḥ  
pṛthivīm tarpayantu ||5||

(AVŚ\_4,15.6a) abhí kranda stanáyārdáyodadhīm bhúmim parjanya  
páyaśā sám aṇdhi |

(AVŚ\_4,15.6c) tváyā sṛṣṭām bahulám áitu varṣám āśāraiśi kṛśágur  
etv ástam ||6||

(AVŚ\_4,15.7a) sám vo 'vantu sudánava útsā ajagarā utá |

(AVŚ\_4,15.7c) marúdbhiḥ prácyutā meghā varṣantu pṛthivīm ánu ||  
7||

(AVŚ\_4,15.8a) āśāmāśām ví dyotatām vātā vāntu diśódiśaḥ |

(AVŚ\_4,15.8c) marúdbhiḥ prácyutā meghāḥ sám yantu pṛthivīm ánu  
||8||

(AVŚ\_4,15.9a) āpo vidyúd abhrām varṣám sám vo 'vantu sudánava  
útsā ajagarā utá |

(AVŚ\_4,15.9c) marúdbhiḥ prácyutā meghāḥ právantu pṛthivīm ánu ||  
9||

(AVŚ\_4,15.10a) apām agnís tanúbhiḥ saṃvidānó yá óśadhīnām  
adhipā babhúva |

(AVŚ\_4,15.10c) sá no varṣám vanutām jātávedāḥ prāṇām prajābhyo  
amṛtām divás pári ||10||

(AVŚ\_4,15.11a) prajāpatiḥ salilād ā samudrād āpa īráyann udadhīm  
ardayāti |

(AVŚ\_4,15.11c) prá pyāyatām vṛṣṇo áśvasya réto 'rvān eténa  
stanāyitnúnéhi ||11||

(AVŚ\_4,15.12a) apó niṣiñcānn ásurāḥ pitā naḥ śvāsantu gárgarā  
apām varuṇāva nícīr apāḥ sṛja |

(AVŚ\_4,15.12c) vādantu pṛśnibāhavo maṇḍúkā íriṇānu ||12||

(AVŚ\_4,15.13a) saṃvatsaráṃ śaśayāná brāhmaṇā vratacārīṇaḥ |

(AVŚ\_4,15.13c) vācam parjányajinvitām prá maṇḍúkā avādiṣuḥ ||  
13||

(AVŚ\_4,15.14a) upaprāvada maṇḍūki varṣám ā vada tāduri |

(AVŚ\_4,15.14c) mādhye hradāsya plavasva vigṛhya catúraḥ padāḥ ||  
14||

(AVŚ\_4,15.15a) khaṇvakhá3i khaimakhá3i mādhye taduri |

(AVŚ\_4,15.15c) varṣám vanudhvaṃ pitaro marútām mána ichata ||  
15||

(AVŚ\_4,15.16a) mahántam kósam úd acābhí ṣiñca savidyutam  
bhavatu vātu vātaḥ |



(AVŚ\_4,15.16c) tanvátāṃ yajñāṃ bahudhā vísṛṣṭā ānandínīr  
óṣadhayo bhavantu ||16||

(AVŚ\_4,16.1a) bṛhānn eṣāṃ adhiṣṭhātā antikād iva paśyati |  
(AVŚ\_4,16.1c) yá stāyán mányate cárant sárvaṃ devā́ idám viduḥ ||  
1||

(AVŚ\_4,16.2a) yás tíṣṭhati cárati yás ca vañcati yó nilāyaṃ cárati  
yáḥ pratāṅkam |  
(AVŚ\_4,16.2c) dváu samniśádyā yán mantráryete rájā tát veda  
váruṇas tṛtíyaḥ ||2||

(AVŚ\_4,16.3a) utéyāṃ bhúmir váruṇasya rájña utásáu dyáur bṛhatí  
dūréantā |  
(AVŚ\_4,16.3c) utó samudráu váruṇasya kukṣí utásmín̄n álpa udaké  
nīlīnaḥ ||3||

(AVŚ\_4,16.4a) utá yó dyām atisárpāt parástān ná sá mucyātai  
váruṇasya rájñaḥ |  
(AVŚ\_4,16.4c) divá spásāḥ prá carantīdám asya sahasrākṣā́ áti  
paśyanti bhúmim ||4||

(AVŚ\_4,16.5a) sárvaṃ tát rájā váruṇo ví caṣṭe yád antarā́ ródasī yát  
parástāt |  
(AVŚ\_4,16.5c) sám̄khyātā asya nimíṣo jánānām akṣā́n iva śvaghní ní  
minoti tñ̄ni ||5||

(AVŚ\_4,16.6a) yé te páśā varuṇa saptásapta tredhā́ tíṣṭhanti víṣitā  
rúṣantaḥ |  
(AVŚ\_4,16.6c) chinántu sárve ánṛtaṃ vādantaṃ yáḥ satyavādy áti  
tām sṛjantu ||6||

(AVŚ\_4,16.7a) śatēna páśair abhí dhehi varuṇainaṃ má te mocy  
anṛtavā́n nṛcakṣaḥ |  
(AVŚ\_4,16.7c) āstām jālmá udāraṃ śraṃśayitvā́ kóśa ivābandháḥ  
parikṛtyāmānaḥ ||7||

(AVŚ\_4,16.8a) yáḥ samābhyò váruṇo yó vyābhyò yáḥ samdeśyò  
váruṇo yó videśyò |  
(AVŚ\_4,16.8c) yó daivó váruṇo yás ca mánuṣaḥ ||8||

(AVŚ\_4,16.9a) táis tvā sárvaír abhí ṣyāmi páśair asāv  
āmuṣyāyaṇāmuṣyāḥ putra |  
(AVŚ\_4,16.9c) tñ̄n u te sárvaṇ̄ anusám̄diśāmi ||9||

(AVŚ\_4,17.1a) íśāṇāṃ tvā bheṣajānām újjeṣa á rabhāmahe |

(AVŚ\_4,17.1c) cakré sahasravīryam sārvasmā oṣadhe tvā ||1||

(AVŚ\_4,17.2a) satyajītaṃ śapathayāvanīṃ sáhamānāṃ punaḥsarām |

(AVŚ\_4,17.2c) sārvaḥ sám ahvy oṣadhīr itó naḥ pārayād iti ||2||

(AVŚ\_4,17.3a) yá śaśāpa śápanena yághāṃ múram ādadhé |

(AVŚ\_4,17.3c) yá rásasya háraṇāya jātām ārebhé tokám attu sá ||3||

(AVŚ\_4,17.4a) yām te cakrúr āmé pātre yām cakrúr nīlaloहितé |

(AVŚ\_4,17.4c) āmé māṃsé kṛtyām yām cakrús táyā kṛtyākṛto jahi ||4||

(AVŚ\_4,17.5a) dáuṣvapnyaṃ dāurjīvityaṃ rákṣo abhvām arāyyāḥ |

(AVŚ\_4,17.5c) durñāmnīḥ sārva durvācas tá asmán nāśayāmasi ||5||

(AVŚ\_4,17.6a) kṣudhāmārāṃ tṛṣṇāmārāṃ agótām anapatyātām |

(AVŚ\_4,17.6c) ápāmārga tváyā vayāṃ sārvaṃ tát āpa mṛjmahe ||6||

(AVŚ\_4,17.7a) tṛṣṇāmārāṃ kṣudhāmārāṃ átho akṣaparājayām |

(AVŚ\_4,17.7c) ápāmārga tváyā vayāṃ sārvaṃ tát āpa mṛjmahe ||7||

(AVŚ\_4,17.8a) apāmārgá oṣadhīnāṃ sārvasām éka íd vaśí |

(AVŚ\_4,17.8c) téna te mṛjma ásthitam átha tvám agadás cara ||8||

(AVŚ\_4,18.1a) samām jyótiḥ sūryeṇāhnā rátrī samāvatī |

(AVŚ\_4,18.1c) kṛṇomi satyām ūtāye 'rasāḥ santu kṛtvārīḥ ||1||

(AVŚ\_4,18.2a) yó devāḥ kṛtyām kṛtvá hárād áviduṣo gṛhām |

(AVŚ\_4,18.2c) vatsó dhārúr iva mātāraṃ tám pratyág úpa padyatām ||2||

(AVŚ\_4,18.3a) amá kṛtvá pāpmānaṃ yás ténānyām jíghāṃsati |

(AVŚ\_4,18.3c) ásmānas tásyām dagdhāyām bahulāḥ pháṭ karikrati ||3||

(AVŚ\_4,18.4a) sáhasradhāman víśikhān vígrīvāṃ chāyayā tvám |

(AVŚ\_4,18.4c) prāti sma cakrúṣe kṛtyām priyām priyāvate hara ||4||

(AVŚ\_4,18.5a) anáyāhām oṣadhyā sārvaḥ kṛtyá adūduṣam |

(AVŚ\_4,18.5c) yām kṣétre cakrúr yām góṣu yām vā te púruṣeṣu ||5||

(AVŚ\_4,18.6a) yás cakāra ná śaśāka kártuṃ śaśré pádam aṅgúrim |

(AVŚ\_4,18.6c) cakāra bhadráṃ asmábhyam ātmāne tápanam tú sáḥ ||6||

(AVŚ\_4,18.7a) apāmārgó 'pa mārṣṭu kṣetriyām śapáthaś ca yáh |  
(AVŚ\_4,18.7c) ápāha yātudhānīr āpa sárva arāyyàḥ ||7||

(AVŚ\_4,18.8a) apamṛjya yātudhānān āpa sárva arāyyàḥ |  
(AVŚ\_4,18.8c) ápāmārga tváyā vayām sárvaṃ tát āpa mṛjmahe ||8||

(AVŚ\_4,19.1a) utó asy ábandhukṛd utó asi nú jāmikṛt |  
(AVŚ\_4,19.1c) utó kṛtyākṛtaḥ prajāṃ nadám ivá chindhi vārṣikam ||1||

(AVŚ\_4,19.2a) brāhmaṇéna páryuktāsi káṇvena nārṣadéna |  
(AVŚ\_4,19.2c) sénevaiṣi tvíṣīmatī ná tátra bhayám asti yátra  
prāpnóṣy oṣadhe ||2||

(AVŚ\_4,19.3a) ágram eṣy óṣadhīnām jyótiṣevābhidīpāyan |  
(AVŚ\_4,19.3c) utá trātāsi pākasyātho hantāsi rakṣāsaḥ ||3||

(AVŚ\_4,19.4a) yád adó devá ásurāṃs tváyāgre nirákurvata |  
(AVŚ\_4,19.4c) tátas tvám ádhy oṣadhe 'pāmārgó ajāyathāḥ ||4||

(AVŚ\_4,19.5a) vibhindatī śatásākhā vibhindán náma te pitā |  
(AVŚ\_4,19.5c) pratyág ví bhindhi tvám tám yó asmām abhidāsati ||5||

(AVŚ\_4,19.6a) ásad bhúmyāḥ sám abhavat tát yām eti mahád  
vyácāḥ |  
(AVŚ\_4,19.6c) tát vái táto vidhūpāyát pratyák kartāram ṛchatu ||6||

(AVŚ\_4,19.7a) pratyán hí sambabhúvitha pratícínaphalas tvám |  
(AVŚ\_4,19.7c) sárvaṇ mác chapáthām ádhi várīyo yāvayā vadhám ||7||

(AVŚ\_4,19.8a) śaténa mā pári pāhi sahasreṇābhí rakṣā mā |  
(AVŚ\_4,19.8c) índras te vīrudhām pata ugrá ojmānam á dadhat ||8||

(AVŚ\_4,20.1a) á paśyati prāti paśyati párā paśyati páśyati |  
(AVŚ\_4,20.1c) dívam antárikṣam ād bhúmim sárvaṃ tát devi  
paśyati ||1||

(AVŚ\_4,20.2a) tísro dívas tísrah pṛthivīḥ śat cemāḥ pradísāḥ pṛthak |  
(AVŚ\_4,20.2c) tváyāhām sárva bhūtāni páśyāni devy oṣadhe ||2||

(AVŚ\_4,20.3a) divyāśya suparṇāśya táśya hāsi kanīnikā |  
(AVŚ\_4,20.3c) sá bhúmim á ruohitha vahyām śrāntā vadhúr iva ||3||

(AVŚ\_4,20.4a) tám me sahasrākṣó devó dákṣiṇe hásta á dadhat |

(AVŚ\_4,20.4c) táyāhām sárvaṃ paśyāmi yás ca śūdrá utáryaḥ ||4||

(AVŚ\_4,20.5a) āviṣ kṛṇuṣva rūpāni mātmanam āpa gūhathāḥ |  
(AVŚ\_4,20.5c) átho sahasracakṣo tvám prāti paśyāḥ kimīdinaḥ ||5||

(AVŚ\_4,20.6a) darśāya mā yātudhānān darśāya yātudhānyāḥ |  
(AVŚ\_4,20.6c) piśācānt sárvaṃ darśayēti tvá rabha oṣadhe ||6||

(AVŚ\_4,20.7a) kaśyāpaśya cákṣur asi śunyaś ca caturakṣyāḥ |  
(AVŚ\_4,20.7c) vīdhre sūryam iva sárpantaṃ má piśācām tirás karaḥ ||7||

(AVŚ\_4,20.8a) úd agrabhaṃ paripāṇād yātudhānaṃ kimīdinaṃ |  
(AVŚ\_4,20.8c) tēnāhām sárvaṃ paśyāmy utá śūdrám utáryam ||8||

(AVŚ\_4,20.9a) yó antárikṣeṇa pátati dívam yás ca atisárpati |  
(AVŚ\_4,20.9c) bhúmim yó mányate nāthām táṃ piśācām prá darśaya ||9||

(AVŚ\_4,21.1a) á gávo agmann utá bhadram akrant sídantu goṣṭhé raṇáyantv asmé |  
(AVŚ\_4,21.1c) prajāvatīḥ pururúpā ihá syur índrāya pūrvīr uśaso dúhānāḥ ||1||

(AVŚ\_4,21.2a) índro yájvane gr̥ṇatē ca síkṣata úpéd dadāti ná svām muṣāyati |  
(AVŚ\_4,21.2c) bhúyobhūyo rayím íd asya vardháyaṃ abhinné khilyé ní dadhāti devayúm ||2||

(AVŚ\_4,21.3a) ná tá naśanti ná dabhāti táskaro násām āmitró vyathír á dadharṣati |  
(AVŚ\_4,21.3c) devámś ca yābhir yájate dádāti ca jyóg ít tábhiḥ sacate gópatiḥ sahá ||3||

(AVŚ\_4,21.4a) ná tá árvā reṇúkakāṭo 'śnute ná saṃskṛtatráṃ úpa yanti tá abhí |  
(AVŚ\_4,21.4c) urugāyám ábhayaṃ táśya tá ánu gávo mártasya ví carānti yájvanaḥ ||4||

(AVŚ\_4,21.5a) gávo bhágo gáva índro ma ichād gáva sómasya prathamásya bhakṣáh |  
(AVŚ\_4,21.5c) imá yá gávaḥ sá janāsa índra ichámi hṛdá manasā cid índram ||5||

(AVŚ\_4,21.6a) yūyám gávo medayatha kṛśám cid asrīrám cit kṛṇuthā suprátīkam |  
(AVŚ\_4,21.6c) bhadram gr̥hám kṛṇutha bhadravāco bṛhád vo váya

ucyate sabhāsu ||6||

(AVŚ\_4,21.7a) prajāvatīḥ sūyāvase ruśāntīḥ śuddhā apāḥ suprapāṇé pībantīḥ |

(AVŚ\_4,21.7c) mā va stenā īsata māghāsamsaḥ pári vo rudrāsya hetír vṛṇaktu ||7||

(AVŚ\_4,22.1a) imám indra vardhaya kṣatríyaṃ me imám viśám ekavṛṣám kṛṇu tvám |

(AVŚ\_4,22.1c) nír amitrān akṣṇuhy asya sárvaṃs tán randhayāsmā ahamuttarēṣu ||1||

(AVŚ\_4,22.2a) émám bhaja grāme áśveṣu góṣu níṣ ṭám bhaja yó amítro asyá |

(AVŚ\_4,22.2c) várṣma kṣatrāṇām ayám astu rájendra śátruṃ randhaya sárvaṃ asmái ||2||

(AVŚ\_4,22.3a) ayám astu dhánapatir dhánānām ayám viśám viśpátir astu rájā |

(AVŚ\_4,22.3c) asmínn indra máhi várcāṃsi dhehy avarcásam kṛṇuhi śátruṃ asya ||3||

(AVŚ\_4,22.4a) asmái dyāvāpṛthivī bhúri vāmám duhāthām gharmadúghe ivá dhenú |

(AVŚ\_4,22.4c) ayám rájā priyá índrasya bhūyāt priyó gávām óṣadhīnām paśūnām ||4||

(AVŚ\_4,22.5a) yunājmi ta uttarāvantam índraṃ yéna jáyanti ná parājáyante |

(AVŚ\_4,22.5c) yás tvā kárad ekavṛṣám jánānām utá rájñām uttamám mānavānām ||5||

(AVŚ\_4,22.6a) úttaras tvám ádhare te sapátnā yé ké ca rājan prátiśatravas te |

(AVŚ\_4,22.6c) ekavṛṣá índrasakhā jigīvám chatrūyatám á bharā bhójanāni ||6||

(AVŚ\_4,22.7a) siṃhápratīko víso addhi sárva vyāghrápratīkó 'va bādhasva śátrūn |

(AVŚ\_4,22.7c) ekavṛṣá índrasakhā jigīvám chatrūyatám á khidā bhójanāni ||7||

(AVŚ\_4,23.1a) agnér manve prathamásya prácetasah páñcājanyaśya bahudhā yám indháte |

(AVŚ\_4,23.1c) vísoviśaḥ praviśivāṃsam īmahe sá no muñcatv

ámhasaḥ ||1||

(AVŚ\_4,23.2a) yáthā havyám váhasi jātavedo yáthā yajñám  
kalpáyasi prajānán |

(AVŚ\_4,23.2c) evá devébhyaḥ sumatím na á vaha sá no muñcatv  
ámhasaḥ ||2||

(AVŚ\_4,23.3a) yámanyāmann úpayuktaṁ váhiṣṭhaṁ  
káрмаṅkarmann ábhagam agním ĩde |

(AVŚ\_4,23.3c) rakṣoháṇaṁ yajñavṛdhaṁ ghṛtáhutaṁ sá no muñcatv  
ámhasaḥ ||3||

(AVŚ\_4,23.4a) sújātaṁ jātávedasam agním vaiśvānaráṁ vibhúm |

(AVŚ\_4,23.4c) havyaváhaṁ havāmahe sá no muñcatv ámhasaḥ ||4||

(AVŚ\_4,23.5a) yéna řsayo balám ádyotayan yujá yénásurāṇām  
áyuvanta māyāḥ |

(AVŚ\_4,23.5c) yénāgnínā paṇín índro jigāya sá no muñcatv ámhasaḥ  
||5||

(AVŚ\_4,23.6a) yéna devá amṛtam anvávidan yénáuśadhīr  
mádhumatīr ákṛṇvan |

(AVŚ\_4,23.6c) yéna devāḥ svār ábharant sá no muñcatv ámhasaḥ ||  
6||

(AVŚ\_4,23.7a) yásyedám pradīsi yád virócate yáj jātám janitavyám  
ca kévalam |

(AVŚ\_4,23.7c) stáumy agním nāthitó johavīmi sá no muñcatv  
ámhasaḥ ||7||

(AVŚ\_4,24.1a) índrasya manmahe śásvad íd asya manmahe  
vṛtraḡhná stómā úpa memá águḥ |

(AVŚ\_4,24.1c) yó dāśúṣaḥ sukṛto hávam éti sá no muñcatv ámhasaḥ  
||1||

(AVŚ\_4,24.2a) yá ugríṇām ugrábāhur yayúr yó dānavānām bálam  
ārurója |

(AVŚ\_4,24.2c) yéna jitāḥ síndhavo yéna gāvāḥ sá no muñcatv  
ámhasaḥ ||2||

(AVŚ\_4,24.3a) yás carṣaṇipró vṛṣabhāḥ svarvíd yásmai grāvāṇaḥ  
pravādanti nṛmṇám |

(AVŚ\_4,24.3c) yásyādhvarāḥ saptáhotā mádiṣṭhaḥ sá no muñcatv  
ámhasaḥ ||3||

(AVŚ\_4,24.4a) yásya vaśása ṛṣabhása ukṣāṇo yásmai mīyānte  
sváravaḥ svarvīde |

(AVŚ\_4,24.4c) yásmai śukráḥ pávate bráhmaśumbhitaḥ sá no  
muñcatv áṃhasaḥ ||4||

(AVŚ\_4,24.5a) yásya júṣṭim somínaḥ kāmáyante yám hávanta  
íṣumantaṃ gáviṣṭau |  
(AVŚ\_4,24.5c) yásminn arkáḥ śísriyé yásminn ójaḥ sá no muñcatv  
áṃhasaḥ ||5||

(AVŚ\_4,24.6a) yáḥ prathamáḥ karmakṛtyāya jajñé yásya vīryām  
prathamáśyānubuddham |  
(AVŚ\_4,24.6c) yénódyato vájro 'bhyáyatáhiṃ sá no muñcatv  
áṃhasaḥ ||6||

(AVŚ\_4,24.7a) yáḥ saṃgrāmān nayati sám yudhé vaśí yáḥ puṣṭāni  
saṃsrjáti dvayāni |  
(AVŚ\_4,24.7c) stáumíndraṃ nāthitó johavīmi sá no muñcatv  
áṃhasaḥ ||7||

(AVŚ\_4,25.1a) vāyóḥ savitúr vidáthāni manmahe yāv ātmanvād  
viśátho yáu ca rákṣathaḥ |  
(AVŚ\_4,25.1c) yáu víśvasya paribhú babhūváthus táu no muñcatam  
áṃhasaḥ ||1||

(AVŚ\_4,25.2a) yáyoh sámkhyātā várimā párhivāni yábhyām rájo  
yupitām antárikṣe |  
(AVŚ\_4,25.2c) yáyoh prāyám nānv ānaśe kás caná táu no  
muñcatam áṃhasaḥ ||2||

(AVŚ\_4,25.3a) táva vraté ní viśante jánāsas tváyy údite prérate  
citrabhāno |  
(AVŚ\_4,25.3c) yuvám vāyo savitá ca bhúvanāni rakṣathas táu no  
muñcatam áṃhasaḥ ||3||

(AVŚ\_4,25.4a) ápetó vāyo savitá ca duṣkṛtām ápa rákṣāṃsi símidām  
ca śedhatam |  
(AVŚ\_4,25.4c) sám hy ūrjáyā srjáthaḥ sám bálēna táu no muñcatam  
áṃhasaḥ ||4||

(AVŚ\_4,25.5a) rayím me póṣaṃ savitótá vāyús tanú dákṣam á  
suvatām suśévam |  
(AVŚ\_4,25.5c) ayakṣmátātiṃ máha ihá dhattaṃ táu no muñcatam  
áṃhasaḥ ||5||

(AVŚ\_4,25.6a) prá sumatím savitar vāya ūtáye máhasvantaṃ  
matsaráṃ mādayāthaḥ |  
(AVŚ\_4,25.6c) arvág vāmásya praváto ní yachataṃ táu no  
muñcatam áṃhasaḥ ||6||

(AVŚ\_4,25.7a) upá śréṣṭhā na āśiṣo deváyor dhámann asthíran |  
(AVŚ\_4,25.7c) stáumi devám savitáram ca vāyúm táu no muñcantv  
ámhasaḥ ||7||

(AVŚ\_4,26.1a) manvé vām dyāvāpṛthivī subhojasau sácetasau yé  
áprathethām ámitā yójanāni |  
(AVŚ\_4,26.1c) pratiṣṭhé hy ábhavataṃ vásūnām té no muñcatam  
ámhasaḥ ||1||

(AVŚ\_4,26.2a) pratiṣṭhé hy ábhavataṃ vásūnām právrddhe devī  
subhage urūcī |  
(AVŚ\_4,26.2c) dyāvāpṛthivī bhávataṃ me syoné té no muñcatam  
ámhasaḥ ||2||

(AVŚ\_4,26.3a) asantāpé sutápasau huve 'hám urvī gambhīré  
kavíbhīr namasyè |  
(AVŚ\_4,26.3c) dyāvāpṛthivī bhávataṃ me syoné té no muñcatam  
ámhasaḥ ||3||

(AVŚ\_4,26.4a) yé amṛtaṃ bibhṛthó yé havíṃṣi yé srotyā bibhṛthó yé  
manuṣyān |  
(AVŚ\_4,26.4c) dyāvāpṛthivī bhávataṃ me syoné té no muñcatam  
ámhasaḥ ||4||

(AVŚ\_4,26.5a) yé usríyā bibhṛthó yé vánaśpátīn yáyor vām víśvā  
bhúvanāny antáḥ |  
(AVŚ\_4,26.5c) dyāvāpṛthivī bhávataṃ me syoné té no muñcatam  
ámhasaḥ ||5||

(AVŚ\_4,26.6a) yé kīlālena tarpáyatho yé ghṛténa yábhyām ṛté ná  
kīm caná śaknuvánti |  
(AVŚ\_4,26.6c) dyāvāpṛthivī bhávataṃ me syoné té no muñcatam  
ámhasaḥ ||6||

(AVŚ\_4,26.7a) yán médám abhiśócati yénayena vā kṛtám  
páuruṣeyān ná dáivāt |  
(AVŚ\_4,26.7c) stáumi dyāvāpṛthivī nāthitó johavīmi té no muñcatam  
ámhasaḥ ||7||

(AVŚ\_4,27.1a) marútām manve ádhi me bruvantu prémám vājam  
vājasāte avantu |  
(AVŚ\_4,27.1c) āśún iva suyámān ahva ūtáye té no muñcantv  
ámhasaḥ ||1||



(AVŚ\_4,27.2a) útsam ákṣitaṃ vyácanti yé sádā yá āsiñcānti rásam  
óṣadhīṣu |

(AVŚ\_4,27.2c) puró dadhe marútaḥ pṛśnimātīṃs té no muñcantv  
ámhasaḥ ||2||

(AVŚ\_4,27.3a) páyo dhenūnām rásam óṣadhīnām javám árvatām  
kavayo yá ínvatha |

(AVŚ\_4,27.3c) śagmā bhavantu marúto naḥ syonās té no muñcantv  
ámhasaḥ ||3||

(AVŚ\_4,27.4a) apáh samudrād dívam úd vahanti divás pṛthivīm abhí  
yé sṛjánti |

(AVŚ\_4,27.4c) yé adbhír íśānā marútaś caranti té no muñcantv  
ámhasaḥ ||4||

(AVŚ\_4,27.5a) yé kīlālena tarpáyanti yé ghṛténa yé vā váyo médasā  
saṃsṛjánti |

(AVŚ\_4,27.5c) yé adbhír íśānā marúto varṣáyanti té no muñcantv  
ámhasaḥ ||5||

(AVŚ\_4,27.6a) yádíd idám maruto mārutena yádi devā dáivyenedṛg  
āra |

(AVŚ\_4,27.6c) yūyám īśidhve vasavas tásya níṣkr̥tes té no muñcantv  
ámhasaḥ ||6||

(AVŚ\_4,27.7a) tigmám ánīkam veditám sáhasvan mārutaṃ śárdhaḥ  
pṛtanāsūgrám |

(AVŚ\_4,27.7c) stáumi marúto nāthitó johavīmi té no muñcantv  
ámhasaḥ ||7||

(AVŚ\_4,28.1a) bhávāśarvau manvé vām tásya vittaṃ yáyor vām  
idám pradīśi yád virócate |

(AVŚ\_4,28.1c) yáv asyésāthe dvipádo yáu cátuṣpadas táu no  
muñcatam ámhasaḥ ||1||

(AVŚ\_4,28.2a) yáyor abhyabhvá utá yád dūrē cid yáu veditāv  
iṣubhṛtām ásiṣṭhau |

(AVŚ\_4,28.2c) yáv asyésathe dvipádo yáu cátuṣpadas táu no  
muñcatam ámhasaḥ ||2||

(AVŚ\_4,28.3a) sahasrākṣáu vṛtrahánā huvehám dūrégavyūti stuvánn  
emy ugráu |

(AVŚ\_4,28.3c) yáv asyésathe dvipádo yáu cátuṣpadas táu no  
muñcatam ámhasaḥ ||3||

(AVŚ\_4,28.4a) yáv ārebhāthe bahú sākám ágre prá céd ásrāṣṭram  
abhibhām jáneṣu |

(AVŚ\_4,28.4c) yáv asyésathe dvipádo yáu cátuṣpadas táu no

muñcatam áṃhasaḥ ||4||

(AVŚ\_4,28.5a) yáyor vadhán nāpapádyate kás canántár devéṣūtá mánūṣeṣu |

(AVŚ\_4,28.5c) yáv asyésathe dvipádo yáu cátuṣpadas táu no muñcatam áṃhasaḥ ||5||

(AVŚ\_4,28.6a) yáḥ kṛtyākṛñ mūlakṛd yātudháno ní tásmin dhattam vájram ugráu |

(AVŚ\_4,28.6c) yáv asyésathe dvipádo yáu cátuṣpadas táu no muñcatam áṃhasaḥ ||6||

(AVŚ\_4,28.7a) ádhi no brūtam pṛtanāsūgrau sám vájreṇa sṛjatam yáḥ kīmīdí |

(AVŚ\_4,28.7c) stáumi bhavāśarváu nāthitó johavīmi táu no muñcatam áṃhasaḥ ||7||

(AVŚ\_4,29.1a) manvé vām mitrāvaruṇāv ṛtāvṛdhau sácetasau drúhvaṇo yáu nudéthe |

(AVŚ\_4,29.1c) prá satyāvānam ávatho bháreṣu táu no muñcatam áṃhasaḥ ||1||

(AVŚ\_4,29.2a) sácetasau drúhvaṇo yáu nudéthe prá satyāvānam ávatho bháreṣu |

(AVŚ\_4,29.2c) yáu gáchatho nṛcákṣasau babhrúnā sutám táu no muñcatam áṃhasaḥ ||2||

(AVŚ\_4,29.3a) yáv áṅgirasam ávatho yáv agástim mītrāvaruṇā jamádagnim áttrim |

(AVŚ\_4,29.3c) yáu kaśyápam ávatho yáu vásiṣṭham táu no muñcatam áṃhasaḥ ||3||

(AVŚ\_4,29.4a) yáu śyāvāśvam ávatho vādhryaśvám mītrāvaruṇā purumīḍhám áttrim |

(AVŚ\_4,29.4c) yáu vimadám ávatho saptávadhrim táu no muñcatam áṃhasaḥ ||4||

(AVŚ\_4,29.5a) yáu bharádvājam ávatho yáu gáviṣṭhiram viśvāmitram varuṇa mitra kútsam |

(AVŚ\_4,29.5c) yáu kakṣívantam ávatho prótá káṇvam táu no muñcatam áṃhasaḥ ||5||

(AVŚ\_4,29.6a) yáu médhātithim ávatho yáu trísókam mītrāvaruṇāv usánām kāvyám yáu |

(AVŚ\_4,29.6c) yáu gótamam ávatho prótá múgdalam táu no muñcatam áṃhasaḥ ||6||

(AVŚ\_4,29.7a) yáyo ráthaḥ satyáavartma rjúraśmir mithuyá cárantam  
abhiyāti dūśáyan |  
(AVŚ\_4,29.7c) stáumi mitráváruṇau nāthitó johavīmi tau no  
muñcatam áṃhasaḥ ||7||

(AVŚ\_4,30.1a) ahám rudrébhir vásubhiś carāmy ahám ādityáir utá  
viśvádevaiḥ |  
(AVŚ\_4,30.1c) ahám mitrávárunobhá bibharmy ahám indrāgní ahám  
aśvínobhá ||1||

(AVŚ\_4,30.2a) ahám ráṣṭrī saṃgámanī vásūnām cikitúṣī prathamá  
yajñíyānām |  
(AVŚ\_4,30.2c) tám mā devá vy ādadhuḥ purutrá bhúristhātrām  
bhúry āveśáyantaḥ ||2||

(AVŚ\_4,30.3a) ahám evá svayám idám vadāmi júṣṭam devānām utá  
mánuṣānām |  
(AVŚ\_4,30.3c) yám kāmáye tántam ugrám kṛṇomi tám brahmāṇam  
tám ṛṣim tám sumedhām ||3||

(AVŚ\_4,30.4a) máyā só 'nnam atti yó vipásyati yáḥ prāṇāti yá īm  
śṛṇóty uktám |  
(AVŚ\_4,30.4c) amantávo mām tá úpa kṣiyanti śrudhí śruta  
śruddhéyam te vadāmi ||4||

(AVŚ\_4,30.5a) ahám rudráya dhánur á tanomi brahmadvíṣe śárave  
hántavā u |  
(AVŚ\_4,30.5c) ahám jánāya samádam kṛṇomi ahám dyāvāpṛthiví á  
viveśa ||5||

(AVŚ\_4,30.6a) ahám sómam āhanásam bibharmy ahám tvásṭāram  
utá pūśānam bhágam |  
(AVŚ\_4,30.6c) ahám dadhāmi dráviṇā havíṣmate suprāvyā  
yájamānāya sunvaté ||6||

(AVŚ\_4,30.7a) ahám suve pitáram asya mūrdhán máma yónir apsv  
āntáḥ samudré |  
(AVŚ\_4,30.7c) táto ví tiṣṭhe bhúvanāni víśvotámúṃ dyām  
varṣmāṇópa sprṣāmi ||7||

(AVŚ\_4,30.8a) ahám evá vātaiva prá vāmy ārabhamāṇā bhúvanāni  
vísṃvā |  
(AVŚ\_4,30.8c) paró divá pará ená pṛthivyáitávatī mahimná sám  
babhūva ||8||

(AVŚ\_4,31.1a) tváyā manyo sarátham ārujánto hárṣamāṇā hr̥ṣitāso  
marutvan |

(AVŚ\_4,31.1c) tigméṣava áyudhā saṃśísānā úpa prá yantu náro  
agnírūpāḥ ||1||

(AVŚ\_4,31.2a) agnír iva manyo tviṣitáḥ sahasva senānír naḥ sahure  
hūtá edhi |

(AVŚ\_4,31.2c) hatváya śátrūn ví bhajasva véda ójo mímāno ví  
mṛdho nudasva ||2||

(AVŚ\_4,31.3a) sáhasva manyo abhímātim asmái ruján mṛṇán  
pramṛṇán préhi śátrūn |

(AVŚ\_4,31.3c) ugrám te pájo nanv á rurudhre vaśí váśam nayāsā  
ekaja tvám ||3||

(AVŚ\_4,31.4a) éko bahūnām asi manya īditā víśamviśam yuddháya  
sám śísādhi |

(AVŚ\_4,31.4c) ákṛttaruk tváyā yujá vayám dyumántam ghóṣam  
vijayāya kṛṇmasi ||4||

(AVŚ\_4,31.5a) vijeṣakṛd índra ivānavabravò 'smākaṃ manyo adhipā  
bhavéhá |

(AVŚ\_4,31.5c) priyám te náma sahure gr̥ṇīmasi vidmā tám útsam  
yáta ābabhútha ||5||

(AVŚ\_4,31.6a) ábhūtyā sahajá vajra sāyaka sáho bibharṣi sahabhūta  
úttaram |

(AVŚ\_4,31.6c) krátvā no manyo sahá medy edhi mahāadhanasya  
puruḥūta saṃsṛji ||6||

(AVŚ\_4,31.7a) sámśr̥ṣṭam dhánam ubháyaṃ samákṛtam  
asmábhyaṃ dhattām váruṇas ca manyúḥ |

(AVŚ\_4,31.7c) bhíyo dádhanā hṛdayeṣu śátravaḥ párājitāso ápa ní  
layantām ||7||

(AVŚ\_4,32.1a) yás te manyó 'vidhad vajra sāyaka sáha ójaḥ puṣyati  
vísvam ānuṣák |

(AVŚ\_4,32.1c) sāhyāma dāsam áryaṃ tváyā yujá vayám  
sáhaskṛtena sáhasā sáhasvatā ||1||

(AVŚ\_4,32.2a) manyúr índro manyúr evāsa devó manyúr hótā  
váruṇo jātávedāḥ |

(AVŚ\_4,32.2c) manyúm vísa īdate mánuṣīr yáḥ pahí no manyo  
tápasā sajóṣāḥ ||2||

(AVŚ\_4,32.3a) abhíhi manyo tavásas távīyān tápasā yujá ví jahi  
śátrūn |

(AVŚ\_4,32.3c) amitrahá vṛtrahá dasyuhá ca víśvā vásūny á bharā  
tvám̐ naḥ ||3||

(AVŚ\_4,32.4a) tvám̐ hí manyo abhíbhūtyojāḥ svayaṁbhūr bhāmo  
abhimātiṣāhāḥ |  
(AVŚ\_4,32.4c) víśvācarṣaṇiḥ sáhuriḥ sáhīyān asmāsv ójaḥ pṛtanāsu  
dhehī ||4||

(AVŚ\_4,32.5a) abhāgāḥ sánn ápa páreto asmi táva krátvā taviṣāsyā  
pracetaḥ |  
(AVŚ\_4,32.5c) tám̐ tvā manyo akratúr jihīḍāhām̐ svā tanúr baladāvā  
na éhi ||5||

(AVŚ\_4,32.6a) ayám̐ te asmy úpa na éhy arvān̐ pratiṭīnāḥ sahure  
viśvadāvan |  
(AVŚ\_4,32.6c) mányo vajrinn abhí na á vavṛtsva hánāva dásyūmr̐  
utá bodhy āpéh̐ ||6||

(AVŚ\_4,32.7a) abhí préhi dakṣiṇató bhavā nó 'dhā vṛtrāṇi  
jaṅghanāva bhūri |  
(AVŚ\_4,32.7c) juhómi te dharúṇam̐ mādḥvo ágram ubhāv̐ upāṁsú  
prathamā pibāva ||7||

(AVŚ\_4,33.1a) ápa naḥ sóśucad aghám̐ ágne śuśugdhy á rayím̐ |  
(AVŚ\_4,33.1c) ápa naḥ sóśucad aghám̐ ||1||

(AVŚ\_4,33.2a) sukṣetriyā sugātuyā vasūyā ca yajāmahe |  
(AVŚ\_4,33.2c) ápa naḥ sóśucad aghám̐ ||2||

(AVŚ\_4,33.3a) prá yád bhāndiṣṭha eṣām̐ prāsmākāsaś ca sūrāyaḥ |  
(AVŚ\_4,33.3c) ápa naḥ sóśucad aghám̐ ||3||

(AVŚ\_4,33.4a) prá yát te agne sūrāyo jāyemahi prá te vayám̐ |  
(AVŚ\_4,33.4c) ápa naḥ sóśucad aghám̐ ||4||

(AVŚ\_4,33.5a) prá yád agnēḥ sáhasvato víśvato yānti bhānávaḥ |  
(AVŚ\_4,33.5c) ápa naḥ sóśucad aghám̐ ||5||

(AVŚ\_4,33.6a) tvám̐ hí viśvatomukha viśvātaḥ paribhūr asi |  
(AVŚ\_4,33.6c) ápa naḥ sóśucad aghám̐ ||6||

(AVŚ\_4,33.7a) dvīṣo no viśvatomukhāti nāvéva pāraya |  
(AVŚ\_4,33.7c) ápa naḥ sóśucad aghám̐ ||7||

(AVŚ\_4,33.8a) sá naḥ síndhum iva nāvāti parṣa svastāye |  
(AVŚ\_4,33.8c) ápa naḥ sóśucad aghám̐ ||8||

(AVŚ\_4,34.1a) bráhmāsyā śīrṣāṃ bṛhád asya pṛṣṭhāṃ vāmadevyám  
udāram odanāsya |

(AVŚ\_4,34.1c) chándāṃsi pakṣáu múkham asya satyám viṣṭārí jātás  
tápaso'dhi yajñáh ||1||

(AVŚ\_4,34.2a) anastháḥ pūtáḥ pávanena súddháḥ súcayah súcim  
ápi yanti lokám |

(AVŚ\_4,34.2c) náīṣāṃ śísnaṃ prá dahati jātávedāḥ svargé loké bahú  
stráīṇam eṣām ||2||

(AVŚ\_4,34.3a) viṣṭārīṇam odanáṃ yé pácanti náinān ávartih sacate  
kadā caná |

(AVŚ\_4,34.3c) áste yamá úpa yāti devānt sám gandharváir madate  
somyébhiḥ ||3||

(AVŚ\_4,34.4a) viṣṭārīṇam odanáṃ yé pácanti náinān yamáḥ pári  
muṣṇāti rétaḥ |

(AVŚ\_4,34.4c) rathí ha bhūtvá rathayána īyate pakṣí ha bhūtvāti  
dívaḥ sám eti ||4||

(AVŚ\_4,34.5a) eṣá yajñānām vítato váhiṣṭho viṣṭārīṇam paktvá  
dívam á viveśa |

(AVŚ\_4,34.5c) āṇḍíkaṃ kúmudaṃ sám tanoti bísam śālúkaṃ  
śáphako mulālí |

(AVŚ\_4,34.5e) etás tvā dhārā úpa yantu sárvaḥ svargé loké  
mádhumat pínvamānā úpa tvā tiṣṭhantu puṣkarínīḥ sámantāḥ ||5||

(AVŚ\_4,34.6a) ghṛtáhradā mádhukūlāḥ súrodakāḥ kṣīréṇa pūrṇá  
udakēna dadhná |

(AVŚ\_4,34.6c) etás tvā dhārā úpa yantu sárvaḥ svargé loké  
mádhumat pínvamānā úpa tvā tiṣṭhantu puṣkarínīḥ sámantāḥ ||6||

(AVŚ\_4,34.7a) catúraḥ kumbháṃś caturdhá dadāmi kṣīréṇa pūrṇám  
udakēna dadhná |

(AVŚ\_4,34.7c) etás tvā dhārā úpa yantu sárvaḥ svargé loké  
mádhumat pínvamānā úpa tvā tiṣṭhantu puṣkarínīḥ sámantāḥ ||7||

(AVŚ\_4,34.8a) imám odanáṃ ní dadhe brāhmaṇéṣu viṣṭārīṇam  
lokajītaṃ svargám |

(AVŚ\_4,34.8c) sá me má kṣeṣṭa svadháyā pínvamāno viśvárūpā  
dhenúḥ kāmádúghā me astu ||8||

(AVŚ\_4,35.1a) yám odanáṃ prathamajá ṛtasya prajāpatis tápasā  
brahmaṇé 'pacat |

(AVŚ\_4,35.1c) yó lokánām vídhṛtir nábhiresāt ténaudanénāti tarāṇi

mṛtyúm ||1||

(AVŚ\_4,35.2a) yénā́taran bhū́takṛ́tó 'ti mṛtyúm yám anvávinḍan  
tápasā śrámeṇa |

(AVŚ\_4,35.2c) yám papáca brahmáṇe bráhma púrvam  
ténaudanénā́ti tarāṇi mṛtyúm ||2||

(AVŚ\_4,35.3a) yó dādhā́ra pṛthivím viśvábhojasam yó antárikṣam  
āpṛṇād rásena |

(AVŚ\_4,35.3c) yó ástabhnād dívam ūrdhvó mahimná́ tenaudanénā́ti  
tarāṇi mṛtyúm ||3||

(AVŚ\_4,35.4a) yásmān māsā́ nírmítās triṃśádarāḥ samvatsaró  
yásmān nírmíto dvádaśāraḥ |

(AVŚ\_4,35.4c) ahorā́trā yám pariyánto nāpús ténaudanénā́ti tarāṇi  
mṛtyúm ||4||

(AVŚ\_4,35.5a) yáḥ prāṇadāḥ prāṇadávān babhúva yásmāi lokā́  
ghṛtāvantaḥ kṣárantī |

(AVŚ\_4,35.5c) jyótiṣmatīḥ pradísó yásya sárvas ténaudanénā́ti  
tarāṇi mṛtyúm ||5||

(AVŚ\_4,35.6a) yásmāt pakvād amṛ́tam sambabhúva yó gāyatrýā  
ádhipatir babhúva |

(AVŚ\_4,35.6c) yásmin védā́ níhitā viśvárūpās ténaudanénā́ti tarāṇi  
mṛtyúm ||6||

(AVŚ\_4,35.7a) áva bādhe dviśántam devapīyúm sapátnā yé mé 'pa  
te bhavantu |

(AVŚ\_4,35.7c) brahmaudanám viśvajítam pacāmi śṛṇvántu me  
śraddádhanasya devāḥ ||7||

(AVŚ\_4,36.1a) tánt satyáujāḥ prá dahatv agnír vaiśvānaró vṛ́ṣā |

(AVŚ\_4,36.1c) yó no durasyád dípsāc cátho yó no arā́tiyāt ||1||

(AVŚ\_4,36.2a) yó no dipsád ádipsato dípsato yás ca dípsati |

(AVŚ\_4,36.2c) vaiśvānarásya dáṃṣṭrayor agnér ápi dadhāmi tám ||  
2||

(AVŚ\_4,36.3a) yá āgaré mṛgáyante pratikrośé 'māvāsyè |

(AVŚ\_4,36.3c) kravyádo anyán dípsataḥ sárvaṃs tánt sáhasā sahe ||  
3||

(AVŚ\_4,36.4a) sáhe píśācānt sáhasáishām dráviṇam dade |

(AVŚ\_4,36.4c) sárvaṇ durasyató hanmi sám ma ákūtir ṛdhyatām ||4||

(AVŚ\_4,36.5a) yé devās téna hāsante súryeṇa mimate javám |

(AVŚ\_4,36.5c) nadīṣu párvateṣu yé sám táih paśúbhir vide ||5||

(AVŚ\_4,36.6a) tápano asmi piśācānāṃ vyāghró gómatām iva |  
(AVŚ\_4,36.6c) śvánaḥ siṃhām iva dṛṣṭvā té ná vindante nyāñcanam ||6||

(AVŚ\_4,36.7a) ná piśācāih sám śaknómi ná stenāih ná vanargúbhih |  
(AVŚ\_4,36.7c) piśācās tásmān naśyanti yám ahām grāmam āviśé ||7||

(AVŚ\_4,36.8a) yám grāmam āviśāta idám ugrām sáho máma |  
(AVŚ\_4,36.8c) piśācās tásmān naśyanti ná pāpām úpa jānate ||8||

(AVŚ\_4,36.9a) yé mā krodháyanti lapitā hastínaṃ maśákā iva |  
(AVŚ\_4,36.9c) tán ahām manye dūrhitān jáne álpaśayūn iva ||9||

(AVŚ\_4,36.10a) abhí tám níṛṭtir dhattām áśvam iva aśvābhidhānyā |  
(AVŚ\_4,36.10c) malvó yó máhyaṃ krúdhyaṭi sá u pāsān ná mucyate ||10||

(AVŚ\_4,37.1a) tváyā púrvam átharvāṇo jaghnú rákṣāṃsy oṣadhe |  
(AVŚ\_4,37.1c) tváyā jaghāna kaśyāpas tváyā káṇvo agástyaḥ ||1||

(AVŚ\_4,37.2a) tváyā vayám apsaráso gandharváṃs cātayāmahe |  
(AVŚ\_4,37.2c) ájaśṛṅgy ája rákṣaḥ sárvaṇ gandhéna nāśaya ||2||

(AVŚ\_4,37.3a) nadīm yantv apsaráso 'pām tārām avaśvasám |  
(AVŚ\_4,37.3c) gulgulúḥ pílā nalady àukśágandhiḥ pramandanī |  
(AVŚ\_4,37.3e) tát páretāpsarasaḥ prátibuddhā abhūtana ||3||

(AVŚ\_4,37.4a) yátrāśvatthā nyagródhā mahāvṛkṣāḥ śikhaṇḍínaḥ |  
(AVŚ\_4,37.4c) tát páretāpsarasaḥ prátibuddhā abhūtana ||4||

(AVŚ\_4,37.5a) yátra vaḥ preṅkhā háritā árjunā utá yátrāghātāḥ  
karkāyāḥ saṃvādanti |  
(AVŚ\_4,37.5c) tát páretāpsarasaḥ prátibuddhā abhūtana ||5||

(AVŚ\_4,37.6a) éyám agann óṣadhīnāṃ vīrúdhām vīryāvātī |  
(AVŚ\_4,37.6c) ajaśṛṅgy àrāṭakī tīkṣṇaśṛṅgī vyṛṣatu ||6||

(AVŚ\_4,37.7a) āṇṭyataḥ śikhaṇḍíno gandharvásyāpsarāpatéh |  
(AVŚ\_4,37.7c) bhinádmī muṣkāv ápi yāmi sépaḥ ||7||

(AVŚ\_4,37.8a) bhīmā índrasya hetáyāḥ śatām ṛṣṭír ayasmáyīḥ |  
(AVŚ\_4,37.8c) tábhir haviradān gandharvān avakādān vyṛṣatu ||8||

(AVŚ\_4,37.9a) bhīmā índrasya hetáyāḥ śatām ṛṣṭír hiraṇyáyīḥ |



(AVŚ\_4,37.9c) tábhīr havirādān gandharvān avakādān vyṛṣatu ||9||  
(AVŚ\_4,37.10a) avakādān abhiśocān apsú jyotaya māmākān |  
(AVŚ\_4,37.10c) piśācānt sárvaṇ oṣadhe prá mṛṇīhi sáhasva ca ||10||

(AVŚ\_4,37.11a) śvévāikaḥ kapīr ivāikaḥ kumārāḥ sarvakeśakāḥ |  
(AVŚ\_4,37.11c) priyó dṛśā iva bhūtvā gandharvāḥ sacate stríyas |  
(AVŚ\_4,37.11e) tám itó nāśayāmasi bráhmaṇā vīryāvātā ||11||

(AVŚ\_4,37.12a) jāyā íd vo apsarāso gándharvāḥ pátayo yuyám |  
(AVŚ\_4,37.12c) ápa dhāvatāmartyā mártiān má sacadhvam ||12||

(AVŚ\_4,38.1a) udbhindatīm samjáyantīm apsarām sādhidevínīm |  
(AVŚ\_4,38.1c) gláhe kṛtāni kṛṇvānām apsarām tám ihá huve ||1||

(AVŚ\_4,38.2a) vicinvatīm ākirántīm apsarām sādhidevínīm |  
(AVŚ\_4,38.2c) gláhe kṛtāni gṛṇhānām apsarām tám ihá huve ||2||

(AVŚ\_4,38.3a) yáyaiḥ parinṛtyaty ādádānā kṛtām gláhāt |  
(AVŚ\_4,38.3c) sá naḥ kṛtāni sīṣatī prahām āpnotu māyáyā |  
(AVŚ\_4,38.3e) sá naḥ páyasvaty áitu má no jaiṣur idām dhānam ||3||

(AVŚ\_4,38.4a) yá akṣéṣu pramódante súcam krodham ca bíbhratī |  
(AVŚ\_4,38.4c) ānandínīm pramodínīm apsarām tám ihá huve ||4||

(AVŚ\_4,38.5a) sūryasya raśmín ānu yáḥ sañcāranti márīcīr vā yá  
anusañcāranti |  
(AVŚ\_4,38.5c) yāsām ṛṣabhó dūrató vājínīvānt sadyāḥ sárvaṇ lokān  
paryēti rākṣan |  
(AVŚ\_4,38.5e) sá na áitu hómam imām jusāṇò 'ntárikṣeṇa sahá  
vājínīvān ||5||

(AVŚ\_4,38.6a) antárikṣeṇa sahá vājínīvan karkīm vatsām ihá rakṣa  
vājin |  
(AVŚ\_4,38.6c) imé te stoká bahulā éhy arvān iyām te karkíhá te  
mánō 'stu ||6||

(AVŚ\_4,38.7a) antárikṣeṇa sahá vājínīvan karkīm vatsām ihá rakṣa  
vājin |  
(AVŚ\_4,38.7c) ayām ghāsó ayām vrajá ihá vatsām ní badhnīmaḥ |  
(AVŚ\_4,38.7e) yathānāmá va īśmahe svāhā ||7||

(AVŚ\_4,39.1a) pṛthivyām agnáye sám anamant sá ārdhnot |  
(AVŚ\_4,39.1c) yáthā pṛthivyām agnáye samánamann evá máhyam  
samnámaḥ sám namantu ||1||

(AVŚ\_4,39.2a) pṛthiví dhenús tásyā agnír vatsáḥ |

(AVŚ\_4,39.2c) sá me 'gnínā vatsénéṣam ūrjaṃ kámaṃ duhām |  
(AVŚ\_4,39.2e) áyuh prathamám prajám póṣaṃ rayím sváhā ||2||

(AVŚ\_4,39.3a) antárikṣe vāyáve sám anamant sá ārdhnot |  
(AVŚ\_4,39.3c) yáthāntárikṣe vāyáve samánamann evá máhyaṃ  
saṃnámaḥ sám namantu ||3||

(AVŚ\_4,39.4a) antárikṣaṃ dhenús tásyā vatsáh |  
(AVŚ\_4,39.4c) sá me vāyúnā vatsénéṣam ūrjaṃ kámaṃ duhām |  
(AVŚ\_4,39.4e) áyuh prathamám prajám póṣaṃ rayím sváhā ||4||

(AVŚ\_4,39.5a) divyāḍityāya sám anamant sá ārdhnot |  
(AVŚ\_4,39.5c) yáthā divyāḍityāya samánamann evá máhyaṃ  
saṃnámaḥ sám namantu ||5||

(AVŚ\_4,39.6a) dyáur dhenús tásyā ādityó vatsáh |  
(AVŚ\_4,39.6c) sá ma ādityéna vatsénéṣam ūrjaṃ kámaṃ duhām |  
(AVŚ\_4,39.6e) áyuh prathamám prajám póṣaṃ rayím sváhā ||6||

(AVŚ\_4,39.7a) dikṣú candráya sám anamant sá ārdhnot |  
(AVŚ\_4,39.7c) yáthā dikṣú candráya samánamann evá máhyaṃ  
saṃnámaḥ sám namantu ||7||

(AVŚ\_4,39.8a) díśo dhenávas tāsāṃ candró vatsáh |  
(AVŚ\_4,39.8c) tá me candréṇa vatsénéṣam ūrjaṃ kámaṃ duhām  
áyuh prathamám prajám póṣaṃ rayím sváhā ||8||

(AVŚ\_4,39.9a) agnāv agnís carati práviṣṭa íṣṭīṇām putró abhiśastipá  
u |  
(AVŚ\_4,39.9c) namaskāréṇa námasā te juhomi má devānām  
mithuyá karma bhāgám ||9||

(AVŚ\_4,39.10a) hṛdá pūtám mánasā jātavedo víśvāni deva vayúnāni  
vidvān |  
(AVŚ\_4,39.10c) saptāsyāni táva jātavedas tébhyo juhomi sá juṣasva  
havyām ||10||

(AVŚ\_4,40.1a) yé purástāj júhvati jātavedaḥ prácyā diśó 'bhidāsanty  
asmān |  
(AVŚ\_4,40.1c) agním ṛtvá té párāñco vyathantām pratyág enān  
pratisaréṇa hanmi ||1||

(AVŚ\_4,40.2a) yé dakṣiṇató júhvati jātavedo dākṣiṇāyā diśó  
'bhidāsanty asmān |  
(AVŚ\_4,40.2c) yamám ṛtvá té párāñco vyathantām pratyág enā  
pratisaréṇa hanmi ||2||

(AVŚ\_4,40.3a) yé paścāj júhvati jātavedaḥ pratīcyā diśó 'bhidāsanty asmān |

(AVŚ\_4,40.3c) váruṇam ṛtvā té párāñco vyathantām pratyág enān pratisaréṇa hanmi ||3||

(AVŚ\_4,40.4a) yá uttarató júhvati jātaveda údīcyā diśó 'bhidāsanty asmān |

(AVŚ\_4,40.4c) sómam ṛtvā té párāñco vyathantām pratyág enān pratisaréṇa hanmi ||4||

(AVŚ\_4,40.5a) yé 'dhástāj júhvati jātaveda údīcyā diśó 'bhidāsanty asmān |

(AVŚ\_4,40.5c) bhúmim ṛtvā té párāñco vyathantām pratyág enān pratisaréṇa hanmi ||5||

(AVŚ\_4,40.6a) yé 'ntárikṣāj júhvati jātavedo vyadhvāyā diśó 'bhidāsanty asmān |

(AVŚ\_4,40.6c) vāyúm ṛtvā té párāñco vyathantām pratyág enān pratisaréṇa hanmi ||6||

(AVŚ\_4,40.7a) yá upáriṣṭāj júhvati jātaveda ūrdhvāyā diśó 'bhidāsanty asmān |

(AVŚ\_4,40.7c) súryam ṛtvā té párāñco vyathantām pratyág enān pratisaréṇa hanmi ||7||

(AVŚ\_4,40.8a) yé diśām antardeśébhyo júhvati jātavedaḥ sárvābhyo digbhyó 'bhidāsanti asmān |

(AVŚ\_4,40.8c) bráhma ṛtvā té párāñco vyathantām pratyág enān pratisaréṇa hanmi ||8||

(AVŚ\_5,1.1a) ṛdhañmantro yónim yá ābabhúvāmṛtāsur vārdhamānaḥ sujānmā |

(AVŚ\_5,1.1c) ádabdhāsur bhrájamānó 'heva tritó dhartā dādhāra tríṇi ||1||

(AVŚ\_5,1.2a) á yó dhármāṇi prathamāḥ sasāda táto vápūṃṣi kṛṇuṣe purūṇi |

(AVŚ\_5,1.2c) dhāsyúr yónim prathamá á viveśá yó vācam ánuditām cikéta ||2||

(AVŚ\_5,1.3a) yás te sókāya tanvām riréca kṣárad dhíraṇyam súcayó 'nu svāḥ |

(AVŚ\_5,1.3c) átrā dadhete amṛtāni námāsmé vástrāṇi víśa érayāntām ||3||

(AVŚ\_5,1.4a) prá yád eté pratarām pūrvyām gúḥ sádaḥsada átíṣṭhanto ajuryám |

(AVŚ\_5,1.4c) kavíḥ śuśásya mātārā rihāṇé jāmyái dhúryaṃ pátim  
erayethām ||4||

(AVŚ\_5,1.5a) tát ū śú te mahát pṛthujman námaḥ kavíḥ kávyenā  
kṛṇomi |

(AVŚ\_5,1.5c) yát samyáñcāv abhiyántāv abhí kṣám átrā mahí  
ródhacakre vāvṛdhéte ||5||

(AVŚ\_5,1.6a) saptá maryádāḥ kaváyas tatakṣus tāsām íd ékām abhy  
āṃhūró gāt |

(AVŚ\_5,1.6c) āyór ha skambhá upamásya nīdé pathāṃ visargé  
dharūṇeṣu tasthau ||6||

(AVŚ\_5,1.7a) utámṛtāsúr vráta emi kṛṇvānn ásur ātmá tanvās tát  
sumādguḥ |

(AVŚ\_5,1.7c) utá vā śakró rátnaṃ dádhāty ūrjáyā vā yát sácate  
havirdāḥ ||7||

(AVŚ\_5,1.8a) utá putráḥ pitáraṃ kṣatrám īde jyēṣṭhāṃ maryádam  
ahvāyant svastáye |

(AVŚ\_5,1.8c) dárśan nú tá varuṇa yás te viṣṭhá āvár vratataḥ kṛṇavo  
vápūṃṣi ||8||

(AVŚ\_5,1.9a) ardhám ardhéna páyasā pṛṇakṣy ardhéna śuśma  
vardhase amura |

(AVŚ\_5,1.9c) áviṃ vṛdhāma śagmíyaṃ sákhāyaṃ váruṇaṃ putráṃ  
ádityā iṣirám |

(AVŚ\_5,1.9e) kaviśastāny asmai vápūṃṣy avocāma ródasī satyavácā  
||9||

(AVŚ\_5,2.1a) tát íd āsa bhúvaneṣu jyēṣṭham yáto yajñá ugrás  
tveṣāṇṛmṇaḥ |

(AVŚ\_5,2.1c) sadyó jajñānó ní riṇāti sátrūn ánu yád enaṃ mādanti  
vísva ūmāḥ ||1||

(AVŚ\_5,2.2a) vavṛdhānáḥ śávasā bhúryojāḥ sátrur dāsāya bhiyásaṃ  
dadhāti |

(AVŚ\_5,2.2c) ávyanac ca vyanác ca sásni sám te navanta prábhṛtā  
mádeṣu ||2||

(AVŚ\_5,2.3a) tvé krátum ápi pṛñcanti bhúri dvír yád eté trír  
bhavanty ūmāḥ |

(AVŚ\_5,2.3c) svadóḥ svádīyaḥ svādúnā srjā sám adáḥ sú mádhu  
mádhunābhí yodhīḥ ||3||

(AVŚ\_5,2.4a) yádi cin nú tvā dhánā jáyantaṃ ráṇeraṇe anumádanti  
víprāḥ |

(AVŚ\_5,2.4c) ójīyaḥ śuśmint sthirám á tanuṣva má tvā dabhan

durévāsaḥ kaśókāḥ ||4||

(AVŚ\_5,2.5a) tváyā vayāṃ śāśadmahe ráṇeṣu prapásyanto  
yudhényāni bhúri |

(AVŚ\_5,2.5c) codáyāmi ta áyudhā vácobhiḥ sám te śísāmi bráhmaṇā  
váyāṃsi ||5||

(AVŚ\_5,2.6a) ní tát dadhiṣé 'vare páre ca yásminn ávithávasā  
duroṇé |

(AVŚ\_5,2.6c) á sthāpayata mātáram jigatnúm áta invata kárvarāṇi  
bhúri ||6||

(AVŚ\_5,2.7a) stuṣvá varṣman puruvártmānaṃ sám ųbhvāṇam  
inátamam āptám āptyānām |

(AVŚ\_5,2.7c) á darśati śávasā bhúryojāḥ prá sakṣati pratimānaṃ  
pṛthivyāḥ ||7||

(AVŚ\_5,2.8a) imá bráhma bṛháddivaḥ kṛṇavad índrāya súśám  
agriyāḥ svarśāḥ |

(AVŚ\_5,2.8c) mahó gotrásya kṣayati svarájā túraś cid víśvam  
arṇavat tápasvān ||8||

(AVŚ\_5,2.9a) evá mahán bṛháddivo átharvāvocat svām tanvām  
índram evá |

(AVŚ\_5,2.9c) svásārau mātáribhvarī aripré hinvánti caine śávasā  
vardháyanti ca ||9||

(AVŚ\_5,3.1a) mámāgne várco vihavéṣv astu vayāṃ tvéndhānās  
tanvām puṣema |

(AVŚ\_5,3.1c) máhyaṃ namantām pradísas cátasras tváyádhyakṣeṇa  
pṛtanā jayema ||1||

(AVŚ\_5,3.2a) ágne manyúm pratinudán páreṣām tvám no gopáh  
pári pāhi vísvataḥ |

(AVŚ\_5,3.2c) ápāñco yantu nivátā durasyávo 'máisām cittám  
prabūdhām ví neśat ||2||

(AVŚ\_5,3.3a) máma devá vihavé santu sárva índravanto marúto  
víṣṇur agníḥ |

(AVŚ\_5,3.3c) mámāntárikṣam urúlokam astu máhyaṃ vātaḥ  
pavatām kāmāyāsmái ||3||

(AVŚ\_5,3.4a) máhyaṃ yajantām máma yānīṣṭákūtiḥ satyá mánaso  
me astu |

(AVŚ\_5,3.4c) éno má ní gām katamác canāhām víśve devá abhí  
rakṣantu mehá ||4||

(AVŚ\_5,3.5a) máyi devá dráviṇam á yajantāṃ máyi āśír astu máyi deváhūtiḥ |  
(AVŚ\_5,3.5c) daivāḥ hótāraḥ saniṣan na etád áriṣṭāḥ syāma tanvā suvírāḥ ||5||

(AVŚ\_5,3.6a) dáivīḥ ṣaḍ urvīr urú naḥ kṛṇota víśve devāsa ihá mādayadhvam |  
(AVŚ\_5,3.6c) má no vidad abhibhá mó áśastir má no vidad vṛjinā dvéṣyā yá ||6||

(AVŚ\_5,3.7a) tísro devīr máhi naḥ sárma yachata prajāyai nas tanvè yác ca puṣṭám |  
(AVŚ\_5,3.7c) má hāsmahi prajāyā má tanúbhir má radhāma dviṣaté soma rājan ||7||

(AVŚ\_5,3.8a) uruvyácā no mahiṣāḥ sárma yachatv asmín háve puruhūtāḥ purukṣú |  
(AVŚ\_5,3.8c) sá naḥ prajāyai haryaśva mṛdéndra má no rīriṣo má párā dāḥ ||8||

(AVŚ\_5,3.9a) dhātā vidhātā bhúvanasya yás pátir devāḥ savitābhimiṣāhāḥ |  
(AVŚ\_5,3.9c) ādityā rudrá ásvínobhá devāḥ pāntu yájamānaṃ nirṛthāt ||9||

(AVŚ\_5,3.10a) yé naḥ sapátnā ápa té bhavantv indrāgníbhyaṃ áva bādhāmaha enān |  
(AVŚ\_5,3.10c) ādityā rudrá upariṣṛó no ugrám cettāram adhirājám akrata ||10||

(AVŚ\_5,3.11a) arvāñcam índram amúto havāmahe yó gojíd dhanajíd ásvajíd yáḥ |  
(AVŚ\_5,3.11c) imám no yajñám vihavé śṛṇotv asmákam abhūr haryaśva medí ||11||

(AVŚ\_5,4.1a) yó giríṣv ájāyathā vīrúdhāṃ bálavattamaḥ |  
(AVŚ\_5,4.1c) kúṣṭhéhi takmanāśana takmānaṃ nāśáyann itáḥ ||1||

(AVŚ\_5,4.2a) suparṇasúvane giráu jātāṃ himávatas pári |  
(AVŚ\_5,4.2c) dhánair abhí śrutvá yanti vidúr hí takmanāśanam ||2||

(AVŚ\_5,4.3a) ásvatthó devasádanas tṛtíyasyām itó diví |  
(AVŚ\_5,4.3c) tátṛāmṛtasya cákṣaṇaṃ devāḥ kúṣṭham avanvata ||3||

(AVŚ\_5,4.4a) hiraṇyáyī náur acarad dhíraṇyabandhanā diví |  
(AVŚ\_5,4.4c) tátṛāmṛtasya púṣpaṃ devāḥ kúṣṭham avanvata ||4||

(AVŚ\_5,4.5a) hiraṇyáyāḥ pánthāna āsann áritrāṇi hiraṇyáyā |  
(AVŚ\_5,4.5c) návo hiraṇyáyīr āsan yábhiḥ kúṣṭhaṃ nirāvahan ||5||

(AVŚ\_5,4.6a) imáṃ me kuṣṭha púruṣaṃ tám ā vaha tám níṣ kuru |  
(AVŚ\_5,4.6c) tám u me agadám kṛdhi ||6||

(AVŚ\_5,4.7a) devébhyo ádhi jātó 'si sómasyāsi sákhā hitáḥ |  
(AVŚ\_5,4.7c) sá prāñāya vyāñāya cákṣuṣe me asmái mṛḍa ||7||

(AVŚ\_5,4.8a) údaṇ jātó himávataḥ sá prācyāṃ nīyase jánam |  
(AVŚ\_5,4.8c) táttra kúṣṭhasya námāny uttamāni ví bhejire ||8||

(AVŚ\_5,4.9a) uttamó náma kuṣṭhasy uttamó náma te pitā |  
(AVŚ\_5,4.9c) yákṣmaṃ ca sárvaṃ nāśāya takmānaṃ cārasám kṛdhi ||9||

(AVŚ\_5,4.10a) śīrṣāmayám upahatyām akṣyós tanvò rápaḥ |  
(AVŚ\_5,4.10c) kúṣṭhas tát sárvaṃ níṣ karad dáivaṃ samaha  
vṛṣṇyam ||10||

(AVŚ\_5,5.1a) rátrī mātá nábhah pitāryamá te pitāmaháḥ |  
(AVŚ\_5,5.1c) silācí náma vā asi sá devānām asi svāsā ||1||

(AVŚ\_5,5.2a) yás tvā píbati jīvati trāyase púruṣaṃ tvám |  
(AVŚ\_5,5.2c) bhartrī hí śásvatām ási jánānām ca nyāñcanī ||2||

(AVŚ\_5,5.3a) vṛkṣám vṛkṣam ā rohasi vṛṣaṇyántīva kanyālā |  
(AVŚ\_5,5.3c) jáyantī pratyātíṣṭhantī spāraṇī náma vā asi ||3||

(AVŚ\_5,5.4a) yád daṇḍéna yád íṣvā yád vārur hárasā kṛtám |  
(AVŚ\_5,5.4c) táśya tvám asi níṣkṛtiḥ sémám níṣ kṛdhi púruṣam ||4||

(AVŚ\_5,5.5a) bhadrát plakṣán níṣ tiṣṭhasy ásvatthát khadirád dhavát  
|  
(AVŚ\_5,5.5c) bhadrán nyagródhāt parñát sá na éhy arundhati ||5||

(AVŚ\_5,5.6a) híraṇyavarṇe súbhage súryavarṇe vápuṣṭame |  
(AVŚ\_5,5.6c) rutám gachāsi níṣkṛte níṣkṛtir náma vā asi ||6||

(AVŚ\_5,5.7a) híraṇyavarṇe súbhage súṣme lómaśavakṣane |  
(AVŚ\_5,5.7c) apám asi svāsā lākṣe vāto hātmá babhūva te ||7||

(AVŚ\_5,5.8a) silācí náma kāmīno 'jababhru pitā táva |  
(AVŚ\_5,5.8c) áśvo yamāśya yáḥ śyāvás táśya hāsnāsy ukṣitā ||8||

(AVŚ\_5,5.9a) áśvasyāśnāḥ sámpatitā sá vṛkṣám abhí siṣyade |  
(AVŚ\_5,5.9c) sará patatriṇī bhūtvā sá na éhy arundhati ||9||

(AVŚ\_5,6.1a) bráhma jajñánam prathamam purástād ví sīmatáh  
surúco vená āvaḥ |  
(AVŚ\_5,6.1c) sá budhnyā upamá asya viṣṭhāḥ satás ca yónim ásataś  
ca ví vaḥ ||1||

(AVŚ\_5,6.2a) ánāptā yé vaḥ prathamā yāni kármāṇi cakriré |  
(AVŚ\_5,6.2c) vīrán no átra má dabhan tát va etát puró dadhe ||2||

(AVŚ\_5,6.3a) sahásradhāra evá te sám asvaran divó nāke  
mádḥujihvā asaścātaḥ |  
(AVŚ\_5,6.3c) tásya spáśo ná ni miṣanti bhúrṇayaḥ padépade  
pāśínaḥ santi sétave ||3||

(AVŚ\_5,6.4a) páry ū śú prá dhanvā vājasātaye pári vṛtrāṇi sakṣāṇiḥ |  
(AVŚ\_5,6.4c) dviśás tát ádhy arṇavéneyase sanisrasó námāsi  
trayódaśó mása índrasya grḥáh ||4||

(AVŚ\_5,6.5a) nv èténārātsīr asau svāhā |  
(AVŚ\_5,6.5c) tigmáyudhau tigmáhetī suśévau sómārudrāv ihá sú  
mṛḍataṃ naḥ ||5||

(AVŚ\_5,6.6a) ávaiténārātsīr asau svāhā |  
(AVŚ\_5,6.6c) tigmáyudhau tigmáhetī suśévau sómārudrāv ihá sú  
mṛḍataṃ naḥ ||6||

(AVŚ\_5,6.7a) ápaiténārātsīr asau svāhā |  
(AVŚ\_5,6.7c) tigmáyudhau tigmáhetī suśévau sómārudrāv ihá sú  
mṛḍataṃ naḥ ||7||

(AVŚ\_5,6.8a) mumuktám asmán duritád avadyāj juṣéthām yajñám  
amṛtam asmāsu dhattam ||8||

(AVŚ\_5,6.9a) cákṣuṣo hete mánaso hete bráhmaṇo hete tápasaś ca  
hete |  
(AVŚ\_5,6.9c) menyá menír asy amenáyas té santu yé 'smāñ  
abhyaghāyānti ||9||

(AVŚ\_5,6.10a) yò 'smāñś cákṣuṣā mánasā cíttyākūtyā ca yó  
aghāyúr abhidāsāt |  
(AVŚ\_5,6.10c) tvám tán agne menyámenín kṛṇu svāhā ||10||

(AVŚ\_5,6.11a) índrasya grḥó 'si |  
(AVŚ\_5,6.11c) tám tvā prá padye tám tvā prá viśāmi sárvaḡuḥ  
sárvapūruṣaḥ sárvātmā sárvatanūḥ sahá yán mé 'sti téna ||11||

(AVŚ\_5,6.12a) índrasya sármāsi |



(AVŚ\_5,6.12c) tám tvā prá padye tám tvā prá viśāmi sárvaḡuḡ  
sárvapūruṣaḡ sárvātmā sárvatanūḡ sahá yán mé 'sti téna ||12||

(AVŚ\_5,6.13a) índrasya vármāsi |  
(AVŚ\_5,6.13c) tám tvā prá padye tám tvā prá viśāmi sárvaḡuḡ  
sárvapūruṣaḡ sárvātmā sárvatanūḡ sahá yán mé 'sti téna ||13||

(AVŚ\_5,6.14a) índrasya várūtham asi |  
(AVŚ\_5,6.14c) tám tvā prá padye tám tvā prá viśāmi sárvaḡuḡ  
sárvapūruṣaḡ sárvātmā sárvatanūḡ sahá yán mé 'sti téna ||14||

(AVŚ\_5,7.1a) á no bhara má pári ṣṭhā arāte má no rakṣīr dākṣiṇām  
nīyāmānām |  
(AVŚ\_5,7.1c) námo vīrtsāyā ásamṛddhaye námo astv árātaye ||1||

(AVŚ\_5,7.2a) yám arāte purodhatsé púruṣam parirāpīnam |  
(AVŚ\_5,7.2c) námas te tásmāi kṛṇmo má vanīm vyathayīr máma ||  
2||

(AVŚ\_5,7.3a) prá ṇo vanír devákṛtā dívā náktam ca kalpatām |  
(AVŚ\_5,7.3c) árātim anuprémo vayām námo astv árātaye ||3||

(AVŚ\_5,7.4a) sárasvatīm ánumatīm bhágam yánto havāmahe |  
(AVŚ\_5,7.4c) vácām juṣṭām mádhumatīm avādiṣam devānām  
deváhūtiṣu ||4||

(AVŚ\_5,7.5a) yám yácāmy ahám vácā sárasvatyā manoyújā |  
(AVŚ\_5,7.5c) śraddhá tám adyā vindatu dattā sómena babhrúnā ||5||

(AVŚ\_5,7.6a) má vanīm má vácām no vīrtsīr ubhāv indrāgní á  
bharatām no vásūni |  
(AVŚ\_5,7.6c) sárve no adyā dítsantó 'rātim práti haryata ||6||

(AVŚ\_5,7.7a) paró 'pehy asamṛddhe ví te hetīm nayāmasi |  
(AVŚ\_5,7.7c) véda tvāhām nimívantīm nitudántīm arāte ||7||

(AVŚ\_5,7.8a) utá nagnā bóbhuvatī syapnayá sacase jánam |  
(AVŚ\_5,7.8c) árāte cittām vīrtsanty ákūtim púruṣasya ca ||8||

(AVŚ\_5,7.9a) yá mahatí mahónmānā víśvā áśā vyānaśé |  
(AVŚ\_5,7.9c) tásyai hiraṇyakeśyái nírṭyā akaram námaḡ ||9||

(AVŚ\_5,7.10a) hiraṇyavarṇā subhágā hiraṇyakaśipur mahí |  
(AVŚ\_5,7.10c) tásyai hiraṇyadrāpayé 'rātyā akaram námaḡ ||10||

(AVŚ\_5,8.1a) vaikaṅkaténedhména devébhya ájyaṃ vaha |  
(AVŚ\_5,8.1c) ágne táṃ ihá mādaya sárva á yantu me hávam ||1||

(AVŚ\_5,8.2a) indrá yāhi me hávam idám kariṣyāmi tác chr̥ṇu |  
(AVŚ\_5,8.2c) imá aindrā atisarā ákūtiṃ sám namantu me |  
(AVŚ\_5,8.2e) tébhiḥ śakema vīryam̐ jātavedas tánūvaśin ||2||

(AVŚ\_5,8.3a) yád asāv amúto devā adeváh sámścíkīrṣati |  
(AVŚ\_5,8.3c) má tásyāgnír havyám vākṣīd dhávam̐ devā asya mópa  
gúr mámaivá hávam étana ||3||

(AVŚ\_5,8.4a) áti dhāvatātisarā índrasya vácasā hata |  
(AVŚ\_5,8.4c) áviṃ vṛka iva mathnīta sá vo jívan má moci prāṇám  
asyāpi nahyata ||4||

(AVŚ\_5,8.5a) yám amí purodadhíre brahmāṇam̐ ápabhūtaye |  
(AVŚ\_5,8.5c) índra sá te adhaspadám tám práty asyāmi mṛtyáve ||  
5||

(AVŚ\_5,8.6a) yádi preyúr devapurā bráhma vármāṇi cakriré |  
(AVŚ\_5,8.6c) tanūpānam̐ paripāṇam̐ kṛṇvāná yád upociré sárvaṃ  
tád arasám̐ kṛdhi ||6||

(AVŚ\_5,8.7a) yán asāv atisarāṃś cakāra kṛṇāvac ca yán |  
(AVŚ\_5,8.7c) tvám tán indra vṛtrahan prátīcaḥ púnar á kṛdhi  
yáthāmúṃ tṛṇáhām̐ jánam ||7||

(AVŚ\_5,8.8a) yáthéndra udvācanam̐ labdhvā cakré adhaspadám |  
(AVŚ\_5,8.8c) kṛṇvé 'hám ádharān táthā amúñ chaśvatībhyaḥ  
sāmābhyaḥ ||8||

(AVŚ\_5,8.9a) átrainān indra vṛtrahann ugró mármaṇi vidhya |  
(AVŚ\_5,8.9c) átraiváinān abhí tiṣṭhéndra medy àhám táva |  
(AVŚ\_5,8.9e) ánu tvendrā rabhāmahe syāma sumatáu táva ||9||

(AVŚ\_5,9.1a) divé sváhā ||1||

(AVŚ\_5,9.2a) pṛthivyái sváhā ||2||

(AVŚ\_5,9.3a) antárikṣāya sváhā ||3||

(AVŚ\_5,9.4a) antárikṣāya sváhā ||4||

(AVŚ\_5,9.5a) divé sváhā ||5||

(AVŚ\_5,9.6a) pṛthivyái sváhā ||6||

(AVŚ\_5,9.7a) sūryo me cákṣur vātaḥ prāṇó 'ntárikṣam ātmā pṛthiví śārīram |

(AVŚ\_5,9.7c) astṛtó námāhām ayám asmi sá ātmānaṃ ní dadhe dyāvāpṛthivībhyāṃ gopīthāya ||7||

(AVŚ\_5,9.8a) úd āyur úd bālam út kṛtām út kṛtyām ún manīśām úd indriyām |

(AVŚ\_5,9.8c) āyusṛḡd āyuspatnī svādhāvantau gopā me staṃ gopāyātaṃ mā |

(AVŚ\_5,9.8e) ātmasádau me staṃ mā mā hiṃsiṣṭam ||8||

(AVŚ\_5,10.1a) aśmavarmā me 'si yó mā prācyā diśó 'ghāyúr abhidāsāt |

(AVŚ\_5,10.1c) etát sá ṛchāt ||1||

(AVŚ\_5,10.2a) aśmavarmā me 'si yó mā dákṣiṇāyā diśó 'ghāyúr abhidāsāt |

(AVŚ\_5,10.2c) etát sá ṛchāt ||2||

(AVŚ\_5,10.3a) aśmavarmā me 'si yó mā pratīcyā diśó 'ghāyúr abhidāsāt |

(AVŚ\_5,10.3c) etát sá ṛchāt ||3||

(AVŚ\_5,10.4a) aśmavarmā me 'si yó módīcyā diśó 'ghāyúr abhidāsāt |

(AVŚ\_5,10.4c) etát sá ṛchāt ||4||

(AVŚ\_5,10.5a) aśmavarmā me 'si yó mā dhruvāyā diśó 'ghāyúr abhidāsāt |

(AVŚ\_5,10.5c) etát sá ṛchāt ||5||

(AVŚ\_5,10.6a) aśmavarmā me 'si yó mordhvāyā diśó 'ghāyúr abhidāsāt |

(AVŚ\_5,10.6c) etát sá ṛchāt ||6||

(AVŚ\_5,10.7a) aśmavarmā me 'si yó mā diśām antardeśébhyo 'ghāyúr abhidāsāt |

(AVŚ\_5,10.7c) etát sá ṛchāt ||7||

(AVŚ\_5,10.8a) bṛhatā mána úpa hvaye mātariśvanā prāṇāpānáu |

(AVŚ\_5,10.8c) sūryāc cákṣur antárikṣāc chrótraṃ pṛthivyāḥ śārīram |

(AVŚ\_5,10.8e) sárasvatyā vácām úpa hvayāmahe manoyújā ||8||

(AVŚ\_5,11.1a) kathāṃ mahé ásurāyābravīr ihá kathāṃ pitré háraye tveśāṇṛmṇaḥ |

(AVŚ\_5,11.1c) pṛśniṃ varuṇa dākṣiṇāṃ dadāvān púnarmagha tvám  
mánasācikitsīḥ ||1||

(AVŚ\_5,11.2a) ná kāmēna púnarmagho bhavāmi sám cakṣe kām  
pṛśniṃ etām úpāje |

(AVŚ\_5,11.2c) kēna nú tvám atharvan kāvyaena kēna jātēnāsi  
jātāvēdāḥ ||2||

(AVŚ\_5,11.3a) satyám ahám gabhīráḥ kāvyaena satyám jātēnāsmi  
jātāvēdāḥ |

(AVŚ\_5,11.3c) ná me dāsó nāryo mahitvá vratám mīmāya yád ahám  
dhariṣyē ||3||

(AVŚ\_5,11.4a) ná tvád anyāḥ kavítaro ná medháyā dhīrataro varuṇa  
svadhāvan |

(AVŚ\_5,11.4c) tvám tá víśvā bhúvanāni vettha sá cin nú tváj jáno  
māyī bibhāya ||4||

(AVŚ\_5,11.5a) tvám hy àṅgá varuṇa svadhāvan víśvā véttha jánima  
supraṇīte |

(AVŚ\_5,11.5c) kíṃ rājasa enā paró anyád asty enā kíṃ páreṇāvaram  
amurā ||5||

(AVŚ\_5,11.6a) ékaṃ rājasa enā paró anyád ásty enā pará ékena  
durnāśaṃ cid arvāk |

(AVŚ\_5,11.6c) tát te vidvān varuṇa prá bravīmy adhóvacasaḥ  
paṇāyo bhavantu nīcāir dāsā úpa sarpantu bhūmim ||6||

(AVŚ\_5,11.7a) tvám hy àṅgá varuṇa brávīṣi púnarmagheṣv avadyāni  
bhūri |

(AVŚ\_5,11.7c) mó śú paṇīm̐r abhy etāvato bhūn má tvā vocann  
arādhāsaṃ jánāsaḥ ||7||

(AVŚ\_5,11.8a) má mā vocann arādhāsaṃ jánāsaḥ púnas te pṛśniṃ  
jaritar dadāmi |

(AVŚ\_5,11.8c) stotrám me víśvam á yāhi śácībhir antár víśvāsu  
mánuṣīṣu dikṣú ||8||

(AVŚ\_5,11.9a) á te stotrāṇy údyatāni yantv antár víśvāsu mánuṣīṣu  
dikṣú |

(AVŚ\_5,11.9c) dehí nú me yán me ádatto ási yújyo me saptápadaḥ  
sákhāsi ||9||

(AVŚ\_5,11.10a) samá nau bándhur varuṇa samá já védāhám tád  
yán nāv eṣá samá já |

(AVŚ\_5,11.10c) dádāmi tád yát te ádatto ásmi yújyas te saptápadaḥ  
sákhāsmi ||10||

(AVŚ\_5,11.11a) devó devāya gr̥naté vayodhá vípro víprāya stuvaté

sumedhāḥ |  
(AVŚ\_5,11.11c) ájījano hí varuṇa svadhāvann átharvāṇaṃ pitāraṃ  
devābandhum |  
(AVŚ\_5,11.11e) tásmā u rādhaḥ kṛṇuhi supraśastāṃ sákhā no asi  
paramāṃ ca bāndhuḥ ||11||

(AVŚ\_5,12.1a) sámiddho adyá mánuṣo duroṇé devó devān yajasi  
jātavedaḥ |  
(AVŚ\_5,12.1c) á ca váha mitramahaś cikitvān tvāṃ dūtāḥ kavír asi  
prácetāḥ ||1||

(AVŚ\_5,12.2a) tánūnapāt pathá ṛtasya yānān mádhvā samañjānt  
svadāyā sujihva |  
(AVŚ\_5,12.2c) mánmāni dhībhír utá yajñám ṛndhān devatrā ca  
kṛṇuhy adhvarám naḥ ||2||

(AVŚ\_5,12.3a) ājúhvāna íḍyo bāndyaś cá yāhy agne vásubhiḥ  
sajóṣāḥ |  
(AVŚ\_5,12.3c) tvāṃ devānām asi yahva hótā sá enān yakṣīṣitó  
yájīyān ||3||

(AVŚ\_5,12.4a) prācīnaṃ barhíḥ pradísā pṛthivyā vāstor asyā vṛjyate  
ágre áhnām |  
(AVŚ\_5,12.4c) vy ù prathate vitarāṃ vārīyo devébhyo áditaye  
syonām ||4||

(AVŚ\_5,12.5a) vyácasvatīr urviyā ví śrayantāṃ pátibhyo ná jánayaḥ  
śumbhamānāḥ |  
(AVŚ\_5,12.5c) dévīr dvāro bṛhatīr víśvaminvā devébhyo bhavata  
suprāyaṇāḥ ||5||

(AVŚ\_5,12.6a) á suṣváyantī yajaté upāke uṣāsānāktā sadatāṃ ní  
yónau |  
(AVŚ\_5,12.6c) divyé yóṣaṇe bṛhatī surukmé ádhi śríyaṃ súkrapíśaṃ  
dádhāne ||6||

(AVŚ\_5,12.7a) dáivyā hótārā prathamā suvácā mímānā yajñám  
mánuṣo yájadhyai |  
(AVŚ\_5,12.7c) pracodáyantā vidátheṣu kārú prācīnaṃ jyótiḥ pradísā  
diśántā ||7||

(AVŚ\_5,12.8a) á no yajñám bhāratī túyam etv íḍā manuṣvād ihá  
cetáyantī |  
(AVŚ\_5,12.8c) tísro devír barhír édāṃ syonāṃ sárasvatīḥ svápasah  
sadāntām ||8||

(AVŚ\_5,12.9a) yá imé dyāvāpṛthiví jánitrī rūpáir ápiṃśad bhúvanāni

vísvā |

(AVŚ\_5,12.9c) tám adyá hotar iṣító yájīyān devāṃ tvāṣṭāram ihá yakṣī vidvān ||9||

(AVŚ\_5,12.10a) upāvasṭja tmānyā samañján devānāṃ pātha ṛtuthā havīmṣi |

(AVŚ\_5,12.10c) vānaspátīḥ śamitā devó agnīḥ svádantu havyaṃ mádhunā ghṛtēna ||10||

(AVŚ\_5,12.11a) sadyó jātó vy àmimīta yajñām agnír devānām abhavat purogāḥ |

(AVŚ\_5,12.11c) asyá hótuh praśīṣy ṛtāsya vācí svāhākṛtaṃ havír adantu devāḥ ||11||

(AVŚ\_5,13.1a) dadír hí máhyaṃ váruṇo divāḥ kavír vácobhir ugráir ní riṇāmi te viśám |

(AVŚ\_5,13.1c) khātám ákhātám utá saktám agrabham íreva dhānvan ní jajāsa te viśám ||1||

(AVŚ\_5,13.2a) yát te ápodakam viśám tát ta etāsv agrabham |

(AVŚ\_5,13.2c) gṛhñāmi te madhyamám uttamám rásam utāvamám bhiyāsā neśad ād u te ||2||

(AVŚ\_5,13.3a) vīṣā me rávo nábhasā ná tanyatúr ugrēṇa te vácasā bādha ād u te |

(AVŚ\_5,13.3c) ahám tám asya nṛbhir agrabham rásam támasa iva jyótir úd etu sūryaḥ ||3||

(AVŚ\_5,13.4a) cákṣuṣā te cákṣur hanmi viśēṇa hanmi te viśám |

(AVŚ\_5,13.4c) áhe mriyāsva má jīvīḥ pratyág abhy ètu tvā viśám ||4||

(AVŚ\_5,13.5a) káirāta pṛśna úpatṛṇya bábhra á me śṛṇutāsītā álīkāḥ |

(AVŚ\_5,13.5c) má me sákhyuh stāmānam ápi ṣṭhātāśrāváyanto ní viśé ramadhvam ||5||

(AVŚ\_5,13.6a) asitāsya taimātāsya babhrór ápodakasya ca |

(AVŚ\_5,13.6c) sātṛāsāhásyāhám manyór áva jyām iva dhānvano ví muñcāmi ráthāṃ iva ||6||

(AVŚ\_5,13.7a) áligī ca víligī ca pitā ca matā ca |

(AVŚ\_5,13.7c) vidmá vaḥ sarvāto bāndhv árasāḥ kíṃ kariṣyatha ||7||

(AVŚ\_5,13.8a) urugúlāyā duhitā jātā dāsy ásiknyā |

(AVŚ\_5,13.8c) pratāṅkam dadrúṣīṇām sárvasām arasám viśám ||8||

(AVŚ\_5,13.9a) karṇā śvāvít tát abravīd girér avacarantikā |

(AVŚ\_5,13.9c) yāḥ kás cemāḥ khanitrímās tāsām arasátamaṃ viśám ||9||

(AVŚ\_5,13.10a) tābúvaṃ ná tābúvaṃ ná ghét tvám asi tābúvaṃ |  
(AVŚ\_5,13.10c) tābúvenārasám viśám ||10||

(AVŚ\_5,13.11a) tastúvaṃ ná tastúvaṃ ná ghét tvám asi tastúvaṃ |  
(AVŚ\_5,13.11c) tastúvenārasám viśám ||11||

(AVŚ\_5,14.1a) suparṇás tvānv avindat sūkarás tvākhanan nasá |  
(AVŚ\_5,14.1c) dípsauṣadhe tvám dípsantam áva kṛtyākṛtaṃ jahi ||1||

(AVŚ\_5,14.2a) áva jahi yātudhānān áva kṛtyākṛtaṃ jahi |  
(AVŚ\_5,14.2c) átho yó asmān dípsati tám u tvám jahy oṣadhe ||2||

(AVŚ\_5,14.3a) ríśyasyeva parīśāsám parikṛtya pári tvacáh |  
(AVŚ\_5,14.3c) kṛtyám kṛtyākṛte devā niṣkám iva práti muñcata ||3||

(AVŚ\_5,14.4a) púnah kṛtyám kṛtyākṛte hastagṛhya párā ṇaya |  
(AVŚ\_5,14.4c) samakṣám asmā á dhehi yáthā kṛtyākṛtam hánat ||4||

(AVŚ\_5,14.5a) kṛtyáh santu kṛtyākṛte śapáthaḥ śapathīyaté |  
(AVŚ\_5,14.5c) sukhó rátha iva vartatām kṛtyá kṛtyākṛtaṃ púnah ||5||

(AVŚ\_5,14.6a) yádi strí yádi vā púmān kṛtyám cakára pāpmāne |  
(AVŚ\_5,14.6c) tám u tásmāi nayāmasy áśvam ivāśvābhidhānyā ||6||

(AVŚ\_5,14.7a) yádi vási devákṛtā yádi vā púruṣaiḥ kṛtá |  
(AVŚ\_5,14.7c) tám tvā púnar ṇayāmasíndreṇa sayújā vayám ||7||  
(AVŚ\_5,14.8a) ágne pṛtanāṣāt pṛtanāḥ sahasva |  
(AVŚ\_5,14.8c) púnah kṛtyám kṛtyākṛte pratiháraṇena harāmasi ||8||

(AVŚ\_5,14.9a) kṛtavvyadhani vídhya tám yás cakára tám íj jahi |  
(AVŚ\_5,14.9c) ná tvām ácakruṣe vayám vadhāya sám śísīmahi ||9||

(AVŚ\_5,14.10a) putrá iva pitáram gacha svajā ivābhíṣṭhito daśa |  
(AVŚ\_5,14.10c) bandhám ivāvakrāmí gacha kṛtye kṛtyākṛtaṃ púnah ||10||

(AVŚ\_5,14.11a) úd eṇíva vāraṇy àbhiskándam mṛgíva |  
(AVŚ\_5,14.11c) kṛtyá kartáram ṛchatu ||11||

(AVŚ\_5,14.12a) íśvā ṛjīyah patatu dyāvāpṛthivī tám práti |  
(AVŚ\_5,14.12c) sá tám mṛgám iva gṛhṇātu kṛtyá kṛtyākṛtaṃ púnah ||12||

(AVŚ\_5,14.13a) agnír ivaitu pratikúlam anukúlam ivodakám |  
(AVŚ\_5,14.13c) sukhó rátha iva vartatām kṛtyá kṛtyākṛtaṃ púnah ||13||

(AVŚ\_5,15.1a) ékā ca me dáśa ca me 'pavaktāra oṣadhe |  
(AVŚ\_5,15.1c) řtajāta řtāvari mādhu me madhulā karaḥ ||1||

(AVŚ\_5,15.2a) dvé ca me viṃśatís ca me 'pavaktāra oṣadhe |  
(AVŚ\_5,15.2c) řtajāta řtāvari mādhu me madhulā karaḥ ||2||

(AVŚ\_5,15.3a) tistrás ca me triṃśác ca me 'pavaktāra oṣadhe |  
(AVŚ\_5,15.3c) řtajāta řtāvari mādhu me madhulā karaḥ ||3||

(AVŚ\_5,15.4a) cátsasráś ca me catvāriṃśác ca me 'pavaktāra oṣadhe |  
(AVŚ\_5,15.4c) řtajāta řtāvari mādhu me madhulā karaḥ ||4||

(AVŚ\_5,15.5a) páñca ca me pañcāśác ca me 'pavaktāra oṣadhe |  
(AVŚ\_5,15.5c) řtajāta řtāvari mādhu me madhulā karaḥ ||5||

(AVŚ\_5,15.6a) śaṭ ca me śaṭśís ca me 'pavaktāra oṣadhe |  
(AVŚ\_5,15.6c) řtajāta řtāvari mādhu me madhulā karaḥ ||6||

(AVŚ\_5,15.7a) saptá ca me saptatís ca me 'pavaktāra oṣadhe |  
(AVŚ\_5,15.7c) řtajāta řtāvari mādhu me madhulā karaḥ ||7||

(AVŚ\_5,15.8a) aṣṭá ca me 'śītís ca me 'pavaktāra oṣadhe |  
(AVŚ\_5,15.8c) řtajāta řtāvari mādhu me madhulā karaḥ ||8||

(AVŚ\_5,15.9a) náva ca me navatís ca me 'pavaktāra oṣadhe |  
(AVŚ\_5,15.9c) řtajāta řtāvari mādhu me madhulā karaḥ ||9||

(AVŚ\_5,15.10a) dáśa ca me śatám ca me 'pavaktāra oṣadhe |  
(AVŚ\_5,15.10c) řtajāta řtāvari mādhu me madhulā karaḥ ||10||

(AVŚ\_5,15.11a) śatám ca me sahásraṃ cāpavaktāra oṣadhe |  
(AVŚ\_5,15.11c) řtajāta řtāvari mādhu me madhulā karaḥ ||11||

(AVŚ\_5,16.1a) yády ekavṛśó 'si sṛjārasó 'si ||1||

(AVŚ\_5,16.2a) yádi dvivṛśó 'si sṛjārasó 'si ||2||

(AVŚ\_5,16.3a) yádi trivṛśó 'si sṛjārasó 'si ||3||

(AVŚ\_5,16.4a) yádi caturvṛśó 'si sṛjārasó 'si ||4||

(AVŚ\_5,16.5a) yádi pañcavṛśó 'si sṛjārasó 'si ||5||



(AVŚ\_5,16.6a) yádi ṣaḍvṛṣó 'si sṛjārasó 'si ||6||

(AVŚ\_5,16.7a) yádi saptavṛṣó 'si sṛjārasó 'si ||7||

(AVŚ\_5,16.8a) yády aṣṭavṛṣó 'si sṛjārasó 'si ||8||

(AVŚ\_5,16.9a) yádi navavṛṣó 'si sṛjārasó 'si ||9||

(AVŚ\_5,16.10a) yádi daśavṛṣó 'si sṛjārasó 'si ||10||

(AVŚ\_5,16.11a) yády ekādaśó 'si só 'podako 'si ||11||

(AVŚ\_5,17.1a) té 'vadán prathamā brahmakilbiṣé 'kūpāraḥ saliló  
mātarīśvā |

(AVŚ\_5,17.1c) vīḍúharās tápa ugrám mayobhúr ápo devíḥ  
prathamajā ṛtasya ||1||

(AVŚ\_5,17.2a) sómo rájā prathamó brahmajāyám púnāḥ práyachad  
áhrñīyamānaḥ |

(AVŚ\_5,17.2c) anvaritā váruṇo mitrá āsīd agnír hótā hastagṛhyā  
nināya ||2||

(AVŚ\_5,17.3a) hástenaivá grāhya ādhír asyā brahmajāyēti céd  
āvocat |

(AVŚ\_5,17.3c) ná dūtāya prahéyā tastha eṣā táthā rāṣṭrám gupitám  
kṣatṛīyasya ||3||

(AVŚ\_5,17.4a) yám āhús táarakaiṣā vikeśīti duchúnām grāmam  
avapādyamānām |

(AVŚ\_5,17.4c) sá brahmajāyá ví dunoti rāṣṭrám yātra prāpādi śasá  
ulkuṣīmān ||4||

(AVŚ\_5,17.5a) brahmacārī carati véviṣad víṣaḥ sá devānām bhavaty  
ékam āṅgam |

(AVŚ\_5,17.5c) téna jāyám ánv avindad bṛhaspátīḥ sómena nītām  
juhvaṁ ná devāḥ ||5||

(AVŚ\_5,17.6a) devā vā etāsyām avadanta pūrve saptaṛṣāyas tápasā  
yé niṣedúḥ |

(AVŚ\_5,17.6c) bhīmá jāyá brāhmaṇasyápanītā durdhām dadhāti  
paramé vyòman ||6||

(AVŚ\_5,17.7a) yé gárbhā avapādyante jágad yác cāpalupyāte |

(AVŚ\_5,17.7c) vīrā yé tṛhyānte mithó brahmajāyá hinasti tán ||7||

(AVŚ\_5,17.8a) utá yāt pátayo dása striyāḥ pūrve ábrāhmaṇāḥ |

(AVŚ\_5,17.8c) brahmá ced dhástam ágrahīt sá evá pátir ekadhá ||8||

(AVŚ\_5,17.9a) brāhmaṇá evá pátir ná rājanyò ná váiśyaḥ |  
(AVŚ\_5,17.9c) tát súryaḥ prabruvānn eti pañcābhyo mānavébhyaḥ || 9||

(AVŚ\_5,17.10a) púnar vái devá adaduḥ púnar manuṣyà adaduḥ |  
(AVŚ\_5,17.10c) rájānaḥ satyám gṛhṇāná brahmajāyám púnar daduḥ ||10||

(AVŚ\_5,17.11a) punardāya brahmajāyám kṛtvá deváir nikilbiśám |  
(AVŚ\_5,17.11c) ūrjaṁ pṛthivyá bhaktvórugāyám úpāsate ||11||

(AVŚ\_5,17.12a) nāsya jāyá śatavāhí kalyāṇí tálpam á śaye |  
(AVŚ\_5,17.12c) yásmin rāṣṭré nirudhyáte brahmajāyácittyā ||12||

(AVŚ\_5,17.13a) ná vikarṇáḥ pṛthúsirās tásmin véśmani jāyate |  
(AVŚ\_5,17.13c) yásmin rāṣṭré nirudhyáte brahmajāyácittyā ||13||

(AVŚ\_5,17.14a) nāsya kṣattá niṣkágrīvaḥ sūnānām ety agratáḥ |  
(AVŚ\_5,17.14c) yásmin rāṣṭré nirudhyáte brahmajāyácittyā ||14||

(AVŚ\_5,17.15a) nāsya śvetáḥ kṛṣṇakárṇo dhurí yuktó mahīyate |  
(AVŚ\_5,17.15c) yásmin rāṣṭré nirudhyáte brahmajāyácittyā ||15||

(AVŚ\_5,17.16a) nāsya kṣétre puṣkarínī nāṇḍíkam jāyate bísam |  
(AVŚ\_5,17.16c) yásmin rāṣṭré nirudhyáte brahmajāyácittyā ||16||

(AVŚ\_5,17.17a) nāsmāi pṛśniṁ ví duhanti yé 'syā dóham upāsate |  
(AVŚ\_5,17.17c) yásmin rāṣṭré nirudhyáte brahmajāyácittyā ||17||

(AVŚ\_5,17.18a) nāsya dhenúḥ kalyāṇí nānaḍvānt sahate dhúram |  
(AVŚ\_5,17.18c) víjānir yátra brahmaṇó rátriṁ vásati pāpáyā ||18||

(AVŚ\_5,18.1a) náitām te devá adadus túbhyam nṛpate áttave |  
(AVŚ\_5,18.1c) má brāhmaṇásya rājanya gām jighatso anādyām ||1||

(AVŚ\_5,18.2a) akṣádrugdho rājanyaḥ pāpá ātmaparājitáḥ |  
(AVŚ\_5,18.2c) sá brāhmaṇásya gām adyād adyá jīvāni má śvāḥ ||2||

(AVŚ\_5,18.3a) áviṣṭitāgháviṣā pṛdākúr iva cármaṇā |  
(AVŚ\_5,18.3c) sá brāhmaṇásya rājanya tṛṣṭáišá gáur anādyā ||3||

(AVŚ\_5,18.4a) nír vái kṣatráṁ náyati hanti várco 'gnír ivárbdho ví dunoti sárvam |  
(AVŚ\_5,18.4c) yó brāhmaṇám mányate ánnam evá sá viśásya pibati taimātásya ||4||

(AVŚ\_5,18.5a) yá enam hānti mṛdúm manyamāno devapīyúr  
dhānakāmo ná cittāt |  
(AVŚ\_5,18.5c) sám tásyéndro hṛdaye 'gním indhe ubhé enam dviṣto  
nābhasī carantam ||5||

(AVŚ\_5,18.6a) ná brāhmaṇó hiṃsitavyò 'gníḥ priyātanor iva |  
(AVŚ\_5,18.6c) sómo hy àsya dāyādā índro asyābhiśastipāḥ ||6||

(AVŚ\_5,18.7a) śatāpāṣṭhām ní girati tām ná śaknoti niḥkhīdam |  
(AVŚ\_5,18.7c) ānnaṃ yó brahmāṇām malvāḥ svādv àdmīti manyate  
||7||

(AVŚ\_5,18.8a) jihvā jyā bhāvati kúlmalaṃ vān nāḍīkā dāntās  
tāpasābhīdigdhāḥ |  
(AVŚ\_5,18.8c) tébhir brahmā vidhyati devapīyún hṛdbaláir  
dhānūrbhir devājūtaiḥ ||8||

(AVŚ\_5,18.9a) tīkṣṇéṣavo brāhmaṇā hetimānto yām ásyanti  
śaravṃṇā ná sá mṛṣā |  
(AVŚ\_5,18.9c) anuhāya tāpasā manyúnā cotá durād áva bhindanty  
enam ||9||

(AVŚ\_5,18.10a) yé sahasram árājann ásan daśaśatā utá |  
(AVŚ\_5,18.10c) té brāhmaṇasya gām jagdhvā vaitahavyāḥ  
pārābhavan ||10||

(AVŚ\_5,18.11a) gáur evá tán hanyāmānā vaitahavyāḥ ávātirat |  
(AVŚ\_5,18.11c) yé kesaraprābandhāyās caramājām ápeciran ||11||

(AVŚ\_5,18.12a) ékaśataṃ tá jaṇatā yā bhúmir vyàdhūnuta |  
(AVŚ\_5,18.12c) prajām hiṃsitvā brāhmaṇīm asaṃbhavyām  
pārābhavan ||12||

(AVŚ\_5,18.13a) devapīyús carati mártyeṣu garagīrṇó bhavaty  
ásthibhūyān |  
(AVŚ\_5,18.13c) yó brāhmaṇām devābandhuṃ hināsti ná sá  
pitṛyāṇam ápy eti lokám ||13||

(AVŚ\_5,18.14a) agnír vái naḥ padavāyāḥ sómo dāyādā ucyate |  
(AVŚ\_5,18.14c) hantābhíśasténdras tátthā tát vedhāso viduḥ ||14||

(AVŚ\_5,18.15a) íṣur iva digdhā nṛpate pṛḍākúr iva gopate |  
(AVŚ\_5,18.15c) sá brāhmaṇasyéṣur ghorā táyā vidhyati pīyataḥ ||  
15||

(AVŚ\_5,19.1a) atimātrám avardhanta nód iva dívam asprṣan |  
(AVŚ\_5,19.1c) bhṛguṃ hiṃsitvā sṛñjayā vaitahavyāḥ pārābhavan ||

1||

(AVŚ\_5,19.2a) yé br̥hātsāmānam āṅgirasám ārpayan brāhmaṇám  
jánāḥ |

(AVŚ\_5,19.2c) pétvas téṣām ubhayádam ávis tokány āvayat ||2||

(AVŚ\_5,19.3a) yé brāhmaṇám pratyáṣṭhīvan yé vāsmiñ chulkám  
īṣiré |

(AVŚ\_5,19.3c) asnás te mādhye kulyáyāḥ késān khādanta āsate ||3||

(AVŚ\_5,19.4a) brahmagaví pacyámānā yávat sábhí vijángahe |

(AVŚ\_5,19.4c) téjo rāṣṭráya nír hanti ná víró jāyate vṛṣā ||4||

(AVŚ\_5,19.5a) krūrám asyā āśásanam tṛṣṭám piśítám asyate |

(AVŚ\_5,19.5c) kṣīrám yád asyāḥ pīyáte tát vái pitṛṣu kílbīṣam ||5||

(AVŚ\_5,19.6a) ugró rájā mányamāno brāhmaṇám yó jíghatsati |

(AVŚ\_5,19.6c) párā tát sicyate rāṣṭrám brāhmaṇó yátra jīyáte ||6||

(AVŚ\_5,19.7a) aṣṭápadī caturakṣí cátuḥśrotrā caturhanuḥ |

(AVŚ\_5,19.7c) dvýāsyā dvíjihvā bhūtvā sá rāṣṭrám áva dhūnute  
brahmajyasya ||7||

(AVŚ\_5,19.8a) tát vái rāṣṭrám á sravati návaṃ bhinnám ivodakám |

(AVŚ\_5,19.8c) brahmáṇam yátra híṃsanti tát rāṣṭrám hanti  
duchúnā ||8||

(AVŚ\_5,19.9a) tám vṛkṣá ápa sedhanti chāyám no mópa gā íti |

(AVŚ\_5,19.9c) yó brāhmaṇasya sád dhánam abhí nārada mányate ||  
9||

(AVŚ\_5,19.10a) viśám etád devákṛtaṃ rájā váruṇo 'bravīt |

(AVŚ\_5,19.10c) ná brāhmaṇasya gām jagdhvā rāstré jāgāra kás  
caná ||10||

(AVŚ\_5,19.11a) návaivá tá navatáyo yá bhúmir vyādhūnuta |

(AVŚ\_5,19.11c) prajám híṃsitvā brāhmaṇīm asaṃbhavyám  
pārābhavan ||11||

(AVŚ\_5,19.12a) yām mṛtáyānubadhnánti kūdyám padayópanīm |

(AVŚ\_5,19.12c) tát vái brahmajya te devá upastáraṇam abruvan ||  
12||

(AVŚ\_5,19.13a) áśrūṇi kṛpamānasya yāni jītasya vāvṛtúḥ |

(AVŚ\_5,19.13c) tám vái brahmajya te devá apám bhāgám  
adhārayan ||13||

(AVŚ\_5,19.14a) yéna mṛtám snapáyanti śmáśrūṇi yénondáte |

(AVŚ\_5,19.14c) tám vái brahmajya te devá apám bhāgám

adhārayan ||14||

(AVŚ\_5,19.15a) ná varṣam maitrāvaruṇam brahmajyam abhí varṣati  
|  
(AVŚ\_5,19.15c) násmai sámitiḥ kalpate ná mitráṃ nayate vásam ||  
15||

(AVŚ\_5,20.1a) uccáirghoṣo dundubhíḥ satvanāyán vānaspatyáḥ  
sám̐bhṛta usṛíyābhiḥ |  
(AVŚ\_5,20.1c) vác̐am kṣuṇuvānó damáyant sapátnānt siṃhá iva  
jeṣyānn abhí taṃstanīhi ||1||

(AVŚ\_5,20.2a) siṃhá ivāstānīd druváyo víbaddho 'bhikrándann  
ṛṣabhó vāsītām iva |  
(AVŚ\_5,20.2c) vṛṣā tvám vādhrayas te sapátnā aindrás te súṣmo  
abhimātiṣāhāḥ ||2||

(AVŚ\_5,20.3a) vṛṣeva yūthé sáhasā vidānó gavyānn abhí ruva  
saṃdhanājit |  
(AVŚ\_5,20.3c) śúcā vidhya hṛdayam páreṣām hitvá grāmān prácyutā  
yantu śátravaḥ ||3||

(AVŚ\_5,20.4a) saṃjāyan pṛtanā ūrdhvāmāyur gr̥hyā gr̥hṇānó  
bahudhá ví cakṣva |  
(AVŚ\_5,20.4c) dáivīm vác̐am dundubha á gurasva vedháḥ śátrūṇām  
úpa bharasva védaḥ ||4||

(AVŚ\_5,20.5a) dundubhér vác̐am práyatām vādantīm āśṛṇvatí  
nāthitá ghóṣabuddhā |  
(AVŚ\_5,20.5c) nārī putráṃ dhāvatu hastagṛhyāmitrí bhītá samaré  
vadhānām ||5||

(AVŚ\_5,20.6a) pūrvo dundubhe prá vadāsi vác̐am bhúmyāḥ pṛṣṭhé  
vada rócamānaḥ |  
(AVŚ\_5,20.6c) amitrasenām abhijāñjabhāno dyumád vada dundubhe  
sūnṛtāvat ||6||

(AVŚ\_5,20.7a) antarémé nábhasī ghóṣo astu pṛthak te dhvanáyo  
yantu śíbham |  
(AVŚ\_5,20.7c) abhí kranda stanáyotpípānaḥ ślokakṛṇ mitratúryāya  
svardhí ||7||

(AVŚ\_5,20.8a) dhībhíḥ kṛtáḥ prá vadāti vác̐am úd dharṣaya  
sátvanām áyudhāni |  
(AVŚ\_5,20.8c) índramedī sátvano ní hvayasva mitráir amítrāñ áva  
jaṅghanīhi ||8||

(AVŚ\_5,20.9a) saṃkrāndanah pravadó dhr̥ṣṇúṣeṇah pravedak̐d  
bahudhā grāmaghoṣī |

(AVŚ\_5,20.9c) śríyo vanvanó vayúnāni vidván kīrtīm bahúbhyo ví  
hara dvirājé ||9||

(AVŚ\_5,20.10a) śréyaḥketo vasujít sáhīyānt saṃgrāmajít sámśito  
bráhmanāsi |

(AVŚ\_5,20.10c) aṃśún iva grāvādhiṣávaṇe ádrir gavyán  
dundubhé'dhi nṛtya védaḥ ||10||

(AVŚ\_5,20.11a) śátrūṣāṇ nīṣád abhimātiṣāhó gavéṣaṇah sáhamāna  
udbhít |

(AVŚ\_5,20.11c) vāgvíva mántram prá bharasva vácam  
sámgrāmajityāyēṣam úd vadehá ||11||

(AVŚ\_5,20.12a) acyutacyút samádo gámiṣṭho mṛdho jētā  
puraetāyodhyáh |

(AVŚ\_5,20.12c) índreṇa guptó vidáthā nicikyad dhr̥ddyótano  
dviṣatām yāhi śíbham ||12||

(AVŚ\_5,21.1a) víhṛdayam vaimanasyám vādāmítreṣu dundubhe |

(AVŚ\_5,21.1c) vidveṣám kásmaṣam bhayám amítreṣu ní dadhmasy  
áva enān dundubhe jahi ||1||

(AVŚ\_5,21.2a) udvépamānā mánasā cākṣuṣā hṛdayeṇa ca |

(AVŚ\_5,21.2c) dhāvantu bíbhyato 'mítrāḥ pratrāsénājye huté ||2||

(AVŚ\_5,21.3a) vānaspatyáh sám̐bhṛta usríyābhir viśvágotryah |

(AVŚ\_5,21.3c) pratrāsám amítrebhyo vadājyenābhíghāritaḥ ||3||

(AVŚ\_5,21.4a) yáthā mṛgáh saṃvijánta āraṇyáh púruṣād ádhi |

(AVŚ\_5,21.4c) evá tvám dundubhe 'mítrān abhí kranda prá  
trāsayātho cittāni mohaya ||4||

(AVŚ\_5,21.5a) yáthā vṛkād ajāváyó dhāvanti bahú bíbhyatīḥ |

(AVŚ\_5,21.5c) evá tvám dundubhe 'mítrān abhí kranda prá  
trāsayātho cittāni mohaya ||5||

(AVŚ\_5,21.6a) yáthā śyenāt patatríṇah saṃvijánte áhardivi  
simhāsya stanáthor yáthā |

(AVŚ\_5,21.6c) evá tvám dundubhe 'mítrān abhí kranda prá  
trāsayātho cittāni mohaya ||6||

(AVŚ\_5,21.7a) páramítrān dundubhínā hariṇásyājínena ca |

(AVŚ\_5,21.7c) sárve devá atitrasan yé saṃgrāmásyēṣate ||7||

(AVŚ\_5,21.8a) yáir índrah prakríḍate padghoṣáís chāyáyā sahá |

(AVŚ\_5,21.8c) táir amítrās trasantu no 'mí yé yánty anīkaśáh ||8||

(AVŚ\_5,21.9a) jyāghoṣā dundubháyo 'bhí krośantu yá díśaḥ |  
(AVŚ\_5,21.9c) sénāḥ párājitā yatír amítrāṇām anīkaśāḥ ||9||

(AVŚ\_5,21.10a) áditya cákṣur á datsva márīcayó 'nu dhāvata |  
(AVŚ\_5,21.10c) patsaṅgínīr á sajantu vígate bāhuvīrye ||10||

(AVŚ\_5,21.11a) yūyám ugrá marutaḥ pṛśnimātara índreṇa yujá prá  
mṛṇīta śátrūn |  
(AVŚ\_5,21.11c) sómo rájā váruṇo rájā mahādevá utá mṛtyúr índraḥ  
||11||

(AVŚ\_5,21.12a) etá devasenāḥ sūryaketavaḥ sácetasah |  
(AVŚ\_5,21.12c) amítrān no jayantu svāhā ||12||

(AVŚ\_5,22.1a) agnís takmānam ápa bādhatām itáḥ sómo grāvā  
váruṇaḥ pūtádakṣāḥ |  
(AVŚ\_5,22.1c) védīr barhíḥ samídhaḥ sóśucānā ápa dvéṣāṃsy  
amuyá bhavantu ||1||

(AVŚ\_5,22.2a) ayám yó víśvān háritān kṛṇóṣy ucchocáyann agnír  
ivābhīdunván |  
(AVŚ\_5,22.2c) ádhā hí takmann arasó hí bhūyá ádhā nyàññ adharān  
vā párehi ||2||

(AVŚ\_5,22.3a) yáḥ paruśāḥ pāruṣeyó 'vadhvaṃsá ivāruṇáḥ |  
(AVŚ\_5,22.3c) takmānaṃ víśvadhāvīryādharāñcam párā suvā ||3||

(AVŚ\_5,22.4a) adharāñcam prá hiṇomí námaḥ kṛtvā takmāne |  
(AVŚ\_5,22.4c) śakambharásya muṣṭihá púnar etu mahāvṛṣān ||4||

(AVŚ\_5,22.5a) óko asya mújavanta óko asya mahāvṛṣāḥ |  
(AVŚ\_5,22.5c) yāvaj jātás takmaṃs távān asi bálhikeṣu nyocarāḥ ||  
5||

(AVŚ\_5,22.6a) tákman vyàla ví gada vyàṅga bhúri yāvaya |  
(AVŚ\_5,22.6c) dāsīm niṣṭákvarīm icha tám vājreṇa sám arpaya ||6||

(AVŚ\_5,22.7a) tákman mújavato gacha bálhikān vā parastarām |  
(AVŚ\_5,22.7c) sūdrām icha prapharvyām tám takman víva dhūnuhi  
||7||

(AVŚ\_5,22.8a) mahāvṛṣān mújavato bándhv addhi parétya |  
(AVŚ\_5,22.8c) praitāni takmāne brūmo anyakṣetrāṇi vā imā ||8||

(AVŚ\_5,22.9a) anyakṣetré ná ramase vaśí sán mṛḍayāsi naḥ |  
(AVŚ\_5,22.9c) ábhūd u prārthas takmā sá gamiṣyati bálhikān ||9||

(AVŚ\_5,22.10a) yát tvám śītó 'tho rūrah sahá kāsávepayah |  
(AVŚ\_5,22.10c) bhímás te takman hetáyas tábhiḥ sma pári vṛṇgdhi  
nah ||10||

(AVŚ\_5,22.11a) má smaitánt sakhīn kuruthā balásam kāsám  
udyugám |  
(AVŚ\_5,22.11c) má smáto'rvān áih púnas tát tvā takmann úpa bruve  
||11||

(AVŚ\_5,22.12a) tákman bhrátrā balásena svásrā kāsikayā sahá |  
(AVŚ\_5,22.12c) pāpmā bhrátrvyeṇa sahá gáchāmúm áraṇam jánam  
||12||

(AVŚ\_5,22.13a) tṛtīyakam vitṛtīyám sadandím utá śāradám |  
(AVŚ\_5,22.13c) takmānam śítám rūram gráishmam nāsaya vṛṣikam  
||13||

(AVŚ\_5,22.14a) gandhāribhyo mūjavadbhyó 'ṇgebhyo  
magādhebhyah |  
(AVŚ\_5,22.14c) praiṣyán jánam iva śevadhīm takmānam pári  
dadmasi ||14||

(AVŚ\_5,23.1a) óte me dyāvāpṛthiví ótā deví sárasvatī |  
(AVŚ\_5,23.1c) ótau ma índraś cāgnís ca krímim jambhayatām íti ||1||

(AVŚ\_5,23.2a) asyéndra kumārasya krímīn dhanapate jahi |  
(AVŚ\_5,23.2c) hatá víśvā árātaya ugréṇa vácasā máma ||2||

(AVŚ\_5,23.3a) yó akṣyáu parisárpati yó náse parisárpati |  
(AVŚ\_5,23.3c) datám yó mādhyam gáchati tám krímim  
jambhayāmasi ||3||

(AVŚ\_5,23.4a) sārūpau dváu vírūpau dváu kṛṣṇáu dváu róhitau dváu  
|  
(AVŚ\_5,23.4c) babhrús ca babhrúkarnaś ca gḍdhrah kókaś ca té  
hatāḥ ||4||

(AVŚ\_5,23.5a) yé krímayah śitikákṣā yé kṛṣṇāḥ śitibāhavaḥ |  
(AVŚ\_5,23.5c) yé ké ca víśvárūpās tán krímīn jambhayāmasi ||5||

(AVŚ\_5,23.6a) út purástāt sūrya eti víśvádrṣṭo adrṣṭahá |  
(AVŚ\_5,23.6c) drṣṭāmś ca ghnānn adrṣṭāmś ca sárvāmś ca  
pramṛṇān krímīn ||6||

(AVŚ\_5,23.7a) yévāśasaḥ káṣkaśāsa ejatkāḥ śipavitnukāḥ |  
(AVŚ\_5,23.7c) drṣṭás ca hanyatām krímīr utádrṣṭas ca hanyatām ||



7||

(AVŚ\_5,23.8a) ható yévāṣaḥ krímīṇām ható nadanimótá |  
(AVŚ\_5,23.8c) sárvān ní maṣmaṣākaram dṛṣádā khálvām̐ iva ||8||

(AVŚ\_5,23.9a) triśīrṣāṇam trikakúdam krímim sārāṅgam árjunam |  
(AVŚ\_5,23.9c) śṛṇāmy asya pṛṣṭīr ápi vṛścāmi yác chírah ||9||

(AVŚ\_5,23.10a) atrivád vaḥ krimayo hanmi kaṇvaváj jamadagnivát |  
(AVŚ\_5,23.10c) agástyasya bráhmaṇā sám pinaṣmy ahám krímīn ||10||

(AVŚ\_5,23.11a) ható rájā krímīṇām utáiṣām sthapátir hatáh |  
(AVŚ\_5,23.11c) ható hatámātā krímīr hatábhrātā hatásvasā ||11||

(AVŚ\_5,23.12a) hatāso asya veśāso hatāsaḥ páriveśasaḥ |  
(AVŚ\_5,23.12c) átho yé kṣullakā iva sárve té krímayo hatáh ||12||

(AVŚ\_5,23.13a) sárveṣām ca krímīṇām sárvāsām ca krimínām |  
(AVŚ\_5,23.13c) bhinádmy áśmanā síro dáhāmy agnínā múkham ||13||

(AVŚ\_5,24.1a) savitā prasavānām ádhipatiḥ sá māvatu |  
(AVŚ\_5,24.1c) asmín bráhmaṇy asmín kármaṇy asyām purodháyām  
asyām pratiṣṭháyām asyām |  
(AVŚ\_5,24.1e) cíttiyām asyām ákūtyām asyām āśíṣy asyām  
deváhūtyām sváhā ||1||

(AVŚ\_5,24.2a) agnír vānaspátīnām ádhipatiḥ sá māvatu |  
(AVŚ\_5,24.2c) asmín bráhmaṇy asmín kármaṇy asyām purodháyām  
asyām pratiṣṭháyām asyām |  
(AVŚ\_5,24.2e) cíttiyām asyām ákūtyām asyām āśíṣy asyām  
deváhūtyām sváhā ||2||

(AVŚ\_5,24.3a) dyāvāpṛthiví dātṛṇām ádhipatiḥ sá māvatu |  
(AVŚ\_5,24.3c) asmín bráhmaṇy asmín kármaṇy asyām purodháyām  
asyām pratiṣṭháyām asyām |  
(AVŚ\_5,24.3e) cíttiyām asyām ákūtyām asyām āśíṣy asyām  
deváhūtyām sváhā ||3||

(AVŚ\_5,24.4a) váruṇo 'pām ádhipatiḥ sá māvatu |  
(AVŚ\_5,24.4c) asmín bráhmaṇy asmín kármaṇy asyām purodháyām  
asyām pratiṣṭháyām asyām |  
(AVŚ\_5,24.4e) cíttiyām asyām ákūtyām asyām āśíṣy asyām  
deváhūtyām sváhā ||4||

(AVŚ\_5,24.5a) mitráváruṇau vṛṣṭyádhīpatī táu māvātām |

(AVŚ\_5,24.5c) asmín bráhmaṇy asmín kármaṇy asyám purodháyām  
asyám pratiṣṭháyām asyám |  
(AVŚ\_5,24.5e) cíttiyām asyám ákūtyām asyám āśíṣy asyám  
deváhūtyām sváhā ||5||

(AVŚ\_5,24.6a) marútaḥ párvatānām ádhipatayas té māvatu |  
(AVŚ\_5,24.6c) asmín bráhmaṇy asmín kármaṇy asyám purodháyām  
asyám pratiṣṭháyām asyám |  
(AVŚ\_5,24.6e) cíttiyām asyám ákūtyām asyám āśíṣy asyám  
deváhūtyām sváhā ||6||

(AVŚ\_5,24.7a) sómo vīrúdhām ádhipatiḥ sá māvatu |  
(AVŚ\_5,24.7c) asmín bráhmaṇy asmín kármaṇy asyám purodháyām  
asyám pratiṣṭháyām asyám |  
(AVŚ\_5,24.7e) cíttiyām asyám ákūtyām asyám āśíṣy asyám  
deváhūtyām sváhā ||7||

(AVŚ\_5,24.8a) vāyúr antárikṣasyádhīpatiḥ sá māvatu |  
(AVŚ\_5,24.8c) asmín bráhmaṇy asmín kármaṇy asyám purodháyām  
asyám pratiṣṭháyām asyám |  
(AVŚ\_5,24.8e) cíttiyām asyám ákūtyām asyám āśíṣy asyám  
deváhūtyām sváhā ||8||

(AVŚ\_5,24.9a) sūryaś cákṣuṣām ádhipatiḥ sá māvatu |  
(AVŚ\_5,24.9c) asmín bráhmaṇy asmín kármaṇy asyám purodháyām  
asyám pratiṣṭháyām asyám |  
(AVŚ\_5,24.9e) cíttiyām asyám ákūtyām asyám āśíṣy asyám  
deváhūtyām sváhā ||9||

(AVŚ\_5,24.10a) candrá mā nákṣatrāṇām ádhipatiḥ sá māvatu |  
(AVŚ\_5,24.10c) asmín bráhmaṇy asmín kármaṇy asyám  
purodháyām asyám pratiṣṭháyām asyám |  
(AVŚ\_5,24.10e) cíttiyām asyám ákūtyām asyám āśíṣy asyám  
deváhūtyām sváhā ||10||

(AVŚ\_5,24.11a) índro divó 'dhipatiḥ sá māvatu |  
(AVŚ\_5,24.11c) asmín bráhmaṇy asmín kármaṇy asyám  
purodháyām asyám pratiṣṭháyām asyám |  
(AVŚ\_5,24.11e) cíttiyām asyám ákūtyām asyám āśíṣy asyám  
deváhūtyām sváhā ||11||

(AVŚ\_5,24.12a) marútāṃ pitá paśūnām ádhipatiḥ sá māvatu |  
(AVŚ\_5,24.12c) asmín bráhmaṇy asmín kármaṇy asyám  
purodháyām asyám pratiṣṭháyām asyám |  
(AVŚ\_5,24.12e) cíttiyām asyám ákūtyām asyám āśíṣy asyám  
deváhūtyām sváhā ||12||

(AVŚ\_5,24.13a) mṛtyúḥ prajānām ádhipatiḥ sá māvatu |  
(AVŚ\_5,24.13c) asmín bráhmaṇy asmín kármaṇy asyám

purodhāyām asyām pratiṣṭhāyām asyām |  
(AVŚ\_5,24.13e) cīttiyām asyām ākūtyām asyām āśīṣy asyām  
devāhūtyām svāhā ||13||

(AVŚ\_5,24.14a) yamāḥ pitṛṇām ādhipatiḥ sā māvatu |  
(AVŚ\_5,24.14c) asmín bráhmaṇy asmín kármaṇy asyām  
purodhāyām asyām pratiṣṭhāyām asyām |  
(AVŚ\_5,24.14e) cīttiyām asyām ākūtyām asyām āśīṣy asyām  
devāhūtyām svāhā ||14||

(AVŚ\_5,24.15a) pitáraḥ páre te māvantu |  
(AVŚ\_5,24.15c) asmín bráhmaṇy asmín kármaṇy asyām  
purodhāyām asyām pratiṣṭhāyām asyām |  
(AVŚ\_5,24.15e) cīttiyām asyām ākūtyām asyām āśīṣy asyām  
devāhūtyām svāhā ||15||

(AVŚ\_5,24.16a) tatá ávare te māvantu |  
(AVŚ\_5,24.16c) asmín bráhmaṇy asmín kármaṇy asyām  
purodhāyām asyām pratiṣṭhāyām asyām |  
(AVŚ\_5,24.16e) cīttiyām asyām ākūtyām asyām āśīṣy asyām  
devāhūtyām svāhā ||16||

(AVŚ\_5,24.17a) tatás tatāmahás te māvantu |  
(AVŚ\_5,24.17c) asmín bráhmaṇy asmín kármaṇy asyām  
purodhāyām asyām pratiṣṭhāyām asyām |  
(AVŚ\_5,24.17e) cīttiyām asyām ākūtyām asyām āśīṣy asyām  
devāhūtyām svāhā ||17||

(AVŚ\_5,25.1a) párvatād divó yóner áṅgādaṅgāt samābhṛtam |  
(AVŚ\_5,25.1c) sépo gárbhasya retodhāḥ sárau parṇām ivá dadhat ||  
1||

(AVŚ\_5,25.2a) yátheyām pṛthiví mahí bhūtánām gárbham ādadhé |  
(AVŚ\_5,25.2c) evá dadhāmi te gárbham tásmāi tvám ávase huve ||  
2||

(AVŚ\_5,25.3a) gárbham dhehi sinīvāli gárbham dhehi sarasvati |  
(AVŚ\_5,25.3c) gárbham te asvínobhá dhattām púṣkarasrajā ||3||

(AVŚ\_5,25.4a) gárbham te mitráváruṇau gárbham devó bṛhaspátīḥ |  
(AVŚ\_5,25.4c) gárbham ta índraś cāgnís ca gárbham dhātá dadhātu  
te ||4||

(AVŚ\_5,25.5a) víṣṇur yónim kalpayatu tváṣṭā rūpāṇi piṃśatu |  
(AVŚ\_5,25.5c) á siñcatu prajāpatir dhātá gárbham dadhātu te ||5||

(AVŚ\_5,25.6a) yád véda rájā váruṇo yád vā deví sárasvatī |

(AVŚ\_5,25.6c) yád índro vṛtrahá véda tát garbhakáraṇaṃ piba ||6||

(AVŚ\_5,25.7a) gárbho asy ósadhīnāṃ gárbho vánaśpátīnāṃ |

(AVŚ\_5,25.7c) gárbho víśvasya bhūtásya só agne gárbham éhá dhāḥ ||7||

(AVŚ\_5,25.8a) ádhi skanda vīráyasva gárbham á dhehi yónyāṃ |

(AVŚ\_5,25.8c) vṛṣāsi vṛṣṇyāvan prajāyai tvá nayāmasi ||8||

(AVŚ\_5,25.9a) ví jihīṣva bārhaśāme gárbhas te yónim á śayāṃ |

(AVŚ\_5,25.9c) áduṣ te devāḥ putráṃ somapá ubhayāvīnaṃ ||9||

(AVŚ\_5,25.10a) dhātāḥ śréṣṭhena rūpéṇāsyá náryā gavīnyóḥ |

(AVŚ\_5,25.10c) púmāṃsaṃ putráṃ á dhehi daśamé māsí sūtave ||10||

(AVŚ\_5,25.11a) tváṣṭāḥ śréṣṭhena rūpéṇāsyá náryā gavīnyóḥ |

(AVŚ\_5,25.11c) púmāṃsaṃ putráṃ á dhehi daśamé māsí sūtave ||11||

(AVŚ\_5,25.12a) sávitāḥ śréṣṭhena rūpéṇāsyá náryā gavīnyóḥ |

(AVŚ\_5,25.12c) púmāṃsaṃ putráṃ á dhehi daśamé māsí sūtave ||12||

(AVŚ\_5,25.13a) prajāpate śréṣṭhena rūpéṇāsyá náryā gavīnyóḥ |

(AVŚ\_5,25.13c) púmāṃsaṃ putráṃ á dhehi daśamé māsí sūtave ||13||

(AVŚ\_5,26.1a) yájūṃṣi yajñé samídhaḥ sváhāgníḥ pravidván ihá vo yunaktu ||1||

(AVŚ\_5,26.2a) yunaktu devāḥ savitá prajānānn asmín yajñé mahiṣāḥ sváhā ||2||

(AVŚ\_5,26.3a) índra ukthāmadāny asmín yajñé pravidván yunaktu suyújaḥ sváhā ||3||

(AVŚ\_5,26.4a) praiṣá yajñé nivídaḥ sváhā śiṣṭāḥ pátnībhir vahatehá yuktāḥ ||4||

(AVŚ\_5,26.5a) chándāṃsi yajñé marutaḥ sváhā mātéva putráṃ pipṛtehá yuktāḥ ||5||

(AVŚ\_5,26.6a) éyám agan barhíṣā prókṣaṇībhir yajñāṃ tanvānāditiḥ sváhā ||6||

(AVŚ\_5,26.7a) víṣṇur yunaktu bahudhá tápāṃsy asmín yajñé

suyújaḥ sváhā ||7||

(AVŚ\_5,26.8a) tváṣṭā yunaktu bahudhá nú rūpā asmín yajñé yunaktu  
suyújaḥ sváhā ||8||

(AVŚ\_5,26.9a) bhágo yunaktvāśíṣo nv àsmā asmín yajñé pravidvān  
yunaktu suyújaḥ sváhā ||9||

(AVŚ\_5,26.10a) sómo yunaktu bahudhá páyāṃsy asmín yajñé  
suyújaḥ sváhā ||10||

(AVŚ\_5,26.11a) índro yunaktu bahudhá páyāṃsy asmín yajñé  
suyújaḥ sváhā ||11||

(AVŚ\_5,26.12a) áśvinā bráhmaṇā yātam arvāñcau vaṣaṭkārēṇa  
yajñāṃ vardháyantau |  
(AVŚ\_5,26.12c) bṛhaspate bráhmaṇā yāhy arvān yajñó ayāṃ svār  
idāṃ yájamānāya sváhā ||12||

(AVŚ\_5,27.1a) ūrdhvā asya samídho bhavanty ūrdhvā śukrá śocíṣy  
agnéḥ |  
(AVŚ\_5,27.1c) dyumáttamā suprátikaḥ sásūnus tánūnápād ásuro  
bhúrīpāṇiḥ ||1||

(AVŚ\_5,27.2a) devó devéṣu deváḥ pathó anakti mádhvā ghṛténa ||  
2||

(AVŚ\_5,27.3a) mádhvā yajñám nakṣati praiṇānó nárāśámso agníḥ  
sukṛd deváḥ savitā viśvāvāraḥ ||3||

(AVŚ\_5,27.4a) áchāyám eti śávasā ghṛtā cid ídāno váhnir námasā ||  
4||

(AVŚ\_5,27.5a) agníḥ srúco adhvaréṣu prayákṣu sá yakṣad asya  
mahimānam agnéḥ ||5||

(AVŚ\_5,27.6a) tarí mandrásu prayákṣu vásavaś cátiṣṭhan  
vasudhātaraś ca ||6||

(AVŚ\_5,27.7a) dvāro devír ánvy asya víśve vratāṃ rakṣanti viśvāhā ||  
7||

(AVŚ\_5,27.8a) uruvyácasāgnér dhāmnā pátyamāne |  
(AVŚ\_5,27.8c) á suśváyantī yajaté upāke uśāsānāktémāṃ yajñám  
avatām adhvarám naḥ ||8||  
(AVŚ\_5,27.9a) dáivā hótāra ūrdhvām adhvarām no 'gnér jihváyābhí  
gṛnata gṛnātā naḥ sviṣṭaye |

(AVŚ\_5,27.9c) tistró devír barhír édám sadantām ídā sárasvatī mahí  
bháratī grṇānā ||9||

(AVŚ\_5,27.10a) tán nas turípam ádbhutam purukṣú |  
(AVŚ\_5,27.10c) déva tvaṣṭā rāyás poṣam ví ṣya nābhim asya ||10||

(AVŚ\_5,27.11a) vānaspaté 'va srjā rārāṇaḥ |  
(AVŚ\_5,27.11c) tmánā devébhyo agnír havyám śamitá svadayatu ||  
11||

(AVŚ\_5,27.12a) agne sváhā kṛṇuhi jātavedaḥ |  
(AVŚ\_5,27.12c) índrāya yajñám víśve devá havír idám juṣantām ||  
12||

(AVŚ\_5,28.1a) náva prāṇān navábhiḥ sám mimīte dīrghāyutváya  
śatáśāradāya |  
(AVŚ\_5,28.1c) háríte trīṇi rajaté trīṇy áyasi trīṇi tápasāviṣṭitāni ||1||

(AVŚ\_5,28.2a) agníḥ sūryaś candráma bhūmir ápo dyáur antárikṣam  
pradīśo díśaś ca |  
(AVŚ\_5,28.2c) ārtavá ṛtúbhiḥ samvidāná anéna mā trivṛtā pārayantu  
||2||

(AVŚ\_5,28.3a) tráyaḥ póṣas trivṛti śrayantām anáktu pūṣá páyasā  
ghṛténa |  
(AVŚ\_5,28.3c) ánnasya bhūmá púruṣasya bhūmá bhūmá paśūnám  
ta ihá śrayantām ||3||

(AVŚ\_5,28.4a) imám ādityā vásunā sám ukṣatemám agne vardhaya  
vavṛdhānāḥ |  
(AVŚ\_5,28.4c) imám indra sám srja vīryèṇāsmín trivṛc chrayatām  
poṣayiṣṇú ||4||

(AVŚ\_5,28.5a) bhūmiṣ ṭvā pātu hárítēna víśvabhṛd agníḥ pipartv  
áyasā sajóṣāḥ |  
(AVŚ\_5,28.5c) vīrúdbhiṣ ṭe árjunam samvidānám dáḁṣam dadhātu  
sumanasyámānam ||5||

(AVŚ\_5,28.6a) tredhá jātám jánmanedám híraṇyam agnér ékam  
priyátamam babhūva sómasyáikam hiṃsitásya párāpatat |  
(AVŚ\_5,28.6c) apám ékam vedhásam réta āhus tát te híraṇyam  
trivṛd astv áyuṣe ||6||

(AVŚ\_5,28.7a) tryāyuṣám jamádagneḥ kaśyápasya tryāyuṣám |  
(AVŚ\_5,28.7c) tredhámṛtasya cákṣaṇam trīṇy áyūṃṣi te 'karam ||7||

(AVŚ\_5,28.8a) tráyaḥ suparṇás trivṛtā yád áyann ekākṣarám

abhisambhúya śakráḥ |  
(AVŚ\_5,28.8c) práty auhan mṛtyúm amṛtena sākám antardádhanā  
duritāni vísvā ||8||

(AVŚ\_5,28.9a) divás tvā pātu háritaṃ mádhyāt tvā pātv árjunam |  
(AVŚ\_5,28.9c) bhúmyā ayasmáyaṃ pātu prāgād devapurá ayám ||  
9||

(AVŚ\_5,28.10a) imás tísro devapurás tás tvā rakṣantu sarvátaḥ |  
(AVŚ\_5,28.10c) tás tvám bíbhrad varcasvy úttaro dviṣatám bhava ||  
10||

(AVŚ\_5,28.11a) púraṃ devánām amṛtaṃ híraṇyam yá ābedhé  
prathamó devó ágre |  
(AVŚ\_5,28.11c) tásmāi námo dáśa prācīḥ kṛṇomy ánu manyatām  
trivṛd ābádhe me ||11||

(AVŚ\_5,28.12a) á tvā cṛtatv aryamá pūṣá bṛhaspátīḥ |  
(AVŚ\_5,28.12c) áharjātasya yán náma téna tvāti cṛtāmasi ||12||

(AVŚ\_5,28.13a) ṛtúbhiṣ ṭvārtaváir áyuṣe várcase tvā |  
(AVŚ\_5,28.13c) saṃvatsarásya téjasā téna sámhanu kṛṇmasi ||13||

(AVŚ\_5,28.14a) ghṛtād úlluptam mádhunā sámaktaṃ bhūmidṛṇhám  
ácyuṭam pārayiṣṇú |  
(AVŚ\_5,28.14c) bhindát sapátnān ádharāmś ca kṛṇvād á mā roha  
mahaté sáubhagāya ||14||

(AVŚ\_5,29.1a) purástād yuktó vaha jātavedó 'gne viddhí  
kriyámāṇam yáthedám |  
(AVŚ\_5,29.1c) tvám bhiśág bheṣajásyāsi kartá tváyā gám ásvaṃ  
púruṣaṃ sanema ||1||

(AVŚ\_5,29.2a) táthā tát agne kṛṇu jātavedo víśvebhir deváiḥ sahá  
saṃvidānāḥ |  
(AVŚ\_5,29.2c) yó no didéva yatamó jagháśa yáthā só asyá paridhíṣ  
pátāti ||2||

(AVŚ\_5,29.3a) yáthā só asyá paridhíṣ pátāti táthā tát agne kṛṇu  
jātavedaḥ |  
(AVŚ\_5,29.3c) víśvebhir deváir sahá saṃvidānāḥ ||3||

(AVŚ\_5,29.4a) akṣyàu ní vidhya hṛdayaṃ ní vidhya jihvám ní tṛṇddhi  
prá dató mṛṇīhi |  
(AVŚ\_5,29.4c) piśácó asyá yatamó jagháśágne yaviṣṭha práti śṛṇīhi  
||4||

(AVŚ\_5,29.5a) yád asya hṛtām víhṛtām yát párābhṛtam ātmáno  
jagdhām yatamát piśácáiḥ |  
(AVŚ\_5,29.5c) tát agne vidván púnar á bhara tvām sárīre māmśám  
ásuṃ érayāmaḥ ||5||

(AVŚ\_5,29.6a) āmé súpakve śabále vípakve yó mā piśácó áśane  
dadámbha |  
(AVŚ\_5,29.6c) tát ātmánā prajáyā piśácá ví yātayantām agadó 'yám  
astu ||6||

(AVŚ\_5,29.7a) kṣiré mā manthé yatamó dadámbhākṛṣṭapacyé áśane  
dhānyè yáh |  
(AVŚ\_5,29.7c) tát ātmánā prajáyā piśácá ví yātayantām agadó 'yám  
astu ||7||

(AVŚ\_5,29.8a) apām mā páne yatamó dadámbha kravyád yātūnām  
śáyane śáyānam |  
(AVŚ\_5,29.8c) tát ātmánā prajáyā piśácá ví yātayantām agadó 'yám  
astu ||8||

(AVŚ\_5,29.9a) dívā mā náktam yatamó dadámbha kravyád yātūnām  
śáyane śáyānam |  
(AVŚ\_5,29.9c) tát ātmánā prajáyā piśácá ví yātayantām agadó 'yám  
astu ||9||

(AVŚ\_5,29.10a) kravyádam agne rudhirām piśácām manohánam  
jahi jātavedaḥ |  
(AVŚ\_5,29.10c) tám índro vājī vājreṇa hantu chináttu sómaḥ síro  
asya dhṛṣṇúḥ ||10||

(AVŚ\_5,29.11a) sanád agne mṛṇasi yātudhánān ná tvā rákṣāṃsi  
pṛtanāsu jigyuḥ |  
(AVŚ\_5,29.11c) sahámūrān ánu daha kravyádo má te hetyá  
mukṣata dáivyāyāḥ ||11||

(AVŚ\_5,29.12a) samáhara jātavedo yád dhṛtām yát párābhṛtam |  
(AVŚ\_5,29.12c) gátrāṇy asya vardhantām aṃsúr ivá pyāyatām  
ayám ||12||

(AVŚ\_5,29.13a) sómasyeva jātavedo aṃsúr á pyāyatām ayám |  
(AVŚ\_5,29.13c) ágne virapśínam médhyam ayakṣmám kṛṇu jívatu ||  
13||

(AVŚ\_5,29.14a) etás te agne samídhaḥ piśācajámghanīḥ |  
(AVŚ\_5,29.14c) tás tvām juṣasva práti cainā gṛhāṇa jātavedaḥ ||14||

(AVŚ\_5,29.15a) tārṣṭāghír agne samídhaḥ práti gṛhṇāhy arcíṣā |  
(AVŚ\_5,29.15c) jáhātu kravyád rūpām yó asya māmśām jíhīṣati ||  
15||



(AVŚ\_5,30.1a) āvátas ta āvátah parāvátas ta āvátah |  
(AVŚ\_5,30.1c) iháivá bhava má nú gā má púrvān ánu gāḥ pitṛñ  
ásuṃ badhnāmi te dṛḍhám ||1||

(AVŚ\_5,30.2a) yát tvābhicerúḥ púruṣaḥ svó yád áraṇo jánaḥ |  
(AVŚ\_5,30.2c) unmocanapramocané ubhé vācā vadāmi te ||2||

(AVŚ\_5,30.3a) yád dudróhitha śepiśé striyái puṃsé ácittyā |  
(AVŚ\_5,30.3c) unmocanapramocané ubhé vācā vadāmi te ||3||

(AVŚ\_5,30.4a) yát énaso mātṛkṛtāc chéṣe pitṛkṛtāc ca yát |  
(AVŚ\_5,30.4c) unmocanapramocané ubhé vācā vadāmi te ||4||

(AVŚ\_5,30.5a) yát te mātá yát te pitá jamír bhrátā ca sárjataḥ |  
(AVŚ\_5,30.5c) pratyák sevasva bheṣajám jarádaṣṭim kṛṇomi tvā ||5||

(AVŚ\_5,30.6a) iháidhi puruṣa sárveṇa mánasā sahá |  
(AVŚ\_5,30.6c) dūtáu yamásya mánu gā ádhi jīvapurā ihi ||6||

(AVŚ\_5,30.7a) ánuhūtaḥ púnar éhi vidvān udáyanam patháḥ |  
(AVŚ\_5,30.7c) āróhaṇam ākrāmaṇam jīvatojīvató 'yanam ||7||

(AVŚ\_5,30.8a) má bibher ná mariṣyasi jarádaṣṭim kṛṇomi tvā |  
(AVŚ\_5,30.8c) nír avocam ahám yákṣmam áṅgebhyo áṅgajvarám  
táva ||8||

(AVŚ\_5,30.9a) áṅgabhedó áṅgajvaró yás ca te hṛdayāmayáḥ |  
(AVŚ\_5,30.9c) yákṣmaḥ śyená iva prāpaptad vacā sādhaḥ  
parastarám ||9||

(AVŚ\_5,30.10a) řṣī bodhapratibodhāv asvapnó yás ca jāgrviḥ |  
(AVŚ\_5,30.10c) táu te prāṇasya goptārau dívā náktam ca jāgrtām ||  
10||

(AVŚ\_5,30.11a) ayám agnír upasádya ihá súrya úd etu te |  
(AVŚ\_5,30.11c) udéhi mṛtyór gambhīrát kṛṣṇāc cit támasas pári ||  
11||

(AVŚ\_5,30.12a) námo yamáya námo astu mṛtyáve námaḥ pitṛbhya  
utá yé náyanti |  
(AVŚ\_5,30.12c) utpáraṇasya yó véda tám agníṃ puró dadhe 'smá  
ariṣṭātātaye ||12||

(AVŚ\_5,30.13a) áitu prāṇá áitu mána áitu cákṣur átho bálam |  
(AVŚ\_5,30.13c) sárīram asya sám vidām tát padbhyám práti tiṣṭhatu  
||13||

(AVŚ\_5,30.14a) prāṇénāgne cákṣuṣā sám sṛjemám sám īraya tanvā  
sám bálena |

(AVŚ\_5,30.14c) vétthāmṛtasya má nú gān má nú bhúmigrho bhuvat  
||14||

(AVŚ\_5,30.15a) má te prāṇá úpa dasan mó apānó 'pi dhāyi te |

(AVŚ\_5,30.15c) súryas tvádhipatir mṛtyór udāyachatu raśmíbhiḥ |  
15||

(AVŚ\_5,30.16a) iyám antár vadati jihvā baddhá paniṣpadā |

(AVŚ\_5,30.16c) tváyā yákṣmam nír avocaṃ śatám rópīs ca  
takmānaḥ ||16||

(AVŚ\_5,30.17a) ayám lokáḥ priyátamo devānām áparājitāḥ |

(AVŚ\_5,30.17c) yásmai tvám ihá mṛtyáve diṣṭāḥ puruṣa jajñísé |

(AVŚ\_5,30.17e) sá ca tvānu hvayāmasi má purā jaráso mṛthāḥ ||17||

(AVŚ\_5,31.1a) yám te cakrúr āmé pátre yám cakrúr miśrádhānye |

(AVŚ\_5,31.1c) āmé māṃsé kṛtyám yám cakrúḥ púnaḥ práti harāmi  
tām ||1||

(AVŚ\_5,31.2a) yám te cakrúḥ kṛkavākāv ajé vā yám kurīriṇi |

(AVŚ\_5,31.2c) ávyām te kṛtyám yám cakrúḥ púnaḥ práti harāmi tām  
||2||

(AVŚ\_5,31.3a) yám te cakrúr ékaśaphe paśūnām ubhayádati |

(AVŚ\_5,31.3c) gardabhé kṛtyám yám cakrúḥ púnaḥ práti harāmi tām  
||3||

(AVŚ\_5,31.4a) yám te cakrúr amūlāyām valagám vā narācyām |

(AVŚ\_5,31.4c) kṣétre te kṛtyám yám cakrúḥ púnaḥ práti harāmi tām  
||4||

(AVŚ\_5,31.5a) yám te cakrúr gārhapatye pūrvāgnāv utá duścítaḥ |

(AVŚ\_5,31.5c) śālāyām kṛtyám yám cakrúḥ púnaḥ práti harāmi tām  
||5||

(AVŚ\_5,31.6a) yám te cakrúḥ sabhāyām yám cakrúr adhidévane |

(AVŚ\_5,31.6c) akṣéṣu kṛtyám yám cakrúḥ púnaḥ práti harāmi tām ||  
6||

(AVŚ\_5,31.7a) yám te cakrúḥ sénāyām yám cakrúr iṣvāyudhé |

(AVŚ\_5,31.7c) dundubháu kṛtyám yám cakrúḥ púnaḥ práti harāmi  
tām ||7||

(AVŚ\_5,31.8a) yám te kṛtyám kúpe 'vadadhúḥ śmaśāné vā

nicakhnúḥ |

(AVŚ\_5,31.8c) sádmani kṛtyām yām cakrúḥ púnaḥ práti harāmi tám  
||8||

(AVŚ\_5,31.9a) yām te cakrúḥ puruṣāsthé agnáu sámkasuke ca yām  
|

(AVŚ\_5,31.9c) mrokām nirdāhām kravýādaṃ púnaḥ práti harāmi  
tám ||9||

(AVŚ\_5,31.10a) ápathenā jabhārainām tám pathétāḥ prá hiṇmasi |

(AVŚ\_5,31.10c) ádhīro maryādhírebhyaḥ sám jabhārácittyā ||10||

(AVŚ\_5,31.11a) yás cakāra ná śaśáka kártuṃ śaśré pádam aṅgúrim  
|

(AVŚ\_5,31.11c) cakāra bhadram asmábhyam abhagó  
bhágavadbhyaḥ ||11||

(AVŚ\_5,31.12a) kṛtyākṛtaṃ valagínam mūlínam śapatheyam |

(AVŚ\_5,31.12c) índras tám hantu mahatā vadhénāgnír vidhyatv  
astáyā ||12||

(AVŚ\_6,1.1a) doṣó gāya bṛhád gāya dyumád dhehi |

(AVŚ\_6,1.1c) átharvaṇa stuhí devám savitāram ||1||

(AVŚ\_6,1.2a) tám u ṣṭuhi yó antāḥ síndhau sūnúḥ |

(AVŚ\_6,1.2c) satyásya yúvānam ádroghavācam suśévam ||2||

(AVŚ\_6,1.3a) sá ghā no devāḥ savitā sāviṣad amṛtāni bhūri |

(AVŚ\_6,1.3c) ubhé suṣṭutí sugátave ||3||

(AVŚ\_6,2.1a) índrāya sómam ṛtvijaḥ sunótā ca dhāvata |

(AVŚ\_6,2.1c) stotúr yó vácaḥ śṛṇávad dhávam ca me ||1||

(AVŚ\_6,2.2a) á yām viśántíndavo váyo ná vṛkṣám ándhasaḥ |

(AVŚ\_6,2.2c) vírapśin ví mṛdho jahi rakṣasvínīḥ ||2||

(AVŚ\_6,2.3a) sunótā somapāvne sómam índrāya vajríṇe |

(AVŚ\_6,2.3c) yúvā jétésānaḥ sá puruṣtutāḥ ||3||

(AVŚ\_6,3.1a) pātām na indrāpūṣaṇāditiḥ pāntu marútaḥ |

(AVŚ\_6,3.1c) ápām napāt sindhavaḥ saptá pātana pátu no víṣṇur  
utá dyáuḥ ||1||

(AVŚ\_6,3.2a) pātām no dyāvāpṛthiví abhiṣṭaye pátu grāvā pátu  
sómō no áṃhasaḥ |

(AVŚ\_6,3.2c) pátu no deví subhágā sárasvatī pátv agníḥ śivá yé asya

pāyávaḥ ||2||

(AVŚ\_6,3.3a) pātām no devāśvínā śubhás pátī uṣāsānāktotá na  
uruṣyatām |

(AVŚ\_6,3.3c) ápāṃ napād ábhihrutī gáyasya cid déva tvaṣṭar  
vardháya sarvátātaye ||3||

(AVŚ\_6,4.1a) tváṣṭā me dáivyam vácaḥ parjáno bráhmaṇas pátih |

(AVŚ\_6,4.1c) putráir bhrátṛbhir áditir nú pātu no duṣṭāram  
trāyamāṇam sāhaḥ ||1||

(AVŚ\_6,4.2a) áṃśo bhágo váruṇo mitró aryamáditih pántu marútaḥ |

(AVŚ\_6,4.2c) ápa tásya dvéṣo gamed abhihrúto yāvayac chátрум  
ántitam ||2||

(AVŚ\_6,4.3a) dhiyé sám aśvinā právataṃ na uruṣyá ṇa urujmann  
áprayuchan |

(AVŚ\_6,4.3c) dyàuṣ pítar yāváya duchúnā yá ||3||

(AVŚ\_6,5.1a) úd enam uttarám nayágne ghṛténāhuta |

(AVŚ\_6,5.1c) sám enam várcasā srja prajáyā ca bahúm kṛdhi ||1||

(AVŚ\_6,5.2a) índremám pratarám kṛdhi sajātānām asad vaśí |

(AVŚ\_6,5.2c) rāyás póṣeṇa sám srja jīvátave jaráse naya ||2||

(AVŚ\_6,5.3a) yásya kṛṇmó havír grhé tám agne vardhayā tvám |

(AVŚ\_6,5.3c) tásmāi sómo ádhi bravad ayám ca bráhmaṇas pátih ||  
3||

(AVŚ\_6,6.1a) yó 'smān brahmaṇas paté 'devo abhimányate |

(AVŚ\_6,6.1c) sárvaṃ tám randhayāsi me yájamānāya sunvaté ||1||

(AVŚ\_6,6.2a) yó naḥ soma suśamsíno duḥsámṣa ādídésati |

(AVŚ\_6,6.2c) vājreṇāsyā múkhe jahi sá sám̐piṣṭo ápāyati ||2||

(AVŚ\_6,6.3a) yó naḥ somābhidásati sánābhir yás ca níṣṭyaḥ |

(AVŚ\_6,6.3c) ápa tásya bálaṃ tira mahíva dyáur vadhatmánā ||3||

(AVŚ\_6,7.1a) yéna somáditih pathá mitrá vā yánty adrúhaḥ |

(AVŚ\_6,7.1c) ténā nó 'vasá gahi ||1||

(AVŚ\_6,7.2a) yéna soma sāhantyāsurān randháyāsi naḥ |  
(AVŚ\_6,7.2c) tēnā no ádhi vocata ||2||

(AVŚ\_6,7.3a) yéna devā ásurāṇām ójāṃsy ávr̥ṇīdhvam |  
(AVŚ\_6,7.3c) tēnā naḥ sárma yachata ||3||

(AVŚ\_6,8.1a) yáthā vr̥kṣám líbujā samantám pariṣasvajé |  
(AVŚ\_6,8.1c) evá pári ṣvajasva mām̐ yáthā mām̐ kāmíny áso yáthā  
mán nāpagā ásaḥ ||1||

(AVŚ\_6,8.2a) yáthā suparṇáh prapátan pakṣáu nihánti bhúmyām |  
(AVŚ\_6,8.2c) evá ní hanmi te máno yáthā mām̐ kāmíny áso yáthā  
mán nāpagā ásaḥ ||2||

(AVŚ\_6,8.3a) yáthemé dyāvāpṛthiví sadyáh paryéti súr̥yaḥ |  
(AVŚ\_6,8.3c) evá páry emi te máno yáthā mām̐ kāmíny áso yáthā  
mán nāpagā ásaḥ ||3||

(AVŚ\_6,9.1a) vāñcha me tanvām̐ pádau vāñchākṣyau vāñcha  
sakthyau |  
(AVŚ\_6,9.1c) akṣyau vr̥ṣaṇyāntyāḥ késā mām̐ te kāmēna śuṣyantu ||  
1||

(AVŚ\_6,9.2a) máma tvá doṣaṇíśríṣam̐ kṛṇómi hṛdayaśríṣam̐ |  
(AVŚ\_6,9.2c) yáthā máma krátāv áso máma cittám upáyasi ||2||

(AVŚ\_6,9.3a) yásām̐ nābhīr āréhaṇam̐ hṛdí samvānanam̐ kṛtám gávo  
ghṛtásya mātáro 'múm̐ sám̐ vānayantu me ||3||

(AVŚ\_6,10.1a) pṛthivyái śrótrāya vānaspátibhyo 'gnáyé 'dhipataye  
sváhā ||1||

(AVŚ\_6,10.2a) prāṇāyāntárikṣāya váyobhyo vāyávé 'dhipataye  
sváhā ||2||

(AVŚ\_6,10.3a) divé cākṣuṣe nákṣatrebhyaḥ súr̥yāyádhipataye sváhā  
||3||

(AVŚ\_6,11.1a) sámím̐ aśvatthá árūḍhas tát̐ra puṃsúvanam̐ kṛtám |  
(AVŚ\_6,11.1c) tát̐ vái putrásya védanam̐ tát̐ strīṣv á bharāmasi ||1||

(AVŚ\_6,11.2a) puṁsí vái réto bhavati tát striyám ánu śicyate |  
(AVŚ\_6,11.2c) tát vái putrásya védanaṁ tát prajāpatir abravīt ||2||

(AVŚ\_6,11.3a) prajāpatir ánumatiḥ sinīvāly àcikṣat |  
(AVŚ\_6,11.3c) straiṣūyam anyátra dádhat púmāṁsam u dadhat ihá  
||3||

(AVŚ\_6,12.1a) pári dyám iva sūryó 'hīnāṁ jānimāgamam |  
(AVŚ\_6,12.1c) rātrī jāgad ivānyád dhaṁsāt tēnā te vāraye viśám ||  
1||

(AVŚ\_6,12.2a) yád brahmábhīr yád řibhīr yád deváir viditám purá |  
(AVŚ\_6,12.2c) yád bhūtám bhávyam āsanvát tēnā te vāraye viśám ||  
2||

(AVŚ\_6,12.3a) mādhvā pṛñce nadyàḥ párvatā giráyo mādhu |  
(AVŚ\_6,12.3c) mādhu páruṣṇī śípālā śám āsné astu śám ḥṛdé ||3||

(AVŚ\_6,13.1a) námo devavadhébhyo námo rājavadhébhyaḥ |  
(AVŚ\_6,13.1c) átho yé víśyānāṁ vadhās tébhyo mṛtyo námo 'stu te  
||1||

(AVŚ\_6,13.2a) námas te adhvākāya parāvākāya te námaḥ |  
(AVŚ\_6,13.2c) sumatyái mṛtyo te námo durmatyái te idám námaḥ ||  
2||

(AVŚ\_6,13.3a) námas te yātudhāṇebhyo námas te bheṣajébhyaḥ |  
(AVŚ\_6,13.3c) námas te mṛtyo múlebhyo brāhmaṇébhya idám  
námaḥ ||3||

(AVŚ\_6,14.1a) asthisraṁsám parusraṁsám āsthitam ḥṛdayāmayám  
|  
(AVŚ\_6,14.1c) balásam sárvaṁ nāśayāṅgeṣṭhá yás ca párvasu ||1||

(AVŚ\_6,14.2a) nír balásam balāsínaḥ kṣiṇómi muṣkarám yathā |  
(AVŚ\_6,14.2c) chinádmy asya bándhanaṁ múlam urvārvā iva ||2||

(AVŚ\_6,14.3a) nír bālāsetáḥ prá patāśuṅgáḥ śisúkó yathā |  
(AVŚ\_6,14.3c) átho íta iva hāyanó 'pa drāhy ávīrahā ||3||

(AVŚ\_6,15.1a) uttamó asy ósadhīnāṁ táva vṛkṣá upastáyāḥ |

(AVŚ\_6,15.1c) upastír astu só 'smákaṃ yó asmāñ abhidāsati ||1||

(AVŚ\_6,15.2a) sábandhuś cáśabandhuś ca yó asmāñ abhidāsati |

(AVŚ\_6,15.2c) téśaṃ sá vṛkṣāñāṃ ivāhāṃ bhūyāsam uttamāḥ ||2||

(AVŚ\_6,15.3a) yáthā sóma óṣadhīnāṃ uttamó haviśāṃ kṛtāḥ |

(AVŚ\_6,15.3c) talāśā vṛkṣāñāṃ ivāhāṃ bhūyāsam uttamāḥ ||3||

(AVŚ\_6,16.1a) ābayo ánābayo rásas ta ugrá ābayo |

(AVŚ\_6,16.1c) ā te karambhám admasi ||1||

(AVŚ\_6,16.2a) viháḥlo náma te pitá madávatī náma te mātá |

(AVŚ\_6,16.2c) sá hina tvám asi yás tvám ātmānam ávayaḥ ||2||

(AVŚ\_6,16.3a) táuviliké 'velayāvāyám ailabá ailayīt |

(AVŚ\_6,16.3c) babhrús ca babhrúkarnaś cápehi nír āla ||3||

(AVŚ\_6,16.4a) alasālāsi púrva silāñjālāsy úttarā |

(AVŚ\_6,16.4c) nīlāgalasāla ||4||

(AVŚ\_6,17.1a) yátheyám pṛthiví mahí bhūtānāṃ gárbham ādadhé |

(AVŚ\_6,17.1c) evá te dhriyatām gárbho ánu sūtuṃ sávitave ||1||

(AVŚ\_6,17.2a) yátheyám pṛthiví mahí dādhāremān vānaspátin |

(AVŚ\_6,17.2c) evá te dhriyatām gárbho ánu sūtuṃ sávitave ||2||

(AVŚ\_6,17.3a) yátheyám pṛthiví mahí dādhāra párvatān girín |

(AVŚ\_6,17.3c) evá te dhriyatām gárbho ánu sūtuṃ sávitave ||3||

(AVŚ\_6,17.4a) yátheyám pṛthiví mahí dādhāra víṣṭhitam jágat |

(AVŚ\_6,17.4c) evá te dhriyatām gárbho ánu sūtuṃ sávitave ||4||

(AVŚ\_6,18.1a) īrṣyāyā dhrājīm prathamām prathamásyā utáparām |

(AVŚ\_6,18.1c) agníṃ hṛdayyām sókaṃ tám te nír vāpayāmasi ||1||

(AVŚ\_6,18.2a) yáthā bhúmir mṛtámanā mṛtān mṛtámanastarā |

(AVŚ\_6,18.2c) yáthotá mamrúṣo mána evérṣyór mṛtām mánah ||2||

(AVŚ\_6,18.3a) adó yát te hṛdí śritām manaskām patayiṣṇukām |

(AVŚ\_6,18.3c) tátas ta īrṣyām muñcāmi nír ūṣmāṇam dṛter iva ||3||

(AVŚ\_6,19.1a) punántu mā devajanāḥ punántu mánavo dhiyá |

(AVŚ\_6,19.1c) punántu víśvā bhūtāni pávamānaḥ punātu mā ||1||

(AVŚ\_6,19.2a) pávamānaḥ punātu mā krátve dáksāya jīvāse |  
(AVŚ\_6,19.2c) átho ariṣṭátātaye ||2||

(AVŚ\_6,19.3a) ubhábhyāṃ deva savitaḥ pavítreṇa savéna ca |  
(AVŚ\_6,19.3c) asmān punīhi cákṣase ||3||

(AVŚ\_6,20.1a) agnér ivāsya dáhata eti śuṣmíṇa utéva mattó  
vilápann ápāyati |  
(AVŚ\_6,20.1c) anyám asmád ichatu kám cid avratás tápurvadhāya  
námō astu takmāne ||1||

(AVŚ\_6,20.2a) námo rudráya námo astu takmāne námo rájñe  
váruṇāya tvíṣimate |  
(AVŚ\_6,20.2c) námo divé námaḥ pṛthivyái náma óṣadhībhyah ||2||

(AVŚ\_6,20.3a) ayám yó abhiśocayiṣṇúr víśvā rūpāṇi háritā kṛṇóṣi |  
(AVŚ\_6,20.3c) tásmāi te 'ruṇāya babhráve námaḥ kṛṇomi ványāya  
takmāne ||3||

(AVŚ\_6,21.1a) imá yás tistráḥ pṛthivís tásāṃ ha bhúmīr uttamá |  
(AVŚ\_6,21.1c) tásāṃ ádhi tvacó ahám bheṣajám sám u jagrabham ||  
1||

(AVŚ\_6,21.2a) śréṣṭham asi bheṣajānām vásiṣṭham vírudhānām |  
(AVŚ\_6,21.2c) sómo bhága iva yāmeṣu devéṣu váruṇo yáthā ||2||

(AVŚ\_6,21.3a) révatīr ánādhṛṣaḥ siṣāsavaḥ siṣāsatha |  
(AVŚ\_6,21.3c) utá sthá keśadṛmhaṇīr átho ha keśavárdhanīḥ ||3||

(AVŚ\_6,22.1a) kṛṣṇám niyānam hárayaḥ suparṇā apó vásānā dívam  
út patanti |  
(AVŚ\_6,22.1c) tá ávavṛtrant sádanād ṛtasyád íd ghṛténa pṛthivīm vy  
ūduḥ ||1||

(AVŚ\_6,22.2a) páyasvatīḥ kṛṇuthāpá óṣadhīḥ śivá yád éjathā maruto  
rukmaṇvakṣasaḥ |  
(AVŚ\_6,22.2c) ūrjam ca tatra sumatīm ca pinvata yátrā naro  
marutaḥ siñcáthā mádhu ||2||

(AVŚ\_6,22.3a) udaprúto marútas táṃ iyarta vṛṣṭír yá víśvā nivátas  
pṛṇāti |  
(AVŚ\_6,22.3c) éjāti gláhā kanyèva tunnáirum tundāná pátyeva jāyá



||3||

(AVŚ\_6,23.1a) sasrúṣīs tād apáso dívā náktam ca sasrúṣīḥ |  
(AVŚ\_6,23.1c) váreṇyakratur ahám apó devír úpa hvaye ||1||

(AVŚ\_6,23.2a) ótā ápaḥ karmaṇyā muñcántv itáḥ práṇīṭaye |  
(AVŚ\_6,23.2c) sadyáḥ kṛṇvantv étave ||2||

(AVŚ\_6,23.3a) devásya savitúḥ savé kárma kṛṇvantu mánuṣāḥ |  
(AVŚ\_6,23.3c) sám no bhavantv apá óṣadhīḥ śívāḥ ||3||

(AVŚ\_6,24.1a) himávataḥ prá sravanti síndhau samaha saṅgamáḥ |  
(AVŚ\_6,24.1c) ápo ha máhyaṃ tād devír dādan hṛddyótabheṣajám ||1||

(AVŚ\_6,24.2a) yán me akṣyór ādidyóta páṛṣṇyoḥ prápadoś ca yát |  
(AVŚ\_6,24.2c) ápas tát sárvaṃ níṣ karan bhiṣájāṃ súbhiṣaktamāḥ ||2||

(AVŚ\_6,24.3a) sindhupatnīḥ síndhurājñīḥ sárvā yá nadyā sthána |  
(AVŚ\_6,24.3c) dattá nas tása bheṣajám ténā vo bhunajāmahai ||3||

(AVŚ\_6,25.1a) páñca ca yáḥ pañcāśác ca saṃyānti mányā abhí |  
(AVŚ\_6,25.1c) itás táḥ sárvā naśyantu vāká apacítām iva ||1||

(AVŚ\_6,25.2a) saptá ca yáḥ saptatís ca saṃyānti gráivyā abhí |  
(AVŚ\_6,25.2c) itás táḥ sárvā naśyantu vāká apacítām iva ||2||

(AVŚ\_6,25.3a) náva ca yá navatís ca saṃyānti skándhyā abhí |  
(AVŚ\_6,25.3c) itás táḥ sárvā naśyantu vāká apacítām iva ||3||

(AVŚ\_6,26.1a) áva mā pāpmant srja vaśí sán mṛdayāsi naḥ |  
(AVŚ\_6,26.1c) á mā bhadrásya loké pápman dhehy ávihrutam ||1||

(AVŚ\_6,26.2a) yó naḥ pāpman ná jáhāsi tám u tvā jahimo vayám |  
(AVŚ\_6,26.2c) pathám ánu vyāvártane 'nyám pāpmānu padyatām ||2||

(AVŚ\_6,26.3a) anyátrāsmán ny ūcyatu sahasrākṣó ámartyaḥ |  
(AVŚ\_6,26.3c) yám dvéṣāma tám ṛchatu yám u dviṣmás tám íj jahi ||3||

(AVŚ\_6,27.1a) dévāḥ kapóta iṣitó yád ichán dūtó nírṛtyā idám ājagāma |

(AVŚ\_6,27.1c) tásmā arcāma kṛṇávāma níṣkṛtiṃ śám no astu dvipáde śám cátuṣpade ||1||

(AVŚ\_6,27.2a) śívāḥ kapóta iṣitó no astv anāgá devāḥ śakunó gṛhām naḥ |

(AVŚ\_6,27.2c) agnír hí vípro juṣátām havír naḥ pári hetíḥ pakṣínī no vṛṇaktu ||2||

(AVŚ\_6,27.3a) hetíḥ pakṣínī ná dabhāty asmán āṣṭrí padám kṛṇute agnidhāne |

(AVŚ\_6,27.3c) śívó góbhya utá púruṣebhyo no astu má no devā ihá himsīt kapóta ||3||

(AVŚ\_6,28.1a) ṛcā kapótam nudata praṇódam íṣam mādantaḥ pári gām ṇayāmaḥ |

(AVŚ\_6,28.1c) samlobháyanto duritá padāni hitvá na úrjam prá padāt páthiṣṭhaḥ ||1||

(AVŚ\_6,28.2a) párīmé 'gním arṣata párīmé gām aneṣata |

(AVŚ\_6,28.2c) devéṣv akrata śrávaḥ ká imāṃ á dadharṣati ||2||

(AVŚ\_6,28.3a) yáḥ prathamáḥ pravátam āsasáda bahúbhyaḥ pánthām anupaspaśānáḥ |

(AVŚ\_6,28.3c) yó 'syéṣe dvipádo yás cátuṣpadas tásmāi yamáya námo astu mṛtyáve ||3||

(AVŚ\_6,29.1a) amún hetíḥ patatrínī ny ètu yád úlūko vādati moghám etát |

(AVŚ\_6,29.1c) yád vā kapóta padám agnáu kṛṇóti ||1||

(AVŚ\_6,29.2a) yáu te dūtáu nirṛta idám etó 'prahitau práhitau vā gṛhām naḥ |

(AVŚ\_6,29.2c) kapotolūkábhyām ápadaṃ tát astu ||2||

(AVŚ\_6,29.3a) avairahatyáyedám á papatyāt suvīrātāyā idám á sasadyāt |

(AVŚ\_6,29.3c) párān evá párā vada párācīm ánu samvátam |

(AVŚ\_6,29.3e) yáthā yamáya tvā gṛhé 'rasám praticákaśān ābhúkaṃ praticákaśān ||3||

(AVŚ\_6,30.1a) devā imāṃ mādhunā sám̐yutaṃ yávaṃ sárasvatyām  
ádhi mañāv acarkṛṣuḥ |  
(AVŚ\_6,30.1c) índra āsīt sīrapatiḥ śatákratuḥ kīnáśā āsan marútaḥ  
sudānavaḥ ||1||

(AVŚ\_6,30.2a) yás te mádo 'vakeśó vikeśó yénābhihásyaṃ púruṣaṃ  
kṛṇóṣi |  
(AVŚ\_6,30.2c) ārát tvád anyá vānāni vṛkṣi tvám śami śatávaśā ví  
roha ||2||

(AVŚ\_6,30.3a) bṛhatpalāśe súbhage vārṣavṛddha ítāvari |  
(AVŚ\_6,30.3c) mātéva putrébhyo mṛḍa kéśebhyaḥ śami ||3||

(AVŚ\_6,31.1a) áyāṃ gáuḥ pṛśnir akramīd áśadan mātáram puráh |  
(AVŚ\_6,31.1c) pitáram ca prayánt svàḥ ||1||

(AVŚ\_6,31.2a) antás carati rocanā asyá prāṇád apānatáh |  
(AVŚ\_6,31.2c) vy àkhyan mahiśáh svàḥ ||2||

(AVŚ\_6,31.3a) triṃśád dhāmā ví rājati vāk pataṅgó aśísríyat |  
(AVŚ\_6,31.3c) prāti vástor áhar dyúbhiḥ ||3||

(AVŚ\_6,32.1a) antardāvé juhuta sv ètád yātudhānakṣáyaṇaṃ  
ghṛténa |  
(AVŚ\_6,32.1c) ārád rákṣāṃsi prāti daha tvám agne ná no gṛhāṇām  
úpa tītapāsi ||1||

(AVŚ\_6,32.2a) rudró vo grīvā áśarait piśācāḥ pṛṣṭír vó 'pi śṛṇātu  
yātudhānāḥ |  
(AVŚ\_6,32.2c) vīrúd vo viśvátovīryā yaména sám ajīgamat ||2||

(AVŚ\_6,32.3a) ábhayaṃ mitrāvaruṇāv ihástu no 'rcíṣātrīṇo nudataṃ  
pratícaḥ |  
(AVŚ\_6,32.3c) mǎ jñātāraṃ mǎ pratiṣṭhām vidanta mithó vighnāná  
úpa yantu mṛtyúm ||3||

(AVŚ\_6,33.1a) yásyedám á rájo yújas tujé jánā návaṃ svàḥ |  
(AVŚ\_6,33.1c) índrasya rántyāṃ bṛhát ||1||  
(AVŚ\_6,33.2a) nádhr̥ṣa á dadhr̥ṣate dhr̥ṣāṇó dhr̥ṣitáh śávaḥ |  
(AVŚ\_6,33.2c) purá yáthā vyathíḥ śráva índrasya nádhr̥ṣe śávaḥ ||2||

(AVŚ\_6,33.3a) sá no dadātu tám rayím urúm piśáṅgasamḍṛśam |  
(AVŚ\_6,33.3c) índraḥ pátis tuvíṣṭamo jáneṣv ā ||3||

(AVŚ\_6,34.1a) práṅnáye vácām īraya vṛṣabhāya kṣitínām |  
(AVŚ\_6,34.1c) sá naḥ parṣad áti dvíṣaḥ ||1||

(AVŚ\_6,34.2a) yó rákṣāṃsi nijūrvaty agnís tigména śócíṣā |  
(AVŚ\_6,34.2c) sá naḥ parṣad áti dvíṣaḥ ||2||

(AVŚ\_6,34.3a) yáḥ párasyaḥ parāvátas tiró dhānvātirócate |  
(AVŚ\_6,34.3c) sá naḥ parṣad áti dvíṣaḥ ||3||

(AVŚ\_6,34.4a) yó víśvābhí vipáśyati bhúvanā sám ca páśyati |  
(AVŚ\_6,34.4c) sá naḥ parṣad áti dvíṣaḥ ||4||

(AVŚ\_6,34.5a) yó asyá pāré rájasaḥ śukró agnír ájāyata |  
(AVŚ\_6,34.5c) sá naḥ parṣad áti dvíṣaḥ ||5||

(AVŚ\_6,35.1a) vaiśvānaró na ūtāya ā prá yātu parāvataḥ |  
(AVŚ\_6,35.1c) agnír naḥ suṣṭutír úpa ||1||

(AVŚ\_6,35.2a) vaiśvānaró na ágamad imóḥ yajñám sajúr úpa |  
(AVŚ\_6,35.2c) agnír ukthéṣv áṃhasu ||2||

(AVŚ\_6,35.3a) vaiśvānaró 'ṅgirasām stómam ukthám ca cākṣat |  
(AVŚ\_6,35.3c) áiṣu dyumnám svār yamat ||3||

(AVŚ\_6,36.1a) ṛtāvānaḥ vaiśvānarám ṛtasya jyótiṣas pátim |  
(AVŚ\_6,36.1c) ájasraḥ gharmám īmahe ||1||

(AVŚ\_6,36.2a) sá víśvā práti cākṣat ṛtūṃr út srjate vaśí |  
(AVŚ\_6,36.2c) yajñasya váya uttirán ||2||

(AVŚ\_6,36.3a) agníḥ páreṣu dhāmasu kámo bhūtasya bhávyasya |  
(AVŚ\_6,36.3c) samrád éko ví rājati ||3||

(AVŚ\_6,37.1a) úpa práḡāt sahasrākṣó yuktvā śapátho rátham |  
(AVŚ\_6,37.1c) śaptāram anvichán máma víka ivāvímato gṛhám ||1||

(AVŚ\_6,37.2a) pári no vṛṇgdhi śapatha hradám agnír ivā dáhan |  
(AVŚ\_6,37.2c) śaptāram átra no jahi divó vṛkṣám ivāśániḥ ||2||

(AVŚ\_6,37.3a) yó naḥ śápād áśapataḥ śápato yás ca naḥ śápāt |  
(AVŚ\_6,37.3c) śúne péṣtram ivávakṣāmaṁ táṁ práty asyāmi  
mr̥tyáve ||3||

(AVŚ\_6,38.1a) simhé vyāghrá utá yá p̥dākau tvíṣir agnáu brāhmaṇé  
súrye yá |  
(AVŚ\_6,38.1c) índraṁ yá deví subhágā jajāna sá na áitu várcasā  
saṁvidāná ||1||

(AVŚ\_6,38.2a) yá hastíni dvīpíni yá híraṇye tvíṣir apsú góṣu yá  
púruṣeṣu |  
(AVŚ\_6,38.2c) índraṁ yá deví subhágā jajāna sá na áitu várcasā  
saṁvidāná ||2||

(AVŚ\_6,38.3a) ráthe akṣéṣv ṛṣabhásya vāje vāte parjānye váruṇasya  
śúṣme |  
(AVŚ\_6,38.3c) índraṁ yá deví subhágā jajāna sá na áitu várcasā  
saṁvidāná ||3||

(AVŚ\_6,38.4a) rājanyè dundubhāv áyatāyām áśvasya vāje  
púruṣasya māyáu |  
(AVŚ\_6,38.4c) índraṁ yá deví subhágā jajāna sá na áitu várcasā  
saṁvidāná ||4||

(AVŚ\_6,39.1a) yáso havír vardhatām índrajūtaṁ sahásravīryaṁ  
súbhṛtaṁ sáhaskṛtaṁ |  
(AVŚ\_6,39.1c) prasársrāṇam ánu dīrgháya cákṣase havíṣmantam  
mā vārdhaya jyeṣṭhátātaye ||1||

(AVŚ\_6,39.2a) áchā na índraṁ yaśásaṁ yaśobhir yaśasvínaṁ  
namasāná vidhema |  
(AVŚ\_6,39.2c) sá no rāsva rāṣṭrām índrajūtaṁ tásya te rātáu  
yaśásaḥ syāma ||2||

(AVŚ\_6,39.3a) yaśá índro yaśá agnír yaśáh sómo ajāyata |  
(AVŚ\_6,39.3c) yaśá víśvasya bhūtásya ahám asmi yaśástamaḥ ||3||

(AVŚ\_6,40.1a) ábhayaṁ dyāvāpṛthivī ihāstu nó 'bhayaṁ sómaḥ  
savitā naḥ kṛnotu |  
(AVŚ\_6,40.1c) ábhayaṁ no 'stūrv àntárikṣaṁ saptaṛṣīṇāṁ ca  
havíṣābhayaṁ no astu ||1||

(AVŚ\_6,40.2a) asmái grāmāya pradísas cátsra úrjam subhūtám  
svastī savitā naḥ kṛṇotu |  
(AVŚ\_6,40.2c) aśatr̥v índro ábhayaṁ naḥ kṛṇotv anyātra rājñām abhí  
yātu manyúḥ ||2||

(AVŚ\_6,40.3a) anamitrám no adharād anamitrám na uttarāt |  
(AVŚ\_6,40.3c) índrānamitrám naḥ paścād anamitrám purás kṛdhi ||  
3||

(AVŚ\_6,41.1a) mánase cétase dhiyá ákūtaya utá cíttaye |  
(AVŚ\_6,41.1c) matyái śrutāya cákṣase vidhéma havíṣā vayám ||1||

(AVŚ\_6,41.2a) apānāya vyānāya prāṇāya bhúridhāyase |  
(AVŚ\_6,41.2c) sárasvatyā uruvyáce vidhéma havíṣā vayám ||2||

(AVŚ\_6,41.3a) mǎ no hāṣiṣur iṣayo dáivyā yé tanūpá yé nas tanvās  
tanūjāḥ |  
(AVŚ\_6,41.3c) ámartyā mártyaṁ abhí naḥ sacadhvam áyur dhatta  
pratárám jīvāse naḥ ||3||

(AVŚ\_6,42.1a) áva jyám iva dhánvano manyúm tanomi te hṛdáh |  
(AVŚ\_6,42.1c) yáthā sámmanasau bhūtvá sákhāyāv iva sácāvahai ||  
1||

(AVŚ\_6,42.2a) sákhāyāv iva sácāvahā áva manyúm tanomi te |  
(AVŚ\_6,42.2c) adhás te áśmano manyúm úpāsyāmasi yó gurúḥ ||2||

(AVŚ\_6,42.3a) abhí tiṣṭhāmi te manyúm páṛṣṇyā prápadena ca |  
(AVŚ\_6,42.3c) yáthāvasó ná vádiṣo máma cittam upāyasi ||3||

(AVŚ\_6,43.1a) ayám darbhó vímanyukaḥ svāya cáraṇāya ca |  
(AVŚ\_6,43.1c) manyór vimanyukasyāyám manyuśámana ucyate ||  
1||

(AVŚ\_6,43.2a) ayám yó bhúrimūlaḥ samudrám avatíṣṭhati |  
(AVŚ\_6,43.2c) darbháh pṛthivyá útthito manyuśámana ucyate ||2||

(AVŚ\_6,43.3a) ví te hanavyām śaráṇim ví te múkhyām nayāmasi |  
(AVŚ\_6,43.3c) yáthāvasó ná vádiṣo máma cittám upāyasi ||3||

(AVŚ\_6,44.1a) ásthād dyáur ásthāt pṛthivy ásthād víśvam idám

jágat |

(AVŚ\_6,44.1c) ásthur vṛkṣá ūrdhvasvapnās tīṣṭhād rógo ayám táva ||  
1||

(AVŚ\_6,44.2a) śatám yá bheṣajáni te sahásraṃ sámgaṭāni ca |

(AVŚ\_6,44.2c) śréṣṭham āsrāvabheṣajám vásiṣṭham rogaṇáśanam ||  
2||

(AVŚ\_6,44.3a) rudráśya mútram asy amṛtasya nábhīḥ |

(AVŚ\_6,44.3c) viśāṇaká náma vá asi pitṛṇám múlād útthitā  
vātīkṛtanáśanī ||3||

(AVŚ\_6,45.1a) paró 'pehi manaspāpa kím áśastāni śamsasi |

(AVŚ\_6,45.1c) párehi ná tvā kāmāye vṛkṣám vánāni sám cara  
gr̥héṣu góṣu me mánah ||1||

(AVŚ\_6,45.2a) avaśásā niḥśásā yát parāśasopārimá jágrato yát  
svapāntah |

(AVŚ\_6,45.2c) agnír víśvāny ápa duṣkṛtāny ájuṣṭāny āré asmád  
dadhātu ||2||

(AVŚ\_6,45.3a) yád indra brahmaṇas paté 'pi mṛṣā cárāmasi |

(AVŚ\_6,45.3c) prácetā na āṅgirasó duritāt pātv āmhasah ||3||

(AVŚ\_6,46.1a) yó ná jīvó 'si ná mṛtó devānām amṛtagarbhó 'si  
svapna |

(AVŚ\_6,46.1c) varuṇānī te mātá yamáḥ pitárarur námāsi ||1||

(AVŚ\_6,46.2a) vidmá te svapna janítram devajāmīnám putró 'si  
yamāśya káraṇah |

(AVŚ\_6,46.2c) ántako 'si mṛtyúr asi tám tvā svapna táthā sám vidma  
sá nah svapna duṣvápnyāt pāhi ||2||

(AVŚ\_6,46.3a) yáthā kalám yáthā śaphám yátharṇám samnáyanti |

(AVŚ\_6,46.3c) evá duṣvápnyam sárvaṃ dviṣaté sám nayāmasi ||3||

(AVŚ\_6,47.1a) agníḥ prātaḥsavané pātv asmán vaiśvānaró viśvakṛd  
viśváśambhūḥ |

(AVŚ\_6,47.1c) sá nah pāvakó dráviṇe dadhātv áyuṣmantah  
sahábhakṣāḥ syāma ||1||

(AVŚ\_6,47.2a) víśve devá marúta índro asmán asmín dvitíye sávane

ná jahyuh |

(AVŚ\_6,47.2c) áyusmantah priyám eṣāṃ vādanto vayám devānām  
sumatáu syāma ||2||

(AVŚ\_6,47.3a) idám ṛṭīyaṃ sávanam kavīnām ṛténa yé camasám  
áirayanta |

(AVŚ\_6,47.3c) té saudhanvanāḥ svār ānaśānāḥ sviṣṭim no abhí  
vásyō nayantu ||3||

(AVŚ\_6,48.1a) śyenó 'si gāyatrāchandā ánu tvá rabhe |

(AVŚ\_6,48.1c) svastí mā sám vahāsyá yajñasyodṛci svāhā ||1||

(AVŚ\_6,48.2a) ṛbhúr asi jágachandā ánu tvá rabhe |

(AVŚ\_6,48.2c) svastí mā sám vahāsyá yajñasyodṛci svāhā ||2||

(AVŚ\_6,48.3a) vṛṣāsi triṣṭúpchandā ánu tvá rabhe |

(AVŚ\_6,48.3c) svastí mā sám vahāsyá yajñasyodṛci svāhā ||3||

(AVŚ\_6,49.1a) nahí te agne tanvāḥ krūrám ānámśa mārtyah |

(AVŚ\_6,49.1c) kapír babhasti téjanaṃ svām jarāyu gáur iva ||1||

(AVŚ\_6,49.2a) meṣá iva vái sám ca ví corv àcyase yád uttaradrāv  
úparaś ca khādataḥ |

(AVŚ\_6,49.2c) śīrṣṇá śíró 'psasāpso ardáyann aṃśún babhasti  
háritebhir āsábhiḥ ||2||

(AVŚ\_6,49.3a) suparṇá vācam akratópa dyávy ākharé kṛṣṇā iṣirā  
anartīṣuḥ |

(AVŚ\_6,49.3c) ní yán niyánti úparasya níṣkṛtiṃ purú réto dadhire  
sūryaśritaḥ ||3||

(AVŚ\_6,50.1a) hatám tardám samañkám ākhúm aśvinā chintám śíro  
ápi pṛṣṭīḥ śṛṇītam |

(AVŚ\_6,50.1c) yāvān néd ádān ápi nahyataṃ múkham áthābhayaṃ  
kṛṇutaṃ dhānyāya ||1||

(AVŚ\_6,50.2a) tárda hái pátaṅga hái jábhya há úpakvasa |

(AVŚ\_6,50.2c) brahmévāsaṃsthitam havír ānadanta imān yāvān  
áhiṃsanto apódita ||2||

(AVŚ\_6,50.3a) tárdāpate vághāpate tṛṣṭajambhā á śṛṇota me |

(AVŚ\_6,50.3c) yá āraṇyá vyadvará yé ké ca sthá vyadvarás tánt  
sárvān jambhayāmasi ||3||



(AVŚ\_6,51.1a) vāyóḥ pūtáḥ pavítreṇa pratyáñ sómo áti drutáḥ |  
(AVŚ\_6,51.1c) índrasya yújaḥ sákhā ||1||

(AVŚ\_6,51.2a) ápo asmān mātáraḥ sūdayantu ghṛténa no ghṛtapvāḥ  
punantu |  
(AVŚ\_6,51.2c) vísvaṃ hí riprám praváhanti devír úd íd ābhyaḥ súcir  
á pūtá emi ||2||

(AVŚ\_6,51.3a) yát kíṃ cedám varuṇa dáivye jáne 'bhidroháṃ  
manuṣyāś cáranti |  
(AVŚ\_6,51.3c) ácittyā cét táva dhárma yuyopimá má nas tásmā  
énaso deva rīṣaḥ ||3||

(AVŚ\_6,52.1a) út súryo divá eti puró rákṣāṃsi nijúrvaṇ |  
(AVŚ\_6,52.1c) ādityáḥ párvatebhyo vísvádr̥ṣṭo adr̥ṣṭahā ||1||

(AVŚ\_6,52.2a) ní gávō goṣṭhé asadan ní mṛgāso avikṣata |  
(AVŚ\_6,52.2c) ny ūrmáyo nadínam ny ādr̥ṣṭā alipsata ||2||

(AVŚ\_6,52.3a) āyurdádam vipaścítam śrutám kaṇvasya vīrúdhm |  
(AVŚ\_6,52.3c) ābhāriṣam vísvábheṣajīm asyādr̥ṣṭān ní śamayat ||3||

(AVŚ\_6,53.1a) dyáuś ca ma idám pṛthiví ca prácetasau śukró bṛhán  
dákṣiṇayā pipartu |  
(AVŚ\_6,53.1c) ánu svadhā cikitām sómo agnír vāyúr naḥ pātu savitā  
bhágaś ca ||1||

(AVŚ\_6,53.2a) púnaḥ prāṇáḥ púnar ātmā na áitu púnaś cákṣuḥ  
púnar ásur na áitu |  
(AVŚ\_6,53.2c) vaiśvānaró no ádadbdhas tanūpá antás tiṣṭhāti duritáni  
vísvā ||2||

(AVŚ\_6,53.3a) sám várcasā páyasā sám tanúbhir áganmahi mánasā  
sám śivéna |  
(AVŚ\_6,53.3c) tváṣṭā no átra várīyaḥ kṛṇotv ánu no mārṣṭu tanvò  
yád víriṣṭam ||3||

(AVŚ\_6,54.1a) idám tát yujá úttaram índram śumbhāmy áṣṭaye |  
(AVŚ\_6,54.1c) asyá kṣatrám śríyam mahím vṛṣṭír iva vardhayā  
tṛṇam ||1||

(AVŚ\_6,54.2a) asmái kṣatrám agnīṣomāv asmái dhārayataṃ rayím |  
(AVŚ\_6,54.2c) imóṃ rāṣṭrásyābhīvargé kṛṇutám yujá úttaram ||2||

(AVŚ\_6,54.3a) sábandhuś cásabandhuś ca yó asmáñ abhidásati |  
(AVŚ\_6,54.3c) sárvaṃ táṃ randhayāsi me yájamānāya sunvaté ||3||

(AVŚ\_6,55.1a) yé pánthāno bahávo devayānā antarā dyāvāpṛthiví  
saṃcāranti |  
(AVŚ\_6,55.1c) téṣāṃ ájyāniṃ yatamó váhāti tásmāi mā devāḥ pári  
dattehā sárve ||1||

(AVŚ\_6,55.2a) grīṣmó hemantāḥ śíśiro vasantāḥ śarád varṣāḥ svité  
no dādāta |  
(AVŚ\_6,55.2c) á no góṣu bhájatā prajáyāṃ nivātá íd vaḥ śaraṇé  
syāma ||2||

(AVŚ\_6,55.3a) idāvatsarāya parivatsarāya saṃvatsarāya kṛṇutā  
bṛhān námaḥ |  
(AVŚ\_6,55.3c) téṣāṃ vayāṃ sumatáu yajñíyānām ápi bhadré sau  
manasé syāma ||3||

(AVŚ\_6,56.1a) má no devā áhir vadhīt sátokānt sahápuruṣān |  
(AVŚ\_6,56.1c) sám yataṃ ná ví ṣparad vyáttam ná sám yaman námo  
devajanébhyaḥ |

(AVŚ\_6,56.2a) námo 'stv asitāya námas tíraścirājaye |  
(AVŚ\_6,56.2c) svajāya babhráve námo námo devajanébhyaḥ ||2||

(AVŚ\_6,56.3a) sám te hanmi datā datāḥ sám u te hánvā hánū |  
(AVŚ\_6,56.3c) sám te jihváyā jihváṃ sám v āsnāha āsyām ||3||

(AVŚ\_6,57.1a) idám íd vā u bheṣajám idám rudrásya bheṣajám |  
(AVŚ\_6,57.1c) yénéṣum ékatejanāṃ śatásalyām apabrát ||1||

(AVŚ\_6,57.2a) jālāṣēṇābhí ṣiñcata jālāṣēṇópa siñcata |  
(AVŚ\_6,57.2c) jālāṣám ugrám bheṣajám téna no mṛḍa jīvāse ||2||

(AVŚ\_6,57.3a) sám ca no máyaś ca no má ca naḥ kíṃ canāmamat |  
(AVŚ\_6,57.3c) kṣamá rápo víśvaṃ no astu bheṣajám sárvaṃ no astu  
bheṣajám ||3||

(AVŚ\_6,58.1a) yaśásam méndro maghávān kṛṇotu yaśásam  
dyāvāpṛthiví ubhé imé |

(AVŚ\_6,58.1c) yaśásam mā deváh savitá kṛṇotu priyó dātúr  
dákṣiṇāyā ihá syām ||1||

(AVŚ\_6,58.2a) yáthéndro dyāvāpṛthivyór yáśasvān yáthāpa  
óṣadhīṣu yáśasvatīḥ |

(AVŚ\_6,58.2c) evá víśveṣu devéṣu vayám sárveṣu yaśásaḥ syāma ||  
2||

(AVŚ\_6,58.3a) yaśá índro yaśá agnír yaśáh sómo ajāyata |

(AVŚ\_6,58.3c) yaśá víśvasya bhūtáśyāhám asmi yaśástamaḥ ||3||

(AVŚ\_6,59.1a) anaḍúdbhyas tvám prathamám dhenúbhyas tvám  
arundhati |

(AVŚ\_6,59.1c) ádhenave váyase śárma yacha cátuṣpade ||1||

(AVŚ\_6,59.2a) śárma yachatv óṣadhiḥ sahá devír arundhatí |

(AVŚ\_6,59.2c) kárat páyasvantaṁ goṣṭhám ayakṣmám utá púruṣān  
||2||

(AVŚ\_6,59.3a) viśvárūpām subhágām achāvadāmi jīvalām |

(AVŚ\_6,59.3c) sá no rudráśyāstām hetím dūrám nayatu góbhyaḥ ||  
3||

(AVŚ\_6,60.1a) ayám á yāty aryamá purástād víṣitastupaḥ |

(AVŚ\_6,60.1c) asyá ichánn agrúvai pátim utá jāyám ajānaye ||1||

(AVŚ\_6,60.2a) áśramad iyám aryamann anyāsām sámanaṁ yatí |

(AVŚ\_6,60.2c) aṅgó nv àryamann asyá anyāḥ sámanam áyati ||2||

(AVŚ\_6,60.3a) dhātá dādhāra pṛthivím dhātá dyām utá sūryam |

(AVŚ\_6,60.3c) dhātáśyá agrúvai pátim dádhātu pratikāmyām ||3||

(AVŚ\_6,61.1a) máhyam ápo mádhumad érayantām máhyam sūro  
abharaj jyótiṣe kám |

(AVŚ\_6,61.1c) máhyam devá utá víśve tapojá máhyam deváh savitá  
vyáco dhāt ||1||

(AVŚ\_6,61.2a) ahám viveca pṛthivím utá dyām ahám ṛtúm  
ajanāyam saptá sākám |

(AVŚ\_6,61.2c) ahám satyám ánṛtaṁ yád vādāmy ahám dáivīm pári  
vácām víśaś ca ||2||

(AVŚ\_6,61.3a) ahám jajāna pṛthivím utá dyām ahám ṛtúm

ajanayaṃ sapta sīndhūn |  
(AVŚ\_6,61.3c) ahāṃ satvām ānṛtaṃ yád vādāmi yó agnīṣomāv  
ājuṣe sákhāyā ||3||

(AVŚ\_6,62.1a) vaiśvānaró raśmíbhir naḥ punātu vātaḥ prāṇéneṣiró  
nábhobhiḥ |  
(AVŚ\_6,62.1c) dyāvāpṛthiví páyasā páyasvatī ṛtāvarī yajñiye na  
punītām ||1||

(AVŚ\_6,62.2a) vaiśvānarīm sūnṛtām á rabhadvam yásyā áśās tanvò  
vītáprṣṭhāḥ |  
(AVŚ\_6,62.2c) táyā grṇántaḥ sadhamádeṣu vayám syāma pátayo  
rayīnām ||2||

(AVŚ\_6,62.3a) vaiśvānarīm várcasa á rabhadvam súddhá  
bhávantaḥ súcayaḥ pāvakāḥ |  
(AVŚ\_6,62.3c) ihédayā sadhamádaṃ mádanto jyók paśyema sūryam  
uccárantam ||3||

(AVŚ\_6,63.1a) yát te deví nírṛtir ābabándha dāma grīvāsv  
avimokyám yát |  
(AVŚ\_6,63.1c) tát te ví ṣyāmy áyuṣe várcase bálāyādomadám  
ānnam addhi prásūtaḥ ||1||

(AVŚ\_6,63.2a) námo 'stu te nirṛte tigmatejo 'yasmáyān ví cṛtā  
bandhapāśān |  
(AVŚ\_6,63.2c) yamó máhyam púnar ít tvám dadāti tásmāi yamáya  
námo astu mṛtyáve ||2||

(AVŚ\_6,63.3a) ayasmáye drupadé bedhiṣa ihābhíhito mṛtyúbhir yé  
sahásram |  
(AVŚ\_6,63.3c) yaména tvám pitṛbhiḥ saṃvidāná uttamám nákam  
ádhi rohayemám ||3||

(AVŚ\_6,63.4a) sám sam íd yuvase vṛṣann ágne víśvāny aryá á |  
(AVŚ\_6,63.4c) idás padé sám idhyase sá no vásūny á bhara ||4||

(AVŚ\_6,64.1a) sám jānīdhvam sám pṛcyadhvam sám vo mánāṃsi  
jānatām |  
(AVŚ\_6,64.1c) devā bhāgám yáthā púrve samjānāná upāsate ||1||

(AVŚ\_6,64.2a) samānó mántraḥ sámītiḥ samānī samānám vratám  
sahá cittám eṣām |

(AVŚ\_6,64.2c) samānéna vo havíṣā juhomi samānám céto  
abhisám̐viśadhvam ||2||

(AVŚ\_6,64.3a) samānī va ákūtiḥ samānā́ hṛdayāni vaḥ |  
(AVŚ\_6,64.3c) samānám astu vo mánah yáthā vaḥ súśahāsati ||3||

(AVŚ\_6,65.1a) áva manyúr ávāyatāva bāhú manoyújā |  
(AVŚ\_6,65.1c) párāśara tvám̐ téṣām̐ párāñcam̐ súṣmam ardayādḥā  
no rayím̐ á kṛdhi ||1||

(AVŚ\_6,65.2a) nírḥastebhyo nairḥastám yám̐ devāḥ sárūm̐ ásyatha |  
(AVŚ\_6,65.2c) vṛścāmi sátrūñām̐ bāhún̐ anéna havíṣā 'hám ||2||

(AVŚ\_6,65.3a) índraś cakāra prathamám̐ nairḥastám̐ ásurebhyaḥ |  
(AVŚ\_6,65.3c) jáyantu sátvāno máma sthiréñendreṇa medínā ||3||

(AVŚ\_6,66.1a) nírḥastāḥ sátrur abhidāsann astu yé sénābhir  
yúdhām̐ āyānty asmān |  
(AVŚ\_6,66.1c) sám arpayendra mahatā vadhéna drátv̐ eṣām̐  
aghahāró víviddhaḥ ||1||

(AVŚ\_6,66.2a) ātanvāná āyāchantó 'syanto yé ca dhāvatha |  
(AVŚ\_6,66.2c) nírḥastāḥ sátravaḥ sthanéndro vo 'dyá párāśarīt ||2||

(AVŚ\_6,66.3a) nírḥastāḥ santu sátravó 'ñgaiṣām̐ mlāpayāmasi |  
(AVŚ\_6,66.3c) áthaiṣām̐ indra védāṃsi sátaśó ví bhajāmahai ||3||

(AVŚ\_6,67.1a) pári vártmāni śarvāta índraḥ pūṣā́ ca sasratuḥ |  
(AVŚ\_6,67.1c) múhyantv̐ adyā́múḥ sénā amitrāñām̐ parastarām̐ ||1||

(AVŚ\_6,67.2a) mūḍhá amítrās caratā́śīrṣāṇa iváhayaḥ |  
(AVŚ\_6,67.2c) téṣām̐ vo agnīmūḍhānām̐ índro hantu váram̐varam̐ ||  
2||

(AVŚ\_6,67.3a) áiṣu nahya vṛṣājínaṃ hariṇásya bhíyam̐ kṛdhi |  
(AVŚ\_6,67.3c) párāñ amítra éṣatv̐ arvácī gáur úpeṣatu ||3||

(AVŚ\_6,68.1a) áyām̐ agant̐ savitā́ kṣurén̐oṣṇéna vāya udakénéhi |  
(AVŚ\_6,68.1c) ādityā́ rudrá vásava undantu sáquetasah̐ sómasya  
rájño vapata prácetasah̐ ||1||

(AVŚ\_6,68.2a) áditiḥ śmáśru vapatv̐ āpa undantu várcasā |

(AVŚ\_6,68.2c) cíkitsatu prajāpatir dīrghāyutvāya cákṣase ||2||

(AVŚ\_6,68.3a) yénāvat savitā kṣurēṇa sómasya rájño váruṇasya vidvān |

(AVŚ\_6,68.3c) téna brahmāṇo vapatedám asyá gómān áśvavān ayám astu prajāvān ||3||

(AVŚ\_6,69.1a) girāv aragárāteṣu híranye góṣu yád yásaḥ |

(AVŚ\_6,69.1c) sūrāyām sicyámānāyām kílāle mādhu tán máyi ||1||

(AVŚ\_6,69.2a) áśvinā sāraghēṇa mā mādhunāṅktaṃ śubhas patī |

(AVŚ\_6,69.2c) yáthā bhárgasvatīm vácama āvādāni jánāṃ ánu ||2||

(AVŚ\_6,69.3a) máyi várco átho yásó 'tho yajñásya yát páyaḥ |

(AVŚ\_6,69.3c) tán máyi prajāpatir diví dyām iva dṛmhatu ||3||

(AVŚ\_6,70.1a) yáthā māṃsám yáthā sūrā yáthākṣá adhidévane |

(AVŚ\_6,70.1c) yáthā puṃsó vṛṣaṇyatá striyām nihanyáte mánaḥ |

(AVŚ\_6,70.1e) evá te aghnye mánó 'dhi vatsé ní hanyatām ||1||

(AVŚ\_6,70.2a) yáthā hastí hastinyāḥ padéna padám udyujé |

(AVŚ\_6,70.2c) yáthā puṃsó vṛṣaṇyatá striyām nihanyáte mánaḥ |

(AVŚ\_6,70.2e) evá te aghnye mánó 'dhi vatsé ní hanyatām ||2||

(AVŚ\_6,70.3a) yáthā pradhír yáthopadhír yáthā nábhyaṃ pradháv ádhi |

(AVŚ\_6,70.3c) yáthā puṃsó vṛṣaṇyatá striyām nihanyáte mánaḥ |

(AVŚ\_6,70.3e) evá te aghnye mánó 'dhi vatsé ní hanyatām ||3||

(AVŚ\_6,71.1a) yád ánnam ádmi bahudhá vírūpaṃ híraṇyam áśvam utá gām ajām ávim |

(AVŚ\_6,71.1c) yád evá kíṃ ca pratijagrāhāhám agníṣ ṭád dhótā súhutaṃ kṛnotu ||1||

(AVŚ\_6,71.2a) yán mā hutám áhutam ājagāma dattám pitṛbhir ánumataṃ manuṣyáih |

(AVŚ\_6,71.2c) yásmān me mána úd iva rárajīty agníṣ ṭád dhótā súhutaṃ kṛnotu ||2||

(AVŚ\_6,71.3a) yád ánnam ádmy ánṛtena devā dāsyánn ádāsyann utá saṃgrṇāmi |

(AVŚ\_6,71.3c) vaiśvānarásya maható mahimná śívam máhyaṃ mādhumad astv ánnam ||3||

(AVŚ\_6,72.1a) yáthāsitāḥ pratháyate vásām ánu vápūṃṣi kṛṇvānn  
ásurasya māyáyā |

(AVŚ\_6,72.1c) evá te śépaḥ sáhasāyám arkó 'ṅgenāṅgaṃ  
sám̐samakam̐ kṛṇotu ||1||

(AVŚ\_6,72.2a) yáthā pásas tāyādarām vātena sthūlabhām kṛtām |

(AVŚ\_6,72.2c) yávat párasvataḥ pásas távat te vardhatām pásah ||  
2||

(AVŚ\_6,72.3a) yāvadaṅgínam̐ párasvataṃ hástinaṃ gārdabham ca  
yát |

(AVŚ\_6,72.3c) yāvad áśvasya vājīnas távat te vardhatām pásah ||3||

(AVŚ\_6,73.1a) éhá yātu váruṇaḥ sómo agnír bṛhaspátir vásubhir éhá  
yātu |

(AVŚ\_6,73.1c) asyá śríyam upasám̐yāta sárva ugrásya cettúḥ  
sám̐manasaḥ sajātāḥ ||1||

(AVŚ\_6,73.2a) yó vaḥ súṣmo hṛdayeṣv antár ákūtir yá vo mánasi  
práviṣṭā |

(AVŚ\_6,73.2c) tánt sīvayāmi havíṣā ghṛténa máyi sajātā ramátir vo  
astu ||2||

(AVŚ\_6,73.3a) iháivá sta mápa yātādhy asmát pūṣá parástād  
ápatham vaḥ kṛṇotu |

(AVŚ\_6,73.3c) vāstoṣ pátir ánu vo johavītu máyi sajātā ramátih vo  
astu ||3||

(AVŚ\_6,74.1a) sám̐ vaḥ pṛcyantām̐ tanvāḥ sám̐ mánāṃsi sám̐ u  
vratā |

(AVŚ\_6,74.1c) sám̐ vo 'yám bráhmaṇas pátir bhágaḥ sám̐ vo  
ajīgamat ||1||

(AVŚ\_6,74.2a) samjñápanam̐ vo mánasó 'tho samjñápanam̐ hṛdāḥ |

(AVŚ\_6,74.2c) átho bhágasya yác chrāntām̐ téna sám̐jñapayāmi vaḥ  
||2||

(AVŚ\_6,74.3a) yáthādityá vásubhiḥ sambabhūvúr marúdbhir ugrá  
áhr̥ṇīyamānāḥ |

(AVŚ\_6,74.3c) evá triṇāmann áhr̥ṇīyamāna imán jánānt  
sám̐manasas kṛdhīhá ||3||

(AVŚ\_6,75.1a) nír amúm̐ nuda ókasaḥ sapátno yáḥ pṛtanyáti |  
(AVŚ\_6,75.1c) nairbādhyēna havíṣēndra enaṃ párāśarīt ||1||

(AVŚ\_6,75.2a) paramām̐ tám̐ parāvátam̐ índro nudatu vṛtrahá |  
(AVŚ\_6,75.2c) yáto ná púnar áyati śásvatībhyaḥ sámābhyaḥ ||2||

(AVŚ\_6,75.3a) étu tistráḥ parāváta étu páñca jánāṃ̐ áti |  
(AVŚ\_6,75.3c) étu tistró 'ti rocaná yáto ná púnar áyati |  
(AVŚ\_6,75.3e) śásvatībhyaḥ sámābhyo yávat sūryo ásad diví ||3||

(AVŚ\_6,76.1a) yá enaṃ pariśídanti samādádhati cákṣase |  
(AVŚ\_6,76.1c) sampréddho agnír jihvābhir úd etu hṛdayād ádhi ||1||

(AVŚ\_6,76.2a) agnéḥ sām̐tapanáśyāhám̐ áyuṣe padám̐ á rabhe |  
(AVŚ\_6,76.2c) addhātír yásya páśyati dhūmám̐ udyántam̐ āsyatáh̐ ||2||

(AVŚ\_6,76.3a) yó asya samídham̐ véda kṣatríyeṇa samāhitām̐ |  
(AVŚ\_6,76.3c) nābhihvāré padám̐ ní dadhāti sá mṛtyáve ||3||

(AVŚ\_6,76.4a) náinaṃ ghnanti paryāyíṇo ná sannāṃ̐ áva gachati |  
(AVŚ\_6,76.4c) agnér yáḥ kṣatríyo vidván̐ náma gr̥hnāti áyuṣe ||4||

(AVŚ\_6,77.1a) ásthād̐ dyáur̐ ásthāt̐ pṛthivy̐ ásthād̐ víśvam̐ idám̐  
jágat̐ |  
(AVŚ\_6,77.1c) āsthāne párvatā asthu sthām̐ny̐ áśvāṃ̐ atīṣṭhipam̐ ||1||

(AVŚ\_6,77.2a) yá udánat̐ paráyaṇam̐ yá udánaṇ̐ nyáyanam̐ |  
(AVŚ\_6,77.2c) āvartanam̐ nivartanam̐ yó gopá̐ ápi tám̐ huve ||2||

(AVŚ\_6,77.3a) jātavedo ní vartaya śatám̐ te santv̐ āvṛtaḥ |  
(AVŚ\_6,77.3c) sahásram̐ ta upāvṛtas̐ tábhir̐ naḥ púnar̐ á̐ kṛdhi ||3||

(AVŚ\_6,78.1a) téna bhūténa havíṣāyám̐ á̐ pyāyatām̐ púnaḥ |  
(AVŚ\_6,78.1c) jāyám̐ yám̐ asmā̐ ávākṣus̐ tám̐ rásenābhí vardhatām̐  
||1||

(AVŚ\_6,78.2a) abhí vardhatām̐ páyasābhi̐ rāṣṭréṇa vardhatām̐ |  
(AVŚ\_6,78.2c) rayyá̐ sahásravarcasemáu stām̐ ánupakṣitau ||2||



(AVŚ\_6,78.3a) tváṣṭā jāyām ajanayat tváṣṭāsyai tvām pátim |  
(AVŚ\_6,78.3c) tváṣṭā sahasram áyumuṣi dīrgham áyuh kṛṇotu vām ||  
3||

(AVŚ\_6,79.1a) ayām no nábhasas pátiḥ saṃsphāno abhí rakṣatu |  
(AVŚ\_6,79.1c) ásamātim gr̥héṣu naḥ ||1||

(AVŚ\_6,79.2a) tvām no nábhasas pate ūrjam gr̥héṣu dhāraya |  
(AVŚ\_6,79.2c) á puṣṭám etv á vásu ||2||

(AVŚ\_6,79.3a) déva saṃsphāna sahasrāpośasyeśiṣe |  
(AVŚ\_6,79.3c) tāsya no rāsva tāsya no dhehi tāsya te bhaktivāmsaḥ  
syāma ||3||

(AVŚ\_6,80.1a) antárikṣeṇa patati víśvā bhūtāvacākaśat |  
(AVŚ\_6,80.1c) súno divyāsya yán máhas ténā te havíṣā vidhema ||  
1||

(AVŚ\_6,80.2a) yé tráyaḥ kálakāñjá diví devā iva śritāḥ |  
(AVŚ\_6,80.2c) tánt sárvaṇ ahva ūtāye 'smā ariṣṭātātaye ||2||

(AVŚ\_6,80.3a) apsú te jánma diví te sadhástham samudré antár  
mahimā te pr̥thivyām |  
(AVŚ\_6,80.3c) súno divyāsya yán máhas ténā te havíṣā vidhema ||  
3||

(AVŚ\_6,81.1a) yantási yáchase hástāv ápa rákṣāṃsi sedhasi |  
(AVŚ\_6,81.1c) prajāṃ dhānaṃ ca gr̥hṇānāḥ parihastó abhūd ayām ||  
1||

(AVŚ\_6,81.2a) párihasta ví dhāraya yóniṃ gárbhāya dhātave |  
(AVŚ\_6,81.2c) máryāde putráṃ á dhehi tám tvám á gamayāgame ||  
2||

(AVŚ\_6,81.3a) yām parihastám ábibhar áditiḥ putrakāmyā |  
(AVŚ\_6,81.3c) tváṣṭā tám asyā á badhnād yáthā putráṃ jánād ||3||

(AVŚ\_6,82.1a) āgáchata āgatasya nāma gr̥hṇāmy āyatāḥ |  
(AVŚ\_6,82.1c) índrasya vṛtraghnó vanve vāsavāsya śatákratoḥ ||1||

(AVŚ\_6,82.2a) yéna sūryām sāvitrīm aśvínohātuḥ pathā |

(AVŚ\_6,82.2c) téna máṃ abravīd bhāgo jayā́m ā vahatād íti ||2||

(AVŚ\_6,82.3a) yás te 'ñkuśó vasudāno bṛhānn indra hiraṇyáyaḥ |  
(AVŚ\_6,82.3c) tēnā janiyaté jāyāṃ máhyaṃ dhehi śacīpate ||3||

(AVŚ\_6,83.1a) āpacitaḥ prá patata suparṇó vasatér iva |  
(AVŚ\_6,83.1c) sūryaḥ kṛṇótu bheṣajāṃ candráma vó 'pochatu ||1||

(AVŚ\_6,83.2a) ény ekā syény ekā kṛṣṇáikā róhiṇī dvé |  
(AVŚ\_6,83.2c) sárvasām ágrabhaṃ nāmāvīraghnīr ápetana ||2||

(AVŚ\_6,83.3a) asútikā rāmāyaṇy àpacít prá patiṣyati |  
(AVŚ\_6,83.3c) gláur itáḥ prá patiṣyati sá galuntó naśiṣyati ||3||

(AVŚ\_6,83.4a) vīhí svām āhutiṃ juṣāno mánasā svāhā mánasā yád  
idāṃ juhómi ||4||

(AVŚ\_6,84.1a) yásyās ta āsāni ghoré juhómy eṣāṃ baddhānām  
avasārjanāya kām |  
(AVŚ\_6,84.1c) bhūmir íti tvābhiprámanvate jánā nírṛtir íti tvāhāṃ  
pári veda sarvátaḥ ||1||

(AVŚ\_6,84.2a) bhūte havīṣmatī bhavaiṣá te bhāgó yó asmāsu |  
(AVŚ\_6,84.2c) muñcémān amún énaṣaḥ svāhā ||2||

(AVŚ\_6,84.3a) evó ṣv àsmán nirṛte 'nehá tvám ayasmáyān ví cṛtā  
bandhapāśān |  
(AVŚ\_6,84.3c) yamó máhyaṃ púnar ít tvám dadāti tásmāi yamáya  
námō astu mṛtyáve ||3||

(AVŚ\_6,84.4a) ayasmáye drupadé bedhiṣa ihābhíhito mṛtyúbhir yé  
sahāśram |  
(AVŚ\_6,84.4c) yaména tvám pitṛbhiḥ saṃvidāná uttamāṃ nákam  
ádhi rohayemám ||4||

(AVŚ\_6,85.1a) varaṇó vārayātā ayāṃ devó vánaśpátīḥ |  
(AVŚ\_6,85.1c) yákṣmo yó asmínn āviṣṭas tám u devā avīvaran ||1||

(AVŚ\_6,85.2a) índrasya vácasā vayāṃ mitrásya váruṇasya ca |  
(AVŚ\_6,85.2c) devānām sárveṣām vācá yákṣmaṃ te vārayāmahe ||  
2||

(AVŚ\_6,85.3a) yáthā vṛtrá imā āpas tastāmbha viśvādhā yatīḥ |

(AVŚ\_6,85.3c) evá te agnínā yákṣmaṃ vaiśvānaréṇa vāraye ||3||

(AVŚ\_6,86.1a) vṛṣéndrasya vṛṣā divó vṛṣā pṛthivyá ayám |  
(AVŚ\_6,86.1c) vṛṣā víśvasya bhūtásya tvám ekavṛṣó bhava ||1||

(AVŚ\_6,86.2a) samudrá īse sravátām agníḥ pṛthivyá vaśí |  
(AVŚ\_6,86.2c) candrámā náksatrāṇām īse tvám ekavṛṣó bhava ||2||

(AVŚ\_6,86.3a) samráḍ asy ásurāṇāṃ kakún manuṣyānām |  
(AVŚ\_6,86.3c) devānām ardhabhāḡ asi tvám ekavṛṣó bhava ||3||

(AVŚ\_6,87.1a) á tvāhārṣam antár abhūr dhruvás tiṣṭhāvicācalat |  
(AVŚ\_6,87.1c) víśas tvā sárvā vāñchantu má tvád rāṣṭrám ádhi  
bhraśat ||1||

(AVŚ\_6,87.2a) iháiváidhi mápa cyoṣṭhāḥ párvata ivāvicācalat |  
(AVŚ\_6,87.2c) índra ivehá dhruvás tiṣṭhehá rāṣṭrám u dhāraya ||2||

(AVŚ\_6,87.3a) índra etám adīdharat dhruvám dhruvéṇa havíṣā |  
(AVŚ\_6,87.3c) tásmāi sómo ádhi bravad ayám ca bráhmaṇas pátiḥ ||  
3||

(AVŚ\_6,88.1a) dhruvā dyáur dhruvā pṛthiví dhruvám víśvam idám  
jāgat |  
(AVŚ\_6,88.1c) dhruvāsaḥ párvatā imé dhruvó rājā viśám ayám ||1||

(AVŚ\_6,88.2a) dhruvám te rājā váruṇo dhruvám devó bṛhaspátiḥ |  
(AVŚ\_6,88.2c) dhruvám ta índraś cágnís ca rāṣṭrám dhārayatām  
dhruvám ||2||

(AVŚ\_6,88.3a) dhruvó 'cyutaḥ prá mṛṇīhi śátrūn chatrūyató 'dharān  
pādayasva |  
(AVŚ\_6,88.3c) sárvā dísaḥ sámmanasaḥ sadhrícīr dhruvāya te  
sámitiḥ kalpatām ihá ||3||

(AVŚ\_6,89.1a) idám yát preṇyāḥ síro dattám sómena vṛṣṇyam |  
(AVŚ\_6,89.1c) tátāḥ pári prájātena hárdim te sócayāmasi ||1||

(AVŚ\_6,89.2a) sócayāmasi te hárdim sócayāmasi te mánah |  
(AVŚ\_6,89.2c) vātaṃ dhūmá iva sadhryān mām evānv etu ye mánah  
||2||

(AVŚ\_6,89.3a) máhyaṃ tvā mitráváruṇau máhyaṃ deví sárasvatī |  
(AVŚ\_6,89.3c) máhyaṃ tvā mādhyāṃ bhúmyā ubháv ántau sám  
asyatām ||3||

(AVŚ\_6,90.1a) yám te rudrá íṣum áśyad áṅgebhyo hṛdayāya ca |  
(AVŚ\_6,90.1c) idám tám adyá tvád vayám víṣūcīm ví vṛhāmasi ||1||

(AVŚ\_6,90.2a) yás te sátám dhamánayó 'ṅgāny ánu víṣṭhitāḥ |  
(AVŚ\_6,90.2c) tāsām te sárvāsām vayám nír viṣāṇi hvayāmasi ||2||

(AVŚ\_6,90.3a) námas te rudráśyate námaḥ prátihitāyai |  
(AVŚ\_6,90.3c) námo visṛjyāmānāyai námo nípatitāyai ||3||

(AVŚ\_6,91.1a) imám yávam aṣṭāyogáih śadyogébhīr acarkṛṣuḥ |  
(AVŚ\_6,91.1c) tēnā te tanvò rápo 'pācīnam ápa vyaye ||1||

(AVŚ\_6,91.2a) nyàg vāto vāti nyàk tapati sūryaḥ |  
(AVŚ\_6,91.2c) nīcīnam aghnyā duhe nyàg bhavatu te rápaḥ ||2||

(AVŚ\_6,91.3a) ápa íd vā u bheṣajír ápo amīvacātānīḥ |  
(AVŚ\_6,91.3c) ápo víśvasya bheṣajís tās te kṛṇvantu bheṣajám ||3||

(AVŚ\_6,92.1a) vātaramhā bhava vājin yujāmāna índrasya yāhi  
prasāvé mánojavāḥ |  
(AVŚ\_6,92.1c) yuñjāntu tvā marúto víśvávedasa á te tvástā patsú  
javám dadhātu ||1||

(AVŚ\_6,92.2a) javás te arvan níhito gúhā yāḥ śyené vāte utá yó  
'carat párītaḥ |  
(AVŚ\_6,92.2c) téna tvám vājin bálavān bālenājīm jaya sámāne  
parayiṣṇúḥ ||2||

(AVŚ\_6,92.3a) tanúṣ te vājin tanvām náyantī vāmám asmábhyaṃ  
dhāvatu sárma túbhyam |  
(AVŚ\_6,92.3c) áhruto mahó dharúnāya devó divíva jyótiḥ svám á  
mimīyāt ||3||

(AVŚ\_6,93.1a) yamó mṛtyúr aghamāró nirṛthó babhrúḥ sárvó 'stā  
nílaśíkhaṇḍaḥ |  
(AVŚ\_6,93.1c) devajanāḥ sénayottasthivāṃsas té asmākaṃ pári

vṛñjantu vīrān ||1||

(AVŚ\_6,93.2a) mánasā hómair hárasā ghṛténa śarváyāstra utá rájñe bhavāya |

(AVŚ\_6,93.2c) namasyèbhyo náma ebhyaḥ kṛṇomy anyátrāsmád agháviṣā nayantu ||2||

(AVŚ\_6,93.3a) tráyadhvaṃ no agháviṣābhyo vadhád víśve devā maruto víśvavedasaḥ |

(AVŚ\_6,93.3c) agníśómā váruṇaḥ pūtadakṣā vātāparjanyaýoḥ sumatáu syāma ||3||

(AVŚ\_6,94.1a) sám vo mánāṃsi sám vratá sám ákūtīr namāmasi |

(AVŚ\_6,94.1c) amī yé vívratā sthāna tán vaḥ sám namayāmasi ||1||

(AVŚ\_6,94.2a) ahám gṛbhṇāmi mánasā mánāṃsi máma cittám ánu cittébhir éta |

(AVŚ\_6,94.2c) máma váśeṣu hṛdayāni vaḥ kṛṇomi máma yātám ánuvartmāna éta ||2||

(AVŚ\_6,94.3a) óte me dyāvāpṛthiví ótā deví sárasvatī |

(AVŚ\_6,94.3c) ótau ma índraś cāgnís ca rdhyāśmedám sarasvati ||3||

(AVŚ\_6,95.1a) ásvatthó devasádanas tṛtíasyām itó diví |

(AVŚ\_6,95.1c) tátṛāmṛtasya cákṣaṇam deváḥ kúṣṭham avanvata ||1||

(AVŚ\_6,95.2a) hiraṇyáyī náur acarad dhíraṇyabandhanā diví |

(AVŚ\_6,95.2c) tátṛāmṛtasya púṣpaṃ deváḥ kúṣṭham avanvata ||2||

(AVŚ\_6,95.3a) gárbho asy óṣadhīnām gárbho himávatām utá |

(AVŚ\_6,95.3c) gárbho víśvasya bhūtáśyemám me agadám kṛdhi ||3||

(AVŚ\_6,96.1a) yá óṣadhayaḥ sómarājñīr bahvīḥ śatávicakṣaṇāḥ |

(AVŚ\_6,96.1c) bṛhaspátiprasūtās tá no muñcantv áṃhasaḥ ||1||

(AVŚ\_6,96.2a) muñcántu mā śapathyād átho varuṇyād utá |

(AVŚ\_6,96.2c) átho yamáśya pádviśād víśvasmād devakilbiṣát ||2||

(AVŚ\_6,96.3a) yác cákṣuṣā mánasā yác ca vācópārimá jágrato yát svapāntaḥ |

(AVŚ\_6,96.3c) sómas táni svadháyā naḥ punātu ||3||

(AVŚ\_6,97.1a) abhibhūr yajñó abhibhūr agnír abhibhūḥ sómo  
abhibhūr índraḥ |

(AVŚ\_6,97.1c) abhy àhám viśvāḥ pṛtanā yáthásāny evá  
vidhemāgníhotrā idám havíḥ ||1||

(AVŚ\_6,97.2a) svadhāstu mitrāvaruṇā vipaścitā prajāvat kṣatráṃ  
mádhunehá pinvatam |

(AVŚ\_6,97.2c) bádhetthām dūrám níṛṛtiṃ parācáiḥ kṛtám cid énaḥ  
prá mumuktam asmát ||2||

(AVŚ\_6,97.3a) imám vīrám ánu harṣadhvam ugrám índraṃ sakhāyo  
ánu sám rabhadvham |

(AVŚ\_6,97.3c) grāmajítam gojítam vájrabāhum jáyantam ájma  
pramṛṇántam ójasā ||3||

(AVŚ\_6,98.1a) índro jayāti ná párā jayātā adhirājó rájasu rājayātai |

(AVŚ\_6,98.1c) carḁṛtya íḁyo vándyaś copasádyo namasyś bhavehá ||  
1||

(AVŚ\_6,98.2a) tvám indrādhirājāḥ śravasyús tvám bhūr abhíbhūtir  
jánānām |

(AVŚ\_6,98.2c) tvám dáivīr viśa imá ví rājāyuṣmat kṣatráṃ ajáram te  
astu ||2||

(AVŚ\_6,98.3a) prācyā diśás tvám indrāsi rájotódīcyā diśó vṛtrahan  
chatruhá 'si |

(AVŚ\_6,98.3c) yátra yánti srotyás táj jitám te dakṣiṇató vṛṣabhá eṣi  
hávyaḥ ||3||

(AVŚ\_6,99.1a) abhí tvendra várimataḥ purá tvāmhūraṇád dhuve |

(AVŚ\_6,99.1c) hváyāmy ugrám cettāram purúṇāmānam ekajám ||1||

(AVŚ\_6,99.2a) yó adyá sényo vadhó jíghāṃsan na udírate |

(AVŚ\_6,99.2c) índrasya táttra bāhú samantám pári dadmaḥ ||2||

(AVŚ\_6,99.3a) pári dadma índrasya bāhú samantám trātús trāyatām  
naḥ |

(AVŚ\_6,99.3c) déva savitaḥ sóma rājant sumánasaṃ mā kṛṇu  
svastáye ||3||

(AVŚ\_6,100.1a) devá aduḥ sūryo dyáur adāt pṛthivy àdāt |

(AVŚ\_6,100.1c) tisráḥ sárasvatir aduḥ sácittā viṣadúṣaṇam ||1||

(AVŚ\_6,100.2a) yád vo devā upajīkā ásiñcan dhánvany udakám |

(AVŚ\_6,100.2c) téna deváprasūtenedám dūṣayatā viṣám ||2||

(AVŚ\_6,100.3a) ásurānām duhitási sá devānām asi svásā |

(AVŚ\_6,100.3c) divás pṛthivyāḥ sám̐bhūtā sá cakarthārasám̐ viṣám ||3||

(AVŚ\_6,101.1a) á vṛṣāyasva śvasiḥ várdhasva prathāyasva ca |

(AVŚ\_6,101.1c) yathāṅgám vardhatām śépas téna yoṣítam íj jahi ||1||

(AVŚ\_6,101.2a) yéna kṛṣám vājáyanti yéna hinvánty áturam |

(AVŚ\_6,101.2c) ténāsyá brahmaṇas pate dhánur ivā tānayā pásah ||2||

(AVŚ\_6,101.3a) áhám tanomi te páso ádhi jyām iva dhánvani |

(AVŚ\_6,101.3c) krámasva ṛṣa iva rohítam ánavaglāyatā sádā ||3||

(AVŚ\_6,102.1a) yáthāyám vāhó ásvinā samáiti sám̐ ca vártate |

(AVŚ\_6,102.1c) evā mām̐ abhí te mánah samáitu sám̐ ca vartatām ||1||

(AVŚ\_6,102.2a) áhám khidāmi te máno rājāśvāḥ pṛṣṭyām iva |

(AVŚ\_6,102.2c) reṣmáchinnam yáthā tṛṇam máyi te veṣṭatām mánah ||2||

(AVŚ\_6,102.3a) áñjanasya madúghasya kúṣṭhasya náladasya ca |

(AVŚ\_6,102.3c) turó bhágasya hástābhyām anuródhanam úd bhare ||3||

(AVŚ\_6,103.1a) sam̐dānam vo bṛhaspátih sam̐dānam savitā karat |

(AVŚ\_6,103.1c) sam̐dānam mitró aryamā sam̐dānam bhágo ásvinā ||1||

(AVŚ\_6,103.2a) sám̐ paramānt sám̐ avamān átho sám̐ dyāmi

madhyamān |

(AVŚ\_6,103.2c) índras tán páry ahār dām̐nā tán agne sám̐ dyā tvám ||2||

(AVŚ\_6,103.3a) amí yé yúddham āyánti ketún̐ kṛtvānīkaśāḥ |

(AVŚ\_6,103.3c) índras tán páry ahār dām̐na tán agne sám̐ dyā tvám ||3||

(AVŚ\_6,104.1a) ādānena samdānenāmītrān ā dyāmasi |  
(AVŚ\_6,104.1c) apānā yé caiṣāṃ prāṇā āsunāsūnt sām achidan ||1||

(AVŚ\_6,104.2a) idām ādānam akaram tāpaséndreṇa sámśitam |  
(AVŚ\_6,104.2c) amītrā yé 'tra naḥ sánti tñ agna ā dyā tvām ||2||

(AVŚ\_6,104.3a) áinān dyatām indrāgní sómo rájā ca medínau |  
(AVŚ\_6,104.3c) índro marútvān ādānam amítrebhyaḥ kṛṇotu naḥ ||3||

(AVŚ\_6,105.1a) yáthā máno manasketáih parāpátaty āśumát |  
(AVŚ\_6,105.1c) evā tvām kāse prá pata mánasó 'nu pravāyyām ||1||

(AVŚ\_6,105.2a) yáthā bāṇaḥ súśamśitaḥ parāpátaty āśumát |  
(AVŚ\_6,105.2c) evā tvām kāse prá pata pṛthivyā ánu samvátam ||2||

(AVŚ\_6,105.3a) yáthā súryasya raśmáyaḥ parāpátanty āśumát |  
(AVŚ\_6,105.3c) evā tvām kāse prá pata samudrásyānu vikṣarām ||3||

(AVŚ\_6,106.1a) áyane te paráyane dúrvā rohantu puṣpínīḥ |  
(AVŚ\_6,106.1c) útso vā tatra jāyatām hradó vā puṇḍarīkavān ||1||

(AVŚ\_6,106.2a) apām idām nyáyanam samudrásya nivéśanam |  
(AVŚ\_6,106.2c) mádhya hradásya no gṛhāḥ parācínā múkhā kṛdhi ||2||

(AVŚ\_6,106.3a) himásya tvā jaráyuṇā śále pári vyayāmasi |  
(AVŚ\_6,106.3c) śítáhradā hí no bhúvo 'gníṣ kṛṇotu bheṣajām ||3||

(AVŚ\_6,107.1a) víśvajit trāyamāṇāyai mā pári dehi |  
(AVŚ\_6,107.1c) trāyamāṇe dvipác ca sárvaṃ no rākṣa cátuṣpāḍ yác ca naḥ svám ||1||

(AVŚ\_6,107.2a) trāyamāṇe víśvajíte mā pári dehi |  
(AVŚ\_6,107.2c) víśvajid dvipác ca sárvaṃ no rākṣa cátuṣpāḍ yác ca naḥ svám ||2||

(AVŚ\_6,107.3a) víśvajit kalyāṇyái mā pári dehi |  
(AVŚ\_6,107.3c) kályāṇi dvipác ca sárvaṃ no rākṣa cátuṣpāḍ yác ca



naḥ svám ||3||

(AVŚ\_6,107.4a) kályāṇi sarvavíde mā pári dehi |

(AVŚ\_6,107.4c) sárvauid dvipác ca sárvaṃ no rákṣa cátuṣpāḍ yác ca  
naḥ svám ||4||

(AVŚ\_6,108.1a) tvám no medhe prathamā góbhir áśvebhir á gahi |

(AVŚ\_6,108.1c) tvám sūryasya raśmíbhis tvám no asi yajñiyā ||1||

(AVŚ\_6,108.2a) medhām ahām prathamām bráhmaṇvatīm

bráhmajūtām řṣiṣṭutām |

(AVŚ\_6,108.2c) prápītām brahmacārībhir devānām ávase huve ||2||

(AVŚ\_6,108.3a) yām medhām řbhávo vidúr yām medhām ásurā  
vidúḥ |

(AVŚ\_6,108.3c) řṣayo bhadráṃ medhām yām vidús tám máyy á  
veśayāmasi ||3||

(AVŚ\_6,108.4a) yām řṣayo bhūtakṛto medhām medhāvíno vidúḥ |

(AVŚ\_6,108.4c) táyā mām adyá medháyágne medhāvínaṃ kṛṇu ||4||

(AVŚ\_6,108.5a) medhām sâyām medhām prātár medhām

madhyándinaṃ pári |

(AVŚ\_6,108.5c) medhām sūryasya raśmíbhir vácasā veśayāmahe ||  
5||

(AVŚ\_6,109.1a) pippalí kṣiptabheṣajy ùtātividhabheṣají |

(AVŚ\_6,109.1c) tám devāḥ sám akalpayann iyām jívitavā álam ||1||

(AVŚ\_6,109.2a) pippalyàḥ sám avadantāyatír jánanād ádhi |

(AVŚ\_6,109.2c) yām jīvám aśnāvāmahai ná sá řiṣyāti pūruṣaḥ ||2||

(AVŚ\_6,109.3a) ásurās tvā ny àkhanan devās tvód avapan púnaḥ |

(AVŚ\_6,109.3c) vātíkṛtasya bheṣajím átho kṣiptásya bheṣajím ||3||

(AVŚ\_6,110.1a) pratnó hí kám íḍyo adhvaréṣu sanác ca hótā návyas  
ca sátsi |

(AVŚ\_6,110.1c) svám cāgne tanvaṃ pipráyasvāsmábhyaṃ ca  
sáubhagam á yajasva ||1||

(AVŚ\_6,110.2a) jyeṣṭhaghnyām jātó vicṛtor yamásya mūlabárhaṇāt  
pári pāhy enam |

(AVŚ\_6,110.2c) áty enam neṣad duritāni víśvā dīrghāyutváya

śatásāradāya ||2||

(AVŚ\_6,110.3a) vyāghré 'hny ajaniṣṭa vīró nakṣatrajā jāyamānaḥ  
suvīraḥ |

(AVŚ\_6,110.3c) sá mǎ vadhīt pitāraṃ vārdhamāno mǎ mātāraṃ prá  
minīj jānitrīm ||3||

(AVŚ\_6,111.1a) imám me agne púruṣam mumugdhy ayám yó  
baddhāḥ súyato lálapīti |

(AVŚ\_6,111.1c) átó 'dhi te kṛṇavad bhāgadhéyaṃ yadānunmaditó  
'sati ||1||

(AVŚ\_6,111.2a) agniṣ ṭe ní śamayatu yádi te mǎna údyutam |

(AVŚ\_6,111.2c) kṛṇomi vidván bheṣajám yáthānunmaditó 'sasi ||2||

(AVŚ\_6,111.3a) devainasād únmaditam únmatam rákṣasas pári |

(AVŚ\_6,111.3c) kṛṇomi vidván bheṣajám yadānunmaditó 'sati ||3||

(AVŚ\_6,111.4a) púnas tvā dur apsarásaḥ púnar índraḥ púnar bhágaḥ  
|

(AVŚ\_6,111.4c) púnas tvā dur víśve devá yáthānunmaditó 'sasi ||4||

(AVŚ\_6,112.1a) mǎ jyeṣṭhám vadhīd ayám agna eṣám mūlabārhaṇāt  
pári páhy enam |

(AVŚ\_6,112.1c) sá gráhyāḥ pāsān ví cṛta prajānán túbhyaṃ devá  
ánu jānantu víśve ||1||

(AVŚ\_6,112.2a) ún muñca pāsāṃs tvám agna eṣám tráyas tribhír  
útsitā yébhír āsan |

(AVŚ\_6,112.2c) sá gráhyāḥ pāsān ví cṛta prajānán pitāputráu  
mātāraṃ muñca sárvān ||2||

(AVŚ\_6,112.3a) yébhīḥ pāsaiḥ párivitto víbaddhó 'ngeaṅga árpita  
útsitáś ca |

(AVŚ\_6,112.3c) ví té mucyantaṃ vimúco hí sánti bhrūṇagní pūṣan  
duritāni mṛkṣva ||3||

(AVŚ\_6,113.1a) trité devá amṛjataitád énas tritá enan manuṣyèṣu  
mamṛje |

(AVŚ\_6,113.1c) táto yádi tvā gráhir ānaśé tám te devá bráhmaṇā  
nāśayantu ||1||

(AVŚ\_6,113.2a) mārīcīr dhūmán prá viśānu pāpmann udārān  
gachotá vā nīhārān |

(AVŚ\_6,113.2c) nadīnaṃ phēnāṃ ānu tñ ví naśya bhrūṇaghñí  
pūṣaṇ duritāni mṛkṣva ||2||

(AVŚ\_6,113.3a) dvādaśadhā níhitam tritáśyāpamṛṣṭam  
manuṣyainasāni |  
(AVŚ\_6,113.3c) táto yádi tvā grāhir ānaśé tām te devā bráhmaṇā  
nāśayantu ||3||

(AVŚ\_6,114.1a) yád devā devahéḍanaṃ dévāsaś cakṛma vayám |  
(AVŚ\_6,114.1c) ādityās tasmān no yuyám ṛtasya ṛténa muñcata ||1||

(AVŚ\_6,114.2a) ṛtasya ṛtēnādityā yájantrā muñcátehá naḥ |  
(AVŚ\_6,114.2c) yajñám yád yajñavāhasaḥ śikṣanto nopaśekimá ||2||

(AVŚ\_6,114.3a) médaṣvatā yájamānāḥ srucājyāni júhvataḥ |  
(AVŚ\_6,114.3c) akāmā víśve vo devāḥ śikṣanto nopa śekima ||3||

(AVŚ\_6,115.1a) yád vidvāṃso yád ávidvāṃsa énāṃsi cakṛmā  
vayám |  
(AVŚ\_6,115.1c) yūyám nas tasmān muñcata víśve devāḥ sajoṣasaḥ  
||1||

(AVŚ\_6,115.2a) yádi jágrad yádi svápann éna enasyó 'karam |  
(AVŚ\_6,115.2c) bhūtám mā tasmād bhávyam ca drupadād iva  
muñcatām ||2||

(AVŚ\_6,115.3a) drupadād iva mumucānáḥ svinnáḥ snātvā málād iva  
|  
(AVŚ\_6,115.3c) pūtám pavítreṇevájyam víśve śumbhantu máinasah  
||3||

(AVŚ\_6,116.1a) yád yāmám cakrúr nikhánanto ágre kárṣīvaṇā  
annavído ná vidyáyā |  
(AVŚ\_6,116.1c) vaivasvaté rájani táj juhomy átha yajñíyam  
mádhumad astu nó 'nnam ||1||

(AVŚ\_6,116.2a) vaivasvatáḥ kṛṇavad bhāgadhéyam mádhubhāgo  
mádhunā sám sṛjāti |  
(AVŚ\_6,116.2c) mātúr yád éna iṣítam na ágan yád vā pitá 'parāddho  
jihīdé ||2||

(AVŚ\_6,116.3a) yádīdám mātúr yádi pitúr naḥ pári bhrātuḥ putrác  
cétasa éna ágan |

(AVŚ\_6,116.3c) yávanto asmán pitáraḥ sácante téṣāṃ sárveṣāṃ  
śivó astu manyúḥ ||3||

(AVŚ\_6,117.1a) apamítam ápratītam yád ásmi yamásya yéna  
balínā cárāmi |  
(AVŚ\_6,117.1c) idám tát agne anṛṇó bhavāmi tvám pásān vicṛtam  
vettha sárvaṇ ||1||

(AVŚ\_6,117.2a) iháivá sántaḥ práti dadma enaj jīvá jīvébhyo ní  
harāma enat |  
(AVŚ\_6,117.2c) apamítam dhānyam yáj jaghāsāhám idám tát agne  
anṛṇó bhavāmi ||2||

(AVŚ\_6,117.3a) anṛṇā asmínn anṛṇāḥ párasmin tṛtíye loké anṛṇāḥ  
syāma |  
(AVŚ\_6,117.3c) yé devayānāḥ pitṛyāṇas ca lokāḥ sárvaṇ pathó  
anṛṇā á kṣiyema ||3||

(AVŚ\_6,118.1a) yád dhástābhyām cakṛmá kílbīṣāṇy akṣāṇām  
gatnūm upalípsamānāḥ |  
(AVŚ\_6,118.1c) ugraṃpaśyé ugrajítam tát adyāpsarásāṇ ánu dattām  
ṛṇām naḥ ||1||

(AVŚ\_6,118.2a) úgraṃpaśye ráṣṭrabhṛt kílbīṣāṇi yád akṣāvṛttam ánu  
dattam na etát |  
(AVŚ\_6,118.2c) ṛṇān no ná ṛṇām értsamāno yamásya loké ádhirajjur  
áyat ||2||

(AVŚ\_6,118.3a) yásmā ṛṇām yásya jāyām upáimi yám yācamāno  
abhyáimi devāḥ |  
(AVŚ\_6,118.3c) té vācam vādiṣur móttarām mād dévapatnī  
āpsarasāṇ ádhītam ||3||

(AVŚ\_6,119.1a) yád ádīvyann ṛṇām ahám kṛṇómy ádāsyann agne  
utá saṃgṛṇāmi |  
(AVŚ\_6,119.1c) vaiśvānaró no adhipá vásiṣṭha úd ín nayāti  
sukṛtásya lokám ||1||

(AVŚ\_6,119.2a) vaiśvānarāya práti vedayāmi yádi ṛṇām saṃgaró  
devátāsu |  
(AVŚ\_6,119.2c) sá etán pásān vicṛtam veda sárvaṇ átha pakvéna  
sahá sám bhavema ||2||

(AVŚ\_6,119.3a) vaiśvānarāḥ pavitā mā punātu yāt saṃgarām  
abhidhāvāmy āśām |  
(AVŚ\_6,119.3c) ānājanan mānasā yācamāno yāt tātrāino āpa tát  
suvāmi ||3||

(AVŚ\_6,120.1a) yād antárikṣam pṛthivīm utá dyām yán mātáram  
pitáram vā jihimsimá |  
(AVŚ\_6,120.1c) ayám tásmād gárhapatyo no agnír úd ín nayāti  
sukṛtāsya lokám ||1||

(AVŚ\_6,120.2a) bhúmir mātáditir no janítram bhrátāntárikṣam  
abhíśastyā naḥ |  
(AVŚ\_6,120.2c) dyáur naḥ pitá pítryāc chám bhavāti jāmím ṛtvá  
máva patsi lokát ||2||

(AVŚ\_6,120.3a) yátrā suhárdah sukṛto mādanti vihāya rógam tanvāḥ  
svāyāḥ |  
(AVŚ\_6,120.3c) áślonā ángair áhrutāḥ svargé tatra paśyema pitárau  
ca putrán ||3||

(AVŚ\_6,121.1a) viśāṇā páśān ví ṣyādhy asmád yá uttamā adhamā  
vāruṇā yé |  
(AVŚ\_6,121.1c) duṣvápnyam duritám ní ṣvāsmád átha gachema  
sukṛtāsya lokám ||1||

(AVŚ\_6,121.2a) yád dāruṇi badhyáse yác ca rájivām yád bhúmyām  
badhyáse yác ca vācā |  
(AVŚ\_6,121.2c) ayám tásmād gárhapatyo no agnír úd ín nayāti  
sukṛtāsya lokám ||2||

(AVŚ\_6,121.3a) úd agātām bhágavatī vicṛtau náma tárake |  
(AVŚ\_6,121.3c) préhāmṛtasya yachatām práitu baddhakamócanam  
||3||

(AVŚ\_6,121.4a) ví jihīṣva lokám kṛṇu bandhān muñcāsi báddhakam |  
(AVŚ\_6,121.4c) yónyā iva prácyuto gárbhaḥ patháḥ sárvām ánu  
kṣiya ||4||

(AVŚ\_6,122.1a) etám bhāgām pári dadāmi vidván vísvakarman  
prathamajā ṛtasya |  
(AVŚ\_6,122.1c) asmábhír dattám jarásaḥ parástād áchinnaṃ tántum  
ánu sám tarema ||1||

(AVŚ\_6,122.2a) tatām tántum ánv éke taranti yéṣām dattām  
pítryām áyanena |  
(AVŚ\_6,122.2c) abandhv éke dádataḥ prayáchanto dátum céc  
chíkṣānt sá svargá evá ||2||

(AVŚ\_6,122.3a) anvārabhethām anusāmrbhethām etām lokām  
śraddādhānāḥ sacante |  
(AVŚ\_6,122.3c) yád vām pakvām páriveriṣṭam agnáu tásya gúptaye  
dampatī sám śrayethām ||3||

(AVŚ\_6,122.4a) yajñām yántam mánasā bṛhántam anvārohāmi  
tāpasā sáyoniḥ |  
(AVŚ\_6,122.4c) úpahūtā agne jarásaḥ parástāt tṛtíye náke  
sadhamaḍam madema ||4||

(AVŚ\_6,122.5a) śuddhāḥ pūtā yoṣito yajñíyā imā brahmāṇām  
hásteṣu prapṛthák sādāyāmi |  
(AVŚ\_6,122.5c) yátkāma idām abhiṣiñcāmi vo 'hām índro marútvānt  
sá dadātu tán me ||5||

(AVŚ\_6,123.1a) etām sadhasthāḥ pári vo dadāmi yām śevadhím  
āvāhāj jātāvedaḥ |  
(AVŚ\_6,123.1c) anvāgantā yájamānaḥ svastí tam sma jānīta paramé  
vyòman ||1||

(AVŚ\_6,123.2a) jānītā smainam paramé vyòman dévāḥ sádhassthā  
vidá lokām átra |  
(AVŚ\_6,123.2c) anvāgantā yájamānaḥ svastíṣṭāpūrtām sma  
kṛṇutāvír asmai ||2||

(AVŚ\_6,123.3a) dévāḥ pítarah pítaro dévāḥ |  
(AVŚ\_6,123.3c) yó ásmi só asmi ||3||

(AVŚ\_6,123.4a) sá pacāmi sá dadāmi |  
(AVŚ\_6,123.4c) sá yaje sá dattán má yūṣam ||4||

(AVŚ\_6,123.5a) náke rājan prāti tiṣṭha táttraitát prāti tiṣṭhatu |  
(AVŚ\_6,123.5c) viddhí pūrtásya no rājant sá deva sumánā bhava ||  
5||

(AVŚ\_6,124.1a) divó nú mām bṛható antárikṣād apām stokó abhy  
àpaptad rásena |  
(AVŚ\_6,124.1c) sám indriyéna páyasāhām agne chándobhir yajñáih  
sukṛtām kṛténa ||1||

(AVŚ\_6,124.2a) yádi vṛkṣād abhyápaptat phálam tád yády  
antárikṣāt sá u vāyúr evá |

(AVŚ\_6,124.2c) yátráspṛkṣat tanvò yác ca vásasa ápo nudantu  
nírṛtiṃ parācáiḥ ||2||

(AVŚ\_6,124.3a) abhyáñjanam surabhí sá sámṛddhir híraṇyam várcas  
tád u pūtrímam evá |

(AVŚ\_6,124.3c) sárvā pavítrā vítatādhy asmát tán mǎ tārīn nírṛtir mó  
árātiḥ ||3||

(AVŚ\_6,125.1a) vānaspate vīdvāṅgo hí bhūyā asmátsakhā  
pratāraṇaḥ suvīraḥ |

(AVŚ\_6,125.1c) góbhiḥ sámṇaddho asi vīḍāyasvāsthātā te jayatu  
jétvāni ||1||

(AVŚ\_6,125.2a) divás pṛthivyāḥ páry ója údbhṛtam vānaspátibhyaḥ  
páry ābhṛtam sáhaḥ |

(AVŚ\_6,125.2c) apám ojmānam pári góbhir ávṛtam indrasya vájram  
haviṣā rátham yaja ||2||

(AVŚ\_6,125.3a) índrasyáujo marútām ánīkam mitrásya gárbho  
váruṇasya nābhiḥ |

(AVŚ\_6,125.3c) sá imām no havydātiṃ juṣāṇó déva ratha prāti  
havyā gr̥bhāya ||3||

(AVŚ\_6,126.1a) úpa śvāsaya pṛthivīm utá dyám purutrā te vanvatām  
viṣṭhitam jágat |

(AVŚ\_6,126.1c) sá dundubhe sajúr índreṇa deváir dūrād dáviyo ápa  
sedha sátṛūn ||1||

(AVŚ\_6,126.2a) á krandaya bálam ójo na á dhā abhí ṣṭana duritā  
bādhamānaḥ |

(AVŚ\_6,126.2c) ápa sedha dundubhe duchúnām itá índrasya muṣṭír  
asi vīḍāyasva ||2||

(AVŚ\_6,126.3a) prāmúṃ jayābhímé jayantu ketumád dundubhír  
vāvadītu |

(AVŚ\_6,126.3c) sám ásvaparṇāḥ patantu no náro 'smákam indra  
rathíno jayantu ||3||

(AVŚ\_6,127.1a) vidradhásya balásasya lóhitasya vanaspate |

(AVŚ\_6,127.1c) visálpakasyauṣadhe móc chiṣaḥ piśítam caná ||1||

(AVŚ\_6,127.2a) yáu te balāsa tīṣṭhataḥ kákṣe muṣkāv ápaśritau |  
(AVŚ\_6,127.2c) védāhām táśya bheṣajām cīpúdrur abhicákṣaṇam ||  
2||

(AVŚ\_6,127.3a) yó áṅgyo yáḥ kárṇyo yó akṣyór visálpakaḥ |  
(AVŚ\_6,127.3c) ví vṛhāmo visálpakam vidradhām hṛdayāmayám |  
(AVŚ\_6,127.3e) párā tám ájñātam yákṣmam adharāñcam suvāmasi  
||3||

(AVŚ\_6,128.1a) śakadhūmam náḁṣatrāṇi yád rájānam ákurvata |  
(AVŚ\_6,128.1c) bhadráhām asmai práyachan idám rāṣṭrám ásād íti  
||1||

(AVŚ\_6,128.2a) bhadráhām no madhyāṁdine bhadráhām sâyám  
astu naḥ |  
(AVŚ\_6,128.2c) bhadráhām no áhnām prātá rátrī bhadráhām astu  
naḥ ||2||

(AVŚ\_6,128.3a) ahorātrābhyām náḁṣatrebhyaḥ  
suryācandramāsābhyām |  
(AVŚ\_6,128.3c) bhadráhām asmábhyam rājan chákadhūma tvám  
kṛdhi ||3||

(AVŚ\_6,128.4a) yó no bhadráhām ákaraḥ sâyám náktam atho dívā |  
(AVŚ\_6,128.4c) tásmāi te nakṣatrarāja śákadhūma sádā námaḥ ||4||

(AVŚ\_6,129.1a) bhágena mā śāmśapéna sākám índreṇa medínā |  
(AVŚ\_6,129.1c) kṛṇómi bhagínam māpa drāntv árātayaḥ ||1||

(AVŚ\_6,129.2a) yéna vṛkṣāṁ abhyábhavo bhágena várcasā sahá |  
(AVŚ\_6,129.2c) téna mā bhagínam kṛṇv ápa drāntv árātayaḥ ||2||

(AVŚ\_6,129.3a) yó andhó yáḥ punaḥsaró bhágo vṛkṣéśv áhitaḥ |  
(AVŚ\_6,129.3c) téna mā bhagínam kṛṇv ápa drāntv árātayaḥ ||3||

(AVŚ\_6,130.1a) rathajítām rāthajiteyínām apsarásām ayám smaráḥ |  
(AVŚ\_6,130.1c) dévāḥ prá hiṇuta smarám asáu mām ánu śocatu ||  
1||

(AVŚ\_6,130.2a) asáu me smaratād íti priyó me smaratād íti |  
(AVŚ\_6,130.2c) dévāḥ prá hiṇuta smarám asáu mām ánu śocatu ||  
2||



(AVŚ\_6,130.3a) yáthā máma smárād asáu nāmúṣyāhām kadā caná |  
(AVŚ\_6,130.3c) dévāḥ prá hiṇuta smarám asáu mām ánu śocatu ||  
3||

(AVŚ\_6,130.4a) ún mādayata maruta úd antarikṣa mādaya |  
(AVŚ\_6,130.4c) ágna ún mādayā tvám asáu mām ánu śocatu ||4||

(AVŚ\_6,131.1a) ní śīrṣató ní pattatā ādhyò ní tirāmi te |  
(AVŚ\_6,131.1c) dévāḥ prá hiṇuta smarám asáu mām ánu śocatu ||  
1||

(AVŚ\_6,131.2a) ánumate 'nv idám manyasvákute śám idám námaḥ |  
(AVŚ\_6,131.2c) dévāḥ prá hiṇuta smarám asáu mām ánu śocatu ||  
2||

(AVŚ\_6,131.3a) yád dhāvasi triyojanám pañcayojanám áśvinam |  
(AVŚ\_6,131.3c) tátas tvám púnar áyasi putráṇām no asaḥ pitá ||3||

(AVŚ\_6,132.1a) yám devāḥ smarám ásiñcann apsv àntáḥ  
śósucānaṃ sahādhyá |  
(AVŚ\_6,132.1c) tám te tapāmi váruṇasya dhármaṇā ||1||

(AVŚ\_6,132.2a) yám víśve devāḥ smarám ásiñcann apsv àntáḥ  
śósucānaṃ sahādhyá |  
(AVŚ\_6,132.2c) tám te tapāmi váruṇasya dhármaṇā ||2||

(AVŚ\_6,132.3a) yám indrāṇí smarám ásiñcad apsv àntáḥ śósucānaṃ  
sahādhyá |  
(AVŚ\_6,132.3c) tám te tapāmi váruṇasya dhármaṇā ||3||

(AVŚ\_6,132.4a) yám indrāgní smarám ásiñcatām apsv àntáḥ  
śósucānaṃ sahādhyá |  
(AVŚ\_6,132.4c) tám te tapāmi váruṇasya dhármaṇā ||4||

(AVŚ\_6,132.5a) yám mitráváruṇau smarám ásiñcatām apsv àntáḥ  
śósucānaṃ sahādhyá |  
(AVŚ\_6,132.5c) tám te tapāmi váruṇasya dhármaṇā ||5||

(AVŚ\_6,133.1a) yá imám devó mékhalām ābabándha yáḥ  
saṃnanāha yá u no yuyója |  
(AVŚ\_6,133.1c) yásya devásya praśíṣā cárāmaḥ sá pāram ichāt sá u  
no ví muñcāt ||1||

(AVŚ\_6,133.2a) áhutāsy abhíhuta řṣīṇām asy áyudham |  
(AVŚ\_6,133.2c) púrvā vratāsyā prāśnatī vīraghnī bhava mekhale ||  
2||

(AVŚ\_6,133.3a) mṛtyór ahām brahmacārī yád āsmi niryācan bhūtāt  
púruṣam yamāya |  
(AVŚ\_6,133.3c) tám ahām bráhmanā tāpasā śrámeṇānáyainam  
mékhalayā sināmi ||3||

(AVŚ\_6,133.4a) śraddhāyā duhitā tāpasó 'dhi jātā svāsā řṣīṇām  
bhūtakṛtām babhūva |  
(AVŚ\_6,133.4c) sá no mekhale matím á dhehi medhām átho no  
dhehī tāpa indriyām ca ||4||

(AVŚ\_6,133.5a) yām tvā púrve bhūtakṛta řṣayaḥ paribedhiré |  
(AVŚ\_6,133.5c) sá tvām pári řvajasva mām dīrghāyutvāya mekhale  
||5||

(AVŚ\_6,134.1a) ayām vājras tarpayatām řtāsyāvāsyā rāṣṭrām āpa  
hantū jīvitām |  
(AVŚ\_6,134.1c) śṛṇātu grīvāḥ prá śṛṇātūṣṇíhā vṛtrāsyeva śácīpátih ||  
1||

(AVŚ\_6,134.2a) ádharo'dhara úttarebhyo gūḍhāḥ pṛthivyā mót sṛpat  
|  
(AVŚ\_6,134.2c) vājreṇāvahataḥ śayām ||2||

(AVŚ\_6,134.3a) yó jināti tám ánricha yó jināti tám íj jahi |  
(AVŚ\_6,134.3c) jinató vajra tvām sīmántam anvāñcam ánu pātaya ||  
3||

(AVŚ\_6,135.1a) yád asnāmi bálam kurva itthām vājram á dade |  
(AVŚ\_6,135.1c) skandhān amúṣya śātāyan vṛtrāsyeva śácīpátih ||1||

(AVŚ\_6,135.2a) yát píbāmi sám pibāmi samudrá iva saṃpibāḥ |  
(AVŚ\_6,135.2c) prāṇān amúṣya saṃpāya sám pibāmo amúm vayám  
||2||

(AVŚ\_6,135.3a) yád gírāmi sám gírāmi samudrá iva saṃgiráḥ |  
(AVŚ\_6,135.3c) prāṇān amúṣya saṃgírya sám girāmo amúm vayám  
||3||

(AVŚ\_6,136.1a) devī devyām ádhi jātā pṛthivyām asy oṣadhe |

(AVŚ\_6,136.1c) tám tvā nitatni kéśebhyo dṛṃhaṇāya khanāmasi ||  
1||

(AVŚ\_6,136.2a) dṛṃha pratnān janáyājātān jātān u várṣīyasas kṛdhi  
||2||

(AVŚ\_6,136.3a) yás te kéśo 'vapádyate sámūlo yás ca vṛścáte |  
(AVŚ\_6,136.3c) idám tám viśvábheṣajyābhí ṣiñcāmi vīrúdhā ||3||

(AVŚ\_6,137.1a) yām jamádagnir ákhanad duhitré keśavárdhanīm |  
(AVŚ\_6,137.1c) tám vītáhavya ábharad ásitasya gṛhébhyaḥ ||1||

(AVŚ\_6,137.2a) abhísunā méyā āsan vyāménānuméyāḥ |  
(AVŚ\_6,137.2c) kēsā naḍā iva vardhantām śīrṣṇás te asitāḥ pári ||2||

(AVŚ\_6,137.3a) dṛṃha mūlam āgraṃ yacha ví mādhyam  
yāmāyauṣadhe |  
(AVŚ\_6,137.3c) kēsā naḍā iva vardhantām śīrṣṇás te asitāḥ pári ||3||

(AVŚ\_6,138.1a) tvām vīrúdhām śréṣṭhatamābhiśrutásy oṣadhe |  
(AVŚ\_6,138.1c) imám me adyá púruṣam klībám opaśínam kṛdhi ||1||

(AVŚ\_6,138.2a) klībám kṛdhy opaśínam átho kurīríṇam kṛdhi |  
(AVŚ\_6,138.2c) áthāsyéndro grāvabhyām ubhé bhinattv āṇḍyāu ||2||

(AVŚ\_6,138.3a) klíba klībám tvākaram vādhre vādhrim tvākaram  
árasārasám tvākaram |  
(AVŚ\_6,138.3c) kuríram asya śīrṣāṇi kúmbam cādhinídadhmasi ||3||

(AVŚ\_6,138.4a) yé te nāḍyāu devákr̥te yáyos tīṣṭhati vṛṣṇyam |  
(AVŚ\_6,138.4c) té te bhinadmi sám̐yayāmúṣyā ádhi muṣkáyoh ||4||

(AVŚ\_6,138.5a) yáthā naḍám kaśípune stríyo bhindánty áśmanā |  
(AVŚ\_6,138.5c) evá bhinadmi te sépo 'múṣyā ádhi muṣkáyoh ||5||

(AVŚ\_6,139.1a) nyastiká rurohitha ṣubhagamkáraṇī máma |  
(AVŚ\_6,139.1c) śatám táva pratānās tráyastriṃśan nitānāḥ ||  
(AVŚ\_6,139.1e) táyā sahasraparṇyá hṛdayam śoṣayāmi te ||1||

(AVŚ\_6,139.2a) śúṣyatu máyi te hṛdayam átho śúṣyatv āsyām |  
(AVŚ\_6,139.2c) átho ní śúṣya mām kámenátho śúṣkāsyā cara ||2||

(AVŚ\_6,139.3a) samvānanī samuṣpalā bābhru kályāṇi sám̐ nuda |

(AVŚ\_6,139.3c) amúṁ ca máṁ ca sám nuda samānám h́dayam  
kṛdhi ||3||

(AVŚ\_6,139.4a) yáthodakám ápapuṣo 'paśúṣyaty āsyām |  
(AVŚ\_6,139.4c) evá ní śuṣya máṁ kámenátho śúṣkāsyā cara ||4||

(AVŚ\_6,139.5a) yáthā nakuló vichídya saḿdádthāty áhiṁ púnah |  
(AVŚ\_6,139.5c) evá kāmasya víchinnaṁ sám dhehi vīryāvati ||5||

(AVŚ\_6,140.1a) yáu vyāghráv ávarūdhou jíghatsataḥ pitáram  
mātáram ca |  
(AVŚ\_6,140.1c) táu dántam brahmaṇas pate śívau kṛṇu jātavedaḥ ||  
1||

(AVŚ\_6,140.2a) vrīhím attam yávam attam átho máṣam átho t́lam |  
(AVŚ\_6,140.2c) eṣá vām bhāgó níhito ratnadhéyāya dantau mā  
hiṁsiṣṭam pitáram mātáram ca ||2||

(AVŚ\_6,140.3a) úpahūtau sayújau syonáu dantau sumaṅgálau |  
(AVŚ\_6,140.3c) anyáttra vām ghorám tanvāḥ páraitu dantau mā  
hiṁsiṣṭam pitáram mātáram ca ||3||

(AVŚ\_6,141.1a) vāyúr enāḥ samākarat tváṣṭā pósāya dhriyatām |  
(AVŚ\_6,141.1c) índra ābhyo ádhi bravad rudró bhūmné cikitsatu ||1||

(AVŚ\_6,141.2a) lóhitena svádhitinā mithunám kárṇayoḥ kṛdhi |  
(AVŚ\_6,141.2c) ákartām aśvinā lákṣma tát astu prajáyā bahú ||2||

(AVŚ\_6,141.3a) yáthā cakrúr devāsurá yáthā manuṣyā utá |  
(AVŚ\_6,141.3c) evá sahasrapoṣāya kṛṇutám lákṣmāśvinā ||3||

(AVŚ\_6,142.1a) úc chrayasva bahúr bhava svéna máhasā yava |  
(AVŚ\_6,142.1c) mṛṇīhí víśvā pátrāṇi má tvā divyáśánir vadhīt ||1||

(AVŚ\_6,142.2a) āśṛṇvántam yávam devám yátra tvāchāvádāmasi |  
(AVŚ\_6,142.2c) tát úc chrayasva dyáur iva samudrá iva idhy ákṣitaḥ  
||2||

(AVŚ\_6,142.3a) ákṣitās ta upasádó 'kṣitāḥ santu rāśáyah |  
(AVŚ\_6,142.3c) pṛṇánto ákṣitāḥ santv attáraḥ santv ákṣitāḥ ||3||

(AVŚ\_7,1.1a) dhītí vā yé ánayan vācó ágram mánasā vā yé 'vadann

ṛtāni |

(AVŚ\_7,1.1c) ṛṭīyena bráhmaṇā vāvṛdhānās turīyeṇāmanvata náma dhenóḥ ||1||

(AVŚ\_7,1.2a) sá veda putráḥ pitáraṃ sá mātáraṃ sá sūnúr bhuvat sá bhuvat púnarmaghaḥ |

(AVŚ\_7,1.2c) sá dyām aurnod antárikṣaṃ svàḥ sá idám víśvam abhavat sá ábharat ||2||

(AVŚ\_7,2.1a) átharvāṇaṃ pitáraṃ devábandhuṃ mātúr gárbhaṃ pitúr ásum yúvānam |

(AVŚ\_7,2.1c) yá imóḃ yajñám mánasā cikéta prá ṇo vocas tám ihéhá bravaḥ ||1||

(AVŚ\_7,3.1a) ayá viṣṭhá janáyan kárvarāṇi sá hí ghṛṇir urúr várāya gātúḥ |

(AVŚ\_7,3.1c) sá pratyúdaid dharúṇaṃ mádhvo ágraṃ sváyā tanvā tanvām airayata ||1||

(AVŚ\_7,4.1a) ékayā ca daśábhiś ca suhute dvábhyām iṣṭáye viṃśatyā ca |

(AVŚ\_7,4.1c) tiśṛbhiś ca váhase triṃśátā ca viyúgbhir vāya ihá tá ví muñca ||1||

(AVŚ\_7,5.1a) yajñéna yajñám ayajanta devás táni dhármāṇi prathamāny āsan |

(AVŚ\_7,5.1c) té ha nákaṃ mahimānaḥ sacanta yátra púrve sādhyāḥ sánti devāḥ ||1||

(AVŚ\_7,5.2a) yajñó babhūva sá á babhūva sá prá jajñe sá u vāvṛdhe púnaḥ |

(AVŚ\_7,5.2c) sá devánām ádhipatir babhūva só asmāsu dráviṇam á dadhātu ||2||

(AVŚ\_7,5.3a) yád devā deván havíṣā 'yajantámartyān mánasā martyena |

(AVŚ\_7,5.3c) mádema tátra paramé vyòman pásýema tád úditau súryasya ||3||

(AVŚ\_7,5.4a) yát púruṣeṇa havíṣā yajñám devā átanvata |

(AVŚ\_7,5.4c) asti nú tásmād ójīyo yád vihávyenejiré ||4||

(AVŚ\_7,5.5a) mugdhá devá utá súná 'yajantotá gór áṅgaiḥ purudhá  
'yajanta |  
(AVŚ\_7,5.5c) yá imám yajñám manasā cikéta prá ṇo vocas tám  
ihéhá bravaḥ ||5||

(AVŚ\_7,6.1a) áditir dyáur áditir antárikṣam áditir mātá sá pitá sá  
putráḥ |  
(AVŚ\_7,6.1c) víśve devá áditir páñca jánā áditir jātám áditir jánitvam  
||1||

(AVŚ\_7,6.2a) mahím ū śú mātáram suvratānām ṛtasya pátnīm ávase  
havāmahe |  
(AVŚ\_7,6.2c) tuvikṣatrām ajārantīm urūcīm suśármāṇam áditīm  
supráñītim ||2||

(AVŚ\_7,6.3a) sutrámanām pṛthivīm dyām anehásam suśármāṇam  
áditīm supráñītim |  
(AVŚ\_7,6.3c) dáivīm návam svaritrām ánāgasó ásravantīm á ruhema  
svastáye ||1||

(AVŚ\_7,6.4a) vājasya nú prasavé mātáram mahím áditīm náma  
vácasā karāmahe |  
(AVŚ\_7,6.4c) yásyā upásta urv antárikṣam sá naḥ śárma  
trivárūtham ní yachāt ||2||

(AVŚ\_7,7.1a) díteḥ putráṇām áditer akāriṣam áva devānām bṛhatām  
anarmāṇām |  
(AVŚ\_7,7.1c) téṣām hí dhāma gabhiṣák samudríyam náinān námasā  
paró āsti káścaná ||1||

(AVŚ\_7,8.1a) bhadrád ádhi śréyaḥ préhi bṛhaspátīḥ puraetá te astu |  
(AVŚ\_7,8.1c) áthemám asyá vára á pṛthivyá ārésatrum kṛṇuhi  
sárvavīram ||1||

(AVŚ\_7,9.1a) prápathe pathám ajaniṣṭa pūṣá prápathe diváḥ  
prápathe pṛthivyāḥ |  
(AVŚ\_7,9.1c) ubhé abhí priyátame sadhásthe á ca párā ca carati  
prajānán ||1||

(AVŚ\_7,9.2a) pūṣémá áśā ánu veda sárvāḥ só asmāñ  
ábhayatamena neṣat |

(AVŚ\_7,9.2c) svastidā āghṛṇiḥ sārvaṇīró 'prayuchan purá etu  
prajānān ||2||

(AVŚ\_7,9.3a) pūṣan táva vraté vayám ná riṣyema kadā caná |  
(AVŚ\_7,9.3c) stotāras ta ihá smasi ||3||

(AVŚ\_7,9.4a) pári pūṣā parástād dhástam dadhātu dákṣiṇam |  
(AVŚ\_7,9.4c) púnar no naṣtām ájatu sám naṣténa gamemahi ||4||

(AVŚ\_7,10.1a) yás te stánaḥ śaśayúr yó mayobhúr yáḥ sumnayúḥ  
suhávo yáḥ sudátraḥ |  
(AVŚ\_7,10.1c) yéna víśvā púṣyasi váryāṇi sárasvati tám ihá dhátave  
kaḥ ||1||

(AVŚ\_7,11.1a) yás te pṛthú stanayitnúr yá ṛṣvó dáivaḥ ketúr víśvam  
ābhūṣatídám |  
(AVŚ\_7,11.1c) mā no vadhīr vidyútā deva sasyám móta vadhī  
raśmībhiḥ sūryasya ||1||

(AVŚ\_7,12.1a) sabhá ca mā sámītiś cāvatām prajāpater duhitārau  
saṃvidāné |  
(AVŚ\_7,12.1c) yénā saṃgáchā úpa mā sá śikṣāc cáru vadāni pitarāḥ  
sámgateṣu ||1||

(AVŚ\_7,12.2a) vidmá te sabhe nāma naríṣṭā nāma vā asi |  
(AVŚ\_7,12.2c) yé te ké ca sabhāsádas te me santu sávācasah ||2||

(AVŚ\_7,12.3a) eṣám ahám samāsīnānām várco vijñānam á dade |  
(AVŚ\_7,12.3c) asyáḥ sárvasyāḥ saṃsádo mām indra bhagínam kṛṇu  
||3||

(AVŚ\_7,12.4a) yád vo mánaḥ párāgatam yád baddhám ihá vehá vā |  
(AVŚ\_7,12.4c) tát va á vartayāmasi máyi vo ramatām mánaḥ ||4||

(AVŚ\_7,13.1a) yáthā sūryo náksatrāṇām udyáms téjāmsy ādadé |  
(AVŚ\_7,13.1c) evá strīṇām ca puṃsām ca dviṣatām várca á dade ||  
1||

(AVŚ\_7,13.2a) yāvanto mā sapátnānām āyántam pratipásyatha |  
(AVŚ\_7,13.2c) udyánt sūrya iva suptānām dviṣatām várca á dade ||  
2||

(AVŚ\_7,14.1a) abhí tyám devám savitāram onyòḥ kavíkratum |  
(AVŚ\_7,14.1c) árcāmi satyāsavaṃ ratnadhām abhí priyám matím ||1||

(AVŚ\_7,14.2a) urdhvā yásyāmátir bhā ádidyutat sāvīmani |  
(AVŚ\_7,14.2c) hiraṇyapāṇir amimīta sukrātuḥ kṛpāt svāḥ ||2||

(AVŚ\_7,14.3a) sāvīr hí deva prathamāya pitré varṣmāṇam asmai  
varimāṇam asmai |  
(AVŚ\_7,14.3c) áthāsmábhyaṃ savitar vāryāṇi divódiva á suvā bhūri  
paśvāḥ ||3||

(AVŚ\_7,14.4a) dāmūnā devāḥ savitā váreṇyo dádhad rátṇam  
pitṛbhya áyūṃṣi |  
(AVŚ\_7,14.4c) píbāt sómaṃ mamádad enam iṣṭé párijmā cit  
kramāte asya dhármaṇi ||4||

(AVŚ\_7,15.1a) tám savitaḥ satyāsavāṃ sucitrām áhām vṛṇe  
sumatīm vísvāvārām |  
(AVŚ\_7,15.1c) yám asya káṇvo áduhat prápīnām sahásradhārām  
mahiśó bhágāya ||1||

(AVŚ\_7,16.1a) bṛhaspate sāvitar vardháyainam jyotáyainam mahaté  
sáubhagāya |  
(AVŚ\_7,16.1c) sámśitam cit samtarām sám śísādhi víśva enam ánu  
madāntu devāḥ ||1||

(AVŚ\_7,17.1a) dhātā dadhātu no rayím íśāno jágatas pátiḥ |  
(AVŚ\_7,17.1c) sá naḥ pūrṇéna yachatu ||1||

(AVŚ\_7,17.2a) dhātā dadhātu dāsúṣe prácīm jīvátum ákṣitām |  
(AVŚ\_7,17.2c) vayám devásya dhīmahi sumatīm vísvárādhasaḥ ||2||

(AVŚ\_7,17.3a) dhātā víśvā vāryā dadhātu prajākāmāya dāsúṣe  
duroṇé |  
(AVŚ\_7,17.3c) tásmāi devā amṛtam sám vyayantu víśve devā áditiḥ  
sajóṣāḥ ||3||

(AVŚ\_7,17.4a) dhātā rātíḥ savitédām juṣantām prajāpatir nidhípatir  
no agníḥ |



(AVŚ\_7,17.4c) tváṣṭā víṣṇuḥ prajāyā saṃrarāṇó yájamānāya  
dráviṇaṃ dadhātu ||4||

(AVŚ\_7,18.1a) prá nabhasva pṛthivi bhinddhīdām divyām nábhaḥ |  
(AVŚ\_7,18.1c) udnó divyásya no dhātar íśāno ví ṣyā dṛtim ||1||

(AVŚ\_7,18.2a) ná ghrāṃs tatāpa ná himó jaghāna prá nabhatām  
pṛthivī jīrādānuḥ |  
(AVŚ\_7,18.2c) āpaś cid asmai ghṛtām ít kṣaranti yātra sómaḥ sādām  
ít tātra bhadram ||2||

(AVŚ\_7,19.1a) prajāpatir janayati prajā imā dhātā dadhātu  
sumanasyāmānaḥ |  
(AVŚ\_7,19.1c) saṃjānānāḥ sāmmanasaḥ sáyonayo máyi puṣtām  
puṣṭápátir dadhātu ||1||

(AVŚ\_7,20.1a) ánv adyá nó 'numatir yajñām devéṣu manyatām |  
(AVŚ\_7,20.1c) agnís ca havyavāhano bhāvatām dāsúṣe máma ||1||

(AVŚ\_7,20.2a) ánv íd anumate tvām máṃsase sám ca nas kṛdhi |  
(AVŚ\_7,20.2c) júṣásva havyām áhutaṃ prajāṃ devi rarāsva naḥ ||2||

(AVŚ\_7,20.3a) ánu manyatām anumānyamānaḥ prajāvantām rayím  
ákṣīyamānam |  
(AVŚ\_7,20.3c) tásya vayām héḍasi māpi bhūma sumṛḍiké asya  
sumatáu syāma ||3||

(AVŚ\_7,20.4a) yát te nāma suhávaṃ supraṇíté 'numate ánumataṃ  
sudānu |  
(AVŚ\_7,20.4c) ténā no yajñām pipṛhi vísvavāre rayím no dhehi  
subhage suvīram ||4||

(AVŚ\_7,20.5a) émám yajñām ánumatir jagāma sukṣetrátāyai  
suvīrátāyai sújātam |  
(AVŚ\_7,20.5c) bhadrá hy àsyāḥ prámatir babhūva sémám yajñām  
avatu devágopā ||5||

(AVŚ\_7,20.6a) ánumatiḥ sárvaṃ idām babhūva yát tíṣṭhati cárati  
yád ū ca vísvam éjati |  
(AVŚ\_7,20.6c) tásyās te devi sumatáu syāmānumate ánu hí  
máṃsase naḥ ||6||

(AVŚ\_7,21.1a) saméta víśve vácasā pátiṃ divá éko vibhūr átithir  
jánānām |  
(AVŚ\_7,21.1c) sá pūrvyó nūtanam āvívāsat táṃ vartanír ānu vāvṛta  
ékam ít purú ||1||

(AVŚ\_7,22.1a) ayāṃ sahásram á no dṛśé kavīnām matír jyótir  
vídharmaṇi ||1||

(AVŚ\_7,22.2a) bradhnāḥ samícīr uśásaḥ sám airayan |  
(AVŚ\_7,22.2c) arepásaḥ sácetasā svásare manyumáttamās cité  
góḥ ||2||

(AVŚ\_7,23.1a) dáuṣyapnyam dāurjīvityaṃ rākṣo abhvām arāyyāḥ |  
(AVŚ\_7,23.1c) durñāmnīḥ sārīvā durvācas tā asmān nāśayāmasi ||1||

(AVŚ\_7,24.1a) yān na índro ákhanad yád agnír víśve devā marúto  
yát svarkāḥ |  
(AVŚ\_7,24.1c) tát asmábhyaṃ savitā satyádharmaḥ prajāpatir  
ānumatir ní yachāt ||1||

(AVŚ\_7,25.1a) yáyor ójasā skabhitā rájāṃsi yáu vīryáir vīrātāmā  
śāviṣṭhā |  
(AVŚ\_7,25.1c) yáu pátyete ápratītau sáhobhir víṣṇum agan váruṇaṃ  
pūrváhūtiḥ ||1||

(AVŚ\_7,25.2a) yásyedāṃ pradīsi yád virócate prá cānati ví ca cáṣṭe  
śácībhiḥ |  
(AVŚ\_7,25.2c) purā devāsya dhármaṇā sáhobhir víṣṇum agan  
váruṇaṃ pūrváhūtiḥ ||2||

(AVŚ\_7,26.1a) víṣṇor nú kaṃ prá vocaṃ vīryāṇi yāḥ párthivāni  
vimamé rájāṃsi |  
(AVŚ\_7,26.1c) yó áskabhāyad úttaraṃ sadhásthāṃ vicakramāṇás  
tredhórugāyāḥ ||1||

(AVŚ\_7,26.2a) prá tát víṣṇu stavate vīryāṇi mṛgó ná bhīmāḥ kucaró  
giriṣṭhāḥ |  
(AVŚ\_7,26.2c) parāvāta á jagamyāt párasyaḥ ||2||

(AVŚ\_7,26.3a) yásyorúṣu triṣú vikrámaneṣv adhikṣiyānti bhúvanāni

víśvā |

(AVŚ\_7,26.3c) urú viṣṇo ví kramasvorú kṣáyāya nas kṛdhi |

(AVŚ\_7,26.3e) ghṛtām ghṛtayone piba prápra yajñápatiṃ tira ||3||

(AVŚ\_7,26.4a) idām víṣṇur ví cakrame tredhá ní dadhe padá |

(AVŚ\_7,26.4c) sámūḍham asya paṃsuré ||4||

(AVŚ\_7,26.5a) tríṇi padá ví cakrame víṣṇur gopá ádābhyaḥ |

(AVŚ\_7,26.5c) itó dhārmāṇi dhārāyan ||5||

(AVŚ\_7,26.6a) víṣṇoḥ kármāṇi paśyata yáto vratāni paspasé |

(AVŚ\_7,26.6c) índrasya yújyaḥ sákhā ||6||

(AVŚ\_7,26.7a) tát víṣṇoḥ paramām padām sádā paśyanti sūrāyaḥ |

(AVŚ\_7,26.7c) divíva cákṣur átataṃ ||7||

(AVŚ\_7,26.8a) divó viṣṇa utá pṛthivyá mahó viṣṇa urór antárikṣāt |

(AVŚ\_7,26.8c) hástau pṛṇasva bahúbhir vasavyáir āpráyacha  
dákṣiṇād ótá savyāt ||8||

(AVŚ\_7,27.1a) íḍaivásmāñ ánu vastām vraténa yásyāḥ padé punáte  
devayántaḥ |

(AVŚ\_7,27.1c) ghṛtápadī śákvarī sómapṛṣṭhópa yajñám asthita  
vaiśvādeví ||1||

(AVŚ\_7,28.1a) vedāḥ svastír drughaṇāḥ svastíḥ paraśúr védiḥ  
paraśúr naḥ svastí |

(AVŚ\_7,28.1c) haviṣkṛto yajñiyā yajñákāmās te devāso yajñám  
imām juṣantām ||1||

(AVŚ\_7,29.1a) ágnāviṣṇū máhi tát vām mahitvám pāthó ghṛtásya  
gúhyasya náma |

(AVŚ\_7,29.1c) dámedame saptá rátnā dádhanāu práti vām jihvá  
ghṛtām á caraṇyāt ||1||

(AVŚ\_7,29.2a) ágnāviṣṇū máhi dhāma priyám vām vīthó ghṛtásya  
gúhyā juṣāṇáu |

(AVŚ\_7,29.2c) dámedame suṣṭutyá vāvṛdhānāu práti vām jihvá  
ghṛtām úc caraṇyāt ||2||

(AVŚ\_7,30.1a) sváктаṃ me dyāvāpṛthiví sváктаṃ mitró akar ayám |

(AVŚ\_7,30.1c) sváктаṃ me bráhmaṇas pátiḥ sváктаṃ savitá karat ||  
1||

(AVŚ\_7,31.1a) índrotíbhir bahulābhir no adyá yāvacchreṣṭhābhir  
maghavan chūra jinva |  
(AVŚ\_7,31.1c) yó no dvēṣṭy ádhara sás padīṣṭa yám u dviṣmās tám  
u prāṇó jahātu ||1||

(AVŚ\_7,32.1a) úpa priyám pánipnatam yúvānam āhutivṛdham |  
(AVŚ\_7,32.1c) áganma bíbhrato námo dīrghám áyuhṛ kṛṇotu me ||1||

(AVŚ\_7,33.1a) sám mā siñcantu marútaḥ sám pūṣá sám bṛhaspátih |  
(AVŚ\_7,33.1c) sám mâyám agníḥ siñcatu prajāyā ca dhánena ca  
dīrghám áyuhṛ kṛṇotu me ||1||

(AVŚ\_7,34.1a) ágne jātān prá ṇudā me sapátnān práty ájātān  
jātavedo nudasva |  
(AVŚ\_7,34.1c) adhaspadám kṛṇuṣva yé pṛtanyávó 'nāgasas té  
vayám áditaye syāma ||1||

(AVŚ\_7,35.1a) prānyānt sapátnānt sáhasā sáhasva práty ájātān  
jātavedo nudasva |  
(AVŚ\_7,35.1c) idám rāṣṭráṃ pipṛhi sáubhagāya víśva enam ánu  
madāntu devāḥ ||1||

(AVŚ\_7,35.2a) imá yás te śatám hiráh sahásraṃ dhamánīr utá |  
(AVŚ\_7,35.2c) tāsām te sárvāsām ahám áśmanā bílam ápy adhām ||  
2||

(AVŚ\_7,35.3a) páraṃ yóner ávaram te kṛṇomi má tvā prajābhí bhūn  
mótá sútuḥ |  
(AVŚ\_7,35.3c) asvám tvāprajasam kṛṇomy ásmānam te apidhānam  
kṛṇomi ||3||

(AVŚ\_7,36.1a) akṣyāu nau mádhusamkāśe ánīkam nau samáñjanam  
|  
(AVŚ\_7,36.1c) antáh kṛṣṇuṣva māmḥ hṛdí mána ín nau sahásati ||1||

(AVŚ\_7,37.1a) abhí tvā mánujātena dádhāmi máma vásasā |  
(AVŚ\_7,37.1c) yáthā 'so máma kévalo nānyāsāṃ kīrtáyās caná ||1||

(AVŚ\_7,38.1a) idám khanāmi bheṣajāṃ mām̐paśyām abhirorudám |  
(AVŚ\_7,38.1c) parāyató nivārtanam āyatáḥ pratināndanam ||1||  
(AVŚ\_7,38.2a) yénā nicakrá āsuríndram devébhyas pári |  
(AVŚ\_7,38.2c) ténā ní kurve tvám ahám yáthā té 'sāni súpriyā ||2||

(AVŚ\_7,38.3a) pratícī sómam asi pratícī utá sūryam |  
(AVŚ\_7,38.3c) pratícī víśvān devān tām̐ tvāchāvadāmasi ||3||

(AVŚ\_7,38.4a) ahám vadāmi nét tvám sabhāyām áha tvám váda |  
(AVŚ\_7,38.4c) māméd āsas tvám kévalo nānyāsāṃ kīrtáyās caná ||4||

(AVŚ\_7,38.5a) yádi vāsi tirojanām yádi vā nadyàs tiráhi |  
(AVŚ\_7,38.5c) iyám ha máhyam̐ tvám ósadhīr baddhvéva nyānayat ||5||

(AVŚ\_7,39.1a) divyām suparnām̐ payasām̐ bṛhāntam apām̐ gárbham̐  
vṛṣabhām̐ ósadhīnām̐ |  
(AVŚ\_7,39.1c) abhīpató vṛṣṭyā tarpáyantam ā no goṣṭhé rayiṣṭhām̐  
sthāpayāti ||1||

(AVŚ\_7,40.1a) yásya vratām̐ pasávo yānti sárve yásya vratá  
upatiṣṭhanta āpaḥ |  
(AVŚ\_7,40.1c) yásya vraté puṣṭapátir níviṣṭas tām̐ sárasvantam  
ávase havāmahe ||1||

(AVŚ\_7,40.2a) ā pratyāñcam̐ dāsúṣe dāśvāṃsam̐ sárasvantam̐  
puṣṭapátim̐ rayiṣṭhām̐ |  
(AVŚ\_7,40.2c) rāyās póṣam̐ śravasyúṃ vásānā ihá sádanam̐  
rayīñām̐ ||2||

(AVŚ\_7,41.1a) áti dhānvāny áty apás tatarda śyenó nṛcákṣā  
avasānadarśāḥ |  
(AVŚ\_7,41.1c) táran víśvāny ávarā rájaṃsīndreṇa sákhyā śívā ā  
jagamyāt ||1||

(AVŚ\_7,41.2a) śyenó nṛcákṣā divyāḥ suparnāḥ sahasrapāc  
chatāyonir vayodhāḥ |  
(AVŚ\_7,41.2c) sá no ní yachād vásu yát párābhṛtam̐ asmákam̐ astu

pitṛṣu svadhāvat ||2||

(AVŚ\_7,42.1a) sómārudrā ví vṛhataṃ viṣūcīm ámīvā yá no gáyaṃ  
āvivéśa |

(AVŚ\_7,42.1c) bádhethāṃ dūrāṃ níṛṛtim parācáiḥ kṛtāṃ cid énaḥ  
prá mumuktam asmát ||1||

(AVŚ\_7,42.2a) sómārudrā yuvām etāny asmád víśvā tanúṣu  
bheṣajāni dhattam |

(AVŚ\_7,42.2c) áva syataṃ muñcātaṃ yán no ásat tanúṣu baddhāṃ  
kṛtāṃ éno asmát ||2||

(AVŚ\_7,43.1a) śívās ta ékā áśívās ta ékāḥ sárvā bibharṣi  
sumānasyámānaḥ |

(AVŚ\_7,43.1c) tísro váco níhitā antár asmín tāsām ékā ví papātānu  
ghóṣam ||1||

(AVŚ\_7,44.1a) ubhá jigyathur ná párā jayethe ná párā jigye katarás  
canāīnayoḥ |

(AVŚ\_7,44.1c) índraś ca viṣṇo yád ápaspr̥dhethāṃ tredhá sahásraṃ  
ví tát airayethām ||1||

(AVŚ\_7,45.1a) jánād vísvajanínāt sindhutás páry ābhṛtam |

(AVŚ\_7,45.1c) dūrāt tvā manya údbhṛtam īrṣyāyā náma bheṣajām ||  
1||

(AVŚ\_7,45.2a) agnér ivāsyā dáhato dāvāsya dáhataḥ pṛthak |

(AVŚ\_7,45.2c) etām etāsyesṛṣyām udrágnīm iva śamaya ||1||

(AVŚ\_7,46.1a) sínīvāli pṛthuṣṭuke yá devānām ási svásā |

(AVŚ\_7,46.1c) juṣásva havyām āhutaṃ prajāṃ devi didiḍḍhi naḥ ||  
1||

(AVŚ\_7,46.2a) yá subāhúḥ svaṅguríḥ suśúmā bahusúvarī |

(AVŚ\_7,46.2c) tásyai víspátnyai havíḥ sinīvālyái juhótana ||2||

(AVŚ\_7,46.3a) yá víspátníndram ási pratícī sahásrastukābhiyántī  
devī |

(AVŚ\_7,46.3c) víṣṇoḥ patni túbhyaṃ rātā havīmṣi pátim devi  
rádhase codayasva ||3||

(AVŚ\_7,47.1a) kuhúm devím sukṛtaṃ vidmanāpasam asmín yajñé  
suhávā johavīmi |

(AVŚ\_7,47.1c) sá no rayím viśvāvāraṃ ní yachād dádātu vīraṃ  
śatádāyam ukthyām ||1||

(AVŚ\_7,47.2a) kuhúr devānām amṛtasya pátnī hávyā no asya havíṣo  
juṣeta |

(AVŚ\_7,47.2c) śṛnotu yajñám uśatí no adyá rāyás póṣaṃ cikitúṣī  
dadhātu ||2||

(AVŚ\_7,48.1a) rākām ahám suhávā suṣṭutí huve śṛṇótu naḥ subhágā  
bódhatu tmánā |

(AVŚ\_7,48.1c) sívyatv ápaḥ sūcyáchidyamānayā dádātu vīraṃ  
śatádāyam ukthyām ||1||

(AVŚ\_7,48.2a) yás te rāke sumatáyah supésaso yábhīr dádāsi  
dāsúṣe vásūni |

(AVŚ\_7,48.2c) tábhīr no adyá sumánā upágahi sahasrāpoṣám  
subhage rārāṇā ||2||

(AVŚ\_7,49.1a) devānām pátnīr uśatír avantu naḥ právantu nas  
tujáye vājasātaye |

(AVŚ\_7,49.1c) yáḥ párthivāso yá apám ápi vraté tá no devīḥ  
suhávāḥ śárma yachantu ||1||

(AVŚ\_7,49.2a) utá gná vyantu devápatnīr indrāṇy àgnāyy aśvínī rāt |

(AVŚ\_7,49.2c) á ródasī varunānī śṛṇótu vyántu devír yá ṛtúr jánīnām  
||2||

(AVŚ\_7,50.1a) yáthā vṛkṣám aśánir viśváhā hánty apratí |

(AVŚ\_7,50.1c) eváhám adyá kitavān akṣáir badhyāsam apratí ||1||

(AVŚ\_7,50.2a) turāṇām áturāṇām viśám ávarjuṣīṇām |

(AVŚ\_7,50.2c) samáitu viśvátō bhágo antarhastám kṛtám máma ||2||

(AVŚ\_7,50.3a) íde agníṃ svávasuṃ námobhir ihá prasaktó ví cayat  
kṛtám naḥ |

(AVŚ\_7,50.3c) ráthair iva prá bhare vājáyadbhiḥ pradakṣīṇám  
marútām stómam ṛdhyām ||3||

(AVŚ\_7,50.4a) vayám jayema tváyā yujá vṛtam asmákam áṃsam úd  
ava bhárebhare |

(AVŚ\_7,50.4c) asmábhyam indra várīyaḥ sugám kṛdhi prá śátrūṇām  
maghavan vṛṣṇyā ruja ||4||

(AVŚ\_7,50.5a) ájaiṣam tvā sámlikhitam ájaiṣam utá samrúdhm |

(AVŚ\_7,50.5c) áviṃ vṛko yáthā máthad evá mathnāmi te kṛtám ||5||

(AVŚ\_7,50.6a) utá prahām átidīvā jayati kṛtám iva śvaghní ví cinoti  
kālé |

(AVŚ\_7,50.6c) yó devákāmo ná dhánam ruṇáddhi sám ít tám rāyāḥ  
srjati svadhābhiḥ ||6||

(AVŚ\_7,50.7a) góbhiṣ ṭareamámatim durévām yávena vā kṣúdhām  
puruḥūta víśve |

(AVŚ\_7,50.7c) vayám rájasu prathamá dhánāny áriṣṭāso vrjaníbhir  
jayema ||7||

(AVŚ\_7,50.8a) kṛtám me dáksīṇe háste jayó me savyá áhitaḥ |

(AVŚ\_7,50.8c) gojíd bhūyāsam aśvajíd dhanamjayó hiraṇyajít ||8||

(AVŚ\_7,50.9a) ákṣāḥ phálavatīm dyúvam dattá gām kṣīrínīm iva |

(AVŚ\_7,50.9c) sám mā kṛtasya dhārayā dhānuḥ snāvneva nahyata ||  
9||

(AVŚ\_7,51.1a) bṛhaspátir naḥ pári pātu paścād utóttarasmād  
ádharād aghayóḥ |

(AVŚ\_7,51.1c) índraḥ purástād utá madhyató naḥ sákhā sákhibhyo  
várīyaḥ kṛṇotu ||1||

(AVŚ\_7,52.1a) samjñānam naḥ svébhiḥ samjñānam áraṇebhiḥ |

(AVŚ\_7,52.1c) samjñānam aśvinā yuvám ihāsmāsu ní yachatam ||1||

(AVŚ\_7,52.2a) sám jānāmahai mánasā sám cikitvá má yuṣmahi  
mánasā dáivyena |

(AVŚ\_7,52.2c) má ghóṣā út sthur bahulé vinírhate méṣuḥ paptad  
índrasyáhany ágate ||2||

(AVŚ\_7,53.1a) amutrabhúyād ádhi yád yamásya bṛhaspate  
abhísaster ámuñcaḥ |

(AVŚ\_7,53.1c) práty auhatām aśvinā mṛtyúm asmád devánām agne  
bhiśájā śácībhiḥ ||1||



(AVŚ\_7,53.2a) sám krāmataṃ mǎ jahītaṃ sārīraṃ prāṇāpānáu te sayújāṃ ihá stām |

(AVŚ\_7,53.2c) śatāṃ jīva śarādo vārdhamāno 'gníṣ ṭe gopǎ adhipǎ vásiṣṭhaḥ ||2||

(AVŚ\_7,53.3a) áyur yát te átihitaṃ parācáir apānáḥ prāṇáḥ púnar á táv itām |

(AVŚ\_7,53.3c) agnίṣ ṭád áhār nírṭter upásthāt tád ātmáni púnar á veśayāmi te ||3||

(AVŚ\_7,53.4a) mémám prāṇó hāsīn mó apānó 'vaháya párā gāt |

(AVŚ\_7,53.4c) saptarśibhya enaṃ pári dadāmi té enaṃ svastí jaráse vahan̄tu ||4||

(AVŚ\_7,53.5a) prá viṣataṃ prāṇāpānāv anaḍvāhāv iva vrajám |

(AVŚ\_7,53.5c) ayám jarimnáḥ śevadhír áriṣṭa ihá vardhatām ||5||

(AVŚ\_7,53.6a) á te prāṇám suvāmasi párā yákṣmaṃ suvāmi te |

(AVŚ\_7,53.6c) áyur no viśváto dadhad ayám agnír váreṇyaḥ ||6||

(AVŚ\_7,53.7a) úd vayám támasas pári róhanto nākam uttamám |

(AVŚ\_7,53.7c) devám devatrǎ sūryam áganma jyótir uttamám ||7||

(AVŚ\_7,54.1a) řcam sáma yajāmahe yábhyām kármāni kurváte |

(AVŚ\_7,54.1c) eté sádasi rājato yajñám devéṣu yachataḥ ||1||

(AVŚ\_7,54.2a) řcam sáma yád áprākṣam havír ójo yájur bálam |

(AVŚ\_7,54.2c) eṣá mā tásmān mǎ hiṃsíd védaḥ pṛṣṭáh śacīpate ||1||

(AVŚ\_7,55.1a) yé te pánthāno 'va divó yébhīr víśvam áirayaḥ |

(AVŚ\_7,55.1c) tébhīḥ sumnayǎ dhehi no vaso ||2||

(AVŚ\_7,56.1a) tíraścīrājer asitāt pṛdākoḥ pári sám̄bhṛtam |

(AVŚ\_7,56.1c) tát kaṅkáparvaṇo viśám iyám vīrúd anīnaśat ||1||

(AVŚ\_7,56.2a) iyám vīrún mād̄hujātā madhuścún madhulǎ madhúḥ |

(AVŚ\_7,56.2c) sǎ víhrutasya bheṣajy átho maśakajám̄bhanī ||2||

(AVŚ\_7,56.3a) yáto daṣṭám yáto dhītám tátas te nír hvayāmasi |

(AVŚ\_7,56.3c) arbhásya tṛpradam̄sino maśakasyārasám̄ viśám ||3||

(AVŚ\_7,56.4a) ayám yó vakró víparur vyāṅgo múkhāni vakrá vṛjinǎ

kṛṇóṣi |

(AVŚ\_7,56.4c) tñni tvam brahmaṇas pate iṣīkām iva sám namaḥ ||4||

(AVŚ\_7,56.5a) arasāsyā śarkóṭasya nīcīnasyopasárpataḥ |

(AVŚ\_7,56.5c) viśam hy āsyādiṣy átho enam ajījabham ||5||

(AVŚ\_7,56.6a) ná te bāhvór bálam asti ná śīrśé nótá madhyatáḥ |

(AVŚ\_7,56.6c) átha kím pāpáyā 'muyá púche bibharṣy arbhakám ||6||

(AVŚ\_7,56.7a) adánti tvā pipīlikā ví vṛścanti mayūryāḥ |

(AVŚ\_7,56.7c) sárve bhala bravātha śárkoṭam arasám viśam ||7||

(AVŚ\_7,56.8a) yá ubhábhyaṃ prahárasī púchena cāsyèna ca |

(AVŚ\_7,56.8c) āsyè ná te viśam kím u te puchadhāv asat ||8||

(AVŚ\_7,57.1a) yád āśāsā vādato me vicukṣubhé yád yācamānasya  
cárato jánāṃ ánu |

(AVŚ\_7,57.1c) yád ātmāni tanvò me víriṣṭam sárasvatī tát á pṛṇad  
ghṛténa ||1||

(AVŚ\_7,57.2a) saptá kṣaranti sísave marútvate pitré putrásō ápy  
avīvṛtann ṛtāni |

(AVŚ\_7,57.2c) ubhé íd asyobhé asya rājata ubhé yatete ubhé asya  
puṣyataḥ ||2||

(AVŚ\_7,58.1a) índrāvaruṇā sutapāv imám sutám sómam pibatam  
mádyam dhṛtavratau |

(AVŚ\_7,58.1c) yuvó rátho adhvaró devávītaye prāti svásaram úpa  
yātu pītāye ||1||

(AVŚ\_7,58.2a) índrāvaruṇā madhumattamasya vṛṣṇaḥ sómasya  
vṛṣaṇā vṛsethām |

(AVŚ\_7,58.2c) idám vām ándhaḥ páriṣiktam āsádyāsmín barhíṣi  
mādayethām ||2||

(AVŚ\_7,59.1a) yó naḥ śapād ásapataḥ śápato yás ca naḥ śápāt |

(AVŚ\_7,59.1c) vṛkṣá iva vidyútā hatá á múlād ánu śuṣyatu ||1||

(AVŚ\_7,60.1a) úrjam bíbhrad vasuvániḥ sumedhá ághoreṇa cákṣuṣā  
mitríyeṇa |

(AVŚ\_7,60.1c) gṛhṇān áimi sumánā vándamāno rámadhvam má

bibhīta māt ||1||

(AVŚ\_7,60.2a) imé gṛhā mayobhúva ūrjasvantaḥ páyasvantaḥ |  
(AVŚ\_7,60.2c) pūrṇā vāména tīṣṭhantas té no jānāntv āyatāḥ ||2||

(AVŚ\_7,60.3a) yéṣām adhyéti pravásan yéṣu saumanasó bahúḥ |  
(AVŚ\_7,60.3c) gṛhān úpa hvayāmahe té no jānāntv āyatāḥ ||3||

(AVŚ\_7,60.4a) úpahūtā bhūridhanāḥ sákhāyaḥ svādúsam̐mudaḥ |  
(AVŚ\_7,60.4c) akṣudhyā aṛṣyā sta gṛhā másmād bibhītana ||4||

(AVŚ\_7,60.5a) úpahūtā ihá gāva úpahūtā ajāváyāḥ |  
(AVŚ\_7,60.5c) átho ánnasya kīlāla úpahūto gṛhéṣu ||5||

(AVŚ\_7,60.6a) sūnṛtāvantaḥ subhágā írāvanto hasāmudāḥ |  
(AVŚ\_7,60.6c) aṛṣyā akṣudhyā sta gṛhā másmād bibhītana ||6||

(AVŚ\_7,60.7a) iháiva sta mánu gāta víśvā rūpāṇi puṣyata |  
(AVŚ\_7,60.7c) áiṣyāmi bhadréṇā sahā bhúyāṃso bhavatā máyā ||7||

(AVŚ\_7,61.1a) yád agne tápasā tápa upatapyāmahe tápaḥ |  
(AVŚ\_7,61.1c) priyāḥ śrutásya bhūyāsmāyus̐mantaḥ sumedhásah ||1||

(AVŚ\_7,61.2a) ágne tápas tapyāmahe úpa tapyāmahe tápaḥ |  
(AVŚ\_7,61.2c) śrutāni śṛṇvāntaḥ vayám āyus̐mantaḥ sumedhásah ||2||

(AVŚ\_7,62.1a) ayám agníḥ sátpatir vṛddhávṛṣṇo rathíva pattín ajayat puróhitaḥ |  
(AVŚ\_7,62.1c) nābhā pṛthivyām níhito dávidyutad adhaspadām kṛṇutām yé pṛtanyávaḥ ||1||

(AVŚ\_7,63.1a) pṛtanājítam sáhamānam agnīm ukthyáir havāmahe paramāt sadhásthāt |  
(AVŚ\_7,63.1c) sá naḥ parṣad áti durgāṇi víśvā kṣāmad devó 'ti duritāny agníḥ ||1||

(AVŚ\_7,64.1a) idām yát kṛṣṇāḥ śakúnir abhiniṣpátann ápīpatat |  
(AVŚ\_7,64.1c) ápo mā tásmāt sárvasmād duritāt pāntv āṃhasaḥ ||1||

(AVŚ\_7,64.2a) idám yát kṛṣṇáh śakúnir avámṛkṣan nirṛte te  
múkhena |  
(AVŚ\_7,64.2c) agnír mā tásmād énaso gārhapatyah prá muñcatu ||  
2||

(AVŚ\_7,65.1a) pratícínaphalo hí tvám ápāmārga ruróhitha |  
(AVŚ\_7,65.1c) sárvān mác chapáthām ádhi várīyo yavayā itáh ||1||

(AVŚ\_7,65.2a) yád duṣkṛtám yác chámalaṃ yád vā cerima pāpáyā |  
(AVŚ\_7,65.2c) tváyā tát viśvatomukhápāmārgápa mṛjmahe ||2||

(AVŚ\_7,65.3a) śyāvádatā kunakhínā baṇḍéna yát sahásimá |  
(AVŚ\_7,65.3c) ápāmārga tváyā vayám sárvaṃ tát ápa mṛjmahe ||3||

(AVŚ\_7,66.1a) yády antárikṣe yádi vāta ása yádi vṛkṣéṣu yádi  
vólapeṣu |  
(AVŚ\_7,66.1c) yád áśravan paśáva udyámānaṃ tát bráhmaṇaṃ  
púnar asmán upáitu ||1||

(AVŚ\_7,67.1a) púnar maitv indriyám púnar ātmá dráviṇaṃ  
bráhmaṇaṃ ca |  
(AVŚ\_7,67.1c) púnar agnáyo dhíṣṇyā yathāsthāmá kalpayantām  
iháivā ||1||

(AVŚ\_7,68.1a) sárasvati vratéṣu te divyéṣu devi dhámasu |  
(AVŚ\_7,68.1c) juśasva havyám áhutaṃ prajám devi rarāsva naḥ ||1||

(AVŚ\_7,68.2a) idám te havyám ghṛtávat sarasvatídám pitṛṇám havír  
āsyám yát |  
(AVŚ\_7,68.2c) imāni ta uditá sám tamāni tébhir vayám  
mádhūmantaḥ syāma ||2||

(AVŚ\_7,68.3a) śivā naḥ sám tamā bhava sumṛḍīkā sarasvati |  
(AVŚ\_7,68.3c) má te yuyoma samḍśaḥ ||1||

(AVŚ\_7,69.1a) sám no vāto vātu sám nas tapatu sūryah |  
(AVŚ\_7,69.1c) áhāni sám bhavantu naḥ sám rátrī práti dhīyatām |  
(AVŚ\_7,69.1e) sám uṣá no vy ùchatu ||1||

(AVŚ\_7,70.1a) yát kíṃ cāsáu mánasā yác ca vācā yajñáir juhóti  
havíṣā yájuṣā |  
(AVŚ\_7,70.1c) tán mṛtyúnā nírṛtiḥ saṃvidāná purá satyád áhutiṃ  
hantv asya ||1||

(AVŚ\_7,70.2a) yātudhánā nírṛtir ád u rákṣas té asya ghnantv  
ánṛtena satyám |  
(AVŚ\_7,70.2c) índreṣitā devá ájam asya mathnantu má tát sám pādi  
yád ásáu juhóti ||2||

(AVŚ\_7,70.3a) ajirādhirājáu śyenáu saṃpātínāv iva |  
(AVŚ\_7,70.3c) ájyaṃ pṛtanyató hatāṃ yó naḥ káścābhyaghāyāti ||3||

(AVŚ\_7,70.4a) ápāñcau ta ubháu bāhú ápi nahyāmy āsyàm |  
(AVŚ\_7,70.4c) agnér devásya manyúnā téna te 'vadhiṣaṃ havíḥ ||4||  
(AVŚ\_7,70.5a) ápi nahyāmi te bāhú ápi nahyāmy āsyàm |  
(AVŚ\_7,70.5c) agnér ghorásya manyúnā téna 'vadhiṣaṃ havíḥ ||5||

(AVŚ\_7,71.1a) pári tvāgne púraṃ vayáṃ vípraṃ sahasya dhīmahi |  
(AVŚ\_7,71.1c) dhr̥ṣádvarṇaṃ divédive hantāraṃ bhaṅgurāvataḥ ||  
1||

(AVŚ\_7,72.1a) út tiṣṭhatáva paśyaténdrasya bhāgám ṛtvíyam |  
(AVŚ\_7,72.1c) yádi śrātám juhótana yády áśrātaṃ mamáttana ||1||

(AVŚ\_7,72.2a) śrātám havír ó śv índra prá yāhi jagāma súro  
ádhvāno ví mādhyam |  
(AVŚ\_7,72.2c) pári tvāsate nidhíbhiḥ sákhāyaḥ kulapá ná vrājapatím  
cārantam ||2||

(AVŚ\_7,72.3a) śrātám manya údhani śrātám agnáu súśṛtaṃ manye  
tád ṛtám návīyaḥ |  
(AVŚ\_7,72.3c) mādhyandinasya sávanasya dadhnáḥ píbendra vajrin  
puruk̐j̐ juṣāṇáḥ ||1||

(AVŚ\_7,73.1a) sámiddho agnír vṛṣaṇā rathí divás taptó gharmó  
duhyāte vām iṣé mādhu |  
(AVŚ\_7,73.1c) vayáṃ hí vām purudámāso aśvinā havāmahe  
sadhāmādeṣu kārāvaḥ ||1||

(AVŚ\_7,73.2a) sámiddho agnír aśvinā taptó vām gharmá á gatam |  
(AVŚ\_7,73.2c) duhyānte nūnáṃ vṛṣaṇehá dhenávo dásrā mādanti  
vedhāsaḥ ||2||

(AVŚ\_7,73.3a) iváhākṛtaḥ śúcir devéṣu yajñó yó aśvínoś camasó  
devapānaḥ |

(AVŚ\_7,73.3c) tám u víśve amṛtāso juṣāṇā gandharváśya práty āsnā  
rihanti ||3||

(AVŚ\_7,73.4a) yád usríyāsv áhutaṃ ghṛtáṃ páyo 'yám sá vām  
aśvinā bhāgá ā gatam |

(AVŚ\_7,73.4c) mádhvī dhartārā vidathasya satpatī taptáṃ gharmám  
pibatam diváh ||4||

(AVŚ\_7,73.5a) taptó vām gharmó nakṣatu sváhotā prá vām  
adhvaryús caratu páyasvān |

(AVŚ\_7,73.5c) mádhvī dugdháśyāśvinā tanáyā vītám pātám páyasa  
usriyāyāḥ ||5||

(AVŚ\_7,73.6a) úpa drava páyasā godhug ośám ā gharmé siñca páya  
usriyāyāḥ |

(AVŚ\_7,73.6c) ví nākam akhyat savitā váreṇyo 'nuprayāṇam uśáso  
ví rājati ||6||

(AVŚ\_7,73.7a) úpa hvaye sudúghām dhenúm etám suhásto godhúg  
utá dōhad enām |

(AVŚ\_7,73.7c) śrēṣṭham savám savitā sāviṣan no 'bhíddho gharmás  
tád u śú prá vocat ||7||

(AVŚ\_7,73.8a) hiñkṛṇvatī vasupátnī vásūnām vatsám ichántī mánasā  
nyāgan |

(AVŚ\_7,73.8c) duhām aśvibhyām páyo aghnyéyám sá vardhatám  
mahaté sáubhagāya ||8||

(AVŚ\_7,73.9a) júṣṭo dāmūnā átithir duroṇá imám no yajñám úpa  
yāhi vidvān |

(AVŚ\_7,73.9c) víśvā agne abhiyújo vihátya śatrūyatám ā bharā  
bhójanāni ||9||

(AVŚ\_7,73.10a) ágne sárdha mahaté sáubhagāya táva dyumnány  
uttamāni santu |

(AVŚ\_7,73.10c) sám jāspatyám suyámam ā kṛṇuṣva śatrūyatám  
abhí tiṣṭhā mähāṃsi ||10||

(AVŚ\_7,73.11a) sūyavasād bhágavatī hí bhūyá ádhā vayám  
bhágavantaḥ syāma |

(AVŚ\_7,73.11c) addhí tṛṇam aghnye víśvadānīm piba súddhám  
udakām ācárantī ||11||

(AVŚ\_7,74.1a) apacítám lóhinīnām kṛṣṇā mātéti śúśruma |

(AVŚ\_7,74.1c) múner deváśya mūlenā sárva vidhyāmi tá ahám ||1||

(AVŚ\_7,74.2a) vídhyāmy āsāṃ prathamāṃ vidhyāmi utá  
madhyamāṃ |  
(AVŚ\_7,74.2c) idāṃ jaghanyāṃ āsāṃ á chinadmi stúkām iva ||2||

(AVŚ\_7,74.3a) tvāṣṭrēṇāhāṃ vácasā ví ta īrṣyāṃ amīmadam |  
(AVŚ\_7,74.3c) átho yó manyúṣ ṭe pate tám u te śamayāmasi ||3||

(AVŚ\_7,74.4a) vraténa tvāṃ vratapate sámakto viśvāhā sumánā  
dīdihīhá |  
(AVŚ\_7,74.4c) tám tvā vayāṃ jātavedaḥ sámiddham prajāvanta úpa  
sadema sárve ||4||

(AVŚ\_7,75.1a) prajāvatīḥ sūyāvase ruśántīḥ śuddhá apāḥ suprapāṇé  
pībantīḥ |  
(AVŚ\_7,75.1c) mǎ va stená īsata māghásamṣaḥ pári vo rudrásya  
hetír vṛṇaktu ||1||

(AVŚ\_7,75.2a) padajñá stha rámatayaḥ sámhitā viśvánāmnīḥ |  
(AVŚ\_7,75.2c) úpa mā devīr devébhir éta |  
(AVŚ\_7,75.2e) imāṃ goṣṭhām idāṃ sádo ghṛténāsmánt sám ukṣata  
||2||

(AVŚ\_7,76.1a) á susrásaḥ susrásó ásatībhyo ásattarāḥ |  
(AVŚ\_7,76.1c) séhor arasátarā havaṇád víkledīyasīḥ ||1||

(AVŚ\_7,76.2a) yá gráivyā apacító 'tho yá upapakṣyāḥ |  
(AVŚ\_7,76.2c) vijāmni yá apacítaḥ svayaṃsrásaḥ ||2||

(AVŚ\_7,76.3a) yáḥ kíkasāḥ praśṛṇāti talīdyāṃ avatíṣṭhati |  
(AVŚ\_7,76.3c) nír hās tám sárvaṃ jāyānyam yáḥ kás ca kakúdi  
śritáḥ ||3||

(AVŚ\_7,76.4a) pakṣí jāyānyaḥ patati sá á viśati púruṣam |  
(AVŚ\_7,76.4c) tát ákṣitasya bheṣajām ubháyoḥ súkṣatasya ca ||4||

(AVŚ\_7,76.5a) vidmá vái te jāyānya jānaṃ yáto jāyānya jáyase |  
(AVŚ\_7,76.5c) kathāṃ ha tatra tvāṃ hano yásya kṛṇmó havír grḥé ||  
1||

(AVŚ\_7,76.6a) dhṛṣát piba kaláśe sómam indra vṛtrahá sūra samaré  
vásūnām |  
(AVŚ\_7,76.6c) mádhyandine sávana á vṛṣasva rayiṣṭhāno rayím  
asmāsu dhehi ||2||

(AVŚ\_7,77.1a) sām̐tapanā idām havír mārutas táj jujuṣṭana |  
(AVŚ\_7,77.1c) asmákoṭī riśādasah ||1||

(AVŚ\_7,77.2a) yó no máрто maruto durhṇāyús tirás cittāni vasavo  
jíghāṃsati |  
(AVŚ\_7,77.2c) druháh páśān prāti muñcatām sás tápiṣṭhena tápasā  
hantānā tám ||2||

(AVŚ\_7,77.3a) samvatsarīṇā marútaḥ svarkā urúkṣayāḥ ságaṇā  
mānuṣāsaḥ |  
(AVŚ\_7,77.3c) té asmát páśān prá muñcantv énasas sām̐tapanā  
matsará mādayiṣṇávaḥ ||3||

(AVŚ\_7,78.1a) ví te muñcāmi raśanām ví yóktram ví niyójanam |  
(AVŚ\_7,78.1c) iháivá tvám ájasra edhy agne ||1||

(AVŚ\_7,78.2a) asmái kṣatrāṇi dhāráyantam agne yunájmi tvā  
bráhmaṇā dáivyena |  
(AVŚ\_7,78.2c) dīdihy àsmábhyaṃ dráviṇehá bhadram prémam voco  
havirdām devátāsu ||2||

(AVŚ\_7,79.1a) yát te devā ákṛṇvan bhāgadhéyam amāvāsyē  
samvāsanto mahitvā |  
(AVŚ\_7,79.1c) tēnā no yajñam pipṛhi viśvavāre rayīm no dhehi  
subhāge suvīram ||1||

(AVŚ\_7,79.2a) ahám evāsmi amāvāsyā mām á vasanti sukṛto  
máyiṃé |  
(AVŚ\_7,79.2c) máyi devā ubháye sādyaś céndrajyeṣṭhāḥ sám  
agachanta sárve ||2||

(AVŚ\_7,79.3a) ágan rátrī saṅgámanī vásūnām úrjam puṣṭam vásv  
āveśāyantī |  
(AVŚ\_7,79.3c) amāvāsyāyai havíṣa vidhemórjam dúhānā páyasā na  
ágan ||3||

(AVŚ\_7,79.4a) amāvāsyē ná tvád etāny anyó víśvā rūpāṇi paribhūr  
jajānā |  
(AVŚ\_7,79.4c) yátkāmās te juhumas tán no astu vayam syāma  
pátayo rayiṇām ||4||



(AVŚ\_7,80.1a) paurṇamāsī jigāya |  
(AVŚ\_7,80.1c) tásyāṃ devāiḥ saṃvāsanto mahitvá nákasya pṛṣṭhé  
sám iṣā madema ||1||

(AVŚ\_7,80.2a) vṛṣabhāṃ vājínaṃ vayāṃ paurṇamāsāṃ yajāmahe |  
(AVŚ\_7,80.2c) sá no dadātv ákṣitāṃ rayīm ánupadasvatīm ||2||

(AVŚ\_7,80.3a) prájāpate ná tvád etāny anyó víśvā rūpāṇi paribhūr  
jajāna |  
(AVŚ\_7,80.3c) yátkāmās te juhumāś tán no astu vayāṃ syāma  
pátayo rayīṇām ||3||

(AVŚ\_7,80.4a) paurṇamāsī prathamā yajñíyāsīd áhnāṃ rátrīṇām  
atíśarvaréṣu |  
(AVŚ\_7,80.4c) yé tvām yajñáir yajñiye ardháyanty amí te náke  
sukṛtaḥ práviṣṭāḥ ||4||

(AVŚ\_7,81.1a) pūrvāparāṃ carato mayáyaitáu síśū kríḍantau pári  
yāto 'rṇavám |  
(AVŚ\_7,81.1c) víśvānyó bhúvanā vicáṣṭa ṛtúṃr anyó vidádhaḥ jāyase  
návaḥ ||1||

(AVŚ\_7,81.2a) návonavo bhavasi jáyamānó 'hnāṃ ketúr uśásām eṣy  
ágram |  
(AVŚ\_7,81.2c) bhāgāṃ devébhyo ví dadhāsy āyán prá candramas  
tirasē dhīrghám āyuh ||2||

(AVŚ\_7,81.3a) sómasyāmśo yudhāṃ paté 'nūno náma vā asi |  
(AVŚ\_7,81.3c) ánūnam darśa mā kṛdhi prajáyā ca dhánena ca ||3||

(AVŚ\_7,81.4a) darśó 'si darśató 'si sámagro 'si sámantaḥ |  
(AVŚ\_7,81.4c) sámagraḥ sámanto bhūyāsaṃ góbhir áśvaiḥ prajáyā  
paśúbhir grhāir dhánena ||4||

(AVŚ\_7,81.5a) yò 'smān dvéṣṭi yāṃ vayāṃ dviṣmās tásya tvām  
prāṇēná pyāyaśva |  
(AVŚ\_7,81.5c) á vayāṃ pyāsiṣīmahi góbhir áśvaiḥ prajáyā paśúbhir  
grhāir dhánena ||5||

(AVŚ\_7,81.6a) yāṃ devā aṃśúm āpyāyānti yām ákṣitam ákṣitā  
bhakṣáyanti |  
(AVŚ\_7,81.6c) ténāsmān índro váruṇo bṛhaspátir á pyāyayantu  
bhúvanasya gopāḥ ||6||

(AVŚ\_7,82.1a) abhy àrcata suṣṭutīm gávyam ājím asmāsu bhadrá

dráviṇāni dhatta |

(AVŚ\_7,82.1c) imám yajñám nayata devátā no ghṛtásya dhārā  
mádhumat pavantām ||1||

(AVŚ\_7,82.2a) máyy ágre agnīm gṛhṇāmi sahá kṣatrēṇa várcasā  
bálena |

(AVŚ\_7,82.2c) máyi prajám máyy áyur dadhāmi sváhā máyy agnīm  
||2||

(AVŚ\_7,82.3a) iháivágne ádhy dhārayā rayím má tvā ní kran  
pūrvacittā nikārīṇaḥ |

(AVŚ\_7,82.3c) kṣatrēṇāgne suyámam astu túbhyam upasattā  
vardhatām te ániṣṭṛtaḥ ||3||

(AVŚ\_7,82.4a) ánv agnír uṣásām ágram akhyad ánv áhāni prathamó  
jātávedāḥ |

(AVŚ\_7,82.4c) ánu sūrya uṣáso ánu raśmín ánu dyāvāpṛthiví á  
viveśa ||4||

(AVŚ\_7,82.5a) práty agnír uṣásām ágram akhyat práti áhāni  
prathamó jātávedāḥ |

(AVŚ\_7,82.5c) práti sūryasya purudhá ca raśmín práti dyāvāpṛthiví á  
tatāna ||5||

(AVŚ\_7,82.6a) ghṛtām te agne divyé sadhásthe ghṛténa tvám mánur  
adyā sám indhe |

(AVŚ\_7,82.6c) ghṛtām te devír napyā á vahantu ghṛtām túbhyam  
duhratām gávo agne ||6||

(AVŚ\_7,83.1a) apsú te rājan varuṇa gṛhó hiraṇyáyo mitáḥ |

(AVŚ\_7,83.1c) táto dhṛtávrato rája sárva dhāmāni muñcatu ||1||

(AVŚ\_7,83.2a) dāmnodāmno rājann itó varuṇa muñca naḥ |

(AVŚ\_7,83.2c) yád ápo aghnyā íti váruṇéti yád ūcimá táto varuṇa  
muñca naḥ ||2||

(AVŚ\_7,83.3a) úd uttamám varuṇa páśam asmád ávādhāmám ví  
madhyamám śrathāya |

(AVŚ\_7,83.3c) ádhā vayám āditya vraté tavānāgaso áditaye syāma  
||3||

(AVŚ\_7,83.4a) prásmát pásān varuṇa muñca sárvaṇ yá uttamā  
adhamā vāruṇā yé |

(AVŚ\_7,83.4c) duṣvápnyam duritām ní ṣvāsmád átha gachema  
sukṛtásya lokám ||4||

(AVŚ\_7,84.1a) anādhṛṣyó jātávedā ámartyo viráḍ agne kṣatrabhṛ́d  
dīdihīhá |

(AVŚ\_7,84.1c) víśvā ámīvāḥ pramuñcán mánuṣībhiḥ śivábhir adyá  
pári pāhi no gáyam ||1||

(AVŚ\_7,84.2a) índra kṣatrám abhí vāmám ójó 'jāyathā vṛṣabha  
carṣaṇīnám |

(AVŚ\_7,84.2c) ápānudo jánam amitrayántam urúm devébhyo akṛṇor  
u lokám ||2||

(AVŚ\_7,84.3a) mṛgó na bhīmáḥ kucaró giriṣṭháḥ parāvata ā  
jagamyāt párasyaḥ |

(AVŚ\_7,84.3c) sṛkám saṃśáya pavím indra tigmám ví sátrūn tādhi ví  
mṛdho nudasva ||3||

(AVŚ\_7,85.1a) tyám ū śú vājínaṃ devájūtaṃ sáhovānaṃ tarutáraṃ  
ráthānām |

(AVŚ\_7,85.1c) áriṣṭanemiṃ pṛtanājím āśúm svastáye tárksyam ihá  
huvēma ||1||

(AVŚ\_7,86.1a) trātáraṃ índram avitáraṃ índraṃ hávehave suhávaṃ  
śúram índram |

(AVŚ\_7,86.1c) huvé nu śakráṃ puruhūtám índraṃ svastí na índro  
maghávān kṛṇotu ||1||

(AVŚ\_7,87.1a) yó agnáu rudró yó apsv àntár yá óṣadhīr vīrúdha  
āvivéśa |

(AVŚ\_7,87.1c) yá imāvísṽ bhúvanāni cākṛpé tásmāi rudráya námo  
astv agnáye ||1||

(AVŚ\_7,88.1a) ápehy árir asy árir vā asi viṣé viṣám apṛkthā viṣám íd  
vā apṛkthāḥ |

(AVŚ\_7,88.1c) áhim evábhyápehi tám jahi ||1||

(AVŚ\_7,89.1a) apó divyá acāyiṣam rásena sám apṛkṣmahi |

(AVŚ\_7,89.1c) páyasvān agna āgamam tám mā sám sṛja várcasā ||  
1||

(AVŚ\_7,89.2a) sám māgne várcasā sṛja sám prajāyā sám áyuṣā |

(AVŚ\_7,89.2c) vidyúr me asyá devá índro vidyāt sahá řšibhiḥ ||2||

(AVŚ\_7,89.3a) idám āpaḥ prá vaḥatāvadyám ca málam ca yát |  
(AVŚ\_7,89.3c) yác cābhidudróhānṛtaṃ yác ca śépé abhíruṇam ||3||

(AVŚ\_7,89.4a) édho 'sy edhiṣīyá samíd asi sám edhiṣīya |  
(AVŚ\_7,89.4c) téjo 'si téjo máyi dhehi ||4||

(AVŚ\_7,90.1a) ápi vṛśca purāṇavád vratáter iva guṣpitám |  
(AVŚ\_7,90.1c) ójo dāsasya dambhaya ||1||

(AVŚ\_7,90.2a) vayám tát asya sámabhṛtaṃ vásv índrena ví  
bhajāmahai |  
(AVŚ\_7,90.2c) mlāpáyāmi bhrajáḥ śibhrám váruṇasya vraténa te ||  
2||

(AVŚ\_7,90.3a) yáthā sépo apāyātai strīśú cāsad ánāvayāḥ |  
(AVŚ\_7,90.3c) avasthásya knadívataḥ śāṅkurásya nitodínaḥ |  
(AVŚ\_7,90.3e) yád átatam áva tát tanu yád úttataṃ ní tát tanu ||3||

(AVŚ\_7,91.1a) índraḥ sutráma svávāṃ ávobhiḥ sumṛḍḍikó bhavatu  
viśvávedāḥ |  
(AVŚ\_7,91.1c) bádhatām dvéšo ábhayaṃ naḥ kṛṇotu suvīryasya  
pátayaḥ syāma ||1||

(AVŚ\_7,92.1a) sá sutráma svávāṃ índro asmád ārác cid dvéṣaḥ  
sanutár yuyotu |  
(AVŚ\_7,92.1c) tása vayám sumatáu yajñíyasyāpi bhadré  
saumanasé syāma ||1||

(AVŚ\_7,93.1a) índreṇa manyúnā vayám abhí řyāma pṛtanyatáḥ |  
(AVŚ\_7,93.1c) ghnánto vṛtrāṇy apratí ||1||

(AVŚ\_7,94.1a) dhruvám dhruvéṇa havíśāva sómaṃ nayāmasi |  
(AVŚ\_7,94.1c) yáthā na índraḥ kévalīr vísaḥ sámmanasas kárat ||1||

(AVŚ\_7,95.1a) úd asya śyāváu vithuráu gṛdhrau dyām iva petatuḥ |

(AVŚ\_7,95.1c) ucchocanaprasocanāv asyócchócanau hṛdáh ||1||

(AVŚ\_7,95.2a) ahám enāv úd atiṣṭhipam gávau śrāntasádāv iva |  
(AVŚ\_7,95.2c) kurkurāv iva kújantāv udávantau vṛkāv iva ||2||

(AVŚ\_7,95.3a) ātodínau nitodínāv átho samtodínāv utá |  
(AVŚ\_7,95.3c) ápi nahyāmy asya méḍhram yá itáh strī púmān  
jabhāra ||3||

(AVŚ\_7,96.1a) áśadan gávah sádané 'paptad vasatīm váyah |  
(AVŚ\_7,96.1c) āsthāne párvatā asthuḥ sthāmni vṛkkāv atiṣṭhipam ||  
1||

(AVŚ\_7,97.1a) yád adyá tvā prayatí yajñé asmín hótas cikivann  
ávṛṇīmahīhá |  
(AVŚ\_7,97.1c) dhruvám ayo dhruvám utá śaviṣṭhaipraividván yajñám  
úpa yāhi sómam ||1||

(AVŚ\_7,97.2a) sám indra no mánasā neṣa góbhiḥ sám sūrībhir  
harivant sám svastyā |  
(AVŚ\_7,97.2c) sám bráhmaṇā deváhitam yád ásti sám devānām  
sumatáu yajñíyānām ||2||

(AVŚ\_7,97.3a) yān āvaha úsató deva devāms tán préraya své agne  
sadhāsthe |  
(AVŚ\_7,97.3c) jakṣivāmsaḥ papivāmsa mádhūny asmái dhatta  
vasavo vásūni ||3||

(AVŚ\_7,97.4a) sugá vo devāḥ sádanā akarma yá ājagmá sávane mā  
juṣāṇāḥ |  
(AVŚ\_7,97.4c) váhamānā bháramāṇāḥ svá vásūni vásuṃ gharmām  
dívam ā rohatānu ||4||

(AVŚ\_7,97.5a) yájña yajñám gacha yajñápatiṃ gacha |  
(AVŚ\_7,97.5c) svām yóniṃ gacha sváhā ||5||

(AVŚ\_7,97.6a) eṣá te yajñó yajñapate sahasūktavākah |  
(AVŚ\_7,97.6c) suvīryaḥ sváhā ||6||

(AVŚ\_7,97.7a) váṣaḍ dhutébhyo váṣaḍ áhutebhyaḥ |  
(AVŚ\_7,97.7c) dévā gātuvido gātúm vittvá gātúm ita ||7||

(AVŚ\_7,97.8a) mánasas pata imām no diví devéṣu yajñám |

(AVŚ\_7,97.8c) sváhā diví sváhā pṛthivyām sváhāntárikṣe sváhā váte  
dhām sváhā ||8||

(AVŚ\_7,98.1a) sám barhír aktám havíṣā ghṛténa sám índreṇa vásunā  
sám marúdbhiḥ |  
(AVŚ\_7,98.1c) sám deváir viśvádevebhir aktám índraṃ gachatu  
havíḥ sváhā ||1||

(AVŚ\_7,99.1a) pári str̥ṇīhi pári dhehi védiṃ má jāmíṃ moṣīr amuyá  
śáyānām |  
(AVŚ\_7,99.1c) hotṛśádanam hárítaṃ hiraṇyáyaṃ niṣká eté  
yájamānasya loké ||1||

(AVŚ\_7,100.1a) paryávarte duṣvápnyāt pāpāt svápnyād ábhūtyāḥ |  
(AVŚ\_7,100.1c) bráhmāhám ántaraṃ kṛṇve párā svápnamukhāḥ  
śúcaḥ ||1||

(AVŚ\_7,101.1a) yát svápne ánnam aśnámi ná prātár adhigamyáte |  
(AVŚ\_7,101.1c) sárvaṃ tát astu me śívám nahí tát dṛṣyáte dívā ||1||

(AVŚ\_7,102.1a) namaskṛtya dyāvāpṛthivíbhyām antárikṣāya  
mṛtyāve |  
(AVŚ\_7,102.1c) mekṣámy ūrdhvás tīṣṭhan má mā hiṃsiṣur īśvarāḥ ||  
1||

(AVŚ\_7,103.1a) kó asyá no druho 'vadyávatyā ún neṣyati kṣatríyo  
vásyā ichán |  
(AVŚ\_7,103.1c) kó yajñákāmaḥ ká u pūrtikāmaḥ kó devéṣu vanute  
dīrghám áyuh ||1||

(AVŚ\_7,104.1a) káḥ pṛśniṃ dhenúm váruṇena dattám átharvane  
sudúghām nítyavatsām |  
(AVŚ\_7,104.1c) bṛhaspátinā sakhyám juṣaṇó yathāvasám tanvāḥ  
kalpayāti ||1||

(AVŚ\_7,105.1a) apakráman páuruṣeyād vṛṇānó dáivyaṃ vácaḥ |  
(AVŚ\_7,105.1c) práṇītīr abhyávartasva víśvebhiḥ sákhibhiḥ sahá ||1||

(AVŚ\_7,106.1a) yád ásmṛti cakṛmá kíṃ cid agna upārimá cáraṇe  
jātavedaḥ |  
(AVŚ\_7,106.1c) tátaḥ pāhi tvám naḥ pracetaḥ śubhé sákhibhyo  
amṛtatvám astu naḥ ||1||

(AVŚ\_7,107.1a) áva divás tārayanti saptá súryasya raśmáyaḥ |  
(AVŚ\_7,107.1c) āpaḥ samudríyā dhārās tās śalyám asisrasan ||1||

(AVŚ\_7,108.1a) yó na stāyád dípsati yó na āvíḥ svó vidván áraṇo vā  
no agne |  
(AVŚ\_7,108.1c) pratícy etv áraṇī datvātī tán máiṣām agne vāstu  
bhūn mó ápatyam ||1||

(AVŚ\_7,108.2a) yó naḥ suptán jágrato vābhidāsāt tíṣṭhato vā cárato  
jātavedaḥ |  
(AVŚ\_7,108.2c) vaiśvānaréṇa sayújā sajóṣās tán pratíco nír daha  
jātavedaḥ ||2||

(AVŚ\_7,109.1a) idám ugrāya babhráve námo yó akṣéṣu tanūvaśí |  
(AVŚ\_7,109.1c) ghṛténa kálim śíkṣāmi sá no mṛḍātīdṛśe ||1||

(AVŚ\_7,109.2a) ghṛtám apsarábhyo vaha tvám agne pāṃsún  
akṣébhyaḥ síkatā apás ca |  
(AVŚ\_7,109.2c) yathābhagám havydātiṃ juṣāṇā madanti devā  
ubháyāni havyā ||2||

(AVŚ\_7,109.3a) apsarásaḥ sadhamādaṃ madanti havirdhānam  
antarā súryaṃ ca |  
(AVŚ\_7,109.3c) tá me hástau sám sṛjantu ghṛténa sapátnaṃ me  
kitavám randhayantu ||3||

(AVŚ\_7,109.4a) ādinavám pratidívne ghṛténāsmāṃ abhí kṣara |  
(AVŚ\_7,109.4c) vṛkṣám ivāśányā jahi yó asmán pratidívyati ||4||

(AVŚ\_7,109.5a) yó no dyuvé dhānam idám cakāra yó akṣāṇām  
glāhanam śéṣaṇam ca |

(AVŚ\_7,109.5c) sá no devó havír idám juṣāṇó gandharvébhiḥ  
sadhāmādaṃ madema ||5||

(AVŚ\_7,109.6a) sámvasava íti vo nāmadhéyam ugraṃpaśyá  
rāṣṭrabhṛto hy àkṣáḥ |  
(AVŚ\_7,109.6c) tébhyo va indavo havíṣā vidhema vayám syāma  
pátayo rayīṇām ||6||

(AVŚ\_7,109.7a) devān yān nāthitó huvé brahmacáryaṃ yád ūṣimá |  
(AVŚ\_7,109.7c) akṣān yád babhrún ālábhe té no mṛḍantv īdṛ́ṣe ||7||

(AVŚ\_7,110.1a) ágna índraś ca dāśúṣe ható vṛtráṇy apratí |  
(AVŚ\_7,110.1c) ubhá hí vṛtrahántamā ||1||

(AVŚ\_7,110.2a) yābhyām ájayant svār ágra evá yāv ātasthátur  
bhúvanāni víśvā |  
(AVŚ\_7,110.2c) prá carṣaṇívṛṣaṇā vájrabāhū agnīm índram  
vṛtrahāṇā huve 'hám ||2||

(AVŚ\_7,110.3a) úpa tvā devó agramīc camaséna bṛhaspátīḥ |  
(AVŚ\_7,110.3c) índra gīrbhír na á viśa yájamānāya sunvaté ||3||

(AVŚ\_7,111.1a) índrasya kukṣír asi somadhána ātmá devānām utá  
mánuṣāṇām |  
(AVŚ\_7,111.1c) ihá prajā janaya yás ta āsú yá anyátrehá tás te  
ramantām ||1||

(AVŚ\_7,112.1a) śúbmbhanī dyāvāpṛthiví ántiṣumne máhivrate |  
(AVŚ\_7,112.1c) āpaḥ saptá susruvur devís tá no muñcantv áṃhasaḥ  
||1||

(AVŚ\_7,112.2a) muñcántu mā śapathyād átho varuṇyād utá |  
(AVŚ\_7,112.2c) átho yamásya páḍvīśād vísvasmād devakilbiṣát ||2||

(AVŚ\_7,113.1a) tṛṣṭike tṛṣṭavandana úd amúm chindhi tṛṣṭike |  
(AVŚ\_7,113.1c) yáthā kṛtádviṣṭáso 'múṣmai śepyávate ||1||

(AVŚ\_7,113.2a) tṛṣṭási tṛṣṭiká viśá viṣātaký àsi |  
(AVŚ\_7,113.2c) párivṛktā yáthásasy ṛṣabhásya vaśéva ||2||

(AVŚ\_7,114.1a) á te dade vakṣāṇābhya á te 'hám hṛdayād dade |



(AVŚ\_7,114.1c) á te múkhasya sánkāsāt sárvaṃ te várca á dade ||  
1||

(AVŚ\_7,114.2a) prétó yantu vyādhyāḥ prānudhyāḥ pró áśastayaḥ |  
(AVŚ\_7,114.2c) agní rakṣasvínīr hantu sómo hantu durasyatīḥ ||2||

(AVŚ\_7,115.1a) prá patetāḥ pāpi lakṣmi náśyetāḥ prāmútaḥ pata |  
(AVŚ\_7,115.1c) ayasmāyenāñkēna dviṣatē tvā sajāmasi ||1||

(AVŚ\_7,115.2a) yā mā lakṣmīḥ patayālūr ájuṣṭābhicaskānda  
vāndāneva vṛkṣām |  
(AVŚ\_7,115.2c) anyātrāsmāt savitas tām itó dhā hiraṇyahasto vásu  
no rārāṇaḥ ||2||

(AVŚ\_7,115.3a) ékaśataṃ lakṣmyò mártasya sākāṃ tanvā janúśó  
'dhi jātāḥ |  
(AVŚ\_7,115.3c) tāsāṃ pāpiṣṭhā nír itāḥ prá hiṇmaḥ śivā asmábhyaṃ  
jātavedo náyacha ||3||

(AVŚ\_7,115.4a) etā enā vyākaraṃ khilé gā víṣṭhitā iva |  
(AVŚ\_7,115.4c) rāmantāṃ pūnyā lakṣmír yāḥ pāpīs tā anīnaśam ||4||

(AVŚ\_7,116.1a) námo rūṛāya cyāvanāya nódanāya dhṛṣṇāve |  
(AVŚ\_7,116.1c) námaḥ śītāya pūrvakāmakṛtvane ||1||

(AVŚ\_7,116.2a) yó anyedyúr ubhayadyúr abhyétīmāṃ maṇḍūkam |  
(AVŚ\_7,116.2c) abhy ètv avratāḥ ||2||

(AVŚ\_7,117.1a) á mandráir indra háribhir yāhí mayúraromabhiḥ |  
(AVŚ\_7,117.1c) mā tvā ké cid ví yaman víṃ ná pāsíno 'ti dhānveva  
tām̐ ihi ||1||

(AVŚ\_7,118.1a) mármāṇi te vármaṇā chādayāmi sómas tvā  
rājāmṛtenānu vastām |  
(AVŚ\_7,118.1c) urór várīyo váruṇas te kṛṇotu jáyantaṃ tvānu devā  
madantu ||1||

(AVŚ\_8,1.1a) ántakāya mṛtyāve námaḥ prāná apāná ihá te  
ramantām |  
(AVŚ\_8,1.1c) iháyám astu púruṣaḥ sahāsuna sūryasya bhāgé  
amṛtasya loké ||1||

(AVŚ\_8,1.2a) úd enaṃ bhágo agrabhīd úd enaṃ sómo aṃśumán |  
(AVŚ\_8,1.2c) úd enaṃ marúto devá úd indrāgnī svastáye ||2||

(AVŚ\_8,1.3a) ihá té 'sur ihá prāṇá iháyur ihá te mánah |  
(AVŚ\_8,1.3c) út tvā nírṛtyāḥ páśebhyo dáivyā vacá bharāmasi ||3||

(AVŚ\_8,1.4a) út krāmātaḥ puruṣa máva patthā mṛtyóḥ pádvīṣam  
avamuñcāmānaḥ |  
(AVŚ\_8,1.4c) má chitthā asmál lokád agnéḥ sūryasya samdṛśaḥ ||4||

(AVŚ\_8,1.5a) túbhyaṃ vātaḥ pavatāṃ mātariśvā túbhyaṃ varṣantv  
amṛtāny āpaḥ |  
(AVŚ\_8,1.5c) sūryas te tanvè sám tapāti tvám mṛtyúr dayatāṃ má  
prá meṣṭhāḥ ||5||

(AVŚ\_8,1.6a) udyānaṃ te puruṣa nāvayānaṃ jīvātum te dákṣatātim  
kṛnomi |  
(AVŚ\_8,1.6c) á hí róhemám amṛtaṃ sukhám rátham átha jírvir  
vidátham á vadāsi ||6||

(AVŚ\_8,1.7a) má te mánas táttra gān má tiró bhūn má jīvébhyaḥ prá  
madō mánu gāḥ pitṛn |  
(AVŚ\_8,1.7c) víśve devá abhí rakṣantu tvehá ||7||

(AVŚ\_8,1.8a) má gatānām á dīdhīthā yé náyanti parāvátam |  
(AVŚ\_8,1.8c) á roha támaso jyótir éhy á te hástau rabhāmahe ||8||

(AVŚ\_8,1.9a) śyāmás ca tvā má śabálaś ca préṣitau yamásya yáu  
pathiráksī śvānau |  
(AVŚ\_8,1.9c) arvān éhi má ví dīdhyo mátra tiṣṭhaḥ párāñmanāḥ ||9||

(AVŚ\_8,1.10a) máitāṃ pánthām ánu gā bhīmá eśá yéna pūrvam  
néyátha táṃ bravīmi |  
(AVŚ\_8,1.10c) táma etát puruṣa má prá patthā bhayám parástād  
ábhayaṃ te arvák ||10|| {1}

(AVŚ\_8,1.11a) rákṣantu tvāgnáyo yé apsv àntá rákṣatu tvā manuṣyā  
yám indháte |  
(AVŚ\_8,1.11c) vaiśvānaró rakṣatu jātávedā divyás tvā má prá dhāg  
vidyútā sahá ||11||

(AVŚ\_8,1.12a) má tvā kravyád abhí maṃstārāt sámkasukāc cara  
rákṣatu tvā dyáu rákṣatu |  
(AVŚ\_8,1.12c) pṛthiví sūryas ca tvā rákṣatāṃ candrámas ca |  
(AVŚ\_8,1.12e) antárikṣam rakṣatu devahetyāḥ ||12||

(AVŚ\_8,1.13a) bodhás ca tvā pratibodhás ca rakṣatām asvapnás ca  
tvānavadrāṇás ca rakṣatām |

(AVŚ\_8,1.13c) gopāyámś ca tvā jágrvis ca rakṣatām ||13||

(AVŚ\_8,1.14a) té tvā rakṣantu té tvā gopāyantu tébhyo námas  
tébhyaḥ svāhā ||14||

(AVŚ\_8,1.15a) jīvébhyas tvā samúde vāyúr índro dhātā dadhātu  
savitā trāyamāṇaḥ |

(AVŚ\_8,1.15c) má tvā prāṇó bálam hāsīd ásum té 'nu hvayāmasi ||  
15||

(AVŚ\_8,1.16a) má tvā jambháḥ sámhanur má támo vidan má jihvá  
barhīs pramayúḥ kathā syāḥ |

(AVŚ\_8,1.16c) út tvādityā vásavo bharantúd indrāgnī svastāye ||16||

(AVŚ\_8,1.17a) út tvā dyáur út pṛthivy út prajāpatir agrabhīt |

(AVŚ\_8,1.17c) út tvā mṛtyór óṣadhayaḥ sómarājñīr apīparan ||17||

(AVŚ\_8,1.18a) ayám devā iháivāstv ayám māmútra gād itāḥ |

(AVŚ\_8,1.18c) imám sahásravīryeṇa mṛtyór út pārayāmasi ||18||

(AVŚ\_8,1.19a) út tvā mṛtyór apīparam sám dhamantu vayodhásaḥ |

(AVŚ\_8,1.19c) má tvā vyastakeśyò má tvāgharúdo rudan ||19||

(AVŚ\_8,1.20a) áhārṣam ávidam tvā púnar ágāḥ púnarṇavaḥ |

(AVŚ\_8,1.20c) sárvaṅga sárvaṃ te cákṣuḥ sárvaṃ áyus ca te 'vidam  
||20||

(AVŚ\_8,1.21a) vy àvāt te jyótir abhūd ápa tvát támo akramīt |

(AVŚ\_8,1.21c) ápa tván mṛtyúm níṛṭtim ápa yákṣmam ní dadhmasi ||  
21|| {2}

(AVŚ\_8,2.1a) á rabhasvemām amṛtasya snúṣṭim áchidyamānā  
jarádaṣṭir astu te |

(AVŚ\_8,2.1c) ásum ta áyuḥ púnar á bharāmi rájas támo mópa gā má  
prá meṣṭhāḥ ||1||

(AVŚ\_8,2.2a) jīvatām jyótir abhyéhy arvān á tvā harāmi  
śatáśāradāya |

(AVŚ\_8,2.2c) avamuñcán mṛtyupāśán áśastim drághīya áyuḥ  
prataráṃ te dadhāmi ||2||

(AVŚ\_8,2.3a) vātāt te prānám avidam sūryāc cákṣur ahám táva |

(AVŚ\_8,2.3c) yāt te mánas tvāyi tát dhārayāmi sám vitsvāṅgair  
váda jihváyālapan ||3||

(AVŚ\_8,2.4a) prāṇéna tvā dvipádām cátuṣpadām agním iva jātām  
abhí sám dhamāmi |

(AVŚ\_8,2.4c) námas te mṛtyo cákṣuṣe námaḥ prāṇāya te 'karam ||  
4||

(AVŚ\_8,2.5a) ayám jīvatu mǎ mṛtemám sám īrayāmasi |  
(AVŚ\_8,2.5c) kṛṇómy asmai bheṣajám mṛtyo mǎ púruṣam vadhīḥ ||  
5||

(AVŚ\_8,2.6a) jīvalám naghāriṣám jīvantīm óṣadhīm ahám |  
(AVŚ\_8,2.6c) trāyamāṇám sáhamānām sáhasvatīm ihá huve 'smá  
ariṣṭātātaye ||6||

(AVŚ\_8,2.7a) ádhi brūhi mǎ rabhathāḥ sṛjémám távaivá sánt  
sárvahāyāḥ ihāstu |  
(AVŚ\_8,2.7c) bhávāśarvau mṛḍátam śárma yachatam apasídhya  
duritám dhattam áyuh ||7||

(AVŚ\_8,2.8a) asmái mṛtyo ádhi brūhīmám dayasvód itó 'yám etu |  
(AVŚ\_8,2.8c) áriṣṭaḥ sárvāṅgaḥ suśrúj jarásā śatáhāyana ātmánā  
bhújām aśnutām ||8||

(AVŚ\_8,2.9a) devānām hetīḥ pári tvā vṛṇaktu pāráyāmi tvā rájasa út  
tvā mṛtyór apīparam |  
(AVŚ\_8,2.9c) ārád agníḥ kravýādam nirúham jīvátave te paridhím  
dadhāmi ||9||

(AVŚ\_8,2.10a) yát te niyánam rajasám mṛtyo anavadharṣyām |  
(AVŚ\_8,2.10c) pathá imám tásmād rákṣanto bráhmāsmái várma  
kṛṇmasi ||10|| {3}

(AVŚ\_8,2.11a) kṛṇómi te prāṇāpānáu jarám mṛtyúḥ dīrghám áyuh  
svastí |  
(AVŚ\_8,2.11c) vaivasvaténa prāhitān yamadūtámś carató 'pa  
sedhāmi sárvān ||11||

(AVŚ\_8,2.12a) ārád árātim níṛṛtim paró gráhiḥ kravýādaḥ piśācān |  
(AVŚ\_8,2.12c) rákṣo yát sárvaḥ durbhūtám tát táma ivápa hanmasi  
||12||

(AVŚ\_8,2.13a) agnēṣ ṭa prānám amṛtād áyusmato vanve  
jātávedasaḥ |  
(AVŚ\_8,2.13c) yáthā ná ríṣyā amṛtaḥ sajúr ásas tát te kṛṇomi tát u  
te sám ṛdhyatām ||13||

(AVŚ\_8,2.14a) śivé te stām dyāvāpṛthiví asaṃtāpé abhiśríyau |  
(AVŚ\_8,2.14c) sám te súrya ā tapatu sám vāto vātu te hṛdé |  
(AVŚ\_8,2.14e) śivá abhí kṣarantu tvápo divyāḥ páyasvatīḥ ||14||

(AVŚ\_8,2.15a) śivás te santv óṣadhaya út tvāhārṣam ádharasyā  
úttarām pṛthivīm abhí |

(AVŚ\_8,2.15c) tátra tvādityáu rakṣatām sūryācandramāsāv ubhá ||  
15||

(AVŚ\_8,2.16a) yát te vāsaḥ paridhānaṃ yām nīvim kṛṇuṣé tvám |  
(AVŚ\_8,2.16c) śívam te tanvé tát kṛṇmaḥ saṃsparśé 'drūkṣaṃ astu  
te ||16||

(AVŚ\_8,2.17a) yát kṣurēṇa marcáyatā sutejāsā váptā vápasi  
keśaśmaśrú |  
(AVŚ\_8,2.17c) śúbhaṃ múkhaṃ má na áyuh prá moṣīḥ ||17||

(AVŚ\_8,2.18a) śíváu te stām vrīhiyavāv abalāsāv adomadháu |  
(AVŚ\_8,2.18c) etáu yákṣmaṃ ví bādhete etáu muñcato áṃhasaḥ ||  
18||

(AVŚ\_8,2.19a) yád aśnási yát pibasi dhānyām kṛṣyāḥ páyaḥ |  
(AVŚ\_8,2.19c) yád ādyām yád anādyām sárvaṃ te ánnam aviṣām  
kṛṇomi ||19||

(AVŚ\_8,2.20a) áhne ca tvā rātraye cobhábhyaṃ pári dadmasi |  
(AVŚ\_8,2.20c) arāyebhyo jighatsúbhya imām me pári rakṣata ||20||  
{4}

(AVŚ\_8,2.21a) śatām te 'yútaṃ hāyanān dvé yugé trīṇi catvári  
kṛṇmaḥ |  
(AVŚ\_8,2.21c) indrāgní vísve devás té 'nu manyantām  
áhṛṇīyamānāḥ ||21||

(AVŚ\_8,2.22a) śaráde tvā hemantāya vasantāya grīṣmāya pári  
dadmasi |  
(AVŚ\_8,2.22c) varṣāṇi túbhyaṃ syonāni yéṣu vārdhanta óṣadhīḥ ||  
22||

(AVŚ\_8,2.23a) mṛtyúr īse dvipádām mṛtyúr īse cátuṣpadām |  
(AVŚ\_8,2.23c) tásmāt tvām mṛtyór gópater úd bharāmi sá má  
bibheḥ ||23||

(AVŚ\_8,2.24a) só 'riṣṭa ná mariṣyasi ná mariṣyasi má bibheḥ |  
(AVŚ\_8,2.24c) ná vái tátra mriyante nó yanti adhamām támaḥ ||24||

(AVŚ\_8,2.25a) sárvo vái tátra jīvati gáur áśvaḥ púruṣaḥ paśúḥ |  
(AVŚ\_8,2.25c) yátredām bráhma kriyáte paridhír jīvanāya kám ||25||

(AVŚ\_8,2.26a) pári tvā pātu samānébhyo 'bhicārāt sábandhubhyaḥ |  
(AVŚ\_8,2.26c) ámamrir bhavāmṛto 'tijívó má te hāsiṣur ásaḥ  
śārīram ||26||

(AVŚ\_8,2.27a) yé mṛtyáva ékaśataṃ yá nāṣṭrá atitāryāḥ |  
(AVŚ\_8,2.27c) muñcāntu tásmāt tvām devā agnér vaiśvānarād ádhi

||27||

(AVŚ\_8,2.28a) agnéḥ śārīram asi pārayiṣṇú rakṣohāsi sapatnahā |  
(AVŚ\_8,2.28c) átho amīvacātanaḥ pūtúdrur náma bheṣajám ||28||  
{5}

(AVŚ\_8,3.1a) rakṣohāṇaṃ vājīnam ā jigharmi mitráṃ práthiṣṭham  
úpa yāmi śárma |  
(AVŚ\_8,3.1c) śísāno agníḥ krátubhiḥ sámiddhaḥ sá no dívā sá riśáh  
pātu náktam ||1||

(AVŚ\_8,3.2a) áyodaṃṣtro arcíṣā yātudhānān úpa spṛśa jātavedaḥ  
sámiddhaḥ |  
(AVŚ\_8,3.2c) ā jihváyā mūradevān rabhasva kravyādo vṛṣṭvāpi  
dhatsvāsán ||2||

(AVŚ\_8,3.3a) ubhóbhayāvinṇ úpa dhehi dáṃṣtrau himsráh śísānó  
'varam páraṃ ca |  
(AVŚ\_8,3.3c) utántárikṣe pári yāhy agne jámbhaiḥ sám dhehy abhí  
yātudhānān ||3||

(AVŚ\_8,3.4a) ágne tvácaṃ yātudhānasya bhindhi himsrásánir  
háraṣā hantv enam |  
(AVŚ\_8,3.4c) prá párvāṇi jātavedaḥ śṇīhi kravyāt kraviṣṇúr ví cinotv  
enam ||4||

(AVŚ\_8,3.5a) yátredānīm pásyasi jātavedas tíṣṭhantam agna utá vā  
cárantam |  
(AVŚ\_8,3.5c) utántárikṣe pátantaṃ yātudhānaṃ tám ástā vidhya  
śárvā śísānaḥ ||5||

(AVŚ\_8,3.6a) yajñáir iṣūḥ saṃnámamāno agne ivācā śalyáṃ  
aśánibhir dihānáḥ |  
(AVŚ\_8,3.6c) tábhir vidhya hṛdaye yātudhānān pratícó bāhún prati  
bhaṅgdhy eṣām ||6||

(AVŚ\_8,3.7a) utárabdhānt spṛnuhi jātaveda utárebhāṇám ṛṣṭíbhir  
yātudhānān |  
(AVŚ\_8,3.7c) ágne púrvo ní jahi sóśucāna āmádaḥ kṣvínkās tám  
adantv éniḥ ||7||

(AVŚ\_8,3.8a) ihá prá brūhi yatamáḥ só agne yātudhāno yá idám  
kṛṇotí |  
(AVŚ\_8,3.8c) tám ā rabhasva samídhā yaviṣṭha nṛcákṣasaś cákṣuṣe  
randhayainam ||8||

(AVŚ\_8,3.9a) tīkṣṇénāgne cákṣuṣā rakṣa yajñám práñcaṃ

vásubhyaḥ prá ṇaya pracetaḥ |  
(AVŚ\_8,3.9c) hiṃsrām rākṣāṃsy abhí sóśucānaṃ má tvā dabhan  
yātudhānā nṛcakṣaḥ ||9||

(AVŚ\_8,3.10a) nṛcákṣā rákṣaḥ pári paśya vikṣú táśya tríṇi práti  
śṛṇīhy ágrā |  
(AVŚ\_8,3.10c) táśyāgne pṛṣṭír hárasā śṛṇīhi tredhá múlaṃ  
yātudhānasya vṛśca ||10|| {6}

(AVŚ\_8,3.11a) trír yātudhānaḥ prásiṭim ta etv ṛtām yó agne ánṛtena  
hánti |  
(AVŚ\_8,3.11c) tám arcíṣā sphūrjáyan jātavedaḥ samakṣám enam  
grṇaté ní yuṅgdhi ||11||

(AVŚ\_8,3.12a) yád agne adyá mithuná śápāto yád vācás tṛṣṭām  
janáyanta rebháḥ |  
(AVŚ\_8,3.12c) manyór mánasaḥ śaravyà jáyate yá táyā vidhya  
hṛdaye yātudhānān ||12||

(AVŚ\_8,3.13a) párā śṛṇīhi tápasā yātudhānān párāgne rākṣo hárasā  
śṛṇīhi |  
(AVŚ\_8,3.13c) párārcíṣā múradevān chrṇīhi párāsutṛpaḥ sóśucataḥ  
śṛṇīhi ||13||

(AVŚ\_8,3.14a) párādyá devá vṛjinám śṛṇantu pratyág enam śápáthā  
yantu sṛṣṭāḥ |  
(AVŚ\_8,3.14c) vācāstenam śarava ṛchantu márman víśvasyaitu  
prásiṭim yātudhānaḥ ||14||

(AVŚ\_8,3.15a) yáḥ páuruṣeṇa kravíṣā samañkté yó áśvyena  
paśúnā yātudhānaḥ |  
(AVŚ\_8,3.15c) yó aghnyáyā bháratī kṣīrám agne téṣām śīrśāṇi  
hárasāpi vṛśca ||15||

(AVŚ\_8,3.16a) viśám gávām yātudhānā bharantām á vṛścantām  
áditaye durévāḥ |  
(AVŚ\_8,3.16c) páraiṇān deváḥ savitá dadātu párā bhāgám  
óṣadhīnām jayantām ||16||

(AVŚ\_8,3.17a) samvatsarīṇam páya usríyāyās táśya māsīd  
yātudhāno nṛcakṣaḥ |  
(AVŚ\_8,3.17c) pīyúṣam agne yatamás títṛpsāt tám pratyāñcam  
arcíṣā vidhya mármaṇi ||17||

(AVŚ\_8,3.18a) sanád agne mṛṇasi yātudhānān ná tvā rākṣāṃsi  
pṛtanāsu jigyuḥ |  
(AVŚ\_8,3.18c) sahámūrān ánu daha kravýádo má te hetyá mukṣata  
dáivyāyāḥ ||18||

(AVŚ\_8,3.19a) tvám no agne adharád udaktás tvám paścád utá  
rakṣā purástāt |  
(AVŚ\_8,3.19c) prāti tyé te ajārāsas tápiṣṭhā aghásamsam sósucato  
dahantu ||19||

(AVŚ\_8,3.20a) paścāt purástād adharád utóttarāt kavíḥ kávyena pári  
pāhy agne |  
(AVŚ\_8,3.20c) sákhā sákhāyam ajáro jarimné ágne mártām  
ámartyas tvám naḥ ||20|| {7}

(AVŚ\_8,3.21a) tát agne cákṣuḥ prāti dhehi rebhé śaphārújo yéna  
pásyasi yātudhānān |  
(AVŚ\_8,3.21c) atharvaváj jyótiṣā dáivyena satyám dhúrvantam  
acítam nyòṣa ||21||

(AVŚ\_8,3.22a) pári tvāgne púram vayám vípram sahasya dhīmahi |  
(AVŚ\_8,3.22c) dhṛṣádvarṇam divédive hantāram bhaṅgurāvataḥ ||  
22||

(AVŚ\_8,3.23a) viśéṇa bhaṅgurāvataḥ prāti sma rakṣáso jahi |  
(AVŚ\_8,3.23c) ágne tigména sóciṣā tápuragrābhir arcíbhiḥ ||23||

(AVŚ\_8,3.24a) ví jyótiṣā bṛhatá bhāty agnír āvír víśvāni kṛṇute  
mahítvá |  
(AVŚ\_8,3.24c) prádevīr māyāḥ sahate durévāḥ śísīte śṛṅge  
rákṣobhyo viníkṣe ||24||

(AVŚ\_8,3.25a) yé te śṛṅge ajāre jātavedas tigmáhetī bráhmasamśite  
|  
(AVŚ\_8,3.25c) tábhyām durhárdam abhidásantam kimīdínam |  
(AVŚ\_8,3.25e) pratyāñcam arcíṣā jātavedo ví nikṣva ||25||

(AVŚ\_8,3.26a) agní rákṣāmsi sedhati súkrásocir ámartyaḥ |  
(AVŚ\_8,3.26c) súcīḥ pāvaká íḍyaḥ ||26|| {8}

(AVŚ\_8,4.1a) índrāsomā tápatam rákṣa ubjátam ny àrpayatam  
vṛṣaṇā tamovṛdhāḥ |  
(AVŚ\_8,4.1c) párā śṛṇītam acíto ny òṣatam hatām nudéthām ní  
śísītam attrīṇaḥ ||1||

(AVŚ\_8,4.2a) índrāsomā sám aghásamsam abhy àghám tápur  
yayastu carúr agnimám iva |  
(AVŚ\_8,4.2c) brahmadvíṣe kravyáde ghorácakṣase dvéṣo dhattam  
anavāyám kimīdine ||2||

(AVŚ\_8,4.3a) índrāsomā duṣkṛto vavré antár anārambhaṇé támasi  
prá vīdhyatam |



(AVŚ\_8,4.3c) yáto náīṣāṃ púnar ékaś canódáyat tát vām astu  
sáhaṣe manyumác chávaḥ ||3||

(AVŚ\_8,4.4a) índrāsomā vartáyataṃ divó vadhám sám pṛthivyā  
aghāṣaṃsāya tárhaṇam |

(AVŚ\_8,4.4c) út takṣataṃ svaryāṃ<sup>1</sup> párvatebhyo yéna rákṣo  
vāvṛdhānám nijúrvathaḥ ||4||

(AVŚ\_8,4.5a) índrāsomā vartáyataṃ divás páry agnitaptébhir yuvám  
áśmāhanmabhiḥ |

(AVŚ\_8,4.5c) tápurvadhebhír ajárebhir attrīṇo ní pársāne vidhyataṃ  
yántu nisvarám ||5||

(AVŚ\_8,4.6a) índrāsomā pári vām bhūtu viśváta iyám matíḥ  
kakṣyāśveva vājinā |

(AVŚ\_8,4.6c) yám vām hótrām parihinómi medháýemā bráhmāṇi  
nṛpátī iva jinvatam ||6||

(AVŚ\_8,4.7a) prāti smarethām tujáyadbhir évair hatám druho  
rakṣāso bhaṅgurávataḥ |

(AVŚ\_8,4.7c) índrāsomā duṣkṛte mǎ sugám bhūd yó mǎ kadǎ cid  
abhidǎsati druhúḥ ||7||

(AVŚ\_8,4.8a) yó mǎ pákena mánasā cárantam abhicáṣte ánṛtebhír  
vácobhiḥ |

(AVŚ\_8,4.8c) ápa iva kǎśinā sámgr̥bhītā ásann astv ásataḥ indra  
vaktǎ ||8||

(AVŚ\_8,4.9a) yé pǎkaśaṃsám vihárantā évair yé vǎ bhadráṃ  
dūṣáyanti svadhǎbhiḥ |

(AVŚ\_8,4.9c) áhaye vǎ tán pradádātu sóma á vǎ dadhātu níṛṛter  
upáṣṭhe ||9||

(AVŚ\_8,4.10a) yó no rásaṃ dípsati pitvó agne áśvānām gávām yás  
tanúnām |

(AVŚ\_8,4.10c) ripú stená steyakṛd dabhrám etu ní ṣá hīyatām tanvǎ  
tánā ca ||10|| {9}

(AVŚ\_8,4.11a) paráh só astu tanvǎ tánā ca tistráh pṛthivír adhó astu  
vísavāḥ |

(AVŚ\_8,4.11c) prāti śuṣyatu yáso asya devā yó mǎ dívā dípsati yás  
ca náktam ||11||

(AVŚ\_8,4.12a) suvijñānám cikitúṣe jánāya sác cásac ca vácasī  
paspr̥dhāte |

(AVŚ\_8,4.12c) tásyor yát satyám yatarád ṛjīyas tát ít sómo 'vati  
hánty ásat ||12||

(AVŚ\_8,4.13a) ná vǎ u sómo vṛjinám hinoti ná kṣatríyam mithuyǎ

dhāráyantam |  
(AVŚ\_8,4.13c) hānti rākṣo hānty āsad vādantam ubhāv índrasya  
prásītau śáyāte ||13||

(AVŚ\_8,4.14a) yādi vāhām ānṛtadevo āsmi mógham vā devāṃ  
apyūhé agne |  
(AVŚ\_8,4.14c) kím asmábhyaṃ jātavedo hr̥ṇīṣe droghavācas te  
nirṛthām sacantām ||14||

(AVŚ\_8,4.15a) adyā muriya yādi yātudhāno āsmi yādi vāyus tatāpa  
púruṣasya |  
(AVŚ\_8,4.15c) ádhā sá vīráir daśábhīr ví yūyā yó mā mógham  
yātudhānéty áha ||15||

(AVŚ\_8,4.16a) yó mǎyātum yātudhānety áha yó vā rakṣāḥ sícir  
asmīty áha |  
(AVŚ\_8,4.16c) índras tám hantu mahatā vadhéna víśvasya jantór  
adhamás padīṣṭa ||16||

(AVŚ\_8,4.17a) prá yá jīgāti khargáleva náktam ápa druhús tanvām  
gúhamānā |  
(AVŚ\_8,4.17c) vavrám anantám áva sá padīṣṭia grāvāṇo ghnantu  
rakṣāsa upabdáih ||17||

(AVŚ\_8,4.18a) ví tiṣṭhadvam maruto vikṣv ìcháta gr̥bhāyāta  
rakṣāsaḥ sám pinaṣṭan |  
(AVŚ\_8,4.18c) váyo yé bhūtvā patáyanti naktábhīr yé vā rípo  
dadhīré devé adhvaré ||18||

(AVŚ\_8,4.19a) prá vartaya divó 'śmānam indra sómaśītam  
maghavant sám śísādhi |  
(AVŚ\_8,4.19c) prāktó apāktó adharād udaktó 'bhí jahi rakṣāsaḥ  
párvatena ||19||

(AVŚ\_8,4.20a) etá u tyé patayanti śváyātava índram dipsanti  
dipsāvó 'dābhyam |  
(AVŚ\_8,4.20c) śísīte śakráḥ písunebhyo vadhām nunám sṛjad  
asānīm yātumádbhyaḥ ||20|| {10}

(AVŚ\_8,4.21a) índro yātūnām abhavat parāśaró havirmáthīnām  
abhy āvívāsatām |  
(AVŚ\_8,4.21c) abhíd u śakráḥ paraśúr yáthā vānam pátreva  
bhindánt satá etu rakṣāsaḥ ||21||

(AVŚ\_8,4.22a) úlūkayātum śusúlūkayātum jahí śváyātum utá  
kókayātum |  
(AVŚ\_8,4.22c) suparnáyātum utá gṛdhrayātum dṛṣádeva prá mṛṇa  
rākṣa indra ||22||

(AVŚ\_8,4.23a) má no rákṣo abhí naḍ yātumávad ápochantu mithuná yé kimīdínaḥ |

(AVŚ\_8,4.23c) pṛthiví naḥ pāṛthivāt pātv áṃhaso 'ntárikṣaṃ divyāt pātv āsmān ||23||

(AVŚ\_8,4.24a) índra jahí púmāṃsaṃ yātudhánam utá stríyaṃ māyāyā śásadānām |

(AVŚ\_8,4.24c) vígrīvāso mūradevā ṛdantu má té dṛśant sūryam uccárantam ||24||

(AVŚ\_8,4.25a) prāti cakṣva ví cakṣvéndraś ca soma jāgr̥tam |

(AVŚ\_8,4.25c) rákṣobhyo vadhám asyatam asániṃ yātumádbhyaḥ ||25|| {11}

(AVŚ\_8,5.1a) ayám pratisaró mañír vīró vīráya badhyate |

(AVŚ\_8,5.1c) vīryāvānt sapatnahá súravīraḥ paripāṇaḥ sumaṅgalaḥ ||1||

(AVŚ\_8,5.2a) ayám mañíḥ sapatnahá suvīraḥ sáhasvān vājí sáhamāna ugráḥ |

(AVŚ\_8,5.2c) pratyák kṛtyá dūśáyann eti vīráḥ ||2||

(AVŚ\_8,5.3a) anénéndro mañínā vṛtrám ahann anénāsurān párābhāvayan mañīśí |

(AVŚ\_8,5.3c) anénājayad dyāvāpṛthiví ubhé imé anénājayat pradísas cátasraḥ ||3||

(AVŚ\_8,5.4a) ayám srāktyó mañíḥ pratīvartāḥ pratisaráḥ |

(AVŚ\_8,5.4c) ójasvān vimṛdhó vaśí só āsmān pātu sarvátāḥ ||4||

(AVŚ\_8,5.5a) tát agnír āha tát u sóma āha bṛhaspátīḥ savitá tát índraḥ |

(AVŚ\_8,5.5c) té me deváḥ puróhitāḥ pratícīḥ kṛtyāḥ pratisaráir ajantu ||5||

(AVŚ\_8,5.6a) antár dadhe dyāvāpṛthiví utáhar utá sūryam |

(AVŚ\_8,5.6c) té me deváḥ puróhitāḥ pratícīḥ kṛtyāḥ pratisaráir ajantu ||6||

(AVŚ\_8,5.7a) yé srāktyám mañím jánā vármāni kṛṇváte |

(AVŚ\_8,5.7c) sūrya iva dívam ārúhya ví kṛtyá bādhate vaśí ||7||

(AVŚ\_8,5.8a) srāktyéna mañínā řṣiṇeva mañīřínā |

(AVŚ\_8,5.8c) ájaiṣaṃ sárvaḥ pṛtanā ví mṛdho hanmi rakśasaḥ ||8||

(AVŚ\_8,5.9a) yáḥ kṛtyá āṅgirasír yáḥ kṛtyá āsurír yáḥ |

(AVŚ\_8,5.9c) kṛtyāḥ svayám̐kṛtā yá u cānyébhir ábhṛtāḥ |

(AVŚ\_8,5.9e) ubháyīs táḥ párā yantu parāváto navatím nāvyā áti ||  
9||

(AVŚ\_8,5.10a) asmái maṇím várma badhnantu devā índro víṣṇuḥ  
savitā rudró agníḥ |

(AVŚ\_8,5.10c) prajāpatiḥ parameṣṭhí virāḍ vaiśvānarā ṛṣayaś ca  
sárve ||10|| {12}

(AVŚ\_8,5.11a) uttamó asy óṣadhīnām anaḍvān jágatām iva  
vyāghráḥ śvápadām iva |

(AVŚ\_8,5.11ḍ) yám áichāmávidāma tám pratispáśanam ántitam ||  
11||

(AVŚ\_8,5.12a) sá íd vyāghró bhavaty átho siṃhó átho vṛṣā |

(AVŚ\_8,5.12c) átho sapatnakársano yó bíbhartīmám maṇím ||12||

(AVŚ\_8,5.13a) náinaṃ ghnanty apsaráso ná gandharvā ná mártiyāḥ |

(AVŚ\_8,5.13c) sárvā díśo ví rājati yó bíbhartīmám maṇím ||13||

(AVŚ\_8,5.14a) kaśyápas tvám asṛjata kaśyápas tvā sám airayat |

(AVŚ\_8,5.14c) ábibhas tvéndro mānuṣe bíbhrat saṃśreṣiṇé 'jayat |

(AVŚ\_8,5.14e) maṇím sahásravīryaṃ várma devā akr̥ṇvata ||14||

(AVŚ\_8,5.15a) yás tvā kṛtyābhir yás tvā dīkṣābhir yajñáir yás tvā  
jíghāṃsati |

(AVŚ\_8,5.15c) pratyák tvám indra tám jahi vājreṇa śatáparvaṇā ||  
15||

(AVŚ\_8,5.16a) ayám íd vái pratīvartá ójasvān saṃjayó maṇíḥ |

(AVŚ\_8,5.16c) prajāṃ dhānaṃ ca rakṣatu paripāṇaḥ sumaṅgalaḥ ||  
16||

(AVŚ\_8,5.17a) asapatnáṃ no adharād asapatnáṃ na uttarāt |

(AVŚ\_8,5.17c) índrasapatnáṃ naḥ paścāj jyótiḥ sūra purás kṛdhi ||  
17||

(AVŚ\_8,5.18a) várma me dyāvāpṛthiví vármāhar várma sūryaḥ |

(AVŚ\_8,5.18c) várma ma índras cāgnís ca várma dhātá dadhātu me  
||18||

(AVŚ\_8,5.19a) aindrāgnám várma bahulám yád ugrám víśve devā  
nātivídhyanti sárve |

(AVŚ\_8,5.19c) tán me tanvaṃ trāyatām sarváto bṛhád āyusmām  
jarádaṣṭir yáthāsāni ||19||

(AVŚ\_8,5.20a) á māruksad devamaṇír mahyā ariṣṭátātaye |

(AVŚ\_8,5.20c) imám methím abhisámviśadhvaṃ tanūpānaṃ  
trivárūtham ójase ||20||

(AVŚ\_8,5.21a) asmínn índro ní dadhātu nṛmṇám imám devāso  
abhisámviśadhvam |  
(AVŚ\_8,5.21c) dīrghāyutvāya śatásāradāyāyuṣmān jarādaṣṭir  
yáthāsat ||21||

(AVŚ\_8,5.22a) svastidā viśám pátir vṛtrahā vimṛdhó vaśí |  
(AVŚ\_8,5.22c) índro badhnātu te mañím jigīvám áparājitaḥ |  
(AVŚ\_8,5.22e) somapā abhayaṅkaró vṛṣā |

(AVŚ\_8,6.1a) yáu te mātónmamārja jātáyāḥ pativédanau |  
(AVŚ\_8,6.1c) durṇāmā tátta má ḡṛdhad alímśa utá vatsápah ||1||

(AVŚ\_8,6.2a) palālānupalāláu śárkuṃ kókam malimlucám palíjakam  
|  
(AVŚ\_8,6.2c) āśréṣam vavrívāsasam ṛkṣagrīvam pramīlīnam ||2||

(AVŚ\_8,6.3a) má sám vṛto mópa sṛpa ūrú máva sṛpo 'ntará |  
(AVŚ\_8,6.3c) kṛṇómy asyai bheṣajám bajám durṇāmacātanam ||3||

(AVŚ\_8,6.4a) durṇāmā ca sunāmā cobhá samvṛtam ichataḥ |  
(AVŚ\_8,6.4c) aráyān ápa hanmaḥ sunāmā stráṇam ichatām ||4||

(AVŚ\_8,6.5a) yáḥ kṛṣṇáḥ keśy áśura stambajā utá túṇḍikaḥ |  
(AVŚ\_8,6.5c) aráyān asyā muṣkābhyām bháṃsasó 'pa hanmasi ||5||

(AVŚ\_8,6.6a) anujighráṃ pramṛśántaṃ kravýādam utá rerihám |  
(AVŚ\_8,6.6c) aráyām chvakiṣkíṇo bajáh piṅgó anīnaśat ||6||

(AVŚ\_8,6.7a) yás tvā svápne nipádyate bhrātā bhūtvā pitéva ca |  
(AVŚ\_8,6.7c) bajás tánt sahatām itáḥ klībárūpāṃs tirīṭínaḥ ||7||

(AVŚ\_8,6.8a) yás tvā svapántīm tsáрати yás tvā dípsati jágratīm |  
(AVŚ\_8,6.8c) chāyām iva prá tánt sūryaḥ parikrámann anīnaśat ||8||

(AVŚ\_8,6.9a) yáḥ kṛṇóti mṛtāvatsām ávatokām imám stríyam |  
(AVŚ\_8,6.9c) tám oṣadhe tvám nāśayāsyáḥ kamálam añjivám ||9||

(AVŚ\_8,6.10a) yé śālāḥ parinṛtyanti sāyám gardabhanādínaḥ |  
(AVŚ\_8,6.10c) kuśúlā yé ca kuṣṭhílāḥ kakubháḥ karúmāḥ srímāḥ |  
(AVŚ\_8,6.10e) tán oṣadhe tvám gandhéna viśūcínān ví nāśaya ||10||  
{14}

(AVŚ\_8,6.11a) yé kukúndhāḥ kukírabhāḥ kṛttīr dūrsāni bíbhrati |  
(AVŚ\_8,6.11c) klībā iva pranṛtyanto vāne yé kurváte ghóṣam tán itó  
nāśayāmasi ||11||

(AVŚ\_8,6.12a) yé sūryam ná títikṣanta ātápantam amúm diváh |

(AVŚ\_8,6.12c) aráyan bastavāsino durgándhīmī lóhitāsyān mākakān  
nāśayāmasi ||12||

(AVŚ\_8,6.13a) yá ātmānam atimātrām āṃsa ādhāya bíbhrati |  
(AVŚ\_8,6.13c) strīṇām śronipratodína índra rákṣāṃsi nāśaya ||13||

(AVŚ\_8,6.14a) yé púrve badhvò yánti háste śṛṅgāni bíbhrataḥ |  
(AVŚ\_8,6.14c) āpākesthāḥ prahāsína stambé yé kurváte jyótis tán  
itó nāśayāmasi ||14||

(AVŚ\_8,6.15a) yéṣām paścāt prāpadāni purāḥ pāṛṣṇīḥ puró múkhā |  
(AVŚ\_8,6.15c) khalajāḥ śakadhūmajā úruṇḍā yé ca maṭmaṭāḥ  
kumbhāmuṣkā ayāśāvaḥ |  
(AVŚ\_8,6.15e) tán asyā brahmaṇas pate pratibodhéna nāśaya ||15||

(AVŚ\_8,6.16a) paryastākṣā apracaṅkaśā astraiṇāḥ santu pāṇḍagāḥ |  
(AVŚ\_8,6.16c) áva bheṣaja pādaya yá imām samvívṛtsaty ápatīḥ  
svapatīm stríyam ||16||

(AVŚ\_8,6.17a) uddharṣīṇam múnikeṣam jambháyantam marīmṛśam  
|  
(AVŚ\_8,6.17c) upéṣantam udumbálam tuṇḍélam utá śáluḍam |  
(AVŚ\_8,6.17e) padā prá vidhya pāṛṣṇyā sthālīm gáur iva spandanā ||  
17||

(AVŚ\_8,6.18a) yás te gárbham pratimṛśāj jātām vā māráyāti te |  
(AVŚ\_8,6.18c) piṅgás tám ugráadhanvā kṛṇótu hṛdayāvídham ||18||

(AVŚ\_8,6.19a) yé amnó jatān māráyanti sútikā anuśérate |  
(AVŚ\_8,6.19c) strībhāgān piṅgó gandharván vāto abhrām ivājatu ||  
19||

(AVŚ\_8,6.20a) párisṛṣṭam dharayatu yád dhitām māva pādi tát |  
(AVŚ\_8,6.20c) gárbham ta ugráu rakṣatām bheṣajáu nīvibhāryáu ||  
20|| {15}

(AVŚ\_8,6.21a) pavīnasāt taṅgalvāc chāyakād utá nágnakāt |  
(AVŚ\_8,6.21c) prajāyai pátye tvā piṅgāḥ pári pātu kimīdīnaḥ ||21||

(AVŚ\_8,6.22a) dvyaśyāc caturakṣāt páñcapadād anaṅguréḥ |  
(AVŚ\_8,6.22c) vṛntād abhí prasárpataḥ pári pāhi varīvṛtāt ||22||

(AVŚ\_8,6.23a) yá āmām mām̐sam adanti páuruṣeyam ca yé kravíḥ |  
(AVŚ\_8,6.23c) gárbhān khādanti keśavás tán itó nāśayāmasi ||23||

(AVŚ\_8,6.24a) yé súryāt parisárpanti snuśéva śvāsúrād ádhi |  
(AVŚ\_8,6.24c) bajás ca tēṣām piṅgás ca hṛdayé 'dhi ní vidhyatām ||  
24||

(AVŚ\_8,6.25a) píṅga rākṣa jāyamānaṃ mā́ púmāṃsaṃ stríyaṃ kran  
|  
(AVŚ\_8,6.25c) āṇḍādo gārbhān mā́ dabhan bādhasvetāḥ kimīdīnaḥ ||  
25||

(AVŚ\_8,6.26a) aprajāstvaṃ mātāvatsam ād ródam aghám āvayám |  
(AVŚ\_8,6.26c) vṛkṣād iva srájam kṛtvāpriye prāti muñca tát ||26||  
{16}

(AVŚ\_8,7.1a) yā babhrāvo yās ca śukrá róhiṇīr utá pṛśnayaḥ |  
(AVŚ\_8,7.1c) ásiknīḥ kṛṣṇā́ óṣadhīḥ sárva achāvadāmasi ||1||

(AVŚ\_8,7.2a) tráyantām imám púruṣaṃ yáḁsmād devéṣitād ádhi |  
(AVŚ\_8,7.2c) yāsām dyáuḥ pitā́ pṛthiví mātā́ samudró múlaṃ  
vīrúdhām babhúva ||2||

(AVŚ\_8,7.3a) āpo ágraṃ divyā́ óṣadhayaḥ |  
(AVŚ\_8,7.3c) tās te yáḁsmam enasyām áṅgādaṅgād anīnaśan ||3||

(AVŚ\_8,7.4a) prastrṇatí stambínīr ékaśuṅgāḥ pratanvatír óṣadhīr á  
vadāmi |  
(AVŚ\_8,7.4c) aṃśumátīḥ kaṇḍínīr yā́ vísākhā hváyāmi te vīrúdhō  
vaiśvadevīr ugrāḥ puruṣajīvanīḥ ||4||

(AVŚ\_8,7.5a) yád vaḥ sáhaḥ sahamānā́ vīryaṃ<sup>1</sup> yác ca vo bálam |  
(AVŚ\_8,7.5c) ténemám asmād yáḁsmāt púruṣaṃ muñcatauṣadhīr  
átho kṛṇomi bheṣajám ||5||

(AVŚ\_8,7.6a) jīvalām naghāriśām jīvantīm óṣadhīm ahám |  
(AVŚ\_8,7.6c) arundhatīm unnáyantīm puṣpām mādhumatīm ihá  
huve 'smā́ ariṣṭātātaye ||6||

(AVŚ\_8,7.7a) ihá yantu prácetaso medínīr vácaso máma |  
(AVŚ\_8,7.7c) yáthemám pārayāmasi púruṣaṃ duritād ádhi ||7||

(AVŚ\_8,7.8a) agnér ghāsó apām gārbho yā́ rōhanti púnarṇavāḥ |  
(AVŚ\_8,7.8c) dhruvāḥ sahásranāmnīr bheṣajīḥ santv ábhṛtāḥ ||8||

(AVŚ\_8,7.9a) avákolbā udákātmāna óṣadhayaḥ |  
(AVŚ\_8,7.9c) vyṛṣantu duritām tīkṣṇaśṛṅgyāḥ ||9||

(AVŚ\_8,7.10a) unmuñcántīr vivaruṇā́ ugrā́ yā́ viṣadúṣanīḥ |  
(AVŚ\_8,7.10c) átho balāsanāśanīḥ kṛtyādúṣanīś ca yās tá́ ihá yantv  
óṣadhīḥ ||10|| {17}

(AVŚ\_8,7.11a) apakṛitāḥ sáhīyasīr vīrúdhō yā́ abhíṣṭutāḥ |  
(AVŚ\_8,7.11c) tráyantām asmín grāme gām áśvaṃ púruṣaṃ paśúm

||11||

(AVŚ\_8,7.12a) mādhuman mūlaṃ mādhumad ágram āsām  
mādhuman mādhyam vīrúdhām babhūva |

(AVŚ\_8,7.12c) mādhumat parṇām mādhumat púṣpam āsām mādhoḥ  
sāmbhaktā amṛtasya bhakṣó ghṛtām ánnam duhratām  
gópurogavam ||12||

(AVŚ\_8,7.13a) yāvatīḥ kíyatīś cemāḥ pṛthivyām ádhy óṣadhīḥ |

(AVŚ\_8,7.13c) tá mā sahasraparṇyò mṛtyór muñcantv āṃhasaḥ ||  
13||

(AVŚ\_8,7.14a) váiyāghro mañír vīrúdhām tráyamāno 'bhiśastipāḥ |

(AVŚ\_8,7.14c) ámivāḥ sárvā rákṣāṃsy ápa hantv ádhi dūrám asmát  
||14||

(AVŚ\_8,7.15a) síṃhasyeva stanáthoḥ sám vijante 'gnér iva vijante  
ābhṛtābhyah |

(AVŚ\_8,7.15c) gávām yákṣmaḥ púruṣāṇām vīrúdbhir átinutto nāvyā  
etu srotyāḥ ||15||

(AVŚ\_8,7.16a) mumucāná óṣadhayo 'gnér vaiśvānarád ádhi |

(AVŚ\_8,7.16c) bhúmim samtanvatír ita yāsām rájā vānaspátīḥ ||16||

(AVŚ\_8,7.17a) yá róhanty āṅgirasīḥ párvateṣu saméṣu ca |

(AVŚ\_8,7.17c) tá naḥ páyasvatīḥ śivā óṣadhīḥ santu sám hṛdé ||17||

(AVŚ\_8,7.18a) yás cāhām véda vīrúdhó yás ca páśyāmi cákṣuṣā |

(AVŚ\_8,7.18c) ájñātā jānīmás ca yá yásu vidmá ca sám bhṛtam ||18||

(AVŚ\_8,7.19a) sárvāḥ samagrā óṣadhīr bódhantu vácaso máma |

(AVŚ\_8,7.19c) yáthemám pāráyāmasi púruṣam duritád ádhi ||19||

(AVŚ\_8,7.20a) ásvatthó darbhó vīrúdhām sómo rájāmṛtam havīḥ |

(AVŚ\_8,7.20c) vrīhír yávaś ca bheṣajáu divási putráv ámartyau ||20||  
{18}

(AVŚ\_8,7.21a) új jihīdhve stanáyaty abhikrándaty óṣadhīḥ |

(AVŚ\_8,7.21c) yadā vaḥ pṛśnimātarah parjáno rétasāvati ||21||

(AVŚ\_8,7.22a) tásyāmṛtasyemám bálam púruṣam payayāmasi |

(AVŚ\_8,7.22c) átho kṛṇomi bheṣajám yáthāsac chatāhāyanaḥ ||22||

(AVŚ\_8,7.23a) varāhó veda vīrúdhām nakuló veda bheṣajīm |

(AVŚ\_8,7.23c) sarpā gandharvá yá vidús tá asmá ávase huve ||23||

(AVŚ\_8,7.24a) yāḥ suparṇā āṅgirasír divyā yá ragháto vidúḥ |

(AVŚ\_8,7.24c) váyāṃsi haṃsā yá vidúr yás ca sárve patatrīṇah |

(AVŚ\_8,7.24e) mṛgá yá vidúr óṣadhīs tá asmá ávase huve ||24||



(AVŚ\_8,7.25a) yávatīnām óṣadhīnām gávaḥ prāśnānty aghnyā  
yávatīnām ajāváyah |  
(AVŚ\_8,7.25c) távatīś túbhyam óṣadhīḥ sárma yáchantv ábhṛtāḥ ||  
25||

(AVŚ\_8,7.26a) yávatīṣu manuṣyā bheṣajām bhiṣájo vidúḥ |  
(AVŚ\_8,7.26c) távatīr víśvábheṣajīr á bharāmi tvām abhí ||26||

(AVŚ\_8,7.27a) púṣpavatīḥ prasūmatīḥ phalínīr aphalā utá |  
(AVŚ\_8,7.27c) saṃmātára iva duhrām asmā ariṣṭátātaye ||27||

(AVŚ\_8,7.28a) út tvāhārṣam páñcaśalād átho dáśaśalād utá |  
(AVŚ\_8,7.28c) átho yámasya páḍvīśād víśvasmād devakilbiṣāt ||28||  
{19}

(AVŚ\_8,8.1a) índro manthatu mánthitā śakráḥ súraḥ puramdaráḥ |  
(AVŚ\_8,8.1c) yáthā hánāma sénā amítṛāṇām sahasraśáh ||1||

(AVŚ\_8,8.2a) pūtirajjúr upadhmānī pútiṃ sénām kṛṇotv amúm |  
(AVŚ\_8,8.2c) dhūmám agním parādīśyā 'mítṛā hṛtsv á dadhatām  
bhayām ||2||

(AVŚ\_8,8.3a) amún aśvattha níḥ śṛṇīhi khādāmún khadirājirám |  
(AVŚ\_8,8.3c) tājadbhánga iva bhajantām hántv enān vadhako  
vadháiḥ ||3||

(AVŚ\_8,8.4a) paruṣān amún paruṣāhvāḥ kṛṇotu hántv enān vadhako  
vadháiḥ |  
(AVŚ\_8,8.4c) kṣiprām sárā iva bhajantām bṛhajjāléna sámḍitāḥ ||4||

(AVŚ\_8,8.5a) antárikṣam jálam āsīj jāladaṇḍá díśo mahīḥ |  
(AVŚ\_8,8.5c) ténābhidháya dásyūnām śakráḥ sénām ápāvapat ||5||

(AVŚ\_8,8.6a) bṛhád dhí jálam bṛhatáḥ śakráśya vājínīvataḥ |  
(AVŚ\_8,8.6c) téna sátṛūn abhí sárvān ny ūbja yáthā ná múcyātai  
katamás canáiṣām ||6||

(AVŚ\_8,8.7a) bṛhát te jálam bṛhatá indra sūra sahasrārghásya  
śatávīryasya |  
(AVŚ\_8,8.7c) téna sátām sahásram ayútam nyàrbudam jaghána  
śakró dásyūnām abhidháya sénayā ||7||

(AVŚ\_8,8.8a) ayám lokó jálam āsīc chakráśya maható mahán |  
(AVŚ\_8,8.8c) ténāhám indrajálénāmúṃś támasābhí dadhāmi sárvān  
||8||

(AVŚ\_8,8.9a) sedír ugrá vyṛddhir ártiś cānapavācanā |  
(AVŚ\_8,8.9c) śrámas tandrīś ca móhaś ca táir amún abhí dadhāmi

sárvān ||9||

(AVŚ\_8,8.10a) mṛtyáve 'mūn prá yachāmi mṛtyupāśáir amí sitāḥ |  
(AVŚ\_8,8.10c) mṛtyór yé aghalá dūtás tébhya enān práti nayāmi  
baddhvá ||10|| {20}

(AVŚ\_8,8.11a) náyatāmūn mṛtyudūtā yámadūtā ápombhata |  
(AVŚ\_8,8.11c) paraḥsahasrá hanyantām tṛṇédhv enān matyām  
bhaváśya ||11||

(AVŚ\_8,8.12a) sādhyá ékaṃ jāladaṇḍám udyátya yanty ójasā |  
(AVŚ\_8,8.12c) rudrá ékaṃ vásava ékaṃ ādityáir éka údyataḥ ||12||

(AVŚ\_8,8.13a) víśve deváh upářiṣṭād ubjānto yantv ójasā |  
(AVŚ\_8,8.13c) mādhyena ghnānto yantu sénām áṅgirasó mahím ||  
13||

(AVŚ\_8,8.14a) vānaspátīn vānaspatyān óṣadhīr utá vīrúdhāḥ |  
(AVŚ\_8,8.14c) dvipác cátuṣpād iṣṇāmi yáthā sénām amúṃ hánan ||  
14||

(AVŚ\_8,8.15a) gandharvāpsarásāḥ sarpān devān puṇyajanān pitṛn |  
(AVŚ\_8,8.15c) dṛṣṭān adṛṣṭān iṣṇāmi yáthā sénām amúṃ hánan ||  
15||

(AVŚ\_8,8.16a) imá uptá mṛtyupāśá yān ākrámya ná mucyáse |  
(AVŚ\_8,8.16c) amúṣyā hantu sénāyā idám kúṭam sahasráśāḥ ||16||

(AVŚ\_8,8.17a) gharmāḥ sámiddho agnínāyām hómaḥ sahasraháḥ |  
(AVŚ\_8,8.17c) bhavás ca pṛśnibāhuś ca sárva sénām amúṃ hatam ||  
17||

(AVŚ\_8,8.18a) mṛtyór áṣam á padyantām kṣúdham sedím vadhám  
bhayám |  
(AVŚ\_8,8.18c) índraś cākṣujālábhyām sárva sénām amúṃ hatam ||  
18||

(AVŚ\_8,8.19a) párājitāḥ prá trasatāmitrā nuttá dhāvata bráhmaṇā |  
(AVŚ\_8,8.19c) bṛhaspátipranuttānām māmíṣām moci kás caná ||19||

(AVŚ\_8,8.20a) áva padyantām eṣām áyudhāni má śakan pratidhám  
íṣum |  
(AVŚ\_8,8.20c) áthaiṣām bahú bíbhyatām íśavaḥ ghnantu mármaṇi ||  
20||

(AVŚ\_8,8.21a) sám krośatām enān dyāvāpṛthiví sám antárikṣam  
sahá devátābhiḥ |  
(AVŚ\_8,8.21c) má jñátāram má pratiṣṭhām vidanta mithó vighnāná  
úpa yantu mṛtyúm ||21||

(AVŚ\_8,8.22a) díśaś cátasro 'śvataryò devarathásya purodásāḥ  
śaphā antárikṣam uddhíḥ |

(AVŚ\_8,8.22c) dyāvāpṛthiví pákṣasī ṛtávo 'bhísavo 'ntardeśāḥ  
kimkarā vāk párirathyam ||22||

(AVŚ\_8,8.23a) samvatsaró ráthaḥ parivatsaró rathopasthó virád  
īśāgnī rathamukhám |

(AVŚ\_8,8.23c) índraḥ savyaṣṭhás candrámaḥ sárathiḥ ||23||

(AVŚ\_8,8.24a) itó jayetó ví jaya sám jaya jáya sváhā |

(AVŚ\_8,8.24c) imé jayantu párāmī jayantām sváhaibhyó  
durāhāmíbhyaḥ |

(AVŚ\_8,8.24e) nīlālohiténāmún abhyávatanomi ||24|| {21}

(AVŚ\_8,9.1a) kútas táu jātáu katamáḥ só árdhaḥ kásmāl lokāt  
katamáśyāḥ pṛthivyāḥ |

(AVŚ\_8,9.1c) vatsáu virájaḥ salilád úd aitām táu tvā pṛchāmi  
kataréṇa dugdhā ||1||

(AVŚ\_8,9.2a) yó ákrandayat salilām mahitvá yónim kṛtvā tribhújam  
śáyānaḥ |

(AVŚ\_8,9.2c) vatsāḥ kāmādúgho virájaḥ sá gúhā cakre tanvāḥ  
parācáiḥ ||2||

(AVŚ\_8,9.3a) yāni tríṇi bṛhánti yéṣām caturthām viyunákti vācam |

(AVŚ\_8,9.3c) brahmáinad vidyāt tápasā vipaścíd yásminn ékam  
yujyáte yásminn ékam ||3||

(AVŚ\_8,9.4a) bṛhatāḥ pári sāmāni ṣaṣṭhāt páñcádhi nírmītā |

(AVŚ\_8,9.4c) bṛhád bṛhatyā nírmītam kútó 'dhi bṛhatí mitā ||4||

(AVŚ\_8,9.5a) bṛhatí pári mātṛāyā mātúr mātṛádhi nírmītā |

(AVŚ\_8,9.5c) māyā ha jajñe māyáyā māyáyā mātālī pári ||5||

(AVŚ\_8,9.6a) vaiśvānarásya pratimópári dyáur yávad ródasī  
vibabādhé agnīḥ |

(AVŚ\_8,9.6c) tátāḥ ṣaṣṭhád āmúto yanti stómā úd itó yanty abhí  
ṣaṣṭhām áhnaḥ ||6||

(AVŚ\_8,9.7a) ṣát tvā pṛchāma řṣayaḥ kaśyapemé tvām hí yuktām  
yuyukśé yógyam ca |

(AVŚ\_8,9.7c) virájam āhur bráhmanaḥ pitāram tám no ví dhehi  
yatidhā sákhibhyaḥ ||7||

(AVŚ\_8,9.8a) yām prácyutām ánu yajñāḥ pracyávanta upatíṣṭhanta  
upatíṣṭhamānām |

(AVŚ\_8,9.8c) yáśyā vraté prasavé yakṣám éjati sá virát̐ ṛṣayaḥ  
paramé vyòman ||8||

(AVŚ\_8,9.9a) aprāṇáiti prāṇéna prāṇatínāṃ virát̐ svarájam abhy èti  
paścāt |

(AVŚ\_8,9.9c) víśvaṃ mṛśántīm abhírūpāṃ virájam páśyanti tvé na  
tvé páśyanty enām ||9||

(AVŚ\_8,9.10a) kó virájo mithunatváṃ prá veda ká ṛtún ká u kálpam  
asyāḥ |

(AVŚ\_8,9.10c) krámān kó asyāḥ katidhá vídugdhān kó asyā dhāma  
katidhá vyùṣṭīḥ ||10|| {22}

(AVŚ\_8,9.11a) iyám evá sá yá prathamá vyáuchad āsv ítarāsu carati  
práviṣṭā |

(AVŚ\_8,9.11c) mahānto asyāṃ mahimāno antár vadhúr jigāya  
navagáj jánitrī ||11||

(AVŚ\_8,9.12a) chāndaḥpakṣe uṣásā pépiśāne samānāṃ yónim ánu  
sám careme |

(AVŚ\_8,9.12c) sūryapatnī sám carataḥ prajānatí ketumátī ajāre  
bhúriretasā ||12||

(AVŚ\_8,9.13a) ṛtásya pánthām ánu tistrá āgus tráyo gharmá ánu réta  
āguḥ |

(AVŚ\_8,9.13c) prajám ékā jínvaty úrjam ékā rāṣṭrám ékā rakṣati  
devayūnām ||13||

(AVŚ\_8,9.14a) agníśómāṃ adadhur yá turíyāsīd yajñásya pakṣáṃ  
ṛṣayaḥ kalpáyantaḥ |

(AVŚ\_8,9.14c) gāyatrīm triṣṭúbham jágatīm anuṣṭúbham bṛhadarkīm  
yájamānāya svār ābhárantīm ||14||

(AVŚ\_8,9.15a) páñca vyùṣṭīr ánu páñca dóhā gām páñcanāmnīm  
ṛtávó 'nu páñca |

(AVŚ\_8,9.15c) páñca díśaḥ pañcadaśéna kṛptás tá ékamūrdhnīr abhí  
lokám ékam ||15||

(AVŚ\_8,9.16a) śat̐ jātá bhūtá prathamajá ṛtásya śat̐ u sámāni  
ṣatahām vahanti |

(AVŚ\_8,9.16c) ṣaṭyogām síram ánu sámasāma śat̐ āhur  
dyāvāpṛthivīḥ śat̐ urvīḥ ||16||

(AVŚ\_8,9.17a) śad̐ āhuḥ sītān śad̐ u māsá uṣṇān ṛtúm no brúta  
yatamó 'tiriktaḥ |

(AVŚ\_8,9.17c) sapta suparṇāḥ kaváyo ní ṣeduḥ sapta chándāṃsy  
ánu sapta dīkṣāḥ ||17||

(AVŚ\_8,9.18a) sapta hómāḥ samídho ha sapta mádhūni sapta ṛtávo

ha saptá |

(AVŚ\_8,9.18c) saptájyāni pári bhūtám āyan táḥ saptagr̥dhrá iti  
śuśrumā vayám ||18||

(AVŚ\_8,9.19a) saptá chándāṃsi caturuttarāṇy anyó anyásminn ádhy  
árpitāni |

(AVŚ\_8,9.19c) kathám stómāḥ prāti tiṣṭhanti téṣu tāni stómeṣu  
kathám árpitāni ||19||

(AVŚ\_8,9.20a) kathám gāyatrī trivṛtaṃ vy āpa kathám triṣṭúp  
pañcadaśéna kalpate |

(AVŚ\_8,9.20c) trayastrimśéna jágatī kathám anuṣṭúp kathám  
ekavimśáḥ ||20|| {23}

(AVŚ\_8,9.21a) aṣṭá jātá bhūtá prathamajā ṛtasyāṣṭéndra ṛtvíjo  
dāivyā yé |

(AVŚ\_8,9.21c) aṣṭáyonir áditir aṣṭáputrāstamīm rátrim abhí havým  
eti ||21||

(AVŚ\_8,9.22a) itthám śréyo mányamānedám ágamam yuṣmákam  
sakhyé ahám asmi sévā |

(AVŚ\_8,9.22c) samānājanmā krátur asti váḥ śiváḥ sá vaḥ sárvāḥ  
sám carati prajānán ||22||

(AVŚ\_8,9.23a) aṣṭéndrasya śaḍ yamáya ṛṣinām saptá saptadhá |

(AVŚ\_8,9.23c) apó manuṣyān óṣadhīs tām u páñcānu secire ||23||

(AVŚ\_8,9.24a) kévalíndrāya duduhé hí gr̥ṣṭír vásam pīyúṣam  
prathamám dúhānā |

(AVŚ\_8,9.24c) áthātarpayac catúraś caturdhá devān manuṣyāṃ  
ásurān utá ṛṣīn ||24||

(AVŚ\_8,9.25a) kó nú gáuḥ ká ekaṛṣíḥ kím u dháma ká āśíṣaḥ |

(AVŚ\_8,9.25c) yakṣám pṛthivyām ekavṛḍ ekartúḥ katamó nú sáḥ ||  
25||

(AVŚ\_8,9.26a) ekó gaur éka ekaṛṣír ékam dhámaikadháśíṣaḥ |

(AVŚ\_8,9.26c) yakṣám pṛthivyām ekavṛḍ ekartúr náti ricyate ||26||  
{24}

(AVŚ\_8,10.1a) viráḍ vá idám ágra āsīt tásyā jātáyāḥ sárvam abibhed  
iyám evédám bhaviṣyátīti ||1||

(AVŚ\_8,10.2a) sód akrāmat sá gārhapatye ny àkrāmat |

(AVŚ\_8,10.2c) gr̥hamedhí gr̥hápatis bhavati yá evám véda ||2||

(AVŚ\_8,10.3a) sód akrāmat sáhavaníye ny àkrāmat |

(AVŚ\_8,10.3c) yánty asya devá deváhūtiṃ priyó devānām bhavati

yá evám véda ||3||

(AVŚ\_8,10.4a) sód akrāmat sá dakṣiṇāgnáu ny àkrāmat |  
(AVŚ\_8,10.4c) yajñárto dakṣiṇíyo vásateyo bhavati yá evám véda ||  
4||

(AVŚ\_8,10.5a) sód akrāmat sá sabháyām ny àkrāmat |  
(AVŚ\_8,10.5c) yánty asya sabhām sábhyo bhavati yá evám véda ||  
5||

(AVŚ\_8,10.6a) sód akrāmat sá sámítāu ny àkrāmat |  
(AVŚ\_8,10.6c) yánty asya sámítīm sāmityó bhavati yá evám véda ||  
6||

(AVŚ\_8,10.7a) sód akrāmat sāmāntraṇe ny àkrāmat |  
(AVŚ\_8,10.7c) yánty asyāmāntraṇam āmantraṇíyo bhavati yá evám  
véda ||7|| {25}

(AVŚ\_8,10.8a) sód akrāmat sántárikṣe caturdhá víkrāntātiṣṭhat ||8||

(AVŚ\_8,10.9a) tám devamānuṣyā abruvann iyám evá tát veda yád  
ubháya upajívememám úpa hvayāmāhā íti ||9||

(AVŚ\_8,10.10a) tám úpāhvayanta ||10||

(AVŚ\_8,10.11a) úrja éhi svádha ehi súnṛta éhírāvaty éhíti ||11||

(AVŚ\_8,10.12a) tásyā índro vatsá āsīd gāyatry àbhidhāny abhrám  
údhaḥ ||12||

(AVŚ\_8,10.13a) bṛhác ca rathamtarām ca dváu stānāv āstām  
yajñāyajñíyam ca vāmadevyām ca dváu ||13||

(AVŚ\_8,10.14a) óṣadhīr evá rathamtaréṇa devā aduhran vyáco  
bṛhátā ||14||

(AVŚ\_8,10.15a) apó vāmadevyéna yajñām yajñāyajñíyena ||15||

(AVŚ\_8,10.16a) óṣadhīr evāsmāi rathamtarām duhe vyáco bṛhát ||  
16||

(AVŚ\_8,10.17a) apó vāmadevyām yajñām yajñāyajñíyam yá véda ||  
17|| {26}

(AVŚ\_8,10.18a) sód akrāmat sá vānaspátīn āgachat tám  
vānaspátayo 'ghnata sá samvatsaré sám abhavat |  
(AVŚ\_8,10.18c) tásmād vānaspátīnām samvatsaré vṛkṇām ápi rohati  
vṛścāte 'syāpriyo bhrátṛvyo yá evám véda ||18||

(AVŚ\_8,10.19a) sóđ akrāmat śá pitṛñ āgachat tám pitáro 'ghnata śá māsí sám abhavat |

(AVŚ\_8,10.19c) tásmāt pitṛbhyo māsy úpamāsyam dadati prá pitṛyāñam pánthām jānāti yá evām véda ||19||

(AVŚ\_8,10.20a) sóđ akrāmat śá devān āgachat tám devá aghnata sárdhamāśé sám abhavat |

(AVŚ\_8,10.20c) tásmād devébhyo 'rdhamāśé váṣaṭ kurvanti prá devayānam pánthām jānāti yá evām véda ||20||

(AVŚ\_8,10.21a) sóđ akrāmat śá manuṣyān āgachat tám manuṣyā aghnata śá sadyāḥ sám abhavat |

(AVŚ\_8,10.21c) tásmān manuṣyèbhya ubhayadyúr úpa haranty úpāsyā grḥé haranti yá evām véda ||21|| {27}

(AVŚ\_8,10.22a) sóđ akrāmat śásurān āgachat tám ásurā úpāhvayanta máya éhíti |

(AVŚ\_8,10.22c) tásyā virócanaḥ práhrādir vatsá áśīd ayaspātrām pátram |

(AVŚ\_8,10.22e) tám dvímūrdhārtvyò 'dhok tám māyām evádhok ||

(AVŚ\_8,10.22g) tám māyām ásurā úpa jīvanty upajīvaníyo bhavati yá evām véda ||22||

(AVŚ\_8,10.23a) sóđ akrāmat śá pitṛñ āgachat tám pitára úpāhvayanta svádha éhíti |

(AVŚ\_8,10.23c) tásyā yamó rájā vatsá áśīd rajatapātrām pátram |

(AVŚ\_8,10.23e) tám ántako mārtyavó 'dhok tám svadhām evádhok |

(AVŚ\_8,10.23g) tám svadhām pitára úpa jīvanty upajīvaníyo bhavati yá evām véda ||23||

(AVŚ\_8,10.24a) sóđ akrāmat śá manuṣyān āgachat tám manuṣyā úpāhvayantérāvaty éhíti |

(AVŚ\_8,10.24c) tásyā mánur vaivasvató vatsá áśīt pṛthiví pátram |

(AVŚ\_8,10.24e) tám pṛthī vainyò 'dhok tám kṛṣīm ca sasyām cādhok |

(AVŚ\_8,10.24g) té svadhām kṛṣīm ca sasyām ca manuṣyā úpa jīvanti kṛṣṭárādhir upajīvaníyo bhavati yá evām véda ||24||

(AVŚ\_8,10.25a) sóđ akrāmat śá saptaṛṣín āgachat tám saptaṛṣáya úpāhvayanta bráhmanvaty éhíti |

(AVŚ\_8,10.25c) tásyāḥ sómo rájā vatsá áśīc chāndaḥ pátram |

(AVŚ\_8,10.25e) tám bṛhaspátir āngirasó 'dhok tám bráhma ca tápaś cādhok |

(AVŚ\_8,10.25g) tát bráhma ca tápaś ca saptaṛṣáya úpa jīvanti brahmavarcasy upajīvaníyo bhavati yá evām véda ||25|| {28}

(AVŚ\_8,10.26a) sóđ akrāmat śá devān āgachat tám devá úpāhvayantórja éhíti |

(AVŚ\_8,10.26c) tásyā índro vatsá áśīc camasāḥ pátram |

(AVŚ\_8,10.26e) tám devāḥ savitādhok tám ūrjām evādhok |  
(AVŚ\_8,10.26g) tám ūrjām devā úpa jīvanty upajīvanīyo bhavati yá  
evām véda ||26||

(AVŚ\_8,10.27a) sód akrāmat sá gandharvāpsarása ágachat tám  
gandharvāpsarása úpāhvayanta púṇyagandha éhīti |  
(AVŚ\_8,10.27c) tásyās citrārathaḥ sauryavarcaśó vatsá āsīt  
puṣkaraparnām pátram |  
(AVŚ\_8,10.27e) tám vásuruciḥ sauryavarcaśó 'dhok tám púṇyam  
evá gandhām adhok |  
(AVŚ\_8,10.27g) tám púṇyam gandhām gandharvāpsarása úpa  
jīvanti púṇyagandhir upajīvanīyo bhavati yá evām véda ||27||

(AVŚ\_8,10.28a) sód akrāmat sétarajanán ágachat tám itarajaná  
úpāhvayanta tírodha éhīti |  
(AVŚ\_8,10.28c) tásyāḥ kúbero vaiśravaṇó vatsá āsīd āmapātrām  
pátram |  
(AVŚ\_8,10.28e) tám rajatánābhiḥ kaberaśó 'dhok tám tírodhām  
evādhok |  
(AVŚ\_8,10.28g) tám tírodhām atirajaná pitára úpa jīvanti tiró dhatte  
sárvaṁ pāpmānam upajīvanīyo bhavati yá evām véda ||28||

(AVŚ\_8,10.29a) sód akrāmat sá sarpán ágachat tám sarpá  
úpāhvayanta viśavaty éhīti |  
(AVŚ\_8,10.29c) tásyās takṣakó vaiśaleyó vatsá āsīd alābupātrām  
pátram |  
(AVŚ\_8,10.29e) tám dhṛtārāṣṭra airāvató 'dhok tám viśám evādhok |  
(AVŚ\_8,10.29g) tát viśám sarvá úpa jīvanty upajīvanīyo bhavati yá  
evām véda ||29|| {29}

(AVŚ\_8,10.30a) tát yásmā evām vidúṣe 'lābunābhiṣiñcét  
pratyāhanyāt ||30||

(AVŚ\_8,10.31a) ná ca pratyāhanyán mánasā tvá pratyāhanmīti  
pratyāhanyāt ||31||

(AVŚ\_8,10.32a) yát pratyāhanti viśám evá tát pratyāhanti ||32||

(AVŚ\_8,10.33a) viśám evāsyāpriyam bhrátṛvyam anuvīśicyate yá  
evām véda ||33|| {30}

(AVŚ\_9,1.1a) divás pṛthivyā antárikṣāt samudrād agnér vātān  
madhukaśá hí jajñé |  
(AVŚ\_9,1.1c) tám cāyitvámṛtaṁ vásānām ḥṛdbhíḥ prajāḥ prāti  
nandanti sárvāḥ ||1||

(AVŚ\_9,1.2a) mahát páyo viśvárūpam asyāḥ samudrásya tvotá réta  
āhuḥ |



(AVŚ\_9,1.2c) yáta áiti madhukaśá rárāṇā tát prāṇás tát amṛtam níviṣtam ||2||

(AVŚ\_9,1.3a) páśyanty asyāś caritām pṛthivyām pṛthan náro bahudhá mímāṃsamānāḥ |  
(AVŚ\_9,1.3c) agnér vātān madhukaśá hí jajñé marútām ugrá naptíḥ ||3||

(AVŚ\_9,1.4a) mātādityānām duhitá vásūnām prāṇāḥ prajānām amṛtasya nābhiḥ |  
(AVŚ\_9,1.4c) hiraṇyavarṇā madhukaśá ghṛtácī mahān bhárgaś caratī mártyeṣu ||4||

(AVŚ\_9,1.5a) mádhoḥ kásām ajanayanta devás tásyā gárbho abhavad víśvárūpaḥ |  
(AVŚ\_9,1.5c) tám jātām táruṇam piparti mātá sá jātó víśvā bhúvanā ví caṣṭe ||5||

(AVŚ\_9,1.6a) kás tám prá veda ká u tám ciketa yó asyā hṛdāḥ kaláśaḥ somadhāno ákṣitaḥ |  
(AVŚ\_9,1.6c) brahmá sumedháḥ só asmin madeta ||6||

(AVŚ\_9,1.7a) sá táu prá veda sá u táu ciketa yáv asyāḥ stānau sahásradhārāv ákṣitau |  
(AVŚ\_9,1.7c) úrjam duhāte ánapasphurantau ||7||

(AVŚ\_9,1.8a) hiṅkáríkratī bṛhatí vayodhá uccáirghoṣābhyéti yá vratām |  
(AVŚ\_9,1.8c) trín gharmān abhí vāvaśāná mímāti māyúṃ páyate páyobhiḥ ||8||

(AVŚ\_9,1.9a) yám āpīnām upasídanty āpaḥ śākvará vṛṣabhá yé svarājāḥ |  
(AVŚ\_9,1.9c) té varṣanti té varṣayanti tadvíde kāmam úrjam āpaḥ ||9||

(AVŚ\_9,1.10a) stanayitnús te vāk prajāpate vṛṣā súṣmaṃ kṣipasi bhúmyām ádhi |  
(AVŚ\_9,1.10c) agnér vātān madhukaśá hí jajñé marútām ugrá naptíḥ ||10|| {1}

(AVŚ\_9,1.11a) yáthā sómaḥ prātaḥsavané aśvínor bhavati priyáḥ |  
(AVŚ\_9,1.11c) evá me aśvinā vārca ātmáni dhriyatām ||11||

(AVŚ\_9,1.12a) yáthā sómo dvitíye sávana indrāgnyór bhavati priyáḥ |  
(AVŚ\_9,1.12c) evá ma indrāgnī vārca ātmáni dhriyatām ||12||

(AVŚ\_9,1.13a) yáthā sómas tṛtíye sávana ṛbhūṇām bhavati priyáḥ |

(AVŚ\_9,1.13c) evá ma ṛbhavo vārca ātmāni dhriyatām ||13||

(AVŚ\_9,1.14a) mādhu janiṣīya mādhu vaṃsiṣīya |

(AVŚ\_9,1.14c) páyasvān agna āgamam tám mā sám srja vārcasā ||14||

(AVŚ\_9,1.15a) sám māgne vārcasā srja sám prajāyā sám āyusā |

(AVŚ\_9,1.15c) vidyúr me asyá devā índro vidyāt sahā ṛṣibhiḥ ||15||

(AVŚ\_9,1.16a) yáthā mādhu madhukṛtaḥ sambháranti mādhvān ádhi |

(AVŚ\_9,1.16c) evá me ásvinā vārca ātmāni dhriyatām ||16||

(AVŚ\_9,1.17a) yáthā mákṣāḥ idám mādhu nyañjanti mādhvān ádhi |

(AVŚ\_9,1.17c) evá me ásvinā vārcas téjo bálam ójaś ca dhriyatām ||17||

(AVŚ\_9,1.18a) yád giriṣu párvateṣu góṣv áśveṣu yán mādhu |

(AVŚ\_9,1.18c) sūrāyām sicyámānāyām yát táttra mādhu tán máyi ||18||

(AVŚ\_9,1.19a) ásvinā sāraghēṇa mā mādhunāṅktaḥ śubhas patī |

(AVŚ\_9,1.19c) yáthā vārcasvatīm vācam āvādāni jánāṃ ānu ||19||

(AVŚ\_9,1.20a) stanayitnús te vāk prajāpate vṛṣā súṣmaḥ kṣipasi bhúmyām diví |

(AVŚ\_9,1.20c) tám paśáva úpa jīvanti sárve téno séṣam ūrjam pipartī ||20||

(AVŚ\_9,1.21a) pṛthiví daṇḍó 'ntárikṣam gárbho dyáuḥ kásā vidyút prakāśó hiraṇyáyo bindúḥ ||21||

(AVŚ\_9,1.22a) yó vái kásāyāḥ saptá mādhvāni véda mādhumān bhavati |

(AVŚ\_9,1.22c) brāhmaṇás ca rájā ca dhenús cānaḍvāṃś ca vrīhís ca yávaś ca mādhu saptamām ||22||

(AVŚ\_9,1.23a) mādhumān bhavati mādhumad asyāhāryam bhavati |

(AVŚ\_9,1.23c) mādhumato lokān jayati yá evām véda ||23||

(AVŚ\_9,1.24a) yád vīdhré stanáyati prajāpatir evá tát prajābhyah prādūr bhavati |

(AVŚ\_9,1.24c) tásmāt prācīnopavītás tiṣṭhe prajāpaté 'nu mā budhyasvėti |

(AVŚ\_9,1.24e) án v enam prajā ānu prajāpatir budhyate yá evām véda ||24|| {2}

(AVŚ\_9,2.1a) sapatnahānam ṛṣabhāṃ gṛtēna kāmam śikṣāmi  
havīṣājyena |  
(AVŚ\_9,2.1c) nīcāiḥ sapātnān māma padaya tvām abhiṣṭuto mahatā  
vīryēṇa ||1||

(AVŚ\_9,2.2a) yān me mánaso ná priyāṃ cákṣuṣo yān me bābhasti  
nābhīnādati |  
(AVŚ\_9,2.2c) tād duṣvāpnyam prāti muñcāmi sapātne kāmam  
stutvód ahām bhideyam ||2||

(AVŚ\_9,2.3a) duṣvāpnyam kāma duritām ca kamāprajāstām  
asvagātām ávartim |  
(AVŚ\_9,2.3c) ugrā íśānaḥ prāti muñca tásmin yó asmábhyam  
amhūraṇā cíkitsāt ||3||

(AVŚ\_9,2.4a) nudāsva kāma prá ṇudasva kāmāvartim yantu māma  
yé sapātnāḥ |  
(AVŚ\_9,2.4c) téṣāṃ nuttānām adhamā́ támāṃsy ágne vāstūni nír  
daha tvām ||4||

(AVŚ\_9,2.5a) sá te kāma duhitā́ dhenúr ucyate yām āhúr vācam  
kaváyo virājam |  
(AVŚ\_9,2.5c) táyā sapātnān pári vṛṇgdhi yé māma páry enān prāṇāḥ  
paśávo jīvanam vṛṇaktu ||5||

(AVŚ\_9,2.6a) kāmasyéndrasya váruṇasya rájño víṣṇor bálena  
savitúḥ savéna |  
(AVŚ\_9,2.6c) agnér hotréṇa prá ṇude sapātnām chambíva nāvam  
udakēṣu dhíraḥ ||6||

(AVŚ\_9,2.7a) ádhyakṣo vājí́ māma kāma ugrāḥ kṛṇótu máhyam  
asapatnām evá |  
(AVŚ\_9,2.7c) víśve devā́ māma nāthāṃ bhavantu sárve devā́ hávam  
ā́ yantu ma imám ||7||

(AVŚ\_9,2.8a) idám ájyam gṛtávaj juṣāṇāḥ kāmajyeṣṭhā ihá  
mādayadhvam |  
(AVŚ\_9,2.8c) kṛṇvānto máhyam asapatnām evá ||8||

(AVŚ\_9,2.9a) indrāgní́ kāma sarátham hí bhūtvā́ nīcāiḥ sapātnān  
māma pādayāthaḥ |  
(AVŚ\_9,2.9c) téṣāṃ pannānām adhamā́ támāṃsy ágne vāstūny  
anunírdaha tvām ||9||

(AVŚ\_9,2.10a) jahí tvām kāma māma yé sapātnā́ andhā́ támāṃsy  
áva pādayainān |  
(AVŚ\_9,2.10c) nírindriyā́ arasāḥ santu sárve má́ té jīviṣuḥ katamác  
canā́haḥ ||10|| {3}

(AVŚ\_9,2.11a) ávadhīt kámo máma yé sapátnā urúṃ lokám akaran  
máhyam edhatúm |

(AVŚ\_9,2.11c) máhyam namantām pradísāś cátasro máhyam śad  
urvír ghr̥tām á vahantu ||11||

(AVŚ\_9,2.12a) té 'dharāñcaḥ prá plavantām chinnā náur iva  
bāndhanāt |

(AVŚ\_9,2.12c) ná sáyakapraṇuttānām púnar asti nivártanam ||12||

(AVŚ\_9,2.13a) agnír yáva índro yávaḥ sómo yávaḥ |

(AVŚ\_9,2.13c) yavayāvāno devā yavayantv enam ||13||

(AVŚ\_9,2.14a) ásarvavīraś caratu práṇutto dvéṣyo mitránām  
parivargyāḥ svānām |

(AVŚ\_9,2.14c) utá pṛthivyām áva syanti vidyúta ugró vo devāḥ prá  
mṛṇāt sapátnān ||14||

(AVŚ\_9,2.15a) cyutā ceyām bṛhaty ácyutā ca vidyúd bibharti  
stanāyitnúṃś ca sárván |

(AVŚ\_9,2.15c) udyānn ādityó dráviṇena téjasā nīcāiḥ sapátnān  
nudatām me sáhasván ||15||

(AVŚ\_9,2.16a) yát te kāma sárma trivárūtham udbhú bráhma várma  
vítatām anativyādhyaṃ kṛtām |

(AVŚ\_9,2.16c) téna sapátnān pári vṛṇgdhi yé máma páry enān  
prāṇāḥ paśávo jīvanam vṛṇaktu ||16||

(AVŚ\_9,2.17a) yéna devā ásurān práṇudanta yénéndro dásyūn  
adhamām támo nināya |

(AVŚ\_9,2.17c) téna tvām kāma máma yé sapátnās tán asmál lokāt  
prá ṇudasva dūrám ||17||

(AVŚ\_9,2.18a) yáthā devā ásurān práṇudanta yáthéndro dásyūn  
adhamām támo babādhé |

(AVŚ\_9,2.18c) táthā tvām kāma máma yé sapátnās tán asmál lokāt  
prá ṇudasva dūrám ||18||

(AVŚ\_9,2.19a) kámo jajñe prathamó náinam devā āpuḥ pitáro ná  
mártyāḥ |

(AVŚ\_9,2.19c) tátas tvám asi jyāyān viśvāhā mahāṃś tásmāi te  
kāma náma ít kṛnomi ||19||

(AVŚ\_9,2.20a) yávatī dyāvāpṛthiví varimṇā yávad āpaḥ siṣyadúr  
yávad agníḥ |

(AVŚ\_9,2.20c) tátas tvám asi jyāyān viśvāhā mahāṃś tásmāi te  
kāma náma ít kṛnomi ||20|| {4}

(AVŚ\_9,2.21a) yávatīr díśaḥ pradísó víśūcīr yávatīr áśā abhicákṣaṇā  
divāḥ |

(AVŚ\_9,2.21c) tátas tvám asi jyāyān viśvāhā mahāṃs tasmai te  
kāma nāma ít kṛṇomi ||21||

(AVŚ\_9,2.22a) yāvatīr bhṛṅgā jatvāḥ kurúravo yāvatīr vāghā  
vṛkṣasarpṇò babhūvúḥ |

(AVŚ\_9,2.22c) tátas tvám asi jyāyān viśvāhā mahāṃs tasmai te  
kāma nāma ít kṛṇomi ||22||

(AVŚ\_9,2.23a) jyāyān nimiṣató 'si tīṣṭhato jyāyānt samudrād asi  
kāma manyo |

(AVŚ\_9,2.23c) tátas tvám asi jyāyān viśvāhā mahāṃs tasmai te  
kāma nāma ít kṛṇomi ||23||

(AVŚ\_9,2.24a) ná vái vātaś caná kāmam āpnoti nágnīḥ sūryo nótá  
candrāmāḥ |

(AVŚ\_9,2.24c) tátas tvám asi jyāyān viśvāhā mahāṃs tasmai te  
kāma nāma ít kṛṇomi ||24||

(AVŚ\_9,2.25a) yás te śivás tanvāḥ kāma bhadrá yābhiḥ satyām  
bhāvati yád vṛṇiṣé |

(AVŚ\_9,2.25c) tábhiḥ tvám asmāñ abhisámviśasvānyátra pāpír ápa  
veśāyā dhíyaḥ ||25|| {5}

(AVŚ\_9,3.1a) upamítām pratimítām átho parimítām utá |

(AVŚ\_9,3.1c) śālāyā viśvāvārāyā naddhāni ví cṛtāmasi ||1||

(AVŚ\_9,3.2a) yát te naddhām viśvavāre páśo granthís ca yāḥ kṛtāḥ |

(AVŚ\_9,3.2c) bṛhaspátir ivāhām balām vācā ví sraṃsayāmi tát ||2||

(AVŚ\_9,3.3a) á yayāma sám barbarha granthímś cakāra te dṛḍhān |

(AVŚ\_9,3.3c) párūṃṣi vidvām chāstevéndreṇa ví cṛtāmasi ||3||

(AVŚ\_9,3.4a) vaṃśānām te náhanānām prāṇāhāsyā tṛṇasya ca |

(AVŚ\_9,3.4c) pakṣāṇām viśvavāre te naddhāni ví cṛtāmasi ||4||

(AVŚ\_9,3.5a) samdamśśānām paladānām páriṣvañjalyasya ca |

(AVŚ\_9,3.5c) idām mānasya pátnyā naddhāni ví cṛtāmasi ||5||

(AVŚ\_9,3.6a) yāni te 'ntāḥ śikyāny ābedhú raṇyāya kám |

(AVŚ\_9,3.6c) prá te táni cṛtāmasi śivā mānasya patni na úddhitā  
tanvè bhava ||6||

(AVŚ\_9,3.7a) havirdhānam agniśālam pátnīnām sádanam sádaḥ |

(AVŚ\_9,3.7c) sádo devānām asi devi śāle ||7||

(AVŚ\_9,3.8a) ákṣum ópaśām vítataṃ sahasrākṣām viṣūvāti |

(AVŚ\_9,3.8c) ávanaddham abhíhitaṃ bráhmaṇā ví cṛtāmasi ||8||

(AVŚ\_9,3.9a) yás tvā śāle pratigr̥hñāti yéna cási mitá tvám |  
(AVŚ\_9,3.9c) ubháu mānasya patni táu j́ivatām jarádaṣṭī ||9||

(AVŚ\_9,3.10a) amútrainam á gachatād dṛḍhá naddhá páriṣkr̥tā |  
(AVŚ\_9,3.10c) yásyās te vicṛtāmasy aṅgamaṅgaṃ páruṣparuh̥ ||10||  
{6}

(AVŚ\_9,3.11a) yás tvā śāle nimimāya saṃjabhāra vānaspátīn |  
(AVŚ\_9,3.11c) prajāyai cakre tvā śāle parameṣṭhí prajāpatiḥ ||11||

(AVŚ\_9,3.12a) námas tásmāi námo dātré śālāpataye ca kṛṇmaḥ |  
(AVŚ\_9,3.12c) námo 'gnāye pracárate púruṣāya ca te námaḥ ||12||

(AVŚ\_9,3.13a) góbhyo áśvebhyo námo yác chálāyām vijáyate |  
(AVŚ\_9,3.13c) víjāvati prájāvati ví te pásāṃś cṛtāmasi ||13||

(AVŚ\_9,3.14a) agnīm antás chādayasi púruṣān paśúbhiḥ sahá |  
(AVŚ\_9,3.14c) víjāvati prájāvati ví te pásāṃś cṛtāmasi ||14||

(AVŚ\_9,3.15a) antarā dyām ca pṛthivīm ca yád vyácas téna śálām  
práti gr̥hñāmi ta imām |  
(AVŚ\_9,3.15c) yád antárikṣaṃ rájaso vimānaṃ tát kṛṇve 'hám  
udāraṃ śevadhíbhyaḥ |  
(AVŚ\_9,3.15e) téna śálām práti gr̥hñāmi tásmāi ||15||

(AVŚ\_9,3.16a) úrjasvatī páyasvatī pṛthivyām nímitā mitá |  
(AVŚ\_9,3.16c) víśvānnām bíbhratī śāle má hiṃsīḥ pratigr̥hñatāḥ ||  
16||

(AVŚ\_9,3.17a) tṛṇair ávṛtā paladán vásānā rátrīva śálā jágato  
nivéśanī |  
(AVŚ\_9,3.17c) mitá pṛthivyām tiṣṭhasi hastínīva padvatī ||17||

(AVŚ\_9,3.18a) ítasya te ví cṛtāmy ápinaddham aporṇuván |  
(AVŚ\_9,3.18c) váruṇena sámubjitām mitráḥ prātár vy úbjatu ||18||

(AVŚ\_9,3.19a) bráhmanā śálām nímitām kavíbhīr nímitām mitám |  
(AVŚ\_9,3.19c) indrāgní rakṣatām śálām amṛtau somyám sádaḥ ||  
19||

(AVŚ\_9,3.20a) kuláyé 'dhi kulāyaṃ kóśe kóśaḥ sámubjitaḥ |  
(AVŚ\_9,3.20c) táttra márho ví jāyate yásmād víśvaṃ prajāyate ||20||  
{7}

(AVŚ\_9,3.21a) yá dvípakṣā cātuṣpakṣā ṣáṭpakṣā yá nimīyáte |  
(AVŚ\_9,3.21c) aṣṭápakṣām dásapakṣām śálām mānasya pátnīm  
agnír gárbha ivá śāye ||21||

(AVŚ\_9,3.22a) pratícīm tvā pratícínaḥ śāle práimya áhiṃsatīm |

(AVŚ\_9,3.22c) agnír hy àntár ápaś ca ṛtasya prathamā dvāḥ ||22||

(AVŚ\_9,3.23a) imā āpaḥ prá bharāmy ayakṣmā yakṣmanāśanīḥ |  
(AVŚ\_9,3.23c) gṛhān úpa prá sīdāmy amṛtena sahāgnínā ||23||

(AVŚ\_9,3.24a) mā naḥ pāsaṃ prāti muco gurúr bhāró laghúr bhava |  
(AVŚ\_9,3.24c) vadhúm iva tvā śāle yatrakāmaṃ bharāmasi ||24||

(AVŚ\_9,3.25a) prācyā diśāḥ śālāyā námo mahimné svāhā  
devébhyaḥ svāhyèbhyaḥ ||25||

(AVŚ\_9,3.26a) dākṣiṇāyā diśāḥ śālāyā námo mahimné svāhā  
devébhyaḥ svāhyèbhyaḥ ||26||

(AVŚ\_9,3.27a) pratīcyā diśāḥ śālāyā námo mahimné svāhā  
devébhyaḥ svāhyèbhyaḥ ||27||

(AVŚ\_9,3.28a) údīcyā diśāḥ śālāyā námo mahimné svāhā devébhyaḥ  
svāhyèbhyaḥ ||28||

(AVŚ\_9,3.29a) dhruvāyā diśāḥ śālāyā námo mahimné svāhā  
devébhyaḥ svāhyèbhyaḥ ||29||

(AVŚ\_9,3.30a) ūrdhvāyā diśāḥ śālāyā námo mahimné svāhā  
devébhyaḥ svāhyèbhyaḥ ||30||

(AVŚ\_9,3.31a) diśódiśāḥ śālāyā námo mahimné svāhā devébhyaḥ  
svāhyèbhyaḥ ||31|| {8}

(AVŚ\_9,4.1a) sāhasrás tveṣā ṛṣabhāḥ páyasvān víśvā rūpāṇi  
vakṣāṇāsu bíbhrat |  
(AVŚ\_9,4.1c) bhadraṃ dātré yájamānāya śīkṣan bārhaspatyá usríyas  
tántum átān ||1||

(AVŚ\_9,4.2a) apāṃ yó ágne pratimā babhúva prabhúḥ sárvasmai  
pṛthivíva deví |  
(AVŚ\_9,4.2c) pitā vatsānāṃ pátir aghnyānāṃ sāhasré póṣe ápi naḥ  
kṛṇotu ||2||

(AVŚ\_9,4.3a) púmān antárvānt stháviraḥ páyasvān vásoḥ  
kábandhaṃ ṛṣabhó bibharti |  
(AVŚ\_9,4.3c) tám índrāya pathíbhir devayánair hutám agnír vahatu  
jātávedāḥ ||3||

(AVŚ\_9,4.4a) pitā vatsānāṃ pátir aghnyānāṃ átho pitā mahatām  
gárgarāṇām |  
(AVŚ\_9,4.4c) vatsó jaráyu pratidhúk pīyúṣa āmíksā ghṛtām tát v

asya rétaḥ ||4||

(AVŚ\_9,4.5a) devānāṃ bhāgá upanāhá eṣó 'pāṃ rása óṣadhīnāṃ  
ghṛtāsya |

(AVŚ\_9,4.5c) sómasya bhakṣám avṛṇīta śákró bṛhānn ádrir abhavad  
yác chārīram ||5||

(AVŚ\_9,4.6a) sómēna pūrṇāṃ kalásāṃ bibharṣi tvástā rupāṇāṃ  
janitā paśūnāṃ |

(AVŚ\_9,4.6c) śívās te santu prajanvā ihá yá imá ny àsmábhyaṃ  
svadhite yacha yá amúḥ ||6||

(AVŚ\_9,4.7a) ājaṃ bibharti ghṛtām asya rétaḥ sāhasráḥ póṣas tám u  
yajñām āhuḥ |

(AVŚ\_9,4.7c) índrasya rūpām ṛṣabhó vásānaḥ só asmān devāḥ śivá  
áitu dattáḥ ||7||

(AVŚ\_9,4.8a) índrasyáujo váruṇasya bāhú ásvínor áṃsau marútām  
iyám kakút |

(AVŚ\_9,4.8c) bṛhaspátim sám̐bhṛtam etám āhur yé dhírāsaḥ kaváyo  
yé mānīśīnaḥ ||8||

(AVŚ\_9,4.9a) dáivīr vísaḥ páyasvān ā tanoṣi tvám índram tvám  
sárasvantam āhuḥ |

(AVŚ\_9,4.9c) sahasraṃ sá ékamukhā dadāti yó brāhmaṇá ṛṣabhám  
ājuhóti ||9||

(AVŚ\_9,4.10a) bṛhaspátih savitá te váyo dadhau tváṣtur vāyóḥ páry  
ātmā ta ābhṛtaḥ |

(AVŚ\_9,4.10c) antárikṣe mánasā tvā juhomi barhíṣ ṭe dyāvāpṛthiví  
ubhé stām ||10|| {9}

(AVŚ\_9,4.11a) yá índra iva devéṣu góṣv eti vivávat |

(AVŚ\_9,4.11c) tásya ṛṣabhásyāṅgāni brahmá sám̐ stautu bhadráyā ||  
11||

(AVŚ\_9,4.12a) pārśvé āstām ánumatyā bhágasyāstām anūvṛjau |

(AVŚ\_9,4.12c) aṣṭhīvántāv abravīn mitró māmaitáu kévalāv íti ||12||

(AVŚ\_9,4.13a) bhasád āsīd ādityānāṃ śróṇī āstām bṛhaspáteḥ |

(AVŚ\_9,4.13c) púchaṃ vátasya devásya téna dhūnoty óṣadhīḥ ||13||

(AVŚ\_9,4.14a) gúdā āsant sinīvālyāḥ sūryáyās tvácam abruvan |

(AVŚ\_9,4.14c) utthātúr abruvan padá ṛṣabhám yád ákalpayan ||14||

(AVŚ\_9,4.15a) kroḍá āsīj jāmiśaṃsásya sómasya kláso dhṛtáḥ |

(AVŚ\_9,4.15c) devāḥ saṃgátya yát sárva ṛṣabhám vyákalpayan ||  
15||

(AVŚ\_9,4.16a) té kúṣṭhikāḥ sarámāyai kurmébhyo adadhuḥ śaphān |



(AVŚ\_9,4.16c) úbadhyam asya kītébhyaḥ śvavartébhyo adhārayan || 16||

(AVŚ\_9,4.17a) śṛṅgābhyāṃ rākṣa ṛṣaty ávartim hanti cákṣuṣā |  
(AVŚ\_9,4.17c) śṛṇóti bhadráṃ kárṇābhyāṃ gávāṃ yáḥ pátir  
aghnyáḥ ||17||

(AVŚ\_9,4.18a) śatayájāṃ sá yajate náinaṃ dunvanty agnáyaḥ |  
(AVŚ\_9,4.18c) jínvanti víśve tám devá yó brāhmaṇá ṛṣabhám ājuhóti  
||18||

(AVŚ\_9,4.19a) brāhmaṇébhya ṛṣabhám dattvá várīyaḥ kṛṇute  
mánāḥ |  
(AVŚ\_9,4.19c) púṣṭim só aghnyánāṃ své goṣṭhé 'va paśyate ||19||

(AVŚ\_9,4.20a) gávaḥ santu prajāḥ santv átho astu tanūbalám |  
(AVŚ\_9,4.20c) tát sárvam ánu manyantāṃ devá ṛṣabhadāyíne ||20||

(AVŚ\_9,4.21a) ayám pipāna índra íd rayím dadhātu cetaním |  
(AVŚ\_9,4.21c) ayám dhenúm sudúghāṃ nítavatsāṃ vásāṃ duhām  
vipaścítam paró diváh ||21||

(AVŚ\_9,4.22a) piśāṅgarūpo nabhasó vayodhá aindráh súṣmo  
viśvárūpo na ágan |  
(AVŚ\_9,4.22c) āyur asmábhyaṃ dádhat prajāṃ ca rāyás ca póṣair  
abhí naḥ sacatām ||22||

(AVŚ\_9,4.23a) úpehópaparcanāsmín goṣṭhá úpa pṛñca naḥ |  
(AVŚ\_9,4.23c) úpa ṛṣabhásya yád réta úpendra táva vīryām ||23||

(AVŚ\_9,4.24a) etám vo yúvānaṃ práti dadhmo átra téna kríḍantís  
carata vásāṃ ánu |  
(AVŚ\_9,4.24c) má no hāsiṣṭa janúṣā subhāgā rāyás ca póṣair abhí  
naḥ śacadhvam ||24|| {10}

(AVŚ\_9,5.1a) á nayaitám á rabhasva sukṛtām lokám ápi gachatu  
prajānán |  
(AVŚ\_9,5.1c) tīrtvá támāṃsi bahudhá mahánty ajó nákam á  
kramatām tṛtíyam ||1||

(AVŚ\_9,5.2a) índrāya bhāgám pári tvā nayāmy asmín yajñé  
yájamānāya sūrím |  
(AVŚ\_9,5.2c) yé no dviśanty ánu tán rabhasvánāgasó yájamānasya  
vīráḥ ||2||

(AVŚ\_9,5.3a) prá padó 'va nenigdhi dúscaritam yác cacára súddháih  
śapháir á kramatām prajānán |

(AVŚ\_9,5.3c) tīrtvā támāṃsi bahudhā vipáśyann ajó nákam á  
kramatām tṛtíyam ||3||

(AVŚ\_9,5.4a) ánuchya śyāména tvácam etām viśastar yathāparv  
àsinā mābhí maṃsthāḥ |  
(AVŚ\_9,5.4c) mābhí druhaḥ paruśāḥ kalpayainam tṛtíye náke ádhi ví  
śrayāinam ||4||

(AVŚ\_9,5.5a) ṛcā kumbhīm ádhy agnáu śrayāmy á siñcodakám áva  
dhehy enam |  
(AVŚ\_9,5.5c) paryádhattāgnínā samitāraḥ śṛtó gachatu sukṛtām  
yātra lokāḥ ||5||

(AVŚ\_9,5.6a) út krāmātaḥ pári ced átaptas taptác carór ádhi nákam  
tṛtíyam |  
(AVŚ\_9,5.6c) agnér agnír ádhi sám babhūvitha jyótiṣmantam abhí  
lokām jayaitám ||6||

(AVŚ\_9,5.7a) ajó agnír ajám u jyótir āhur ajám jīvatā brahmāṇe  
déyam āhuḥ |  
(AVŚ\_9,5.7c) ajás támāṃsy ápa hanti dūrám asmíṃl loké  
śraddādhānena dattāḥ ||7||

(AVŚ\_9,5.8a) páñcaudanaḥ pañcadhā ví kramatām ākraṃsyámānas  
trīṇi jyótiṃsi |  
(AVŚ\_9,5.8c) ījānānām sukṛtām préhi mādhyam tṛtíye náke ádhi ví  
śrayasva ||8||

(AVŚ\_9,5.9a) ájá roha sukṛtām yātra lokāḥ śarabhó ná cattó 'ti  
durgāny eṣaḥ |  
(AVŚ\_9,5.9c) páñcaudano brahmāṇe dīyámānaḥ sá dātāram tṛptyā  
tarpayāti ||9||

(AVŚ\_9,5.10a) ajás trināké tridivé triprṣṭhé nákasya prṣṭhé  
dadivāṃsam dadhāti |  
(AVŚ\_9,5.10c) páñcaudano brahmāṇe dīyámāno viśvárūpā dhenúḥ  
kāmadúghāsy ékā ||10|| {11}

(AVŚ\_9,5.11a) etád vo jyótiḥ pitaras tṛtíyam páñcaudanam  
brahmāṇe 'jám dadāti |  
(AVŚ\_9,5.11c) ajás támāṃsy ápa hanti dūrám asmíṃl loké  
śraddādhānena dattāḥ ||11||

(AVŚ\_9,5.12a) ījānānām sukṛtām lokám ípsan páñcaudanam  
brahmāṇe 'jám dadāti |  
(AVŚ\_9,5.12c) sá vyāptim abhí lokām jayaitám śivò 'smábhyam  
prátigṛhīto astu ||12||

(AVŚ\_9,5.13a) ajó hy àgnér ájaniṣṭa sókād vípro víprasya sáhaso

vipaścít |

(AVŚ\_9,5.13c) iṣṭám pūrtám abhípūrtám váṣaṭkṛtam tát devā ṛtuśāḥ  
kalpayantu ||13||

(AVŚ\_9,5.14a) amotám vāso dadyād dhíraṇyam ápi dáksīṇām |

(AVŚ\_9,5.14c) tátā lokānt sám āpnoti yé divyā yé ca páṛthivāḥ ||  
14||

(AVŚ\_9,5.15a) etās tvājópa yantu dhārāḥ somyā devír ghr̥tápṛṣṭhā  
madhuścútaḥ |

(AVŚ\_9,5.15c) stabhān pṛthivīm utá dyām nákasya pṛṣṭhé 'dhi  
saptáraśmau ||15||

(AVŚ\_9,5.16a) ajó 'sy ája svargó 'si tváyā lokám áṅgirasah prājānan  
|

(AVŚ\_9,5.16c) tám lokám púṇyam prá jñeṣam ||16||

(AVŚ\_9,5.17a) yénā sahásraṃ váhasi yénāgne sarvavedasám |

(AVŚ\_9,5.17c) ténemám yajñám no vaha svàr devéṣu gántave ||17||

(AVŚ\_9,5.18a) ajāḥ pakvāḥ svargé loké dadhāti páñcaudano nírṛtiṃ  
bádhamānaḥ |

(AVŚ\_9,5.18c) téna lokānt sūryavato jayema ||18||

(AVŚ\_9,5.19a) yám brāhmaṇé nidadhé yám ca vikṣú yā viprúṣa  
odanānām ajásya |

(AVŚ\_9,5.19c) sárvaṃ tát agne sukṛtásya loké jānītān naḥ  
saṃgámane pathīnām ||19||

(AVŚ\_9,5.20a) ajó vā idám agne vy àkramata tásyóra iyám abhavad  
dyáuḥ pṛṣṭihám |

(AVŚ\_9,5.20c) antárikṣam mādhyam díśah pārsvé samudráu kukṣí ||  
20|| {12}

(AVŚ\_9,5.21a) satyám ca rtám ca cákṣuṣī víśvaṃ satyám śraddhá  
prāṇó virāt sírah |

(AVŚ\_9,5.21c) eṣá vā áparimito yajñó yád ajāḥ páñcaudanaḥ ||21||

(AVŚ\_9,5.22a) áparimitam evá yajñám āpnóty áparimitám lokám  
áva runddhe |

(AVŚ\_9,5.22c) yò 'jám páñcaudanam dáksīṇājyotiṣam dádāti ||22||

(AVŚ\_9,5.23a) nāsýāsthīni bhindyān ná majjñó nír dhayet |

(AVŚ\_9,5.23c) sárvaṃ enaṃ samādhāyédamidam prá veśayet ||23||

(AVŚ\_9,5.24a) idámidaṃ evásya rūpám bhavati ténainaṃ sám  
gamāyati |

(AVŚ\_9,5.24c) íṣam máha ūrjam asmai duhe yò 'jám páñcaudanam  
dáksīṇājyotiṣam dádāti ||24||

(AVŚ\_9,5.25a) páñca rukmá páñca návāni vástrā páñcāsmāi  
dhenávaḥ kāmādúghā bhavanti |  
(AVŚ\_9,5.25c) yò 'jáṃ páñcaudanam dákṣiṇājyotiṣam dádāti ||25||

(AVŚ\_9,5.26a) páñca rukmá jyótir asmai bhavanti várma vásāṃsi  
tanvē bhavanti |  
(AVŚ\_9,5.26c) svargám lokám aśnute yò 'jáṃ páñcaudanam  
dákṣiṇājyotiṣam dádāti ||26||

(AVŚ\_9,5.27a) yá pūrvam pátiṃ vittvá 'thānyam vindaté 'param |  
(AVŚ\_9,5.27c) páñcaudanam ca táv ajám dádāto ná ví yoṣataḥ ||27||

(AVŚ\_9,5.28a) samānaloko bhavati punarbhúvāparaḥ pátiḥ |  
(AVŚ\_9,5.28c) yò 'jáṃ páñcaudanam dákṣiṇājyotiṣam dádāti ||28||

(AVŚ\_9,5.29a) anupūrvāvatsām dhenúm anaḍvāham upabārhanam |  
(AVŚ\_9,5.29c) vásō hiraṇyam dattvá té yanti dívam uttamām ||29||

(AVŚ\_9,5.30a) ātmānam pitāram putrām páutram pitāmahām |  
(AVŚ\_9,5.30c) jāyām jānitrīm mātāram yé priyās tām úpa hvaye ||  
30|| {13}

(AVŚ\_9,5.31a) yó vái náidāgham náma rtúm véda |  
(AVŚ\_9,5.31c) eṣá vái náidāgho náma rtúr yád ajáḥ páñcaudanaḥ |  
(AVŚ\_9,5.31e) nír evāpriyasya bhrātṛvyasya śríyam dahati bhávaty  
ātmānā |

(AVŚ\_9,5.32a) yó vái kurvántam náma rtúm véda |  
(AVŚ\_9,5.32c) kurvatīm kurvatīm evāpriyasya bhrātṛvyasya śríyam á  
datte |  
(AVŚ\_9,5.32e) eṣá vái kurván náma rtúr yád ajáḥ páñcaudanaḥ |

(AVŚ\_9,5.33a) yó vái saṃyántam náma rtúm véda |  
(AVŚ\_9,5.33c) saṃyatīm saṃyatīm evāpriyasya bhrātṛvyasya śríyam á  
datte |  
(AVŚ\_9,5.33e) eṣá vái saṃyán náma rtúr yád ajáḥ páñcaudanaḥ |

(AVŚ\_9,5.34a) yó vái pinvántam náma rtúm véda |  
(AVŚ\_9,5.34c) pinvatīm pinvatīm evāpriyasya bhrātṛvyasya śríyam á  
datte |  
(AVŚ\_9,5.34e) eṣá vái pinván náma rtúr yád ajáḥ páñcaudanaḥ |

(AVŚ\_9,5.35a) yó vá udyántam náma rtúm véda |  
(AVŚ\_9,5.35c) udyatīm udyatīm evāpriyasya bhrātṛvyasya śríyam á  
datte |  
(AVŚ\_9,5.35e) eṣá vá udyánn náma rtúr yád ajáḥ páñcaudanaḥ |

(AVŚ\_9,5.36a) yó vá abhibhúvam náma rtúm véda |

(AVŚ\_9,5.36c) abhibhávantīmabhibhavantīm evápriyasya  
bhrátṛvyasya śríyaṃ á datte |  
(AVŚ\_9,5.36e) eṣá vā abhibhūr nāma rtúr yád ajáḥ páñcaudanaḥ |

(AVŚ\_9,5.37a) ajáṃ ca pácata páñca caudanān |  
(AVŚ\_9,5.37c) sárvā díśaḥ sámmanasaḥ sadhrícíḥ sántardeśāḥ práti  
grṇhántu ta etám ||37||

(AVŚ\_9,5.38a) tās te rakṣantu táva túbhyam etám tābhya ájyaṃ  
havír idám juhomi ||38|| {14}

(AVŚ\_9,6.1a) yó vidyád bráhma pratyákṣaṃ párūṃṣi yásya  
saṃbhārā ico yásyānūkyām ||1||

(AVŚ\_9,6.2a) sāmāni yásya lómāni yájur hṛdayam ucyáte  
paristáraṇam íd dhavíḥ ||2||

(AVŚ\_9,6.3a) yád vā átithipatir átithīn pratipásyati devayájanam  
prékṣate ||3||

(AVŚ\_9,6.4a) yád abhivádati dīkṣām úpaiti yád udakám yácaty apáḥ  
prá ṇayati ||4||

(AVŚ\_9,6.5a) yá evá yajñá ápaḥ praṇīyānte tá evá táḥ ||5||

(AVŚ\_9,6.6a) yát tárpaṇam āháranti yá evāgnīṣomíyaḥ paśúr  
badhyáte sá evá sáḥ ||6||

(AVŚ\_9,6.7a) yád āvasathān kalpáyanti sadohavirdhānāny evá tát  
kalpayanti ||7||

(AVŚ\_9,6.8a) yád upastrṇánti barhír evá tát ||8||

(AVŚ\_9,6.9a) yád uparísayanám āháranti svargám evá téna lokám  
áva runddhe ||9||

(AVŚ\_9,6.10a) yát kaśipūpabarhaṇám āháranti paridháya evá té ||  
10||

(AVŚ\_9,6.11a) yád āñjanābhyañjanám āháranty ájyam evá tát ||11||

(AVŚ\_9,6.12a) yát purá pariveṣát svādám āháranti purodásāv evá  
táu ||12||

(AVŚ\_9,6.13a) yád aśanakṛtaṃ hváyanti haviṣkṛtam evá tát  
dhvayanti ||13||

(AVŚ\_9,6.14a) yé vrīháyo yāvā nirupyānte 'ṁśáva evá té ||14||

(AVŚ\_9,6.15a) yāny ulūkhalamusalāni grāvāṇa evá té ||15||

(AVŚ\_9,6.16a) sūrpaṁ pavitraṁ túṣā ṛjīṣābhiṣávaṇīr āpaḥ ||16||

(AVŚ\_9,6.17a) srúg dārvir nékṣaṇam āyávanam droṇakalaśāḥ  
kumbhyò vāyavyāni pátrāṇīyám evá kṛṣṇājinám ||17|| {15}

(AVŚ\_9,6.18a) yajamānabrāhmaṇám vā etád átithipatiḥ kurute yád  
āhāryāni prékṣata idám bhúyā3 idā3m íti ||18||

(AVŚ\_9,6.19a) yád āha bhúya úd dharéti prāṇám evá téna  
várṣīyāṁsaṁ kurute ||19||

(AVŚ\_9,6.20a) úpa harati havīmṣy á sādayati ||20||

(AVŚ\_9,6.21a) téṣām āsannānām átithir ātmán juhóti ||21||

(AVŚ\_9,6.22a) srucā hástena prāṇé yúpe srukkāréṇa vaṣatkāréṇa ||  
22||

(AVŚ\_9,6.23a) eté vái priyās cāpriyās ca rtvíjaḥ svargám lokám  
gamāyanti yád átithayaḥ ||23||

(AVŚ\_9,6.24a) sá yá evám vidván ná dviśánn aśnīyān ná dviśató  
'nnaṁ aśnīyān ná mīmāṁsitásya ná mīmāṁsámānasya ||24||

(AVŚ\_9,6.25a) sárvo vā eṣá jagdhápāpmā yásyānnam aśnánti ||25||

(AVŚ\_9,6.26a) sárvo vā esó 'jagdhápāpmā yásyānnam náśnánti ||  
26||

(AVŚ\_9,6.27a) sarvadā vā eṣá yuktágrāvārdrapavitro vítatādhvara  
āḥṛtayajñakratur yá upaháratī ||27||

(AVŚ\_9,6.28a) prājāpatyó vā etásya yajñó vítato yá upaháratī ||28||

(AVŚ\_9,6.29a) prajāpater vā eṣá vikramān anuvíkramate yá  
upaháratī ||29||

(AVŚ\_9,6.30a) yó 'tithīnām sá āhavanīyo yó véśmani sá gārhapatyó  
yásmin pácanti sá dakṣiṇāgníḥ ||30|| {16}

(AVŚ\_9,6.31a) iṣṭám ca vā eṣá pūrtám ca gṛhāṇām aśnāti yáḥ pūrvó  
'tithēr aśnāti ||31||

(AVŚ\_9,6.32a) páyaś ca vā eṣá rásaṁ ca gṛhāṇām aśnāti yáḥ pūrvó  
'tithēr aśnāti ||32||

(AVŚ\_9,6.33a) ūrjāṃ ca vā eṣā sphātīm ca gṛhāṇām aśnāti yāḥ  
pūrvō 'tither aśnāti ||33||

(AVŚ\_9,6.34a) prajāṃ vā eṣā paśūṃś ca gṛhāṇām aśnāti yāḥ pūrvō  
'tither aśnāti ||34||

(AVŚ\_9,6.35a) kīrtīm vā eṣā yāśaś ca gṛhāṇām aśnāti yāḥ pūrvō  
'tither aśnāti ||35||

(AVŚ\_9,6.36a) śrīyaṃ vā eṣā saṃvīdaṃ ca gṛhāṇām aśnāti yāḥ  
pūrvō 'tither aśnāti ||36||

(AVŚ\_9,6.37a) eṣā vā átithir yác chrótriyas tásmāt pūrvo náśnīyāt ||  
37||

(AVŚ\_9,6.38a) aśitāvaty átithāṃ aśnīyād yajñāsya sātmatvāya  
yajñasyāvichedāya tād vratām ||38||

(AVŚ\_9,6.39a) etād vā u svādīyo yád adhigavāṃ kṣīrāṃ vā māmśāṃ  
vā tād evā náśnīyāt ||39|| {17}

(AVŚ\_9,6.40a) sá yá evāṃ vidvān kṣīrāṃ upasícyopahárati |  
(AVŚ\_9,6.40c) yávad agniṣṭoméneṣṭvā súsamṛddhenāvarunddhé  
távad enenāva runddhe ||40||

(AVŚ\_9,6.41a) sá yá evāṃ vidvānt sarpír upasícyopahárati |  
(AVŚ\_9,6.41c) yávad atirātréneṣṭvā súsamṛddhenāvarunddhé távad  
enenāva runddhe ||41||

(AVŚ\_9,6.42a) sá yá evāṃ vidvān mádhūpasícyopahárati |  
(AVŚ\_9,6.42c) yávad sattasādyeneṣṭvā súsamṛddhenāvarunddhé  
távad enenāva runddhe ||42||

(AVŚ\_9,6.43a) sá yá evāṃ vidvān māmśāṃ upasícyopahárati |  
(AVŚ\_9,6.43c) yávad dvādaśāhéneṣṭvā súsamṛddhenāvarunddhé  
távad enenāva runddhe ||43||

(AVŚ\_9,6.44a) sá yá evāṃ vidvān udakām upasícyopahárati |  
(AVŚ\_9,6.44c) prajānāṃ prajānanāya gachati pratiṣṭhāṃ priyāḥ  
prajānāṃ bhavati yá evāṃ vidvān upasícyopahárati ||44|| {18}

(AVŚ\_9,6.45a) tásmā uṣā́ hín kṛṇoti savitá prá stauti |  
(AVŚ\_9,6.45c) bṛhaspátir ūrjáyód gāyati tváṣṭā púṣṭyā práti harati  
vísve devá nidhānam ||2||  
(AVŚ\_9,6.45e) nidhānaṃ bhútyāḥ prajāyāḥ paśūnāṃ bhavati yá  
evāṃ véda ||45||

(AVŚ\_9,6.46a) tásmā udyánt sūryo hín kṛṇoti saṃgavāḥ prá stauti |

(AVŚ\_9,6.46c) madhyándina úd gāyaty aparāhṇāḥ prāti haraty  
astamyan nidhānam |

(AVŚ\_9,6.46e) nidhānam bhūtyāḥ prajāyāḥ paśūnām bhavati yá  
evām véda ||46||

(AVŚ\_9,6.47a) tásmā abhró bhāvan hín kṛṇoti stanāyan prá stauti |

(AVŚ\_9,6.47c) vidyótamānaḥ prāti harati vārṣann úd gāyaty  
udgrhān nidhānam |

(AVŚ\_9,6.47e) nidhānam bhūtyāḥ prajāyāḥ paśūnām bhavati yá  
evām véda ||47||

(AVŚ\_9,6.48a) átithīn prāti paśyati hín kṛṇoty abhí vadati prá stauty  
udakām yācaty úd gāyati |

(AVŚ\_9,6.48c) úpa harati prāti haraty úcchiṣṭam nidhānam |

(AVŚ\_9,6.48e) nidhānam bhūtyāḥ prajāyāḥ paśūnām bhavati yá  
evām véda ||48|| {19}

(AVŚ\_9,6.48a) yát kṣattāram hváyaty á śrāvayaty evá tát ||49||

(AVŚ\_9,6.50a) yát pratisṛṇóti pratyáśrāvayaty evá tát ||50||

(AVŚ\_9,6.51a) yát pariveṣṭāraḥ pātrahastāḥ púrve cāpare ca  
prapādyante camasādhvaryava evá té ||51||

(AVŚ\_9,6.52a) téṣāṃ ná kás canāhotā ||52||

(AVŚ\_9,6.53a) yád vā átithipatir átithīn parivīṣya grhān upodāity  
avabhṛtham evá tát upāvaiti ||53||

(AVŚ\_9,6.54a) yát sabhāgáyati dākṣiṇāḥ sabhāgayati yád  
anutīṣṭhata udávasyaty evá tát ||54||

(AVŚ\_9,6.55a) sá úpahūtaḥ pṛthivyām bhakṣayaty úpahūtas tásmin  
yát pṛthivyām viśvárūpam ||55||

(AVŚ\_9,6.56a) sá úpahūto 'ntárikṣe bhakṣayaty úpahūtas tásmin  
yád diví viśvárūpam ||56||

(AVŚ\_9,6.57a) sá úpahūto diví bhakṣayaty úpahūtas tásmin yád diví  
viśvárūpam ||57||

(AVŚ\_9,6.58a) sá úpahūto devéṣu bhakṣayaty úpahūtas tásmin yád  
diví viśvárūpam ||58||

(AVŚ\_9,6.59a) sá úpahūto lokéṣu bhakṣayaty úpahūtas tásmin yád  
diví viśvárūpam ||59||

(AVŚ\_9,6.60a) sá úpahūta úpahūtaḥ ||60||

(AVŚ\_9,6.61a) āpnótīmāṃ lokám āpnóty amúm ||61||



(AVŚ\_9,6.62a) jyótiṣmato lokān jayati yá evāṃ véda ||62|| {20}

(AVŚ\_9,7.1a) prajāpatiś ca parameṣṭhī ca śṛṅge índraḥ síro agnír  
lalāṭaṃ yamáḥ kṛkāṭaṃ ||1||

(AVŚ\_9,7.2a) sómo rájā mastiṣko dyáur uttarahanúḥ pṛthivý  
àdharahanúḥ ||2||

(AVŚ\_9,7.3a) vidyúj jihvá marúto dántā revátir grīvāḥ kṛttikā  
skandhā gharmó váhaḥ ||3||

(AVŚ\_9,7.4a) vísvaṃ vāyúḥ svargó lokāḥ kṛṣṇadrāṃ vidháraṇī  
niveṣyāḥ ||4||

(AVŚ\_9,7.5a) śyenāḥ krotó 'ntárikṣaṃ pājasyàṃ bṛhaspátih kakúd  
bṛhatīḥ kíkasāḥ ||5||

(AVŚ\_9,7.6a) devānāṃ pátñih pṛṣṭāya upasádaḥ pársavaḥ ||6||

(AVŚ\_9,7.7a) mitráś ca váruṇas cáṃsau tváṣṭā cāryamá ca doṣāṇī  
mahādevó bāhú ||7||

(AVŚ\_9,7.8a) indrāṇī bhasád vāyúḥ púchaṃ pávamāno bálāḥ ||8||

(AVŚ\_9,7.9a) bráhma ca kṣatrāṃ ca śróṇī bálam ūrú ||9||

(AVŚ\_9,7.10a) dhātā ca savitā cāṣṭhīvántau jánghā gandharvá  
apsarásaḥ kúṣṭhikā áditiḥ śaphāḥ ||10||

(AVŚ\_9,7.11a) céto hṛdayaṃ yákrṇ medhá vratāṃ purītát ||11||

(AVŚ\_9,7.12a) kṣút kukṣír írā vaniṣṭhúḥ párvatāḥ plāśáyāḥ ||12||

(AVŚ\_9,7.13a) kródho vṛkkáu manyúr āṇḍáu prajā́ sépaḥ ||13||

(AVŚ\_9,7.14a) nadí sūtrí varṣásya pátaya stánā stanayitnúr údhaḥ ||  
14||

(AVŚ\_9,7.15a) viśvavyacās cármáuṣadhayo lómāni náksatrāṇi  
rūpām ||15||

(AVŚ\_9,7.16a) devajanā́ gúdā manuṣyā́ āntrāṇy atrá udáram ||16||

(AVŚ\_9,7.17a) rákṣāṃsi lóhitam itarajanā́ úbadhyam ||17||

(AVŚ\_9,7.18a) abhrāṃ píbo majjá nidhánam ||18||

(AVŚ\_9,7.19a) agnír áśīna útthito 'śvínā ||19||

(AVŚ\_9,7.20a) índraḥ práñ tīṣṭhan dakṣiṇá tīṣṭhan yamáḥ ||20||

(AVŚ\_9,7.21a) pratyán tīṣṭhan dhātódañ tīṣṭhant savitā ||21||

(AVŚ\_9,7.22a) tṛṇāni prāptaḥ sómo rájā ||22||

(AVŚ\_9,7.23a) mitrá Íkṣamāṇa ávṛtta ānandáḥ ||23||

(AVŚ\_9,7.24a) yujyámāno vaiśvadevó yuktáḥ prajāpatir vímuktaḥ  
sárvam ||24||

(AVŚ\_9,7.25a) etád vái viśvárūpaṃ sárvarūpaṃ gorūpám ||25||

(AVŚ\_9,7.26a) úpainam viśvárūpāḥ sárvarūpāḥ paśávas tiṣṭhanti yá  
evám véda ||26|| {21}

(AVŚ\_9,8.1a) śīrṣaktīm śīrṣāmayám karṇasūlám vilohitám |

(AVŚ\_9,8.1c) sárvaṃ śīrṣanyām te rógam bahír nír mantrayāmahe ||  
1||

(AVŚ\_9,8.2a) kárṇābhyām te kánkūṣebhyaḥ karṇasūlám visálpakam  
|

(AVŚ\_9,8.2c) sárvaṃ śīrṣanyām te rógam bahír nír mantrayāmahe ||  
2||

(AVŚ\_9,8.3a) yásya hetóḥ pracyávate yákṣmaḥ karṇató āsyatáḥ |

(AVŚ\_9,8.3c) sárvaṃ śīrṣanyām te rógam bahír nír mantrayāmahe ||  
3||

(AVŚ\_9,8.4a) yáḥ kṛṇóti pramótam andhám kṛṇóti púruṣam |

(AVŚ\_9,8.4c) sárvaṃ śīrṣanyām te rógam bahír nír mantrayāmahe ||  
4||

(AVŚ\_9,8.5a) aṅgabhedám aṅgajvarám viśvāṅgyām visálpakam |

(AVŚ\_9,8.5c) sárvaṃ śīrṣanyām te rógam bahír nír mantrayāmahe ||  
5||

(AVŚ\_9,8.6a) yásya bhīmáḥ pratikāśá udvepáyati púruṣam |

(AVŚ\_9,8.6c) takmānaṃ viśváśāradaṃ bahír nír mantrayāmahe ||6||

(AVŚ\_9,8.7a) yá ūrú anusárpaty átho éti gavínike |

(AVŚ\_9,8.7c) yákṣmaṃ te antár aṅgebhyo bahír nír mantrayāmahe  
||7||

(AVŚ\_9,8.8a) yádi kāmād apakāmád dhṛdayāj jáyate pári |

(AVŚ\_9,8.8c) hṛdó balāsam āṅgebhyo bahír nír mantrayāmahe ||8||

(AVŚ\_9,8.9a) harimāṇam te āṅgebhyo 'pvām antaródārāt |

(AVŚ\_9,8.9c) yākṣmodhām antár ātmāno bahír nír mantrayāmahe ||9||

(AVŚ\_9,8.10a) āso balāso bhávatu mūtram bhavativ āmāyat |

(AVŚ\_9,8.10c) yākṣmāṇām sárveṣām viṣām nír avocam ahām tvát ||10|| {22}

(AVŚ\_9,8.11a) bahír bílam nír dravatu káhābāham távodārāt |

(AVŚ\_9,8.11c) yākṣmāṇām sárveṣām viṣām nír avocam ahām tvát ||11||

(AVŚ\_9,8.12a) udārāt te klomnó nābhyā hṛdayād ádhi |

(AVŚ\_9,8.12c) yākṣmāṇām sárveṣām viṣām nír avocam ahām tvát ||12||

(AVŚ\_9,8.13a) yāḥ sīmānam virujānti mūrdhānam prāty arṣanīḥ |

(AVŚ\_9,8.13c) áhiṃsantīr anāmāyā nír dravantu bahír bílam ||13||

(AVŚ\_9,8.14a) yā hṛdayam uparśānti anutanvānti kíkasāḥ |

(AVŚ\_9,8.14c) áhiṃsantīr anāmāyā nír dravantu bahír bílam ||14||

(AVŚ\_9,8.15a) yāḥ pārśvé uparśānti anuníkṣanti pṛṣṭīḥ |

(AVŚ\_9,8.15c) áhiṃsantīr anāmāyā nír dravantu bahír bílam ||15||

(AVŚ\_9,8.16a) yās tirāścīḥ uparśānti arṣanīr vakṣāṇāsu te |

(AVŚ\_9,8.16c) áhiṃsantīr anāmāyā nír dravantu bahír bílam ||16||

(AVŚ\_9,8.17a) yā gúdā anusárpanty āntrāṇi moháyanti ca |

(AVŚ\_9,8.17c) áhiṃsantīr anāmāyā nír dravantu bahír bílam ||17||

(AVŚ\_9,8.18a) yā majjñó nirdháyanti párūṃṣi virujānti ca |

(AVŚ\_9,8.18c) áhiṃsantīr anāmāyā nír dravantu bahír bílam ||18||

(AVŚ\_9,8.19a) yé áṅgāni madáyanti yākṣmāso ropāṇās táva |

(AVŚ\_9,8.19c) yākṣmāṇām sárveṣām viṣām nír avocam ahām tvát ||19||

(AVŚ\_9,8.20a) visalpāsya vidradhāsya vātīkārāsya vāljéḥ |

(AVŚ\_9,8.20c) yākṣmāṇām sárveṣām viṣām nír avocam ahām tvát ||20||

(AVŚ\_9,8.21a) pádābhyām te jánubhyām śróṇibhyām pári bhāmsasaḥ |

(AVŚ\_9,8.21c) ánūkād arṣanīr uṣṇíhābhyaḥ sīrṣṇó rógam anīnaśam ||21||

(AVŚ\_9,8.22a) sám te śīrṣṇāḥ kapālāni hṛdayasya ca yó vidhúḥ |  
(AVŚ\_9,8.22c) udyánn āditya raśmíbhiḥ śīrṣṇó rógam anīnaśo  
'ṅgabhedám aśísamaḥ ||22|| {23}

(AVŚ\_9,9.1a) asyá vāmasya palitasya hótus tasya bhrātā madhyamó  
asty āśnaḥ |  
(AVŚ\_9,9.1c) tṛtíyo bhrātā ghṛtápṛṣṭho asyātrāpaśyaṃ viśpátim  
saptáputram ||1||

(AVŚ\_9,9.2a) saptá yuñjanti rátham ékacakram éko áśvo vahati  
saptánāmā |  
(AVŚ\_9,9.2c) trinábhi cakráṃ ajáram anarváṃ yátremā víśvā  
bhúvanādhi tasthúḥ ||2||

(AVŚ\_9,9.3a) imáṃ rátham ádhi yé saptá tasthúḥ saptácakram  
saptá vahanty áśvāḥ |  
(AVŚ\_9,9.3c) saptá svásāro abhí sám navanta yátra gávām níhitā  
saptā nāma ||3||

(AVŚ\_9,9.4a) kó dadarśa prathamám jáyamānam asthanvántaṃ yád  
anasthá bíbharti |  
(AVŚ\_9,9.4c) bhúmyā ásur ásrḡ ātmā kvà svit kó vidváṃsam úpa  
gāt prāṣṭum etát ||4||

(AVŚ\_9,9.5a) ihá bravītu yá īm aṅgá védāsyá vāmasya níhitaṃ  
padám véḥ |  
(AVŚ\_9,9.5c) śīrṣṇāḥ kṣīráṃ duhrate gávō asya vavríṃ vásānā  
udakám padā 'puḥ ||5||

(AVŚ\_9,9.6a) pákaḥ pṛchāmi mánasā 'vijānan devánām enā níhitā  
padāni |  
(AVŚ\_9,9.6c) vatsé baṣkáyé 'dhi saptá tántūn ví tatnire kaváya  
ótavā u ||6||

(AVŚ\_9,9.7a) ácikitvāṃs cikitúṣaś cid átra kavín pṛchāmi vidváno ná  
vidvān |  
(AVŚ\_9,9.7c) ví yás tastámbha ṣat imā rájāṃsy ajásya rūpé kíṃ ápi  
svid ékam ||7||

(AVŚ\_9,9.8a) mātá pitáram ṛtá á babhāja 'dhīty ágre mánasā sám hí  
jagmé |  
(AVŚ\_9,9.8c) sá bībhatsúr gárbharasā níviddhā námasvanta íd  
upavākám īyuh ||8||

(AVŚ\_9,9.9a) yuktá mātásid dhurí dákṣiṇāyā átiṣṭhad gárbho  
vrjanīṣv antáh |  
(AVŚ\_9,9.9c) ámīmed vatsó ánu gām apaśyad viśvarūpyaṃ triśú

yóganeṣu ||9||

(AVŚ\_9,9.10a) tistró matṛs trín pitṛn bíbhrad éka urdhvās tasthau  
ném áva glāpayanta |

(AVŚ\_9,9.10c) mantráyante divó amúṣya pṛṣṭhé viśvavído vācam  
áviśvavinnām ||10|| {24}

(AVŚ\_9,9.11a) páñcāre cakré parivārtamāne yāsminn ātasthúr  
bhúvanāni víśvā |

(AVŚ\_9,9.11c) tāsya nākṣas tapyate bhúribhāraḥ sanād evá ná  
chidyate sánābhiḥ ||11||

(AVŚ\_9,9.12a) páñcapādaṃ pitāraṃ dvādaśākṛtiṃ divá āhuḥ páre  
árdhe purīṣiṇam |

(AVŚ\_9,9.12c) áthemé anyá úpare vicakṣaṇé saptácakre ṣáḍara  
āhur ārpitam ||12||

(AVŚ\_9,9.13a) dvādaśāraṃ nahí táj járāya vārvarti cakráṃ pári  
dyām ṛtāsya |

(AVŚ\_9,9.13c) á putrá agne mithunáso átra saptá sátāni viṃśatís ca  
tasthuḥ ||13||

(AVŚ\_9,9.14a) sánemi cakráṃ ajāraṃ ví vavṛta uttānāyāṃ dása  
yuktā vahanti |

(AVŚ\_9,9.14c) sūryasya cákṣū rájasaity ávṛtaṃ yāsminn ātasthúr  
bhúvanāni víśvā ||14||

(AVŚ\_9,9.15a) stríyaḥ satís tám u me puṃsáḥ āhuḥ páśyad  
akṣaṇvānn ví cetad andháḥ |

(AVŚ\_9,9.15c) kavír yáḥ putráḥ sá īm á ciketa yás tá vijānāt sá pitúṣ  
pitásat ||15||

(AVŚ\_9,9.16a) sākaṃjānāṃ saptátham āhur ekajāṃ ṣáḍ íd yamā  
ṛṣayo devajā íti |

(AVŚ\_9,9.16c) téṣām iṣṭāni víhitāni dhāmasá sthātré rejante víkṛtāni  
rūpaśáḥ ||16||

(AVŚ\_9,9.17a) aváḥ páreṇa pará enā ávareṇa padá vatsám bíbhratī  
gáur úd asthāt |

(AVŚ\_9,9.17c) sá kadrícī káṃ svid árdhaṃ párāgāt kvà svit sūte nahí  
yūthé asmín ||17||

(AVŚ\_9,9.18a) aváḥ páreṇa pitāraṃ yó asya védāváḥ páreṇa pará  
enāvareṇa |

(AVŚ\_9,9.18c) kavīyámānaḥ ká ihá prá vocad devám mánaḥ kúto  
ádhi prájātam ||18||

(AVŚ\_9,9.19a) yé arvāñcas tám u párāca āhur yé párāñcas tám u  
arvāca āhuḥ |

(AVŚ\_9,9.19c) índraś ca yá cakráthuḥ soma táni dhurá ná yuktá  
rájaso vahanti ||19||

(AVŚ\_9,9.20a) dvā suparṇā sayújā sákhāyā samānām vṛkṣām pári  
ṣasvajāte |

(AVŚ\_9,9.20c) táyor anyáḥ píppalam svādv átty ánaśnann anyó abhí  
cākaśīti ||20||

(AVŚ\_9,9.21a) yásmin vṛkṣé madhvádaḥ suparṇā nivíśānte súvate  
cādhi víśve |

(AVŚ\_9,9.21c) tásya yád āhúḥ píppalam svādv ágre tán nón naśad  
yáḥ pitāram ná véda ||21||

(AVŚ\_9,9.22a) yātrā suparṇā amṛtasya bhakṣām ánimeṣam  
vidáthābhisváranti |

(AVŚ\_9,9.22c) enā víśvasya bhúvanasya gopāḥ sá mā dhíraḥ pákam  
átrā viveśa ||22|| {25}

(AVŚ\_9,10.1a) yád gāyatré ádhi gāyatrám áhitam tráiṣṭubham vā  
tráiṣṭubhān nirátakṣata |

(AVŚ\_9,10.1c) yád vā jágaj jágaty áhitam padām yá ít tád vidús té  
amṛtatvām ānuśuḥ ||1||

(AVŚ\_9,10.2a) gāyatreṇa prāti mimīte arkám arkéna sáma  
tráiṣṭubhena vākám |

(AVŚ\_9,10.2c) vākéna vākām dvipádā cātuṣpadākṣāreṇa mimate  
saptā vāñīḥ ||2||

(AVŚ\_9,10.3a) jágatā síndhum divy àskabhāyad rathamtaré súryam  
páry apaśyat |

(AVŚ\_9,10.3c) gāyatrásya samídhas tistrá āhus táto mahná prá ririce  
mahitvá ||3||

(AVŚ\_9,10.4a) úpa hvaye sudúghām dhenúm etām suhásto godhúg  
utá dohad enām |

(AVŚ\_9,10.4c) śréṣṭham savām savitá sāviṣan no 'bhíddho gharmás  
tád u śú prá vocat ||4||

(AVŚ\_9,10.5a) hiṅkṛṇvatí vasupátnī vásūnām vatsám ichántī  
mánāsābhyágāt |

(AVŚ\_9,10.5c) duhām aśvibhyām páyo aghnyéyām sá vardhatām  
mahaté sáubhagāya ||5||

(AVŚ\_9,10.6a) gáur amīmed abhí vatsām miśántam mūrdhānam  
hínñ akr̥ṇon mātavá u |

(AVŚ\_9,10.6c) sṛkvāṇam gharmám abhí vāvaśāná mímāti māyúḥ  
páyate páyobhiḥ ||6||

(AVŚ\_9,10.7a) ayám sá śínkte yéna gáur abhívṛtā mímāti mayúm  
dhvasānāv ádhi śritā |  
(AVŚ\_9,10.7c) śá cittíbhīr ní hí cakāra mártiān vidyúd bhávanti prāti  
vavṛīm auhata ||7||

(AVŚ\_9,10.8a) anác chaye turágātu jīvám éjad dhruvám mádhya á  
pastyānām |  
(AVŚ\_9,10.8c) jīvo mṛtasya carati svadhābhīr ámartyo mártienā  
sáyoniḥ ||8||

(AVŚ\_9,10.9a) vidhúm dadrāṇām salilasya pṛṣṭhé yúvānam sántam  
palitō jagāra |  
(AVŚ\_9,10.9c) devasya paśya kávyam mahitvādyá mamāra sá hyāḥ  
sám āna ||9||

(AVŚ\_9,10.10a) yá īm cakāra ná só asyá veda yá īm dadárśa hírug ín  
nú tásmāt |  
(AVŚ\_9,10.10c) sá mātúr yónā párivīto antár bahuprajā nírṛtir á  
viveśa ||10|| {26}

(AVŚ\_9,10.11a) ápaśyam gopām anipádyamānam á ca párā ca  
pathíbhīś carantam |  
(AVŚ\_9,10.11c) sá sadhrícīḥ sá viṣūcīr vásāna á varīvarti bhúvaneṣv  
antāḥ ||11||

(AVŚ\_9,10.12a) dyáur naḥ pitā janitā nábhīr átra bándhur no mātā  
pṛthivī mahíyām |  
(AVŚ\_9,10.12c) uttānáyoś camvòr yónir antár átrā pitā duhitúr  
gárbham ádhāt ||12||

(AVŚ\_9,10.13a) pṛchāmi tvā páram ántam pṛthivyāḥ pṛchāmi vṛṣṇo  
ásvasya rétaḥ |  
(AVŚ\_9,10.13c) pṛchāmi víśvasya bhúvanasya nábhīm pṛchāmi  
vācāḥ paramám vyòma ||13||  
(AVŚ\_9,10.14a) iyám védīḥ páro ántaḥ pṛthivyā ayám sómo vṛṣṇo  
ásvasya rétaḥ |  
(AVŚ\_9,10.14c) ayám yajñó víśvasya bhúvanasya nábhīr  
brahmáyam vācāḥ paramám vyòma ||14||  
(AVŚ\_9,10.15a) ná ví jānāmi yád ivedám ásmi niṇyāḥ sámñaddho  
mánasā carāmi |  
(AVŚ\_9,10.15c) yadā mágan prathamajā ṛtasyád íd vācó aśnuve  
bhāgām asyāḥ ||15||

(AVŚ\_9,10.16a) ápān prān eti svadháyā gṛbhītó 'martyo mártienā  
sáyoniḥ |  
(AVŚ\_9,10.16c) tá śásvantā viṣūcínā viyántā ny ànyām cikyúr ná ní  
cikyúr anyām ||16||

(AVŚ\_9,10.17a) saptārdhagarbhā bhūvanasya réto víṣṇos tiṣṭhanti  
pradīśā vídharmaṇi |  
(AVŚ\_9,10.17c) té dhītíbhīr mánasā té vipaścītaḥ paribhūvaḥ pári  
bhavanti víśvátaḥ ||17||

(AVŚ\_9,10.18a) ṛcá akṣāre paramé vyòman yásmin devā ádhi víśve  
niṣedúḥ |  
(AVŚ\_9,10.18c) yás tán ná véda kím ṛcā kariṣyati yá ít tát vidús te  
amí sám āsate ||18||

(AVŚ\_9,10.19a) ṛcāḥ padám mātrayā kalpáyanto 'rdharcéna cakḷpur  
víśvam éjat |  
(AVŚ\_9,10.19c) tripád bráhma pururúpaṁ ví taṣṭhe téna jīvanti  
pradīśāś cátaśraḥ ||19||

(AVŚ\_9,10.20a) sūyavasād bhágavatī hí bhūyā ádhā vayám  
bhágavantaḥ syāma |  
(AVŚ\_9,10.20c) addhí tṛṇam aghnye víśvadānīm píba súddhām  
udakām ācárantī ||20|| {27}

(AVŚ\_9,10.21a) gáur ín mimāya salilāni tákṣatī ékapadī dvipádī sá  
cātuṣpadī |  
(AVŚ\_9,10.21c) aṣṭápadī návapadī babhūvúṣī sahásrākṣarā  
bhūvanasya pañktís tásyāḥ samudrá ádhi ví kṣaranti ||21||

(AVŚ\_9,10.22a) kṛṣṇám niyānam hárayaḥ suparṇā apó vásānā  
dívam út patanti |  
(AVŚ\_9,10.22c) tám ávavṛtrant sádanād ṛtásyād íd ghṛténa pṛthivīm  
vy ūdūḥ ||22||

(AVŚ\_9,10.23a) apád eti prathamā padvátīnām kás tát vām  
mitrāvaruṇā ciketa |  
(AVŚ\_9,10.23c) gárbho bhārám bharaty á cid asyā ṛtám píparti  
ánṛtaṁ ní pāti ||23||

(AVŚ\_9,10.24a) viráḍ vág virát pṛthiví viráḍ antárikṣam virát  
prajāpatiḥ |  
(AVŚ\_9,10.24c) virāṇ mṛtyúḥ sādhyānām adhirājó babhūva táśya  
bhūtām bhávyam váśe sá me bhūtām bhávyam váśe kṛṇotu ||24||

(AVŚ\_9,10.25a) śakamáyam dhūmám ārád apaśyam viṣūvátā pará  
enāvareṇa |  
(AVŚ\_9,10.25c) ukṣāṇam pṛśnim apacanta vīrás táni dhármāṇi  
prathamāny āsan ||25||

(AVŚ\_9,10.26a) tráyaḥ keśína ṛtuthā ví cakṣate saṁvatsaré vapata  
éka eṣām |  
(AVŚ\_9,10.26c) víśvam anyó abhicāṣṭe śacībhir dhrājir ékasya  
dadṛṣe ná rūpām ||26||



(AVŚ\_9,10.27a) catvári vák párimitā padāni tāni vidur brāhmaṇā yé  
manīṣīṇaḥ |  
(AVŚ\_9,10.27c) gúhā trīṇi níhitā néṅgayanti turíyaṃ vācá manuṣyā  
vadanti ||27||

(AVŚ\_9,10.28a) índraṃ mitráṃ váruṇam agním āhur átho divyāḥ sá  
suparṇó garútmān |  
(AVŚ\_9,10.28c) ekáṃ sád víprā bahudhā vadanty agním yamám  
mātariśvānam āhuḥ ||28|| {28}

(AVŚ\_10,1.1a) yām kalpáyanti vahatáu vadhúm iva viśvárūpām  
hástakṛtām cikitsávaḥ |  
(AVŚ\_10,1.1c) sárād etv ápa nudāma enām ||1||

(AVŚ\_10,1.2a) sīrṣaṇvátī nasvátī karṇīṇī kṛtyākṛtā sám̐bhṛtā  
viśvárūpā |  
(AVŚ\_10,1.2c) sárād etv ápa nudāma enām ||2||

(AVŚ\_10,1.3a) sūdrákṛtā rájakṛtā stríkṛtā brahmábhiḥ kṛtā |  
(AVŚ\_10,1.3c) jāyā pátyā nuttéva kartāraṃ bándhv ṛchatu ||3||

(AVŚ\_10,1.4a) anáyāhám óṣadhyā sárvaḥ kṛtyā adūduṣam |  
(AVŚ\_10,1.4c) yām kṣétre cakrúr yām góṣu yām vā te púruṣeṣu ||4||

(AVŚ\_10,1.5a) aghám astv aghakṛte śapáthaḥ śapathīyaté |  
(AVŚ\_10,1.5c) pratyák pratipráhiṇmo yáthā kṛtyākṛtaṃ hánat ||5||

(AVŚ\_10,1.6a) pratícīna āṅgirasó 'dhyakṣo naḥ puróhitaḥ |  
(AVŚ\_10,1.6c) pratícīḥ kṛtyā ākṛtyāmún kṛtyākṛto jahi ||6||

(AVŚ\_10,1.7a) yás tvovāca párehīti pratikūlam udāyyām |  
(AVŚ\_10,1.7c) tám kṛtye 'bhinívasvasva másmān icho anāgásaḥ ||7||

(AVŚ\_10,1.8a) yás te párūṃṣi sam̐dadháu ráthasyeva rbhúr dhiyā |  
(AVŚ\_10,1.8c) tám gacha táttra té 'yanam ájñātas te 'yām jánaḥ ||8||

(AVŚ\_10,1.9a) yé tvā kṛtvālebhiré vidvalā abhicārīṇaḥ |  
(AVŚ\_10,1.9c) sám̐bhv idám kṛtyādúṣaṇam prativartmā punaḥsarám  
téna tvā snapayāmasi ||9||

(AVŚ\_10,1.10a) yád durbhágām prásnapitām mṛtávatsām upeyimá |  
(AVŚ\_10,1.10c) ápaitu sárvaṃ mát pāpām dráviṇam mópa tiṣṭhatu  
||10|| {1}

(AVŚ\_10,1.11a) yát te pitṛbhyo dádato yajñé vā náma jagṛhúḥ |  
(AVŚ\_10,1.11c) sam̐deśyāt sárvasmāt pāpād imá muñcantu

tváuṣadhīḥ ||11||

(AVŚ\_10,1.12a) devainasāt pítṛyān nāmagrāhāt saṃdeśyād  
abhinīṣkṛtāt |

(AVŚ\_10,1.12c) muñcāntu tvā vīrúdhō vīryeṇa bráhmaṇā ṛgbhīḥ  
páyasā řṣīṇām ||12||

(AVŚ\_10,1.13a) yáthā vátaś cyāváyati bhúmyā reṇúm antárikṣāc  
cābhrám |

(AVŚ\_10,1.13c) evā mát sárvaṃ durbhūtám bráhmanuttam ápāyati  
||13||

(AVŚ\_10,1.14a) ápa krāma nānadatī vīnaddhā gardabhíva |

(AVŚ\_10,1.14c) kartṛṇ nakṣasvetó nuttā bráhmaṇā vīryāvātā ||14||

(AVŚ\_10,1.15a) ayám pánthāḥ kṛtyéti tvā nayāmo 'bhipráhitām prāti  
tvā prá hiṇmaḥ |

(AVŚ\_10,1.15c) ténābhí yāhi bhañjaty ánasvatīva vāhínī viśvárūpā  
kurūtīnī ||15||

(AVŚ\_10,1.16a) párāk te jyótir ápathaṃ te arvāg anyátrāsmád  
áyanā kṛṇuṣva |

(AVŚ\_10,1.16c) páreṇehi navatím nāvyā áti durgāḥ srotyā má  
kṣaṇīṣṭhāḥ párehi ||16||

(AVŚ\_10,1.17a) váta iva vṛkṣān ní mṛṇīhi pādāya má gām áśvaṃ  
púruṣam úc chiṣa eṣām |

(AVŚ\_10,1.17c) kartṛṇ nivṛtyetāḥ kṛtye 'prajāstváya bodhaya ||17||

(AVŚ\_10,1.18a) yám te barhíṣi yám śmaśāné kṣétre kṛtyám valagám  
vā nīcakhnúḥ |

(AVŚ\_10,1.18c) agnáu vā tvā gárhapatye 'bhicerúḥ pákaṃ sántaṃ  
dhíratarā anāgásam ||18||

(AVŚ\_10,1.19a) upáhṛtaṃ ánubuddhaṃ níkhātaṃ váiraṃ tsāry ánv  
avidāma kártram |

(AVŚ\_10,1.19c) tát etu yáta ábhṛtaṃ tátṛáśva iva ví vartatām hántu  
kṛtyākṛtaḥ prajám ||19||

(AVŚ\_10,1.20a) svāyasā asáyaḥ santi no gṛhé vidmā te kṛtye  
yatidhá párūṃṣi |

(AVŚ\_10,1.20c) út tiṣṭhaivá párehītó 'jñāte kím ihéchasi ||20|| {2}

(AVŚ\_10,1.21a) grīvās te kṛtye pádau cápi kartsyāmi nír drava |

(AVŚ\_10,1.21c) indrāgní asmān rakṣatām yáu prajānām prajāvatī ||  
21||

(AVŚ\_10,1.22a) sómo rájādhipá mṛḍitá ca bhūtásya naḥ pátayo  
mṛḍayantu ||22||

(AVŚ\_10,1.23a) bhavāśarvāv asyatām pāpakṛte kṛtyākṛte |  
(AVŚ\_10,1.23c) duṣkṛte vidyútam devahetím ||23||

(AVŚ\_10,1.24a) yády eyátha dvipádī cātuṣpadī kṛtyākṛtā sám̐bhṛtā  
viśvárūpā |  
(AVŚ\_10,1.24c) sétó 'ṣṭāpadī bhūtvā púnah párehi duchune ||24||

(AVŚ\_10,1.25a) abhyāktāktā svāramkṛtā sārvaṃ bhārantī duritām  
pārehi |  
(AVŚ\_10,1.25c) jānīhi kṛtye kartāram duhitēva pitāram svām ||25||

(AVŚ\_10,1.26a) párehi kṛtye mǎ tiṣṭho viddhāsyeva padām naya |  
(AVŚ\_10,1.26c) mṛgáh sá mṛgayús tvām ná tvā níkartum arhati ||  
26||

(AVŚ\_10,1.27a) utá hanti pūrvāsínam pratyādáyāpara íṣvā |  
(AVŚ\_10,1.27c) utá pūrvasya nighnató ní hanty áparaḥ práti ||27||

(AVŚ\_10,1.28a) etád dhí śṛṇú me vácó 'thehi yáta eyátha |  
(AVŚ\_10,1.28c) yás tvā cakāra tám práti ||28||

(AVŚ\_10,1.29a) anāgohatyā vái bhīmá kṛtye mǎ no gám ásvam  
púruṣam vadhīḥ |  
(AVŚ\_10,1.29c) yátrayatrāsi níhitā tátas tvót thāpayāmasi parṇál  
lāghīyasī bhava ||29||

(AVŚ\_10,1.30a) yádi sthá támasāvṛtā jālenabhíhitā iva |  
(AVŚ\_10,1.30c) sārvaḥ samlúpyetáh kṛtyáh púnah kartré prá  
hiṇmasi ||30||

(AVŚ\_10,1.31a) kṛtyākṛto valagíno 'bhiniṣkārīṇah prajám |  
(AVŚ\_10,1.31c) mṛṇīhí kṛtye móc chiṣo 'mún kṛtyākṛto jahi ||31||

(AVŚ\_10,1.32a) yáthā súryo mucyáte támasas pári rátriṃ jáhāty  
uśásaśca ketún |  
(AVŚ\_10,1.32c) eváhám sārvaṃ durbhūtám kártram kṛtyākṛtā kṛtām  
hastíva rájo duritām jahāmi ||32|| {3}

(AVŚ\_10,2.1a) kéna pārṣṇī ábhṛte púruṣasya kéna mām̐sám  
sám̐bhṛtam kéna gulpháu |  
(AVŚ\_10,2.1c) kénāṅgúlīḥ péśanīḥ kéna khāni kénocchlaṅkháu  
madhyatáh káh pratiṣṭhām ||1||

(AVŚ\_10,2.2a) kásmān nú gulphāv ádharāv akr̥ṇvann aṣṭhīvántāv  
úttarau púruṣasya |  
(AVŚ\_10,2.2c) jáṅghe nirṛtya ny àdadhuḥ kvà svij jānunoḥ sam̐dhí ká

u tác ciketa ||2||

(AVŚ\_10,2.3a) cátuṣṭayaṃ yujate sāmhitāntaṃ jānubhyāṃ ūrdhvāṃ  
śithirāṃ kābandham |

(AVŚ\_10,2.3c) śróṇī yád ūrú ká u táj jajāna yábhyāṃ kúsindham  
súdr̥ḍham babhúva ||3||

(AVŚ\_10,2.4a) káti deváh katamé tá āsan yá úro grīvās cikyúḥ  
púruṣasya |

(AVŚ\_10,2.4c) káti stánau vy àdadhuḥ káh kaphodáu káti skandhān  
káti pr̥ṣṭīr acinvan ||4||

(AVŚ\_10,2.5a) kó asya bāhú sám abharad vīryāṃ karavād iti |

(AVŚ\_10,2.5c) áṃsau kó asya tát deváh kúsindhe ádhy á dadhau ||  
5||

(AVŚ\_10,2.6a) káh saptá khāni ví tatarda śīrṣāṇi kārṇāv imáu násike  
cákṣāṇī múkham |

(AVŚ\_10,2.6c) yéṣāṃ purutrā vijayāsya mahnāni cátuṣpādo dvipādo  
yanti yāmam ||6||

(AVŚ\_10,2.7a) hánvor hí jihvām ádadhāt purūcīm ádhā mahīm ádhi  
śísṛāya vācam |

(AVŚ\_10,2.7c) sá á varīvarti bhúvaneṣv antár apó vásānaḥ ká u tác  
ciketa ||7||

(AVŚ\_10,2.8a) mastīṣkam asya yatamó lalātaṃ kakāṭikāṃ prathamó  
yáh kápālam |

(AVŚ\_10,2.8c) citvá cítyaṃ hánvoḥ púruṣasya dívaṃ ruropa  
katamáḥ sá deváh ||8||

(AVŚ\_10,2.9a) priyāpriyāṇi bahulá svāpnaṃ sambādhatandyāḥ |

(AVŚ\_10,2.9c) ānandān ugró nándāṃś ca kásmād vahati púruṣaḥ ||  
9||

(AVŚ\_10,2.10a) ártir ávartir níṛṛtiḥ kúto nú púruṣé 'matih |

(AVŚ\_10,2.10c) ráddhiḥ sámṛddhir ávyṛddhir matír úditayaḥ kútaḥ ||  
10|| {4}

(AVŚ\_10,2.11a) kó asminn ápo vy àdadhāt viṣūvṛtaḥ purūvṛtaḥ  
sindhusṛtyāya jātāḥ |

(AVŚ\_10,2.11c) tivrā aruṇá lóhinīs tāmradhūmrā ūrdhvā ávācīḥ  
púruṣe tirásīcīḥ ||11||

(AVŚ\_10,2.12a) kó asmin rūpām adadhāt kó mahmānaṃ ca nāma ca  
|

(AVŚ\_10,2.12c) gātúṃ kó asmin káh ketúṃ kás caritrāni púruṣe ||  
12||

(AVŚ\_10,2.13a) kó asmin prāṇām avayat kó apānām vyānām u |  
(AVŚ\_10,2.13c) samānām asmin kó devó 'dhi śíśrāya púruṣe ||13||

(AVŚ\_10,2.14a) kó asmin yajñām adadhād éko devó 'dhi púruṣe |  
(AVŚ\_10,2.14c) kó asmint satyām kó 'nṛtaṃ kúto mṛtyúḥ kúto  
'mṛtaṃ ||14||

(AVŚ\_10,2.15a) kó asmai vāsaḥ páry adadhāt kó asyāyur akalpayat |  
(AVŚ\_10,2.15c) bálaṃ kó asmai prāyachat kó asyākalpayaj javám ||  
15||

(AVŚ\_10,2.16a) kénāpo ánv atanuta kénāhar akarod rucé |  
(AVŚ\_10,2.16c) uṣásaṃ kénānv ainddha kēna sāyaṃbhavám dade ||  
16||

(AVŚ\_10,2.17a) kó asmin réto ny àdadhāt tántur á tāyatām íti |  
(AVŚ\_10,2.17c) medhām kó asminn ádhy auhat kó bāṇām kó nṛto  
dadhau ||17||

(AVŚ\_10,2.18a) kénemām bhúmim aurnot kēna páry abhavad dívam  
|  
(AVŚ\_10,2.18c) kénābhí mahnā párvatān kēna kármāṇi púruṣaḥ ||  
18||

(AVŚ\_10,2.19a) kēna parjānyam ánv eti kēna sómaṃ vicakṣaṇām |  
(AVŚ\_10,2.19c) kēna yajñām ca śraddhām ca kénāsmín níhitaṃ  
mānaḥ ||19||

(AVŚ\_10,2.20a) kēna śrótṛiyam āpnoti kénemām paramēṣṭhínam |  
(AVŚ\_10,2.20c) kénemām agníṃ púruṣaḥ kēna saṃvatsaráṃ mame  
||20|| {5}

(AVŚ\_10,2.21a) bráhma śrótṛiyam āpnoti bráhmamām  
paramēṣṭhinam |  
(AVŚ\_10,2.21c) bráhmamām agníṃ púruṣo bráhma saṃvatsaráṃ  
mame ||21||

(AVŚ\_10,2.22a) kēna devāṃ ánu kṣiyati kēna dáivajanīr viśaḥ |  
(AVŚ\_10,2.22c) kénédām anyān nákṣatraṃ kēna sát kṣatrám ucyate  
||22||

(AVŚ\_10,2.23a) bráhma devāṃ ánu kṣiyati bráhma dáivajanīr víśaḥ |  
(AVŚ\_10,2.23c) bráhmedām anyān nákṣatraṃ bráhma sát kṣatrám  
ucyate ||23||

(AVŚ\_10,2.24a) kényám bhúmir víhitā kēna dyáur úttarā hitā |  
(AVŚ\_10,2.24c) kénédām ūrdhvám tiryák cāntárikṣam vyáco hitám ||  
24||

(AVŚ\_10,2.25a) bráhmaṇā bhúmīr víhitā bráhma dyáur úttarā hitā |  
(AVŚ\_10,2.25c) bráhmedám ūrdhvám tiryák cāntárikṣam vyáco  
hitám ||25||

(AVŚ\_10,2.26a) mūrdhānam asya saṃsívýātharvā h́dayam ca yát |  
(AVŚ\_10,2.26c) mastískād ūrdhváh práirayat pávamānó 'dhi śírṣatáh  
||26||

(AVŚ\_10,2.27a) tát vā átharvaṇah śíro devakośáh sámubjitah |  
(AVŚ\_10,2.27c) tát prāṇó abhí rakṣati śíro ánnam átho mánaḥ ||27||

(AVŚ\_10,2.28a) ūrdhvó nú sṛṣṭá3s tiryán nú sṛṣṭá3s sárvā díśah  
púruṣa á babhūvá3m |  
(AVŚ\_10,2.28c) púram yó bráhmaṇo véda yásyāḥ púruṣa ucyáte ||  
28||

(AVŚ\_10,2.29a) yó vái tám bráhmaṇo védāmtenávr̥tām púram |  
(AVŚ\_10,2.29c) tásmāi bráhma ca brāhmás ca cákṣuḥ prāṇám  
prajām daduḥ ||29||

(AVŚ\_10,2.30a) ná vái tám cákṣur jahāti ná prāṇó jarásaḥ purā |  
(AVŚ\_10,2.30c) púram yó bráhmaṇo véda yásyāḥ púruṣa ucyáte ||  
30||

(AVŚ\_10,2.31a) aṣṭácakrā náadvārā devánām púr ayodhyā |  
(AVŚ\_10,2.31c) tásyām hiraṇyáyaḥ kóśah svargó jyótiśávr̥taḥ ||31||

(AVŚ\_10,2.32a) tásmīn hiraṇyáye kóśe tryāre trípratiṣṭhite |  
(AVŚ\_10,2.32c) tásmīn yád yakṣám ātmanvát tát vái brahmavído  
viduḥ ||32||

(AVŚ\_10,2.33a) prabhrájamānām háriṇīm yásasā saṃpárīvr̥tām |  
(AVŚ\_10,2.33c) púram hiraṇyáyīm brāhmā viveśáparājitām ||33||  
{6}

(AVŚ\_10,3.1a) ayám me varaṇó maṇíḥ sapatnakṣáyaṇo vṛṣā |  
(AVŚ\_10,3.1c) tená rabhasva tvám śátrūn prá mṛṇīhi durasyatáh ||  
1||

(AVŚ\_10,3.2a) práiṇān chṛṇīhi prá mṛṇá rabhasva maṇís te astu  
puraetá purástāt |  
(AVŚ\_10,3.2c) ávārayanta varaṇéna devá abhyācārám ásurāṇām  
śváhśvaḥ ||2||

(AVŚ\_10,3.3a) ayám maṇír varaṇó viśvábheṣajaḥ sahasrākṣó hárito  
hiraṇyáyaḥ |  
(AVŚ\_10,3.3c) sá te śátrūn ádharān pādayāti púrvas tán dabhnuhi

yé tvā dviṣánti ||3||

(AVŚ\_10,3.4a) ayám te kṛtyām vítatām páuruṣeyād ayám bhayát |  
(AVŚ\_10,3.4c) ayám tvā sárvasmāt pāpād varaṇó vārayiṣyate ||4||

(AVŚ\_10,3.5a) varaṇó vārayātā ayám devó vánaśpátih |  
(AVŚ\_10,3.5c) yákṣmo yó asmínn áviṣṭas tám u devá avīvaran ||5||

(AVŚ\_10,3.6a) svápnam suptvá yádi páśyāsi pāpām mṛgáh sṛtīm  
yāti dhāvād ájuṣṭām |  
(AVŚ\_10,3.6c) parikṣavác chakúneḥ pāpavādád ayám mañír varaṇó  
vārayiṣyate ||6||

(AVŚ\_10,3.7a) árātyās tvā nírṛtyā abhicārād átho bhayát |  
(AVŚ\_10,3.7c) mṛtyór ójīyaso vadhád varaṇó vārayiṣyate ||7||

(AVŚ\_10,3.8a) yán me mātá yán me pitá bhrátaro yác ca me svá  
yád énaś cakṛmá vayám |  
(AVŚ\_10,3.8c) táto no vārayiṣyate 'yám devó vánaśpátih ||8||

(AVŚ\_10,3.9a) varaṇéna právyathitā bhrátrvyā me sábandhavaḥ |  
(AVŚ\_10,3.9c) asúrtaṁ rájo ápy agus té yantv adhamám támaḥ ||9||

(AVŚ\_10,3.10a) áriṣṭo 'hám áriṣṭagur áyuṣmānt sárvaṇpūruṣaḥ |  
(AVŚ\_10,3.10c) tám mâyám varaṇó mañih pári pātu diśódíśaḥ ||10||  
{7}

(AVŚ\_10,3.11a) ayám me varaṇá úrasi rájā devó vánaśpátih |  
(AVŚ\_10,3.11c) sá me sátrūn ví bādhatām índro dásyūn ivásurān ||  
11||

(AVŚ\_10,3.12a) imám bibharmi varaṇám áyuṣmān chatásāradaḥ |  
(AVŚ\_10,3.12c) sá me rāṣṭrām ca kṣatrām ca paśún ójaś ca me  
dadhat ||12||

(AVŚ\_10,3.13a) yáthā vāto vánaśpátīn vṛkṣān bhanákty ójaśā |  
(AVŚ\_10,3.13c) evá sapátnān me bhaṅgdhi púrvān jātām utáparān  
varaṇás tvābhí rakṣatu ||13||

(AVŚ\_10,3.14a) yáthā vātaś cāgnís ca vṛkṣān psátó vánaśpátīn |  
(AVŚ\_10,3.14c) evá sapátnān me psāhi púrvān jātām utáparān  
varaṇás tvābhí rakṣatu ||14||

(AVŚ\_10,3.15a) yáthā vātēna prákṣiṇā vṛkṣāḥ sére nyàrpitāḥ |  
(AVŚ\_10,3.15c) evá sapátnāms tvám máma prá kṣiṇīhi ny àrpaya |  
(AVŚ\_10,3.15e) púrvān jātām utáparān varaṇás tvābhí rakṣatu ||15||

(AVŚ\_10,3.16a) támṣ tvám prá chinddhi varaṇa purá diṣṭát  
puráyuṣaḥ |

(AVŚ\_10,3.16c) yá enaṃ paśúṣu dípsanti yé cāsyā rāṣṭradipsávaḥ ||  
16||

(AVŚ\_10,3.17a) yáthā sūryo atibhāti yáthāsmín téja áhitam |  
(AVŚ\_10,3.17c) evá me varaṇó mañíḥ kīrtiṃ bhútiṃ ní yachatu |  
(AVŚ\_10,3.17e) téjasā mā sám ukṣatu yásasā sám anaktu mā ||17||

(AVŚ\_10,3.18a) yáthā yásaś candrámasya ādityé ca nṛcákṣasi |  
(AVŚ\_10,3.18c) evá me varaṇó mañíḥ kīrtiṃ bhútiṃ ní yachatu |  
(AVŚ\_10,3.18e) téjasā mā sám ukṣatu yásasā sám anaktu mā ||18||

(AVŚ\_10,3.19a) yáthā yásaḥ pṛthivyām yáthāsmín jātávedasi |  
(AVŚ\_10,3.19c) evá me varaṇó mañíḥ kīrtiṃ bhútiṃ ní yachatu |  
(AVŚ\_10,3.19e) téjasā mā sám ukṣatu yásasā sám anaktu mā ||19||

(AVŚ\_10,3.20a) yáthā yásaḥ kanyāyām yáthāsmín sámabhṛte ráthe |  
(AVŚ\_10,3.20c) evá me varaṇó mañíḥ kīrtiṃ bhútiṃ ní yachatu |  
(AVŚ\_10,3.20e) téjasā mā sám ukṣatu yásasā sám anaktu mā ||20||  
{8}

(AVŚ\_10,3.21a) yáthā yásaḥ somapīthé madhuparké yáthā yásaḥ |  
(AVŚ\_10,3.21c) evá me varaṇó mañíḥ kīrtiṃ bhútiṃ ní yachatu |  
(AVŚ\_10,3.21e) téjasā mā sám ukṣatu yásasā sám anaktu mā ||21||

(AVŚ\_10,3.22a) yáthā yáso 'gnihotré vaṣaṭkārē yáthā yásaḥ |  
(AVŚ\_10,3.22c) evá me varaṇó mañíḥ kīrtiṃ bhútiṃ ní yachatu |  
(AVŚ\_10,3.22e) téjasā mā sám ukṣatu yásasā sám anaktu mā ||22||

(AVŚ\_10,3.23a) yáthā yáso yájamāne yáthāsmín yajñá áhitam |  
(AVŚ\_10,3.23c) evá me varaṇó mañíḥ kīrtiṃ bhútiṃ ní yachatu |  
(AVŚ\_10,3.23e) téjasā mā sám ukṣatu yásasā sám anaktu mā ||23||

(AVŚ\_10,3.24a) yáthā yásaḥ prajāpatau yáthāsmín parameṣṭhíni |  
(AVŚ\_10,3.24c) evá me varaṇó mañíḥ kīrtiṃ bhútiṃ ní yachatu |  
(AVŚ\_10,3.24e) téjasā mā sám ukṣatu yásasā sám anaktu mā ||24||

(AVŚ\_10,3.25a) yáthā devéṣv amṛtaṃ yáthaiṣu śatyám áhitam |  
(AVŚ\_10,3.25c) evá me varaṇó mañíḥ kīrtiṃ bhútiṃ ní yachatu |  
(AVŚ\_10,3.25e) téjasā mā sám ukṣatu yásasā sám anaktu mā ||25||  
{9}

(AVŚ\_10,4.1a) índrasya prathamó rátho devánām áparo rátho  
váruṇasya tṛtíya ít |  
(AVŚ\_10,4.1c) áhīnām apamá rátha sthānám ārad áthārṣat ||1||

(AVŚ\_10,4.2a) darbháḥ śocís tarúṇakam áśvasya váraḥ paruśasya  
váraḥ |



(AVŚ\_10,4.2c) ráthasya bándhuraṃ ||2||

(AVŚ\_10,4.3a) áva śveta padā jahi pūrveṇa cāpareṇa ca |  
(AVŚ\_10,4.3c) udaplutám iva dārv áhīnām arasám viṣám vār ugrám ||3||

(AVŚ\_10,4.4a) araṃghuṣó nimájyonmája púnar abravīt |  
(AVŚ\_10,4.4c) udaplutám iva dārv áhīnām arasám viṣám vār ugrám ||4||

(AVŚ\_10,4.5a) paidvó hanti kaṣaṇṇīlaṃ paidváḥ śvitrám utāsítám |  
(AVŚ\_10,4.5c) paidvó ratharvyāḥ śíraḥ sám bibheda pṛdākvāḥ ||5||

(AVŚ\_10,4.6a) páidva préhi prathamó 'nu tvā vayám émasi |  
(AVŚ\_10,4.6c) áhīn vy àsyatāt pathó yéna smā vayám emási ||6||

(AVŚ\_10,4.7a) idám paidvó ajāyatedám asya parāyaṇam |  
(AVŚ\_10,4.7c) imāny árvataḥ padāhighnyó vājínīvataḥ ||7||

(AVŚ\_10,4.8a) sámnyataṃ ná ví ṣparad vyāttam ná sám yamat |  
(AVŚ\_10,4.8c) asmín kṣetre dvāv áhī strī ca púmāṃś ca táv ubháṃ arasā ||8||

(AVŚ\_10,4.9a) arasāsa ihāhaya yé ánti yé ca dūraké |  
(AVŚ\_10,4.9c) ghanéna hanmi vṛścikam áhiṃ daṇḍénāgatam ||9||

(AVŚ\_10,4.10a) aghāśvāsyedám bheṣajám ubháyo svajāsyā ca |  
(AVŚ\_10,4.10c) índro mé 'him aghāyántam áhiṃ paidvó arandhayat ||10|| {10}

(AVŚ\_10,4.11a) paidvásyā manmahe vayám sthirásyā sthirādhāmnaḥ |  
(AVŚ\_10,4.11c) imé paścā pṛdākavaḥ pradīdhyata āsate ||11||

(AVŚ\_10,4.12a) naṣṭāsavo naṣṭāviṣā hatā indreṇa vajrīṇā |  
(AVŚ\_10,4.12c) jaghānéndro jaghnimā vayám ||12||

(AVŚ\_10,4.13a) hatās tíraścirājayo nípiṣṭāsaḥ pṛdākavaḥ |  
(AVŚ\_10,4.13c) dārvim kárikrataṃ śvitrám darbhéṣv asítám jahi ||13||

(AVŚ\_10,4.14a) kairātikā kumārikā sakā khānati bheṣajám |  
(AVŚ\_10,4.14c) hiraṇyáyībhir ábhribhir girīnām úpa sānuṣu ||14||

(AVŚ\_10,4.15a) áyám agan yúvā bhiṣák pṛśnihāparājitaḥ |  
(AVŚ\_10,4.15c) sá vái svajāsyā jámbhana ubháyor vṛścikasya ca ||15||

(AVŚ\_10,4.16a) índro mé 'him arandhayan mitrás ca váruṇas ca |

(AVŚ\_10,4.16c) vātāparjanyóbhá ||16||

(AVŚ\_10,4.17a) índro mé 'him arandhayat pṛdākum ca pṛdākvám |  
(AVŚ\_10,4.17c) svajám tíraścirājim kasarṇīlam dásonasim ||17||

(AVŚ\_10,4.18a) índro jaghāna prathamám janitāram ahe táva |  
(AVŚ\_10,4.18c) téšām u tṛhyāmāñānām káh svit téšām asad rásaḥ ||18||

(AVŚ\_10,4.19a) sám hí śírśāṇy ágrabham pauñjiṣṭhá iva kárvaram |  
(AVŚ\_10,4.19c) síndhor mádhyaṃ parétya vy ànijam áher višám ||19||

(AVŚ\_10,4.20a) áhīnām sárvešām višám párā vahantu sindhavaḥ |  
(AVŚ\_10,4.20c) hatás tíraścirājayo nípiṣṭāsaḥ pṛdākavaḥ ||20|| {11}

(AVŚ\_10,4.21a) óṣadhīnām ahám vṛṇa urvárīr iva sādhuṃyá |  
(AVŚ\_10,4.21c) náyāmy árvatīr ivāhe niráitu višám ||21||

(AVŚ\_10,4.22a) yád agnáu sūrye višám pṛthivyám óṣadhīṣu yát |  
(AVŚ\_10,4.22c) kāndāvišám kanáknakam niráitv áitu te višám ||22||

(AVŚ\_10,4.23a) yé agnijá oṣadhijá áhīnām yé apsujá vidyúta  
ābabhūvúḥ |  
(AVŚ\_10,4.23c) yéšām jātāni bahudhá mahānti tébhyaḥ sarpébhyo  
nāmasā vidhema ||23||

(AVŚ\_10,4.24a) táudī námāsi kanyā ghṛtācī nāma vá asi |  
(AVŚ\_10,4.24c) adhaspadéna te padám á dade viṣadúṣaṇam ||24||

(AVŚ\_10,4.25a) áṅgādaṅgāt prá cyāvaya hṛdayam pári varjaya |  
(AVŚ\_10,4.25c) ádhā viśásya yát téjo 'vācīnam tát etu te ||25||

(AVŚ\_10,4.26a) āré abhūd višám araud viśé višám aprāg ápi |  
(AVŚ\_10,4.26c) agnír višám áher nír adhāt sómo nír aṇayīt |  
(AVŚ\_10,4.26e) daṃṣṭāram ánv agād višám áhir amṛta ||26|| {12}

(AVŚ\_10,5.1a) índrasyājuja sthéndrasya sáha sthéndrasya bálam  
sthéndrasya vīryam sthéndrasya nṛmṇám stha |  
(AVŚ\_10,5.1c) jiṣṇáve yógāya brahmayogáir vo yunajmi ||1||

(AVŚ\_10,5.2a) índrasyājuja sthéndrasya sáha sthéndrasya bálam  
sthéndrasya vīryam sthéndrasya nṛmṇám stha |  
(AVŚ\_10,5.2c) jiṣṇáve yógāya kṣatrayogáir vo yunajmi ||2||

(AVŚ\_10,5.3a) índrasyājuja sthéndrasya sáha sthéndrasya bálam  
sthéndrasya vīryam sthéndrasya nṛmṇám stha |

(AVŚ\_10,5.3c) jiṣṇáve yógāyendrayogáir vo yunajmi ||3||

(AVŚ\_10,5.4a) índrasyáuja sthéndrasya sáha sthéndrasya bálaṃ  
sthéndrasya vīryaṃ sthéndrasya nṛmṇáṃ stha |

(AVŚ\_10,5.4c) jiṣṇáve yógāya somayogáir vo yunajmi ||4||

(AVŚ\_10,5.5a) índrasyáuja sthéndrasya sáha sthéndrasya bálaṃ  
sthéndrasya vīryaṃ sthéndrasya nṛmṇáṃ stha |

(AVŚ\_10,5.5c) jiṣṇáve yógāyāpsuyogáir vo yunajmi ||5||

(AVŚ\_10,5.6a) índrasyáuja sthéndrasya sáha sthéndrasya bálaṃ  
sthéndrasya vīryaṃ sthéndrasya nṛmṇáṃ stha |

(AVŚ\_10,5.6c) jiṣṇáve yógāya víśvāni mā bhūtāny úpa tiṣṭhantu  
yuktā ma āpa stha ||6||

(AVŚ\_10,5.7a) agnér bhāgá stha apāṃ śukráṃ āpo devīr várco  
asmāsu dhatta |

(AVŚ\_10,5.7c) prajāpater vo dhāmnāsmái lokāya sādāye ||7||

(AVŚ\_10,5.8a) índrasya bhāgá stha apāṃ śukráṃ āpo devīr várco  
asmāsu dhatta |

(AVŚ\_10,5.8c) prajāpater vo dhāmnāsmái lokāya sādāye ||8||

(AVŚ\_10,5.9a) sómasya bhāgá stha apāṃ śukráṃ āpo devīr várco  
asmāsu dhatta |

(AVŚ\_10,5.9c) prajāpater vo dhāmnāsmái lokāya sādāye ||9||

(AVŚ\_10,5.10a) váruṇasya bhāgá stha apāṃ śukráṃ āpo devīr várco  
asmāsu dhatta |

(AVŚ\_10,5.10c) prajāpater vo dhāmnāsmái lokāya sādāye ||10||

{13}

(AVŚ\_10,5.11a) mitráváruṇayor bhāgá stha apāṃ śukráṃ āpo devīr  
várco asmāsu dhatta |

(AVŚ\_10,5.11c) prajāpater vo dhāmnāsmái lokāya sādāye ||11||

(AVŚ\_10,5.12a) yamásya bhāgá stha apāṃ śukráṃ āpo devīr várco  
asmāsu dhatta |

(AVŚ\_10,5.12c) prajāpater vo dhāmnāsmái lokāya sādāye ||12||

(AVŚ\_10,5.13a) pitṛṇáṃ bhāgá stha apāṃ śukráṃ āpo devīr várco  
asmāsu dhatta |

(AVŚ\_10,5.13c) prajāpater vo dhāmnāsmái lokāya sādāye ||13||

(AVŚ\_10,5.14a) devásya savitúr bhāgá stha apāṃ śukráṃ āpo devīr  
várco asmāsu dhatta |

(AVŚ\_10,5.14c) prajāpater vo dhāmnāsmái lokāya sādāye ||14||

(AVŚ\_10,5.15a) yó va āpo 'pāṃ bhāgó 'psv àntár yajuṣyò

devayájanah |

(AVŚ\_10,5.15c) idám tám áti srjāmi tám mǎbhyávanikṣi |

(AVŚ\_10,5.15e) téna tám abhyátisrjāmo yò 'smán dvéṣṭi yám vayám  
dviṣmáh |

(AVŚ\_10,5.15g) tám vadheyam tám strṣīyānéna bráhmanānéna  
kármanānáyā menyá || 15 ||

(AVŚ\_10,5.16a) yó va āpo 'pám ūrmír apsv àntár yajuṣyò  
devayájanah |

(AVŚ\_10,5.16c) idám tám áti srjāmi tám mǎbhyávanikṣi |

(AVŚ\_10,5.16e) téna tám abhyátisrjāmo yò 'smán dvéṣṭi yám vayám  
dviṣmáh |

(AVŚ\_10,5.16g) tám vadheyam tám strṣīyānéna bráhmanānéna  
kármanānáyā menyá || 16 ||

(AVŚ\_10,5.17a) yó va āpo 'pám vatsó 'psv àntár yajuṣyò  
devayájanah |

(AVŚ\_10,5.17c) idám tám áti srjāmi tám mǎbhyávanikṣi |

(AVŚ\_10,5.17e) téna tám abhyátisrjāmo yò 'smán dvéṣṭi yám vayám  
dviṣmáh |

(AVŚ\_10,5.17g) tám vadheyam tám strṣīyānéna bráhmanānéna  
kármanānáyā menyá || 17 ||

(AVŚ\_10,5.18a) yó va āpo 'pám vṛṣabhó 'psv àntár yajuṣyò  
devayájanah ||

(AVŚ\_10,5.18c) idám tám áti srjāmi tám mǎbhyávanikṣi |

(AVŚ\_10,5.18e) téna tám abhyátisrjāmo yò 'smán dvéṣṭi yám vayám  
dviṣmáh ||

(AVŚ\_10,5.18g) tám vadheyam tám strṣīyānéna bráhmanānéna  
kármanānáyā menyá || 18 ||

(AVŚ\_10,5.19a) yó va āpo 'pám hiraṇyagarbhó 'psv àntár yajuṣyò  
devayájanah |

(AVŚ\_10,5.19c) idám tám áti srjāmi tám mǎbhyávanikṣi |

(AVŚ\_10,5.19e) téna tám abhyátisrjāmo yò 'smán dvéṣṭi yám vayám  
dviṣmáh |

(AVŚ\_10,5.19g) tám vadheyam tám strṣīyānéna bráhmanānéna  
kármanānáyā menyá || 19 ||

(AVŚ\_10,5.20a) yó va āpo 'pám ásmā pṛśnir divyó 'psv àntár yajuṣyò  
devayájanah |

(AVŚ\_10,5.20c) idám tám áti srjāmi tám mǎbhyávanikṣi |

(AVŚ\_10,5.20e) téna tám abhyátisrjāmo yò 'smán dvéṣṭi yám vayám  
dviṣmáh |

(AVŚ\_10,5.20g) tám vadheyam tám strṣīyānéna bráhmanānéna  
kármanānáyā menyá || 20 ||

(AVŚ\_10,5.21a) yó va āpo 'pám agnáyo 'psv àntár yajuṣyò  
devayájanah |

(AVŚ\_10,5.21c) idám tám áti srjāmi tám mǎbhyávanikṣi |  
(AVŚ\_10,5.21e) téna tám abhyátisrjāmo yò 'smān dvéṣṭi yám vayám  
dviṣmáh |  
(AVŚ\_10,5.21g) tám vadheyam tám strṣīyānéna bráhmaṇānéna  
káрмаṇānáyā menyá || 21 ||

(AVŚ\_10,5.22a) yád arvācínam traihāyaṇád áṇṛtam kíṃ codimá |  
(AVŚ\_10,5.22c) āpo mā tásmāt sárvasmād duritát pāntv áṃhasaḥ ||  
22||

(AVŚ\_10,5.23a) samudráṃ vaḥ prá hiṇomi svám yónim ápitana |  
(AVŚ\_10,5.23c) áriṣṭāḥ sárvahāyaso má ca naḥ kíṃ canāmamat ||  
23||

(AVŚ\_10,5.24a) ariprá āpo ápa ripráṃ asmát |  
(AVŚ\_10,5.24c) prāsmád éno duritám suprátikāḥ prá duṣvāpnyam  
prá málam vahantu ||24||

(AVŚ\_10,5.25a) víṣṇoḥ krámo 'si sapatnahá pṛthivísamśito 'gnítejāḥ |  
(AVŚ\_10,5.25c) pṛthivīm ánu ví krame 'hám pṛthivyás tám nír  
bhajāmo yò 'smān dvéṣṭi yám vayám dviṣmáh |  
(AVŚ\_10,5.25e) sá má jīvīt tám prānó jahātu ||25||

(AVŚ\_10,5.26a) víṣṇoḥ krámo 'si sapatnahántárikṣasamśito  
vāyútejāḥ |  
(AVŚ\_10,5.26c) antárikṣam ánu ví krame 'hám antárikṣāt tám nír  
bhajāmo yò 'smān dvéṣṭi yám vayám dviṣmáh |  
(AVŚ\_10,5.26e) sá má jīvīt tám prānó jahātu ||26||

(AVŚ\_10,5.27a) víṣṇoḥ krámo 'si sapatnahá dyáusamśitaḥ  
súryatejāḥ |  
(AVŚ\_10,5.27c) dívam ánu ví krame 'hám divás tám nír bhajāmo yò  
'smān dvéṣṭi yám vayám dviṣmáh |  
(AVŚ\_10,5.27e) sá má jīvīt tám prānó jahātu ||27||

(AVŚ\_10,5.28a) víṣṇoḥ krámo 'si sapatnahá díksamśito mánastejāḥ |  
(AVŚ\_10,5.28c) díśo ánu ví krame 'hám digbhyás tám nír bhajāmo  
yò 'smān dvéṣṭi yám vayám dviṣmáh |  
(AVŚ\_10,5.28e) sá má jīvīt tám prānó jahātu ||28||

(AVŚ\_10,5.29a) víṣṇoḥ krámo 'si sapatnahásāsasamśito vátatejāḥ |  
(AVŚ\_10,5.29c) áśā ánu ví krame 'hám áśābhyas tám nír bhajāmo  
yò 'smān dvéṣṭi yám vayám dviṣmáh |  
(AVŚ\_10,5.29e) sá má jīvīt tám prānó jahātu ||29||

(AVŚ\_10,5.30a) víṣṇoḥ krámo 'si sapatnahá ŕksamśito sámatejāḥ |  
(AVŚ\_10,5.30c) ŕcó 'nu ví krame 'hám ŕgbhyás tám nír bhajāmo yò  
'smān dvéṣṭi yám vayám dviṣmáh |  
(AVŚ\_10,5.30e) sá má jīvīt tám prānó jahātu ||30|| {15}

(AVŚ\_10,5.31a) víṣṇoḥ krámo 'si sapatnahá yajñásamśito  
bráhmatejāḥ |  
(AVŚ\_10,5.31c) yajñám ánu ví krame 'hám yajñát tám nír bhajāmo  
yò 'smān dvéṣṭi yám vayám dviṣmāḥ |  
(AVŚ\_10,5.31e) sá mǎ jīvīt tám prānó jahātu ||31||

(AVŚ\_10,5.32a) víṣṇoḥ krámo 'si sapatnaháuṣadhīsamśito sómatejāḥ  
|  
(AVŚ\_10,5.32c) óṣadhīr ánu ví krame 'hám óṣadhībhyas tám nír  
bhajāmo yò 'smān dvéṣṭi yám vayám dviṣmāḥ |  
(AVŚ\_10,5.32e) sá mǎ jīvīt tám prānó jahātu ||32||

(AVŚ\_10,5.33a) víṣṇoḥ krámo 'si sapatnahápsúsamśito váruṇatejāḥ |  
(AVŚ\_10,5.33c) apó 'nu ví krame 'hám adbhyás tám nír bhajāmo yò  
'smān dvéṣṭi yám vayám dviṣmāḥ |  
(AVŚ\_10,5.33e) sá mǎ jīvīt tám prānó jahātu ||33||

(AVŚ\_10,5.34a) víṣṇoḥ krámo 'si sapatnahá kṛṣísamśitó 'nnatejāḥ |  
(AVŚ\_10,5.34c) kṛṣím ánu ví krame 'hám kṛṣyās tám nír bhajāmo yò  
'smān dvéṣṭi yám vayám dviṣmāḥ |  
(AVŚ\_10,5.34e) sá mǎ jīvīt tám prānó jahātu ||34||

(AVŚ\_10,5.35a) víṣṇoḥ krámo 'si sapatnahá prāṇásamśitaḥ  
púruṣatejāḥ |  
(AVŚ\_10,5.35c) prāṇám ánu ví krame 'hám prāṇát tám nír bhajāmo  
yò 'smān dvéṣṭi yám vayám dviṣmāḥ |  
(AVŚ\_10,5.35e) sá mǎ jīvīt tám prānó jahātu ||35||  
(AVŚ\_10,5.36a) jitám asmākam údbhinnaṁ asmākam abhy àṣṭhām  
vísṁvāḥ pṛtanā árātīḥ |  
(AVŚ\_10,5.36c) idám ahám āmuṣyāyaṇásyāmúṣyāḥ putrásya várcas  
téjaḥ prāṇám āyur ní veṣṭayāmīdám enam adharāñcam pādayāmi ||  
36||

(AVŚ\_10,5.37a) sūryasyāvṛtam anvāvarte dākṣiṇām ánv āvṛtam |  
(AVŚ\_10,5.37c) sá me dráviṇam yachatu sá me brāhmaṇavarcasám  
||37||

(AVŚ\_10,5.38a) díśo jyótiṣmatīr abhyāvarte |  
(AVŚ\_10,5.38c) tá me dráviṇam yachantu tá me brāhmaṇavarcasám  
||38||

(AVŚ\_10,5.39a) saptaṛṣín abhyāvarte |  
(AVŚ\_10,5.39c) té me dráviṇam yachantu té me brāhmaṇavarcasám  
||39||

(AVŚ\_10,5.40a) bráhmābhyāvarte |  
(AVŚ\_10,5.40c) tán me dráviṇam yachantu tán me  
brāhmaṇavarcasám ||40|| {16}

(AVŚ\_10,5.41a) brāhmaṇāñ abhyāvarte |  
(AVŚ\_10,5.41c) té me dráviṇaṃ yachantu té me brāhmaṇavarcaśam  
||41||

(AVŚ\_10,5.42a) yám vayám mṛgáyāmahe tám vadhái stṛṇavāmahai  
|  
(AVŚ\_10,5.42c) vyátte parameṣṭhíno brāhmaṇāpīpadāma tám ||42||

(AVŚ\_10,5.43a) vaiśvānarásya dáṃṣṭrābhyām hetís tám sám adhād  
abhí |  
(AVŚ\_10,5.43c) iyám tám psātv áhutih samíd deví sáhīyasī ||43||

(AVŚ\_10,5.44a) rájño váruṇasya bandhó 'si |  
(AVŚ\_10,5.44c) só 'múm āmuṣyāyaṇám amúsyāḥ putráṃ áṇne  
prāṇé badhāna ||44||

(AVŚ\_10,5.45a) yát te áṇnaṃ bhuvas pata ākṣiyāti pṛthivīm ánu |  
(AVŚ\_10,5.45c) táśya nas tvám bhuvas pate sampráyacha prajāpate  
||45||

(AVŚ\_10,5.46a) apó divyā acāyīṣaṃ rásena sám aprkṣmahi |  
(AVŚ\_10,5.46c) páyasvān agna āgamam tám mā sám sṛja várcasā ||  
46||

(AVŚ\_10,5.47a) sám māgne várcasā sṛja sám prajāyā sám áyuṣā |  
(AVŚ\_10,5.47c) vidyúr me asyá devā índro vidyāt sahá řṣibhiḥ ||47||

(AVŚ\_10,5.48a) yád agne adyá mithunā śápato yád vácās tṛṣṭám  
janáyanta rebhāḥ |  
(AVŚ\_10,5.48c) manyór mánasaḥ śaravyā jáyate yá táyā vidhya  
hṛdaye yātudhānān ||48||

(AVŚ\_10,5.49a) párā řṇīhi tápasā yātudhānān párāgne rákṣo  
hárasā řṇīhi |  
(AVŚ\_10,5.49c) párārciṣā múradevām chṛṇīhi párāsutṛpaḥ sóśucataḥ  
řṇīhi ||49||

(AVŚ\_10,5.50a) apám asmai vájraṃ prá harāmi cāturbhṛṣṭim  
śīrṣabhidyāya vidván |  
(AVŚ\_10,5.50c) só asyāṅgāni prá řṇātu sárva tán me devā ánu  
jānantu víśve ||50|| {17}

(AVŚ\_10,6.1a) arātīyór bhrātṛvyasya durhárdo dviṣatáḥ síraḥ |  
(AVŚ\_10,6.1c) ápi vṛścāmy ójasā ||1||

(AVŚ\_10,6.2a) várma máhyam ayám mañiḥ phālāj jātáḥ kariṣyati |

(AVŚ\_10,6.2c) pūrṇó manthéna mágamad rásena sahá várcasā ||2||

(AVŚ\_10,6.3a) yát tvā śíkvāḥ parāvadhīt tákṣā hástena vāsyā |  
(AVŚ\_10,6.3c) āpas tvā tásmaj jīvalāḥ punántu súcayaḥ súcim ||3||

(AVŚ\_10,6.4a) hiraṇyasrag ayám mañīḥ śraddhām yajñām máho  
dádhat |  
(AVŚ\_10,6.4c) gr̥hé vasatu nó 'tithiḥ ||4||

(AVŚ\_10,6.5a) tásmāi ghṛtām sūram mádhv ánnamannam  
kṣadāmahe |  
(AVŚ\_10,6.5c) sá naḥ pitéva putrébhyaḥ śréyaḥśreyaś cikitsatu  
bhúyobhūyaḥ śváḥśvo devébhyo mañír étya ||5||

(AVŚ\_10,6.6a) yám ábadhnād bṛhaspátir mañím phálam  
ghṛtaścútam ugrám kadhírám ójase |  
(AVŚ\_10,6.6c) tám agnīḥ práty amuñcata só asmai duha ájyam  
bhúyobhūyaḥ śváḥśvas téna tvám dviṣató jahi ||6||

(AVŚ\_10,6.7a) yám ábadhnād bṛhaspátir mañím phálam  
ghṛtaścútam ugrám kadhírám ójase |  
(AVŚ\_10,6.7c) tám índraḥ práty amuñcatáujase vīryāya kám |  
(AVŚ\_10,6.7e) só asmai bálam íd duhe bhúyobhūyaḥ śváḥśvas téna  
tvám dviṣató jahi ||7||

(AVŚ\_10,6.8a) yám ábadhnād bṛhaspátir mañím phálam  
ghṛtaścútam ugrám kadhírám ójase |  
(AVŚ\_10,6.8c) tám sómaḥ práty amuñcata mahé śrótrāya cākṣase |  
(AVŚ\_10,6.8e) só asmai várca íd duhe bhúyobhūyaḥ śváḥśvas téna  
tvám dviṣató jahi ||8||

(AVŚ\_10,6.9a) yám ábadhnād bṛhaspátir mañím phálam  
ghṛtaścútam ugrám khadirám ójase |  
(AVŚ\_10,6.9c) tám sūryaḥ práty amuñcata ténemá ajayad díśaḥ |  
(AVŚ\_10,6.9e) só asmai bhútim íd duhe bhúyobhūyaḥ śváḥśvas téna  
tvám dviṣató jahi ||9||

(AVŚ\_10,6.10a) yám ábadhnād bṛhaspátir mañím phálam  
ghṛtaścútam ugrám khadirám ójase |  
(AVŚ\_10,6.10c) tám bíbhrac candráma mañím ásurāṇām púro 'jayad  
dānavānām hiraṇyáyīḥ |  
(AVŚ\_10,6.10e) só asmai śríyam íd duhe bhúyobhūyaḥ śváḥśvas  
téna tvám dviṣató jahi ||10|| {18}

(AVŚ\_10,6.11a) yám ábadhnād bṛhaspátir vātāya mañím āśáve |  
(AVŚ\_10,6.11c) só asmai vājínam íd duhe bhúyobhūyaḥ śváḥśvas  
téna tvám dviṣató jahi ||11||

(AVŚ\_10,6.12a) yám ábadhnād bṛhaspátir vātāya mañím āśáve |



(AVŚ\_10,6.12c) ténemāṃ maṇínā kṛṣím aśvínāv abhí rakṣataḥ |  
(AVŚ\_10,6.12e) sá bhiṣágbhyāṃ máho duhe bhúyobhūyaḥ śváḥśvas  
téna tvám dviṣató jahi ||12||

(AVŚ\_10,6.13a) yám ábadhnād bṛhaspátir vātāya maṇím āśáve |  
(AVŚ\_10,6.13c) tám bíbhrat savitā maṇím ténédám ajayat svàḥ |  
(AVŚ\_10,6.13e) só asmai sūnṛtām duhe bhúyobhūyaḥ śváḥśvas téna  
tvám dviṣató jahi ||13||

(AVŚ\_10,6.14a) yám ábadhnād bṛhaspátir vātāya maṇím āśáve |  
(AVŚ\_10,6.14c) tám ápo bíbhratír maṇím sádā dhāvanty ákṣitāḥ |  
(AVŚ\_10,6.14e) sá ābhyo 'mṛtam íd duhe bhúyobhūyaḥ śváḥśvas  
téna tvám dviṣató jahi ||14||

(AVŚ\_10,6.15a) yám ábadhnād bṛhaspátir vātāya maṇím āśáve |  
(AVŚ\_10,6.15c) tám rājā váruṇo maṇím práty amuñcata śambhúvam  
|  
(AVŚ\_10,6.15e) só asmai satyám íd duhe bhúyobhūyaḥ śváḥśvas  
téna tvám dviṣató jahi ||15||

(AVŚ\_10,6.16a) yám ábadhnād bṛhaspátir vātāya maṇím āśáve |  
(AVŚ\_10,6.16c) tám devā bíbhrato maṇím sárvāmī lokán yudhájayan  
|  
(AVŚ\_10,6.16e) sá ebhyo jítim íd duhe bhúyobhūyaḥ śváḥśvas téna  
tvám dviṣató jahi ||16||

(AVŚ\_10,6.17a) yám ábadhnād bṛhaspátir vātāya maṇím āśáve |  
(AVŚ\_10,6.17c) tám imám devátā maṇím práty amuñcata  
śambhúvam |  
(AVŚ\_10,6.17e) sá ābhyo víśvam íd duhe bhúyobhūyaḥ śváḥśvas  
téna tvám dviṣató jahi ||17||

(AVŚ\_10,6.18a) ṛtāvas tám abadhnatārtavās tám abadhnata |  
(AVŚ\_10,6.18c) samvatsarás tám baddhvā sárvaṃ bhūtám ví rakṣati  
||18||

(AVŚ\_10,6.19a) antardeśā abadhnata pradísas tám abadhnata |  
(AVŚ\_10,6.19c) prajāpatisṛṣṭo maṇír dviṣató mé 'dharām akaḥ ||19||

(AVŚ\_10,6.20a) átharvāṇo abadhnatātharvaṇā abadhnata |  
(AVŚ\_10,6.20c) táir medíno áṅgirasó dásyūnām bibhiduḥ púras téna  
tvám dviṣató jahi ||20|| {19}

(AVŚ\_10,6.21a) tám dhātā práty amuñcata sá bhūtám vy àkalpayat |  
(AVŚ\_10,6.21c) téna tvám dviṣató jahi ||21||

(AVŚ\_10,6.22a) yám ábadhnād bṛhaspátir devébhyo ásurakṣitim |  
(AVŚ\_10,6.22c) sá mâyám maṇír ágamad rásena sahá várcasā ||22||

(AVŚ\_10,6.23a) yám ábadhnād bṛhaspátir devébhyo ásurakṣitim |  
(AVŚ\_10,6.23c) sá mâyám mañír ágamat sahá góbhir ajāvíbhīr  
ánnena prajāyā sahá ||23||

(AVŚ\_10,6.24a) yám ábadhnād bṛhaspátir devébhyo ásurakṣitim |  
(AVŚ\_10,6.24c) sá mâyám mañír ágamat sahá vrīhiyavābhyām  
máhasā bhútyā sahá ||24||

(AVŚ\_10,6.25a) yám ábadhnād bṛhaspátir devébhyo ásurakṣitim |  
(AVŚ\_10,6.25c) sá mâyám mañír ágaman mádhōr ghṛtāsya dhārayā  
kīlālena mañīḥ sahá ||25||

(AVŚ\_10,6.26a) yám ábadhnād bṛhaspátir devébhyo ásurakṣitim |  
(AVŚ\_10,6.26c) sá mâyám mañír ágamad ūrjāyā páyasā sahá  
drāviṇena śriyā sahá ||26||

(AVŚ\_10,6.27a) yám ábadhnād bṛhaspátir devébhyo ásurakṣitim |  
(AVŚ\_10,6.27c) sá mâyám mañír ágamat téjasā tvīṣyā sahá yásasā  
kīrtyā sahá ||27||

(AVŚ\_10,6.28a) yám ábadhnād bṛhaspátir devébhyo ásurakṣitim |  
(AVŚ\_10,6.28c) sá mâyám mañír ágamat sárvābhir bhūtibhiḥ sahá ||  
28||

(AVŚ\_10,6.29a) tám imám devātā mañīm máhyaṃ dadatu púṣṭaye |  
(AVŚ\_10,6.29c) abhibhúm kṣatravárdhanam sapatnadámbhanam  
mañīm ||29||

(AVŚ\_10,6.30a) bráhmanā téjasā sahá prāti muñcāmi me śivám |  
(AVŚ\_10,6.30c) asapatnáḥ sapatnahā sapátnān mé 'dharāṃ akaḥ ||  
30|| {20}

(AVŚ\_10,6.31a) úttaram dviṣató mām ayám mañīḥ kṛnotu devajāḥ |  
(AVŚ\_10,6.31c) yásya lokā imé tráyaḥ páyo dugdhám upásate |  
(AVŚ\_10,6.31e) sá mâyám ádhi rohatu mañīḥ śráiṣṭhyāya  
mūrdhatáḥ ||31||

(AVŚ\_10,6.32a) yám devāḥ pitáro manuṣyā upajívanti sarvadā |  
(AVŚ\_10,6.32c) sá mâyám ádhi rohatu mañīḥ śráiṣṭhyāya  
mūrdhatáḥ ||32||

(AVŚ\_10,6.33a) yáthā bíjam urvárāyām kṛṣṭé phālēna róhati |  
(AVŚ\_10,6.33c) evā máyi prajā paśávó 'nnamannam ví rohatu ||33||

(AVŚ\_10,6.34a) yásmai tvā yajñavardhana máṇe pratyámucam  
śivám |  
(AVŚ\_10,6.34c) tám tvám śatadakṣiṇa máṇe śraiṣṭhyāya jinvatāt ||  
34||

(AVŚ\_10,6.35a) etám idhmám samáhitam juṣaṇó ágne práti harya  
hómaḥ |  
(AVŚ\_10,6.35c) tásmin vidhema sumatím svastí prajám cákṣuḥ  
paśúnt sámiddhe jātávedasi bráhmaṇā ||35|| {21}

(AVŚ\_10,7.1a) kásminn áṅge tápo asyádhi tiṣṭhati kásminn áṅga  
ṛtám asyádhy áhitam |  
(AVŚ\_10,7.1c) kvà vratám kvà śraddhāsyā tiṣṭhati kásminn áṅge  
satyām asya prátiṣṭhitam ||1||

(AVŚ\_10,7.2a) kásmād áṅgād dīpyate agnír asya kásmād áṅgāt  
pavate mātariśva |  
(AVŚ\_10,7.2c) kásmād áṅgād ví mimīte 'dhi candrāmā mahá  
skambhāsyā mīmāno áṅgam ||2||

(AVŚ\_10,7.3a) kásminn áṅge tiṣṭhati bhúmir asya kásminn áṅge  
tiṣṭhaty antárikṣam |  
(AVŚ\_10,7.3c) kásminn áṅge tiṣṭhaty áhitā dyáuḥ kásminn áṅge  
tiṣṭhaty úttaram diváh ||3||

(AVŚ\_10,7.4a) kvà prépsan dīpyata ūrdhvó agnīḥ kvà prépsan  
pavate mātariśvā |  
(AVŚ\_10,7.4c) yātra prépsantīr abhiyānty āvṛtaḥ skambhām tám  
brūhi katamáh svid evá sáh ||4||

(AVŚ\_10,7.5a) kvārdhamāsāḥ kvà yanti māsāḥ samvatsarēṇa sahā  
samvidānāḥ |  
(AVŚ\_10,7.5c) yātra yānty ṛtávo yātrārtavāḥ skambhām tám brūhi  
katamáh svid evá sáh ||5||

(AVŚ\_10,7.6a) kvà prépsantī yuvatī vírūpe ahorātré dravataḥ  
samvidāné |  
(AVŚ\_10,7.6c) yātra prépsantīr abhiyānty āpaḥ skambhām tám brūhi  
katamáh svid evá sáh ||6||

(AVŚ\_10,7.7a) yásmint stabdhvā prajāpatir lokānt sárvaṁ ádhārayat  
|  
(AVŚ\_10,7.7c) skambhām tám brūhi katamáh svid evá sáh ||7||

(AVŚ\_10,7.8a) yāt paramám avamám yác ca madhyamám  
prajāpatiḥ sasṛje viśvárūpam |  
(AVŚ\_10,7.8c) kíyatā skambhāḥ prá viveśa táttra yán ná práviśat  
kíyat tát babhūva ||8||

(AVŚ\_10,7.9a) kíyatā skambhāḥ prá viveśa bhūtám kíyad bhaviṣyád  
anvāśaye 'sya |  
(AVŚ\_10,7.9c) ékaṃ yád áṅgam ákṛṇot sahasradhá kíyatā

skambháḥ prá viveśa táttra ||9||

(AVŚ\_10,7.10a) yátra lokáms ca kósāms cápo bráhma jánā vidúḥ |  
(AVŚ\_10,7.10c) ásac ca yátra sác cāntá skambháṃ tám brūhi  
katamáḥ svid evá sáḥ ||10|| {22}

(AVŚ\_10,7.11a) yátra tápaḥ parākrámya vratám dhāráyaty úttaram |  
(AVŚ\_10,7.11c) ṛtám ca yátra śraddhá cápo bráhma samāhitāḥ  
skambháṃ tám brūhi katamáḥ svid evá sáḥ ||11||

(AVŚ\_10,7.12a) yásmin bhúmir antárikṣaṃ dyáur yásminn ádhy  
āhitā |  
(AVŚ\_10,7.12c) yátrāgnís candrámaḥ sūryo vātas tiṣṭhanty árpitāḥ  
skambháṃ tám brūhi katamáḥ svid evá sáḥ ||12||

(AVŚ\_10,7.13a) yásya tráyastrimśad devā áṅge sárve samāhitāḥ |  
(AVŚ\_10,7.13c) skambháṃ tám brūhi katamáḥ svid evá sáḥ ||13||

(AVŚ\_10,7.14a) yátra íṣayaḥ prathamajā ícaḥ sáma yájur mahí |  
(AVŚ\_10,7.14c) ekarṣír yásminn árpitaḥ skambháṃ tám brūhi  
katamáḥ svid evá sáḥ ||14||

(AVŚ\_10,7.15a) yátrāmṛtaṃ ca mṛtyús ca púruṣé 'dhi samāhite |  
(AVŚ\_10,7.15c) samudró yásya nāḍyāḥ púruṣé 'dhi samāhitāḥ  
skambháṃ tám brūhi katamáḥ svid evá sáḥ ||15||

(AVŚ\_10,7.16a) yásya cátasraḥ pradísó nāḍyās tiṣṭhanti prathamāḥ |  
(AVŚ\_10,7.16c) yajñó yátra párākrāntaḥ skambháṃ tám brūhi  
katamáḥ svid evá sáḥ ||16||

(AVŚ\_10,7.17a) yé púruṣe bráhma vidús té viduḥ parameṣṭhínam |  
(AVŚ\_10,7.17c) yó véda parameṣṭhínam yás ca véda prajāpatim |  
(AVŚ\_10,7.17e) jyeṣṭhám yé bráhmanaṃ vidús te skambháṃ  
anusāmviduḥ ||17||

(AVŚ\_10,7.18a) yásya síro vaiśvānarás cákṣur áṅgirasó 'bhavan |  
(AVŚ\_10,7.18c) áṅgāni yásya yātávaḥ skambháṃ tám brūhi  
katamáḥ svid evá sáḥ ||18||

(AVŚ\_10,7.19a) yásya bráhma múkham āhúr jihvām madhukaśām  
utá |  
(AVŚ\_10,7.19c) virájam údho yásyāhúḥ skambháṃ tám brūhi  
katamáḥ svid evá sáḥ ||19||

(AVŚ\_10,7.20a) yásmād íco apátaḥṣan yájur yásmād apákaṣan |  
(AVŚ\_10,7.20c) sāmāni yásya lómāny atharvāṅgirásó múkham  
skambháṃ tám brūhi katamáḥ svid evá sáḥ ||20|| {23}

(AVŚ\_10,7.21a) asaccākhām pratíṣṭhantīm paramám iva jánā viduḥ |

(AVŚ\_10,7.21c) utó sán manyanté 'vare yé te śákhām upásate ||21||

(AVŚ\_10,7.22a) yátrādityás ca rudrás ca vásavaś ca samāhítāḥ |

(AVŚ\_10,7.22c) bhūtām ca yātra bhávyam ca sárve lokāḥ  
prátiṣṭhitāḥ skambhām tám brūhi katamāḥ svid evá sáḥ ||22||

(AVŚ\_10,7.23a) yásya tráyastrimśad devá nidhím rákṣanti sarvadā |

(AVŚ\_10,7.23c) nidhím tám adyá kó veda yám devā abhirákṣatha ||  
23||

(AVŚ\_10,7.24a) yātra devá brahmavído bráhma jyeṣṭhām upásate |

(AVŚ\_10,7.24c) yó vái tán vidyāt pratyákṣam sá brahmá véditā syāt  
||24||

(AVŚ\_10,7.25a) bṛhánto náma té devá yé 'sataḥ pári jajñiré |

(AVŚ\_10,7.25c) ékam tát áṅgam skambhásyāsad āhuḥ paró jánāḥ ||  
25||

(AVŚ\_10,7.26a) yātra skambhāḥ prajanáyan purāṇām vyāvartayat |

(AVŚ\_10,7.26c) ékam tát áṅgam skambhásya purāṇām  
anusāmviduḥ ||26||

(AVŚ\_10,7.27a) yásya tráyastrimśad devá áṅge gátrā vibhejiré |

(AVŚ\_10,7.27c) tán vái tráyastrimśad deván éke brahmavído viduḥ  
||27||

(AVŚ\_10,7.28a) hiraṇyagarbhām paramám anatyudyám jánā viduḥ |

(AVŚ\_10,7.28c) skambhás tát ágre prásiñcad dhíraṇyam loké antarā  
||28||

(AVŚ\_10,7.29a) skambhé lokāḥ skambhé tápaḥ skambhé 'dhy ṛtām  
āhitam |

(AVŚ\_10,7.29c) skambha tvá veda pratyákṣam índre sárvaṃ  
samāhitam ||29||

(AVŚ\_10,7.30a) índre loká índre tápa índre 'dhy ṛtām āhitam |

(AVŚ\_10,7.30c) índram tvá veda pratyákṣam skambhé sárvaṃ  
prátiṣṭhitam ||30|| {24}

(AVŚ\_10,7.31a) náma námnā johavīti purá súryāt puróśasaḥ |

(AVŚ\_10,7.31c) yád ajáḥ prathamām sambabhúva sá ha tát  
svarājyam iyāya yásmān nānyát páram ásti bhūtām ||31||

(AVŚ\_10,7.32a) yásya bhúmiḥ pramántárikṣam utódáram |

(AVŚ\_10,7.32c) dívaṃ yás cakré mūrdhánaṃ tásmāi jyeṣṭháya  
bráhmaṇe námaḥ ||32||

(AVŚ\_10,7.33a) yásya súryaś cākṣuś candrámaś ca púnarṇavaḥ |

(AVŚ\_10,7.33c) agníṃ yás cakrá āsyām tásmāi jyeṣṭháya bráhmaṇe

námaḥ ||33||

(AVŚ\_10,7.34a) yásya vātaḥ prāṇāpānāu cākṣur āṅgirasó 'bhavan |  
(AVŚ\_10,7.34c) díso yás cakré prajñānīs tásmai jyeṣṭhāya bráhmaṇe  
námaḥ ||34||

(AVŚ\_10,7.35a) skambhó dādhāra dyāvāpṛthiví ubhé imé skambhó  
dādhārora àntárikṣam |  
(AVŚ\_10,7.35c) skambhó dādhāra pradísāḥ śaḍ urvīḥ skambhá idāṃ  
vísvaṃ bhúvanam á viveśa ||35||

(AVŚ\_10,7.36a) yáḥ śrámat tápaso jātó lokānt sárvaṃt samānaśé |  
(AVŚ\_10,7.36c) sómaṃ yás cakré kévalaṃ tásmai jyeṣṭhāya  
bráhmaṇe námaḥ ||36||

(AVŚ\_10,7.37a) katháṃ vāto nélayati katháṃ ná ramate mánāḥ |  
(AVŚ\_10,7.37c) kím āpaḥ satyáṃ prépsantīr nélayanti kadā caná ||  
37||

(AVŚ\_10,7.38a) mahád yakṣáṃ bhúvanasya mādhye tápasi krāntáṃ  
salilásya pṛṣṭhé |  
(AVŚ\_10,7.38c) tásmin chrayante yá u ké ca devá vṛkṣásya  
skāndhaḥ paríta iva śákhāḥ ||38||

(AVŚ\_10,7.39a) yásmai hástābhyāṃ pādābhyāṃ vācā śrótrena  
cākṣuṣā |  
(AVŚ\_10,7.39c) yásmai devāḥ sādā balíṃ prayāchanti vímité 'mitaṃ  
skambháṃ táṃ brūhi katamáḥ svid evá sáḥ ||39||

(AVŚ\_10,7.40a) āpa tásya hatáṃ támo vyāvṛttaḥ sá pāpmánā |  
(AVŚ\_10,7.40c) sárvaṇi tásmin jyótīṃṣi yāni tríṇi prajāpatau ||40||

(AVŚ\_10,7.41a) yó vetasáṃ hiraṇyáyāṃ tiṣṭhantaṃ salilé véda |  
(AVŚ\_10,7.41c) sá vái gúhyaḥ prajāpatiḥ ||41||

(AVŚ\_10,7.42a) tantrám éke yuvatí vírūpe abhyākrāmaṃ vayataḥ  
śāṇmayūkham |  
(AVŚ\_10,7.42c) prānyā tántūṃs tiráte dhatté anyā nápa vṛñjāte ná  
gamāto ántam ||42||

(AVŚ\_10,7.43a) táyor aháṃ parinṛtyantyor iva ná ví jānāmi yatará  
parástāt |  
(AVŚ\_10,7.43c) púmān enad vayaty úd grṇanti púmān enad ví  
jabhārādhi náke ||43||

(AVŚ\_10,7.44a) imé mayúkhā úpa tastabhur dívaṃ sāmāni cakrus  
tásarāṇi vātave ||44|| {25}

(AVŚ\_10,8.1a) yó bhūtám ca bhávyam ca sárvaṃ yás cādhitiṣṭhati |  
(AVŚ\_10,8.1c) sv àryásya ca kévalam tásmāi jyeṣṭháya bráhmaṇe  
námāḥ ||1||

(AVŚ\_10,8.2a) skambhénemé víṣṭabhite dyáuś ca bhúmiś ca  
tiṣṭhataḥ |  
(AVŚ\_10,8.2c) skambhá idám sárvaṃ ātmanvād yāt prāṇán nimiṣác  
ca yāt ||2||

(AVŚ\_10,8.3a) tisoró ha prajā atyāyám āyan ny ànyā arkám abhíto  
'viśanta |  
(AVŚ\_10,8.3c) bṛhán ha tasthau rájaso vimāno hárito háriṇīr ā  
viveśā ||3||

(AVŚ\_10,8.4a) dvādaśa pradháyaś cakráṃ ékaṃ trīṇi nábhyāni ká u  
tác ciketa |  
(AVŚ\_10,8.4c) táttrāhatās trīṇi śatāni śaṅkávaḥ ṣaṣṭís ca khílā  
āvicācalā yé ||4||

(AVŚ\_10,8.5a) idám savitar ví jānīhi śad yamā́ éka ekajāḥ |  
(AVŚ\_10,8.5c) tásmīn hāpitvám ichante yá eṣā́m éka ekajāḥ ||5||

(AVŚ\_10,8.6a) āvíḥ sán níhitam gúhā járan náma mahát padám |  
(AVŚ\_10,8.6c) tátredám sárvaṃ āpitam éjat prāṇát prātiṣṭhitam ||  
6||

(AVŚ\_10,8.7a) ékacakram vartata ékanemi sahásrākṣaram prá puró  
ní paścā |  
(AVŚ\_10,8.7c) ardhéna vísvam bhúvanam jajāna yád asyārdhám kvà  
tád babhūva ||7||

(AVŚ\_10,8.8a) pañcavāhí vahatyágram eṣā́m práṣṭayo yuktá  
anusāmvahanti |  
(AVŚ\_10,8.8c) áyātam asya dadṛśé ná yātám páram nédīyó 'varam  
dāvīyah ||8||

(AVŚ\_10,8.9a) tiryágbilaś camasá ūrdhvábudhnaś tásmīn yáso  
níhitam vísvárūpam |  
(AVŚ\_10,8.9c) tát āsata ṛṣayah saptá sākám yé asyá gopá maható  
babhūvúḥ ||9||

(AVŚ\_10,8.10a) yá purástād yujyáte yá ca paścād yá vísváto yujyáte  
yá ca sarvātaḥ |  
(AVŚ\_10,8.10c) yáyā yajñáh prān tāyáte tám tvā pṛchāmi katamá sá  
ṛcām ||10|| {26}

(AVŚ\_10,8.11a) yád éjati pátati yác ca tiṣṭhati prāṇád aprāṇan  
nimiṣác ca yád bhúvat |  
(AVŚ\_10,8.11c) tát dādhāra pṛthivīm vísvárūpam tát sambhūya

bhavaty ékam evá ||11||

(AVŚ\_10,8.12a) anantám vítatam purutránantám ántavac cā  
sámante |

(AVŚ\_10,8.12c) té nākapālās carati vicinván vidván bhūtám utá  
bhávyam asya ||12||

(AVŚ\_10,8.13a) prajāpatiś carati gārbhe antár ádṛśyamāno bahudhā  
ví jāyate |

(AVŚ\_10,8.13c) ardhéna víśvam bhúvanam jajāna yád asyārdhám  
katamáḥ sá ketúḥ ||13||

(AVŚ\_10,8.14a) ūrdhvám bhárantam udakám  
kumbhénevodahāryām |

(AVŚ\_10,8.14c) páśyanti sárve cākṣuṣā ná sárve mánasā viduḥ ||14||

(AVŚ\_10,8.15a) dūré pūrṇéna vasati dūrā ūnéna hīyate |

(AVŚ\_10,8.15c) mahád yakṣám bhúvanasya mādhye tásmāi balím  
rāṣṭrabhṛto bharanti ||15||

(AVŚ\_10,8.16a) yátaḥ sūryaḥ udéty ástam yátra ca gáchatī |

(AVŚ\_10,8.16c) tát evá manye 'hám jyeṣṭhám tát u náty eti kíṃ  
caná ||16||

(AVŚ\_10,8.17a) yé arvān mādhyā utá vā purāṇám védam  
vidvāmsam abhīto vādanti |

(AVŚ\_10,8.17c) ādityám evá té pári vadanti sárve agníṃ dvitíyam  
trivṛtam ca haṃsám ||17||

(AVŚ\_10,8.18a) sahasrāhṇyam víyatāv asya pakṣáu hárer haṃsasya  
pátataḥ svargám |

(AVŚ\_10,8.18c) sá devánt sárván úrasy upadádya saṃpásyan yāti  
bhúvanāni vísvā ||18||

(AVŚ\_10,8.19a) satyé nordhvás tapati bráhmaṇārvān ví paśyati |

(AVŚ\_10,8.19c) prāṇéna tiryán prāṇati yásmin jyeṣṭhám ádhi śritám  
||19||

(AVŚ\_10,8.20a) yó vái té vidyād arāṇī yábhyām nirmathyáte vásu |

(AVŚ\_10,8.20c) sá vidván jyeṣṭhám manyeta sá vidyād bráhmaṇam  
mahát ||20|| {27}

(AVŚ\_10,8.21a) apād ágre sám abhavat só ágre svār ābharat |

(AVŚ\_10,8.21c) cátuṣpād bhūtvā bhógyaḥ sárvam ádatta bhójanam  
||21||

(AVŚ\_10,8.22a) bhógyo bhavad átho ánnam adad bahú |

(AVŚ\_10,8.22c) yó devám uttarāvantam upāsātai sanātānam ||22||



(AVŚ\_10,8.23a) sanātānam enam āhur utādyā syāt púnarṇavaḥ |  
(AVŚ\_10,8.23c) ahorātré prá jāyete anyó anyāsya rūpāyoḥ ||23||

(AVŚ\_10,8.24a) śatām sahāsram ayútaṃ nyārbudam asaṃkhyeyām  
svām asmin níviṣṭam |  
(AVŚ\_10,8.24c) tát asya ghnanty abhipáśyata evá tásmād devó  
rocat eṣá etát ||24||

(AVŚ\_10,8.25a) bālād ékam aṇīyaskám utáikaṃ néva dṛśyate |  
(AVŚ\_10,8.25c) tátaḥ páriṣvajīyasī devátā śá máma priyá ||25||

(AVŚ\_10,8.26a) iyām kalyāṇy àjárā mártasyāmṛtā gṛhé |  
(AVŚ\_10,8.26c) yásmai kṛtá śáye sá yás cakāra jajāra sáḥ ||26||

(AVŚ\_10,8.27a) tvām strī tvām púmān asi tvām kumārā utá vā  
kumārī||  
(AVŚ\_10,8.27b) tvām jīrṇó daṇḍéna vañcasi tvām jātó bhavasi  
viśvátomukhaḥ ||27||

(AVŚ\_10,8.28a) utáiṣām pitótá vā putrá eṣām utáiṣām jyeṣṭhá utá  
vā kaniṣṭháḥ |  
(AVŚ\_10,8.28c) éko ha devó mánasi práviṣṭaḥ prathamó jātáḥ sá u  
gárbhe antáḥ ||28||

(AVŚ\_10,8.29a) pūrṇāt pūrṇám úd acati pūrṇām pūrṇéna sicyate |  
(AVŚ\_10,8.29c) utó tát adyá vidyāma yátas tát pariśicyáte ||29||

(AVŚ\_10,8.30a) eṣá sanátnī sánam evá jātáiṣá purāṇí pári sárvaṃ  
babhūva |  
(AVŚ\_10,8.30c) mahí devy ūśáso vibhātí sáikenaikena miṣatá ví  
caṣṭe ||30|| {28}

(AVŚ\_10,8.31a) ávir vái náma devátarténāste párivṛtā |  
(AVŚ\_10,8.31c) tásyā rūpénemé vṛkṣá háritā háritasrajaḥ ||31||

(AVŚ\_10,8.32a) ánti sántaṃ ná jahāty ánti sántaṃ ná paśyati |  
(AVŚ\_10,8.32c) devásya paśya kávyam ná mamāra ná jīryati ||32||

(AVŚ\_10,8.33a) apūrvéṇeṣitá vācas tá vadanti yathāyathám |  
(AVŚ\_10,8.33c) vādantīr yátra gáchanti tát āhur bráhmaṇam mahát  
||33||

(AVŚ\_10,8.34a) yátra devás ca manuṣyás cārā nábhāv iva śritáḥ |  
(AVŚ\_10,8.34c) apām tvā púṣpaṃ pṛchāmi yátra tán māyáyā hitám  
||34||

(AVŚ\_10,8.35a) yébhīr vāta iṣitáḥ pravāti yé dádante páñca díśaḥ  
sadhṛīcīḥ |  
(AVŚ\_10,8.35c) yá āhutim atyámanyanta devá apām netāraḥ

katamé tá āsan ||35||

(AVŚ\_10,8.36a) imām eṣām pṛthivīm vāsta éko 'ntárikṣam páry éko babhūva |

(AVŚ\_10,8.36c) dívam eṣām dadate yó vidhartá víśvā áśāḥ práti rakṣanty éke ||36||

(AVŚ\_10,8.37a) yó vidyāt sūtram vítatam yásminn ótāḥ prajā imāḥ |

(AVŚ\_10,8.37c) sūtram sūtrasya yó vidyād sá vidyād brāhmaṇam mahāt ||37||

(AVŚ\_10,8.38a) védāham sūtram vítatam yásminn ótāḥ prajā imāḥ |

(AVŚ\_10,8.38c) sūtram sūtrasyāham vedātho yád brāhmaṇam mahād ||38||

(AVŚ\_10,8.39a) yád antarā dyāvāpṛthiví agnír áit pradāhan viśvadāvyāḥ |

(AVŚ\_10,8.39c) yátrātiṣṭhann ékapatnīḥ parástāt kvēvāsīn mātariśvā tadānīm ||39||

(AVŚ\_10,8.40a) apsv āsīn mātariśvā práviṣṭaḥ práviṣṭā devāḥ salilāny āsan||

(AVŚ\_10,8.40b) bṛhán ha tasthau rájaso vimānaḥ pávamāno haríta ā viveśa ||40||

(AVŚ\_10,8.41a) úttareṇeva gayatrīm amṛté 'dhi ví cakrame |

(AVŚ\_10,8.41c) sāmna yé sāma samvidúr ajás tát dadṛśe kvā ||41||

(AVŚ\_10,8.42a) nivésanaḥ samgámano vásūnām devá iva savitā satyādharmaḥ |

(AVŚ\_10,8.42c) índro ná tasthau samaré dhánānām ||42||

(AVŚ\_10,8.43a) puṇḍarīkam návadvāram tribhír guṇébhir ávṛtam |

(AVŚ\_10,8.43c) tásmín yád yakṣám ātmanvát tát vái brahmavído viduḥ ||43||

(AVŚ\_10,8.44a) akāmó dhíro amṛtaḥ svayaṃbhú rāsena tṛptó ná kútaś canónaḥ |

(AVŚ\_10,8.44c) tám evá vidvān ná bibhāya mṛtyór ātmānam dhíram ajāram yúvānam ||44|| {29}

(AVŚ\_10,9.1a) aghāyatām ápi nahyā múkhāni sapátneṣu vájram arpayaitām |

(AVŚ\_10,9.1c) índreṇa dattá prathamā sátáudanā bhrātṛvyaghní yájamānasya gātúḥ ||1||

(AVŚ\_10,9.2a) védiṣ ṭe cárma bhavatu barhír lómāni yāni te |

(AVŚ\_10,9.2c) eṣā tvā raśanāgrabhīd grāvā tvaiṣó 'dhi nṛtyatu ||2||

(AVŚ\_10,9.3a) bālās te prókṣaṇīḥ santu jīhvā sám mārṣtu aghnye |  
(AVŚ\_10,9.3c) śuddhā tvām yajñīyā bhūtvā dívaṃ préhi śataudane ||3||

(AVŚ\_10,9.4a) yāḥ śatáudanām pácati kāmaprēṇa sá kalpate |  
(AVŚ\_10,9.4c) prītā hy àsya ṛtvíjaḥ sárve yánti yathāyathám ||4||

(AVŚ\_10,9.5a) sá svargám ā rohati yátrādás tridivám divāḥ |  
(AVŚ\_10,9.5c) apūpānābhiṃ kṛtvā yó dádāti śatáudanām ||5||  
(AVŚ\_10,9.6a) sá tāmī lokānt sám āpnoti yé divyā yé ca pārvivāḥ |  
(AVŚ\_10,9.6c) híraṇyajyotiṣaṃ kṛtvā yó dádāti śatáudanām ||6||

(AVŚ\_10,9.7a) yé te devi śamitāraḥ paktāro yé ca te jánāḥ |  
(AVŚ\_10,9.7c) té tvā sárve gopsyanti máibhyo bhaiṣīḥ śataudane ||7||

(AVŚ\_10,9.8a) vásavas tvā dakṣiṇatá uttarān marútas tvā |  
(AVŚ\_10,9.8c) ādityāḥ paścād gopsyanti ságniṣṭomám áti drava ||8||

(AVŚ\_10,9.9a) devāḥ pitáro manuṣyā gandharvāpsarásaś ca yé |  
(AVŚ\_10,9.9c) té tvā sárve gopsyanti sātirātrám áti drava ||9||

(AVŚ\_10,9.10a) antárikṣaṃ dívaṃ bhúmim ādityān marúto díśaḥ |  
(AVŚ\_10,9.10c) lokānt sá sárvān āpnoti yó dádāti śatáudanām ||10||  
{30}

(AVŚ\_10,9.11a) ghṛtām prokṣántī subhágā devī devān gamiṣyati |  
(AVŚ\_10,9.11c) paktāram aghnye má hiṃsīr dívaṃ préhi śataudane ||11||

(AVŚ\_10,9.12a) yé devā diviṣádo antarikṣasádaś ca yé yé cemé  
bhúmyām ádhi |  
(AVŚ\_10,9.12c) tébhyas tvām dhukṣva sarvadā kṣīráṃ sarpír átho  
mádhu ||12||

(AVŚ\_10,9.13a) yát te síro yát te múkhaṃ yáu kárṇau yé ca te hánū  
|  
(AVŚ\_10,9.13c) āmíkṣām duhratām dātré kṣīráṃ sarpír átho mádhu  
||13||

(AVŚ\_10,9.14a) yáu ta óṣṭhau yé nāsike yé śṛṅge yé ca té 'kṣiṇī |  
(AVŚ\_10,9.14c) āmíkṣām duhratām dātré kṣīráṃ sarpír átho mádhu  
||14||

(AVŚ\_10,9.15a) yát te klomā yád dhṛdayaṃ purítāt sahákāṇṭhikā |  
(AVŚ\_10,9.15c) āmíkṣām duhratām dātré kṣīráṃ sarpír átho mádhu  
||15||

(AVŚ\_10,9.16a) yát te yákr̥d yé máticasne yád āntrám yás ca te  
gúdāḥ |  
(AVŚ\_10,9.16c) āmíkṣām duhratām dātré kṣīrām sarpír átho mādhu  
||16||

(AVŚ\_10,9.17a) yás te plāśír yó vaniṣṭhúr yáu kukṣí yác ca cárma te  
|  
(AVŚ\_10,9.17c) āmíkṣām duhratām dātré kṣīrām sarpír átho mādhu  
||17||

(AVŚ\_10,9.18a) yát te majjā yád ásthi yán maṃsām yác ca lóhitam |  
(AVŚ\_10,9.18c) āmíkṣām duhratām dātré kṣīrām sarpír átho mādhu  
||18||

(AVŚ\_10,9.19a) yáu te bāhú yé doṣāṇī yāv āṃsau yá ca te kakút |  
(AVŚ\_10,9.19c) āmíkṣām duhratām dātré kṣīrām sarpír átho mādhu  
||19||

(AVŚ\_10,9.20a) yás te grīvā yé skandhā yāḥ pṛṣṭír yás ca pársavaḥ |  
(AVŚ\_10,9.20c) āmíkṣām duhratām dātré kṣīrām sarpír átho mādhu  
||20|| {31}

(AVŚ\_10,9.21a) yáu ta urú aṣṭhīvántau yé śróṇī yá ca te bhasát |  
(AVŚ\_10,9.21c) āmíkṣām duhratām dātré kṣīrām sarpír átho mādhu  
||21||

(AVŚ\_10,9.22a) yát te púcham yé te bālā yád údho yé ca te stánāḥ |  
(AVŚ\_10,9.22c) āmíkṣām duhratām dātré kṣīrām sarpír átho mādhu  
||22||

(AVŚ\_10,9.23a) yás te jángḥāḥ yāḥ kúṣṭhikā ṛchārā yé ca te śaphāḥ  
|  
(AVŚ\_10,9.23c) āmíkṣām duhratām dātré kṣīrām sarpír átho mādhu  
||23||

(AVŚ\_10,9.24a) yát te cárma śataudane yāni lómāny aghnye |  
(AVŚ\_10,9.24c) āmíkṣām duhratām dātré kṣīrām sarpír átho mādhu  
||24||

(AVŚ\_10,9.25a) kroḍáu te stām purodáśāv ájyenābhíghāritau |  
(AVŚ\_10,9.25c) táu pakṣáu devi kṛtvā śá paktāram dívam vaha ||25||

(AVŚ\_10,9.26a) ulúkhale músale yás ca cármaṇi yó vā súrpe  
taṇḍulāḥ káṇaḥ |  
(AVŚ\_10,9.26c) yām vā vāto mātariśvā pávamāno mamāthāgníṣ ṭád  
dhótā súhutam kṛṇotu ||26||

(AVŚ\_10,9.27a) apó devír mādhumatír ghṛtaścúto brahmāṇam

hásteṣu prapṛthák sādayāmi |

(AVŚ\_10,9.27c) yátkāma idám abhiṣiñcāmi vo 'hám tán me sárvaṃ  
sám padyatām vayām syāma pátayo rayiñám ||27|| {32}

(AVŚ\_10,10.1a) námas te jáyamānāyai jātáyā utá te námaḥ |

(AVŚ\_10,10.1c) bálebhyaḥ śaphébhyo rūpáyāghnye te námaḥ ||1||

(AVŚ\_10,10.2a) yó vidyāt saptá pravátaḥ saptá vidyāt parāvataḥ |

(AVŚ\_10,10.2c) śíro yajñásya yó vidyāt sá vaśám prāti gṛhṇīyāt ||2||

(AVŚ\_10,10.3a) védāhám saptá pravátaḥ saptá veda parāvataḥ |

(AVŚ\_10,10.3c) śíro yajñásyāhám veda sómaṃ cāsyām vicakṣaṇám  
||3||

(AVŚ\_10,10.4a) yáyā dyáur yáyā pṛthiví yáyāpo gupitá imáh |

(AVŚ\_10,10.4c) vaśám sahasradhārām bráhmaṇāchāvadāmasi ||4||

(AVŚ\_10,10.5a) śatám kaṃsáh śatám dogdhāraḥ śatám goptáro  
ádhi pṛṣṭhé asyāḥ |

(AVŚ\_10,10.5c) yé devás tásyām prāṇánti te vaśám vidur ekadhá ||  
5||

(AVŚ\_10,10.6a) yajñapadírākṣīrā svadhāprāṇā mahīlukā |

(AVŚ\_10,10.6c) vaśá parjanyaapatnī devám ápy eti bráhmaṇā ||6||

(AVŚ\_10,10.7a) ánu tvāgníḥ práviśad ánu sómo vaśe tvā |

(AVŚ\_10,10.7c) údhas te bhadre parjanya vidyútas te stánā vaśe ||  
7||

(AVŚ\_10,10.8a) apás tvám dhukṣe prathamá urvárā áparā vaśe |

(AVŚ\_10,10.8c) tṛtíyam rāṣṭrám dhukṣe 'nnaṃ kṣīrám vaśe tvám ||  
8||

(AVŚ\_10,10.9a) yád ādityáir hūyámānopátīṣṭha ṛtavari |

(AVŚ\_10,10.9c) índraḥ sahasraṃ pátrānt sómaṃ tvāpāyayad vaśe ||  
9||

(AVŚ\_10,10.10a) yád anúcíndram áir át tvā ṛṣabhó 'hvayat |

(AVŚ\_10,10.10c) tásmāt te vṛtrahá páyaḥ kṣīrám kruddhó 'harad  
vaśe ||10|| {33}

(AVŚ\_10,10.11a) yát te kruddhó dhánapatir á kṣīrám áharad vaśe |

(AVŚ\_10,10.11c) idám tát adyá nákas triśú pátreṣu rakṣati ||11||

(AVŚ\_10,10.12a) triśú pátreṣu tám sómam á devy áharad vaśá |

(AVŚ\_10,10.12c) átharvā yátra dīkṣitó barhíṣy ásta hiraṇyáye ||12||

(AVŚ\_10,10.13a) sám hí sómenāgata sám u sárveṇa padvātā |  
(AVŚ\_10,10.13c) vaśá samudrám ádhy aṣṭhad gandharváiḥ kalíbhiḥ  
sahá ||13||

(AVŚ\_10,10.14a) sám hí vātenāgata sám u sárvaiḥ patatríbhiḥ |  
(AVŚ\_10,10.14c) vaśá samudré prāṇtyad ūcaḥ sāmāni bíbhratī ||14||

(AVŚ\_10,10.15a) sám hí súryenāgata sám u sárveṇa cákṣuṣā |  
(AVŚ\_10,10.15c) vaśá samudrám áty akhyad bhadrá jyótīṃṣi  
bíbhratī ||15||

(AVŚ\_10,10.16a) abhívṛtā hiraṇyena yád atiṣṭha ṛtāvari |  
(AVŚ\_10,10.16c) áśvaḥ samudró bhūtvádhy askandad vaśe tvā ||  
16||

(AVŚ\_10,10.17a) tát bhadráḥ sám agachanta vaśá déṣṭry átho  
svadhā |  
(AVŚ\_10,10.17c) átharvā yātra dīkṣitó barhīṣy ásta hiraṇyāye ||17||

(AVŚ\_10,10.18a) vaśá mātá rājanyāsya vaśá mātá svadhe táva |  
(AVŚ\_10,10.18c) vaśáyā yajñá áyudham tátaś cittám ajāyata ||18||

(AVŚ\_10,10.19a) ūrdhvó bindúr úd acarad bráhmaṇaḥ kákudād ádhi  
|  
(AVŚ\_10,10.19c) tátas tvám jajñīṣe vaśe táto hótājāyata ||19||

(AVŚ\_10,10.20a) āsnás te gāthā abhavann uṣṇíhābhyo bálam vaśe |  
(AVŚ\_10,10.20c) pājasyāṅ jajñe yajñá stānebhyo raśmáyas táva ||  
20|| {34}

(AVŚ\_10,10.21a) īrmābhyām áyanam jātām sákthibhyām ca vaśe  
táva |  
(AVŚ\_10,10.21c) āntrébhyo jajñire atrá udárād ádhi vīrúdhaḥ ||21||

(AVŚ\_10,10.22a) yád udáram váruṇasyānupráviśathā vaśe |  
(AVŚ\_10,10.22c) tátas tvā brahmód ahvayat sá hí netrám ávet táva  
||22||

(AVŚ\_10,10.23a) sárve gárbhād avepanta jáyamānād asūsvàḥ |  
(AVŚ\_10,10.23c) sasúva hí tám āhú vaśéti bráhmabhiḥ kṛptáḥ sá hy  
āsyā bāndhuḥ ||23||

(AVŚ\_10,10.24a) yúdha ékaḥ sám srjati yó asyā éka íd vaśí |  
(AVŚ\_10,10.24c) tárāṃsi yajñá abhavan tárasām cákṣur abhavad  
vaśá ||24||

(AVŚ\_10,10.25a) vaśá yajñám práty agṛhṇād vaśá súryam  
adhārayat |  
(AVŚ\_10,10.25c) vaśáyām antár aviśad odanó brahmāṇā sahá ||25||

(AVŚ\_10,10.26a) vaśám evámṛtam āhur vaśám mṛtyúm úpāsate |  
(AVŚ\_10,10.26c) vaśédám sárvaṃ abhavad devā manuṣyā ásurāḥ  
pitāra īṣayaḥ ||26||

(AVŚ\_10,10.27a) yá évam vidyāt sá vaśám prāti gṛhṇīyāt |  
(AVŚ\_10,10.27c) táthā hí yajñāḥ sárvaṇāḥ duhé dātré 'napasphuran  
||27||

(AVŚ\_10,10.28a) tísro jihvā váruṇasyāntár dīdyaty āsāni |  
(AVŚ\_10,10.28c) tāsām yā mādhye rájati sá vaśá duṣpratigráhā ||  
28||

(AVŚ\_10,10.29a) çaturdhā réto abhavad vaśáyāḥ |  
(AVŚ\_10,10.29c) āpas túrīyam amṛtam túrīyam yajñās túrīyam  
paśávas túrīyam ||29||

(AVŚ\_10,10.30a) vaśá dyáur vaśá pṛthiví vaśá víṣṇuḥ prajāpatiḥ |  
(AVŚ\_10,10.30c) vaśáyā dugdhám apibant sādhyā vásavaś ca ye ||  
30||

(AVŚ\_10,10.31a) vaśáyā dugdhám pītvā sādhyā vásavaś ca ye |  
(AVŚ\_10,10.31c) té vai bradhnásya viṣṭāpi páyo asyā úpāsate ||31||

(AVŚ\_10,10.32a) sómam enām éke duhre ghṛtām éka úpāsate |  
(AVŚ\_10,10.32c) yá évam vidúṣe vaśám dadús te gatās tridivám  
divāḥ ||32||

(AVŚ\_10,10.33a) brāhmaṇébhyo vaśám dattvā sárvaṃ lokānt sám  
aśnute |  
(AVŚ\_10,10.33c) ṛtām hy àsyām ārpitam ápi bráhmātho tápaḥ ||33||

(AVŚ\_10,10.34a) vaśám devā úpa jīvanti vaśám manuṣyā utá |  
(AVŚ\_10,10.34c) vaśédám sárvaṃ abhavad yávat súryo vipásyati ||  
34|| {35}

(AVŚ\_11,1.1a) ágne jáyasvāditir nāthitéyám brahmaudanám pacati  
putrákāmā |  
(AVŚ\_11,1.1c) saptaṛṣáyo bhūtakṛtas té tvā manthantu prajāyā  
sahéhá ||1||

(AVŚ\_11,1.2a) kṛṇutá dhūmám vṛṣaṇaḥ sakhāyó 'droghāvitā vācam  
ácha |  
(AVŚ\_11,1.2c) ayám agnīḥ pṛtanāṣāt suvíro yéna devā áсахanta  
dásyūn ||2||

(AVŚ\_11,1.3a) ágné 'janiṣṭhā mahaté vīryāya brahmaudanāya  
pāktave jātavedaḥ |

(AVŚ\_11,1.3c) saptaṣṣāyo bhūtakṛtas té tvājījanann asyāi rayīm  
sārvavīraṃ ní yacha ||3||

(AVŚ\_11,1.4a) sámiddho agne samídhā sám idhyasva vidván deván  
yajñíyāṃ éhá vakṣaḥ |

(AVŚ\_11,1.4c) tébhyo havíḥ śrapāyaṃ jātaveda uttamāṃ nákam  
ádhi rohayemám ||4||

(AVŚ\_11,1.5a) tredhā bhāgó níhito yáḥ purā vo devánāṃ pitṛṇāṃ  
mártyānām |

(AVŚ\_11,1.5c) áṃśāṃ jānīdhvaṃ ví bhajāmi tán vo yó devánāṃ sá  
imāṃ pārayāti ||5||

(AVŚ\_11,1.6a) ágne sāhasvān abhibhūr abhíd asi níco ny ūbja  
dviṣatāḥ sapátnān |

(AVŚ\_11,1.6c) iyám mātṛā mīyámānā mitá ca sajātāṃs te balihṛtaḥ  
kṛṇotu ||6||

(AVŚ\_11,1.7a) sākāṃ sajātāiḥ páyasā saháidhy úd ubjaināṃ mahaté  
vīryāya |

(AVŚ\_11,1.7c) ūrdhvó nákasyádhi roha viṣṭāpaṃ svargó loká íti yám  
vādanti ||7||

(AVŚ\_11,1.8a) iyám mahí prāti gṛhṇātu cárma pṛthiví deví  
sumanasyámānā |

(AVŚ\_11,1.8c) átha gachema sukṛtāsya lokám ||8||

(AVŚ\_11,1.9a) etáu grāvāṇau sayújā yuñdhi cármaṇi nírbindhy  
aṃśūn yájamānāya sādhub |

(AVŚ\_11,1.9c) avaghnatí ní jahi yá imāṃ pṛtanyáva ūrdhvám prajám  
udbhāranty úd ūha ||9||

(AVŚ\_11,1.10a) gṛhāṇa grāvāṇau sakṛtau vīra hásta á te devá  
yajñíyā yajñám aguḥ |

(AVŚ\_11,1.10c) tráyo várā yatamāṃs tvám vṛṇíṣé tás te sámṛddhīr  
ihá rādhayāmi ||10|| {1}

(AVŚ\_11,1.11a) iyám te dhītír idám u te janítraṃ gṛhṇātu tvám  
áditih śúraputrā |

(AVŚ\_11,1.11c) párā punīhi yá imāṃ pṛtanyávo 'syāi rayīm  
sārvavīraṃ ní yacha ||11||

(AVŚ\_11,1.12a) upaśvasé druváye sīdatā yūyám ví vicyadhvaṃ  
yajñiyāsas túṣaiḥ |

(AVŚ\_11,1.12c) śriyá samānán áti sárvānt syāmādhaspadám  
dviṣatás pādayāmi ||12||



(AVŚ\_11,1.13a) párehi nāri púnar éhi kṣiprám apām tvā goṣṭhó ádhy  
arukṣad bhārāya |

(AVŚ\_11,1.13c) tāsām gr̥hṇītād yatamá yajñíyā ásan vibhājya  
dhīrītārā jahītāt ||13||

(AVŚ\_11,1.14a) émā agur yoṣítaḥ súmbhamānā út tiṣṭha nāri  
tavásam rabhasva |

(AVŚ\_11,1.14c) supátnī pátyā prajáyā prajāvaty á tvāgan yajñáh  
práti kumbhám gr̥bhāya ||14||

(AVŚ\_11,1.15a) ūrjó bhāgó níhito yáh purá va ṛṣipraśiṣṭāpá á  
bharāitāḥ |

(AVŚ\_11,1.15c) ayám yajñó gātuvín nāthavít prajāvíd ugráh paśuvíd  
vīravíd vo astu ||15||

(AVŚ\_11,1.16a) ágne carúr yajñíyas tvádhy arukṣac chúcis tápiṣṭhas  
tápasā tapainam |

(AVŚ\_11,1.16c) ārṣeyá daivá abhisamgátya bhāgám imám tápiṣṭhā  
ṛtúbhis tapantu ||16||

(AVŚ\_11,1.17a) śuddháh pūtá yoṣíto yajñíyā imá ápaś carúm áva  
sarpāntu śubhráh |

(AVŚ\_11,1.17c) áduḥ prajám bahulám paśún naḥ paktáudanásya  
sukṛtām etu lokám ||17||

(AVŚ\_11,1.18a) bráhmaṇā śuddhá utá pūtá ghṛténa sómasyāṃśávas  
taṇḍulá yajñíyā imé |

(AVŚ\_11,1.18c) apáh prá viśata práti gr̥hṇātu vaś carúr imám paktvá  
sukṛtām eta lokám ||18||

(AVŚ\_11,1.19a) urúḥ prathasva mahatá mahimná sahásrapṛṣṭhaḥ  
sukṛtásya loké |

(AVŚ\_11,1.19c) pitāmaháh pitáraḥ prajópajáhám paktá pañcadaśás  
te asmi ||19||

(AVŚ\_11,1.20a) sahásrapṛṣṭhaḥ śatádihāro ákṣito brahmaudanó  
devayānaḥ svargáh |

(AVŚ\_11,1.20c) amúṃs ta á dadhāmi prajáyā reṣayainān balihārāya  
mṛḍatān máhyam evá ||20|| {2}

(AVŚ\_11,1.21a) udéhi védim prajáyā vardhayainām nudásva rákṣaḥ  
pratárām dhehy enām |

(AVŚ\_11,1.21c) śriyá samānān áti sárvant syāmādhaspadám  
dviṣatás pādayāmi ||21||

(AVŚ\_11,1.22a) abhyāvartasva paśúbhiḥ saháinām pratyánn enām  
devátābhiḥ saháidhi |

(AVŚ\_11,1.22c) má tvā prápac chapátho mábhicāráh své kṣétre  
anamivá ví rāja ||22||

(AVŚ\_11,1.23a) ṛténa taṣṭā́ mánasā hitáīṣā́ brahmaudanásya víhitā  
védir ágre |  
(AVŚ\_11,1.23c) aṃsadhrīḿ śuddhāḿ úpa dhehi nāri táttraudanām  
sādaya daivānām ||23||

(AVŚ\_11,1.24a) áditer hástāḿ srúcam etāḿ dvitíyāḿ saptaṣṣáyo  
bhūtakṛ́to yāḿ ákṛṇvan |  
(AVŚ\_11,1.24c) sá gátrāṇi vidúṣy odanásya dārvir védyāḿ ádhy  
enaḿ cinotu ||24||

(AVŚ\_11,1.25a) śṛtāḿ tvā havyāḿ úpa sīdantu daivā́ niḥsṛ́pyāgnéḥ  
púnar enān prá sīda |  
(AVŚ\_11,1.25c) sómena pūtó jaṭháre sīda brahmāṇāḿ ārṣeyās te  
mā́ riṣan prā́sitārah ||25||

(AVŚ\_11,1.26a) sóma rājant samjñā́nam á́ vapaibhyaḥ súbrāhmaṇā  
yatamé tvopasídān |  
(AVŚ\_11,1.26c) ṛ́ṣīn ārṣeyā́ms tápasó 'dhi jātān brahmaudané  
suhávā johavīmi ||26||

(AVŚ\_11,1.27a) śuddhāḥ pūtá yoṣíto yajñíyā imā́ brahmāṇāḿ  
hásteṣu prapṛ́thak sādayāmi |  
(AVŚ\_11,1.27c) yátkāma idám abhiṣiñcā́mi vo 'hám índro marútvānt  
sá dādād idám me ||27||

(AVŚ\_11,1.28a) idám me jyótir amṛ́taḥ híraṇyaḿ pakváḿ kṣétrāt  
kāmadúghā ma eṣā́ |  
(AVŚ\_11,1.28c) idám dhānaḿ ní dadhe brāhmaṇéṣu kṛṇvé pánthāḿ  
pitṛ́ṣu yáḥ svargáḥ ||28||

(AVŚ\_11,1.29a) agnáu túṣān á́ vapa jātávedasi paráḥ kambúkāḿ  
ápa mṛ́ḍḍhi dūrám |  
(AVŚ\_11,1.29c) etāḿ śúśruma gṛharājásya bhāgáḿ átho vidma  
nirṛ́ter bhāgadhéyam ||29||

(AVŚ\_11,1.30a) śrámyataḥ pácato viddhi sunvatáḥ pánthāḿ  
svargáḿ ádhi rohayainam |  
(AVŚ\_11,1.30c) yéna róhāt páraḿ āpádyā yád váya uttamáḿ nákaḥ  
paramáḿ vyòma ||30|| {3}

(AVŚ\_11,1.31a) babhrér adhvaryo múkham etád ví mṛ́ḍḍhy ájyāya  
lokáḿ kṛṇuhi pravidván |  
(AVŚ\_11,1.31c) ghṛténa gátrānu sárvā ví mṛ́ḍḍhi kṛṇvé pánthāḿ  
pitṛ́ṣu yáḥ svargáḥ ||31||

(AVŚ\_11,1.32a) bábhre rákṣaḥ samádam á́ vapaibhyó 'brāhmaṇā  
yatamé tvopasídān |  
(AVŚ\_11,1.32c) purī́ṣiṇaḥ práthamānāḥ purástād ārṣeyās te mā́

riṣan prāśitāraḥ ||32||

(AVŚ\_11,1.33a) ārṣeyéṣu ní dadha odana tvā nānārṣeyāṇām ápy  
asty átra |

(AVŚ\_11,1.33c) agnír me goptá marútaś ca sárve víśve devá abhí  
rakṣantu pakvám ||33||

(AVŚ\_11,1.34a) yajñám dúhānam sádam ít prápīnam púmāṃsam  
dhenūṃ sádanam rayīṇám |

(AVŚ\_11,1.34c) prajāmṛtatvám utá dīrghám áyū rāyás ca póṣair úpa  
tvā sadema ||34||

(AVŚ\_11,1.35a) vṛṣabhò 'si svargá řṣīn ārṣeyān gacha |

(AVŚ\_11,1.35c) sukṛtām loké sīda táttra nau saṃskṛtām ||35||

(AVŚ\_11,1.36a) samācinuṣvānusampráyāhy ágne patháḥ kalpaya  
devayānān |

(AVŚ\_11,1.36c) etáih sukṛtáir ánu gachema yajñám náke tīṣṭhantam  
ádhi śaptáraśmau ||36||

(AVŚ\_11,1.37a) yéna devá jyótiṣā dyām udāyan brahmaudanám  
paktvá sukṛtasya lokám |

(AVŚ\_11,1.37c) téna geṣma sukṛtasya lokám svār āróhanto abhí  
nákam uttamám ||37|| {4}

(AVŚ\_11,2.1a) bhávāśarvau mṛdátam mábhí yātam bhútapatī  
pásupatī námo vām |

(AVŚ\_11,2.1c) prátihitām áyatām má ví srāṣtam má no himsiṣtam  
dvipádo má cátuṣpadaḥ ||1||

(AVŚ\_11,2.2a) súne kroṣṭré má śárīrāṇi kártam alíklavebhyo  
gṛdhrebhyo yé ca kṛṣṇá aviṣyávaḥ |

(AVŚ\_11,2.2c) mákṣikās te paśupate váyāṃsi te vighasé má vidanta  
||2||

(AVŚ\_11,2.3a) krándāya te prāṇāya yás ca te bhava rópayah |

(AVŚ\_11,2.3c) námas te rudra kṛṇmaḥ sahasrākṣáyāmartya ||3||

(AVŚ\_11,2.4a) purástāt te námaḥ kṛṇma uttarád adharád utá |

(AVŚ\_11,2.4c) abhīvargád divás páry antárikṣāya te námaḥ ||4||

(AVŚ\_11,2.5a) múkhāya te paśupate yāni cákṣūṃsi te bhava |

(AVŚ\_11,2.5c) tvacé rūpāya saṃdṛśe pratícínāya te námaḥ ||5||

(AVŚ\_11,2.6a) áṅgebhyas ta udārāya jihváyā āsyāya te |

(AVŚ\_11,2.6c) dadbhyó gandhāya te námaḥ ||6||

(AVŚ\_11,2.7a) ástrā nílaśikhaṇḍena sahasrākṣéṇa vājínā |  
(AVŚ\_11,2.7c) rudrēṇārdhakaghātínā téna mǎ sám arāmahi ||7||

(AVŚ\_11,2.8a) sá no bhaváḥ pári vṛṇaktu viśváta ápa ivāgníḥ pári  
vṛṇaktu no bhaváḥ |  
(AVŚ\_11,2.8c) mǎ no 'bhí māṃsta námo astv asmai ||8||

(AVŚ\_11,2.9a) catúr námo aṣṭakṛtvo bhaváya dáśa kṛtvaḥ paśupate  
námās te |  
(AVŚ\_11,2.9c) távemé páñca paśávo víbhaktā gávo áśvāḥ púruṣā  
ajāvāyaḥ ||9||

(AVŚ\_11,2.10a) táva cátasraḥ pradísas táva dyáus táva pṛthiví  
távedám ugrorv àntárikṣam |  
(AVŚ\_11,2.10c) távedám sárvaṃ ātmanvād yát prāṇát pṛthivím ánu  
||10|| {5}

(AVŚ\_11,2.11a) urúḥ kóśo vasudhānas távāyám yásminn imá víśvā  
bhúvanāny antáh |  
(AVŚ\_11,2.11c) sá no mṛḍa paśupate námās te paráh kroṣṭáro  
abhibháḥ śvānaḥ paró yantv agharúdo vikeśyàḥ ||11||

(AVŚ\_11,2.12a) dhánur bibharṣi háritaṃ hiraṇyáyaṃ sahasraghním  
śatávadhaṃ śikhaṇḍin |  
(AVŚ\_11,2.12c) rudrásyéṣuś carati devahetís tásyai námo  
yatamásyām diśítáh ||12||

(AVŚ\_11,2.13a) yò 'bhíyāto niláyate tvám rudra nicíkīrṣati |  
(AVŚ\_11,2.13c) paścād anupráyuṅkṣe tám viddhásya padanír iva ||  
13||

(AVŚ\_11,2.14a) bhavārudráu sayújā saṃvidānāv ubhāv ugráu carato  
vīryāya |  
(AVŚ\_11,2.14c) tábhyām námo yatamásyām diśítáh ||14||

(AVŚ\_11,2.15a) námās te astv āyaté námo astu parāyaté |  
(AVŚ\_11,2.15c) námās te rudra tíṣṭhata áśīnāyotá te námaḥ ||15||

(AVŚ\_11,2.16a) námaḥ sáyám námaḥ prātár námo rátryā námo dívā  
|  
(AVŚ\_11,2.16c) bhaváya ca śarváya cobhábhyām akaraṃ námaḥ ||  
16||

(AVŚ\_11,2.17a) sahasrākṣám atipaśyám purástād rudrám ásyantaṃ  
bahudhá vipaścítam |  
(AVŚ\_11,2.17c) mópārāma jihváyéyamānam ||17||

(AVŚ\_11,2.18a) śyāvásvaṃ kṛṣṇám ásitam mṛṇántam bhīmám  
rátham keśínaḥ pādáyantam |

(AVŚ\_11,2.18c) púrve prátīmo námo astv asmai ||18||

(AVŚ\_11,2.19a) má no 'bhí srā matyāṃ devahetīm má naḥ krudhaḥ  
paśupate námas te |

(AVŚ\_11,2.19c) anyátrāsmád divyāṃ śákhāṃ ví dhūnu ||19||

(AVŚ\_11,2.20a) má no hiṃsīr ádhi no brūhi pári ṇo vṛndhi má  
krudhaḥ |

(AVŚ\_11,2.20c) má tváyā sám arāmahī ||20|| {6}

(AVŚ\_11,2.21a) má no góṣu púruṣeṣu má gr̥dho no ajāvíṣu |

(AVŚ\_11,2.21c) anyátrogra ví vartaya pítārūṇāṃ prajāṃ jahi ||21||

(AVŚ\_11,2.22a) yásya takmá kásikā hetír ékam áśvasyeva vṛṣaṇaḥ  
kránda éti |

(AVŚ\_11,2.22c) abhipūrvāṃ nirṇáyate námo astv asmai ||22||

(AVŚ\_11,2.23a) yò 'ntárikṣe tíṣṭhati víṣṭabhitó 'yajvanaḥ pramṛṇán  
devapīyún |

(AVŚ\_11,2.23c) tásmāi námo daśábhiḥ śákvarībhiḥ ||23||

(AVŚ\_11,2.24a) túbhyam āraṇyāḥ paśávo mṛgá váne hitá haṃsāḥ  
suparṇāḥ śakunā váyāṃsi |

(AVŚ\_11,2.24c) táva yakṣāṃ paśupate apsv àntás túbhyam kṣaranti  
divyā āpo vṛdhé ||24||

(AVŚ\_11,2.25a) śiṃśumārā ajagarāḥ purīkáyā jaṣá mátsyā rajasá  
yébhyo ásyasi |

(AVŚ\_11,2.25c) ná te dūrāṃ ná pariṣṭhāsti te bhava sadyāḥ sárvaṃ  
pári paśyasi bhúmim púrvasmád dhaṃsy úttarasmint samudré ||25||

(AVŚ\_11,2.26a) má no rudra takmánā má viśéṇa má naḥ sám srā  
divyénāgnínā |

(AVŚ\_11,2.26c) anyátrāsmád vidyútaṃ pātayaitām ||26||

(AVŚ\_11,2.27a) bhavó divó bhavá īse pṛthivyá bhavá á papra urv  
àntárikṣam |

(AVŚ\_11,2.27c) tásyai námo yatamásyām diśítāḥ ||27||

(AVŚ\_11,2.28a) bháva rājan yájamānāya mṛḍa paśūnāṃ hí paśupátir  
babhūtha |

(AVŚ\_11,2.28c) yáḥ śraddádadhāti sánti devā ítī cátuṣpade dvipáde  
'sya mṛḍa ||28||

(AVŚ\_11,2.29a) má no mahántam utá má no arbhakāṃ má no  
váhantam utá má no vakṣyatáḥ |

(AVŚ\_11,2.29c) má no hiṃsīḥ pitáraṃ mātáraṃ ca svāṃ tanvaṃ  
rudra má rīṣo naḥ ||29||

(AVŚ\_11,2.30a) rudrásyailabakārébhyo 'saṃsūktagilébhyaḥ |  
(AVŚ\_11,2.30c) idám mahāsyebyaḥ śvábhyo akaraṃ námaḥ ||30||

(AVŚ\_11,2.31a) námas te ghoṣīṇibhyo námas te keśīṇibhyaḥ |  
(AVŚ\_11,2.31c) námo námaskṛtābhyo námaḥ saṃbhuñjatībhyaḥ |  
(AVŚ\_11,2.31e) námas te deva sénābhyaḥ svastí no ábhayaṃ ca  
naḥ ||31|| {7}

(AVŚ\_11,3.1a) táस्यादानस्या बृहस्पतिं शीरो ब्रह्मा मुखम् ||1||

(AVŚ\_11,3.2a) dyāvāpṛthiví śrótṛe sūryācandramāsāv ákṣiṇī  
saptaṛṣáyaḥ prāṇāpānāḥ ||2||

(AVŚ\_11,3.3a) cákṣur músalaṃ káma ulúkhalam ||3||

(AVŚ\_11,3.4a) dítiḥ śúrpaṃ áditiḥ sūrpagrāhí vátó 'pāvinak ||4||

(AVŚ\_11,3.5a) ásvāḥ káṇā gāvas taṇḍulā maśákās túṣāḥ ||5||

(AVŚ\_11,3.6a) kábru phalíkāraṇāḥ sáro 'bhrám ||6||

(AVŚ\_11,3.7a) śyāmám áyo 'sya māṃsāni lóhitam asya lóhitam ||7||

(AVŚ\_11,3.8a) trápu bhásma háritaṃ várṇaḥ púṣkaram asya  
gandhāḥ ||8||

(AVŚ\_11,3.9a) khálaḥ pātraṃ sphyaṁ áṃsāv īṣé anūkyè ||9||

(AVŚ\_11,3.10a) āntrāṇi jatravo gúdā varatrāḥ ||10||

(AVŚ\_11,3.11a) iyám evá pṛthiví kumbhí bhavati  
rádhya mānasyaudanasya dyáur apidhānam ||11||

(AVŚ\_11,3.12a) sítāḥ pársavaḥ síkatā úbadhyam ||12||

(AVŚ\_11,3.13a) ṛtāṃ hastāvanéjanaṃ kulyòpasécanam ||13||

(AVŚ\_11,3.14a) ṛcá kumbhy ádhihitártvijyena préṣitā ||14||

(AVŚ\_11,3.15a) bráhmaṇā párigṛhītā sámna páryūḍhā ||15||

(AVŚ\_11,3.16a) bṛhád āyávanaṃ rathantarāṃ dárviḥ ||16||

(AVŚ\_11,3.17a) ṛtávaḥ paktára ārtavāḥ sám indhate ||17||

(AVŚ\_11,3.18a) carúṃ páñcabilam ukháṃ gharmò 'bhīndhe ||18||  
[note CORRIGENDA ed. ŠPP]

(AVŚ\_11,3.19a) odanéna yajñavataḥ sárve lokāḥ samāpyāḥ ||19||

(AVŚ\_11,3.20a) yásmint samudró dyáur bhúmis tráyo 'varaparám  
śritāḥ ||20||

(AVŚ\_11,3.21a) yása devā ákalpantócchiṣṭe śaḍ aśítāyaḥ ||21||

(AVŚ\_11,3.22a) tám tvaudanásya pr̥chāmi yó asya mahimā mahān ||  
22||

(AVŚ\_11,3.23a) sá yá odanásya mahimānam vidyāt ||23||

(AVŚ\_11,3.24a) nālpa íti brūyān nānupasecaná íti nédām ca kíṃ cėti  
||24||

(AVŚ\_11,3.25a) yāvad dātābhimanasyéta tán nāti vadet ||25||

(AVŚ\_11,3.26a) brahmavādíno vadanti párāñcam odanám práśī3ḥ  
pratyāñcā3m íti ||26||

(AVŚ\_11,3.27a) tvám odanám práśī3s tvám odaná3 íti ||27||

(AVŚ\_11,3.28a) párāñcam cainam práśīḥ prāṇás tvā hāsyantíty  
enam āha ||28||

(AVŚ\_11,3.29a) pratyāñcam cainam práśīr apānás tvā hāsyantíty  
enam āha ||29||

(AVŚ\_11,3.30a) náivāhám odanám ná mām odanáḥ ||30||

(AVŚ\_11,3.31a) odaná eváudanám práśīt ||31|| {8}

(AVŚ\_11,3.32[4.1]a) tátaś cainam anyéna śīrṣṇā práśīr yéna caitám  
pūrva ṛṣayaḥ práśnan |

(AVŚ\_11,3.32[4.1]b) jyeṣṭhatás te prajā marīṣyatíty enam āha |

(AVŚ\_11,3.32[4.1]c) tám vá ahám nārvāñcam ná párāñcam ná  
pratyāñcam |

(AVŚ\_11,3.32[4.1]d) bṛhaspátinā śīrṣṇā |

(AVŚ\_11,3.32[4.1]e) ténainam práśīṣam ténainam ajīgamam |

(AVŚ\_11,3.32[4.1]f) eṣá vá odanáḥ sárvaṅgaḥ sárvaparuḥ  
sárvatanūḥ |

(AVŚ\_11,3.32[4.1]g) sárvaṅga evá sárvaparuḥ sárvatanūḥ sám  
bhavati yá evám véda ||32|| [1]

(AVŚ\_11,3.33[4.2]a) tátaś cainam anyābhyām śrótrābhyām práśīr  
yābhyām caitám pūrva ṛṣayaḥ práśnan |

(AVŚ\_11,3.33[4.2]b) badhiró bhaviṣyasíty enam āha |

(AVŚ\_11,3.33[4.2]c) tám vá ahám nārvāñcam ná párāñcam ná

pratyāñcam |  
(AVŚ\_11,3.33[4.2]d) dyāvāpṛthivībhyām śrótṛābhyām |  
(AVŚ\_11,3.33[4.2]e) tābhyām enam prāśiṣaṃ tābhyām enam  
ajīgamam |  
(AVŚ\_11,3.33[4.2]f) eṣā vā odanāḥ sārvaṅgaḥ sārvaparuḥ  
sārvatanūḥ |  
(AVŚ\_11,3.33[4.2]g) sārvaṅga evā sārvaparuḥ sārvatanūḥ sám  
bhavati yá evāṃ véda ||33|| [2]

(AVŚ\_11,3.34[4.3]a) tátaś cainam anyābhyām akṣībhyām prāśīr  
yābhyām caitāṃ pūrva ṛṣayaḥ prāśnan |  
(AVŚ\_11,3.34[4.3]b) andhó bhaviṣyasítī enam āha |  
(AVŚ\_11,3.34[4.3]c) tám vā ahám nārvāñcam ná párāñcam ná  
pratyāñcam |  
(AVŚ\_11,3.34[4.3]d) sūryācandramasābhyām akṣībhyām |  
(AVŚ\_11,3.34[4.3]e) tābhyām enam prāśiṣaṃ tābhyām enam  
ajīgamam |  
(AVŚ\_11,3.34[4.3]f) eṣā vā odanāḥ sārvaṅgaḥ sārvaparuḥ  
sārvatanūḥ |  
(AVŚ\_11,3.34[4.3]g) sārvaṅga evā sārvaparuḥ sārvatanūḥ sám  
bhavati yá evāṃ véda ||34|| [3]

(AVŚ\_11,3.35[4.4]a) tátaś cainam anyéna múkkena prāśīr yéna  
caitāṃ pūrva ṛṣayaḥ prāśnan |  
(AVŚ\_11,3.35[4.4]b) mukhatás te praṇá mariṣyatítī enam āha |  
(AVŚ\_11,3.35[4.4]c) tám vā ahám nārvāñcam ná párāñcam ná  
pratyāñcam |  
(AVŚ\_11,3.35[4.4]d) bráhmaṇā múkkena |  
(AVŚ\_11,3.35[4.4]e) ténainam prāśiṣaṃ ténainam ajīgamam |  
(AVŚ\_11,3.35[4.4]f) eṣā vā odanāḥ sārvaṅgaḥ sārvaparuḥ  
sārvatanūḥ |  
(AVŚ\_11,3.35[4.4]g) sārvaṅga evā sārvaparuḥ sārvatanūḥ sám  
bhavati yá evāṃ véda ||35|| [4]

(AVŚ\_11,3.36[4.5]a) tátaś cainam anyáyā jihváyā prāśīr yáyā caitāṃ  
pūrva ṛṣayaḥ prāśnan |  
(AVŚ\_11,3.36[4.5]b) jihvá te mariṣyatítī enam āha |  
(AVŚ\_11,3.36[4.5]c) tám vā ahám nārvāñcam ná párāñcam ná  
pratyāñcam |  
(AVŚ\_11,3.36[4.5]d) agnér jihváyā |  
(AVŚ\_11,3.36[4.5]e) táyainam prāśiṣaṃ táyainam ajīgamam |  
(AVŚ\_11,3.36[4.5]f) eṣā vā odanāḥ sārvaṅgaḥ sārvaparuḥ  
sārvatanūḥ |  
(AVŚ\_11,3.36[4.5]g) sārvaṅga evā sārvaparuḥ sārvatanūḥ sám  
bhavati yá evāṃ véda ||36|| [5]

(AVŚ\_11,3.37[4.6]a) tátaś cainam anyáir dántaiḥ prāśīr yáís caitāṃ  
pūrva ṛṣayaḥ prāśnan |  
(AVŚ\_11,3.37[4.6]b) dántās te śatsyantítī enam āha |



(AVŚ\_11,3.37[4.6]c) tám vā ahám nārvāñcam ná párāñcam ná  
pratyāñcam |  
(AVŚ\_11,3.37[4.6]d) ṛtúbhir dāntaiḥ |  
(AVŚ\_11,3.37[4.6]e) táir enam práśiṣam táir enam ajīgamam |  
(AVŚ\_11,3.37[4.6]f) eṣá vā odanáḥ sárvāṅgaḥ sárvaparuh  
sárvatanūḥ |  
(AVŚ\_11,3.37[4.6]g) sárvāṅga evá sárvaparuh sárvatanūḥ sám  
bhavati yá evám véda ||37|| [6]

(AVŚ\_11,3.38[4.7]a) tátaś cainam anyáiḥ prāṇāpānáiḥ práśīr yáiś  
caitám pūrva ṛṣayaḥ práśnan |  
(AVŚ\_11,3.38[4.7]b) prāṇāpānás tvā hāsyantítý enam āha |  
(AVŚ\_11,3.38[4.7]c) tám vā ahám nārvāñcam ná párāñcam ná  
pratyāñcam |  
(AVŚ\_11,3.38[4.7]d) saptaṛṣbhiḥ prāṇāpānáiḥ |  
(AVŚ\_11,3.38[4.7]e) táir enam práśiṣam táir enam ajīgamam |  
(AVŚ\_11,3.38[4.7]f) eṣá vā odanáḥ sárvāṅgaḥ sárvaparuh  
sárvatanūḥ |  
(AVŚ\_11,3.38[4.7]g) sárvāṅga evá sárvaparuh sárvatanūḥ sám  
bhavati yá evám véda ||38|| [7]

(AVŚ\_11,3.39[4.8]a) tátaś cainam anyéna vyácasā práśīr yéna  
caitám pūrva ṛṣayaḥ práśnan |  
(AVŚ\_11,3.39[4.8]b) rājayakṣmás tvā haniṣyatítý enam āha |  
(AVŚ\_11,3.39[4.8]c) tám vā ahám nārvāñcam ná párāñcam ná  
pratyāñcam |  
(AVŚ\_11,3.39[4.8]d) antárikṣeṇa vyácasā |  
(AVŚ\_11,3.39[4.8]e) ténainam práśiṣam ténainam ajīgamam |  
(AVŚ\_11,3.39[4.8]f) eṣá vā odanáḥ sárvāṅgaḥ sárvaparuh  
sárvatanūḥ |  
(AVŚ\_11,3.39[4.8]g) sárvāṅga evá sárvaparuh sárvatanūḥ sám  
bhavati yá evám véda ||39|| [8]

(AVŚ\_11,3.40[4.9]a) tátaś cainam anyéna pṛṣṭhéna práśīr yéna  
caitám pūrva ṛṣayaḥ práśnan |  
(AVŚ\_11,3.40[4.9]b) vidyút tvā haniṣyatítý enam āha |  
(AVŚ\_11,3.40[4.9]c) tám vā ahám nārvāñcam ná párāñcam ná  
pratyāñcam |  
(AVŚ\_11,3.40[4.9]d) divá pṛṣṭhéna |  
(AVŚ\_11,3.40[4.9]e) ténainam práśiṣam ténainam ajīgamam |  
(AVŚ\_11,3.40[4.9]f) eṣá vā odanáḥ sárvāṅgaḥ sárvaparuh  
sárvatanūḥ |  
(AVŚ\_11,3.40[4.9]g) sárvāṅga evá sárvaparuh sárvatanūḥ sám  
bhavati yá evám véda ||40|| [9]

(AVŚ\_11,3.41[4.10]a) tátaś cainam anyénórasā práśīr yéna caitám  
pūrva ṛṣayaḥ práśnan |  
(AVŚ\_11,3.41[4.10]b) kṛṣyá ná rātsyaśítý enam āha |  
(AVŚ\_11,3.41[4.10]c) tám vā ahám nārvāñcam ná párāñcam ná

pratyāñcam |  
(AVŚ\_11,3.41[4.10]d) pṛthivyórasā |  
(AVŚ\_11,3.41[4.10]e) ténainam prāśiṣam ténainam ajīgamam |  
(AVŚ\_11,3.41[4.10]f) eṣā vā odanāḥ sárvaṅgaḥ sárvaparuḥ  
sárvatanūḥ |  
(AVŚ\_11,3.41[4.10]g) sárvaṅga evá sárvaparuḥ sárvatanūḥ sám  
bhavati yá evám véda ||41|| [10]

(AVŚ\_11,3.42[4.11]a) tátaś cainam anyénodāreṇa prāśīr yéna  
caitām pūrva śṣayaḥ prāśnan |  
(AVŚ\_11,3.42[4.11]b) udaradārás tvā haniṣyatíty enam āha |  
(AVŚ\_11,3.42[4.11]c) tám vā ahám nārvāñcam ná párāñcam ná  
pratyāñcam |  
(AVŚ\_11,3.42[4.11]d) satyénodāreṇa |  
(AVŚ\_11,3.42[4.11]e) ténainam prāśiṣam ténainam ajīgamam |  
(AVŚ\_11,3.42[4.11]f) eṣā vā odanāḥ sárvaṅgaḥ sárvaparuḥ  
sárvatanūḥ |  
(AVŚ\_11,3.42[4.11]g) sárvaṅga evá sárvaparuḥ sárvatanūḥ sám  
bhavati yá evám véda ||42|| [11]

(AVŚ\_11,3.43[4.12]a) tátaś cainam anyéna vastínā prāśīr yéna  
caitām pūrva śṣayaḥ prāśnan |  
(AVŚ\_11,3.43[4.12]b) apsú mariṣyasíty enam āha |  
(AVŚ\_11,3.43[4.12]c) tám vā ahám nārvāñcam ná párāñcam ná  
pratyāñcam |  
(AVŚ\_11,3.43[4.12]d) samudréṇa vastínā |  
(AVŚ\_11,3.43[4.12]e) ténainam prāśiṣam ténainam ajīgamam |  
(AVŚ\_11,3.43[4.12]f) eṣā vā odanāḥ sárvaṅgaḥ sárvaparuḥ  
sárvatanūḥ |  
(AVŚ\_11,3.43[4.12]g) sárvaṅga evá sárvaparuḥ sárvatanūḥ sám  
bhavati yá evám véda ||43|| [12]

(AVŚ\_11,3.44[4.13]a) tátaś cainam anyābhyām ūrúbhyām prāśīr  
yābhyām caitām pūrva śṣayaḥ prāśnan |  
(AVŚ\_11,3.44[4.13]b) ūrú te mariṣyata íty enam āha |  
(AVŚ\_11,3.44[4.13]c) tám vā ahám nārvāñcam ná párāñcam ná  
pratyāñcam |  
(AVŚ\_11,3.44[4.13]d) mitrávaruṇayor ūrúbhyām |  
(AVŚ\_11,3.44[4.13]e) tábhyām enam prāśiṣam tábhyām enam  
ajīgamam |  
(AVŚ\_11,3.44[4.13]f) eṣā vā odanāḥ sárvaṅgaḥ sárvaparuḥ  
sárvatanūḥ |  
(AVŚ\_11,3.44[4.13]g) sárvaṅga evá sárvaparuḥ sárvatanūḥ sám  
bhavati yá evám véda ||44|| [13]

(AVŚ\_11,3.45[4.14]a) tátaś cainam anyābhyām aṣṭhīvadbhyām  
prāśīr yābhyām caitām pūrva śṣayaḥ prāśnan |  
(AVŚ\_11,3.45[4.14]b) srāmó bhaviṣyasíty enam āha |  
(AVŚ\_11,3.45[4.14]c) tám vā ahám nārvāñcam ná párāñcam ná

pratyāñcam |

(AVŚ\_11,3.45[4.14]d) tvāṣṭur aṣṭhīvadbhyām |

(AVŚ\_11,3.45[4.14]e) tábhyām enam práśiṣaṃ tábhyām enam  
ajīgamam |

(AVŚ\_11,3.45[4.14]f) eṣá vā odanáḥ sárvaṅgaḥ sárvaparuḥ  
sárvatanūḥ |

(AVŚ\_11,3.45[4.14]g) sárvaṅga evá sárvaparuḥ sárvatanūḥ sám  
bhavati yá evám véda ||45|| [14]

(AVŚ\_11,3.46[4.15]a) tátaś cainam anyābhyām pádābhyām práśīr  
yābhyām caitám pūrva ṛṣayaḥ práśnan |

(AVŚ\_11,3.46[4.15]b) bahucārī bhaviṣyasīty enam āha |

(AVŚ\_11,3.46[4.15]c) tám vā ahám nārvāñcam ná párāñcam ná  
pratyāñcam |

(AVŚ\_11,3.46[4.15]d) aśvínoḥ pádābhyām |

(AVŚ\_11,3.46[4.15]e) tábhyām enam práśiṣaṃ tábhyām enam  
ajīgamam |

(AVŚ\_11,3.46[4.15]f) eṣá vā odanáḥ sárvaṅgaḥ sárvaparuḥ  
sárvatanūḥ |

(AVŚ\_11,3.46[4.15]g) sárvaṅga evá sárvaparuḥ sárvatanūḥ sám  
bhavati yá evám véda ||46|| [15]

(AVŚ\_11,3.47[4.16]a) tátaś cainam anyābhyām prápādābhyām  
práśīr yābhyām caitám pūrva ṛṣayaḥ práśnan |

(AVŚ\_11,3.47[4.16]b) sarpás tvā haniṣyatīty enam āha |

(AVŚ\_11,3.47[4.16]c) tám vā ahám nārvāñcam ná párāñcam ná  
pratyāñcam |

(AVŚ\_11,3.47[4.16]d) savitúḥ prápādābhyām |

(AVŚ\_11,3.47[4.16]e) tábhyām enam práśiṣaṃ tábhyām enam  
ajīgamam |

(AVŚ\_11,3.47[4.16]f) eṣá vā odanáḥ sárvaṅgaḥ sárvaparuḥ  
sárvatanūḥ |

(AVŚ\_11,3.47[4.16]g) sárvaṅga evá sárvaparuḥ sárvatanūḥ sám  
bhavati yá evám véda ||47|| [16]

(AVŚ\_11,3.48[4.17]a) tátaś cainam anyābhyām hástābhyām práśīr  
yābhyām caitám pūrva ṛṣayaḥ práśnan |

(AVŚ\_11,3.48[4.17]b) brāhmaṇám haniṣyasīty enam āha |

(AVŚ\_11,3.48[4.17]c) tám vā ahám nārvāñcam ná párāñcam ná  
pratyāñcam |

(AVŚ\_11,3.48[4.17]d) ṛtásya hástābhyām |

(AVŚ\_11,3.48[4.17]e) tábhyām enam práśiṣaṃ tábhyām enam  
ajīgamam |

(AVŚ\_11,3.48[4.17]f) eṣá vā odanáḥ sárvaṅgaḥ sárvaparuḥ  
sárvatanūḥ |

(AVŚ\_11,3.48[4.17]g) sárvaṅga evá sárvaparuḥ sárvatanūḥ sám  
bhavati yá evám véda ||48|| [17]

(AVŚ\_11,3.49[4.18]a) tátaś cainam anyáyā pratiṣṭháyā práśīr yáyā

caitāṃ pūrva śṣayaḥ prāśnan |  
(AVŚ\_11,3.49[4.18]b) apratiṣṭhānò 'nāyatanó mariṣyasīty enam āha  
|  
(AVŚ\_11,3.49[4.18]c) tāṃ vā ahāṃ nārvāñcam ná párāñcam ná  
pratyāñcam |  
(AVŚ\_11,3.49[4.18]d) satyé pratiṣṭhāya |  
(AVŚ\_11,3.49[4.18]e) táyainam prāśiṣam táyainam ajīgamam |  
(AVŚ\_11,3.49[4.18]f) eṣā vā odanāḥ sārvaṅgaḥ sāvaparuh  
sārvatanūḥ |  
(AVŚ\_11,3.49[4.18]g) sārvaṅga evā sāvaparuh sārvatanūḥ sám  
bhavati yá evāṃ véda ||49|| [18] {9}

(AVŚ\_11,3.50[5.1]a) etád vái bradhnásya viṣṭāpaṃ yád odanāḥ ||  
50|| [1]

(AVŚ\_11,3.51[5.2]a) bradhnáloko bhavati bradhnásya viṣṭāpi  
śrayāte yá evāṃ véda ||51|| [2]

(AVŚ\_11,3.52[5.3]a) etásmād vā odanāt tráyastrimśataṃ lokān nír  
amimīta prajāpatiḥ ||52|| [3]

(AVŚ\_11,3.53[5.4]a) téṣāṃ prajñānāya yajñám asṛjata ||53|| [4]

(AVŚ\_11,3.54[5.5]a) sá yá evāṃ vidúṣa upadraṣṭā bhāvati prāṇám  
ruṇaddhi ||54|| [5]

(AVŚ\_11,3.55[5.6]a) ná ca prāṇám ruṇáddhi sarvajyānīm jīyate ||55||  
[6]

(AVŚ\_11,3.56[5.7]a) ná ca sarvajyānīm jīyāte puráinam jarásah  
prāṇó jahāti ||56|| [7] {10}

(AVŚ\_11,4[6].1a) prāṇāya námo yásya sárvaṃ idám váśe |  
(AVŚ\_11,4[6].1c) yó bhūtáḥ sárvasyeśvaró yásmint sárvaṃ  
prātiṣṭhitam ||1||

(AVŚ\_11,4[6].2a) námas te prāṇa krándāya námas te stanayitnáve |  
(AVŚ\_11,4[6].2c) námas te prāṇa vidyúte námas te prāṇa várṣate ||  
2||

(AVŚ\_11,4[6].3a) yát prāṇá stanayitnúnābhikrándaty óṣadhīḥ |  
(AVŚ\_11,4[6].3c) prá víyante gárbhān dadhaté 'tho bahvír ví jāyante  
||3||

(AVŚ\_11,4[6].4a) yát prāṇá ṛtāv ágate 'bhikrándaty óṣadhīḥ |

(AVŚ\_11,4[6].4c) sárvaṃ tadā́ prá modate yát kíṃ ca bhúmyām ádhi  
||4||

(AVŚ\_11,4[6].5a) yadā́ prāṇó abhyávaṛṣīd varṣéṇa pṛthivīm mahīm |  
(AVŚ\_11,4[6].5c) paśávas tát prá modante máho vái no bhaviṣyati ||  
5||

(AVŚ\_11,4[6].6a) abhívṛṣṭā óṣadhayaḥ prāṇéna sám avādiran |  
(AVŚ\_11,4[6].6c) áyur vái naḥ prátītaraḥ sárvā naḥ surabhír akaḥ ||  
6||

(AVŚ\_11,4[6].7a) námas te astv āyaté námo astu parāyaté |  
(AVŚ\_11,4[6].7c) námas te prāṇa tīṣṭhata āsīnāyotá te námaḥ ||7||

(AVŚ\_11,4[6].8a) námaḥ te prāṇa prāṇaté námo astv apānaté |  
(AVŚ\_11,4[6].8c) parācínāya te námaḥ pratīcínāya te námaḥ  
sárvasmai ta idám námaḥ ||8||

(AVŚ\_11,4[6].9a) yá te prāṇa priyá tanúr yó te prāṇa préyasī |  
(AVŚ\_11,4[6].9c) átho yád bheṣajám táva tásya no dhehi jīvāse ||9||

(AVŚ\_11,4[6].10a) prāṇāḥ prajā́ ánu vaste pitá putráṃ iva priyám |  
(AVŚ\_11,4[6].10c) prāṇó ha sárvasyeśvaró yác ca prāṇáti yác ca ná  
||10|| {11}

(AVŚ\_11,4[6].11a) prāṇó mṛtyúḥ prāṇás takmá prāṇám devā  
úpāsate |  
(AVŚ\_11,4[6].11c) prāṇó ha satyavādínāṃ uttamé loká á dadhat ||  
11||

(AVŚ\_11,4[6].12a) prāṇó virātṛ prāṇó dēṣṭrī prāṇám sárva upāsate |  
(AVŚ\_11,4[6].12c) prāṇó ha sūryaś candrámaḥ prāṇám āhuḥ  
prajā́patim ||12||

(AVŚ\_11,4[6].13a) prāṇāpānáu vrīhiyavāv anaḍván prāṇá ucyate |  
(AVŚ\_11,4[6].13c) yáve ha prāṇá áhito 'pānó vrīhír ucyate ||13||

(AVŚ\_11,4[6].14a) ápānati prāṇati púruṣo gárbhe antarā |  
(AVŚ\_11,4[6].14c) yadā́ tvám prāṇa jínvasy átha sá jāyate púnāḥ ||  
14||

(AVŚ\_11,4[6].15a) prāṇám āhur mātariśvānaṃ vāto ha prāṇá ucyate  
|  
(AVŚ\_11,4[6].15c) prāṇé ha bhūtám bhávyaṃ ca prāṇé sárvaṃ  
pratīṣṭhitam ||15||

(AVŚ\_11,4[6].16a) ātharvaṇír āṅgirasír dáivīr manuṣyajā́ utá |  
(AVŚ\_11,4[6].16c) óṣadhayaḥ prá jāyante yadā́ tvám prāṇa jínvasi ||  
16||

(AVŚ\_11,4[6].17a) yadā prāṇó abhyávarṣīd varṣéṇa pṛthivīm mahīm  
|  
(AVŚ\_11,4[6].17c) óṣadhayaḥ prá jāyanté 'tho yāḥ kás ca vīrúdhaḥ ||  
17||

(AVŚ\_11,4[6].18a) yás te prāṇedāṃ véda yásmiṃś cāsi prátīṣṭhitaḥ |  
(AVŚ\_11,4[6].18c) sárve tásmāi balīm harān amúṣmiṃl loká uttamé  
||18||

(AVŚ\_11,4[6].19a) yáthā prāṇa balihṛtas túbhyaṃ sárvāḥ prajā imāḥ  
|  
(AVŚ\_11,4[6].19c) evā tásmāi balīm harān yás tvā śṇávat suśravaḥ  
||19||

(AVŚ\_11,4[6].20a) antár gárbhaś carati devátāsv ābhūto bhūtāḥ sá  
u jāyate púnaḥ |  
(AVŚ\_11,4[6].20c) sá bhūtó bhávyam bhaviṣyát pitá putráṃ prá  
viveśā śácibhiḥ ||20|| {12}

(AVŚ\_11,4[6].21a) ékaṃ pádaṃ nót khidati salilād dhaṃsá uccáran |  
(AVŚ\_11,4[6].21c) yád aṅgá sá tám utkhidén náivádyá ná śvāḥ syāt  
|  
(AVŚ\_11,4[6].21e) ná rátrī náhaḥ syān ná vy ùchet kadā caná ||21||

(AVŚ\_11,4[6].22a) aṣṭákakraṃ vartata ékanemi sahásrākṣaram prá  
puró ní paścā |  
(AVŚ\_11,4[6].22c) ardhéna vísvam bhúvanam jajāna yád asyārdham  
kataamáḥ sá ketúḥ ||22||

(AVŚ\_11,4[6].23a) yó asyá vísvájanmana íse vísvasya céṣṭataḥ |  
(AVŚ\_11,4[6].23c) ányeṣu kṣiprádhanvane tásmāi prāṇa námo 'stu  
te ||23||

(AVŚ\_11,4[6].24a) yó asyá sarvájanmana íse sárvasya céṣṭataḥ |  
(AVŚ\_11,4[6].24c) átandro bráhmaṇā dhíraḥ prāṇó mánu tiṣṭhatu ||  
24||

(AVŚ\_11,4[6].25a) ūrdhvāḥ suptéṣu jāgāra nanú tiryān ní padyate |  
(AVŚ\_11,4[6].25c) ná suptám asya suptéṣv ánu śúśrāva kás caná ||  
25||

(AVŚ\_11,4[6].26a) prāṇa má mát paryāvṛto ná mād anyó bhaviṣyasi  
|  
(AVŚ\_11,4[6].26c) apām gárbham iva jīvāse prāṇa badhnāmi tvā  
máyi ||26|| {13}

(AVŚ\_11,5[7].1a) brahmacārīṣṇámś carati ródasī ubhé tásmín devāḥ

sámmanaso bhavanti |

(AVŚ\_11,5[7].1c) sá dādhāra pṛthivīm dívam ca sá ācāryam tāpasā  
piparti ||1||

(AVŚ\_11,5[7].2a) brahmacārīnam pitāro devajanāḥ pṛthag devā  
anusāmyanti sārve |

(AVŚ\_11,5[7].2c) gandharvā enam ānv āyan trāyastriṃśat triśatāḥ  
ṣaṣṭasahasrāḥ sārvaṅt sá devāṃs tāpasā piparti ||2||

(AVŚ\_11,5[7].3a) ācārya upanáyamāno brahmacārīnam kṛṇute  
gārbham antāḥ |

(AVŚ\_11,5[7].3c) tám rātrīs tistrā udāre bibharti tám jātām drāṣṭum  
abhisāmyanti devāḥ ||3||

(AVŚ\_11,5[7].4a) iyām samít pṛthiví dyāur dvitīyotāntárikṣam  
samídhā pṛṇāti |

(AVŚ\_11,5[7].4c) brahmacārī samídhā mékhalayā śrámeṇa lokāṃs  
tāpasā piparti ||4||

(AVŚ\_11,5[7].5a) pūrvo jātó brāhmaṇo brahmacārī gharmām  
vásānas tāpasód atiṣṭhat |

(AVŚ\_11,5[7].5c) tásmāj jātām brāhmaṇam bráhma jyeṣṭhām devās  
ca sārve amṛtena sākām ||5||

(AVŚ\_11,5[7].6a) brahmacāry èti samídhā sámiddhaḥ kárṣṇam  
vásāno dīkṣitó dīrgháśmaśruḥ |

(AVŚ\_11,5[7].6c) sá sadyá eti pūrvasmād úttaram samudrām lokānt  
samgṛbhya múhur ācárikrat ||6||

(AVŚ\_11,5[7].7a) brahmacārī janāyan brāhmāpó lokām prajāpatiṃ  
parameṣṭhīnam virājam |

(AVŚ\_11,5[7].7c) gārbho bhūtvāmṛtasya yónāv índro ha  
bhūtvāsurāṃs tatarha ||7||

(AVŚ\_11,5[7].8a) ācāryās tatakṣa nábhasī ubhé imé urvī gambhīré  
pṛthivīm dívam ca |

(AVŚ\_11,5[7].8c) té rakṣati tāpasā brahmacārī tásmin devāḥ  
sámmanaso bhavanti ||8||

(AVŚ\_11,5[7].9a) imām bhūmim pṛthivīm brahmacārī bhikṣām ā  
jabhāra prathamó dívam ca |

(AVŚ\_11,5[7].9c) té kṛtvā samídhāv úpāste táyor ārpitā bhúvanāni  
vísṽa ||9||

(AVŚ\_11,5[7].10a) arvāg anyāḥ paró anyó divás pṛṣṭhād gúhā nidhí  
níhitau brāhmaṇasya |

(AVŚ\_11,5[7].10c) táu rakṣati tāpasā brahmacārī tát kévalam kṛṇute  
bráhma vidván ||10|| {14}

(AVŚ\_11,5[7].11a) arvāg anyā ito anyāḥ pṛthivyā agnī samēto  
nābhasī antarémē |  
(AVŚ\_11,5[7].11c) táyoḥ śrayante raśmāyó 'dhi dṛḍhās tán ā tiṣṭhati  
tāpasā brahmacārī ||11||

(AVŚ\_11,5[7].12a) abhikrándan stanáyann aruṇāḥ śitiṅgó bṛhác  
chépó 'nu bhúmau jabhāra |  
(AVŚ\_11,5[7].12c) brahmacārī siñcati sánau rétaḥ pṛthivyām téna  
jīvanti pradīśās cātasraḥ ||12||

(AVŚ\_11,5[7].13a) agnáu sūrye candrámasi mātariśvan brahmacāry  
āpsú samídham ā dadhāti |  
(AVŚ\_11,5[7].13c) tāsām arcīmṣi pṛthag abhré caranti tāsām ājyaṃ  
puruṣo varṣām āpaḥ ||13||

(AVŚ\_11,5[7].14a) ācāryò mṛtyúr váruṇaḥ sóma óṣadhayaḥ páyaḥ |  
(AVŚ\_11,5[7].14c) jīmūtā āsant sátvānas táir idám svār ābhṛtam ||  
14||

(AVŚ\_11,5[7].15a) amā ghṛtām kṛṇute kévalam ācāryò bhūtvā  
váruṇaḥ |  
(AVŚ\_11,5[7].15c) yádyad áichat prajāpatau tát brahmacārī  
prāyachat svān mitró ádhy ātmānaḥ ||15||

(AVŚ\_11,5[7].16a) ācāryò brahmacārī brahmacārī prajāpatiḥ |  
(AVŚ\_11,5[7].16c) prajāpatir ví rājati virāḍ índro 'bhavad vaśí ||16||

(AVŚ\_11,5[7].17a) brahmacāryeṇa tāpasā rājā rāṣṭrām ví rakṣati |  
(AVŚ\_11,5[7].17c) ācāryò brahmacāryeṇa brahmacārīṇam ichate ||  
17||

(AVŚ\_11,5[7].18a) brahmacāryeṇa kanyā yúvānaṃ vindate pátim |  
(AVŚ\_11,5[7].18c) anaḍván brahmacāryeṇáśvo ghāsám jigīṣati ||18||

(AVŚ\_11,5[7].19a) brahmacāryeṇa tāpasā devā mṛtyúm ápāghnata |  
(AVŚ\_11,5[7].19c) índro ha brahmacāryeṇa devébhyaḥ svār ābharat  
||19||

(AVŚ\_11,5[7].20a) óṣadhayo bhūtabhavyām ahorātré vánaspátih |  
(AVŚ\_11,5[7].20c) samvatsaráḥ sahá ṛtúbhis té jātā brahmacārīṇaḥ  
||20|| {15}

(AVŚ\_11,5[7].21a) pāṛthivā divyāḥ paśáva āraṇyā grāmyās ca yé |  
(AVŚ\_11,5[7].21c) apakṣāḥ pakṣīṇās ca yé té jātā brahmacārīṇaḥ ||  
21||

(AVŚ\_11,5[7].22a) pṛthak sárve prajāpatyāḥ prāṇān ātmāsu bibhrati  
|  
(AVŚ\_11,5[7].22c) tánt sárván bráhma rakṣati brahmacārīṇy



ábhr̥tam ||22||

(AVŚ\_11,5[7].23a) devānām etát pariṣūtám ánabhyārūḍhaṃ carati  
rócamānaṃ |

(AVŚ\_11,5[7].23c) tásmāj jātám bráhmaṇaṃ bráhma jyeṣṭhám  
devāś ca sárve amṛtena sākám ||23||

(AVŚ\_11,5[7].24a) brahmacārí bráhma bhrájad bibharti tásmin devá  
ádhi víśve samótāḥ |

(AVŚ\_11,5[7].24c) prāṇāpānáu janáyann ád vyānáṃ vācaṃ máno  
hṛdayaṃ bráhma medhám ||24||

(AVŚ\_11,5[7].25a) cákṣuḥ śrótraṃ yáso asmāsu dhehy ánnaṃ réto  
lóhitam udáram ||25||

(AVŚ\_11,5[7].26a) táni kálpan brahmacārí salilásya pṛṣṭhé tápo  
'tiṣṭhat tapyámānaḥ samudré |

(AVŚ\_11,5[7].26c) sá snātó babhrúḥ piṅgaláḥ pṛthivyám bahú rocate  
||26|| {16}

(AVŚ\_11,6[8].1a) agníṃ brūmo vānaspátīn óṣadhīr utá vīrúdhāḥ |

(AVŚ\_11,6[8].1c) índraṃ bṛhaspátīṃ sūryaṃ té no muñcantv  
ámhasaḥ ||1||

(AVŚ\_11,6[8].2a) brūmó rájānaṃ váruṇaṃ mitráṃ víṣṇum átho  
bhágam |

(AVŚ\_11,6[8].2c) áṃsaṃ vívasvantaṃ brūmas té no muñcantv  
ámhasaḥ ||2||

(AVŚ\_11,6[8].3a) brūmó devám savitáraṃ dhātáraṃ utá pūśāṇam |

(AVŚ\_11,6[8].3c) tváṣṭāram agriyám brūmas té no muñcantv  
ámhasaḥ ||3||

(AVŚ\_11,6[8].4a) gandharvāpsaráso brūmo aśvínā bráhmaṇaspátim  
|

(AVŚ\_11,6[8].4c) aryamá náma yó devás té no muñcantv ámhasaḥ  
||4||

(AVŚ\_11,6[8].5a) ahorātré idám brūmaḥ sūryācandramásāv ubhá |

(AVŚ\_11,6[8].5c) víśvān ādityān brūmas té no muñcantv ámhasaḥ ||  
5||

(AVŚ\_11,6[8].6a) vātaṃ brūmaḥ parjányam antárikṣam átho díśaḥ |

(AVŚ\_11,6[8].6c) áśāś ca sárva brūmas té no muñcantv ámhasaḥ ||  
6||

(AVŚ\_11,6[8].7a) muñcántu mā śapathyād ahorātré átho uśáḥ |

(AVŚ\_11,6[8].7c) sómo mā devó muñcatu yám āhús candrāmā íti ||  
7||

(AVŚ\_11,6[8].8a) pāṛthivā divyāḥ paśáva āraṇyā utá yé mṛgāḥ |  
(AVŚ\_11,6[8].8c) śakúntān pakṣíṇo brūmas té no muñcantv  
āṃhasaḥ ||8||

(AVŚ\_11,6[8].9a) bhavāśarvāv idám brūmo rudráṃ paśupátis ca yáḥ  
|  
(AVŚ\_11,6[8].9c) íṣūr yá eṣāṃ saṃvidmá tá naḥ santu sádā śívāḥ ||  
9||

(AVŚ\_11,6[8].10a) dívaṃ brūmo náksatrāṇi bhúmim yakṣāṇi  
párvatān |  
(AVŚ\_11,6[8].10c) samudrá nadyò veśantās té no muñcantv  
āṃhasaḥ ||10|| {17}

(AVŚ\_11,6[8].11a) saptaṛṣín vá idám brūmo 'pó devíḥ prajāpatim |  
(AVŚ\_11,6[8].11c) pitṛṇ yámáśreṣṭhān brūmas té no muñcantv  
āṃhasaḥ ||11||

(AVŚ\_11,6[8].12a) yé devā diviśádo antarikṣasádaś ca yé |  
(AVŚ\_11,6[8].12c) pṛthivyām śakrá yé śritās té no muñcantv  
āṃhasaḥ ||12||

(AVŚ\_11,6[8].13a) ādityā rudrá vásavo diví devā átharvāṇaḥ |  
(AVŚ\_11,6[8].13c) áṅgíraso manīṣíṇas té no muñcantv āṃhasaḥ ||  
13||

(AVŚ\_11,6[8].14a) yajñám brūmo yájamānam ṛcaḥ sāmāni bheṣajā |  
(AVŚ\_11,6[8].14c) yájūṃṣi hótrā brūmas té no muñcantv āṃhasaḥ ||  
14||

(AVŚ\_11,6[8].15a) páñca rājyāni vīrúdhām sómaśreṣṭhāni brūmaḥ |  
(AVŚ\_11,6[8].15c) darbhó bhaṅgó yávaḥ sáhas té no muñcantv  
āṃhasaḥ ||15||

(AVŚ\_11,6[8].16a) aráyān brūmo rákṣāṃsi sarpān puṇyajanān pitṛṇ |  
(AVŚ\_11,6[8].16c) mṛtyúṅ ékaśataṃ brūmas té no muñcantv  
āṃhasaḥ ||16||

(AVŚ\_11,6[8].17a) ṛtún brūma ṛtupátīn ārtavān utá hāyanān |  
(AVŚ\_11,6[8].17c) sāmāḥ saṃvatsarān māsāṃs té no muñcantv  
āṃhasaḥ ||17||

(AVŚ\_11,6[8].18a) éta devā dakṣinatāḥ paścāt prāñca udéta |  
(AVŚ\_11,6[8].18c) purástād uttarác chakrá víśve devāḥ samétya té  
no muñcantv āṃhasaḥ ||18||

(AVŚ\_11,6[8].19a) víśvān devān idāṃ brūmaḥ satyāsandhān  
ṛtāvṛdhah |

(AVŚ\_11,6[8].19c) víśvābhiḥ pātnībhiḥ sahā té no muñcantv  
āṃhasaḥ ||19||

(AVŚ\_11,6[8].20a) sárvān devān idāṃ brūmaḥ satyāsandhān  
ṛtāvṛdhah |

(AVŚ\_11,6[8].20c) sárvābhiḥ pātnībhiḥ sahā té no muñcantv  
āṃhasaḥ ||20||

(AVŚ\_11,6[8].21a) bhūtāṃ brūmo bhūtapātiṃ bhūtānām utá yó vaśí  
|

(AVŚ\_11,6[8].21c) bhūtāni sárvā saṃgátya té no muñcantv  
āṃhasaḥ ||21||

(AVŚ\_11,6[8].22a) yá devīḥ páñca pradīso yé devā dvādaśa ṛtávaḥ |

(AVŚ\_11,6[8].22c) saṃvatsarásya yé dáṃṣṭrās té naḥ santu sádā  
śivāḥ ||22||

(AVŚ\_11,6[8].23a) yān mātālī rathakrītām amṛtaṃ véda bheṣajām |

(AVŚ\_11,6[8].23c) tát índro apsú prāveśayat tát āpo datta  
bheṣajām ||23|| {18}

(AVŚ\_11,7[9].1a) úcchiṣṭe náma rūpāṃ cócchiṣṭe loká áhitaḥ |

(AVŚ\_11,7[9].1c) úcchiṣṭa índraś cāgnís ca víśvam antáḥ samāhitam  
||1||

(AVŚ\_11,7[9].2a) úcchiṣṭe dyāvāpṛthiví víśvaṃ bhūtāṃ samāhitam |

(AVŚ\_11,7[9].2c) āpaḥ samudrá úcchiṣṭe candrá mā vāta áhitaḥ ||2||

(AVŚ\_11,7[9].3a) sánn úcchiṣṭe ásaṃś cobháu mṛtyúr vājaḥ  
prajāpatiḥ |

(AVŚ\_11,7[9].3c) laukyá úcchiṣṭa áyattā vrás ca drás cápi śrír máyi ||  
3||

(AVŚ\_11,7[9].4a) dṛḍhó dṛmha sthiró nyó bráhma víśvasṛjo dáśa |

(AVŚ\_11,7[9].4c) nābhim íva sarvátaś cakráṃ úcchiṣṭe devátāḥ  
śritāḥ ||4||

(AVŚ\_11,7[9].5a) ík sáma yájur úcchiṣṭa udgītháḥ prástutaṃ stutám  
|

(AVŚ\_11,7[9].5c) hiṅkārā úcchiṣṭe sváraḥ sāmno meḍís ca tán máyi  
||5||

(AVŚ\_11,7[9].6a) aindrāgnāṃ pāvamānāṃ mahānāmnīr  
mahāvratām |

(AVŚ\_11,7[9].6c) úcchiṣṭe yajñásyāṅgāny antár gárbha íva mātári ||

6||

(AVŚ\_11,7[9].7a) rājasūyaṃ vājapēyaṃ agniṣṭomāṣ tād adhvarāḥ |  
(AVŚ\_11,7[9].7c) arkāśvamedhāv úcchiṣṭe jīvābarhir madíntamaḥ ||  
7||

(AVŚ\_11,7[9].8a) agnyādhéyaṃ átho dīkṣā kāmāprás chāndasā sahá  
|  
(AVŚ\_11,7[9].8c) útsannā yajñāḥ satráṇy úcchiṣṭé 'dhi samāhitāḥ ||  
8||

(AVŚ\_11,7[9].9a) agnihotrāṃ ca śraddhā ca vaṣaṭkāró vratāṃ tápaḥ  
|  
(AVŚ\_11,7[9].9c) dáksīṇeṣṭāṃ pūrtāṃ cócchiṣṭé 'dhi samāhitāḥ ||9||

(AVŚ\_11,7[9].10a) ekarātró dvirātrāḥ sadyaḥkríḥ prakrír ukthyāḥ |  
(AVŚ\_11,7[9].10c) ótaṃ níhitam úcchiṣṭe yajñásyāñúni vidyáyā ||  
10|| {19}

(AVŚ\_11,7[9].11a) catūrātrāḥ pañcarātrāḥ ṣaḍrātrás cobháyaḥ sahá  
|  
(AVŚ\_11,7[9].11c) ṣoḍaśí saptarātrás cócchiṣṭāj jaiñire sárve yé  
yajñā amṛte hitāḥ ||11||

(AVŚ\_11,7[9].12a) pratīhāró nidhānaṃ vísvajíc cābhijíc ca yáḥ |  
(AVŚ\_11,7[9].12c) sāhnātirātrāv úcchiṣṭe dvādaśāhó 'pi tán máyi ||  
12||

(AVŚ\_11,7[9].13a) sūnṛtā sámṇatiḥ kṣémaḥ svadhórjāmṛtaṃ sáhaḥ |  
(AVŚ\_11,7[9].13c) úcchiṣṭe sárve pratyāñcaḥ kāmāḥ kāmēna  
tātṛpuḥ ||13||

(AVŚ\_11,7[9].14a) náva bhúmīḥ samudrá úcchiṣṭé 'dhi śritá dívaḥ |  
(AVŚ\_11,7[9].14c) á súryo bhāty úcchiṣṭe 'horātré ápi tán máyi ||14||  
(AVŚ\_11,7[9].15a) upahávyam viśúvántam yé ca yajñā gúhā hitāḥ |  
(AVŚ\_11,7[9].15c) bíbharti bhartá víśvasyócchiṣṭo janitúḥ pitá ||15||

(AVŚ\_11,7[9].16a) pitá janitúr úcchiṣṭó 'soḥ páutraḥ pitāmaháḥ |  
(AVŚ\_11,7[9].16c) sá kṣiyati víśvasyésāno vṛṣā bhúmyām atighnyāḥ  
||16||

(AVŚ\_11,7[9].17a) ṛtāṃ satyāṃ tápo rāṣṭrāṃ śrámo dhármas ca  
kárma ca |  
(AVŚ\_11,7[9].17c) bhūtāṃ bhaviṣyád úcchiṣṭe vīryāṃ lakṣmír bálaṃ  
bále ||17||

(AVŚ\_11,7[9].18a) sámṛddhir ója ákūtiḥ kṣatráṃ rāṣṭrāṃ ṣád urvyāḥ  
|  
(AVŚ\_11,7[9].18c) samvatsaró 'dhy úcchiṣṭa ídā praiśá gráhā havíḥ

||18||

(AVŚ\_11,7[9].19a) cáturhotāra āpríyaś cāturmāsyāni nīvídaḥ |  
(AVŚ\_11,7[9].19c) úcchiṣṭe yajñā hótrāḥ paśubandhās tát iṣṭayaḥ ||  
19||

(AVŚ\_11,7[9].20a) ardhamāsās ca māsās cārtavā ṛtúbhiḥ sahá |  
(AVŚ\_11,7[9].20c) úcchiṣṭe ghoṣīṇīr āpa stanayitnúḥ śrútir mahí ||  
20|| {20}

(AVŚ\_11,7[9].21a) śárkarāḥ síkatā ásmāna óṣadhayo vīrúdhas tṛṇā |  
(AVŚ\_11,7[9].21c) abhrāṇi vidyúto varṣám úcchiṣṭe sámśritā śritā ||  
21||

(AVŚ\_11,7[9].22a) ráddhiḥ prāptiḥ sámāptir vyāptir máha edhatúḥ |  
(AVŚ\_11,7[9].22c) átyāptir úcchiṣṭe bhútiś cáhitā níhitā hitā ||22||

(AVŚ\_11,7[9].23a) yác ca prāṇāti prāṇéna yác ca páśyati cákṣuṣā |  
(AVŚ\_11,7[9].23c) úcchiṣṭāj jajñire sárve diví devā diviśrítaḥ ||23||

(AVŚ\_11,7[9].24a) ṛcaḥ sāmāni chándāṃsi purāṇāṃ yájuṣā sahá |  
(AVŚ\_11,7[9].24c) úcchiṣṭāj jajñire sárve diví devā diviśrítaḥ ||24||

(AVŚ\_11,7[9].25a) prāṇāpānáu cákṣuḥ śrótram ákṣitiś ca kṣitiś ca yá  
|  
(AVŚ\_11,7[9].25c) úcchiṣṭāj jajñire sárve diví devā diviśrítaḥ ||25||

(AVŚ\_11,7[9].26a) ānandā módāḥ pramúdo 'bhīmodamúdaś ca yé |  
(AVŚ\_11,7[9].26c) úcchiṣṭāj jajñire sárve diví devā diviśrítaḥ ||26||

(AVŚ\_11,7[9].27a) devāḥ pitáro manuṣyā gandharvāpsarásaś ca yé |  
(AVŚ\_11,7[9].27c) úcchiṣṭāj jajñire sárve diví devā diviśrítaḥ ||27||  
{21}

(AVŚ\_11,8[10].1a) yán manyúr jāyām āvahat saṃkalpásya grḥád  
ádhi |  
(AVŚ\_11,8[10].1c) ká āsaṃ jányāḥ ké varāḥ ká u jyeṣṭhavarò  
'bhavat ||1||

(AVŚ\_11,8[10].2a) tápaś caivāstāṃ kárma cāntár mahaty àrṇavé |  
(AVŚ\_11,8[10].2c) tá āsaṃ jányās té varā bráhma jyeṣṭhavarò  
'bhavat ||2||

(AVŚ\_11,8[10].3a) dáśa sākám ajāyanta devā devébhyaḥ purá |  
(AVŚ\_11,8[10].3c) yó vái tán vidyát pratyákṣaṃ sá vā adyá mahád  
vadet ||3||

(AVŚ\_11,8[10].4a) prāṇāpānāu cākṣuḥ śrōtram ākṣitīś ca kṣitīś ca yā  
|  
(AVŚ\_11,8[10].4c) vyānodānāu vān mānas té vā ākūtim āvahan ||4||

(AVŚ\_11,8[10].5a) ājātā āsann ṛtávó 'tho dhātā bṛhaspátih |  
(AVŚ\_11,8[10].5c) indrāgnī aśvínā tárhi kām té jyeṣṭhām úpāsata ||  
5||

(AVŚ\_11,8[10].6a) tápaś caivāstām kárma cāntár mahaty àrṇavé |  
(AVŚ\_11,8[10].6c) tápo ha jajñe kármaṇas tát té jyeṣṭhām úpāsata ||  
6||

(AVŚ\_11,8[10].7a) yétā āsīd bhūmih pūrvā yām addhātāya íd vidúḥ |  
(AVŚ\_11,8[10].7c) yó vai tám vidyān nāmáthā sá manyeta purāṇavít  
||7||

(AVŚ\_11,8[10].8a) kúta índraḥ kútaḥ sómaḥ kúto agnír ajāyata |  
(AVŚ\_11,8[10].8c) kútas tváṣṭā sám abhavat kúto dhātājāyata ||8||

(AVŚ\_11,8[10].9a) índrād índraḥ sómāt sómo agnér agnír ajāyata |  
(AVŚ\_11,8[10].9c) tváṣṭā ha jajñe tváṣṭur dhātúr dhātājāyata ||9||

(AVŚ\_11,8[10].10a) yé tá āsan dáśa jātā devā devébhyaḥ purā |  
(AVŚ\_11,8[10].10c) putrébhyo lokām dattvā kásmiṃś té lokā āsate  
||10|| {22}

(AVŚ\_11,8[10].11a) yadā kēsān ásthi snāva māmśām majjānam  
ābharat |  
(AVŚ\_11,8[10].11c) śārīraṃ kṛtvā pádavat kām lokām ánu prāviśat ||  
11||

(AVŚ\_11,8[10].12a) kútaḥ kēsān kútaḥ snāva kúto ásthīny ābharat |  
(AVŚ\_11,8[10].12c) áṅgā párvāṇi majjānaṃ kó māmśām kúta  
ābharat ||12||

(AVŚ\_11,8[10].13a) saṃsico nāma té devā yé saṃbhārānt  
samābharan |  
(AVŚ\_11,8[10].13c) sárvaṃ saṃsícya mártyaṃ devāḥ púruṣam  
āviśan ||13||

(AVŚ\_11,8[10].14a) ūrú pádāv aṣṭhīvántau síro hástāv átho múkham  
|  
(AVŚ\_11,8[10].14c) pṛṣṭír barjahyè pārsvé kás tát sám adadhād ṛṣih  
||14||

(AVŚ\_11,8[10].15a) síro hástāv átho múkham jihvām grīvās ca  
kikasāḥ |  
(AVŚ\_11,8[10].15c) tvacā prāvṛtya sárvaṃ tát saṃdhā sám adadhān  
mahī ||15||

(AVŚ\_11,8[10].16a) yát tác chārīram áśayat saṃdháyā sámhitam  
mahát |  
(AVŚ\_11,8[10].16c) yénedám adyá rócate kó asmin várṇam ábharat  
||16||

(AVŚ\_11,8[10].17a) sárve devá úpāsikṣan tát ajānād vadhūḥ satí |  
(AVŚ\_11,8[10].17c) īśá váśasya yá jāyá sásmin várṇam ábharat ||  
17||

(AVŚ\_11,8[10].18a) yadá tváṣṭā vyátṛṇat pitá tváṣṭur yá úttarah |  
(AVŚ\_11,8[10].18c) gṛhám kṛtvá mártyaṃ devāḥ púruṣam áviśan ||  
18||

(AVŚ\_11,8[10].19a) svápno vái tandrír nírṛtiḥ pāpmāno nāma  
devátāḥ |  
(AVŚ\_11,8[10].19c) jará khálatyaṃ pālityaṃ sárīram ánu práviśan ||  
19||

(AVŚ\_11,8[10].20a) stéyaṃ duṣkṛtám vṛjinám satyám yajñó yáśo  
br̥hát |  
(AVŚ\_11,8[10].20c) bálaṃ ca kṣatrám ójaś ca sárīram ánu práviśan  
||20|| {23}

(AVŚ\_11,8[10].21a) bhútiś ca vá ábhūtiś ca rātáyó 'rātayaś ca yáḥ |  
(AVŚ\_11,8[10].21c) kṣúdhas ca sárvas tṛṣṇās ca sárīram ánu  
práviśan ||21||

(AVŚ\_11,8[10].22a) nindás ca vá ánindás ca yác ca hántéti néti ca |  
(AVŚ\_11,8[10].22c) sárīram śraddhá dákṣiṇáśraddhā cānu práviśan  
||22||

(AVŚ\_11,8[10].23a) vidyás ca vá ávidyás ca yác cānyád upadeśyam  
|  
(AVŚ\_11,8[10].23c) sárīram bráhma práviśad ũcaḥ sámátho yájuḥ ||  
23||

(AVŚ\_11,8[10].24a) ānandá módāḥ pramúdo 'bhīmodamúdaś ca yé |  
(AVŚ\_11,8[10].24c) hasó naríṣṭā nṛttāni sárīram ánu práviśan ||24||

(AVŚ\_11,8[10].25a) ālāpás ca pralāpás cābhīlāpalápaś ca yé |  
(AVŚ\_11,8[10].25c) sárīram sárve práviśann āyújaḥ prayújo yújaḥ ||  
25||

(AVŚ\_11,8[10].26a) prāṇāpānáu cākṣuḥ śrótram ákṣitiś ca kṣitiś ca  
yá |  
(AVŚ\_11,8[10].26c) vyānodānáu vān mánaḥ sárīreṇa tá īyante ||26||

(AVŚ\_11,8[10].27a) āśíśaś ca praśíśaś ca saṃśíśo viśíśaś ca yáḥ |

(AVŚ\_11,8[10].27c) cittāni sārve samkalpāḥ śārīram ānu prāviśan || 27||

(AVŚ\_11,8[10].28a) āsteyīś ca vāsteyīś ca tvarāṇāḥ kṛpaṇās ca yāḥ |  
(AVŚ\_11,8[10].28c) gúhyāḥ śukrá sthūlá apás tá bībhatsāv  
asādayan ||28||

(AVŚ\_11,8[10].29a) ásthi kṛtvā samídham tād aṣṭāpo asādayan |  
(AVŚ\_11,8[10].29c) rétaḥ kṛtvājyaṁ devāḥ púruṣam áviśan ||29||

(AVŚ\_11,8[10].30a) yá āpo yás ca devātā yá virāḍ bráhmanaḥ sahá |  
(AVŚ\_11,8[10].30c) śārīraṁ bráhma prāviśac chārīré 'dhi prajāpatiḥ  
||30||

(AVŚ\_11,8[10].31a) sūryaś cákṣur vātaḥ prāṇaṁ púruṣasya ví  
bhejīre |  
(AVŚ\_11,8[10].31c) áthāsyétaram ātmānaṁ devāḥ prāyachann  
agnāye ||31||

(AVŚ\_11,8[10].32a) tásmād vái vidvān púruṣam idāṁ bráhméti  
manyate |  
(AVŚ\_11,8[10].32c) sárvā hy āsmin devātā gāvo goṣṭhá ivāsate ||  
32||

(AVŚ\_11,8[10].33a) prathaména pramāréṇa tredhá víṣvaṁ ví gachati  
|  
(AVŚ\_11,8[10].33c) adá ékena gáchaty adá ékena gachatīháikena ní  
śevate ||33||

(AVŚ\_11,8[10].34a) apsú stīmāsu vṛddhāsu śārīram antarā hitám |  
(AVŚ\_11,8[10].34c) tásmiṁ chávó 'dhy antarā tásmāc chávó 'dhy  
ucyate ||34|| {24}

(AVŚ\_11,9[11].1a) yé bāhavo yá íṣavo dhánvanāṁ vīryāṇi ca |  
(AVŚ\_11,9[11].1c) asín paraśún áyudham cittākūtám ca yád dhṛdí |  
(AVŚ\_11,9[11].1e) sárvaṁ tād arbude tvám amítrebhyo dṛśé  
kurūdārāṁś ca prá darśaya ||1||

(AVŚ\_11,9[11].2a) út tiṣṭhata sám nahyadhvaṁ mītrā dévajanā  
yūyám |  
(AVŚ\_11,9[11].2c) sámḍṛṣṭā guptā vaḥ santu yá no mitráṇy arbude  
||2||

(AVŚ\_11,9[11].3a) út tiṣṭhatam á rabhetām ādānasamḍānābhyām |  
(AVŚ\_11,9[11].3c) amítrāṇām sénā abhí dhattam arbude ||3||

(AVŚ\_11,9[11].4a) árbudir náma yó devá íśānaś ca nyàrbudiḥ |



(AVŚ\_11,9[11].4c) yábhyām antárikṣam ávṛtam iyám ca pṛthiví mahí  
|  
(AVŚ\_11,9[11].4e) tábhyām índramedibhyām ahám jitám ánv emi  
sénayā ||4||

(AVŚ\_11,9[11].5a) út tiṣṭha tvám devajanārbude sénayā sahá |  
(AVŚ\_11,9[11].5c) bhañjánm amítṛāṇām sénām bhogébhiḥ pári  
vāraya ||5||

(AVŚ\_11,9[11].6a) saptá jātán nyārbuda udārāṇām samīkṣāyan |  
(AVŚ\_11,9[11].6c) tébhiḥ tvám ājye huté sārvaír út tiṣṭha sénayā ||  
6||

(AVŚ\_11,9[11].7a) pratighnānáśrumukhí kṛdhukarṇí ca krośatu |  
(AVŚ\_11,9[11].7c) vikeśí púruṣe haté radité arbude táva ||7||

(AVŚ\_11,9[11].8a) samkárṣantī karúkarām mánasā putrám ichántī |  
(AVŚ\_11,9[11].8c) pátim bhrātaram át svān radité arbude táva ||8||

(AVŚ\_11,9[11].9a) alíklavā jāṣkamadā gṛdhrāḥ syenāḥ patatríṇaḥ |  
(AVŚ\_11,9[11].9c) dhvāṅkṣāḥ śakúnayas tṛpyantv amítṛeṣu  
samīkṣāyan radité arbude táva ||9||

(AVŚ\_11,9[11].10a) átho sárvaṃ śvāpadaṃ mákṣikā tṛpyatu krímih |  
(AVŚ\_11,9[11].10c) páuruṣeyé 'dhi kúnape radité arbude táva ||10||  
{25}

(AVŚ\_11,9[11].11a) á gṛhṇītam sám bṛhatam prāṇāpānān nyarbude  
|  
(AVŚ\_11,9[11].11c) nivāśā ghóṣāḥ sám yantv amítṛeṣu samīkṣāyan  
radité arbude táva ||11||

(AVŚ\_11,9[11].12a) úd vepaya sám vijantām bhiyámítrānt sám sṛja |  
(AVŚ\_11,9[11].12c) urugrāháir bāhvaṅkáir vídhyāmítrān nyarbude ||  
12||

(AVŚ\_11,9[11].13a) múhyantv eṣām bāhávaś cittākūtām ca yád  
dhṛdī |  
(AVŚ\_11,9[11].13c) máiṣām úc cheṣi kíṃ caná radité arbude táva ||  
13||

(AVŚ\_11,9[11].14a) pratighnānāḥ sám dhāvántúraḥ paṭaurāv  
āghnānāḥ |  
(AVŚ\_11,9[11].14c) aghārīṇīr vikeśyò rudatyāḥ púruṣe haté radité  
arbude táva ||14||

(AVŚ\_11,9[11].15a) śvānvatīr apsaráso rúpakā utārbude |  
(AVŚ\_11,9[11].15c) antaḥpātré rérihatīm riśām durṇihitaiṣiṇīm |  
(AVŚ\_11,9[11].15e) sárvās tá arbude tvám amítṛebhyo dṛśé

kurūdārāṃś ca prá darśaya ||15||

(AVŚ\_11,9[11].16a) khaḍḍre 'dhicaṅkramāṃ khárvikāṃ  
kharvavāsínīm |

(AVŚ\_11,9[11].16c) yá udārā antárhita gandharvāpsarásaś ca yé |

(AVŚ\_11,9[11].16e) sarpā itarajanā rākṣāṃsi ||16||

(AVŚ\_11,9[11].17a) caturdaṃṣṭrāṃ chyāvadataḥ kumbhámuṣkāṃ  
áśṛṇmukhān |

(AVŚ\_11,9[11].17c) svabhyasā yé codbhyasāḥ ||17||

(AVŚ\_11,9[11].18a) úd vepaya tvám arbude 'mítrāṇām amúḥ sícaḥ |

(AVŚ\_11,9[11].18c) jáyaṃś ca jiṣṇús cāmítrāṃ jáyatām

índramedinau ||18||

(AVŚ\_11,9[11].19a) práblīno mṛditāḥ śayāṃ hatò 'mítro nyarbude |

(AVŚ\_11,9[11].19c) agnijihvá dhūmaśikhā jáyantīr yantu sénayā ||  
19||

(AVŚ\_11,9[11].20a) táyārbude práṇuttānām índro hantu  
váraṃvaram |

(AVŚ\_11,9[11].20c) amítrāṇām śácīpátir māmíṣāṃ moci kás caná ||  
20|| {26}

(AVŚ\_11,9[11].21a) út kasantu hṛdayāny ūrdhvāḥ prāṇá úd īṣatu |

(AVŚ\_11,9[11].21c) śauṣkāsyām ánu vartatām amítrān mótá  
mitríṇaḥ ||21||

(AVŚ\_11,9[11].22a) yé ca dhírā yé cádhīrāḥ párāñco badhirás ca yé |

(AVŚ\_11,9[11].22c) tamasā yé ca tūparā átho bastābhivāsínaḥ |

(AVŚ\_11,9[11].22e) sárvāṃs tám arbude tvám amítrebhyo dṛśé  
kurūdārāṃś ca prá darśaya ||22||

(AVŚ\_11,9[11].23a) árbudís ca tríṣandhís cāmítrān no ví vidhyatām |

(AVŚ\_11,9[11].23c) yáthaiṣām indra vṛtrahan hánāma śácīpate  
'mítrāṇām sahasraśāḥ ||23||

(AVŚ\_11,9[11].24a) vānaspátīn vānaspatyān óṣadhīr utá vīrúdhaḥ |

(AVŚ\_11,9[11].24c) gandharvāpsarasaḥ sarpān devān puṇyajanān  
pitṛṇ |

(AVŚ\_11,9[11].24e) sárvāṃs tám arbude tvám amítrebhyo dṛśé  
kurūdārāṃś ca prá darśaya ||24||

(AVŚ\_11,9[11].25a) īśāṃ vo marúto devá ādityó bráhmaṇaspátīḥ |

(AVŚ\_11,9[11].25c) īśāṃ va índraś cāgnís ca dhātā mitráḥ prajāpátīḥ  
|

(AVŚ\_11,9[11].25e) īśāṃ va řṣayaś cakrur amítreṣu samīkṣāyan  
radité arbude táva ||25||

(AVŚ\_11,9[11].26a) téṣāṃ sárveṣāṃ íśānā út tiṣṭhata sám  
nahyadhvam |

(AVŚ\_11,9[11].26c) mītrā dévajana yūyám imám saṃgrāmám  
saṃjītya yathālokám ví tiṣṭhadhvam ||26|| {27}

(AVŚ\_11,10[12].1a) út tiṣṭhata sám nahyadhvam údārāḥ ketúbhiḥ  
sahá |

(AVŚ\_11,10[12].1c) sárpā ítarajana rákṣāṃsy amítrān ánu dhāvata ||  
1||

(AVŚ\_11,10[12].2a) íśām vo veda rájyaṃ trīṣandhe aruṇáḥ ketúbhiḥ  
sahá |

(AVŚ\_11,10[12].2c) yé antárikṣe yé diví pṛthivyām yé ca mānavāḥ |

(AVŚ\_11,10[12].2e) trīṣandhes té cétasi durṇāmāna úpāsātām ||2||

(AVŚ\_11,10[12].3a) áyomukhāḥ sūcímukhā átho vikaṅkatímukhāḥ |

(AVŚ\_11,10[12].3c) kravýādo vātaraṃhasa á sajantv amítrān  
vájreṇa trīṣandhinā ||3||

(AVŚ\_11,10[12].4a) antár dhehi jātaveda áditya kúṇapaṃ bahú |

(AVŚ\_11,10[12].4c) trīṣandher iyám sénā súhitāstu me vāse ||4||

(AVŚ\_11,10[12].5a) út tiṣṭha tvám devajanārbude sénayā sahá |

(AVŚ\_11,10[12].5c) ayám balír va áhutas trīṣandher áhutiḥ priyā ||  
5||

(AVŚ\_11,10[12].6a) śitipadī sám dyatu śaravyèyám cátuṣpadī |

(AVŚ\_11,10[12].6c) kṛtye 'mítrebhyo bhava trīṣandheḥ sahá sénayā  
||6||

(AVŚ\_11,10[12].7a) dhūmākṣí sám patatu kṛdhuḁkarṇí ca krośatu |

(AVŚ\_11,10[12].7c) trīṣandheḥ sénayā jité aruṇāḥ santu ketávaḥ ||  
7||

(AVŚ\_11,10[12].8a) ávāyantām pakṣíṇo yé váyāṃsy antárikṣe diví  
yé cāranti |

(AVŚ\_11,10[12].8c) śvápado mākṣikāḥ sám rabhantām āmādo  
gṛdhrāḥ kúṇape radantām ||8||

(AVŚ\_11,10[12].9a) yám índreṇa saṃdhām samádhatthā bráhmaṇā  
ca bṛhaspate |

(AVŚ\_11,10[12].9c) táyāhám indrasaṃdháyā sárvān devān ihá huva  
itó jayata māmútaḥ ||9||

(AVŚ\_11,10[12].10a) bṛhaspátir āṅgirasá řsayo bráhmasaṃśitāḥ |

(AVŚ\_11,10[12].10c) asurakṣáyaṇaṃ vadhām trīṣandhiṃ divy  
áśrayan ||10|| {28}

(AVŚ\_11,10[12].11a) yénāsáu guptá ādityá ubhāv índraś ca  
tīṣṭhataḥ |  
(AVŚ\_11,10[12].11c) trīṣandhiṃ devā abhajantáuḥ ca bālāya ca ||  
11||

(AVŚ\_11,10[12].12a) sārvaṃ lokānt sám ajayan devā āhutyānāyā |  
(AVŚ\_11,10[12].12c) bṛhaspátir āṅgirasó vājraṃ yám  
āsiñcatāsuraḥśaṇaṃ vadhām ||12||

(AVŚ\_11,10[12].13a) bṛhaspátir āṅgirasó vājraṃ yám  
āsiñcatāsuraḥśaṇaṃ vadhām |  
(AVŚ\_11,10[12].13c) ténāhām amúṃ sēnāṃ ní limpāmi bṛhaspate  
'mítrān hanmy ójasā ||13||

(AVŚ\_11,10[12].14a) sārve devā atyāyanti yé aśnānti váṣatkṛtam |  
(AVŚ\_11,10[12].14c) imāṃ juṣadhvam āhutim itó jayata māmútaḥ ||  
14||

(AVŚ\_11,10[12].15a) sārve devā atyāyantu trīṣandher āhutiḥ priyā |  
(AVŚ\_11,10[12].15c) saṃdhāṃ mahatīm rakṣata yáyāgre āsurā jitāḥ  
||15||

(AVŚ\_11,10[12].16a) vāyúr amítrāṇāṃ iṣvagrāṇy āñcatu |  
(AVŚ\_11,10[12].16c) índra eṣāṃ bāhún práti bhanaktu má śakan  
pratidhām íṣum |  
(AVŚ\_11,10[12].16e) ādityá eṣāṃ astrāṃ ví nāśayatu candrá mā  
yutām ágatasya pánthām ||16||

(AVŚ\_11,10[12].17a) yádi preyúr devapurā bráhma vármāṇi cakriré |  
(AVŚ\_11,10[12].17c) tanūpāṇaṃ paripāṇaṃ kṛṇvāná yád upociré  
sárvaṃ tát arasāṃ kṛdhi ||17||

(AVŚ\_11,10[12].18a) kravyādānuvartāyan mṛtyúnā ca puróhitam |  
(AVŚ\_11,10[12].18c) trīṣandhe préhi sēnayā jáyāmítrān prá  
padyasva ||18||

(AVŚ\_11,10[12].19a) trīṣandhe támasā tvám amítrān pári vāraya |  
(AVŚ\_11,10[12].19c) pṛṣadājyāpraṇuttānāṃ māmíṣāṃ moci kás  
caná ||19||

(AVŚ\_11,10[12].20a) śitipadí sám paṭatv amítrāṇāṃ amúḥ sícaḥ |  
(AVŚ\_11,10[12].20c) múhyantv adyāmúḥ sēnā amítrāṇāṃ nyarbude  
||20|| {29}

(AVŚ\_11,10[12].21a) mūḍhā amítrā nyarbude jahy èṣāṃ  
váraṃvaram |  
(AVŚ\_11,10[12].21c) anáyā jahi sēnayā ||21||

(AVŚ\_11,10[12].22a) yás ca kavací yás cākavacò 'mítro yás cájmani  
|  
(AVŚ\_11,10[12].22c) jyāpāśáiḥ kavacapāśáir ájmanābhíhataḥ śáyām  
||22||

(AVŚ\_11,10[12].23a) yé varmíṇo yè 'varmāṇo amítrā yé ca varmíṇaḥ  
|  
(AVŚ\_11,10[12].23c) sárvaṃs táṃ arbude hatám chváno 'dantu  
bhúmyām ||23||

(AVŚ\_11,10[12].24a) yé rathíno yé arathá asādá yé ca sādínaḥ |  
(AVŚ\_11,10[12].24c) sárvaṇ adantu tán hatán gṛdhrāḥ śyenāḥ  
patatrínaḥ ||24||

(AVŚ\_11,10[12].25a) sahásrakuṇapā śetām āmitrí sénā samaré  
vadhānām |  
(AVŚ\_11,10[12].25c) víviddhā kakajākṛtā ||25||

(AVŚ\_11,10[12].26a) marmāvídhaṃ róruvataṃ suparṇáir adantu  
duścītaṃ mṛditám śáyānam |  
(AVŚ\_11,10[12].26c) yá imám prátícim áhutim amítro no yúyutsati ||  
26||

(AVŚ\_11,10[12].27a) yám devá anutíṣṭhanti yásyā násti viráadhanam  
|  
(AVŚ\_11,10[12].27c) táyéndro hantu vṛtrahá vájreṇa tríṣandhinā ||  
27|| {30}

(AVŚ\_12,1.1a) satyám bṛhád ṛtám ugrám dīkṣá tápo bráhma yajñáḥ  
pṛthivīm dhārayanti |  
(AVŚ\_12,1.1c) sá no bhūtásya bhávyasya pátny urúm lokám pṛthiví  
naḥ kṛṇotu ||1||

(AVŚ\_12,1.2a) asaṃbādhám madhyató mānavánām yásyā udvátaḥ  
pravátaḥ samám bahú |  
(AVŚ\_12,1.2c) nānāvīryā óṣadhīr yá bíbharti pṛthiví naḥ prathatām  
rádhyatām naḥ ||2||

(AVŚ\_12,1.3a) yásyām samudrá utá síndhur ápo yásyām ánnaṃ  
kṛṣṭáyāḥ saṃbabhūvúḥ |  
(AVŚ\_12,1.3c) yásyām idám jínvati prāṇád éjat sá no bhúmiḥ  
pūrvapéye dadhātu ||3||

(AVŚ\_12,1.4a) yásyās cátasraḥ pradísāḥ pṛthivyá yásyām ánnaṃ  
kṛṣṭáyāḥ saṃbabhūvúḥ |  
(AVŚ\_12,1.4c) yá bíbharti bahudhá prāṇád éjat sá no bhúmir góṣv  
ápy ánne dadhātu ||4||

(AVŚ\_12,1.5a) yáśyāṃ pūrve pūrvajanā vicakriré yáśyāṃ devā  
ásurān abhyāvartayan |  
(AVŚ\_12,1.5c) gávām áśvānāṃ váyasaś ca viṣṭhā bhágam vārcaḥ  
pṛthivī no dadhātu ||5||

(AVŚ\_12,1.6a) viśvaṃbharā vasudhānī pratiṣṭhā hiraṇyavakṣā  
jāgato nivéśanī |  
(AVŚ\_12,1.6c) vaiśvānarāṃ bíbhratī bhúmir agnīm índraṣabhā  
dráviṇe no dadhātu ||6||

(AVŚ\_12,1.7a) yām rákṣanty asvapnā viśvadānīm devā bhúmiṃ  
pṛthivīm ápramādam |  
(AVŚ\_12,1.7c) sá no mādhu priyāṃ duhām átho ukṣatu vārcasā ||7||

(AVŚ\_12,1.8a) yārṇavé 'dhi salilām ágra ásīt yām māyābhir  
anvácaran manīṣīṇaḥ |  
(AVŚ\_12,1.8c) yáśyā hṛdayaṃ paramé vyòmant satyénāvṛtam  
amṛtāṃ pṛthivyāḥ |  
(AVŚ\_12,1.8e) sá no bhúmis tvīṣiṃ bálaṃ rāṣṭré dadhātūttamé ||8||

(AVŚ\_12,1.9a) yáśyām āpaḥ paricarāḥ samānīr ahorātré ápramādaṃ  
kṣāranti |  
(AVŚ\_12,1.9c) sá no bhúmir bhúridhārā páyo duhām átho ukṣatu  
vārcasā ||9||

(AVŚ\_12,1.10a) yām aśvínāv ámimātāṃ víṣṇur yáśyāṃ vicakramé |  
(AVŚ\_12,1.10c) índro yām cakrá ātmāne 'namitrāṃ sácīpátīḥ |  
(AVŚ\_12,1.10e) sá no bhúmir ví sṛjatāṃ mātá putráya me páyaḥ ||  
10|| {1}

(AVŚ\_12,1.11a) giráyas te párvatā himávantó 'raṇyaṃ te pṛthivi  
syonām astu |  
(AVŚ\_12,1.11c) babhrúm kṛṣṇāṃ róhiṇīm viśvárūpāṃ dhruvāṃ  
bhúmiṃ pṛthivīm índraguptām |  
(AVŚ\_12,1.11e) ájītó 'hato ákṣató 'dhy aṣṭhām pṛthivīm áham ||11||

(AVŚ\_12,1.12a) yát te mādhyāṃ pṛthivi yác ca nábhyaṃ yás ta úrjas  
tanvāḥ saṃbabhūvúḥ |  
(AVŚ\_12,1.12c) tásu no dhehy abhí naḥ pavasva mātá bhúmiḥ putró  
ahām pṛthivyāḥ parjányaḥ pitá sá u naḥ pipartu ||12||

(AVŚ\_12,1.13a) yáśyāṃ védīm parigrṇānti bhúmyāṃ yáśyāṃ  
yajñāṃ tanváte viśvákarmāṇaḥ |  
(AVŚ\_12,1.13c) yáśyāṃ mīyānte sváravaḥ pṛthivyām ūrdhvāḥ súkrā  
āhutyāḥ purástāt |  
(AVŚ\_12,1.13e) sá no bhúmir vardhayad vārdhamānā ||13||

(AVŚ\_12,1.14a) yó no dvéṣat pṛthivi yáḥ pṛtanyád yó 'bhidāsān

mānasā yó vadhéna |

(AVŚ\_12,1.14c) tám no bhūme randhaya pūrvakṛtvari ||14||

(AVŚ\_12,1.15a) tváj jātās tváyi caranti mártiās tvám bibharṣi

dvipādas tvám cátuṣpadaḥ |

(AVŚ\_12,1.15c) távemé pṛthivi páñca mānavā yébhyo jyótir amṛtaṁ  
mártiyebya udyánt sūryo raśmíbhīr ātanóti ||15||

(AVŚ\_12,1.16a) tá naḥ prajāḥ sám duhratām samagrā vācá mádhu  
pṛthivi dhehi máhyam ||16||

(AVŚ\_12,1.17a) viśvasvām mātáram óṣadhīnām dhruvām bhūmim  
pṛthivīm dhármaṇā dhṛtām |

(AVŚ\_12,1.17c) śivām syonām ánu carema viśvāhā ||17||

(AVŚ\_12,1.18a) mahát sadhásthām mahatí babhúvitha mahán véga  
ejáthur vepáthuṣ te |

(AVŚ\_12,1.18c) mahāms tvéndro rakṣaty ápramādam |

(AVŚ\_12,1.18e) sá no bhūme prá rocaya híraṇyasyeva samdṛśi má  
no dvikṣata kás caná ||18||

(AVŚ\_12,1.19a) agnír bhūmyām óṣadhīṣv agním āpo bibhraty agnír  
ásmasu |

(AVŚ\_12,1.19c) agnír antáḥ púruṣeṣu góṣv áśveṣv agnáyaḥ ||19||

(AVŚ\_12,1.20a) agnír divá á tapaty agnér devásyorv àntárikṣam |

(AVŚ\_12,1.20c) agním mártāsa indhate havyavāham ghṛtapríyam ||  
20|| {2}

(AVŚ\_12,1.21a) agnívāsāḥ pṛthivy àsitajñús tvíṣimantaṁ sámśitaṁ  
mā kṛṇotu ||21||

(AVŚ\_12,1.22a) bhūmyām devébhyo dadati yajñām havyám  
áramkṛtam |

(AVŚ\_12,1.22c) bhūmyām manuṣyā jīvanti svadháyānnena mártiāḥ  
|

(AVŚ\_12,1.22e) sá no bhūmih prāṇām áyur dadhātu jarádaṣṭim mā  
pṛthiví kṛṇotu ||22||

(AVŚ\_12,1.23a) yás te gandhāḥ pṛthivi sambabhúva yám bíbhraty  
óṣadhayo yám āpaḥ |

(AVŚ\_12,1.23c) yám gandharvā apsarásaś ca bhejiré téna mā  
surabhím kṛṇu má no dvikṣata kás caná ||23||

(AVŚ\_12,1.24a) yás te gandhāḥ púṣkaram āvivéśa yám samjabhrúḥ  
sūryāyā vivāhé |

(AVŚ\_12,1.24c) ámartyāḥ pṛthivi gandhám ágre téna má surabhím  
kṛṇu má no dvikṣata kás caná ||24||

(AVŚ\_12,1.25a) yás te gandháḥ púruṣeṣu strīṣú puṃsú bhágo rúciḥ |  
(AVŚ\_12,1.25c) yó áśveṣu vīreṣu yó mṛgésūtá hastīṣu |  
(AVŚ\_12,1.25e) kanyāyām vārco yád bhūme ténāsmām āpi sám srja  
mā no dvikṣata kás caná ||25||

(AVŚ\_12,1.26a) śilā bhūmir ásmā pāṃsúḥ sá bhūmiḥ sám̐dhṛtā  
dhṛtā |  
(AVŚ\_12,1.26c) tásyai híraṇyavakṣase pṛthivyā akaram námaḥ ||26||

(AVŚ\_12,1.27a) yásyām vṛkṣā vānaspatyā dhruvās tīṣṭhanti viśvāhā  
|  
(AVŚ\_12,1.27c) pṛthivīm viśvādhāyasam dhṛtām achāvadāmasi ||  
27||

(AVŚ\_12,1.28a) udīrāṇā utāsīnās tīṣṭhantaḥ prakrāmantaḥ |  
(AVŚ\_12,1.28c) padbhyām dakṣiṇasavyābhyām mā vyathiṣmahi  
bhūmyām ||28||

(AVŚ\_12,1.29a) vimṛgvarīm pṛthivīm ā vadāmi kṣamām bhūmim  
brāhmaṇā vāvṛdhānām |  
(AVŚ\_12,1.29c) ūrjam puṣṭām bíbhratīm annabhāgām ghṛtām tvābhi  
ní śīdema bhūme ||29||

(AVŚ\_12,1.30a) śuddhā na āpas tanvè kṣarantu yó naḥ sédur āpriye  
tām ní dadhmaḥ |  
(AVŚ\_12,1.30c) pavítreṇa pṛthivi mót punāmi ||30|| {3}

(AVŚ\_12,1.31a) yás te prācīḥ pradīso yā údīcīr yás te bhūme  
adharād yás ca paścāt |  
(AVŚ\_12,1.31c) syonās tá máhyaṃ cārate bhavantu mā ní paptam  
bhūvane śīśriyāṇāḥ ||31||

(AVŚ\_12,1.32a) mā naḥ paścān mā purástān nudiṣṭhā móttarād  
adharād utá |  
(AVŚ\_12,1.32c) svastí bhūme no bhava mā vidan paripanthíno  
várīyo yāvayā vadhām ||32||

(AVŚ\_12,1.33a) yāvat te 'bhí vipáśyāmi bhūme sūryeṇa medínā |  
(AVŚ\_12,1.33c) távan me cákṣur mā meṣṭóttarāmuttarām sámām ||  
33||

(AVŚ\_12,1.34a) yác chāyānaḥ paryāvarte dáksīṇam sakhyām abhí  
bhūme pārśvām uttānās tvā pratīcīm yát pṛṣṭībhir adhiśémahe |  
(AVŚ\_12,1.34c) mā hiṃsīs tatra no bhūme sárvasya pratiśīvari ||34||

(AVŚ\_12,1.35a) yát te bhūme vikhánāmi kṣiprām tát āpi rohatu |  
(AVŚ\_12,1.35c) mā te márma vimṛgvari mā te hṛdayam arpipam ||  
35||



(AVŚ\_12,1.36a) grīṣmās te bhūme varṣāṇi śarād dhemantāḥ śíśiro  
vasantāḥ |

(AVŚ\_12,1.36c) ṛtāvas te víhitā hāyanír ahorātré pṛthivi no duhātām  
||36||

(AVŚ\_12,1.37a) yāpa sarpāṃ vijāmānā vimṛgvarī yāsyām āsann  
agnāyo yé apsv àntāḥ |

(AVŚ\_12,1.37c) párā dāsyūn dādatī devapīyūn índraṃ vṛṇāná pṛthiví  
ná vṛtrám śakráya dadhre vṛṣabhāya vṛṣṇe ||37||

(AVŚ\_12,1.38a) yāsyām sadohavirdhāné yúpo yāsyām nimīyáte |

(AVŚ\_12,1.38c) brahmāno yāsyām árcanty ṛgbhíḥ sámnā yajurvídaḥ  
yuyjānte yāsyām ṛtvíjaḥ sómam índrāya pátave ||38||

(AVŚ\_12,1.39a) yāsyām púrve bhūtakṛta ṛṣayo gā údānṛcúḥ |

(AVŚ\_12,1.39c) saptá satréṇa vedhāso yajñéna tápasā sahá ||39||

(AVŚ\_12,1.40a) sá no bhúmir á díśatu yád dhánaṃ kāmáyāmahe |

(AVŚ\_12,1.40c) bhágo anupráyuñktām índra etu purogaváḥ ||40||  
{4}

(AVŚ\_12,1.41a) yāsyām gāyanti nṛtyanti bhúmyām mártiyā  
vyàilabāḥ |

(AVŚ\_12,1.41c) yudhyānte yāsyām ākrandó yāsyām vādati  
dundūbhíḥ |

(AVŚ\_12,1.41e) sá no bhúmih prá ṇudatām sapátnān asapátnām mā  
pṛthiví kṛṇotu ||41||

(AVŚ\_12,1.42a) yāsyām ánnam vrīhiyaváu yāsyā imāḥ páñca  
kṛṣṭáyāḥ |

(AVŚ\_12,1.42c) bhúmyai parjányapatnyai námo 'stu varṣāmedase ||  
42||

(AVŚ\_12,1.43a) yāsyāḥ púro devákṛtāḥ kṣétre yāsyā vikurváte |

(AVŚ\_12,1.43c) prajāpatih pṛthivīm viśvágārbhām áśāmāśām  
ráṇyām naḥ kṛṇotu ||43||

(AVŚ\_12,1.44a) nidhīm bíbhratī bahudhá gúhā vásu maṇīm  
híraṇyam pṛthiví dadātu me |

(AVŚ\_12,1.44c) vásūni no vasudā rāsamānā deví dadhātu  
sumānasyāmānā ||44||

(AVŚ\_12,1.45a) jánaṃ bíbhratī bahudhá vívācasam  
nānādharmāṇam pṛthiví yathaukasám |

(AVŚ\_12,1.45c) sahásraṃ dhārā dráviṇasya me duhām dhruvéva  
dhenúr ánapasphurantī ||45||

(AVŚ\_12,1.46a) yás te sarpó vṛścikas tṛṣṭádaṃśmā hemantájabdho  
bhṛmaló gúhā śáye |

(AVŚ\_12,1.46c) krímir jínvat pṛthivi yádyad éjati prāvṛṣi tán naḥ  
sárpaṇ mópa sṛpad yác chivám téna no mṛḍa ||46||

(AVŚ\_12,1.47a) yé te pánthāno bahávo janáyanā ráthasya  
vártmānasaś ca yátave |

(AVŚ\_12,1.47c) yáih saṃcáranty ubháye bhadrapāpās tám  
pánthānaṃ jayemānamitrám ataskaráṃ yác chivám téna no mṛḍa ||  
47||

(AVŚ\_12,1.48a) malvám bíbhratī gurubhṛd bhadrapāpásya  
nidhānaṃ titikṣúḥ |

(AVŚ\_12,1.48c) varāhéṇa pṛthiví saṃvidāná sūkarāya ví jihīte  
mṛgāya ||48||

(AVŚ\_12,1.49a) yé ta āraṇyāḥ paśávo mṛgá váne hitāḥ siṃhá  
vyāghráḥ puruṣādaś cáranti |

(AVŚ\_12,1.49c) ulám vṛkaṃ pṛthivi duchúnām itá ṛkṣíkām rákṣo ápa  
bādhayāsmát ||49||

(AVŚ\_12,1.50a) yé gandharvá apsaráso yé cārāyāḥ kimīdínaḥ |

(AVŚ\_12,1.50c) piśācānt sárva rákṣāṃsi tán asmád bhūme yāvaya ||  
50|| {5}

(AVŚ\_12,1.51a) yām dvipádaḥ pakṣínaḥ saṃpátanti haṃsāḥ  
supārṇāḥ śakunā váyāṃsi |

(AVŚ\_12,1.51c) yásyām váto mātariśvéyate rájāṃsi kṛṇvámś  
cyāváyāṃś ca vṛkṣān |

(AVŚ\_12,1.51e) vātasya pravám upavám ánu vāty arcíḥ ||51||

(AVŚ\_12,1.52a) yásyām kṛṣṇám aruṇám ca sámhite ahorātré víhite  
bhúmyām ádhi |

(AVŚ\_12,1.52c) varṣéṇa bhúmiḥ pṛthiví vṛtávṛtā sá no dadhātu  
bhadráyā priyé dhāmanidhāmani ||52||

(AVŚ\_12,1.53a) dyáuś ca ma idám pṛthiví cāntárikṣaṃ ca me vyácaḥ  
|

(AVŚ\_12,1.53c) agníḥ sūrya ápo medháṃ víśve devás ca sám daduḥ  
||53||

(AVŚ\_12,1.54a) ahám asmi sáhamāna úttaro náma bhúmyām |

(AVŚ\_12,1.54c) abhīśāḍ asmi viśvāśāḍ āśāmāśām viśāsahíḥ ||54||

(AVŚ\_12,1.55a) adó yád devi práthamānā purástād deváir uktá  
vyásarpo mahitvám |

(AVŚ\_12,1.55c) á tvā subhūtám aviśat tadānīm ákalpayathāḥ  
pradíśaś cátsraḥ ||55||

(AVŚ\_12,1.56a) yé grāmā yád áraṇyaṃ yāḥ sabhá ádhi bhúmyām |

(AVŚ\_12,1.56c) yé saṃgrāmāḥ sámityas téṣu cáru vadema te ||56||

(AVŚ\_12,1.57a) áśva iva rájo dudhuve ví tñn jánān yá ákṣiyan  
pṛthivīm yád ájāyata |  
(AVŚ\_12,1.57c) mandrágrétvarī bhúvanasya gopá vānaspátīnām  
gṛbhīr óśadhīnām ||57||

(AVŚ\_12,1.58a) yád vādāmi mādhumat tát vadāmi yád íkṣe tát  
vananti mā |  
(AVŚ\_12,1.58c) tvíṣīmān asmi jūtimān ávānyān hanmi dódhataḥ ||  
58||

(AVŚ\_12,1.59a) śantivā surabhīḥ syonā kīlālodhnī páyasvatī |  
(AVŚ\_12,1.59c) bhúmir ádhi bravītu me pṛthivī páyasā sahá ||59||

(AVŚ\_12,1.60a) yām anváichad dhavíṣā viśvákarmāntár arṇavé  
rájasī práviṣṭām |  
(AVŚ\_12,1.60c) bhujiṣyām pátraṃ níhitam gúhā yád āvīr bhóge  
abhavan mātṛmádbhyaḥ ||60||

(AVŚ\_12,1.61a) tvám asy āvápanī jánānām áditiḥ kāmádúghā  
paprāthāná |  
(AVŚ\_12,1.61c) yát ta ūnām tát ta á pūrayāti prajāpatiḥ prathamajā  
ṛtasya ||61||

(AVŚ\_12,1.62a) upasthās te anamīvā ayakṣmā asmábhyaṃ santu  
pṛthivi práśūtāḥ |  
(AVŚ\_12,1.62c) dīrghām na áyuh pratibúdhyamānā vayām túbhyaṃ  
balihīṭaḥ syāma ||62||

(AVŚ\_12,1.63a) bhúme mātár ní dhehi mā bhadráyā súpratiṣṭhitam |  
(AVŚ\_12,1.63c) saṃvidāná divá kave śriyām mā dhehi bhútyām ||  
63|| {6}

(AVŚ\_12,2.1a) naḍám á roha ná te átra loká idám sísaṃ  
bhāgadhéyaṃ ta éhi |  
(AVŚ\_12,2.1c) yó góṣu yákṣmaḥ púruṣeṣu yákṣmas téna tvám  
sākám adharān párehi ||1||

(AVŚ\_12,2.2a) aghaśaṃsaduḥśaṃsábhyaṃ karéṇānukaréṇa ca |  
(AVŚ\_12,2.2c) yákṣmaṃ ca sárvaṃ téneto mṛtyúm ca nír ajāmasi ||  
2||

(AVŚ\_12,2.3a) nír itó mṛtyúm nírṛtiṃ nír árātim ajāmasi |  
(AVŚ\_12,2.3c) yó no dvéṣṭi tám addhy agne akravyād yám u  
dviṣmās tám u te prá suvāmasi ||3||

(AVŚ\_12,2.4a) yády agníḥ kravyād yádi vā vyāghrá imám goṣṭhām

pravivésānyokāḥ |

(AVŚ\_12,2.4c) tám māsājyaṃ kṛtvā prā hiṇomi dūrāṃ sá gachatv  
apsuśádó 'py agnín ||4||

(AVŚ\_12,2.5a) yát tvā kruddhāḥ pracakrúr manyúnā púruṣe mṛté |

(AVŚ\_12,2.5c) sukálpam agne tát tváyā púnas tvód dīpayāmasi ||5||

(AVŚ\_12,2.6a) púnas tvādityā rudrá vásavaḥ púnar brahmā vásunītir  
agne |

(AVŚ\_12,2.6c) púnas tvā bráhmaṇas pátir ádhād dīrghāyutvāya  
śatāśāradāya ||6||

(AVŚ\_12,2.7a) yó agníḥ kravyāt pravivésa no gṛhām imām pásyann  
ítaraṃ jātávedasam |

(AVŚ\_12,2.7c) tám harāmi pitṛyajñāya dūrāṃ sá gharmām indhām  
paramé sadhásthe ||7||

(AVŚ\_12,2.8a) kravyādam agnīm prā hiṇomi dūrāṃ yamarājño  
gachatu ripravāhāḥ |

(AVŚ\_12,2.8c) iháyám ítaro jātávedā devó devébhyo havyām vahatu  
prajānán ||8||

(AVŚ\_12,2.9a) kravyādam agnīm iṣitó harāmi jánān dṛmḥantaṃ  
vājreṇa mṛtyúm |

(AVŚ\_12,2.9c) ní tám śāsmi gārhapatyena vidván pitṛñām loké 'pi  
bhāgó astu ||9||

(AVŚ\_12,2.10a) kravyādam agnīm śāsamānām ukthyām prā hiṇomi  
pathībhiḥ pitṛyāñaiḥ |

(AVŚ\_12,2.10c) mās devayāñaiḥ púnar á gā átraiváidhi pitṛṣu jāgṛhi  
tvám ||10|| {7}

(AVŚ\_12,2.11a) sám indhate sámkasukaṃ svastáye súddhā  
bhávantaḥ súcayaḥ pāvakāḥ |

(AVŚ\_12,2.11c) jáhāti riprám áty éna eti sámiddho agníḥ supúnā  
punāti ||11||

(AVŚ\_12,2.12a) devó agníḥ sámkasuko divás pṛsthāny áruhat |

(AVŚ\_12,2.12c) mucyāmāno nír éṇasó 'mog asmāñ áśastyāḥ ||12||

(AVŚ\_12,2.13a) asmín vayām sámkasuke agnáu riprāṇi mṛjmahe |

(AVŚ\_12,2.13c) ábhūma yajñíyāḥ súddhāḥ prā ṇa áyūṃṣi tāriṣat ||  
13||

(AVŚ\_12,2.14a) sámkasuko víkasuko nirṛthó yás ca nisvarāḥ |

(AVŚ\_12,2.14c) té te yákṣmaṃ sávedaso dūrād dūrāṃ anīnaśan ||  
14||

(AVŚ\_12,2.15a) yó no áśveṣu vīreṣu yó no góṣv ajāvíṣu |

(AVŚ\_12,2.15c) kravyādam nír ṇudāmasi yó agnír janayópanaḥ ||15||

(AVŚ\_12,2.16a) ányebhyas tvā púruṣebhyo góbhyo ásvebhyas tvā |  
(AVŚ\_12,2.16c) níḥ kravyādaṃ nudāmasi yó agnír jīvitayópanaḥ ||  
16||

(AVŚ\_12,2.17a) yásmin devā ámr̥jata yásmin manuṣyā utá |  
(AVŚ\_12,2.17c) tásmin ghr̥tastávo mṛṣṭvā tvám agne dívaṃ ruha ||  
17||

(AVŚ\_12,2.18a) sámiddho agna āhuta sá no mǎbhyápakramīḥ |  
(AVŚ\_12,2.18c) átraivá dīdihi dyávi jyók ca sūryaṃ dṛśé ||18||

(AVŚ\_12,2.19a) síse mṛḍḍhvaṃ naḍé mṛḍḍhvaṃ agnáu sámkasuke  
ca yāt |  
(AVŚ\_12,2.19c) átho ávyāṃ rāmāyāṃ śīrṣaktím upabárhaṇe ||19||

(AVŚ\_12,2.20a) síse málaṃ sādāyitvā śīrṣaktím upabárhaṇe |  
(AVŚ\_12,2.20c) ávyāṃ ásiknyāṃ mṛṣṭvā śuddhá bhavata yajñíyāḥ ||  
20|| {8}

(AVŚ\_12,2.21a) páraṃ mṛtyo ánu párehi pánthāṃ yás ta eṣá ítaro  
devāyānāt |  
(AVŚ\_12,2.21c) cákṣuṣmate śṛṇvaté te bravīmīhémé vīrá bahávo  
bhavantu ||21||

(AVŚ\_12,2.22a) imé jīvā ví mṛtáir ávavṛtrann ábhūd bhadrá  
deváhutir no adyá |  
(AVŚ\_12,2.22c) práñco agāma nṛtáye hásāya suvírāso vidátham á  
vadema ||22||

(AVŚ\_12,2.23a) imám jīvébhyaḥ paridhím dadhāmi máiṣāṃ nú gād  
áparo ártham etám |  
(AVŚ\_12,2.23c) śatám jīvantāḥ śarádaḥ purūcís tiró mṛtyúṃ  
dadhatām párvatena ||23||

(AVŚ\_12,2.24a) á rohatáyur jarásaṃ vṛṇāná anupūrvám yátamānā  
yāti sthá |  
(AVŚ\_12,2.24c) tán vas tváṣṭā sujánimā sajósāḥ sárvaṃ áyur nayatu  
jīvanāya ||24||

(AVŚ\_12,2.25a) yáthāhāny anupūrvám bhavanti yátha rtáva ṛtúbhir  
yánti sākám |  
(AVŚ\_12,2.25c) yáthā na pūrvam áparo jáhāty evá dhātar áyūṃṣi  
kalpayaiṣām ||25||

(AVŚ\_12,2.26a) áśmanvatī rīyate sám rabhadhvaṃ vīráyadhvaṃ prá  
taratā sakhāyaḥ |  
(AVŚ\_12,2.26c) átrā jahīta yé ásan durévā anamīvān út taremābhi  
vājān ||26||

(AVŚ\_12,2.27a) út tiṣṭhatā prá taratā sakhāyó 'śmanvatī nadī  
syandata iyám |

(AVŚ\_12,2.27c) átrā jahīta yé ásann áśivāḥ śivānt syonān út  
taremābhí vājān ||27||

(AVŚ\_12,2.28a) vaiśvadevīm várcasā á rabhadvam śuddhá  
bhávantaḥ súcayah pāvakāḥ |

(AVŚ\_12,2.28c) atikrāmanto duritā padāni śatām hímāḥ sárvavīrā  
madēma ||28||

(AVŚ\_12,2.29a) udícīnaiḥ pathíbhir vāyumádbhir atikrāmanto 'varān  
párebhiḥ |

(AVŚ\_12,2.29c) tríḥ saptá kṛtva řsayah páretā mṛtyúm práty auhan  
padayópanena ||29||

(AVŚ\_12,2.30a) mṛtyóḥ padām yopáyanta éta drághīya áyuh  
pratarām dádhanāḥ |

(AVŚ\_12,2.30c) áśīnā mṛtyúm nudatā sadhásthé 'tha jīvāso  
vidátham á vadema ||30|| {9}

(AVŚ\_12,2.31a) imá nārīr avidhavāḥ supátnīr āñjanena sarpíṣā sám  
spṛśantām |

(AVŚ\_12,2.31c) anaśrávo anamīvāḥ surátnā á rohantu jánayo yónim  
ágre ||31||

(AVŚ\_12,2.32a) vyákaromi havíṣāhám etáu táu bráhmanā vy àhām  
kalpāyāmi |

(AVŚ\_12,2.32c) svadhām pitṛbhyo ajárām kṛṇomi dīrghéñāyuṣā sám  
imānt sṛjāmi ||32||

(AVŚ\_12,2.33a) yó no agníḥ pitaro hṛtsv àntár āvivésāmṛto  
mártyeṣu |

(AVŚ\_12,2.33c) máyy ahām tam pári gṛhṇāmi devām má só asmān  
dvikṣata má vayām tám ||33||

(AVŚ\_12,2.34a) apāvṛtya gārhapatyāt kravyádā préta dakṣiṇā |

(AVŚ\_12,2.34c) priyām pitṛbhya ātmāne brahmábhyaḥ kṛṇutā  
priyām ||34||

(AVŚ\_12,2.35a) dvibhāgadhanám ādāya prá kṣiṇāty ávartyā |

(AVŚ\_12,2.35c) agníḥ putrásy jyeṣṭhásya yāḥ kravyád ánirāhitaḥ ||  
35||

(AVŚ\_12,2.36a) yát kṛṣáte yád vanute yác ca vasnéna vindáte |

(AVŚ\_12,2.36c) sárvaṁ mártasya tán násti kravyác céd ánirāhitaḥ  
||36||

(AVŚ\_12,2.37a) ayajñiyó hatávarcā bhavati náinena havír áttave |

(AVŚ\_12,2.37c) chinátti kṛṣyá gór dhánād yám kravyád anuvártate || 37||

(AVŚ\_12,2.38a) múhur gṛdhyaiḥ prá vadaty ártim mártyo nítya |  
(AVŚ\_12,2.38c) kravyád yán agnír antikád anuvidván vitávati ||38||

(AVŚ\_12,2.39a) gráhyā gṛhāḥ sám sṛjyante striyá yán mriyáte pátiḥ |  
(AVŚ\_12,2.39c) brahmáivā vidván eṣyò yáḥ kravyádaṃ nirādádhat || 39||

(AVŚ\_12,2.40a) yád ripráṃ sámalaṃ cakṛmá yác ca duṣkṛtám |  
(AVŚ\_12,2.40c) āpo mā tásmāc chumbhantv agnéḥ sámkasukāc ca yát ||40|| {10}

(AVŚ\_12,2.41a) tá adharád údīcīr ávavṛtran prajānaitíḥ pathíbhir devayānaiḥ |  
(AVŚ\_12,2.41c) párvatasya vṛṣabhásyádhi pṛṣṭhé návāś caranti sarítaḥ purāṇíḥ ||41||

(AVŚ\_12,2.42a) ágne akravyān níḥ kravyádaṃ nudá devayájanaṃ vaha ||42||

(AVŚ\_12,2.43a) imám kravyád á viveśāyám kravyádam ánv agāt |  
(AVŚ\_12,2.43c) vyāghráu kṛtvá nānānám tám harāmi śívāparám || 43||

(AVŚ\_12,2.44a) antardhír devánām paridhír manuṣyāṇām agnír gārhapatya ubháyān antarā śritáḥ ||44||

(AVŚ\_12,2.45a) jīvānām áyuh prá tira tvám agne pitṛṇām lokám ápi gachantu yé mṛtáḥ |  
(AVŚ\_12,2.45c) sugārhapatyó vitápann árātim uṣāmuṣām śréyasīm dhehy asmái ||45||

(AVŚ\_12,2.46a) sárvān agne sáhamānaḥ sapátnān áiṣām ūrjaṃ rayím asmāsu dhehi ||46||

(AVŚ\_12,2.47a) imám índraṃ váhniṃ páprim anvárabhadhvaṃ sá vo nír vakṣad duritád avadyát |  
(AVŚ\_12,2.47c) ténāpa hata sárūm āpátantaṃ téna rudrásya pári pātāstám ||47||

(AVŚ\_12,2.48a) anaḍvāhaṃ plavám anvárabhadhvaṃ sá vo nír vakṣad duritád avadyát |  
(AVŚ\_12,2.48c) á rohata savitúr návam etám ṣaḍbhir urvíbhir ámatim tarema ||48||

(AVŚ\_12,2.49a) ahorātré ánv eṣi bíbhrat kṣemyás tíṣṭhan pratáraṇaḥ suvíraḥ |  
(AVŚ\_12,2.49c) ánāturānt sumánasas talpa bíbhraj jyóg evá naḥ

púruṣagandhir edhi ||49||

(AVŚ\_12,2.50a) té devébhya á vṛscante pāpam jīvanti sarvadā |  
(AVŚ\_12,2.50c) kravýād yān agnír antikād áśva ivānuvāpate naḍám  
||50|| {11}

(AVŚ\_12,2.51a) yé 'śraddhá dhanakāmyā kravýādā samāsate |  
(AVŚ\_12,2.51c) té vā anyeṣām kumbhīm paryādadhāti sarvadā ||  
51||

(AVŚ\_12,2.52a) préva pipatiṣati mánasā múhur á vartate púnah |  
(AVŚ\_12,2.52c) kravýād yān agnír antikād anuvidvān vitāvati ||52||

(AVŚ\_12,2.53a) áviḥ kṛṣṇā bhāgadhéyam paśūnām sísam kravýād  
ápi cāndram ta āhuḥ |  
(AVŚ\_12,2.53c) māsāḥ piṣṭā bhāgadhéyam te havyām araṇyānyā  
gāhvaram sacasva ||53||

(AVŚ\_12,2.54a) iṣíkām járatīm iṣtvā tilpíñjam dánḍanam naḍám |  
(AVŚ\_12,2.54c) tám índra idhmám kṛtvā yamasyāgnīm nirādadhau ||  
54||

(AVŚ\_12,2.55a) pratyāñcam arkam pratyarpayitvā pravidvān  
pánthām ví hy āvivéśa |  
(AVŚ\_12,2.55c) párāmíṣām ásūn didéśa dīrghéṇāyuṣā sám imānt  
srjāmi ||55|| {12}

(AVŚ\_12,3.1a) púmān puṃsó 'dhi tiṣṭha cármehi táttra hvayasva  
yataṃ priyā te |  
(AVŚ\_12,3.1c) yāvantāv ágre prathamām sameyáthus tát vām váyo  
yamarājye samānām ||1||

(AVŚ\_12,3.2a) távad vām cákṣus táti vīryāṇi távat téjas tatidhá  
vājīnāni |  
(AVŚ\_12,3.2c) agníḥ śārīram sacate yadáidho 'dhā pakvān mithunā  
sām bhavāthaḥ ||2||

(AVŚ\_12,3.3a) sám asmiṃl loké sám u devayāne sám smā samétaṃ  
yamarājyeṣu |  
(AVŚ\_12,3.3c) pūtáu pavítrair úpa tát dhvayethām yádyad réto ádhi  
vām sambabhúva ||3||

(AVŚ\_12,3.4a) ápas putrāso abhí sám viśadhvam imām jīvām  
jīvadhanyāḥ samétya |  
(AVŚ\_12,3.4c) tāsām bhajadhvam amṛtaṃ yám āhúr odanām pácati  
vām jānitṛi ||4||



(AVŚ\_12,3.5a) yām vām pitā pācati yām ca mātā riprān nīrmuktyai  
śāmalāc ca vācāḥ |  
(AVŚ\_12,3.5c) sā odanāḥ śatādhāraḥ svargā ubhé vy āpa nābhasī  
mahitvā ||5||

(AVŚ\_12,3.6a) ubhé nābhasī ubhāyāṃś ca lokān yé yājvanām  
abhījītāḥ svargāḥ |  
(AVŚ\_12,3.6c) téṣāṃ jyōtiṣmān mādhumān yó āgre tāsmin putráir  
jarāsī sām śrayethām ||6||

(AVŚ\_12,3.7a) prācīmprācīm pradīśam ā rabhethām etām lokām  
śraddādhānāḥ sacante |  
(AVŚ\_12,3.7c) yād vām pakvām páriviṣṭam agnáu tāsya gúptaye  
dāṃpatī sām śrayethām ||7||

(AVŚ\_12,3.8a) dākṣiṇām dīśam abhī nākṣamāṇau paryāvartethām  
abhī pātram etāt |  
(AVŚ\_12,3.8c) tāsmin vām yamāḥ pitṛbhiḥ saṃvidānāḥ pakvāya  
śárma bahulām ní yachāt ||8||

(AVŚ\_12,3.9a) pratīcī dīśām iyām íd váraṃ yāsyaṃ sómo adhipā  
mṛḍitā ca |  
(AVŚ\_12,3.9c) tāsyaṃ śrayethām sukṛtaḥ sacethām ádhā pakván  
mithunā sām bhavāthaḥ ||9||

(AVŚ\_12,3.10a) úttaram rāṣṭram prajāyottarávad dīśām údīcī  
kṛṇavan no ágram |  
(AVŚ\_12,3.10c) pāṅktaṃ chāndaḥ púruṣo babhūva vísvair  
viśvāṅgāiḥ sahā sām bhavema ||10|| {13}

(AVŚ\_12,3.11a) dhruvéyām virāṇ nāmo astv asyái śivā putrébhya  
utá máhyam astu |  
(AVŚ\_12,3.11c) sá no devy adite viśvavāra írya iva gopā abhī rakṣa  
pakvām ||11||

(AVŚ\_12,3.12a) pitéva putrán abhī sām svajasva naḥ śivā no vātā  
ihā vāntu bhúmau |  
(AVŚ\_12,3.12c) yām odanām pácato deváte ihā táṃ nas tápa utá  
satyām ca vettu ||12||

(AVŚ\_12,3.13a) yádyad kṛṣṇāḥ śakunā éhá gatvā tsāran víśaktaṃ  
bīla āśasāda |  
(AVŚ\_12,3.13c) yád vā dāsy ādráhasṭā samañktá ulúkhalaṃ  
músalaṃ śumbhatāpaḥ ||13||

(AVŚ\_12,3.14a) ayām grāvā pṛthúbudhno vayodhāḥ pūtāḥ pavítrair  
āpa hantu rákṣaḥ |  
(AVŚ\_12,3.14c) ā roha cárma máhi śárma yacha má dāṃpatī  
páutram aghām ní gātām ||14||

(AVŚ\_12,3.15a) vānaspātiḥ sahā devāir na āgan rākṣaḥ piśācāṃ  
apabādhmānaḥ |  
(AVŚ\_12,3.15c) sá úc chrayātai prá vadāti vācam tēna lokāṃ abhí  
sārvān jayema ||15||

(AVŚ\_12,3.16a) saptá médhān pasāvaḥ páry agr̥ḥṇan yá eṣāṃ  
jyótiṣmāṃ utá yás cakárśa |  
(AVŚ\_12,3.16c) tráyastrimśad devátās tánt sacante sá naḥ svargám  
abhí neṣa lokám ||16||

(AVŚ\_12,3.17a) svargám lokám abhí no nayāsi sám jāyáyā sahā  
putráiḥ syāma |  
(AVŚ\_12,3.17c) gr̥ḥṇāmi hástam ánu máitv átra má nas tārīn nír̥ṭir  
mó árātiḥ ||17||

(AVŚ\_12,3.18a) grāhiṃ pāpmānam áti táṃ ayāma támo vy àsya prá  
vadāsi valgú |  
(AVŚ\_12,3.18c) vānaspatyá údyato má jihimsīr má taṇḍulám ví śarīr  
devayántam ||18||

(AVŚ\_12,3.19a) viśvávyacā ghṛtápṛṣṭho bhaviṣyánt sáyonir lokám  
úpa yāhy etám |  
(AVŚ\_12,3.19c) varṣávr̥ddham úpa yacha súrpam túṣam palāvān  
ápa tād vinaktu ||19||

(AVŚ\_12,3.20a) tráyo lokāḥ sámmitā bráhmaṇena dyáur evásáu  
pṛthivy àntárikṣam |  
(AVŚ\_12,3.20c) aṃśún gr̥bhītvánvārabhethām á pyāyantām púnar á  
yantú súrpam ||20|| {14}

(AVŚ\_12,3.21a) pṛthag rūpāṇi bahudhá pasūnām ékarūpo bhavasi  
sám sámṛddhyā |  
(AVŚ\_12,3.21c) etām tvācam lóhinīm táṃ nudasva grāvā śumbhāti  
malagá iva vástrā ||21||

(AVŚ\_12,3.22a) pṛthivīm tvā pṛthivyām á veśayāmi tanúḥ samānī  
víkṛtā ta eṣā |  
(AVŚ\_12,3.22c) yádyad dyuttám likhitám árpaṇena tēna má susror  
bráhmaṇāpi tād vapāmi ||22||

(AVŚ\_12,3.23a) jānitrīva práti haryāsi sūnúṃ sám tvā dadhāmi  
pṛthivīm pṛthivyā |  
(AVŚ\_12,3.23c) ukhá kumbhí védyām má vyathiṣṭhā yajñāyudháir  
ājyenātiṣaktā ||23||

(AVŚ\_12,3.24a) agnīḥ pácan rakṣatu tvā purástād índro rakṣatu  
dakṣiṇató marútvān |  
(AVŚ\_12,3.24c) váruṇas tvā dṛṃhād dharúṇe pratícyā uttarát tvā

sómaḥ sám dadātai ||24||

(AVŚ\_12,3.25a) pūtāḥ pavitraiḥ pavante abhrād dívaṃ ca yānti  
pṛthivīm ca lokān |  
(AVŚ\_12,3.25c) tā jīvalā jīvādhanyāḥ pratiṣṭhāḥ pátra ásíktāḥ páry  
agnír indhām ||25||

(AVŚ\_12,3.26a) á yanti divāḥ pṛthivīm sacante bhúmyāḥ sacante  
ádhy antárikṣam |  
(AVŚ\_12,3.26c) śuddhāḥ satís tá u śumbhanta evá tá naḥ svargám  
abhí lokām nayantu ||26||

(AVŚ\_12,3.27a) utéva prabhvír utá sámmitāsa utá śukráḥ súcayaś  
cāmṛtāsaḥ |  
(AVŚ\_12,3.27c) tā odanáṃ dámpatibhyām práśiṣṭā āpaḥ síkṣantīḥ  
pacatā sunāthāḥ ||27||

(AVŚ\_12,3.28a) sámkhyātā stokāḥ pṛthivīm sacante prāṇāpānāiḥ  
sámmitā óṣadhībhiḥ |  
(AVŚ\_12,3.28c) ásamkhyātā opyámānāḥ suvárṇāḥ sárvaṃ vyāpuḥ  
súcayaḥ śucitvām ||28||

(AVŚ\_12,3.29a) úd yodhanty abhí valganti taptāḥ phénam asyanti  
bahulāmś ca bindún |  
(AVŚ\_12,3.29c) yóṣeva dr̥ṣṭvā pátim ṛtviyāyaitáis taṇḍuláir bhavatā  
sám āpaḥ ||29||

(AVŚ\_12,3.30a) út thāpaya sídato budhná enān adbhír ātmānam  
abhí sám spr̥śantām |  
(AVŚ\_12,3.30c) ámāsi pátrair udakām yád etán mitás taṇḍulāḥ  
pradíśo yádīmāḥ ||30|| {15}

(AVŚ\_12,3.31a) prá yacha pársuṃ tvaráyā harausám áhiṃsanta  
óṣadhīr dāntu párvan |  
(AVŚ\_12,3.31c) vásām sómaḥ pári rājyām babhúvāmanyutā no  
vīrúdhō bhavantu ||31||

(AVŚ\_12,3.32a) návaṃ barhír odanáya str̥ṇīta priyām hṛdás cákṣuṣo  
valgv āstu |  
(AVŚ\_12,3.32c) tásmin devāḥ sahá daivír viśantv imām práśnantv  
ṛtúbhīr niśádyā ||32||

(AVŚ\_12,3.33a) vānaspate stīrṇám á sīda barhír agniṣṭobháih  
sámmito devatābhiḥ |  
(AVŚ\_12,3.33c) tváṣṭreva rūpām súkṛtaṃ svádhyainā ehāḥ pári  
pātre dadṛśrām ||33||

(AVŚ\_12,3.34a) ṣaṣṭyām śarátsu nidhipá abhíchāt svāḥ pakvénābhy  
àśnavātai |

(AVŚ\_12,3.34c) úpainam jīvān pitāraś ca putrá etām svargām  
gamayāntam agnēḥ ||34||

(AVŚ\_12,3.35a) dhartā dhriyasva dharúṇe pṛthivyā ácyutam tvā  
devātāś cyāvayantu |  
(AVŚ\_12,3.35c) tám tvā dáṃpatī jīvantau jīváputrāv úd vāsayātaḥ  
páry agnidhánāt ||35||

(AVŚ\_12,3.36a) sárvānt samāgā abhijítya lokán yāvantaḥ kāmāḥ  
sám atīṛpas tán |  
(AVŚ\_12,3.36c) ví gāhethām āyávanam ca dārvir ékasmin pátre  
ádhy úd dharainam ||36||

(AVŚ\_12,3.37a) úpa str̥ṇīhi prathāya purástād ghṛténa pátram abhí  
ghārayaitát |  
(AVŚ\_12,3.37c) vāśrévosrá táruṇam stanasyúm imóḥ devāso  
abhihínkr̥ṇota ||37||

(AVŚ\_12,3.38a) úpāstarīr ákaro lokám etām urúḥ prathatām ásamaḥ  
svargāḥ |  
(AVŚ\_12,3.38c) tásmim chrayātai mahiśāḥ suparṇó devā enam  
devātābhyaḥ prá yachān ||38||

(AVŚ\_12,3.39a) yádyaj jāyá pácati tvát páraḥparaḥ pátir vā jāye tvát  
tirāḥ |  
(AVŚ\_12,3.39c) sám tát sṛjethām sahá vām tát astu saṃpādáyantau  
sahá lokám ékam ||39||

(AVŚ\_12,3.40a) yāvanto asyāḥ pṛthivīm sácante asmát putráḥ pári  
yé saṃbabhūvúḥ |  
(AVŚ\_12,3.40c) sárvāms tám̐ úpa pátre hvayethām nábhim jānānáḥ  
śísavaḥ samāyān ||40|| {16}

(AVŚ\_12,3.41a) vásor yā dhārā mádhunā prápīnā ghṛténa miśrá  
amṛtasya nābhayaḥ |  
(AVŚ\_12,3.41c) sárvās tá áva rundhe svargāḥ śaṣṭyām śarātsu  
nidhipā abhíchāt ||41||

(AVŚ\_12,3.42a) nidhīm nidhipā abhy ènam ichād ánīśvarā abhítaḥ  
santu yé 'nyé |  
(AVŚ\_12,3.42c) asmábhīr dattó níhitaḥ svargás tribhíḥ káṇḍais trīnt  
svargān arukṣat ||42||

(AVŚ\_12,3.43a) agní rákṣas tapatu yád vídevam kravýād piśācá ihá  
má prá pāsta |  
(AVŚ\_12,3.43c) nudāma enam ápa rudhmo asmád ādityā enam  
āṅgirasah sacantām ||43||  
(AVŚ\_12,3.44a) ādityébhyo áṅgirobhyo mádhv idām ghṛténa miśráṃ  
prāti vedayāmi |

(AVŚ\_12,3.44c) śuddhāhastau brāhmaṇasyāñihatya itām svargām  
sukṛtāv āpītam ||44||

(AVŚ\_12,3.45a) idām prāpam uttamām kṇḍam asya yāsmāl lokāt  
parameṣṭhī samāpa |

(AVŚ\_12,3.45c) ā siñca sarpīr ghṛtāvāt sām aṅgdhy eṣā bhāgō  
āṅgirasō no ātra ||45||

(AVŚ\_12,3.46a) satyāya ca tāpase devātābhyo nidhīm śevadhīm pāri  
dadma etām |

(AVŚ\_12,3.46c) mā no dyūte 'va gān mā sāmityām mā smānyāsmā  
ūt sṛjātā purā māt ||46||

(AVŚ\_12,3.47a) ahām pacāmy ahām dadāmi māmēd u kārman  
karūṇē 'dhi jāyā |

(AVŚ\_12,3.47c) kāumāro lokō ajaniṣṭa putrō 'nvārabhethām vāya  
uttarāvāt ||47||

(AVŚ\_12,3.48a) nā kīlbiṣam ātra nādhārō āsti nā yān mitrāiḥ  
samāmamāna ēti |

(AVŚ\_12,3.48c) ānūnam pātram nīhitam na etāt paktāram pakvāḥ  
pūnar ā viśāti ||48||

(AVŚ\_12,3.49a) priyām priyāṇām kṛṇavāma tāmas té yantu yatamē  
dviśānti |

(AVŚ\_12,3.49c) dhenúr anaḍvān vāyovaya āyād evā páuruṣeyam  
āpa mṛtyūm nudantu ||49||

(AVŚ\_12,3.50a) sām agnāyaḥ vidur anyō anyām yā ōṣadhīḥ sácate  
yās ca síndhūn |

(AVŚ\_12,3.50c) yāvanto devā divy ātāpanti hiraṇyam jyōtiḥ pácato  
babhūva ||50|| {17}

(AVŚ\_12,3.51a) eṣā tvacām pūruṣe sām babhūvānagnāḥ sārve  
paśāvo yé anyé |

(AVŚ\_12,3.51c) kṣatrēṇātmānam pāri dhāpayātho 'motām vāso  
múkham odanāsyā ||51||

(AVŚ\_12,3.52a) yād akṣēṣu vādā yāt sāmityām yād vā vādā ānṛtam  
vittakāmyā |

(AVŚ\_12,3.52c) samānām tāntum abhī samvāsānau tasmint sārvaṃ  
sāmālam sādāyāthaḥ ||52||

(AVŚ\_12,3.53a) varṣām vanuṣvāpi gacha devāms tvacō dhūmām  
pāry út pātayāsi |

(AVŚ\_12,3.53c) viśvāvyacā ghṛtāpṛṣṭho bhaviṣyānt sāyonir lokām  
úpa yāhy etām ||53||

(AVŚ\_12,3.54a) tanvām svargō bahudhā ví cakre yāthā vidā ātmānn

anyávarṇām |

(AVŚ\_12,3.54c) ápājait kṛṣṇām rúsatīm punānó yá lóhinī tám te  
agnáu juhomi ||54||

(AVŚ\_12,3.55a) prācyai tvā diśè 'gnáyé 'dhipataye 'sitáya rakṣitrá  
ādityāyēṣumate |

(AVŚ\_12,3.55c) etām pári dadmas tám no gopāyatāsmākam áitoḥ |

(AVŚ\_12,3.55e) diṣṭám no átra jaráse ní neṣaj jará mṛtyáve pári ṇo  
dadātv átha pakvéna sahá sám bhavema ||55||

(AVŚ\_12,3.56a) dākṣiṇāyai tvā diśá índrāyādhipataye tíraścirājaye  
rakṣitré yamāyēṣumate |

(AVŚ\_12,3.56c) etām pári dadmas tám no gopāyatāsmākam áitoḥ |

(AVŚ\_12,3.56e) diṣṭám no átra jaráse ní neṣaj jará mṛtyáve pári ṇo  
dadātv átha pakvéna sahá sám bhavema ||56||

(AVŚ\_12,3.57a) pratícyai tvā diśé váruṇāyādhipataye pṛdākave  
rakṣitré 'nnāyēṣumate |

(AVŚ\_12,3.57c) etām pári dadmas tám no gopāyatāsmākam áitoḥ |

(AVŚ\_12,3.57e) diṣṭám no átra jaráse ní neṣaj jará mṛtyáve pári ṇo  
dadātv átha pakvéna sahá sám bhavema ||57||

(AVŚ\_12,3.58a) údīcyai tvā diśé sómāyādhipataye svajāya rakṣitré  
'śānyā īṣumatyai |

(AVŚ\_12,3.58c) etām pári dadmas tám no gopāyatāsmākam áitoḥ |

(AVŚ\_12,3.58e) diṣṭám no átra jaráse ní neṣaj jará mṛtyáve pári ṇo  
dadātv átha pakvéna sahá sám bhavema ||58||

(AVŚ\_12,3.59a) dhruvāyai tvā diśé víṣṇavé 'dhipataye  
kalmāṣagrīvāya rakṣitrá óṣadhībhya īṣumatībhyah |

(AVŚ\_12,3.59c) etām pári dadmas tám no gopāyatāsmākam áitoḥ |

(AVŚ\_12,3.59e) diṣṭám no átra jaráse ní neṣaj jará mṛtyáve pári ṇo  
dadātv átha pakvéna sahá sám bhavema ||59||

(AVŚ\_12,3.60a) ūrdhvāyai tvā diśé bṛhaspátayé 'dhipataye śvitráya  
rakṣitré varṣāyēṣumate |

(AVŚ\_12,3.60c) etām pári dadmas tám no gopāyatāsmākam áitoḥ |

(AVŚ\_12,3.60e) diṣṭám no átra jaráse ní neṣaj jará mṛtyáve pári ṇo  
dadātv átha pakvéna sahá sám bhavema ||60|| {18}

(AVŚ\_12,4.1a) dádāmīty evá brūyād ánu cainām ábhutsata |

(AVŚ\_12,4.1c) vaśám brahmábhyo yácadbhyas tát prajāvad  
ápatyavat ||1||

(AVŚ\_12,4.2a) prajāyā sá ví krīṇīte paśúbhiś cópa dasyati |

(AVŚ\_12,4.2c) yá ārṣeyébhyo yácadbhyo devánām gām ná dítsati ||  
2||

(AVŚ\_12,4.3a) kūtáyāsyā sám śīryante śloṇáyā kātām ardati |  
(AVŚ\_12,4.3c) baṇḍáyā dahyante gṛhāḥ kāṇáyā dīyate svám ||3||

(AVŚ\_12,4.4a) vilohitó adhiṣṭhānāc chaknó vindati gópatim |  
(AVŚ\_12,4.4c) tátā vaśáyāḥ sámvidyaṃ duradabhnā hy ūcyāse ||4||

(AVŚ\_12,4.5a) padór asyā adhiṣṭhānād viklīndur nāma vindati |  
(AVŚ\_12,4.5c) anāmanāt sám śīryante yā múkhenopajíghrati ||5||

(AVŚ\_12,4.6a) yó asyāḥ kárṇāv āskunóty ā sá devéṣu vṛ́scate |  
(AVŚ\_12,4.6c) lákṣma kurva íti mányate kánīyaḥ kṛṇute svám ||6||

(AVŚ\_12,4.7a) yád asyāḥ kásmai cid bhógāya bālān kás cit  
prakṛntāti |  
(AVŚ\_12,4.7c) tátaḥ kiśorā mriyante vatsámś ca ghátuko vṛ́kaḥ ||7||

(AVŚ\_12,4.8a) yád asyā gópatau satyā lóma dhvāṅkṣo ájīhiḍat |  
(AVŚ\_12,4.8c) tátaḥ kumārā mriyante yákṣmo vindaty anāmanāt ||8||

(AVŚ\_12,4.9a) yád asyāḥ pálpūlanam śákṛd dāsí samásyati |  
(AVŚ\_12,4.9c) tátó 'parūpaṃ jāyate tásmād ávyeṣyad énasah ||9||

(AVŚ\_12,4.10a) jáyamānābhí jāyate devánt sábrāhmaṇān vaśá |  
(AVŚ\_12,4.10c) tásmād brahmábhyo déyaiṣā tát āhuḥ svásya  
gópaṇam ||10|| {19}

(AVŚ\_12,4.11a) yá enām vaním āyánti téṣām devákṛtā vaśá |  
(AVŚ\_12,4.11c) brahmajyéyaṃ tát abruvan yá enām nipriyāyáte ||11||

(AVŚ\_12,4.12a) yá ārṣeyébhyo yācadbhyo devānām gām ná dítsati |  
(AVŚ\_12,4.12c) ā sá devéṣu vṛ́scate brāhmaṇānām ca manyáve ||12||

(AVŚ\_12,4.13a) yó asya syād vaśābhogó anyām icheta tárhi sáh |  
(AVŚ\_12,4.13c) híṃste ádattā púruṣam yācitām ca ná dítsati ||13||

(AVŚ\_12,4.14a) yáthā sévadhír níhito brāhmaṇānām tátā vaśá |  
(AVŚ\_12,4.14c) tám etád achāyanti yásmin kásmiṃś ca jāyate ||14||

(AVŚ\_12,4.15a) svám etád achāyanti yád vaśám brāhmaṇá abhí |  
(AVŚ\_12,4.15c) yáthainān anyásmin jinīyād evásyā niródhanam ||15||

(AVŚ\_12,4.16a) cáred evá traihāyaṇád ávijñātagadā satí |  
(AVŚ\_12,4.16c) vaśám ca vidyān nārada brāhmaṇás tárhy eṣyāḥ ||

16||

(AVŚ\_12,4.17a) yá enām ávaśām áha devānām níhitam nidhím |  
(AVŚ\_12,4.17c) ubháu tásmāi bhavāśarváu parikrámyeṣum asyataḥ ||17||

(AVŚ\_12,4.18a) yó asyā údho ná vedátho asyā stánān utá |  
(AVŚ\_12,4.18c) ubhávenaivāśmai duhe dátum céd áśakad vaśām ||18||

(AVŚ\_12,4.19a) duradabhnáinam á śaye yācitām ca ná dítsati |  
(AVŚ\_12,4.19c) násmai kāmāḥ sám ṛdhyante yām ádattvā cíkīṛṣati ||19||

(AVŚ\_12,4.20a) devā vaśām ayācan múkham kṛtvā brāhmaṇam |  
(AVŚ\_12,4.20c) téṣām sárveṣām ádadad dhédam ny èti mánuṣaḥ ||20|| {20}

(AVŚ\_12,4.21a) hédam paśūnām ny èti brāhmaṇébhyó 'dadad vaśām |  
(AVŚ\_12,4.21c) devānām níhitam bhāgām máryaś cén nipriyāyáte ||21||

(AVŚ\_12,4.22a) yád anyé śatām yāceyur brāhmaṇá gópatim vaśām |  
(AVŚ\_12,4.22c) áthainām devā abruvann evām ha vidúṣo vaśá ||22||

(AVŚ\_12,4.23a) yá evām vidúṣe 'dattvāthānyébhyo dádad vaśām |  
(AVŚ\_12,4.23c) durgá tásmā adhiṣṭhāne pṛthiví sahádevatā ||23||

(AVŚ\_12,4.24a) devā vaśām ayācan yásminn ágre ájāyata |  
(AVŚ\_12,4.24c) tám etām vidyān náradaḥ sahá deváir úd ājata ||24||

(AVŚ\_12,4.25a) anapatyám álpapaśum vaśá kṛṇoti púruṣam |  
(AVŚ\_12,4.25c) brāhmaṇáís ca yācitām áthainām nipriyāyáte ||25||

(AVŚ\_12,4.26a) agníṣomābhyām kāmāya mitráya váruṇāya ca |  
(AVŚ\_12,4.26c) tébhyo yācanti brāhmaṇás téṣv á vṛ́scaté 'dadat ||26||

(AVŚ\_12,4.27a) yāvad asyā gópatir nópāśṛṇuyád ícaḥ svayám |  
(AVŚ\_12,4.27c) cáred asya távad góṣu násya śrutvā gṛ́hé vaset ||27||

(AVŚ\_12,4.28a) yó asyā íca upaśrútyátha góṣv ácīcarat |  
(AVŚ\_12,4.28c) āyuś ca tása bhútim ca devā vṛ́scanti hīḍitáḥ ||28||

(AVŚ\_12,4.29a) vaśá cárantī bahudhá devānām níhito nidhíḥ |  
(AVŚ\_12,4.29c) āvíṣ kṛṇuṣva rūpāṇi yadá sthāma jíghāṃsati ||29||



(AVŚ\_12,4.30a) āvīr ātmānaṃ kṛṇute yadā sthāma jīghāṃsati |  
(AVŚ\_12,4.30c) ātho ha brahmābhyo vaśā yāñcyāya kṛṇute mānaḥ ||  
30|| {21}

(AVŚ\_12,4.31a) mānasā saṃ kalpayati tād devāṃ āpi gachati |  
(AVŚ\_12,4.31c) tāto ha brahmāṇo vaśāṃ upapráyanti yācitum ||31||

(AVŚ\_12,4.32a) svadhākāreṇa pitṛbhyo yajñēna devātābhyaḥ |  
(AVŚ\_12,4.32c) dānena rājanyo vaśāyā mātúr hédam ná gachati ||  
32||

(AVŚ\_12,4.33a) vaśā mātā rājanyāsyā tathā saṃbhūtam agrasāḥ |  
(AVŚ\_12,4.33c) tāsya āhur ānarpaṇaṃ yád brahmābhyaḥ pradīyāte  
||33||

(AVŚ\_12,4.34a) yáthājyaṃ prágrhītam ālumpét srucó agnáye |  
(AVŚ\_12,4.34c) evā ha brahmābhyo vaśāṃ agnáya á vṛscaté 'dadat  
||34||

(AVŚ\_12,4.35a) puroḍāśavatsā sudúghā loké 'smā úpa tiṣṭhati |  
(AVŚ\_12,4.35c) sāsmai sárvaṇ kāmān vaśā pradadúṣe duhe ||35||

(AVŚ\_12,4.36a) sárvaṇ kāmān yamarājye vaśā pradadúṣe duhe |  
(AVŚ\_12,4.36c) áthāhur nárakaṃ lokāṃ nirundhānāsya yācitām ||  
36||

(AVŚ\_12,4.37a) pravīyamānā carati kruddhā gópataye vaśā |  
(AVŚ\_12,4.37c) vehátaṃ mā mányamāno mṛtyóḥ páśeṣu  
badhyatām ||37||

(AVŚ\_12,4.38a) yó vehátaṃ mányamāno 'mā ca pácate vaśāṃ |  
(AVŚ\_12,4.38c) ápy asya putrán páutrāṃś ca yācáyate bṛhaspátih ||  
38||

(AVŚ\_12,4.39a) mahád eṣāva tapati cārantī góṣu gáur āpi |  
(AVŚ\_12,4.39c) átho ha gópataye vaśādaduṣe viśāṃ duhe ||39||

(AVŚ\_12,4.40a) priyāṃ paśūnāṃ bhavati yád brahmābhyaḥ  
pradīyāte |  
(AVŚ\_12,4.40c) átho vaśāyās tát priyāṃ yád devatrā havíḥ syāt ||  
40|| {22}

(AVŚ\_12,4.41a) yā vaśā udákalpayan devā yajñād udétya |  
(AVŚ\_12,4.41c) tāsāṃ viliptyāṃ bhīmām udákuruta nāradáh ||41||

(AVŚ\_12,4.42a) tám devā amīmāṃsanta vaśéyāṃ ávaśéti |  
(AVŚ\_12,4.42c) tám abravīn nāradá eṣā vaśānāṃ vaśátaméti ||42||

(AVŚ\_12,4.43a) káti nú vaśā nārada yās tvāṃ vettha manuṣyajāḥ |

(AVŚ\_12,4.43c) tás tvā pṛchāmi vidvāṃsaṃ kásyā náśnīyād  
ábrāhmaṇaḥ ||43||

(AVŚ\_12,4.44a) viliptyā bṛhaspate yá ca sūtávaśā vaśá |  
(AVŚ\_12,4.44c) tásyā náśnīyād ábrāhmaṇo yá āśámseta bhútyām ||  
44||

(AVŚ\_12,4.45a) námas te astu nāradānuṣṭhú vidúṣe vaśá |  
(AVŚ\_12,4.45c) katamāsāṃ bhīmátamā yām ádattvā parābhávet ||  
45||

(AVŚ\_12,4.46a) viliptí yá bṛhaspaté 'tho sūtávaśā vaśá |  
(AVŚ\_12,4.46c) tásyā náśnīyād ábrāhmaṇo yá āśámseta bhútyām ||  
46||

(AVŚ\_12,4.47a) tríṇi vái vaśājātāni viliptí sūtávaśā vaśá |  
(AVŚ\_12,4.47c) táḥ prá yached brahmábhyaḥ só 'nāvraskāḥ  
prajāpatau ||47||

(AVŚ\_12,4.48a) etád vo brāhmaṇā havír íti manvīta yācitāḥ |  
(AVŚ\_12,4.48c) vaśám céd enaṃ yáceyur yá bhīmádaduṣo gṛhé ||  
48||

(AVŚ\_12,4.49a) devá vaśám páry avadan ná no 'dād íti hīditāḥ |  
(AVŚ\_12,4.49c) etábhīr ṛgbhír bhedám tásmād vái sá párābhavat ||  
49||

(AVŚ\_12,4.50a) utáinām bhedó nādadād vaśám índreṇa yācitāḥ |  
(AVŚ\_12,4.50c) tásmāt tám devá āgasó 'vṛścann ahamuttaré ||50||

(AVŚ\_12,4.51a) yé vaśáyā ádānāya vádaṇti parirāpíṇaḥ |  
(AVŚ\_12,4.51c) índrasya manyáve jālmá á vṛścante ácittyā ||51||

(AVŚ\_12,4.52a) yé gópatiṃ parāñiyāthāhúr má dadā íti |  
(AVŚ\_12,4.52c) rudrásyāstām te hetīm pári yanty ácittyā ||52||

(AVŚ\_12,4.53a) yádi hutām yády áhutām amá ca pácate vaśám |  
(AVŚ\_12,4.53c) devánt sábrāhmaṇān ṛtvá jihmó lokán nír ṛchati ||  
53|| {23}

(AVŚ\_12,5.53a) śrámeṇa tápasā sṛṣṭá brāhmaṇā vittá rté śritá ||1||

(AVŚ\_12,5.2a) satyénávṛtā śriyá právṛtā yásasā párivṛtā ||2||

(AVŚ\_12,5.3a) svadháyā párihitā śraddháyā páryūḍhā dīkṣáyā guptá  
yajñé prátiṣṭhitā lokó nidhānam ||3||

(AVŚ\_12,5.4a) bráhma padavāyām brāhmaṇó 'dhipatiḥ ||4||

(AVŚ\_12,5.5a) tām ādādānasya brahmagavīm jinató brāhmaṇām  
kṣatríyasya ||5||

(AVŚ\_12,5.6a) āpa krāmati sūnṛtā vīryam púnyā lakṣmīḥ ||6|| {24}

(AVŚ\_12,5.7a) ójaś ca téjaś ca sāhaś ca bālam ca vāk cendriyām ca  
śrís ca dhármaś ca ||7||

(AVŚ\_12,5.8a) bráhma ca kṣatráṃ ca rāṣṭráṃ ca víśaś ca tvíśis ca  
yáśaś ca vārcaś ca dráviṇam ca ||8||

(AVŚ\_12,5.9a) áyuś ca rūpām ca nāma ca kīrtís ca prāṇás cāpānás  
ca cākṣuś ca śrótram ca ||9||

(AVŚ\_12,5.10a) páyaś ca rásaś cānnaṃ cānnādyam ca rtām ca  
satyām ceṣṭām ca pūrtām ca prajā ca paśávaś ca ||10||

(AVŚ\_12,5.11a) tāni sárvaṇy āpa krāmanti brahmagavīm  
ādādānasya jinató brāhmaṇām kṣatríyasya ||11|| {25}

(AVŚ\_12,5.12a) sáiṣā bhīmā brahmagavy àgháviṣā sākṣāt kṛtyā  
kúlbaJam ávṛtā ||12||

(AVŚ\_12,5.13a) sárvaṇy asyām ghorāṇi sárve ca mṛtyávaḥ ||13||

(AVŚ\_12,5.14a) sárvaṇy asyām krūrāṇi sárve puruṣavadhāḥ ||14||

(AVŚ\_12,5.15a) sá brahmajyām devapīyúṃ brahmagavy àdīyāmānā  
mṛtyóḥ pádvīṣa á dyati ||15||

(AVŚ\_12,5.16a) meníḥ śatávadhā hí sá brahmajyásya kṣítir hí sá ||  
16||

(AVŚ\_12,5.17a) tásmād vái brāhmaṇānām gáur durādhárṣā vijānatā  
||17||

(AVŚ\_12,5.18a) vājro dhāvantī vaiśvānarā údvītā ||18||

(AVŚ\_12,5.19a) hetíḥ śaphān utkhidántī mahādevò 'pékṣamāṇā ||  
19||

(AVŚ\_12,5.20a) kṣurápavir íkṣamāṇā vāsya mānābhí sphūrjati ||20||

(AVŚ\_12,5.21a) mṛtyúr hiṅkṛṇvaty ùgró deváḥ púchaṃ paryásyantī  
||21||

(AVŚ\_12,5.22a) sarvajyānīḥ kárṇau varīvarjáyantī rājayakṣmó  
méhantī ||22||

(AVŚ\_12,5.23a) menír duhyámānā śīrṣaktír dugdhā ||23||

(AVŚ\_12,5.24a) sedír upatīṣṭhantī mithoyodhāḥ párāmrṣṭā ||24||

(AVŚ\_12,5.25a) śaravyā múkhe 'pinahyámāna ṛtír hanyámānā ||25||

(AVŚ\_12,5.26a) agháviṣā nipátantī támo nípatitā ||26||

(AVŚ\_12,5.27a) anugáchantī prāṇān úpa dāsayati brahmagaví  
brahmajyāsyā ||27|| {26}

(AVŚ\_12,5.28a) váiraṃ vikṛtyámānā páutrādyāṃ vibhājyámānā ||  
28||

(AVŚ\_12,5.29a) devahetír hriyámāṇā vyṛddhír hṛtā ||29||

(AVŚ\_12,5.30a) pāpmādhidhīyámānā páruṣyam avadhīyámānā ||30||

(AVŚ\_12,5.31a) viṣāṃ prayásyantī takmā práyastā ||31||

(AVŚ\_12,5.32a) aghāṃ pracyámānā duṣvápnyāṃ pakvā ||32||

(AVŚ\_12,5.33a) mūlabārhaṇī paryākriyámāṇā kṣítih paryākṛtā ||33||

(AVŚ\_12,5.34a) ásaṃjñā gandhéna súg uddhriyámāṇāśīviṣā úddhṛtā  
||34||

(AVŚ\_12,5.35a) ábhūtír upahriyámāṇā párābhūtír úpahṛtā ||35||

(AVŚ\_12,5.36a) śarvāḥ kruddhāḥ piśyámānā símidā piśitā ||36||

(AVŚ\_12,5.37a) ávartír aśyámānā níṛṛtír aśitā ||37||

(AVŚ\_12,5.38a) aśitā lokāc chinatti brahmagaví brahmajyām asmāc  
cāmúṣmāc ca ||38|| {27}

(AVŚ\_12,5.39a) tásyā āhánanaṃ kṛtyā menír āśásanaṃ valagá  
úbadhyam ||39||

(AVŚ\_12,5.40a) asvagātā párihṇutā ||40||

(AVŚ\_12,5.41a) agníḥ kravyād bhūtvā brahmagaví brahmajyāṃ  
pravíśyātti ||41||

(AVŚ\_12,5.42a) sárvasyāṅgā párvā múlāni vṛṣcati ||42||

(AVŚ\_12,5.43a) chinátty asya pitṛbandhú párā bhāvayati  
māṭṛbandhú ||43||

(AVŚ\_12,5.44a) vivāhām jñātīnt sārvaṇ āpi kṣāpayati brahmagavī  
brahmajyāsyā kṣatříyeṇāpunardīyamānā ||44||

(AVŚ\_12,5.45a) avāstúm enam ásvagam áprajasam karoty  
aparāparaṇó bhavati kṣīyāte ||45||

(AVŚ\_12,5.46a) yá evām vidúṣo brāhmaṇāsyā kṣatríyo gām ādatté ||  
46|| {28}

(AVŚ\_12,5.47a) kṣiprām vái tásyāhánane gḍhrāḥ kurvata ailabám ||  
47||

(AVŚ\_12,5.48a) kṣiprām vái tásyādáhanam pári nṛtyanti keśínīr  
āghnānāḥ pāṇínórasi kurvāṇāḥ pāpám ailabám ||48||

(AVŚ\_12,5.49a) kṣiprām vái tásyā vāstuṣu vṛkāḥ kurvata ailabám ||  
49||

(AVŚ\_12,5.50a) kṣiprām vái tásyā pṛchanti yát tát āsīd idám nú  
tá3d íti ||50||

(AVŚ\_12,5.51a) chindhy á chindhi prá chindhy āpi kṣāpaya kṣāpāya  
||51||

(AVŚ\_12,5.52a) ādádānam āṅgírasī brahmajyám úpa dāsaya ||52||

(AVŚ\_12,5.53a) vaiśvadevī hy úcyāse kṛtyā kúlbadam ávṛtā ||53||

(AVŚ\_12,5.54a) óṣantī samóṣantī brāhmaṇo vájraḥ ||54||

(AVŚ\_12,5.55a) kṣurápavir mṛtyúr bhūtvā ví dhāva tvám ||55||

(AVŚ\_12,5.56a) á datse jinatām várca iṣṭām pūrtām cāśíṣaḥ ||56||

(AVŚ\_12,5.57a) ādāya jítām jítāya lokè 'múṣmin prá yachasi ||57||

(AVŚ\_12,5.58a) ághnye padavír bhava brāhmaṇasyābhísastyā ||58||

(AVŚ\_12,5.59a) meníḥ śaravyā bhavāghād agháviṣā bhava ||59||

(AVŚ\_12,5.60a) ághnye prá síro jahi brahmajyāsyā kṛtāgasó  
devapīyór arādhāsaḥ ||60||

(AVŚ\_12,5.61a) tváyā prámūrṇam mṛditám agnír dahatu duścítam ||  
61|| {29}

(AVŚ\_12,5.62a) vṛścá prá vṛśca sám vṛśca dáha prá daha sám daha  
||62||

(AVŚ\_12,5.63a) brahmajyām devy aghnya á múlād anusāṃdaha || 63||

(AVŚ\_12,5.64a) yáthāyād yamasādanāt pāpalokān parāvataḥ ||64||

(AVŚ\_12,5.65a) evā tvām devy aghnye brahmajyāsyā kṛtāgasō devapīyōr arādhāsaḥ ||65||

(AVŚ\_12,5.66a) vājreṇa śatāparvaṇā tīkṣṇéna kṣurābhṛṣṭinā ||66||

(AVŚ\_12,5.67a) prá skandhān prá śíro jahi ||67||

(AVŚ\_12,5.68a) lómāny asya sám chindhi tvácam asya ví veṣṭaya || 68||

(AVŚ\_12,5.69a) māmśāny asya śātaya snāvēny asya sám vṛha ||69||

(AVŚ\_12,5.70a) ásthīny asya pīḍaya majjānam asya nír jahi ||70||

(AVŚ\_12,5.71a) sárvāsyāṅgā párvāṇi ví śrathaya ||71||

(AVŚ\_12,5.72a) agnír enaṃ kravyāt pṛthivyā nudatām úd oṣatu vāyúr antárikṣān mahatō varimṇāḥ ||72||

(AVŚ\_12,5.73a) sūrya enaṃ divāḥ prá nudatām ny òṣatu ||73|| {30}

(AVŚ\_13,1.1a) udéhi vājin yó apsv àntár idām rāṣṭrām prá víśa sūnṛtāvat |

(AVŚ\_13,1.1c) yó róhito víśvam idām jajāna sá tvā rāṣṭráya súbhṛtaṃ bibhartu ||1||

(AVŚ\_13,1.2a) úd vāja á gan yó apsv àntár víśa á roha tvádyonayo yāḥ |

(AVŚ\_13,1.2c) sómaṃ dádhāno 'pá óṣadhīr gās cātuṣpado dvipáda á veśāyehá ||2||

(AVŚ\_13,1.3a) yūyám ugrá marutaḥ pṛśnimātara índreṇa yujá prá mṛṇīta śátrūn |

(AVŚ\_13,1.3c) á vo róhitaḥ śṛṇavat sudānavas triṣaptāso marutaḥ svādūsaṃmudaḥ ||3||

(AVŚ\_13,1.4a) rúho ruropa róhita á ruropa gárbho jánīnām janúṣām upásthān |

(AVŚ\_13,1.4c) tábhiḥ sámṛabdham ánv avindan śad urvír gātúm prapāśyann ihá rāṣṭrām áhāḥ ||4||

(AVŚ\_13,1.5a) á te rāṣṭrām ihá róhito 'hārsīd vy āsthan mṛdho

ábhayaṃ te abhūt |  
(AVŚ\_13,1.5c) tásmāi te dyāvāpṛthiví revátibhiḥ kámaṃ duhātām  
ihá śákvarībhiḥ ||5||

(AVŚ\_13,1.6a) róhito dyāvāpṛthiví jajāna táttra tántuṃ parameṣṭhí  
tatāna |  
(AVŚ\_13,1.6c) táttra śísriye 'já ékapādó 'dṛṃhad dyāvāpṛthiví bálēna  
||6||

(AVŚ\_13,1.7a) róhito dyāvāpṛthiví adṛṃhat téna svà stabhitáṃ téna  
nákaḥ |  
(AVŚ\_13,1.7c) tēnāntárikṣaṃ vímitā rájāṃsi téna devá amṛtam ánv  
avindān ||7||

(AVŚ\_13,1.8a) ví róhito amṛśad viśvárūpaṃ samākurvāṇāḥ prarúho  
rúhaś ca |  
(AVŚ\_13,1.8c) dívaṃ rūdhvā mahatā mahimná sám te rāṣṭrám  
anaktu páyasā ghṛténa ||8||

(AVŚ\_13,1.9a) yás te rúhaḥ prarúho yás ta ārúho yábhir āpṛṇási  
dívaṃ antárikṣam |  
(AVŚ\_13,1.9c) tāsāṃ bráhmaṇā páyasā vavṛdhānó viśí rāṣṭré jāgṛhi  
róhitasya ||9||

(AVŚ\_13,1.10a) yás te víśas tápasāḥ sambabhūvúr vatsáṃ gāyatrím  
ánu tā iháguḥ |  
(AVŚ\_13,1.10c) tās tvā viśantu mánasā śívēna sámātā vatsó abhy  
ètu róhitaḥ ||10|| {1}

(AVŚ\_13,1.11a) ūrdhvó róhito ádhi náke asthād víśvā rūpāṇi janáyan  
yúvā kavíḥ |  
(AVŚ\_13,1.11c) tigménāgnír jyótiṣā ví bhāti tṛtíye cakre rájasi priyāṇi  
||11||

(AVŚ\_13,1.12a) sahásraśṛṅgo vṛṣabhó jātávedā ghṛtáhutaḥ  
sómāpṛṣṭhaḥ suvíraḥ |  
(AVŚ\_13,1.12c) má mā hāsīn nāthitó nét tvā jáhāni gopośám ca me  
vīrapośám ca dhehi ||12||

(AVŚ\_13,1.13a) róhito yajñásya janitā múkhaṃ ca róhitāya vācā  
śrótṛēṇa mánasā juhomi |  
(AVŚ\_13,1.13c) róhitaṃ devá yanti sumanasyámānāḥ sá mā róhaiḥ  
sāmityái rohayatu ||13||

(AVŚ\_13,1.14a) róhito yajñám vy àdadhād viśvákarmaṇe tásmāt  
téjāṃsy úpa memány āguḥ |  
(AVŚ\_13,1.14c) vocéyaṃ te nábhiṃ bhúvanasyádhi majmáni ||14||

(AVŚ\_13,1.15a) á tvā ruroha bṛhaty útá pañktír á kakúb várcasā

jātavedaḥ |

(AVŚ\_13,1.15c) á tvā ruhoṣṇihākṣaró vaṣatkārā á tvā ruoha róhito rétasā sahá ||15||

(AVŚ\_13,1.16a) ayám vaste gárbhaṃ pṛthivyā dívaṃ vaste 'yám antárikṣam |

(AVŚ\_13,1.16c) ayám bradhnásya viṣṭápi svàr lokán vy ànaśe ||16||

(AVŚ\_13,1.17a) vācas pate pṛthiví naḥ syoná syoná yónis tálpā naḥ suśévā |

(AVŚ\_13,1.17c) iháivá prāṇáḥ sakhyé no astu tám tvā parameṣṭhin páry agnír áyuṣā vārcasā dadhātu ||17||

(AVŚ\_13,1.18a) vācas pata ṛtávaḥ páñca yé nau vaiśvakarmaṇáh pári yé sambabhūvúḥ |

(AVŚ\_13,1.18c) iháivá prāṇáḥ sakhyé no astu tám tvā parameṣṭhin pári róhita áyuṣā vārcasā dadhātu ||18||

(AVŚ\_13,1.19a) vācas pate saumanasám mánaś ca goṣṭhé no gā janáya yóniṣu prajāḥ |

(AVŚ\_13,1.19c) iháivá prāṇáḥ sakhyé no astu tám tvā parameṣṭhin páry áhám áyuṣā vārcasā dadhātu ||19||

(AVŚ\_13,1.20a) pári tvā dhāt savitā devó agnír vārcasā mitrávárūṇāv abhí tvā |

(AVŚ\_13,1.20c) sárvā árātīr avakrámann éhídám rāṣṭrám akaraḥ sunṛtāvat ||20|| {2}

(AVŚ\_13,1.21a) yám tvā pṛṣatī ráthe práṣṭir váhati rohita |

(AVŚ\_13,1.21c) śubhá yāsi riṇánn apáh ||21||

(AVŚ\_13,1.22a) ánuvratā róhiṇī róhitasya sūríḥ suvárṇā bṛhatí suvárcāḥ |

(AVŚ\_13,1.22c) táyā vājān víśvárūpām jayema táyā víśvāḥ pṛtanā abhí ṣyāma ||22||

(AVŚ\_13,1.23a) idám sádo róhiṇī róhitasyaśáu pánthāḥ pṛṣatī yéna yāti |

(AVŚ\_13,1.23c) tám gandharváḥ kaśyápā ún nayanti tám rakṣanti kaváyó 'pramādam ||23||

(AVŚ\_13,1.24a) sūryasyāśvā hárayaḥ ketumántaḥ sádā vahanty amṛtāḥ sukhám rátham |

(AVŚ\_13,1.24c) ghṛtapāvā róhito bhrájamāno dívaṃ deváh pṛṣatīm á viveśa ||24||

(AVŚ\_13,1.25a) yó róhito vṛṣabhás tigmásṛṅgaḥ páry agníṃ pári sūryam babhúva |

(AVŚ\_13,1.25c) yó viṣṭabhnāti pṛthivím dívaṃ ca tásmād devá ádhi



sṛṣṭīḥ srjante ||25||

(AVŚ\_13,1.26a) rōhito dīvam āruhan mahatāḥ pāry arṇavāt |  
(AVŚ\_13,1.26c) sārvo ruropa rōhito rūhaḥ ||26||

(AVŚ\_13,1.27a) ví mimīṣva páyasvatīm ghṛtácīm devānām dhenúr  
ánapasṛg eṣā |  
(AVŚ\_13,1.27c) índraḥ sómaḥ pibatu kṣémo astv agníḥ prá stautu ví  
mṛdho nudasva ||27||

(AVŚ\_13,1.28a) sámiddho agníḥ samidhānó ghṛtāvṛddho ghṛtāhutaḥ  
|  
(AVŚ\_13,1.28c) abhīṣāt víśvāṣād agníḥ sapátnān hantu yé máma ||  
28||

(AVŚ\_13,1.29a) hántv enān prá dahatv árir yó naḥ pṛtanyāti |  
(AVŚ\_13,1.29c) kravýádāgnínā vayām sapátnān prá dahāmasi ||29||

(AVŚ\_13,1.30a) avācínān áva jahíndra vājreṇa bāhumān |  
(AVŚ\_13,1.30c) ádhā sapátnān māmakān agnés téjobhir ádiṣi ||30||  
{3}

(AVŚ\_13,1.31a) ágne sapátnān ádharān pādayāsmád vyatháyā  
sajātām utpípānam bṛhaspate |  
(AVŚ\_13,1.31c) índrāgnī mītrāvaruṇāv ádhare padyantām  
ápratīmanyūyamānāḥ ||31||

(AVŚ\_13,1.32a) udyāms tvām deva sūrya sapátnān áva me jahi |  
(AVŚ\_13,1.32c) ávainān áśmanā jahi té yantv adhamām támaḥ ||  
32||

(AVŚ\_13,1.33a) vatsó virájo vṛṣabhó matīnām á ruropa súkrápṛṣṭho  
'ntárikṣam |  
(AVŚ\_13,1.33c) ghṛténārkám abhy ārcanti vatsām bráhma sántam  
bráhmaṇā vardhayanti ||33||

(AVŚ\_13,1.34a) dīvam ca róha pṛthivīm ca roha rāṣṭráḥ ca róha  
dráviṇam ca roha |  
(AVŚ\_13,1.34c) prajám ca rōhāmṛtaḥ ca roha rōhitena tanvām sám  
spṛṣasva ||34||

(AVŚ\_13,1.35a) yé devā rāṣṭrabhṛto 'bhíto yánti sūryam |  
(AVŚ\_13,1.35c) táis ṭe rōhitaḥ samvidānó rāṣṭráḥ dadhātu  
sumanasyāmānaḥ ||35||

(AVŚ\_13,1.36a) út tvā yajñā bráhma pūtā vahanty adhvagáto  
hárayas tvā vahanti |  
(AVŚ\_13,1.36c) tirāḥ samudráḥ áti rocase 'rṇavām ||36||

(AVŚ\_13,1.37a) rōhite dyāvāpṛthivī ādhi śrité vasujīti gojīti  
saṃdhanājīti |

(AVŚ\_13,1.37c) saḥāsraṃ yāsyā jānimāni saptā ca vocéyaṃ te  
nābhīṃ bhúvanasyādhi majmāni ||37||

(AVŚ\_13,1.38a) yaśā yāsi pradīso dísaś ca yaśāḥ paśūnām utá  
carṣaṇīnām |

(AVŚ\_13,1.38c) yaśāḥ pṛthivyā ádityā upásthe 'hām bhūyāsaṃ  
savitéva cāruḥ ||38||

(AVŚ\_13,1.39a) amútra sánn ihá vetthetáḥ sáṃs táni paśyasi |

(AVŚ\_13,1.39c) itáḥ paśyanti rocanām diví súryaṃ vipaścítam ||39||

(AVŚ\_13,1.40a) devó devān marcayasy antás carasy arṇavé |

(AVŚ\_13,1.40c) samānām agním indhate tám viduḥ kaváyaḥ páre ||  
40|| {4}

(AVŚ\_13,1.41a) aváḥ páreṇa pará enāvareṇa padá vatsám bíbratī  
gáur úd asthāt |

(AVŚ\_13,1.41c) sá kadrícī kām svid árdham párāgāt kvà svit sūte  
nahí yūthé asmín ||41||

(AVŚ\_13,1.42a) ékapadī dvipádī sá cātuṣpady aṣṭápadī návapadī  
babhūvúṣī |

(AVŚ\_13,1.42c) saḥásrākṣarā bhúvanasya pañktís tásyāḥ samudrá  
ádhi ví kṣaranti ||42||

(AVŚ\_13,1.43a) āróhan dyām amṛtaḥ práva me vácaḥ |

(AVŚ\_13,1.43c) út tvā yajñá bráhmaṇpūtā vahanty adhvagáto  
hárayas tvā vahanti ||43||

(AVŚ\_13,1.44a) véda tát te amartya yát ta ākrámaṇaṃ diví |

(AVŚ\_13,1.44c) yát te sadhástaṃ paramé vyòman ||44||

(AVŚ\_13,1.45a) súryo dyām súryaḥ pṛthivīm súrya ápó'ti paśyati |

(AVŚ\_13,1.45c) súryo bhūtásyáikaṃ cākṣur á ruoha dívaṃ mahīm ||  
45||

(AVŚ\_13,1.46a) urvīr āsan paridháyo védīr bhúmir akalpata |

(AVŚ\_13,1.46c) táttraitāv agní ádhatta himám ghraṃsám ca rōhitaḥ  
||46||

(AVŚ\_13,1.47a) himám ghraṃsám cādháya yúpān kṛtvā párvatān |

(AVŚ\_13,1.47c) varṣájyāv agní ījāte rōhitasya svarvídaḥ ||47||

(AVŚ\_13,1.48a) svarvído rōhitasya bráhmaṇagnīḥ sám idhyate |

(AVŚ\_13,1.48c) tásmād ghraṃsás tásmād dhimás tásmād yajñó  
'jāyata ||48||

(AVŚ\_13,1.49a) bráhmanāgní vāvṛdhānáu bráhmavṛddhau  
bráhmāhutau |  
(AVŚ\_13,1.49c) bráhmeddhāv agní ījāte róhitasya svarvídaḥ ||49||

(AVŚ\_13,1.50a) satyé anyáḥ samáhito 'psv ànyáḥ sám idhyate |  
(AVŚ\_13,1.50c) bráhmeddhāv agní ījāte róhitasya svarvídaḥ ||50||  
{5}

(AVŚ\_13,1.51a) yám vātaḥ parísúmbhati yám véndro  
bráhmanāspátīḥ |  
(AVŚ\_13,1.51c) bráhmeddhāvagní ījāte róhitasya svarvídaḥ ||51||

(AVŚ\_13,1.52a) védiṃ bhúmim kalpayitvá dívaṃ kṛtvá dáksīṇām |  
(AVŚ\_13,1.52c) ghraṃsám tát agnīm kṛtvá cakāra víśvam  
ātmanvād varṣéñājyena róhitaḥ ||52||

(AVŚ\_13,1.53a) varṣám ájam ghraṃsó agnír védir bhúmir akalpata |  
(AVŚ\_13,1.53c) táttraitān párvatān agnír gīrbhír ūrdhvāñ akalpayat  
||53||

(AVŚ\_13,1.54a) gīrbhír ūrdhvān kalpayitvá róhito bhúmim abravīt |  
(AVŚ\_13,1.54c) tváyīdām sárvaṃ jāyatām yád bhūtām yác ca  
bhāvyaṃ ||54||

(AVŚ\_13,1.55a) sá yajñáḥ prathamó bhūtó bhávyo ajāyata |  
(AVŚ\_13,1.55c) tásmād dha jajña idām sárvaṃ yát kíṃ cedām  
virócate róhitena řṣiñábhṛtam ||55||

(AVŚ\_13,1.56a) yás ca gām padá sphuráti pratyān sūryaṃ ca méhati  
|  
(AVŚ\_13,1.56c) tása vṛścāmi te mūlaṃ ná chāyām karavó 'param ||  
56||

(AVŚ\_13,1.57a) yó mābhichāyám atyéṣi mām cāgnīm cāntará |  
(AVŚ\_13,1.57c) tása vṛścāmi te mūlaṃ ná chāyām karavó 'param ||  
57||

(AVŚ\_13,1.58a) yó adyá deva sūrya tvām ca mām cāntaráyati |  
(AVŚ\_13,1.58c) duṣvápnyaṃ tásmim chámalaṃ duritāni ca mṛjmahe  
||58||

(AVŚ\_13,1.59a) má prá gāma pathó vayām má yajñád indra  
somínaḥ |  
(AVŚ\_13,1.59c) mántá sthur no árātayaḥ ||59||

(AVŚ\_13,1.60a) yó yajñásya prasādhanas tántur devéřv átataḥ |  
(AVŚ\_13,1.60c) tám áhutam aśimahi ||60|| {6}

(AVŚ\_13,2.1a) úd asya ketávo diví śukrá bhrájanta īrate |  
(AVŚ\_13,2.1c) ādityāsa nṛcákṣaso máhivratasya mīḍhúṣaḥ ||1||

(AVŚ\_13,2.2a) diśāṃ prajñānāṃ svaráyantam arcíṣā supakṣám  
āśúm patáyantam arṇavé |  
(AVŚ\_13,2.2c) stávāma sūryaṃ bhúvanasya gopāṃ yó raśmíbhir  
díśa ābhāti sárvaḥ ||2||

(AVŚ\_13,2.3a) yát prāñ pratyāñ svadháyā yási śíbham nānārūpe  
āhanī kārṣi māyáyā |  
(AVŚ\_13,2.3c) tát āditya máhi tát te máhi śrávo yád éko víśvaṃ pári  
bhúma jāyase ||3||

(AVŚ\_13,2.4a) vipaścítam tarāṇiṃ bhrájamānaṃ váhanti yám  
harítāḥ saptá bahvīḥ |  
(AVŚ\_13,2.4c) srutád yám áttir dívam unnináya tám tvā paśyanti  
pariyāntam ājím ||4||

(AVŚ\_13,2.5a) má tvā dabhan pariyāntam ājím svastí durgám áti  
yāhi śíbham |  
(AVŚ\_13,2.5c) dívam ca sūrya pṛthivīm ca devīm ahorātré vimímāno  
yád ēṣi ||5||

(AVŚ\_13,2.6a) svastí te sūrya carāse ráthāya yénobháv ántau  
pariyāsi sadyáh |  
(AVŚ\_13,2.6c) yám te váhanti haríto váhiṣṭhāḥ śatám áśvā yádi vā  
saptá bahvīḥ ||6||

(AVŚ\_13,2.7a) sukhám sūrya rátham aṃśumántam syonám  
suváhnim ádhi tiṣṭha vājínam |  
(AVŚ\_13,2.7c) yám te váhanti haríto váhiṣṭhāḥ śatám áśvā yádi vā  
saptá bahvīḥ ||7||

(AVŚ\_13,2.8a) saptá sūryo haríto yátave ráthe híraṇyatvacaso  
bṛhatīr ayukta |  
(AVŚ\_13,2.8c) ámoci śukró rájasaḥ parástād vidhúya devás támo  
dívam áruhat ||8||

(AVŚ\_13,2.9a) út ketúnā bṛhatā devá āgann ápāvṛk támo 'bhí jyótir  
aśrait |  
(AVŚ\_13,2.9c) divyáh suparṇáh sá vīró vy àkhyad áditeḥ putró  
bhúvanāni víśvā ||9||

(AVŚ\_13,2.10a) udyān raśmín á tanuṣe víśvā rupāṇi puṣyasi |  
(AVŚ\_13,2.10c) ubhá samudráu krátunā ví bhāsi sárvaṃl lokān  
paribhūr bhrájamānaḥ ||10|| {7}

(AVŚ\_13,2.11a) pūrvāparám carato māyáyaitáu síśū kríḍantau pári

yāto 'rṇavām |  
(AVŚ\_13,2.11c) víśvānyó bhúvanā vicáṣṭe hairaṇyáir anyám haríto  
vahanti ||11||

(AVŚ\_13,2.12a) diví tváttrir adhārayat sūryā māsāya kártave |  
(AVŚ\_13,2.12c) sá eṣi súdhṛtas tápan víśvā bhūtāvacākaśat ||12||

(AVŚ\_13,2.13a) ubhāv ántau sám arṣasi vatsáh saṃmātārāv iva |  
(AVŚ\_13,2.13c) nanv ètád itáh purá bráhma devá amí viduḥ ||13||

(AVŚ\_13,2.14a) yát samudrám ánu śritám tát siṣāsati sūryah |  
(AVŚ\_13,2.14c) ádhvāsyā vítato mahán pūrvaś cáparaś ca yáh ||14||

(AVŚ\_13,2.15a) tám sám āpnoti jūtíbhīś tátó nápa cikitsati |  
(AVŚ\_13,2.15c) ténāmṛtasya bhakṣám devānām náva rundhate ||  
15||

(AVŚ\_13,2.16a) úd u tyám jātáyedasaṃ devám vahanti ketávaḥ |  
(AVŚ\_13,2.16c) dṛśé víśvāya sūryam ||16||

(AVŚ\_13,2.17a) ápa tyé táyávo yathā nákṣatrā yanty aktúbhiḥ |  
(AVŚ\_13,2.17c) sūrāya víśvácakṣase ||17||

(AVŚ\_13,2.18a) ádṛṣrann asya ketávo ví raśmáyo jánāṃ ánu |  
(AVŚ\_13,2.18c) bhrájanto agnáyo yathā ||18||

(AVŚ\_13,2.19a) tarāṇir víśvadarśato jyotiṣkṛd asi sūrya |  
(AVŚ\_13,2.19c) víśvam á bhāsi rocana ||19||

(AVŚ\_13,2.20a) pratyán devānām víśah pratyánñ úd eṣi mānuṣīḥ |  
(AVŚ\_13,2.20c) pratyán víśvam svār dṛśé ||20|| {8}

(AVŚ\_13,2.21a) yénā pāvaka cákṣasā bhuraṇyántaṃ jánāṃ ánu |  
(AVŚ\_13,2.21c) tvám varuṇa páśyasi ||21||

(AVŚ\_13,2.22a) ví dyám eṣi rájas pṛthv áhar mímāno aktúbhiḥ |  
(AVŚ\_13,2.22c) páśyan jánmāni sūrya ||22||

(AVŚ\_13,2.23a) saptá tvā haríto ráthe váhanti deva sūrya |  
(AVŚ\_13,2.23c) śocíṣkeśaṃ vicakṣaṇám ||23||

(AVŚ\_13,2.24a) áyukta saptá śundhyúvaḥ sūro ráthasya napyàḥ |  
(AVŚ\_13,2.24c) tābhir yāti sváyuktibhiḥ ||24||

(AVŚ\_13,2.25a) róhito divam áruhat tápasā tapasvī |  
(AVŚ\_13,2.25c) sá yónim áiti sá u jāyate púnaḥ sá devānām  
ádhīpatir babhūva ||25||

(AVŚ\_13,2.26a) yó víśvácārṣaṇir utá víśvátomukho yó víśvátaspāṇir

utá viśvátaspr̥thaḥ |

(AVŚ\_13,2.26c) sám bāhúbhyāṃ bharati sám pátatrair dyāvāpr̥thivī  
janāyan devā ékaḥ ||26||

(AVŚ\_13,2.27a) ékapād dvípado bhūyo ví cakramé dvípāt trípādam  
abhy èti paścāt |

(AVŚ\_13,2.27c) dvípād dha śátgado bhūyo ví cakrame tá ékapadas  
tanvāṃ sám āsate ||27||

(AVŚ\_13,2.28a) átandro yāsyān haríto yád āsthād dvé rūpé kṛṇute  
rócamānaḥ |

(AVŚ\_13,2.28c) ketumān udyānt sáhamāno rájāṃsi víśvā āditya  
pravāto ví bhāsi ||28||

(AVŚ\_13,2.29a) bán mahāṃ asi sūrya bád āditya mahāṃ asi |

(AVŚ\_13,2.29c) mahāṃs te maható mahimā tvám āditya mahāṃ asi  
||29||

(AVŚ\_13,2.30a) rócāse diví rócāse antárikṣe pátaṅga pr̥thivyāṃ  
rocāse rócāse apsv àntáh |

(AVŚ\_13,2.30c) ubhá samudráu rúcyā vy àpitha devó devāsi  
mahiśáh svarjít ||30|| {9}

(AVŚ\_13,2.31a) arvān parástāt práyato vyadhvā āśúr vipaścít  
patáyan pataṅgáh |

(AVŚ\_13,2.31c) víṣṇur vícittaḥ sávasādhitiṣṭhan prá ketúnā sahate  
víśvam éjat ||31||

(AVŚ\_13,2.32a) citrás cikivān mahiśáh suparṇā ārocāyan ródasī  
antárikṣam |

(AVŚ\_13,2.32c) ahorātré pári sūryaṃ vásāne práśya víśvā tirato  
vīryāṇi ||32||

(AVŚ\_13,2.33a) tig mó vibhrājan tanvāṃ śísāno 'raṃgamāsaḥ  
pravāto rārāṇaḥ |

(AVŚ\_13,2.33c) jyótiṣmān pakṣí mahiśó vayodhá víśvā āsthāt  
pradíśaḥ kálpamānaḥ ||33||

(AVŚ\_13,2.34a) citráṃ devānām ketúr ánīkaṃ jyótiṣmān pradíśaḥ  
sūrya udyán |

(AVŚ\_13,2.34c) divākaró 'ti dyumnáis támāṃsi víśvātārīd duritāni  
śukráḥ ||34||

(AVŚ\_13,2.35a) citráṃ devānām úd agād ánīkaṃ cākṣur mitrásya  
váruṇasyāgnéh |

(AVŚ\_13,2.35c) āprād dyāvāpr̥thivī antárikṣaṃ sūrya ātmā jágatas  
tasthúśaś ca ||35||

(AVŚ\_13,2.36a) uccā pátantam aruṇāṃ suparṇāṃ mādhye divás

tarāṇiṃ bhrājamānam |  
(AVŚ\_13,2.36c) páśyama tvā savitāraṃ yām āhúr ájasraṃ jyótir yád  
avindad átrih ||36||

(AVŚ\_13,2.37a) divás pṛṣṭhé dhāvamānaṃ suparṇám ádityāḥ  
putráṃ nāthákāma úpa yāmi bhītāḥ |  
(AVŚ\_13,2.37c) sá naḥ sūrya prá tira dīrghám áyur má riṣāma  
sumatáu te syāma ||37||

(AVŚ\_13,2.38a) sahasrāṇṇyāṃ víyatāv asya pakṣáu hárer haṃsásya  
pátataḥ svargám |  
(AVŚ\_13,2.38c) sá devānt sárvaṇ úrasy upadādya saṃpásyan yāti  
bhúvanāni víśvā ||38||

(AVŚ\_13,2.39a) róhitaḥ kāló abhavad róhitó 'gre prajāpatiḥ |  
(AVŚ\_13,2.39c) róhito yajñānāṃ múkhaṃ róhitaḥ svār ābharat ||39||

(AVŚ\_13,2.40a) róhito lokó abhavad róhitó 'ty atapad dívam |  
(AVŚ\_13,2.40c) róhito raśmíbhir bhúmiṃ samudrám ánu sám carat  
||40|| {10}

(AVŚ\_13,2.41a) sárva díśaḥ sám acarad róhitó 'dhipatir divāḥ |  
(AVŚ\_13,2.41c) dívam samudrám ād bhúmiṃ sárvaṃ bhūtāṃ ví  
rakṣati ||41||

(AVŚ\_13,2.42a) āróhan chukró bṛhatír átandro dvé rūpé kṛṇute  
rócamānaḥ |  
(AVŚ\_13,2.42c) citrás cikivān mahiṣó vātamāyā yāvato lokān abhí  
yád vibhāti ||42||

(AVŚ\_13,2.43a) abhy ànyád eti páry anyád asyate 'horātrābhyāṃ  
mahiśāḥ kálpamānaḥ |  
(AVŚ\_13,2.43c) sūryaṃ vayāṃ rájasi kṣiyántaṃ gātuvídaṃ  
havāmahe nādhamānāḥ ||43||

(AVŚ\_13,2.44a) pṛthivīpró mahiṣó nādhamānasya gātúr  
ádabdhacakṣuḥ pári víśvaṃ babhūva |  
(AVŚ\_13,2.44c) víśvaṃ saṃpásyant suvidátro yájatra idāṃ śṛṇotu  
yád ahám brávīmi ||44||

(AVŚ\_13,2.45a) páry asya mahimá pṛthivīm samudrám jyótiṣā  
vibhṛājan pári dyām antárikṣam |  
(AVŚ\_13,2.45c) sárvaṃ saṃpásyant suvidátro yájatra idāṃ śṛṇotu  
yád ahám brávīmi ||45||

(AVŚ\_13,2.46a) ábodhy agníḥ samídhā jánānāṃ práti dhenúm  
ivāyatīm uśásam |  
(AVŚ\_13,2.46c) yahvá iva prá vayām ujjíhānāḥ prá bhānávaḥ sistrate  
nákam ácha ||46|| {11}

(AVŚ\_13,3.1a) yá imé dyāvāpṛthiví jajāna yó drāpim kṛtvā bhúvanāni vāste |

(AVŚ\_13,3.1c) yāsmīn kṣiyānti pradīśaḥ śaḍ urvīr yāḥ pataṅgó ānu vicākaśīti |

(AVŚ\_13,3.1e) tāsya devāsya kruddhāsyaitád āgo yá evāṃ vidvāṃsaṃ brāhmaṇāṃ jināti |

(AVŚ\_13,3.2a) yāsmād vātā ṛtuthā pávante yāsmāt samudrá ádhi vikṣāraṇti |

(AVŚ\_13,3.2c) tāsya devāsya kruddhāsyaitád āgo yá evāṃ vidvāṃsaṃ brāhmaṇāṃ jināti |

(AVŚ\_13,3.2e) úd vepaya rohita prá kṣiṇīhi brahmajyāsyā prāti muñca páśān ||2||

(AVŚ\_13,3.3a) yó mārāyati prāṇāyati yāsmāt prāṇānti bhúvanāni víśvā |

(AVŚ\_13,3.3c) tāsya devāsya kruddhāsyaitád āgo yá evāṃ vidvāṃsaṃ brāhmaṇāṃ jināti |

(AVŚ\_13,3.3e) úd vepaya rohita prá kṣiṇīhi brahmajyāsyā prāti muñca páśān ||3||

(AVŚ\_13,3.4a) yāḥ prāṇena dyāvāpṛthiví tarpáyaty apānéna samudrásya jaṭhāraṃ yāḥ píparti |

(AVŚ\_13,3.4c) tāsya devāsya kruddhāsyaitád āgo yá evāṃ vidvāṃsaṃ brāhmaṇāṃ jināti |

(AVŚ\_13,3.4e) úd vepaya rohita prá kṣiṇīhi brahmajyāsyā prāti muñca páśān ||4||

(AVŚ\_13,3.5a) yāsmīn virāṭ parameṣṭhí prajāpatir agnír vaiśvānarāḥ sahā pañktyā śritāḥ |

(AVŚ\_13,3.5c) yāḥ párasya prāṇāṃ paramāsya téja ādadé |

(AVŚ\_13,3.5e) tāsya devāsya kruddhāsyaitád āgo yá evāṃ vidvāṃsaṃ brāhmaṇāṃ jināti |

(AVŚ\_13,3.6a) yāsmīn śaḍ urvīḥ páñca díśo ádhiśritās cātasra āpo yajñāsya tráyo 'kṣārāḥ |

(AVŚ\_13,3.6c) yó antarā ródasī kruddhás cákṣuśáikṣata |

(AVŚ\_13,3.6e) tāsya devāsya kruddhāsyaitád āgo yá evāṃ vidvāṃsaṃ brāhmaṇāṃ jināti |

(AVŚ\_13,3.7a) yó annādó ánnapatir babhúva brāhmaṇas pátir utá yāḥ |

(AVŚ\_13,3.7c) bhūtó bhaviṣyát bhúvanasya yás pátiḥ |

(AVŚ\_13,3.7e) tāsya devāsya kruddhāsyaitád āgo yá evāṃ vidvāṃsaṃ brāhmaṇāṃ jināti |



(AVŚ\_13,3.8a) ahorātrāir vímitaṃ triṃśadaṅgaṃ trayodaśaṃ  
māsaṃ yó nirmímīte |

(AVŚ\_13,3.8c) tāsya devāsya kruddhāsyaitád āgo yá evaṃ  
vidvāṃsaṃ brāhmaṇāṃ jināti |

(AVŚ\_13,3.8e) úd vepaya rohita prá kṣiṇīhi brahmajyāsya prāti  
muñca pásān ||8||

(AVŚ\_13,3.9a) kṛṣṇāṃ niyānaṃ hārayaḥ suparṇá apó vásānā dívam  
út patanti |

(AVŚ\_13,3.9c) tá āvavṛtrant sádanād ṛtāsya |

(AVŚ\_13,3.9e) tāsya devāsya kruddhāsyaitád āgo yá evaṃ  
vidvāṃsaṃ brāhmaṇāṃ jināti |

(AVŚ\_13,3.10a) yát te candráṃ kaśyapa rocanāvad yát saṃhitāṃ  
puṣkálāṃ citrábhānu yásmint sūryā ārpitāḥ saptá sākám |

(AVŚ\_13,3.10c) tāsya devāsya kruddhāsyaitád āgo yá evaṃ  
vidvāṃsaṃ brāhmaṇāṃ jināti |

(AVŚ\_13,3.10e) úd vepaya rohita prá kṣiṇīhi brahmajyāsya prāti  
muñca pásān ||10|| {12}

(AVŚ\_13,3.11a) bṛhád enam ánu vaste purástād rathaṃtarāṃ prāti  
gr̥hṇāti paścát |

(AVŚ\_13,3.11c) jyótir vásāne sádam ápramādam |

(AVŚ\_13,3.11e) tāsya devāsya kruddhāsyaitád āgo yá evaṃ  
vidvāṃsaṃ brāhmaṇāṃ jināti |

(AVŚ\_13,3.12a) bṛhád anyātaḥ pakṣá āsīd rathaṃtarāṃ anyātaḥ  
sábale sadhrīcī |

(AVŚ\_13,3.12c) yád róhitam ájanayanta devāḥ |

(AVŚ\_13,3.12e) tāsya devāsya kruddhāsyaitád āgo yá evaṃ  
vidvāṃsaṃ brāhmaṇāṃ jināti |

(AVŚ\_13,3.13a) sá váruṇaḥ sāyám agnír bhavati sá mitró bhavati  
prātár udyán |

(AVŚ\_13,3.13c) sá savitá bhūtvántárikṣeṇa yāti sá índro bhūtvá  
tapati madhyató dívam |

(AVŚ\_13,3.13e) tāsya devāsya kruddhāsyaitád āgo yá evaṃ  
vidvāṃsaṃ brāhmaṇāṃ jināti |

(AVŚ\_13,3.14a) sahasrāhṇyāṃ víyatāv asya pakṣáu hárer haṃsásya  
pátataḥ svargám |

(AVŚ\_13,3.14c) sá devánt sárván úrasy upadádya saṃpásyan yāti  
bhúvanāni vísvā |

(AVŚ\_13,3.14e) tāsya devāsya kruddhāsyaitád āgo yá evaṃ  
vidvāṃsaṃ brāhmaṇāṃ jināti |

(AVŚ\_13,3.15a) ayāṃ sá devó apsv àntáḥ sahásramūlaḥ paruśáko  
áttriḥ |

(AVŚ\_13,3.15c) yá idám vísvaṃ bhúvanaṃ jájāna |

(AVŚ\_13,3.15e) tásya devásya kruddhásyaitád ágo yá evám  
vidvāṃsaṃ brāhmaṇám jināti |

(AVŚ\_13,3.16a) śukráṃ vahanti hárayo raghuṣyádo devám diví  
várcasā bhrájamānam |  
(AVŚ\_13,3.16c) yásyordhvā dívaṃ tanvās tápanty arvān suvárṇaiḥ  
paṭarāir ví bhāti |  
(AVŚ\_13,3.16e) tásya devásya kruddhásyaitád ágo yá evám  
vidvāṃsaṃ brāhmaṇám jināti |

(AVŚ\_13,3.17a) yénādityān harítaḥ samváhanti yéna yajñéna  
bahávo yánti prajānántaḥ |  
(AVŚ\_13,3.17c) yád ékaṃ jyótir bahudhá vibhāti |  
(AVŚ\_13,3.17e) tásya devásya kruddhásyaitád ágo yá evám  
vidvāṃsaṃ brāhmaṇám jināti |

(AVŚ\_13,3.18a) saptá yuñjanti rátham ékacakram éko ásvo vahati  
saptánāmā |  
(AVŚ\_13,3.18c) trinābhi cakráṃ ajáram anarváṃ yátremā víśvā  
bhúvanādhi tasthúḥ |  
(AVŚ\_13,3.18e) tásya devásya kruddhásyaitád ágo yá evám  
vidvāṃsaṃ brāhmaṇám jināti |

(AVŚ\_13,3.19a) aṣṭadhá yuktó váhati váhnir ugráḥ pitā devánām  
janitā matīnām |  
(AVŚ\_13,3.19c) ṛtásya tántuṃ mánasā mimānaḥ sárvā díśaḥ pavate  
mātaríśvā |  
(AVŚ\_13,3.19e) tásya devásya kruddhásyaitád ágo yá evám  
vidvāṃsaṃ brāhmaṇám jināti |

(AVŚ\_13,3.20a) saṃyāñcaṃ tántuṃ pradísó 'nu sárvā antár  
gāyatríam amṛtasya gárbhe |  
(AVŚ\_13,3.20c) tásya devásya kruddhásyaitád ágo yá evám  
vidvāṃsaṃ brāhmaṇám jināti |  
(AVŚ\_13,3.20e) úd vepaya rohita prá kṣiṇīhi brahmajyásya práti  
muñca pásān ||20|| {13}

(AVŚ\_13,3.21a) nimrúcas tistró vyúṣo ha tistrás tríṇi rájāṃsi dívo  
aṅgá tistráḥ |  
(AVŚ\_13,3.21c) vidmā te agne tredhá janítraṃ tredhá devánām  
jánimāni vidmā |  
(AVŚ\_13,3.21e) tásya devásya kruddhásyaitád ágo yá evám  
vidvāṃsaṃ brāhmaṇám jināti |

(AVŚ\_13,3.22a) ví yá áurṇot pṛthivīm jáyamāna á samudráṃ  
ádadhāt antárikṣe |  
(AVŚ\_13,3.22c) tásya devásya kruddhásyaitád ágo yá evám  
vidvāṃsaṃ brāhmaṇám jināti |  
(AVŚ\_13,3.22e) úd vepaya rohita prá kṣiṇīhi brahmajyásya práti

muñca páśān ||22||

(AVŚ\_13,3.23a) tvám agne krátubhiḥ ketúbhir hitò 'rkáḥ sámiddha  
úd arocathā diví |

(AVŚ\_13,3.23c) kím abhy àrcan marútaḥ pṛśnimātaro yád róhitam  
ájanāyanta devāḥ |

(AVŚ\_13,3.23e) tásya devásya kruddhásyaitád ágo yá evám  
vidvāṃsam brāhmaṇám jināti |

(AVŚ\_13,3.24a) yá ātmadā baladā yásya víśva upāsate praśíṣam  
yásya devāḥ |

(AVŚ\_13,3.24c) yò 'syése dvípado yás cátuṣpadaḥ |

(AVŚ\_13,3.24e) tásya devásya kruddhásyaitád ágo yá evám  
vidvāṃsam brāhmaṇám jināti |

(AVŚ\_13,3.25a) ékapād dvípado bhúyo ví cakrame dvípāt trípādam  
abhy èti paścāt |

(AVŚ\_13,3.25c) cátuṣpāc cakre dvípadām abhisvaré saṃpásyan  
pañktím upatíṣṭhamānaḥ |

(AVŚ\_13,3.25e) tásya devásya kruddhásyaitád ágo yá evám  
vidvāṃsam brāhmaṇám jināti |

(AVŚ\_13,3.26a) kṛṣṇáyaḥ putró árijuno rátryā vatsó 'jāyata |

(AVŚ\_13,3.26c) sá ha dyām ádhi rohati rúho ruroha róhitaḥ ||26||  
{14}

(AVŚ\_13,4.26a) sá eti savitā svàr divás pṛṣṭhé 'vacākaśat ||1||

(AVŚ\_13,4.2a) raśmíbhir nábha ábhṛtaṃ mahendrá ety ávṛtaḥ ||2||

(AVŚ\_13,4.3a) sá dhātá sá vidhartá sá vāyúr nábha úcchritam ||3||

(AVŚ\_13,4.4a) só 'ryamā sá váruṇaḥ sá rudráḥ sá mahādevāḥ ||4||

(AVŚ\_13,4.5a) só agníḥ sá u sūryaḥ sá u evá mahāyamáh ||5||

(AVŚ\_13,4.6a) tám vatsá úpa tiṣṭhanty ékaśírṣāṇo yutá dáśa ||6||

(AVŚ\_13,4.7a) paścāt prāñca á tanvanti yád udéti ví bhāsatī ||7||

(AVŚ\_13,4.8a) tásyaiśa māruto gaṇáh sá eti śikyákr̥taḥ ||8||

(AVŚ\_13,4.9a) raśmíbhir nábha ábhṛtaṃ mahendrá ety ávṛtaḥ ||9||

(AVŚ\_13,4.10a) tásyemé náva kósā viṣṭambhá navadhá hitáh ||10||

(AVŚ\_13,4.11a) sá prajābhyo ví paśyati yác ca prāṇāti yác ca ná ||  
11||

(AVŚ\_13,4.12a) tám idám nígataṃ sáhaḥ sá eṣá éka ekavṛ́d éka evá ||12||

(AVŚ\_13,4.13a) eté asmin devá ekavṛ́to bhavanti ||13|| {15}

(AVŚ\_13,4.14a) kīrtís ca yásaś cāmbhaś ca nábhaś ca  
brāhmaṇavarcasám cānnaṃ cānnādyam ca ||14||

(AVŚ\_13,4.15a) yá etám devám ekavṛ́taṃ véda ||15||

(AVŚ\_13,4.16a) ná dvitíyo ná tṛtíyaś caturthó nápy ucyate ||16||

(AVŚ\_13,4.17a) ná pañcamó ná ṣaṣṭháḥ saptamó nápy ucyate ||17||

(AVŚ\_13,4.18a) náṣṭamó ná navamó daśamó nápy ucyate ||18||

(AVŚ\_13,4.19a) sá sárvasmai ví paśyati yác ca prāṇāti yác ca ná ||  
19||

(AVŚ\_13,4.20a) tám idám nígataṃ sáhaḥ sá eṣá éka ekavṛ́d éka evá ||20||

(AVŚ\_13,4.21a) sárve asmin devá ekavṛ́to bhavanti ||21|| {16}

(AVŚ\_13,4.22a) bráhma ca tápaś ca kīrtís ca yásaś cāmbhaś ca  
nábhaś ca brāhmaṇavarcasám cānnaṃ cānnādyam ca ||22||

(AVŚ\_13,4.23a) bhūtám ca bhávyam ca śraddhá ca rúciś ca svargás  
ca svadhá ca ||23||

(AVŚ\_13,4.24a) yá etám devám ekavṛ́taṃ véda ||24||

(AVŚ\_13,4.25a) sá evá mṛtyúḥ sò 'mṛtaṃ sò 'bhvaṃ sá rākṣaḥ ||25||

(AVŚ\_13,4.26a) sá rudró vasuvánir vasudéye namovāké vaṣaṭkāró  
'nu sāmhitah ||26||

(AVŚ\_13,4.27a) tásyemé sárve yātáva úpa praśíṣam āsate ||27||

(AVŚ\_13,4.28a) tásyāmú sárva nákṣatrā váśe candrámasā sahá ||  
28|| {17}

(AVŚ\_13,4.29a) sá vā áhno 'jāyata tásmād áhar ajāyata ||29||

(AVŚ\_13,4.30a) sá vái rātryā ajāyata tásmād rātrir ajāyata ||30||

(AVŚ\_13,4.31a) sá vā antárikṣād ajāyata tásmād antárikṣam ajāyata  
||31||

- (AVŚ\_13,4.32a) sá vái vāyór ajāyata tasmād vāyúr ajāyata ||32||
- (AVŚ\_13,4.33a) sá vái divó 'jāyata tasmād dyáur ádhi ajāyata ||33||
- (AVŚ\_13,4.34a) sá vái digbhyó 'jāyata tasmād díśo 'jāyanta ||34||
- (AVŚ\_13,4.35a) sá vái bhúmer ajāyata tasmād bhúmir ajāyata ||35||
- (AVŚ\_13,4.36a) sá vā agnér ajāyata tasmād agnír ajāyata ||36||
- (AVŚ\_13,4.37a) sá vā adbhyó 'jāyata tasmād ápo 'jāyanta ||37||
- (AVŚ\_13,4.38a) sá vā ṛgbhyó 'jāyata tasmād ṛco 'jāyanta ||38||
- (AVŚ\_13,4.39a) sá vái yajñád ajāyata tasmād yajñó 'jāyata ||39||
- (AVŚ\_13,4.40a) sá yajñás tasya yajñáh sá yajñasya síras kṛtám ||40||
- (AVŚ\_13,4.41a) sá stanayati sá ví dyotate sá u áśmānam asyati ||41||
- (AVŚ\_13,4.42a) pāpāya vā bhadráya vā púruṣāyāsura vā ||42||
- (AVŚ\_13,4.43a) yád vā kṛṇóṣy óṣadhīr yád vā varṣasi bhadráyā yád vā janyám ávīrvṛdhaḥ ||43||
- (AVŚ\_13,4.44a) távāṃs te maghavan mahimópo te tanvāḥ śatám ||44||
- (AVŚ\_13,4.45a) úpo te bádhe bádhdhāni yádi vāsi nyārbudam ||45|| {18}
- (AVŚ\_13,4.46a) bhúyān índro namurád bhúyān indrāsi mṛtyúbhyaḥ ||46||
- (AVŚ\_13,4.47a) bhúyān árātyāḥ śācyāḥ pātis tvám indrāsi vibhúḥ prabhūr íti tvópāśmahe vayám ||47||
- (AVŚ\_13,4.48a) námas te astu paśyata páśya mā paśyata ||48||
- (AVŚ\_13,4.49a) annādyena yāsasā téjasā brāhmaṇavarcaśena ||49||
- (AVŚ\_13,4.50a) ámbho ámo máhaḥ sāha íti tvópāśmahe vayám ||50||
- (AVŚ\_13,4.51a) ámbho aruṇám rajatám rájaḥ sāha íti tvópāśmahe vayám ||51|| {19}

(AVŚ\_13,4.52a) urúḥ pṛthúḥ subhúr bhúva íti tvópāśmahe vayám ||52||

(AVŚ\_13,4.53a) prátho váro vyáco loká íti tvópāśmahe vayám ||53||

(AVŚ\_13,4.54a) bhávadvasur idádvasuḥ saṃyádvasur āyádvasur íti tvópāśmahe vayám ||54||

(AVŚ\_13,4.55a) námas te astu paśyata páśya mā paśyata ||55||

(AVŚ\_13,4.56a) annādyena yásasā téjasā brāhmaṇavarcaśéna ||56||  
{20}

(AVŚ\_14,1.1a) satyénóttabhitā bhúmih sūryeṇóttabhitā dyáuḥ |

(AVŚ\_14,1.1c) ṛténādityās tiṣṭhanti diví sómo ádhi śritāḥ ||1||

(AVŚ\_14,1.2a) sómenādityā balínaḥ sómena pṛthiví mahí |

(AVŚ\_14,1.2c) átho nákṣatrāṇām eṣām upásthe sóma áhitaḥ ||2||

(AVŚ\_14,1.3a) sómaṃ manyate papivān yát saṃpiṃśanty óṣadhim |

(AVŚ\_14,1.3c) sómaṃ yám brahmāṇo vidúr ná tásyāśnāti pāṛthivaḥ ||3||

(AVŚ\_14,1.4a) yát tvā soma prapíbanti táta á pyāyase púnah |

(AVŚ\_14,1.4c) vāyúḥ sómasya rakṣitā sámānām māsā ákṛtiḥ ||4||

(AVŚ\_14,1.5a) āchádvidhānair gupitó bārhatih soma rakṣitāḥ |

(AVŚ\_14,1.5c) grāvṇām íc chṛṇván tiṣṭhasi ná te aśnāti pāṛthivaḥ ||5||

(AVŚ\_14,1.6a) cíttir ā upabārhaṇam cákṣur ā abhyāñjanam |

(AVŚ\_14,1.6c) dyáur bhúmih kósā āsīd yád áyāt sūryā pátim ||6||

(AVŚ\_14,1.7a) ráibhy āsīd anudéyī nārāśaṃsí nyócanī |

(AVŚ\_14,1.7c) suryāyā bhadram íd vāso gáthayati páriṣṛtā ||7||

(AVŚ\_14,1.8a) stómā āsan pratidháyaḥ kuríraṃ chánda opaśāḥ |

(AVŚ\_14,1.8c) sūryāyā aśvínā varāgnír āsīt purogavāḥ ||8||

(AVŚ\_14,1.9a) sómo vadhūyúr abhavad aśvínāstām ubhá varā |

(AVŚ\_14,1.9c) sūryām yát pátye sámśantīm mánasā savitādadāt ||9||

(AVŚ\_14,1.10a) máno asyā ána āsīd dyáur āsīd utá chadíḥ |

(AVŚ\_14,1.10c) súkrāv anaḍvāhāv āstām yád áyāt sūryā pátim ||10||  
{1}

(AVŚ\_14,1.11a) ṛksāmābhyām abhíhitau gávau te sāmanāv aitām |  
(AVŚ\_14,1.11c) śrótṛe te cakré āstām diví pánthās carācarāḥ ||11||

(AVŚ\_14,1.12a) śúcī te cakré yātyā vyānó akṣa āhataḥ |  
(AVŚ\_14,1.12c) āno manasmāyaṃ sūryārohat prayatī pátim ||12||

(AVŚ\_14,1.13a) sūryāyā vahatúḥ prágāt savitā yám avāsṛjat |  
(AVŚ\_14,1.13c) maghāsū hanyānte gávāḥ phālgunīṣu vy ūhyate ||13||

(AVŚ\_14,1.14a) yád aśvinā pṛchāmānāv áyātaṃ tricakréṇa vahatúm  
sūryāyāḥ |  
(AVŚ\_14,1.14c) kváikaṃ cakráṃ vām āsīt kvà deṣṭráya tasthathuḥ ||14||

(AVŚ\_14,1.15a) yád áyātaṃ śubhas patī vareyám sūryām úpa |  
(AVŚ\_14,1.15c) víśve devā ānu tát vām ajānan putráḥ pitāram  
avṛṇīta pūṣā ||15||

(AVŚ\_14,1.16a) dvé te cakré sūrye brahmāṇa ṛtuthā viduḥ |  
(AVŚ\_14,1.16c) átháikaṃ cakráṃ yád gúhā tát addhātāya íd vidúḥ  
||16||

(AVŚ\_14,1.17a) aryamāṇaṃ yajāmahe subandhúm pativédanam |  
(AVŚ\_14,1.17c) urvārukám iva bāndhanāt prétó muñcāmi námútaḥ  
||17||

(AVŚ\_14,1.18a) prétó muñcāmi námútaḥ subaddhām amútas karam  
|  
(AVŚ\_14,1.18c) yátheyám indra mīḍhvaḥ suputrā subhágāsati ||18||

(AVŚ\_14,1.19a) prá tvā muñcāmi váruṇasya páśād yéna tvābadhnāt  
savitā suśévāḥ |  
(AVŚ\_14,1.19c) ṛtasya yónau sukṛtasya loké syonám te astu  
sahásambhalāyai ||19||  
(AVŚ\_14,1.20a) bhágas tvetó nayatu hastagṛhyāśvínā tvā prá  
vahatām ráthena |  
(AVŚ\_14,1.20c) gṛhān gacha gṛhāpatnī yáthāso vaśínī tvám  
vidátham á vadāsi ||20|| {2}

(AVŚ\_14,1.21a) ihá priyám prajāyai te sám ṛdhyatām asmín gṛhé  
gārhapatyāya jāgṛhi |  
(AVŚ\_14,1.21c) enā pátyā tanvám sám spṛśasvātha jírvir vidátham á  
vadāsi ||21||

(AVŚ\_14,1.22a) iháivá staṃ má ví yausṭaṃ víśvam āyur vy àsnutam  
|  
(AVŚ\_14,1.22c) kríḍantau putráir náptṛbhir módamānau svastakáu ||22||

(AVŚ\_14,1.23a) pūrvāparāṃ carato māyāitāu śísū krīḍantau pári  
yāto 'rṇavám |  
(AVŚ\_14,1.23c) víśvānyó bhúvanā vicáṣṭa ṛtúmṛ anyó vidádhaḥ  
jāyase návaḥ ||23||

(AVŚ\_14,1.24a) návonavo bhavasi jáyamānó 'hnām ketúr uṣásām  
eṣy āgram |  
(AVŚ\_14,1.24c) bhāgām devébhyo ví dadhāsy āyán prá candramas  
tirasē dīrghām āyuh ||24||  
(AVŚ\_14,1.25a) párā dehi sāmulyām brahmábhyo ví bhajā vásu |  
(AVŚ\_14,1.25c) kṛtyáīṣā padvātī bhūtvā jāyá víśate pátim ||25||

(AVŚ\_14,1.26a) nīlālohitām bhavati kṛtyásaktír vy àjyate |  
(AVŚ\_14,1.26c) édhante asyā jñātáyaḥ pátir bandhéṣu badhyate ||  
26||

(AVŚ\_14,1.27a) aślīlā tanúr bhavati rúsatī pāpáyāmuyā |  
(AVŚ\_14,1.27c) pátir yád vadhvò vásasaḥ svám áṅgam abhyūrṇuté  
||27||

(AVŚ\_14,1.28a) āśásanaṃ víśásanam átho adhivikártanam |  
(AVŚ\_14,1.28c) sūryāyāḥ paśya rūpāṇi táni brahmótá śumbhati ||  
28||

(AVŚ\_14,1.29a) ṛṣṭám etát kátukam apāṣṭhavad viśávan náitád  
áttave |  
(AVŚ\_14,1.29c) sūryām yó brahmá véda sá íd vādhūyam arhati ||  
29||

(AVŚ\_14,1.30a) sá ít tát syonām harati brahmá vāsaḥ sumaṅgálam |  
(AVŚ\_14,1.30c) práyaścittim yó adhyéti yéna jāyá ná ríṣyati ||30||  
{3}

(AVŚ\_14,1.31a) yuvām bhāgam sám bharataṃ sámṛddham ṛtām  
vādantāv ṛtódyeṣu |  
(AVŚ\_14,1.31c) bráhmaṇas pate pátim asyái rocaya cáru saṃbhaló  
vadaṭu vácām etám ||31||

(AVŚ\_14,1.32a) ihéd asātha ná paró gamāthemám gāvaḥ prajāyā  
vardhayātha |  
(AVŚ\_14,1.32c) súbham yatīr usríyāḥ sómavarcaso víśve devāḥ  
krann ihá vo mánāṃsi ||32||

(AVŚ\_14,1.33a) imó gāvaḥ prajāyā sám víśāthāyām devānām ná  
mināti bhāgām |  
(AVŚ\_14,1.33c) asmái vaḥ pūṣá marútaś ca sárve asmái vo dhātá  
savitā suvāti ||33||



(AVŚ\_14,1.34a) anṛkṣarā rjávaḥ santu pánthano yébbhiḥ sákhāyo  
yánti no vareyám |

(AVŚ\_14,1.34c) sám bhágena sám aryamṇā sám dhātā srjatu  
várcasā ||34||

(AVŚ\_14,1.35a) yác ca várco akṣéṣu súrāyāṃ ca yád áhitam |

(AVŚ\_14,1.35c) yád góṣv aśvinā várcas ténemām várcasāvatam ||  
35||

(AVŚ\_14,1.36a) yéna mahānaghnyā jaghānam áśvinā yéna vā sūrā |

(AVŚ\_14,1.36c) yénākṣā abhyáṣicyanta ténemām várcasāvatam ||  
36||

(AVŚ\_14,1.37a) yó anidhmó dīdáyad apsv àntár yám víprāsa íḍate  
adhvaréṣu |

(AVŚ\_14,1.37c) ápām napān mádhumatīr apó dā yábhir índro  
vāvṛdhē vīryāvān ||37||

(AVŚ\_14,1.38a) idám ahám rúsantaṃ grābhám tanūdúṣim ápoḥāmi |

(AVŚ\_14,1.38c) yó bhadró rocanás tám úd acāmi ||38||

(AVŚ\_14,1.39a) ásyai brāhmaṇāḥ snápanīr harantv ávīraghnīr úd  
ajantv ápaḥ |

(AVŚ\_14,1.39c) aryamṇó agnīm páry etu pūṣan prátīkṣante śváśuro  
deváraś ca ||39||

(AVŚ\_14,1.40a) sám te híraṇyam sám u santv ápaḥ sám methír  
bhavatu sám yugásya tárdma |

(AVŚ\_14,1.40c) sám ta ápaḥ śatápavitrā bhavantu sám u pátyā  
tanvām sám srṣasva ||40|| {4}

(AVŚ\_14,1.41a) khé ráthasya khé 'nasaḥ khé yugásya śatakrato |

(AVŚ\_14,1.41c) apālām indra trīṣ pūtvākṛṇoḥ sūryatvacam ||41||

(AVŚ\_14,1.42a) āśāsānā saumanasām prajāṃ saubhāgyam rayīm |

(AVŚ\_14,1.42c) pátyur ánuvratā bhūtvā sám nahyasvāmṛtāya kám ||  
42||

(AVŚ\_14,1.43a) yáthā síndhur nadínām sámṛājyam suṣuvé vṛṣā |

(AVŚ\_14,1.43c) evá tvam samrájñy edhi pátyur ástaṃ parétya ||43||

(AVŚ\_14,1.44a) samrájñy edhi śváśureṣu samrájñy utá devṛṣu |

(AVŚ\_14,1.44c) nánānduḥ samrájñy edhi samrájñy utá śvaśrvāḥ ||  
44||

(AVŚ\_14,1.45a) yá ákr̥ntann ávayan yás ca tatniré yā devír ántām  
abhító 'dadanta |

(AVŚ\_14,1.45c) tās tvā jarāse sám vyayantv áyuṣmatīdām pári  
dhatsva vásaḥ ||45||

(AVŚ\_14,1.46a) jīvám rudanti ví nayanty adhvarám dīrghám ánu  
prásitim dīdhyur nárah |  
(AVŚ\_14,1.46c) vāmám pitṛbhyo yá idám samīriré máyah pátibhyo  
janáye pariśváje ||46||

(AVŚ\_14,1.47a) syonám dhruvám prajāyai dhārayāmi té 'śmānam  
devyāḥ pṛthivyā upásthe |  
(AVŚ\_14,1.47c) tám ā tiṣṭhānumādyā suvárcā dīrghám ta áyuh  
savitā kṛnotu ||47||

(AVŚ\_14,1.48a) yénāgnír asyā bhūmyā hastam jagrāha dákṣiṇam |  
(AVŚ\_14,1.48c) téna gṛhṇāmi te hástam má vyathiṣṭhā máyā sahá  
prajāyā ca dhánena ca ||48||

(AVŚ\_14,1.49a) devás te savitā hástam gṛhṇātu sómo rájā  
suprajásam kṛnotu |  
(AVŚ\_14,1.49c) agníḥ subhágām jatávedāḥ pátye pátnīm jarádaṣṭim  
kṛnotu ||49||

(AVŚ\_14,1.50a) gṛhṇāmi te saubhagatváya hástam máyā pátyā  
jarádaṣṭir yáthásah |  
(AVŚ\_14,1.50c) bhágo aryamá savitā púramdhir máhyam tvādur  
gārhapatyāya devāḥ ||50|| {5}  
(AVŚ\_14,1.51a) bhágas te hástam agrahīt savitā hástam agrahīt |  
(AVŚ\_14,1.51c) pátnī tvám asi dhármaṇāhám gṛhāpatis táva ||51||

(AVŚ\_14,1.52a) mámeyám astu póśyā máhyam tvādād bṛhaspátih |  
(AVŚ\_14,1.52c) máyā pátyā prajāvati sám jīva śarádah śatám ||52||

(AVŚ\_14,1.53a) tváṣṭā vāso vy ādadhāc chubhé kām bṛhaspáteḥ  
praśīṣā kavīnām |  
(AVŚ\_14,1.53c) ténemám nārīm savitā bhágaś ca sūryām iva pári  
dhattām prajāyā ||53||

(AVŚ\_14,1.54a) indrāgní dyāvāpṛthiví mātariśvā mitráváruṇā bhágo  
aśvínobhá |  
(AVŚ\_14,1.54c) bṛhaspátir marúto bráhma sóma imám nārīm  
prajāyā vardhayantu ||54||  
(AVŚ\_14,1.55a) bṛhaspátih prathamáḥ sūryāyāḥ śīrṣé késām  
akalpayat |  
(AVŚ\_14,1.55c) ténemám aśvinā nārīm pátye sám śobhayāmasi ||  
55||

(AVŚ\_14,1.56a) idám tát rūpám yád ávasta yóṣā jāyām jijnāse  
mánasā cárantim |  
(AVŚ\_14,1.56c) tám ánv artiṣye sákhibhir návagvaiḥ ká imán vidván  
ví cacarta pásān ||56||

(AVŚ\_14,1.57a) ahám ví śyāmi máyi rūpám asyā védad ít paśyan  
mánasaḥ kulāyam |

(AVŚ\_14,1.57c) ná stéyam admi mánasód amucye svayám  
śrathnānó váruṇasya páśān ||57||

(AVŚ\_14,1.58a) prá tvā muñcāmi váruṇasya páśād yéna tvābadhnāt  
savitā suśévāḥ |

(AVŚ\_14,1.58c) urúm lokám sugám átra pánthām kṛṇomi túbhyam  
sahápatnyai vadhu ||58||

(AVŚ\_14,1.59a) úd yachadhvam ápa rákṣo hanāthemám nārīm  
sukṛté dadhāta |

(AVŚ\_14,1.59c) dhātā vipascít pátim asyai viveda bhágo rájā purá  
etu prajānán ||59||

(AVŚ\_14,1.60a) bhágas tatakṣa catúraḥ pádān bhágas tatakṣa  
catvāry úṣpalāni |

(AVŚ\_14,1.60c) tváṣṭā pipeśa madhyató 'nu várdhrānt sá no astu  
sumaṅgalí ||60||

(AVŚ\_14,1.61a) sukiṃśukám vahatúm viśvárūpaḥ híraṇyavarṇam  
suvṛtam sucakráṃ |

(AVŚ\_14,1.61c) á roha sūrye amṛtasya lokám syonám pátibhyo  
vहतúm kṛṇu tvám ||61||

(AVŚ\_14,1.62a) ábhrātrghnīm varuṇápaśughnīm bṛhaspate |

(AVŚ\_14,1.62c) indrápatighnīm putríṇīm ásmábhyam savitar vaha ||  
62||

(AVŚ\_14,1.63a) má himsiṣtam kumāryam sthūṇe devákṛte pathí |

(AVŚ\_14,1.63c) śálāyā devyā dvāram syonám kṛṇmo vadhūpathám  
||63||

(AVŚ\_14,1.64a) bráhmāparam yujyátām bráhma púrvaḃ  
bráhmāntató madhyató bráhma sarvátaḥ |

(AVŚ\_14,1.64c) anāvyādhām devapurām prapádyā śivā syonā  
patilóké ví rāja ||64|| {6}

(AVŚ\_14,2.1a) túbhyam ágre páry avahant sūryám vahatúnā sahá |

(AVŚ\_14,2.1c) sá naḥ pátibhyo jāyám dá agne prajāyā sahá ||1||

(AVŚ\_14,2.2a) púnaḥ pátnīm agnír adād áyuṣā sahá várcasā |

(AVŚ\_14,2.2c) dīrghāyur asyā yáḥ pátir jīvāti śarádaḥ śátam ||2||

(AVŚ\_14,2.3a) sómasya jāyā prathamám gandharvás té 'paraḥ pátih  
|

(AVŚ\_14,2.3c) tṛtíyo agníṣ te pátis turíyas te manuṣyajāḥ ||3||

(AVŚ\_14,2.4a) sómo dadad gandharvāya gandharvó dadad agnāye |  
(AVŚ\_14,2.4c) rayīm ca putrāṃs cādād agnír máhyam átho imám ||  
4||

(AVŚ\_14,2.5a) á vām agantumatír vājinīvasū ny àśvinā hr̥tsú kāmā  
aramsata |  
(AVŚ\_14,2.5c) ábhūtaṃ gopá mithuná śubhas patī priyá aryamṇó  
dúryāṃ aśīmahi ||5||

(AVŚ\_14,2.6a) sá mandasāná mánasā śívéna rayīm dhehi  
sárvavīraṃ vacasyām |  
(AVŚ\_14,2.6c) sugám tīrthám suprapāṇám śubhas patī sthānūṃ  
pathiṣṭhām ápa durmatīm hatam ||6||

(AVŚ\_14,2.7a) yá óṣadhayo yá nadyò yāni kṣétrāṇi yá vānā |  
(AVŚ\_14,2.7c) tás tvā vadhu prajāvatīm pátye rakṣantu rakṣásah ||  
7||

(AVŚ\_14,2.8a) émám pánthām arukṣāma sugám svastivāhanam |  
(AVŚ\_14,2.8c) yásmin vīró ná rīṣyaty anyéṣām vindáte vásu ||8||

(AVŚ\_14,2.9a) idám sú me naraḥ śṛṇuta yáyāśíṣā dáṃpatī vāmám  
aśnutāḥ |  
(AVŚ\_14,2.9c) yé gandharvā apsarásaś ca devír eṣú vānaspatyéṣu  
yé 'dhi tasthúḥ |  
(AVŚ\_14,2.9e) syonás te asyái vadhvài bhavantu má hiṃsiṣur  
vahaátum uhyámānam ||9||

(AVŚ\_14,2.10a) yé vadhvaś candráṃ vahaátum yáḁsmā yanti jánāṃ  
ánu |  
(AVŚ\_14,2.10c) púnas tán yajñíyā devá nayantu yáta ágatāḥ ||10||  
{7}

(AVŚ\_14,2.11a) má vidan paripanthíno yá āśídanti dáṃpatī |  
(AVŚ\_14,2.11c) sugéna durgám átītām ápa drāntv árātayaḥ ||11||

(AVŚ\_14,2.12a) sám kāśayāmi vahaátum bráhmaṇā gṛhāir ághoreṇa  
cákṣuṣā mitríyeṇa |  
(AVŚ\_14,2.12c) paryāṇaddham viśvárūpaṃ yád ásti syonám  
pátibhyaḥ savitá tát kṛṇotu ||12||

(AVŚ\_14,2.13a) śivá nārīyám ástam ágann imám dhātá lokám asyái  
dideśa |  
(AVŚ\_14,2.13c) tám aryamá bhágo aśvínobhá prajāpatiḥ prajáyā  
vardhayantu ||13||

(AVŚ\_14,2.14a) ātmanváty urvárā nārīyám ágan tásyām naro  
vapata bíjam asyām |

(AVŚ\_14,2.14c) sá vaḥ prajāṃ janayad vakṣāṇābhyo bíbhratī  
dugdhām ṛṣabhāsya rétaḥ ||14||

(AVŚ\_14,2.15a) práti tiṣṭha virāḍ asi víṣṇur ivehá sarasvati |  
(AVŚ\_14,2.15c) sínivāli prá jāyatām bhágasya sumatāv asat ||15||

(AVŚ\_14,2.16a) úd va ūrmíḥ sámyā hantv ápo yókrāṇi muñcata |  
(AVŚ\_14,2.16c) máduṣkṛtau vyènasāv aghnyāv ásunam áratām ||16||

(AVŚ\_14,2.17a) ághoracakṣur ápatighnī syoná śagmá suśévā  
suyāmā gr̥hébhyaḥ |  
(AVŚ\_14,2.17c) vīrasúr devṛkāmā sám tváyaidhiṣīmahi  
sumasyāmānā ||17||

(AVŚ\_14,2.18a) ádevṛghny ápatighnīháidhi śivá paśúbhyaḥ suyāmā  
suvārcāḥ |  
(AVŚ\_14,2.18c) prajāvatī vīrasúr devṛkāmā syonémām agnīm  
gārhapatyam saparya ||18||

(AVŚ\_14,2.19a) út tiṣṭhetāḥ kím ichántīdám ágā ahām tveḍe  
abhiḇhúḥ svād gr̥hāt |  
(AVŚ\_14,2.19c) śūnyaiś nirṛte yājagānthót tiṣṭhārāte prá pata méhá  
raṃsthāḥ ||19||

(AVŚ\_14,2.20a) yadā gārhapatyam ásaparyait púrvam agnīm vadhúr  
iyām |  
(AVŚ\_14,2.20c) ádhā sárasvatyai nāri pitṛbhyaś ca námas kuru ||20||  
{8}

(AVŚ\_14,2.21a) śarma vármaitád á harāsyái nāryā upastíre |  
(AVŚ\_14,2.21c) sínivāli prá jāyatām bhágasya sumatāv asat ||21||

(AVŚ\_14,2.22a) yām bálbajam nyásyatha cárma copastr̥ṇīthána |  
(AVŚ\_14,2.22c) tát á rohatu suprajá yá kanyā vindáte pátim ||22||

(AVŚ\_14,2.23a) úpa str̥ṇīhi bálbajam ádhi cármaṇi róhite |  
(AVŚ\_14,2.23c) tátropavísya suprajá imám agnīm saparyatu ||23||

(AVŚ\_14,2.24a) á roha car mópa sīdāgnīm eṣá devó hanti rákṣāṃsi  
sárvā |  
(AVŚ\_14,2.24c) ihá prajāṃ janaya pátye asmái sujyaiṣṭhyó bhavat  
putrás ta eṣāḥ ||24||

(AVŚ\_14,2.25a) ví tiṣṭhantām mātúr asyá upásthān nānārūpāḥ  
paśávo jāyamānāḥ |  
(AVŚ\_14,2.25c) sumaṅgaly úpa sīdemám agnīm sám patnī práti  
bhūṣehá devān ||25||

(AVŚ\_14,2.26a) sumaṅgalī pratāraṇī gṛhṇāṃ suśévā pátye  
śváśūrāya śambhūḥ |

(AVŚ\_14,2.26c) syonā śvaśrvái prá gṛhṇ viśemān ||26||

(AVŚ\_14,2.27a) syonā bhava śváśurebhyaḥ syonā pátye gṛhébhyaḥ |

(AVŚ\_14,2.27c) syonāsyai sárvasyai viśé syonā puṣṭāyaiśāṃ bhava  
||27||

(AVŚ\_14,2.28a) sumaṅgalī iyāṃ vadhūr imāṃ saméta páśyata |

(AVŚ\_14,2.28c) sáubhāgyam asyái dattvá dáurbhāgyair vipáretana  
||28||

(AVŚ\_14,2.29a) yá durhádo yuvatáyo yás cehá járatīr ápi |

(AVŚ\_14,2.29c) várco nv àsyái sám dattáthástaṃ vipáretana ||29||

(AVŚ\_14,2.30a) rukmáprastaraṇaṃ vahyāṃ víśvā rūpāṇi bíbhrataṃ |

(AVŚ\_14,2.30c) árohat sūryá sāvitrī bṛhaté sáubhagāya kám ||30||  
{9}

(AVŚ\_14,2.31a) á roha tálpam sumanasyámānehá prajāṃ janaya  
pátye asmái |

(AVŚ\_14,2.31c) indrāṇíva subúdhā búdhyamānā jyótiragrā uśasaḥ  
práti jāgarāsi ||31||

(AVŚ\_14,2.32a) devá agre ny àpadyanta pátnīḥ sám asprśanta  
tanvās tanúbhiḥ |

(AVŚ\_14,2.32c) sūryéva nāri víśvárūpā mahitvá prajāvatī pátyā sám  
bhavéhá ||32||

(AVŚ\_14,2.33a) út tiṣṭhetó víśvāvaso námasedāmahe tvā |

(AVŚ\_14,2.33c) jāmím icha pitṛśadaṃ nyàktāṃ sá te bhāgó janúṣā  
tásya viddhi ||33||

(AVŚ\_14,2.34a) apsarásaḥ sadhamādaṃ madanti havirdhānam  
antarā sūryaṃ ca |

(AVŚ\_14,2.34c) tās te janítram abhí táḥ párehi námas te  
gandharvartúnā kṛṇomi ||34||

(AVŚ\_14,2.35a) námo gandharvásya námase námo bhāmāya  
cákṣuṣe ca kṛṇmaḥ |

(AVŚ\_14,2.35c) víśvāvaso bráhmaṇā te námo 'bhí jāyá apsarásaḥ  
párehi ||35||

(AVŚ\_14,2.36a) rāyá vayāṃ sumánasaḥ syāmód itó gandharvám  
ávīrvṛtāma |

(AVŚ\_14,2.36c) ágant sá deváḥ paramāṃ sadhástham áganma  
yátra pratiránta áyuh ||36||

(AVŚ\_14,2.37a) sám pitarāv ítviye srjethāṃ mātá pitá ca rétaso

bhavāthaḥ |

(AVŚ\_14,2.37c) márya iva yóṣām ádhi rohayaināṃ prajāṃ  
kṛṇvāthām ihá puṣyataṃ rayím ||37||

(AVŚ\_14,2.38a) tám pūṣaṃ chivátamām érayasva yásyām bíjaṃ  
manuṣyā vápanti |

(AVŚ\_14,2.38c) yá na ūrú uśatí viśráyāti yásyām uśantaḥ prahárema  
śépaḥ ||38||

(AVŚ\_14,2.39a) á rohorúm úpa dhatsva hástaṃ pári ṣvajasva jāyāṃ  
sumānasyāmānaḥ |

(AVŚ\_14,2.39c) prajāṃ kṛṇvāthām ihá módamānau dīrghāṃ vām  
āyuh savitá kṛṇotu ||39||

(AVŚ\_14,2.40a) á vām prajāṃ janayatu prajāpatir ahorātrābhyām  
sám ānaktv aryamā |

(AVŚ\_14,2.40c) ádurmaṅgalī patilokám á viśemāṃ sám no bhava  
dvipāde sám cátuṣpade ||40|| {10}

(AVŚ\_14,2.41a) deváir dattāṃ mánunā sākám etád vādhūyaṃ vāso  
vadhvās ca vástram |

(AVŚ\_14,2.41c) yó brahmāṇe cikitúṣe dádāti sá íd rákṣāṃsi tálpāni  
hanti ||41||

(AVŚ\_14,2.42a) yām me dattó brahmabhāgāṃ vadhūyór vādhūyaṃ  
vāso vadhvās ca vástram |

(AVŚ\_14,2.42c) yuvām brahmāṇe 'numānyamānau bṛhaspate sākám  
índraś ca dattám ||42||

(AVŚ\_14,2.43a) syonád yóner ádhi bádhyamānau hasāmudáu  
máhasā módamānau |

(AVŚ\_14,2.43c) sugú suputráu sugṛháu tarātho jīvāv uśáso vibhātíḥ  
||43||

(AVŚ\_14,2.44a) návaṃ vásānaḥ surabhíḥ suvāsā udāgām jívá uśáso  
vibhātíḥ |

(AVŚ\_14,2.44c) āṇḍāt patatrívā mukṣi víśvasmād énasas pári ||44||

(AVŚ\_14,2.45a) śúbmbhanī dyāvāpṛthiví ántiṣumne máhivrate |

(AVŚ\_14,2.45c) āpaḥ saptá susruvur devís tá no muñcantv áṃhasaḥ  
||45||

(AVŚ\_14,2.46a) sūryāyai devébhyo mitráya váruṇāya ca |

(AVŚ\_14,2.46c) yé bhūtásya prácetasas tébhya idám akaraṃ námaḥ  
||46||

(AVŚ\_14,2.47a) yá ṛté cid abhiśríṣaḥ purá jatrúbhya ātṛdaḥ |

(AVŚ\_14,2.47c) sám̐dhātā sám̐dhím̐ maghāvā purūvāsúr níṣkartā  
víhrutaṃ púnāḥ ||47||

(AVŚ\_14,2.48a) ápāsmát táma uchatu nīlam piśāṅgam utá lóhitam  
yát |

(AVŚ\_14,2.48c) nirdahaní yá pṛṣātakṃ āsmín tám sthāṇáv ádhy á  
sajāmi ||48||

(AVŚ\_14,2.49a) yávatīḥ kṛtyá upavāsane yávanto rájño váruṇasya  
pásāḥ |

(AVŚ\_14,2.49c) vyṛddhaya yá ásamṛddhaya yá asmín tá sthāṇáv  
ádhi sādayāmi ||49||

(AVŚ\_14,2.50a) yá me priyátamā tanúḥ sá me bibhāya vásasaḥ |

(AVŚ\_14,2.50c) tásyāgre tvám vanaspate nīvím kṛṇuṣva má vayám  
riṣāma ||50|| {11}

(AVŚ\_14,2.51a) yé ántā yávatīḥ síco yá ótavo yé ca tántavaḥ |

(AVŚ\_14,2.51c) vāso yát pátnībhir utám tán na syonám úpa sprṣāt ||  
51||

(AVŚ\_14,2.52a) uśatīḥ kanyālā imáh pitṛlokát pátiḥ yatīḥ |

(AVŚ\_14,2.52c) áva dīkṣám asṛkṣata svāhā ||52||

(AVŚ\_14,2.53a) bṛhaspátināvasṛṣṭām víśve devá adhārayan |

(AVŚ\_14,2.53c) várco góṣu práviṣṭam yát ténemám sám sṛjāmasi ||  
53||

(AVŚ\_14,2.54a) bṛhaspátināvasṛṣṭām víśve devá adhārayan |

(AVŚ\_14,2.54c) téjo góṣu práviṣṭam yát ténemám sám sṛjāmasi ||  
54||

(AVŚ\_14,2.55a) bṛhaspátināvasṛṣṭām víśve devá adhārayan |

(AVŚ\_14,2.55c) bhájo góṣu práviṣṭo yás ténemám sám sṛjāmasi ||  
55||

(AVŚ\_14,2.56a) bṛhaspátināvasṛṣṭām víśve devá adhārayan |

(AVŚ\_14,2.56c) yáso góṣu práviṣṭam yát ténemám sám sṛjāmasi ||  
56||

(AVŚ\_14,2.57a) bṛhaspátināvasṛṣṭām víśve devá adhārayan |

(AVŚ\_14,2.57c) páyo góṣu práviṣṭam yát ténemám sám sṛjāmasi ||  
57||

(AVŚ\_14,2.58a) bṛhaspátināvasṛṣṭām víśve devá adhārayan |

(AVŚ\_14,2.58c) rāso góṣu práviṣṭo yás ténemám sám sṛjāmasi ||58||

(AVŚ\_14,2.59a) yádīmé keśíno jánā gṛhé te samánartiṣū ródena  
kṛṇvānto 'ghám |

(AVŚ\_14,2.59c) agníṣ ṭvā tásmād énaṣaḥ savitá ca prá muñcatām ||  
59||



(AVŚ\_14,2.60a) yádīyaṃ duhitā táva vikeśy árudad gr̥hé ródena  
kṛṇvaty aghám |  
(AVŚ\_14,2.60c) agníṣ tvā tásmād énaṣaḥ savitā ca prá muñcatām ||  
60|| {12}

(AVŚ\_14,2.61a) yáj jāmáyo yád yuvatáyo gr̥hé te samánartiṣū  
ródena kṛṇvatír aghám |  
(AVŚ\_14,2.61c) agníṣ tvā tásmād énaṣaḥ savitā ca prá muñcatām ||  
61||

(AVŚ\_14,2.62a) yát te prajāyāṃ paśúṣu yád vā gr̥héṣu níṣṭhitam  
aghakṛdbhir aghám kṛtām |  
(AVŚ\_14,2.62c) agníṣ tvā tásmād énaṣaḥ savitā ca prá muñcatām ||  
62||

(AVŚ\_14,2.63a) iyám náry úpa brūte pūlyāny āvapantikā |  
(AVŚ\_14,2.63c) dīrghāyur astu me pátir jīvāti śarádaḥ śatām ||63||

(AVŚ\_14,2.64a) ihémāv indra sám nuda cakravākéva dámpatī |  
(AVŚ\_14,2.64c) prajāyainau svastakáu víśvam āyur vy āśnutām ||  
64||

(AVŚ\_14,2.65a) yád āsandyām upadhāne yád vopavāsane kṛtām |  
(AVŚ\_14,2.65c) vivāhé kṛtyām yām cakrúr āsnāne tám ní dadhmasi  
||65||

(AVŚ\_14,2.66a) yád duṣkṛtām yác chámalaṃ vivāhé vahatáu ca yát  
|  
(AVŚ\_14,2.66c) tát saṃbhalásya kambalé mṛjmáhe duritām vayám  
||66||

(AVŚ\_14,2.67a) saṃbhalé málam sādāyitvā kambalé duritām vayám  
|  
(AVŚ\_14,2.67c) ábhūma yajñíyāḥ súddhāḥ prá ṇa āyūṃṣi tāriṣat ||  
67||

(AVŚ\_14,2.68a) kṛtrímaḥ kánṭakaḥ śatádan yá eśáh |  
(AVŚ\_14,2.68c) ápāsyāḥ kéśyaṃ málam ápa śírṣaṇyām likhāt ||68||

(AVŚ\_14,2.69a) áṅgādaṅgād vayám asyā ápa yákṣmaṃ ní dadhmasi  
|  
(AVŚ\_14,2.69c) tán mǎ prápat pṛthivīm móta devān dívaṃ mǎ  
prápad urv àntárikṣam |  
(AVŚ\_14,2.69e) apó mǎ prápan málam etád agne yamám mǎ prápat  
pitṛṃś ca sárvaṇ ||69||

(AVŚ\_14,2.70a) sám tvā nahyāmi páyasā pṛthivyāḥ sám tvā  
nahyāmi páyasáuṣadhīnām |

(AVŚ\_14,2.70c) sám tvā nahyāmi prajāyā dhānena śā śāmnaddhā  
sanuhi vājam émám ||70|| {13}

(AVŚ\_14,2.71a) ámo 'hám asmi śā tvam śāmāhám asmy ĩk tvám  
dyáur ahám pṛthiví tvam |  
(AVŚ\_14,2.71c) táv ihá sám bhavāva prajám á janayāvahai ||71||

(AVŚ\_14,2.72a) janiyānti nāv ágravah putriyānti sudānavah |  
(AVŚ\_14,2.72c) áriṣṭāsū sacevahi bṛhaté vājasātaye ||72||

(AVŚ\_14,2.73a) yé pitáro vadhūdarśā imám vahatúm ágaman |  
(AVŚ\_14,2.73c) té asyái vadhvái śāmpatnyai prajāvac chárma  
yachantu ||73||

(AVŚ\_14,2.74a) yédám pūrvāgan raśanāyāmānā prajám asyái  
dráviṇam cehá dattvá |  
(AVŚ\_14,2.74c) tám vahantv ágatasyānu pánthām virāḍ iyám  
suprajā áty ajaiṣīt ||74||

(AVŚ\_14,2.75a) prá budhyasva subúdhā búdhyamānā dīrghāyutváya  
śatāśāradāya |  
(AVŚ\_14,2.75c) gṛhñ gacha gṛhāpatnī yáthāso dīrghám ta áyuh  
savitā kṛṇotu ||75|| {14}

(AVŚ\_15,1.1a) vrátya āsīd íyamāna evá śā prajāpatiṁ sám airayat ||  
1||

(AVŚ\_15,1.2a) śā prajāpatiḥ suvárṇam ātmān apaśyat tát  
prajānayat ||2||

(AVŚ\_15,1.3a) tát ékam abhavat tál lálāmam abhavat tán mahád  
abhavat táj jyeṣṭhám abhavat tát bráhmābhavat tát tápo 'bhavat  
tát satyám abhavat téna prajāyata ||3||

(AVŚ\_15,1.4a) sò 'vardhata śā mahān abhavat śā mahādevò 'bhavat  
||4||

(AVŚ\_15,1.5a) śā devānām īśām páry ait śā íśāno 'bhavat ||5||

(AVŚ\_15,1.6a) śā ekavrātyò 'bhavat śā dhānur ádatta tát  
evéndradhanúḥ ||6||

(AVŚ\_15,1.7a) nílām asyodáram lóhitam pṛṣṭhám ||7||

(AVŚ\_15,1.8a) nīlenaivāpriyam bhrātṛvyam prórṇoti lóhitena  
dviṣāntam vidhyatīti brahmavādíno vadanti ||8||

(AVŚ\_15,2.1[2.1]a) sá úd atiṣṭhat sá prācīm díśam ánu vy àcalat | [1]

(AVŚ\_15,2.1[2.2]b) tám bṛhác ca rathantarām cādityāś ca víśve ca devā́ anuvyàcalan | [2]

(AVŚ\_15,2.1[2.3]c) bṛhaté ca vái sá rathantarāya cādityébhyaś ca víśvėbhyaś ca devėbhya á vṛ́scate yá evám vidvám̐sam vrátyam upavádati | [3]

(AVŚ\_15,2.1[2.4]d) bṛhatás ca vái sá rathantarásya cādityānām ca víśveṣām ca devā́nām priyām dhā́ma bhavati yá evám véda | [4]

(AVŚ\_15,2.1[2.5]e) táśya prā́cyām diśí śraddhá puṁscalí mitró māgadhó vijñānam vásó 'har uṣṇíṣam rátrī kėsā háritau pravartáu kalmalír maṇíḥ | [5]

(AVŚ\_15,2.1[2.6-7]f) bhūtām ca bhaviṣyác ca pariṣkandáu máno vipathām mātariśvā ca pávamānaś ca vipathavāháu vātaḥ sārathī reṣmā pratodāḥ kīrtís ca yáśaś ca puraḥsaráu | [6-7]

(AVŚ\_15,2.1[2.8]g) áinaṁ kīrtír gachaty á yáśo gachati yá evám véda ||1|| [8]

(AVŚ\_15,2.2[2.9]a) sá úd atiṣṭhat sá dáksṇīnām díśam ánu vy àcalat | [9]

(AVŚ\_15,2.2[2.10]b) tám yajñāyajñíyam ca vāmadevyām ca yajñás ca yájamānaś ca paśávaś cānuvyàcalan | [10]

(AVŚ\_15,2.2[2.11]c) yajñāyajñíyāya ca vái sá vāmadevyāya ca yajñāya ca yájamānāya ca paśúbhyaś cá vṛ́scate yá evám vidvám̐sam vrátyam upavádati | [11]

(AVŚ\_15,2.2[2.12]d) yajñāyajñíyasya ca vái sá vāmadevyásya ca yajñásya ca yájamānasya ca paśūnām ca priyām dhā́ma bhavati yá evám véda | [12]

(AVŚ\_15,2.2[2.13]e) táśya dáksṇīyām diśy ūśáḥ puṁscalí mánthro māgadhó vijñānam vásó 'har uṣṇíṣam rátrī kėsā háritau pravartáu kalmalír maṇíḥ | [13]

(AVŚ\_15,2.2[2.14]f) amāvāsyā ca paurṇamāsí ca pariṣkandáu máno vipathām mātariśvā ca pávamānaś ca vipathavāháu vātaḥ sārathī reṣmā pratodāḥ kīrtís ca yáśaś ca puraḥsaráu |

(AVŚ\_15,2.2[2.14]g) áinaṁ kīrtír gachaty á yáśo gachati yá evám véda ||2|| [14]

(AVŚ\_15,2.3[2.15]a) sá úd atiṣṭhat sá pratícīm díśam ánu vy àcalat | [15]

(AVŚ\_15,2.3[2.16]b) tám vairūpām ca vairājām cápaś ca váruṇaś ca rájānūvyàcalan | [16]

(AVŚ\_15,2.3[2.17]c) vairūpāya ca vái sá vairājāya cādbhyaś ca váruṇāya ca rájña á vṛ́scate yá evám vidvám̐sam vrátyam upavádati | [17]

(AVŚ\_15,2.3[2.18]d) vairūpásya ca vái sá vairājásya cāpām ca váruṇasya ca rájñaḥ priyām dhā́ma bhavati yá evám véda | [18]

(AVŚ\_15,2.3[2.19]e) táśya pratícyām diśirā puṁscalí háso māgadhó vijñānam vásó 'har uṣṇíṣam rátrī kėsā háritau pravartáu kalmalír

mañih | [19]

(AVŚ\_15,2.3[2.20]f) áhaś ca rātrī ca pariṣkandāu máno vipathám mātarísvā ca pávamānaś ca vipathavāháu vātaḥ sārathī reṣmā pratodāḥ kīrtís ca yáśaś ca puraḥsaráu |

(AVŚ\_15,2.3[2.20]g) áinaṃ kīrtír gachaty á yáśo gachati yá evám véda ||3|| [20]

(AVŚ\_15,2.4[2.21]a) sá úd atiṣṭhat sá údīcīm díśam ánu vy àcalat | [21]

(AVŚ\_15,2.4[2.22]b) tám śyaitám ca naudhasám ca saptarśáyaś ca sómaś ca rájānuvyàcalan | [22]

(AVŚ\_15,2.4[2.23]c) śyaitāya ca vái sá naudhasāya ca saptarśíbhyaś ca sómāya ca rájña ā vr̥scate yá evám vidvāṃsam vrātyam upavádati | [23]

(AVŚ\_15,2.4[2.24]d) śyaitāsyā ca vái sá naudhasāsyā ca saptarśīṇām ca sómasyā ca rájñaḥ priyám dhāma bhavati yá evám véda | [24]

(AVŚ\_15,2.4[2.25]e) tásyódīcyām díśi vidyút puṃscalí stanayitnúr māgādhó vijñānaṃ vásó 'har uṣṇīṣam rātrī kēsā hāritau pravartáu kalmalír mañih | [25]

(AVŚ\_15,2.4[2.26-27]f) śrutám ca víśrutám ca pariṣkandāu máno vipathám mātarísvā ca pávamānaś ca vipathavāháu vātaḥ sārathī reṣmā pratodāḥ kīrtís ca yáśaś ca puraḥsaráu | [26-27]

(AVŚ\_15,2.4[2.28]g) áinaṃ kīrtír gachaty á yáśo gachati yá evám véda ||4|| [28]

(AVŚ\_15,3.1a) sá saṃvatsarám ūrdhvò 'tiṣṭhat tám devā abruvan vrātya kīm nú tiṣṭhasíti ||1||

(AVŚ\_15,3.2a) sò 'bravīd āsandīm me sám bharantv íti ||2||

(AVŚ\_15,3.3a) tásmāi vrātyāyāsandīm sám abharan ||3||

(AVŚ\_15,3.4a) tásyā grīṣmās ca vasantás ca dváu pādāv āstām śarác ca varṣás ca dváu ||4||

(AVŚ\_15,3.5a) bṛhác ca rathantarām cānūcyè āstām yajñāyajñíyam ca vāmadevyám ca tiraścyè ||5||

(AVŚ\_15,3.6a) ŋcaḥ práñcas tántavo yájūṃṣi tiryáñcaḥ ||6||

(AVŚ\_15,3.7a) véda āstāraṇam bráhmopabárhaṇam ||7||

(AVŚ\_15,3.8a) sāmāsādá udgīthò 'paśrayáh ||8||

(AVŚ\_15,3.9a) tám āsandīm vrātya árohat ||9||

(AVŚ\_15,3.10a) tásya devajanāḥ pariṣkandā áśant samkalpāḥ  
prahāyyā víśvāni bhūtāny upasádaḥ ||10||

(AVŚ\_15,3.11a) víśvāny evāsya bhūtāny upasádo bhavanti yá evaṃ  
véda ||11||

(AVŚ\_15,4.1[4.1]a) tásmāi prácyā diśáḥ | [1]  
(AVŚ\_15,4.1[4.2]b) vāsantáu māsau goptārāv ákurvan bṛhác ca  
rathantarām cānuṣṭhātārau | [2]  
(AVŚ\_15,4.1[4.3]c) vāsantāv enaṃ māsau prácyā diśó gopāyato  
bṛhác ca rathantarām cānu tiṣṭhato yá evaṃ véda ||1|| [3]

(AVŚ\_15,4.2[4.4]a) tásmāi dákṣiṇāyā diśáḥ | [4]  
(AVŚ\_15,4.2[4.5]b) gráīṣmau māsau goptārāv ákurvan  
yajñāyajñīyaṃ ca vāmadevyāṃ cānuṣṭhātārau | [5]  
(AVŚ\_15,4.2[4.6]c) gráīṣmāv enaṃ māsau dákṣiṇāyā diśó gopāyato  
yajñāyajñīyaṃ ca vāmadevyāṃ cānu tiṣṭhato yá evaṃ véda ||2|| [6]

(AVŚ\_15,4.3[4.7]a) tásmāi pratícyā diśáḥ | [7]  
(AVŚ\_15,4.3[4.8]b) vārṣikau māsau goptārāv ákurvan vairūpām ca  
vairājām cānuṣṭhātārau | [8]  
(AVŚ\_15,4.3[4.9]c) vārṣikāv enaṃ māsau pratícyā diśó gopāyato  
vairūpām ca vairājām cānu tiṣṭhato yá evaṃ véda ||3|| [9]

(AVŚ\_15,4.4[4.10]a) tásmā údīcyā diśáḥ | [10]  
(AVŚ\_15,4.4[4.11]b) śāradáu māsau goptārāv ákurvaṃ chyaitām ca  
naudhasām cānuṣṭhātārau | [11]  
(AVŚ\_15,4.4[4.12]c) śāradāv enaṃ māsāv údīcyā diśó gopāyataḥ  
śyaitām ca naudhasām cānu tiṣṭhato yá evaṃ véda ||4|| [12]

(AVŚ\_15,4.5[4.13]a) tásmāi dhruvāyā diśáḥ | [13]  
(AVŚ\_15,4.5[4.14]b) haimanáu māsau goptārāv ákurvan bhúmim  
cāgnīm cānuṣṭhātārau | [14]  
(AVŚ\_15,4.5[4.15]c) haimanāv enaṃ māsau dhruvāyā diśó gopāyato  
bhúmiś cāgniś cānu tiṣṭhato yá evaṃ véda ||5|| [15]

(AVŚ\_15,4.6[4.16]a) tásmā ūrdhvāyā diśáḥ | [16]  
(AVŚ\_15,4.6[4.17]b) śaiśiráu māsau goptārāv ákurvan dívaṃ  
cādityām cānuṣṭhātārau | [17]  
(AVŚ\_15,4.6[4.18]c) śaiśirāv enaṃ māsāv ūrdhvāyā diśó gopāyato  
dyáuś cādityás cānu tiṣṭhato yá evaṃ véda ||6|| [18]

(AVŚ\_15,5.1[5.1]a) tásmāi prácyā diśó antardeśád bhavám iṣvāsám  
anuṣṭhātāram ákurvan | [1]  
(AVŚ\_15,5.1[5.2-3]b) bhavá enaṃ iṣvāsáḥ prácyā diśó antardeśád

anuṣṭhātānu tiṣṭhati náinaṃ śarvó ná bhavó nésāno náśya paśún ná samānān hinasti yá evaṃ véda ||1|| [2-3]

(AVŚ\_15,5.2[5.4]a) tásmāi dākṣiṇāyā diśó antardeśác charvám  
iṣvāsām anuṣṭhātāram akurvan | [4]

(AVŚ\_15,5.2[5.5]b) śarvá enam iṣvāsó dākṣiṇāyā diśó antardeśád  
anuṣṭhātānu tiṣṭhati náinaṃ śarvó ná bhavó nésāno náśya paśún ná samānān hinasti yá evaṃ véda ||2|| [5]

(AVŚ\_15,5.3[5.6]a) tásmāi pratícyā diśó antardeśát paśupátim  
iṣvāsām anuṣṭhātāram akurvan | [6]

(AVŚ\_15,5.3[5.7]b) paśupátir enam iṣvāsáḥ pratícyā diśó antardeśád  
anuṣṭhātānu tiṣṭhati náinaṃ śarvó ná bhavó nésāno náśya paśún ná samānān hinasti yá evaṃ véda ||3|| [7]

(AVŚ\_15,5.4[5.8]a) tásmā údīcyā diśó antardeśád ugrám devám  
iṣvāsām anuṣṭhātāram akurvan | [8]

(AVŚ\_15,5.4[5.9]b) ugrá enam devá iṣvāsá údīcyā diśó antardeśád  
anuṣṭhātānu tiṣṭhati náinaṃ śarvó ná bhavó nésāno náśya paśún ná samānān hinasti yá evaṃ véda ||4|| [9]

(AVŚ\_15,5.5[5.10]a) tásmāi dhruvāyā diśó antardeśád rudrám  
iṣvāsām anuṣṭhātāram akurvan | [10]

(AVŚ\_15,5.5[5.11]b) rudrá enam iṣvāsó dhruvāyā diśó antardeśád  
anuṣṭhātānu tiṣṭhati náinaṃ śarvó ná bhavó nésāno náśya paśún ná samānān hinasti yá evaṃ véda ||5|| [11]

(AVŚ\_15,5.6[5.12]a) tásmā ūrdhvāyā diśó antardeśán mahādevám  
iṣvāsām anuṣṭhātāram akurvan | [12]

(AVŚ\_15,5.6[5.13]b) mahādevá enam iṣvāsá ūrdhvāyā diśó  
antardeśád anuṣṭhātānu tiṣṭhati náinaṃ śarvó ná bhavó nésāno  
náśya paśún ná samānān hinasti yá evaṃ véda ||6|| [13]

(AVŚ\_15,5.7[5.14]a) tásmāi sárvebhyo antardeśébhya íśānam  
iṣvāsām anuṣṭhātāram akurvan | [14]

(AVŚ\_15,5.7[5.15-16]b) íśāna enam iṣvāsáḥ sárvebhyo  
antardeśébhyo 'anuṣṭhātānu tiṣṭhati náinaṃ śarvó ná bhavó nésāno  
náśya paśún ná samānān hinasti yá evaṃ véda ||7|| [15-16]

(AVŚ\_15,6.1[6.1]a) sá dhruvám díśam ánu vy àcalat | [1]

(AVŚ\_15,6.1[6.2]b) tám bhúmiś cāgníś cáuṣadhayaś ca  
vānaspátayaś ca vānaspatyáś ca vīrúdhāś cānuvyàcalan | [2]

(AVŚ\_15,6.1[6.3]c) bhúmeś ca vái sò 'gnés cáuṣadhīnām ca  
vānaspátīnām ca vānaspatyānām ca vīrúdhām ca priyám dhāma  
bhavati yá evaṃ véda ||1|| [3]

(AVŚ\_15,6.2[6.4]a) sá ūrdhvám díśam ánu vy àcalat | [4]

(AVŚ\_15,6.2[6.5]b) tám ṛtām ca satyām ca sūryāś ca candrāś ca  
nākṣatrāṇi cānuvyàcalan | [5]

(AVŚ\_15,6.2[6.6]c) ṛtāsyā ca vāi sā satyāsyā ca sūryasyā ca  
candrāsyā ca nākṣatrāṇām ca priyām dhāma bhavati yā evām veda ||2|| [6]

(AVŚ\_15,6.3[6.7]a) sā uttamām dīśam ānu vy àcalat | [7]

(AVŚ\_15,6.3[6.8]b) tám ṛcaś ca sāmāni ca yājūṃṣi ca brāhma  
cānuvyàcalan | [8]

(AVŚ\_15,6.3[6.9]c) ṛcām ca vāi sā sāmnam ca yājuṣām ca  
brāhmaṇāś ca priyām dhāma bhavati yā evām veda ||3|| [9]

(AVŚ\_15,6.4[6.10]a) sā bṛhatīm dīśam ānu vy àcalat | [10]

(AVŚ\_15,6.4[6.11]b) tám itihāsāś ca purāṇām ca gāthāś ca  
nārāṣaṃsīś cānuvyàcalan | [11]

(AVŚ\_15,6.4[6.12]c) itihāsāsyā ca vāi sā purāṇāsyā ca gāthānām ca  
nārāṣaṃsīnām ca priyām dhāma bhavati yā evām veda ||4|| [12]

(AVŚ\_15,6.5[6.13]a) sā paramām dīśam ānu vy àcalat | [13]

(AVŚ\_15,6.5[6.14]b) tám āhavanīyāś ca gārhapatyāś ca dakṣiṇāgnīś  
ca yajñāś ca yājamānāś ca paśāvaś cānuvyàcalan | [14]

(AVŚ\_15,6.5[6.15]c) āhavanīyasyā ca vāi sā gārhapatyasyā ca  
dakṣiṇāgnēś ca yajñāsyā ca yājamānasyā ca paśūnām ca priyām  
dhāma bhavati yā evām veda ||5|| [15]

(AVŚ\_15,6.6[6.16]a) só 'nādiṣṭām dīśam ānu vy àcalat | [16]

(AVŚ\_15,6.6[6.17]b) tám ṛtāvaś cārtavāś ca lokāś ca laukyāś ca  
māsāś cārdhamāsāś cāhorātrē cānuvyàcalan | [17]

(AVŚ\_15,6.6[6.18]c) ṛtūnām ca vāi sā ārtavānām ca lokānām ca  
laukyānām ca māsānām cārdhamāsānām cāhorātrāyoś ca priyām  
dhāma bhavati yā evām veda ||6|| [18]

(AVŚ\_15,6.7[6.19]a) só 'nāvṛttām dīśam ānu vy àcalat tato

nāvartsyānn amanyata | [19]

(AVŚ\_15,6.7[6.20]b) tám dītiś cāditiś céḍā cendrāṇī cānuvyàcalan |  
[20]

(AVŚ\_15,6.7[6.21]c) dīteś ca vāi só 'diteś céḍāyāś cendrāṇyāś ca  
priyām dhāma bhavati yā evām veda ||7|| [21]

(AVŚ\_15,6.8[6.22]a) sā dīśó 'nu vy àcalat tám virāḍ ānu vy àcalat  
sārvē ca devāḥ sārvas ca devātāḥ | [22]

(AVŚ\_15,6.8[6.23]b) virājaś ca vāi sā sārveṣām ca devānām  
sārvasām ca devātānām priyām dhāma bhavati yā evām veda ||8||  
[23]

(AVŚ\_15,6.9[6.24]a) sā sārvaṇ antardeśān ānu vy àcalat | [24]

(AVŚ\_15,6.9[6.25]b) tám prajāpatiś ca parameṣṭhī ca pitā ca  
pitāmahāś cānuvyàcalan | [25]

(AVŚ\_15,6.9[6.26]c) prajāpateś ca vāi sā parameṣṭhīnāś ca pitús ca

pitāmahāsya ca priyāṃ dhāma bhavati yā evaṃ veda ||9|| [26]

(AVŚ\_15,7.1a) sā mahimā sādrur bhūtvāntaṃ pṛthivyā agachat  
samudrò 'bhavat ||1||

(AVŚ\_15,7.2a) tāṃ prajāpatiś ca parameṣṭhī ca pitā ca pitāmahās  
cāpaś ca śraddhā ca varṣaṃ bhūtvānuvyāvartayanta ||2||

(AVŚ\_15,7.3a) āinaṃ āpo gachanty āinaṃ śraddhā gachaty āinaṃ  
varṣaṃ gachati yā evaṃ veda ||3||

(AVŚ\_15,7.4a) tāṃ śraddhā ca yajñās ca lokās cānaṃ cānnādyam  
ca bhūtvābhiparyāvartanta ||4||

(AVŚ\_15,7.5a) āinaṃ śraddhā gachaty āinaṃ yajñó gachaty āinaṃ  
lokó gachaty āinaṃ ānaṃ gachaty āinaṃ annādyam gachati yā  
evaṃ veda ||5||

(AVŚ\_15,8.1a) sò 'rajyata tato rājanyò 'jāyata ||1||

(AVŚ\_15,8.2a) sā víśaḥ sábandhūn ānaṃ annādyam  
abhyúdatiṣṭhat ||2||

(AVŚ\_15,8.3a) víśaṃ ca vái sā sábandhūnāṃ cānnasya cānnādyasya  
ca priyāṃ dhāma bhavati yā evaṃ veda ||3||

(AVŚ\_15,9.1a) sā víśó 'nu vy àcalat ||1||

(AVŚ\_15,9.2a) tāṃ sabhā ca sámitiś ca sénā ca sūrā cānuvyàcalan ||  
2||

(AVŚ\_15,9.3a) sabhāyās ca vái sā sámites ca sénāyās ca sūrāyās ca  
priyāṃ dhāma bhavati yā evaṃ veda ||3||

(AVŚ\_15,10.1a) tād yāyaivāṃ vidvān vrátyo rájñó 'tithir gṛhān  
āgáchet ||1||

(AVŚ\_15,10.2a) śréyāṃsam enam ātmāno mānayet táthā kṣatrāya  
ná vṛścate táthā rāṣṭráya ná vṛścate ||2||

(AVŚ\_15,10.3a) áto vái bráhma ca kṣatrāṃ cód atiṣṭhatām té



abrūtāṃ kām prā viśāvétī ||3||

(AVŚ\_15,10.4a) bṛhaspátim evá bráhma praviśátv índraṃ kṣatrám táthā vā íti ||4||

(AVŚ\_15,10.5a) áto vái bṛhaspátim evá bráhma prāviśad índraṃ kṣatrám ||5||

(AVŚ\_15,10.6a) iyám vā u pṛthiví bṛhaspátir dyáur evéndraḥ ||6||

(AVŚ\_15,10.7a) ayám vā u agnír bráhmāsāv ādityáh kṣatrám ||7||

(AVŚ\_15,10.8a) áinaṃ bráhma gachati brahmavarcasí bhavati ||8||

(AVŚ\_15,10.9a) yáh pṛthivím bṛhaspátim agním bráhma véda ||9||

(AVŚ\_15,10.10a) áinaṃ indriyám gachatīndriyāvān bhavati ||10||

(AVŚ\_15,10.11a) yá ādityám kṣatrám dívam índraṃ véda ||11||

(AVŚ\_15,11.1a) tád yásyaivám vidván vrátyó 'tithir gṛhān āgáchet ||1||

(AVŚ\_15,11.2a) svayám enam abhyudétya brūyād vrátya kvāvātsīr vrátyodakám vrátya tarpáyantu vrátya yáthā te priyám táthāstu vrátya yáthā te vāsas táthāstu vrátya yáthā te nikāmás táthāstv íti ||2||

(AVŚ\_15,11.3a) yád enam áha vrátya kvāvātsīr íti pathá evá téna devayānān áva rundhe ||3||

(AVŚ\_15,11.4a) yád enam áha vrátyodakám íty apá evá ténāva rundhe ||4||

(AVŚ\_15,11.5a) yád enam áha vrátya tarpáyantv íti prāṇám evá téna várṣīyāṃsaṃ kurute ||5||

(AVŚ\_15,11.6a) yád enam áha vrátya yáthā te priyám táthāstv íti priyám evá ténāva rundhe ||6||

(AVŚ\_15,11.7a) áinaṃ priyám gachati priyáh priyásya bhavati yá evám véda ||7||

(AVŚ\_15,11.8a) yád enam áha vrátya yáthā te vāsas táthāstv íti vāsām evá ténāva rundhe ||8||

(AVŚ\_15,11.9a) áinaṃ váso gachati vaśí vaśínāṃ bhavati yá evám

véda ||9||

(AVŚ\_15,11.10a) yád enam áha vrátya yáthā te nikāmās tathāstv iti  
nikāmām evá ténāva rundhe ||10||

(AVŚ\_15,11.11a) áinaṃ nikāmó gachati nikāmé nikāmasya bhavati  
yá evaṃ véda ||11||

(AVŚ\_15,12.1a) tát yasyaivám vidván vrátya úddhṛṭeṣv agníṣv  
ádhiśrite 'gnihotré 'tithir gṛhān āgáchet ||1||

(AVŚ\_15,12.2a) svayám enam abhyudétya brūyād vrátýāti sṛja  
hoṣyāmīti ||2||

(AVŚ\_15,12.3a) sá cātisṛjéj juhuyān ná cātisṛjén ná juhuyāt ||3||

(AVŚ\_15,12.4a) sá yá evaṃ vidúṣā vrátýenātisṛṣṭo juhóti ||4||

(AVŚ\_15,12.5a) prá pitṛyāṇaṃ pánthāṃ jānāti prá devayānam ||5||

(AVŚ\_15,12.6a) ná devéṣv á vṛṣcate hutám asya bhavati ||6||

(AVŚ\_15,12.7a) páry asyāsmíṃl loká āyátanaṃ śiṣyate yá evaṃ  
vidúṣā vrátýenātisṛṣṭo juhóti ||7||

(AVŚ\_15,12.8a) átha yá evaṃ vidúṣā vrátýenānatisṛṣṭo juhóti ||8||

(AVŚ\_15,12.9a) ná pitṛyāṇaṃ pánthāṃ jānāti ná devayānam ||9||

(AVŚ\_15,12.10a) á devéṣu vṛṣcate áhutám asya bhavati ||10||

(AVŚ\_15,12.11a) násyāsmíṃl loká āyátanaṃ śiṣyate yá evaṃ vidúṣā  
vrátýenānatisṛṣṭo juhóti ||11||

(AVŚ\_15,13.1[13.1]a) tát yasyaivám vidván vrátya ékām rátrim  
átithir gṛhé vásati | [1]

(AVŚ\_15,13.1[13.2]b) yé pṛthivyāṃ púṇyā lokás tán evá ténāva  
rundhe ||1|| [2]

(AVŚ\_15,13.2[13.3]a) tát yasyaivám vidván vrátyo dvitíyām rátrim  
átithir gṛhé vásati | [3]

(AVŚ\_15,13.2[13.4]b) yé 'ntárikṣe púṇyā lokás tán evá ténāva  
rundhe ||2|| [4]

(AVŚ\_15,13.3[13.5]a) tát yasyaivám vidván vrátyas tṛtíyām rátrim  
átithir gṛhé vásati | [5]

(AVŚ\_15,13.3[13.6]b) yé diví púṇyā lokás tán evá ténāva rundhe ||

3|| [6]

(AVŚ\_15,13.4[13.7]a) tád yásyaivám vidván vrátyaś caturthīm  
rátrīm átithir gr̥hé vásati | [7]

(AVŚ\_15,13.4[13.8]b) yé púṇyānām púṇyā lokás tán evá ténáva  
rundhe ||4|| [8]

(AVŚ\_15,13.5[13.9]a) tád yásyaivám vidván vrátýó 'parimitā rátrir  
átithir gr̥hé vásati | [9]

(AVŚ\_15,13.5[13.10]b) yá eváparimitāḥ púṇyā lokás tán evá ténáva  
rundhe ||5|| [10]

(AVŚ\_15,13.6[13.11]a) átha yásyāvrátýo vrátýabruvó nāmabibhraty  
átithir gr̥hān āgáchet ||6|| [11]

(AVŚ\_15,13.7[13.12]a) kárṣed enām ná cainām kárṣet ||7|| [12]

(AVŚ\_15,13.8[13.13]a) asyái devátāyā udakām yācāmīmām  
devátām vāsaya imām imām devátām pári veveṣmīty enām pári  
veviṣyāt ||8|| [13]

(AVŚ\_15,13.9[13.14]a) tásyām evásya tád devátāyām hutām  
bhavati yá evām véda ||9|| [14]

(AVŚ\_15,14.1[14.1]a) sá yát prácīṃ díśam ánu vyácalan mārutam  
śárdho bhūtvānuvyàcalan máno 'nnādām kṛtvá | [1]

(AVŚ\_15,14.1[14.2]b) mánasānnādénānnam atti yá evām véda ||1||  
[2]

(AVŚ\_15,14.2[14.3]a) sá yád dáksīṇām díśam ánu vyácalad índro  
bhūtvānuvyàcalad bálam annādām kṛtvá | [3]

(AVŚ\_15,14.2[14.4]b) bālenānnādénānnam atti yá evām véda ||2||  
[4]

(AVŚ\_15,14.3[14.5]a) sá yát pratīcīṃ díśam ánu vyácalad váruṇo  
rájā bhūtvānuvyàcalad apò 'nnādīḥ kṛtvá | [5]

(AVŚ\_15,14.3[14.6]b) adbhír annādībhir ánnam atti yá evām véda ||  
3|| [6]

(AVŚ\_15,14.4[14.7]a) sá yád údīcīṃ díśam ánu vyácalat sómo rájā  
bhūtvānuvyàcalat saptarśibhir hutá áhutim annādīm kṛtvá | [7]

(AVŚ\_15,14.4[14.8]b) áhutyānnādyānnam atti yá evām véda ||4|| [8]

(AVŚ\_15,14.5[14.9]a) sá yád dhruvām díśam ánu vyácalad víṣṇur  
bhūtvānuvyàcalad virājam annādīm kṛtvá | [9]

(AVŚ\_15,14.5[14.10]b) virājānnādyānnam atti yá evām véda ||5||  
[10]

(AVŚ\_15,14.6[14.11]a) sá yát paśún ánu vyácalad rudró  
bhūtvānuvyàcalad óṣadhīr annādīḥ kṛtvā | [11]  
(AVŚ\_15,14.6[14.12]b) óṣadhībhir annādībhir ánnam atti yá evāṃ  
véda ||6|| [12]

(AVŚ\_15,14.7[14.13]a) sá yát pitṛṇ ánu vyácalad yamó rájā  
bhūtvānuvyàcalat svadhākārām annādām kṛtvā | [13]  
(AVŚ\_15,14.7[14.14]b) svadhākāreṇānnādénānnam atti yá evāṃ  
véda ||7|| [14]

(AVŚ\_15,14.8[14.15]a) sá yán manuṣyān ánu vyácalad agnīr  
bhūtvānuvyàcalat svāhākārām annādām kṛtvā | [15]  
(AVŚ\_15,14.8[14.16]b) svāhākāreṇānnādénānnam atti yá evāṃ  
véda ||8|| [16]

(AVŚ\_15,14.9[14.17]a) sá yád ūrdhvām díśam ánu vyácalad  
bṛhaspátir bhūtvānuvyàcalad vaṣaṭkārām annādām kṛtvā | [17]  
(AVŚ\_15,14.9[14.18]b) vaṣaṭkāreṇānnādénānnam atti yá evāṃ véda  
||9|| [18]

(AVŚ\_15,14.10[14.19]a) sá yád devān ánu vyácalad íśāno  
bhūtvānuvyàcalan manyúm annādām kṛtvā | [19]  
(AVŚ\_15,14.10[14.20]b) manyúnānnādénānnam atti yá evāṃ véda  
||10|| [20]

(AVŚ\_15,14.11[14.21]a) sá yát prajā ánu vyácalat prajāpatir  
bhūtvānuvyàcalat prāṇām annādām kṛtvā | [21]  
(AVŚ\_15,14.11[14.22]b) prāṇénānnādénānnam atti yá evāṃ véda ||  
11|| [22]

(AVŚ\_15,14.12[14.23]a) sá yát sárvān antardeśān ánu vyácalat  
paramēṣṭhī bhūtvānuvyàcalad brāhmānnādām kṛtvā | [23]  
(AVŚ\_15,14.12[14.24]b) brāhmaṇānnādénānnam atti yá evāṃ véda  
||12|| [24]

(AVŚ\_15,15.1a) tāsya vrātyasya ||1||

(AVŚ\_15,15.2a) saptá prāṇāḥ saptápānāḥ saptá vyānāḥ ||2||

(AVŚ\_15,15.3a) yò 'sya prathamāḥ prāṇā ūrdhvo nāmāyam só agnīḥ  
||3||

(AVŚ\_15,15.4a) yò 'sya dvitīyaḥ prāṇāḥ prauḍho nāmāsáu sá  
ādityaḥ ||4||

(AVŚ\_15,15.5a) yò 'sya tṛtīyaḥ prāṇò 'bhyūḍho nāmāsáu sá

candrāmāḥ ||5||

(AVŚ\_15,15.6a) yò 'sya caturthāḥ prāṇó vibhūr nāmāyaṃ sá pávamānaḥ ||6||

(AVŚ\_15,15.7a) yò 'sya pañcamāḥ prāṇó yónir nāma tá imá āpaḥ ||7||

(AVŚ\_15,15.8a) yò 'sya ṣaṣṭhāḥ prāṇāḥ priyó nāma tá imé paśávaḥ ||8||

(AVŚ\_15,15.9a) yò 'sya saptamāḥ prāṇó 'parimito nāma tá imāḥ prajāḥ ||9||

(AVŚ\_15,16.1a) yò 'sya prathamò 'pānāḥ sá paurṇamāsí ||1||

(AVŚ\_15,16.2a) yò 'sya dvitíyo 'pānāḥ sáṣṭakā ||2||

(AVŚ\_15,16.3a) yò 'sya tṛtíyo 'pānāḥ sāmāvāsyā ||3||

(AVŚ\_15,16.4a) yò 'sya caturthò 'pānāḥ sá śraddhá ||4||

(AVŚ\_15,16.5a) yò 'sya pañcamò 'pānāḥ sá dīkṣā ||5||

(AVŚ\_15,16.6a) yò 'sya ṣaṣṭhò 'pānāḥ sá yajñāḥ ||6||

(AVŚ\_15,16.7a) yò 'sya saptamò 'pānás tá imá dáksīṇāḥ ||7||

(AVŚ\_15,17.1a) yò 'sya prathamó vyānāḥ séyāṃ bhūmih ||1||

(AVŚ\_15,17.2a) yò 'sya dvitíyo vyānás tát antárikṣam ||2||

(AVŚ\_15,17.3a) yò 'sya tṛtíyo vyānāḥ sá dyáuḥ ||3||

(AVŚ\_15,17.4a) yò 'sya caturthó vyānás táni náḥśatrāṇi ||4||

(AVŚ\_15,17.5a) yò 'sya pañcamó vyānás tá ṛtávaḥ ||5||

(AVŚ\_15,17.6a) yò 'sya ṣaṣṭhó vyānás tá ārtavāḥ ||6||

(AVŚ\_15,17.7a) yò 'sya saptamó vyānāḥ sá saṃvatsaráḥ ||7||

(AVŚ\_15,17.8a) samānám árthaṃ pári yanti devāḥ saṃvatsaráṃ vā etád ṛtávo 'nupáriyanti vrátyaṃ ca ||8||

(AVŚ\_15,17.9a) yád ādityám abhisamviśánty amāvāsyāṃ caivá tát  
paurṇamāsīṃ ca ||9||

(AVŚ\_15,17.10a) ékaṃ tád eṣāṃ amṛtatvám ity āhutir evá ||10||

(AVŚ\_15,18.1a) tásya vrátyasya ||1||

(AVŚ\_15,18.2a) yád asya dáksīṇam ákṣy asáu sá ādityó yád asya  
savyám ákṣy asáu sá candrá māḥ ||2||

(AVŚ\_15,18.3a) yò 'sya dáksīṇaḥ kárṇo 'yám só agnír yò 'sya savyáḥ  
kárṇo 'yám sá pávamānaḥ ||3||

(AVŚ\_15,18.4a) ahorātré násike dítis cáditis ca śīrṣakapālé  
samvatsaráḥ śíraḥ ||4||

(AVŚ\_15,18.5a) áhnā pratyāṇ vrátyo rátryā prāṇ námo vrátyāya ||5||

(AVŚ\_16,1.1a) átiśṛṣṭo apām vṛṣabhó 'tisṛṣṭā agnáyo divyáḥ ||1||

(AVŚ\_16,1.2a) ruján pariruján mṛṇán pramṛṇán ||2||

(AVŚ\_16,1.3a) mrokó manohá khanó nirdāhá ātma dūṣis tanū dūṣiḥ ||  
3||

(AVŚ\_16,1.4a) idám tám áti sṛjāmi tám mábhyávanikṣi ||4||

(AVŚ\_16,1.5a) téna tám abhyátisṛjāmo yò 'smān dveṣṭi yám vayám  
dviṣmáḥ ||5||

(AVŚ\_16,1.6a) apām ágram asi samudráṃ vo 'bhyávasṛjāmi ||6||

(AVŚ\_16,1.7a) yò 'psv āgnír áti tám sṛjāmi mrokám khaním  
tanū dūṣim ||7||

(AVŚ\_16,1.8a) yó va āpo 'gnír āvivéśa sá eṣá yád vo ghorám tát  
etát ||8||

(AVŚ\_16,1.9a) índrasya va indriyēṇābhí ṣiñcet ||9||

(AVŚ\_16,1.10a) ariprá āpo ápa riprám asmát ||10||

(AVŚ\_16,1.11a) prāsmád éno vahantu prá duṣvápnyam vahantu ||  
11||

(AVŚ\_16,1.12a) śivéna mā cákṣuṣā paśyatāpaḥ śiváyā tanvópa  
spṛśata tvácam me ||12||

(AVŚ\_16,1.13a) śivān agnīn apsuṣādo havāmahe máyi kṣatráṃ  
várca á dhatta devīḥ ||13||

(AVŚ\_16,2.1a) nír durarmaṇyà ūrjā mádhumatī vāk ||1||

(AVŚ\_16,2.2a) mádhumatī stha mádhumatīm vācam udeyam ||2||

(AVŚ\_16,2.3a) úpahūto me gopāḥ úpahūto gopīthāḥ ||3||

(AVŚ\_16,2.4a) suśrútau kárṇau bhadráśrútau kárṇau bhadráṃ  
ślókaṃ śrūyāsam ||4||

(AVŚ\_16,2.5a) súśrutiś ca mópaśrutiś ca mǎ hāsiṣṭāṃ sáuparṇaṃ  
cákṣur ájasraṃ jyótiḥ ||5||

(AVŚ\_16,2.6a) řṣīṇāṃ prastaró 'si námo 'stu dáivāya prastaráya ||6||

(AVŚ\_16,3.1a) mūrdháhāṃ rayīṇāṃ mūrdhá samānānāṃ bhūyāsam  
||1||

(AVŚ\_16,3.2a) rujás ca mā venás ca mǎ hāsiṣṭāṃ mūrdhá ca mā  
vídharma ca mǎ hāsiṣṭāṃ ||2||

(AVŚ\_16,3.3a) urvás ca mā camasás ca mǎ hāsiṣṭāṃ dhartá ca mā  
dharūṇas ca mǎ hāsiṣṭāṃ ||3||

(AVŚ\_16,3.4a) vimokás ca mārdrápaviś ca mǎ hāsiṣṭāṃ ādrádānuś  
ca mā mātariśvā ca mǎ hāsiṣṭāṃ ||4||

(AVŚ\_16,3.5a) bṛhaspátir ma ātmá ṇṛmāṇā náma hṛdyaḥ ||5||

(AVŚ\_16,3.6a) asaṃtāpāṃ me hṛdayam urvī gávyūtiḥ samudró asmi  
vídharmaṇā ||6||

(AVŚ\_16,4.1a) nábhir ahāṃ rayīṇāṃ nábhiḥ samānānāṃ bhūyāsam  
||1||

(AVŚ\_16,4.2a) svāsád asi sūṣā amṛto mǎrtyeśv á ||2||

(AVŚ\_16,4.3a) mǎ máṃ prāṇó hāsīn mó apānó 'vahāya párā gāt ||3||

(AVŚ\_16,4.4a) sūryo mǎhnaḥ pātv agnīḥ pṛthivyā vāyúr antárikṣād

yamó manuṣyēbhyaḥ sárasvatī páṛthivebhyaḥ ||4||

(AVŚ\_16,4.5a) prāṇāpanau mā mā hāsiṣṭam mā jáne prá meṣi ||5||

(AVŚ\_16,4.6a) svasty àdyóṣáso doṣásaś ca sárva āpaḥ sárvagaṇo  
aśīya ||6||

(AVŚ\_16,4.7a) śákvarī stha paśávo mópa stheṣur mitráváruṇau me  
prāṇāpānāv agnír me dákṣam dadhātu ||7||

(AVŚ\_16,5.1a) vidmá te swapna janítam gráhyāḥ putró 'si yamásya  
káraṇaḥ |

(AVŚ\_16,5.1b) ántako 'si mṛtyúr asi |

(AVŚ\_16,5.1c) tám tvā swapna táthā sám vidma sá naḥ swapna  
duṣvāpnyāt pāhi ||1||

(AVŚ\_16,5.2a) vidmá te swapna janítam níṛṭyāḥ putró 'si yamásya  
káraṇaḥ | [...] || 2 ||

(AVŚ\_16,5.3a) vidmá te swapna janítam ábhūtyāḥ putró 'si yamásya  
[...] || 3 ||

(AVŚ\_16,5.4a) vidmá te swapna janítam nírbhūtyāḥ putró 'si [...] || 4  
||

(AVŚ\_16,5.5a) vidmá te swapna janítam párābhūtyāḥ putró 'si [...] ||  
5 ||

(AVŚ\_16,5.6a) vidmá te swapna janítam devajāmīnām putró 'si  
yamásya káraṇaḥ |

(AVŚ\_16,5.6b) ántako 'si mṛtyúr asi |

(AVŚ\_16,5.6c) tám tvā swapna táthā sám vidma sá naḥ swapna  
duṣvāpnyāt pāhi ||6||

(AVŚ\_16,6.1a) ájaiṣmādyásanām adyāmūm ánāgasó vayám ||1||

(AVŚ\_16,6.2a) uṣó yásmād duṣvāpnyād ábhaiṣmāpa tát uchatu ||2||

(AVŚ\_16,6.3a) dviṣaté tát párā vaha śápate tát párā vaha ||3||

(AVŚ\_16,6.4a) yám dviṣmó yás ca no dvéṣṭi tásmā enad  
gamāyāmaḥ ||4||

(AVŚ\_16,6.5a) uṣá deví vācá samvidāná vág devy ùśásā samvidāná  
||5||



(AVŚ\_16,6.6a) uśás pátir vácás pátinā saṃvidānó vácás pátinā  
saṃvidānáḥ ||6||

(AVŚ\_16,6.7a) tè 'múṣmai párā vahantv aráyan durṇámnaḥ  
sadānvāḥ ||7||

(AVŚ\_16,6.8a) kumbhíkāḥ dūśíkāḥ píyakān ||8||

(AVŚ\_16,6.9a) jāgradduṣvapnyám svapneduṣvapnyám ||9||

(AVŚ\_16,6.10a) ánāgamiṣyato várān ávitteḥ saṃkalpān ámucyā  
druháḥ páśān ||10||

(AVŚ\_16,6.11a) tát amúṣmā agne deváḥ párā vahantu vághrir  
yáthāsad vithuró ná sādhubḥ ||11||

(AVŚ\_16,7.1a) ténainaṃ vidhyāmy ábhūtyainaṃ vidhyāmi  
nírbbhūtyainaṃ vidhyāmi párābhūtyainaṃ vidhyāmi grāhyainaṃ  
vidhyāmi támasainaṃ vidhyāmi ||1||

(AVŚ\_16,7.2a) devānām enaṃ ghoráih krūráih praiśáir abhiprésyāmi  
||2||

(AVŚ\_16,7.3a) vaiśvānarásyainaṃ dāmṣṭrayor ápi dadhāmi ||3||

(AVŚ\_16,7.4a) evānevāva sá garat ||4||

(AVŚ\_16,7.5a) yò 'smān dveṣṭi tám ātmā dveṣṭu yám vayám  
dviṣmáh sá ātmānaṃ dveṣṭu ||5||

(AVŚ\_16,7.6a) nír dviṣántaṃ divó níḥ pṛthivyā nír antárikṣād  
bhajāma ||6||

(AVŚ\_16,7.7a) súyāmaṃś cākṣuṣa ||7||

(AVŚ\_16,7.8a) idám ahám āmuṣyāyaṇè 'múṣyāḥ putré duṣvápnyaṃ  
mr̥je ||8||

(AVŚ\_16,7.9a) yád adóado abhyágachaṃ yád dóṣā yát púrvāṃ  
rátrim ||9||

(AVŚ\_16,7.10a) yáj jāgrad yát suptó yád dívā yán náktam ||10||

(AVŚ\_16,7.11a) yád áharahar abhigáchāmi tásmād enam áva daye  
||11||

(AVŚ\_16,7.12a) tám jahi téna mandasva tásya prṣṭīr ápi śṛṇīhi ||12||

(AVŚ\_16,7.13a) sá mǎ jīvīt tám prāṇó jahātu ||13||

(AVŚ\_16,8.1a) jitám asmákam údbhinnaṁ asmákam ṛtám asmákam  
téjas asmákam bráhmāsmákam svàr asmákam yajñò 'smákam  
paśávo 'smákam prajā asmákam vīrá asmákam ||1||

(AVŚ\_16,8.2a) jitám asmákam údbhinnaṁ asmákam ṛtám asmákam  
téjo 'smákam bráhmāsmákam svàr asmákam yajñò 'smákam  
paśávo 'smákam prajā asmákam vīrá asmákam |

(AVŚ\_16,8.2c) tásmād amúṁ nír bhajāmo 'múm āmuṣyāyaṇám  
amúṣyāḥ putráṁ asáu yáḥ |

(AVŚ\_16,8.2e) sá nírṛtyāḥ páśān mǎ moci ||2||

(AVŚ\_16,8.3a) jitám asmákam údbhinnaṁ asmákam ṛtám asmákam  
téjo 'smákam bráhmāsmákam svàr asmákam yajñò 'smákam  
paśávo 'smákam prajā asmákam vīrá asmákam |

(AVŚ\_16,8.3c) tásmād amúṁ nír bhajāmo 'múm āmuṣyāyaṇám  
amúṣyāḥ putráṁ asáu yáḥ |

(AVŚ\_16,8.3e) só 'bhūtyāḥ páśān mǎ moci ||3||

(AVŚ\_16,8.4a) jitám asmákam údbhinnaṁ asmákam ṛtám asmákam  
téjo 'smákam bráhmāsmákam svàr asmákam yajñò 'smákam  
paśávo 'smákam prajā asmákam vīrá asmákam |

(AVŚ\_16,8.4c) tásmād amúṁ nír bhajāmo 'múm āmuṣyāyaṇám  
amúṣyāḥ putráṁ asáu yáḥ |

(AVŚ\_16,8.4e) sá nír bhūtyāḥ páśān mǎ moci ||4||

(AVŚ\_16,8.5a) jitám asmákam údbhinnaṁ asmákam ṛtám asmákam  
téjo 'smákam bráhmāsmákam svàr asmákam yajñò 'smákam  
paśávo 'smákam prajā asmákam vīrá asmákam |

(AVŚ\_16,8.5c) tásmād amúṁ nír bhajāmo 'múm āmuṣyāyaṇám  
amúṣyāḥ putráṁ asáu yáḥ |

(AVŚ\_16,8.5e) sá párābhūtyāḥ páśān mǎ moci ||5||

(AVŚ\_16,8.6a) jitám asmákam údbhinnaṁ asmákam ṛtám asmákam  
téjo 'smákam bráhmāsmákam svàr asmákam yajñò 'smákam  
paśávo 'smákam prajā asmákam vīrá asmákam |

(AVŚ\_16,8.6c) tásmād amúṁ nír bhajāmo 'múm āmuṣyāyaṇám  
amúṣyāḥ putráṁ asáu yáḥ |

(AVŚ\_16,8.6e) sá devajāmināṁ páśān mǎ moci ||6||

(AVŚ\_16,8.7a) jitám asmákam údbhinnaṁ asmákam ṛtám asmákam  
téjo 'smákam bráhmāsmákam svàr asmákam yajñò 'smákam  
paśávo 'smákam prajā asmákam vīrá asmákam |

(AVŚ\_16,8.7c) tásmād amúṁ nír bhajāmo 'múm āmuṣyāyaṇám  
amúṣyāḥ putráṁ asáu yáḥ |

(AVŚ\_16,8.7e) sá bṛhaspáteḥ páśān mǎ moci ||7||

(AVŚ\_16,8.8a) jitám asmákaṃ údbhinnaṃ asmákaṃ ṛtám asmákaṃ  
téjo 'smákaṃ bráhmāsmákaṃ svàr asmákaṃ yajñò 'smákaṃ  
paśávo 'smákaṃ prajā asmákaṃ vīrá asmákaṃ |  
(AVŚ\_16,8.8c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.8e) sá prajāpateḥ páśān má moci ||8||

(AVŚ\_16,8.9a) jitám asmákaṃ údbhinnaṃ asmákaṃ ṛtám asmákaṃ  
téjo 'smákaṃ bráhmāsmákaṃ svàr asmákaṃ yajñò 'smákaṃ  
paśávo 'smákaṃ prajā asmákaṃ vīrá asmákaṃ |  
(AVŚ\_16,8.9c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.9e) sá řṣīṇāṃ páśān má moci ||9||

(AVŚ\_16,8.10a) jitám asmákaṃ údbhinnaṃ asmákaṃ ṛtám  
asmákaṃ téjo 'smákaṃ bráhmāsmákaṃ svàr asmákaṃ yajñò  
'smákaṃ paśávo 'smákaṃ prajā asmákaṃ vīrá asmákaṃ |  
(AVŚ\_16,8.10c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.10e) sá ārṣeyāṇāṃ páśān má moci ||10||

(AVŚ\_16,8.11a) jitám asmákaṃ údbhinnaṃ asmákaṃ ṛtám  
asmákaṃ téjo 'smákaṃ bráhmāsmákaṃ svàr asmákaṃ yajñò  
'smákaṃ paśávo 'smákaṃ prajā asmákaṃ vīrá asmákaṃ |  
(AVŚ\_16,8.11c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.11e) só 'ṅgirasāṃ páśān má moci ||11||

(AVŚ\_16,8.12a) jitám asmákaṃ údbhinnaṃ asmákaṃ ṛtám  
asmákaṃ téjo 'smákaṃ bráhmāsmákaṃ svàr asmákaṃ yajñò  
'smákaṃ paśávo 'smákaṃ prajā asmákaṃ vīrá asmákaṃ |  
(AVŚ\_16,8.12c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.12e) sá āṅgirasānāṃ páśān má moci ||12||

(AVŚ\_16,8.13a) jitám asmákaṃ údbhinnaṃ asmákaṃ ṛtám  
asmákaṃ téjo 'smákaṃ bráhmāsmákaṃ svàr asmákaṃ yajñò  
'smákaṃ paśávo 'smákaṃ prajā asmákaṃ vīrá asmákaṃ |  
(AVŚ\_16,8.13c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.13e) só 'tharvaṇāṃ páśān má moci ||13||

(AVŚ\_16,8.14a) jitám asmákaṃ údbhinnaṃ asmákaṃ ṛtám  
asmákaṃ téjo 'smákaṃ bráhmāsmákaṃ svàr asmákaṃ yajñò  
'smákaṃ paśávo 'smákaṃ prajā asmákaṃ vīrá asmákaṃ |  
(AVŚ\_16,8.14c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.14e) sá ātharvaṇānāṃ páśān má moci ||14||

(AVŚ\_16,8.15a) jitám asmákam údbhinnam asmákam ṛtám  
asmákam téjo 'smákam bráhmāsmákam svār asmákam yajñò  
'smákam paśávo 'smákam prajā asmákam vīrá asmákam |  
(AVŚ\_16,8.15c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.15e) sá vānaspátīṇām páśān má moci ||15||

(AVŚ\_16,8.16a) jitám asmákam údbhinnam asmákam ṛtám  
asmákam téjo 'smákam bráhmāsmákam svār asmákam yajñò  
'smákam paśávo 'smákam prajā asmákam vīrá asmákam |  
(AVŚ\_16,8.16c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.16e) sá vānaspatyānām páśān má moci ||16||

(AVŚ\_16,8.17a) jitám asmákam údbhinnam asmákam ṛtám  
asmákam téjo 'smákam bráhmāsmákam svār asmákam yajñò  
'smákam paśávo 'smákam prajā asmákam vīrá asmákam |  
(AVŚ\_16,8.17c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.17e) sá ṛtūnām páśān má moci ||17||

(AVŚ\_16,8.18a) jitám asmákam údbhinnam asmákam ṛtám  
asmákam téjo 'smákam bráhmāsmákam svār asmákam yajñò  
'smákam paśávo 'smákam prajā asmákam vīrá asmákam |  
(AVŚ\_16,8.18c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.18e) sá ārtavānām páśān má moci ||18||

(AVŚ\_16,8.19a) jitám asmákam údbhinnam asmákam ṛtám  
asmákam téjo 'smákam bráhmāsmákam svār asmákam yajñò  
'smákam paśávo 'smákam prajā asmákam vīrá asmákam |  
(AVŚ\_16,8.19c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.19e) sá māsānām páśān má moci ||19||

(AVŚ\_16,8.20a) jitám asmákam údbhinnam asmákam ṛtám  
asmákam téjo 'smákam bráhmāsmákam svār asmákam yajñò  
'smákam paśávo 'smákam prajā asmákam vīrá asmákam |  
(AVŚ\_16,8.20c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.20e) só 'rdhamāsānām páśān má moci ||20||

(AVŚ\_16,8.21a) jitám asmákam údbhinnam asmákam ṛtám  
asmákam téjo 'smákam bráhmāsmákam svār asmákam yajñò  
'smákam paśávo 'smákam prajā asmákam vīrá asmákam |  
(AVŚ\_16,8.21c) tásmād amúṃ nír bhajāmo 'múm āmuṣyāyaṇám  
amúṣyāḥ putráṃ asáu yáḥ |  
(AVŚ\_16,8.21e) só 'horātrāyoḥ páśān má moci ||21||

(AVŚ\_16,8.22a) jitám asmákam údbhinnaṁ asmákam ṛtám  
asmákam téjo 'smákam bráhmāsmákam svàr asmákam yajñò  
'smákam paśávo 'smákam prajā asmákam vīrá asmákam |  
(AVŚ\_16,8.22c) tásmād amúṁ nír bhajāmo 'múm āmuṣyāyaṇám  
amúṣyāḥ putráṁ asáu yáḥ |  
(AVŚ\_16,8.22e) só 'hnoḥ saṁyatóḥ páśān má moci ||22||

(AVŚ\_16,8.23a) jitám asmákam údbhinnaṁ asmákam ṛtám  
asmákam téjo 'smákam bráhmāsmákam svàr asmákam yajñò  
'smákam paśávo 'smákam prajā asmákam vīrá asmákam |  
(AVŚ\_16,8.23c) tásmād amúṁ nír bhajāmo 'múm āmuṣyāyaṇám  
amúṣyāḥ putráṁ asáu yáḥ |  
(AVŚ\_16,8.23e) sá dyāvāpṛthivyóḥ páśān má moci ||23||

(AVŚ\_16,8.24a) jitám asmákam údbhinnaṁ asmákam ṛtám  
asmákam téjo 'smákam bráhmāsmákam svàr asmákam yajñò  
'smákam paśávo 'smákam prajā asmákam vīrá asmákam |  
(AVŚ\_16,8.24c) tásmād amúṁ nír bhajāmo 'múm āmuṣyāyaṇám  
amúṣyāḥ putráṁ asáu yáḥ |  
(AVŚ\_16,8.24e) sá indrāgnyoḥ páśān má moci ||24||

(AVŚ\_16,8.25a) jitám asmákam údbhinnaṁ asmákam ṛtám  
asmákam téjo 'smákam bráhmāsmákam svàr asmákam yajñò  
'smákam paśávo 'smákam prajā asmákam vīrá asmákam |  
(AVŚ\_16,8.25c) tásmād amúṁ nír bhajāmo 'múm āmuṣyāyaṇám  
amúṣyāḥ putráṁ asáu yáḥ |  
(AVŚ\_16,8.25e) sá mitrāvāruṇayoḥ páśān má moci ||25||

(AVŚ\_16,8.26a) jitám asmákam údbhinnaṁ asmákam ṛtám  
asmákam téjo 'smákam bráhmāsmákam svàr asmákam yajñò  
'smákam paśávo 'smákam prajā asmákam vīrá asmákam |  
(AVŚ\_16,8.26c) tásmād amúṁ nír bhajāmo 'múm āmuṣyāyaṇám  
amúṣyāḥ putráṁ asáu yáḥ |  
(AVŚ\_16,8.26e) sá rájño váruṇasya páśān má moci ||26||

(AVŚ\_16,8.27a) jitám asmákam údbhinnaṁ asmákam ṛtám  
asmákam téjo 'smákam bráhmāsmákam svàr asmákam yajñò  
'smákam paśávo 'smákam prajā asmákam vīrá asmákam ||27||

(AVŚ\_16,9.1a) jitám asmákam údbhinnaṁ asmákam abhy àṣṭhām  
vísṽāḥ pṛtanā árātīḥ ||1||

(AVŚ\_16,9.2a) tát agnír āha tát u sóma āha pūṣá mā dhāt  
sukṛtāsya loké ||2||

(AVŚ\_16,9.3a) áganma svàḥ svàr aganma sám sūryasya

jyótiṣāganma ||3||

(AVŚ\_16,9.4a) vasyobhūyāya vāsumān yajñó vāsu vaṃsiṣīya  
vāsumān bhūyāsaṃ vāsu máyi dhehi ||4||

(AVŚ\_17,1.1a) viṣāsahím sáhamānaṃ sāsahānám sáhīyāṃsam |  
(AVŚ\_17,1.1c) sáhamānaṃ sahojítam svarjítam gojítam  
saṃdhanājítam |  
(AVŚ\_17,1.1e) Íḍyaṃ náma hva índram áyuṣmān bhūyāsam ||1||

(AVŚ\_17,1.2a) viṣāsahím sáhamānaṃ sāsahānám sáhīyāṃsam |  
(AVŚ\_17,1.2c) sáhamānaṃ sahojítam svarjítam gojítam  
saṃdhanājítam |  
(AVŚ\_17,1.2e) Íḍyaṃ náma hva índram priyó devánām bhūyāsam ||  
2||

(AVŚ\_17,1.3a) viṣāsahím sáhamānaṃ sāsahānám sáhīyāṃsam |  
(AVŚ\_17,1.3c) sáhamānaṃ sahojítam svarjítam gojítam  
saṃdhanājítam |  
(AVŚ\_17,1.3e) Íḍyaṃ náma hva índram priyáh prajānām bhūyāsam  
||3||

(AVŚ\_17,1.4a) viṣāsahím sáhamānaṃ sāsahānám sáhīyāṃsam |  
(AVŚ\_17,1.4c) sáhamānaṃ sahojítam svarjítam gojítam  
saṃdhanājítam |  
(AVŚ\_17,1.4e) Íḍyaṃ náma hva índram priyáh paśúnām bhūyāsam ||  
4||

(AVŚ\_17,1.5a) viṣāsahím sáhamānaṃ sāsahānám sáhīyāṃsam |  
(AVŚ\_17,1.5c) sáhamānaṃ sahojítam svarjítam gojítam  
saṃdhanājítam |  
(AVŚ\_17,1.5e) Íḍyaṃ náma hva índram priyáh samānānām  
bhūyāsam ||5||

(AVŚ\_17,1.6a) úd ihy úd ihi sūrya várcasā mābhyúdihi |  
(AVŚ\_17,1.6c) dviśámś ca máhyaṃ rádhyatu má cāhám dviśaté  
radham távéd viṣṇo bahūdhá vīryāni |  
(AVŚ\_17,1.6e) tvám naḥ pṛṇīhi paśúbhir viśvárūpaiḥ sudhāyām mā  
dhehī paramé vyòman ||6||

(AVŚ\_17,1.7a) úd ihy úd ihi sūrya várcasā mābhyúdihi |  
(AVŚ\_17,1.7c) áśś ca páśyāmi yámś ca ná téṣu mā sumatím kṛdhi  
távéd viṣṇo bahūdhá vīryāni |  
(AVŚ\_17,1.7e) tvám naḥ pṛṇīhi paśúbhir viśvárūpaiḥ sudhāyām mā  
dhehī paramé vyòman ||7||

(AVŚ\_17,1.8a) má tvā dabhant salilé apsv àntár yé pāsína

upatíṣṭhanty átra |

(AVŚ\_17,1.8c) hitváśastim dívam árukṣa etám sá no mṛḍa sumatáu  
te syāma távéd viṣṇo bahūdhā vīryāni |

(AVŚ\_17,1.8e) tvám naḥ pṛṇīhi paśúbhir viśvárūpaiḥ sudhāyām mā  
dhehī paramé vyòman ||8||

(AVŚ\_17,1.9a) tvám na indra mahaté sáubhagāyādabdhebhiḥ pári  
pāhy aktúbhis távéd viṣṇo bahūdhā vīryāni |

(AVŚ\_17,1.9c) tvám naḥ pṛṇīhi paśúbhir viśvárūpaiḥ sudhāyām mā  
dhehī paramé vyòman ||9||

(AVŚ\_17,1.10a) tvám na indrotíbhiḥ śivābhiḥ sám̐tamo bhava |

(AVŚ\_17,1.10c) āróham̐s tridivám divó gṛṇānāḥ sómapītaye  
priyādhāmā svastāye távéd viṣṇo bahūdhā vīryāni |

(AVŚ\_17,1.10e) tvám naḥ pṛṇīhi paśúbhir viśvárūpaiḥ sudhāyām mā  
dhehī paramé vyòman ||10|| {1}

(AVŚ\_17,1.11a) tvám indrāsi viśvajít sarvavít puruhūtás tvám indra |

(AVŚ\_17,1.11c) tvám indremám suhávaṃ stómam érayasva sá no  
mṛḍa sumatáu te syāma távéd viṣṇo bahūdhā vīryāni |

(AVŚ\_17,1.11e) tvám naḥ pṛṇīhi paśúbhir viśvárūpaiḥ sudhāyām mā  
dhehī paramé vyòman ||11||

(AVŚ\_17,1.12a) ádabdho diví pṛthivyām utási ná ta āpur  
mahimānam antárikṣe |

(AVŚ\_17,1.12c) adabdhena bráhmaṇā vāvr̥dhānāḥ sá tvám na indra  
diví sám̐ chárma yacha távéd viṣṇo bahūdhā vīryāni |

(AVŚ\_17,1.12e) tvám naḥ pṛṇīhi paśúbhir viśvárūpaiḥ sudhāyām mā  
dhehī paramé vyòman ||12||

(AVŚ\_17,1.13a) yá ta indra tanúr apsú yá pṛthivyām yántár agnáu  
yá te indra pávamāne svarvídī |

(AVŚ\_17,1.13c) yáyendra tanvā 'ntárikṣaṃ vyāpithá táyā na indra  
tanvā sárma yácha távéd viṣṇo bahūdhā vīryāni |

(AVŚ\_17,1.13e) tvám naḥ pṛṇīhi paśúbhir viśvárūpaiḥ sudhāyām mā  
dhehī paramé vyòman ||13||

(AVŚ\_17,1.14a) tvám indra bráhmaṇā vardháyantaḥ sattrám ní  
ṣedur̥ íṣayo nādhamānās távéd viṣṇo bahūdhā vīryāni |

(AVŚ\_17,1.14c) tvám naḥ pṛṇīhi paśúbhir viśvárūpaiḥ sudhāyām mā  
dhehī paramé vyòman ||14||

(AVŚ\_17,1.15a) tvám tṛtám tvám páry eṣy útsaṃ sahásradhāraṃ  
vidáthaṃ svarvídaṃ távéd viṣṇo bahūdhā vīryāni |

(AVŚ\_17,1.15c) tvám naḥ pṛṇīhi paśúbhir viśvárūpaiḥ sudhāyām mā  
dhehī paramé vyòman ||15||

(AVŚ\_17,1.16a) tvám rakṣase pradíśaś cátasras tvám śocíṣā nábhasī  
ví bhāsi |

(AVŚ\_17,1.16c) tvám imá víśvā bhúvanānu tiṣṭhasa ṛtasya pánthām  
ánv eṣi vidváms távéd viṣṇo bahūdhā vīryāni |  
(AVŚ\_17,1.16e) tvám naḥ pṛṇīhi paśúbhir víśvárūpaiḥ sudhāyām mā  
dhehī paramé vyòman ||16||

(AVŚ\_17,1.17a) pañcābhiḥ párān tapasy ékayārvān áśastim eṣi  
sudíne bádhamānas távéd viṣṇo bahūdhā vīryāni |  
(AVŚ\_17,1.17c) tvám naḥ pṛṇīhi paśúbhir víśvárūpaiḥ sudhāyām mā  
dhehī paramé vyòman ||17||

(AVŚ\_17,1.18a) tvám índras tvám mahendrás tvám lokás tvám  
prajāpatiḥ |  
(AVŚ\_17,1.18c) túbhyam yajñó ví tāyate túbhyam juhvati júhvatas  
távéd viṣṇo bahūdhā vīryāni |  
(AVŚ\_17,1.18e) tvám naḥ pṛṇīhi paśúbhir víśvárūpaiḥ sudhāyām mā  
dhehī paramé vyòman ||18||

(AVŚ\_17,1.19a) ásatī sát prátīṣṭhitam satī bhūtām prátīṣṭhitam |  
(AVŚ\_17,1.19c) bhūtām ha bhávya áhitam bhávyam bhūté  
prátīṣṭhitam távéd viṣṇo bahūdhā vīryāni |  
(AVŚ\_17,1.19e) tvám naḥ pṛṇīhi paśúbhir víśvárūpaiḥ sudhāyām mā  
dhehī paramé vyòman ||19||

(AVŚ\_17,1.20a) śukró 'si bhrājó 'si |  
(AVŚ\_17,1.20c) sá yáthā tvám bhrājatā bhrājó 'sy eváhām bhrājatā  
bhrājyāsam ||20|| {2}

(AVŚ\_17,1.21a) rúcir asi rocó 'si |  
(AVŚ\_17,1.21c) sá yáthā tvám rúcyā rocó 'sy eváhām paśúbhiś ca  
brāhmaṇavarcaśéna ca ruciṣīya ||21||

(AVŚ\_17,1.22a) udyaté náma udāyaté náma úditāya námaḥ |  
(AVŚ\_17,1.22c) virāje námaḥ svarāje námaḥ samrāje námaḥ ||22||

(AVŚ\_17,1.23a) astamyaté námo 'stameṣyaté námo 'stamitāya  
námaḥ |  
(AVŚ\_17,1.23c) virāje námaḥ svarāje námaḥ samrāje námaḥ ||23||

(AVŚ\_17,1.24a) úd agād ayám ādityó víśvena tápasā sahá |  
(AVŚ\_17,1.24c) sapátnān máhyam randháyan má cāhām dviṣaté  
radham távéd viṣṇo bahūdhā vīryāni |  
(AVŚ\_17,1.24e) tvám naḥ pṛṇīhi paśúbhir víśvárūpaiḥ sudhāyām mā  
dhehī paramé vyòman ||24||

(AVŚ\_17,1.25a) āditya nāvam ārukṣaḥ śatāritrām svastāye |  
(AVŚ\_17,1.25c) áhar máty apīparo rátriṃ satráti pāraya ||25||

(AVŚ\_17,1.26a) sūrya nāvam ārukṣaḥ śatāritrām svastāye |  
(AVŚ\_17,1.26c) rátriṃ máty apīparó 'haḥ satráti pāraya ||26||



(AVŚ\_17,1.27a) prajāpater āvṛto brāhmaṇā varmaṇāhām  
kaśyāpasya jyōtiṣā vārcasā ca |  
(AVŚ\_17,1.27c) jarādaṣṭiḥ kṛtāvīryo víhāyāḥ sahásrāyuh sūkṛtaś  
careyam ||27||

(AVŚ\_17,1.28a) párivṛto brāhmaṇā varmaṇāhām kaśyāpasya jyōtiṣā  
vārcasā ca |  
(AVŚ\_17,1.28c) mǎ mā prāpann íṣavo dáivyā yǎ mǎ mánuṣīr  
ávasṛṣṭāḥ vadhāya ||28||

(AVŚ\_17,1.29a) ṛténa guptá ṛtúbhiś ca sárvair bhūténa guptó  
bhávvena cāhām |  
(AVŚ\_17,1.29c) mǎ mā prāpat pāpmǎ mótá mṛtyúr antár dadhe  
'hām saliléna vācāḥ ||29||

(AVŚ\_17,1.30a) agnír mā goptá pári pātu viśvátaḥ udyánt súryo  
nudaṭām mṛtyupāśán |  
(AVŚ\_17,1.30c) vyuchántīr uśasaḥ párvatā dhruvāḥ sahásraṃ prāṇá  
máyy á yatantām ||30|| {3}

(AVŚ\_18,1.1a) ó cit sákhāyaṃ sakhyá vavṛtyām tirāḥ purú cid  
arṇavám jagannván |  
(AVŚ\_18,1.1c) pitúr nápatam á dadhīta vedhá ádhi kṣámi pratarám  
dídhyanāḥ ||1||

(AVŚ\_18,1.2a) ná te sákhā sakhyám vaṣṭy etát sálakṣmā yád  
viṣurūpā bhávati |  
(AVŚ\_18,1.2c) mahás putráso ásurasya vīrá divó dhartāra urviyá  
pári khyan ||2||

(AVŚ\_18,1.3a) usánti ghā té amṛtāsa etád ékasya cit tyajásam  
mártyasya |  
(AVŚ\_18,1.3c) ní te máno mánasi dhāyy asmé jányuh pátis tanvám  
á viviṣyāḥ ||3||

(AVŚ\_18,1.4a) ná yat purá cakṛmǎ kád dha nūnám ṛtām vádanto  
ánṛtaṃ rápema |  
(AVŚ\_18,1.4c) gandharvó apsv ápyā ca yóṣā sǎ nau nábhiḥ  
paramám jāmí tán nau ||4||

(AVŚ\_18,1.5a) gárbhe nú nau janitá dámpatī kar devás tváṣṭā savitá  
viśvárūpaḥ |  
(AVŚ\_18,1.5c) nákir asya prá minanti vratāni véda nāv asyá pṛthiví  
utá dyáuḥ ||5||

(AVŚ\_18,1.6a) kó adyá yuñkte dhurí gǎ ṛtasya símīvato bhāmíno

durhṛṇāyún |

(AVŚ\_18,1.6c) āsānniṣūn hṛtsvaso mayobhūn yā eṣāṃ bhr̥tyām  
ṛṇádhat sá jīvāt ||6||

(AVŚ\_18,1.7a) kó asyá veda prathamásyāhnaḥ ká īṃ dadarśa ká ihá  
prá vocat |

(AVŚ\_18,1.7c) bṛhán mitrásya váruṇasya dhāma kád u brava āhano  
vícya nṛṇ ||7||

(AVŚ\_18,1.8a) yamásya mā yamyām kāma āgant samāné yónau  
sahaśéyyāya |

(AVŚ\_18,1.8c) jāyéva pátye tanvām riricyām ví cid vṛheva ráthyeva  
cakrā ||8||

(AVŚ\_18,1.9a) ná tiṣṭhanti ná ní miṣanty eté devānām spása ihá yé  
carānti |

(AVŚ\_18,1.9c) anyéna mād āhano yāhi túyam téna ví vṛha ráthyeva  
cakrā ||9||

(AVŚ\_18,1.10a) rátrībhir asmā áhabhir daśasyet sūryasya cākṣur  
múhūr ún mimīyāt |

(AVŚ\_18,1.10c) divā pṛthivyā mithunā sábandhū yamír yamásya  
vivṛhād ájāmi ||10|| {1}

(AVŚ\_18,1.11a) á ghā tá gachān úttarā yugāni yātra jāmayāḥ  
kṛṇāvann ájāmi |

(AVŚ\_18,1.11c) úpa barbṛhi vṛṣabhāya bāhúm anyám ichasva  
subhage pátim mát ||11||

(AVŚ\_18,1.12a) kím bhrātāsad yád anāthām bhávāti kím u svásā  
yán níṛṛtir nigáchāt |

(AVŚ\_18,1.12c) kāmamūtā bahv ètád rapāmi tanvā me tanvām sám  
pipṛgdhi ||12||

(AVŚ\_18,1.13a) ná te nāthām yamy átrāhām asmi ná te tanúm  
tanvā sám papṛcyām |

(AVŚ\_18,1.13c) anyéna mát pramúdaḥ kalpayasva ná te bhrātā  
subhage vaṣṭy etát ||13||

(AVŚ\_18,1.14a) ná vā u te tanúm tanvā sám pipṛcyām pāpām āhur  
yāḥ svásāram nigáchāt |

(AVŚ\_18,1.14c) ásaṃyad etán mánaso hṛdó me bhrātā svásuḥ  
śáyane yác chāyīya ||14||

(AVŚ\_18,1.15a) bató batāsi yama náivá te máno hṛdayam cāvidām á  
|

(AVŚ\_18,1.15c) anyā kíla tvām kaksyèva yuktām pári ṣvajātau  
líbujeva vṛkṣám ||15||

(AVŚ\_18,1.16a) anyám ū ṣú yamy anyá u tvām pári ṣvajātau

líbujeva vṛkṣám |  
(AVŚ\_18,1.16c) tásya vā tvám mána ichā sá vā távādhā kṛṇuṣva  
saṃvīdaṃ súbhadrām ||16||

(AVŚ\_18,1.17a) trīṇi chándāṃsi kaváyo ví yetire pururúpaṃ  
darśatām víśvácakṣaṇam |  
(AVŚ\_18,1.17c) ápo vātā óṣadhayas tány ékasmin bhúvana árpitāni  
||17||  
(AVŚ\_18,1.18a) vṛṣā vṛṣṇe duduhe dóhasā diváh páyāṃsi yahvó  
áditer ádābhyaḥ |  
(AVŚ\_18,1.18c) víśvaṃ sá veda váruṇo yáthā dhiyá sá yajñíyo yajati  
yajñíyāṃ ṛtún ||18||

(AVŚ\_18,1.19a) rápad gandharvír ápyā ca yóṣaṇā nadásya nādé pári  
pātu no mánaḥ |  
(AVŚ\_18,1.19c) iṣṭásya mādhye áditir ní dhātu no bhrátā no jyeṣṭháh  
prathamó ví vocati ||19||

(AVŚ\_18,1.20a) só cit nú bhadrá kṣumátī yásasvaty uṣá uvāsa  
mánave svàrvatī |  
(AVŚ\_18,1.20c) yád īm uśántam uśatām ánu krátum agníṃ hótāraṃ  
vidáthāya jíjanan ||20|| {2}

(AVŚ\_18,1.21a) ádha tyám drapsám vibhvám vicakṣanám vír  
ábharad iṣiráh śyenó adhvaré |  
(AVŚ\_18,1.21c) yádī víso vṛṇáte dasmám áryā agníṃ hótāraṃ ádha  
dhír ájāyata ||21||

(AVŚ\_18,1.22a) sádāsi raṇvó yávaseva púṣyate hótṛābhir agne  
mánuṣaḥ svadhvaráh |  
(AVŚ\_18,1.22c) víprasya vā yác chaśamāná ukthyò vājaṃ sasavāṃ  
upayāsi bhúribhiḥ ||22||

(AVŚ\_18,1.23a) úd īraya pitārā jārā á bhágam íyakṣati haryató ḥṛttá  
iṣyati |  
(AVŚ\_18,1.23c) vívakti váhniḥ svapasyáte makhás taviṣyáte ásuro  
vépate matí ||23||

(AVŚ\_18,1.24a) yás te agne sumatím márto ákhyat sáhasaḥ sūno áti  
sá prá śṛṇve |  
(AVŚ\_18,1.24c) íṣaṃ dádhāno váhamāno ásvair á sá dyumāṃ  
ámavān bhūṣati dyūn ||24||

(AVŚ\_18,1.25a) śrudhí no agne sádane sadhásthe yukṣvā rátham  
amṛtasya dravitnúm |  
(AVŚ\_18,1.25c) á no vaha ródasī deváputre mākir devānām ápa  
bhūr ihá syāḥ ||25||

(AVŚ\_18,1.26a) yád agna eṣá sámítir bhávāti deví devéṣu yajatá

yajatra |

(AVŚ\_18,1.26c) rátnā ca yád vibhájāsi svadhāvo bhāgām no átra  
vásumantaṃ vītāt ||26||

(AVŚ\_18,1.27a) ánv agnír uśásām ágram akhyad ánv áhāni  
prathamó jātávedāḥ |

(AVŚ\_18,1.27c) ánu sūrya uśáso ánu raśmín dyāvāpṛthiví ā viveśa ||  
27||

(AVŚ\_18,1.28a) práty agnír uśásām ágram akhyat práty áhāni  
prathamó jātávedāḥ |

(AVŚ\_18,1.28c) práti sūryasya purudhá ca raśmín práti dyāvāpṛthiví  
ā tatāna ||28||

(AVŚ\_18,1.29a) dyāvā ha kṣāmā prathamé ṛténābhiśrāvé bhavataḥ  
satyāvácā |

(AVŚ\_18,1.29c) devó yán mártān yajáthāya kṛṇvánt sídad dhótā  
pratyān svám ásum yán ||29||

(AVŚ\_18,1.30a) devó devān paribhūr ṛténa váhā no havyam  
prathamás cikitván |

(AVŚ\_18,1.30c) dhūmáketuḥ samídhā bhāṅjīko mandró hótā nityo  
vācā yájīyān ||30|| {3}

(AVŚ\_18,1.31a) árcāmi vāṃ várdhāyāpo ghṛtasnū dyāvābhūmī  
śṛṇutām rodasī me |

(AVŚ\_18,1.31c) áhā yád devā ásunītim áyan mádhvā no átra pitārā  
śíśītām ||31||

(AVŚ\_18,1.32a) svāvṛg devásyāmṛtaṃ yádī gór áto jātāso  
dhārayanta urvī |

(AVŚ\_18,1.32c) víśve devā ánu tát te yájur gur duhé yád énī divyam  
ghṛtām vāḥ ||32||

(AVŚ\_18,1.33a) kíṃ svin no rájā jagṛhe kád asyāti vratām cakṛmā kó  
ví veda |

(AVŚ\_18,1.33c) mitrás cid dhí śmā juhurāṇó devām chlóko ná yātām  
ápi vājo ásti ||33||

(AVŚ\_18,1.34a) durmántv átrāmṛtasya nāma sálakṣmā yád víṣurūpā  
bhāvāti |

(AVŚ\_18,1.34c) yamásya yó manávate sumántv agne tám ṛṣva pāhy  
áprayuchan ||34||

(AVŚ\_18,1.35a) yásmin devā vidáthe mādáyante vivásvataḥ sádane  
dhārāyante |

(AVŚ\_18,1.35c) sūrye jyótir ádadhur māsya àktún pári dyotaním  
carato ájasrā ||35||

(AVŚ\_18,1.36a) yásmin devā mánmani saṃcáranty apīcyè ná vayám

asya vidma |

(AVŚ\_18,1.36c) mitró no átráditir ánāgānt savitā devó váruṇāya  
vocat ||36||

(AVŚ\_18,1.37a) sákhāya á śiṣāmahe brahméndrāya vajríṇe |

(AVŚ\_18,1.37c) stuṣá ū śú ṇṭamāya dhṛṣṇáve ||37||

(AVŚ\_18,1.38a) śávasā hy ási śrutó vṛtrahátyena vṛtrahá |

(AVŚ\_18,1.38c) magháir maghóno áti sūra dāśasi ||38||

(AVŚ\_18,1.39a) stegó ná kṣám áty eṣi pṛthivím mahí no vātā ihá  
vāntu bhúmau |

(AVŚ\_18,1.39c) mitró no átra váruṇo yujámāno agnír váne ná vy  
àsrṣṭa sókam ||39||

(AVŚ\_18,1.40a) stuhí śrutám gartasádaṃ jánānām rájānaṃ bhīmám  
upahatnúm ugrám |

(AVŚ\_18,1.40c) mṛḍá jaritré rudra stávāno anyám asmát te ní  
vapāntu sényam ||40|| {4}

(AVŚ\_18,1.41a) sárasvatīm devayānto havante sárasvatīm adhvaré  
tāyāmāne |

(AVŚ\_18,1.41c) sárasvatīm sukṛto havante sárasvatī dāśúṣe vāryam  
dāt ||41||

(AVŚ\_18,1.42a) sárasvatīm pitáro havante dakṣinā yajñám  
abhinákṣamāṇāḥ |

(AVŚ\_18,1.42c) āsadyāsmín barhíṣi mādayadhvam anamīvā iṣa á  
dhehy asmé ||42||

(AVŚ\_18,1.43a) sárasvati yá sarátham yayáthoktháih svadhábhīr  
devi pitṛbhīr mādantī |

(AVŚ\_18,1.43c) sahasrārghám idó átra bhāgám rāyás póṣam  
yájamānāya dhehi ||43||

(AVŚ\_18,1.44a) úd īratām ávara út párāsa ún madhyamāḥ pitáraḥ  
somyāsaḥ |

(AVŚ\_18,1.44c) ásum yá īyúr avṛká ṛtajñás té no 'vantu pitáro  
háveṣu ||44||

(AVŚ\_18,1.45a) áhám pitṛnt suvidátrāṃ avitsi nápātam ca  
vikrámaṇam ca víṣṇoḥ |

(AVŚ\_18,1.45c) barhiśádo yé svadháyā sutásya bhájanta pitvás ta  
ihágamiṣṭhāḥ ||45||

(AVŚ\_18,1.46a) idám pitṛbhyo námo astv adyá yé pūrvāso yé  
áparāsa īyúḥ |

(AVŚ\_18,1.46c) yé pāṛthive rájasy á níṣaktā yé vā nūnám suvrjánāsu  
dikṣú ||46||

(AVŚ\_18,1.47a) mātālī kavyāir yamó āngirobhir bṛhaspátir ſkvabhir  
vāvṛdhānáḥ |

(AVŚ\_18,1.47c) yā́mś ca devā́ vāvṛdhúr yé ca devā́mś té no 'vantu  
pitáro háveṣu ||47||

(AVŚ\_18,1.48a) svādúṣ kílayām mādhumāṁ utáyām tīvrāḥ kílayām  
rásavāṁ utáyām |

(AVŚ\_18,1.48c) utó nv àsyá papivā́mśam índraṁ ná kás caná sahata  
āhavéṣu ||48||

(AVŚ\_18,1.49a) pareyivā́mśam praváto mahír íti bahúbhyaḥ  
pánthām anupaspaśā́nām |

(AVŚ\_18,1.49c) vaivasvatám saṁgámanam jánā́nām yamám  
rájānam havíṣā saparyata ||49||

(AVŚ\_18,1.50a) yamó no gātúm prathamó viveda náíṣā gávyūtir  
ápabhartavá u |

(AVŚ\_18,1.50c) yátrā naḥ púrve pitáraḥ páretā enā́ jajñā́náḥ pathyā  
ánu svāḥ ||50|| {5}

(AVŚ\_18,1.51a) bárhiṣadaḥ pitara ūty àrvā́g imá vo havyā́ cakṛmā  
juṣádḥvam |

(AVŚ\_18,1.51c) tá á gatávasā́ sám̐tamenádhā́ naḥ sám̐ yór arapó  
dadhā́ta ||51||

(AVŚ\_18,1.52a) ácyā́ jánu dakṣiṇató niśádyedám no havír abhí  
grṇāntu vísve |

(AVŚ\_18,1.52c) má́ hiṁsiṣṭa pitaraḥ kéna cin no yád va ágaḥ  
puruṣátā́ kárāma ||52||

(AVŚ\_18,1.53a) tváṣṭā́ duhitré vahatúm kṛṇoti ténedám vísvam  
bhúvanam sám̐ eti |

(AVŚ\_18,1.53c) yamá́sya mātā́ paryuhyámānā́ mahó jáyā́ vívasvato  
nanā́śa ||53||

(AVŚ\_18,1.54a) préhi préhi pathíbhiḥ pūryā́ṇair yénā te púrve  
pitáraḥ páretāḥ |

(AVŚ\_18,1.54c) ubhá́ rájānau svadháyā́ mādantau yamám paśyā́si  
váruṇam ca devám ||54||

(AVŚ\_18,1.55a) ápetā víta ví ca sarpatáto 'smá́ etám pitáro lokám  
akraṇ |

(AVŚ\_18,1.55c) áhobhir adbhír aktúbhir vyàktaṁ yamó dadāty  
avasā́nam asmai ||55||

(AVŚ\_18,1.56a) uśántas tvedhīmāhy uśántaḥ sám̐ idhīmāhi |

(AVŚ\_18,1.56c) uśánn uśatá́ á vaha pitṛṇ havíṣe áttave ||56||

(AVŚ\_18,1.57a) dyumántas tvedhīmahi dyumántaḥ sám idhīmahi |  
(AVŚ\_18,1.57c) dyumán dyumatá á vaha pitṛṇ havíṣe áttave ||57||

(AVŚ\_18,1.58a) áṅgirasō naḥ pitáro návagvā átharvāṇo bhṛgavaḥ  
somyāsaḥ |  
(AVŚ\_18,1.58c) téṣāṃ vayāṃ sumatáu yajñíyānām ápi bhadré  
saumanasé syāma ||58||

(AVŚ\_18,1.59a) áṅgirobhir yajñíyair á gahīhá yāma vairūpáir ihá  
mādayasva |  
(AVŚ\_18,1.59c) vívasvantaṃ huve yáḥ pitá te 'smín barhíṣy á  
niṣádya ||59||

(AVŚ\_18,1.60a) imáṃ yama prastarám á hí róhāṅgirobhiḥ pitṛbhiḥ  
saṃvidānáḥ |  
(AVŚ\_18,1.60c) á tvā mántrāḥ kavíśastá vahantv ená rājan havíṣo  
mādayasva ||60||

(AVŚ\_18,1.61a) itá etá udáruhan divás pṛṣṭhānv áruhan |  
(AVŚ\_18,1.61c) prá bhūrjáyō yáthā pathá dyām áṅgirasō yayúḥ ||  
61|| {6}

(AVŚ\_18,2.1a) yamāya sómaḥ pavate yamāya kriyate havíḥ |  
(AVŚ\_18,2.1c) yamám ha yajñó gachaty agnídūto áramkṛtaḥ ||1||

(AVŚ\_18,2.2a) yamāya mádhumattamaṃ juhótā prá ca tiṣṭhata |  
(AVŚ\_18,2.2c) idám náma ṣṣibhyaḥ pūrvajébhyaḥ pūrvebhyaḥ  
pathikṛdbhyaḥ ||2||

(AVŚ\_18,2.3a) yamāya ghṛtávat páyo rájñe havír juhótana |  
(AVŚ\_18,2.3c) sá no jīvéṣv á yamed dīrghám áyuh prá jīvāse ||3||

(AVŚ\_18,2.4a) máinam agne ví daho mábhi sūśuco māsya tvácam  
cikṣipo má śārīram |  
(AVŚ\_18,2.4c) śṛtám yadā kárasī jātavedó 'them enaṃ prá hiṇutāt  
pitṛm̐r úpa ||4||

(AVŚ\_18,2.5a) yadā śṛtám kṛṇávo jātavedó 'themám enaṃ pári  
dattāt pitṛbhyaḥ |  
(AVŚ\_18,2.5c) yadó gáchāty ásunītim etám átha devánāṃ vaśanír  
bhavāti ||5||

(AVŚ\_18,2.6a) tríkadrukebhiḥ pavate śád urvír ékam íd bṛhát |  
(AVŚ\_18,2.6c) triṣṭúb gāyatrī chándāṃsi sárva tá yamá árpitā ||6||

(AVŚ\_18,2.7a) sūryaṃ cākṣuṣā gacha vátam ātmánā dívaṃ ca  
gácha pṛthivīm ca dhármabhiḥ |

(AVŚ\_18,2.7c) apó vā gacha yádi tátra te hitám óṣadhīṣu práti tiṣṭhā  
śārīraiḥ ||7||

(AVŚ\_18,2.8a) ajó bhāgás tápasas tám tapasva tám te śócís tapatu  
tám te arcíḥ |  
(AVŚ\_18,2.8c) yás te śívás tanvò jātavedas tábhir vahainaṃ sukṛtām  
u lokám ||8||

(AVŚ\_18,2.9a) yás te śocáyo ráṃhayo jātavedo yábhir āṇṇási dívam  
antárikṣam |  
(AVŚ\_18,2.9c) ajám yántam ánu táḥ sám ṇvatām áthetarābhiḥ  
śívátamābhiḥ śṛtám ṛdhi ||9||

(AVŚ\_18,2.10a) áva sṛja púnar agne pitṛbhyo yás ta áhutaś cárati  
svadhāván |  
(AVŚ\_18,2.10c) áyur vásāna úpa yātu śéṣaḥ sám gachatām tanvā  
suvárcāḥ ||10|| {7}

(AVŚ\_18,2.11a) áti drava śvānau sārameyáu caturakṣáu śabálau  
sādhúnā pathá |  
(AVŚ\_18,2.11c) ádhā pitṛnt suvidátrāṃ ápīhi yaména yé  
sadhāmādam mádanti ||11||

(AVŚ\_18,2.12a) yáu te śvānau yama rakṣitārau caturakṣáu pathiśádī  
nṛcákṣasā |  
(AVŚ\_18,2.12c) tábhyām rājan pári dhehy enaṃ svasty àsmā  
anamívam ca dhehi ||12||

(AVŚ\_18,2.13a) urūṇasāv asutṛpāv udumbaláu yamásya dūtáu  
carato jánāṃ ánu |  
(AVŚ\_18,2.13c) táv asmábhyaṃ dṛśáye sūryāya púnar dātām ásum  
adyéhá bhadram ||13||

(AVŚ\_18,2.14a) sóma ékebhyaḥ pavate ghṛtám éka upāsate |  
(AVŚ\_18,2.14c) yébhyo mádhu pradhávati támś cid evāpi gachatāt ||  
14||

(AVŚ\_18,2.15a) yé cit púrva ṛtásātā ṛtājātā ṛtāvṛdhah |  
(AVŚ\_18,2.15c) ṛṣīn tápasvato yama tapojām ápi gachatāt ||15||

(AVŚ\_18,2.16a) tápasā yé anādhṛṣyás tápasā yé svār yayúḥ |  
(AVŚ\_18,2.16c) tápo yé cakriré máhas támś cid evāpi gachatāt ||16||

(AVŚ\_18,2.17a) yé yúdhyante pradhāneṣu sūrāso yé svār tanūtyājaḥ  
|  
(AVŚ\_18,2.17c) yé vā sahásradakṣiṇās tám cid evāpi gachatāt ||17||

(AVŚ\_18,2.18a) sahásraṇīthāḥ kaváyo yé gopāyánti sūryam |  
(AVŚ\_18,2.18c) ṛṣīn tápasvato yama tapojām ápi gachatāt ||18||



(AVŚ\_18,2.19a) syonāsmāi bhava pṛthivy anṛkṣarā nivéśanī |  
(AVŚ\_18,2.19c) yáchāsmāi śārma sapráthāḥ ||19||

(AVŚ\_18,2.20a) asaṃbādhé pṛthivyā uráu loké ní dhīyasva |  
(AVŚ\_18,2.20c) svadhā yás cakṛṣé jívan tās te santu madhuścútaḥ ||  
20|| {8}

(AVŚ\_18,2.21a) hváyāmi te mánasā mána ihémān gṛhām úpa  
jujuṣāṇá éhi |  
(AVŚ\_18,2.21c) sám gachasva pitṛbhiḥ sám yaména syonās tvā vātā  
úpa vāntu śagmāḥ ||21||

(AVŚ\_18,2.22a) út tvā vahantu marúta udavāhā udaprútaḥ |  
(AVŚ\_18,2.22c) ajéna kṛṇvántaḥ śítām varṣéṇokṣantu bāl ítī ||22||

(AVŚ\_18,2.23a) úd ahvam áyur áyuṣe krátve dákṣāya jīvāse |  
(AVŚ\_18,2.23c) svān gachatu te mánó ádhā pitṛm̐r úpa drava ||23||

(AVŚ\_18,2.24a) mā te mánó māsor māṅgānām mā rāsasya te |  
(AVŚ\_18,2.24c) mā te hāsta tanvāḥ kíṃ canéhā ||24||

(AVŚ\_18,2.25a) mā tvā vṛkṣāḥ sám bādhiṣṭa mā deví pṛthiví mahí |  
(AVŚ\_18,2.25c) lokām pitṛṣu vittváidhasva yamarājasu ||25||

(AVŚ\_18,2.26a) yát te áṅgam átihitam parācáir apānāḥ prāṇó yá u  
vā te páretaḥ |  
(AVŚ\_18,2.26c) tát te saṃgátya pitáraḥ sánīḍā ghāsād ghāsām  
púnar á veśayantu ||26||

(AVŚ\_18,2.27a) ápemām jīvā arudhan gṛhébhyas tám nír vahata pári  
grāmād itáh |  
(AVŚ\_18,2.27c) mṛtyúr yamásyāsīd dūtáh prácetā ásūn pitṛbhyo  
gamáyām cakāra ||27||

(AVŚ\_18,2.28a) yé dásyavaḥ pitṛṣu práviṣṭā jñátímukhā ahutádaś  
cáran̐ti |  
(AVŚ\_18,2.28c) parāpúro nipúro yé bháranty agníṣ ṭān asmāt prá  
dhamāti yajñāt ||28||

(AVŚ\_18,2.29a) sám viśantv ihá pitáraḥ svā naḥ syonām kṛṇvántaḥ  
pratiránta áyuh |  
(AVŚ\_18,2.29c) tébhyaḥ śakema havíṣā náksamāṇā jyóg jívantāḥ  
śarádaḥ purūcīḥ ||29||

(AVŚ\_18,2.30a) yām te dhenúm nīṇāmi yám u kṣīrá odanām |  
(AVŚ\_18,2.30c) tēnā jánasyāso bhartā yó 'trāsad ájīvanaḥ ||30|| {9}

(AVŚ\_18,2.31a) ásvāvatīm prá tara yá suśévā rkṣákam vā pratarām

návīyaḥ |

(AVŚ\_18,2.31c) yás tvā jaghána vādhyāḥ só astu má só anyád  
vidatā bhāgadhéyam ||31||

(AVŚ\_18,2.32a) yamáḥ páró 'varo vívasvān tátāḥ páraṃ náti  
paśyāmi kíṃ caná |

(AVŚ\_18,2.32c) yamé adhvaró ádhi me níviṣṭo bhúvo vívasvān  
anvátatāna ||32||

(AVŚ\_18,2.33a) ápāgūhann amṛtāṃ márt̥yebhyaḥ kṛtvā sávarṇāṃ  
adadhur vívasvate |

(AVŚ\_18,2.33c) utásvínāṃ abharad yát tát ásid ájahād u dvā  
mithunā saraṇyúḥ ||33||

(AVŚ\_18,2.34a) yé níkhātā yé pároptā yé dagdhā yé códdhitāḥ |

(AVŚ\_18,2.34c) sárvaṃs tán agna á vaha pitṛṇ havíṣe áttave ||34||

(AVŚ\_18,2.35a) yé agnidagdhā yé ánagnidagdhā mádhye divāḥ  
svadháyā mādáyante |

(AVŚ\_18,2.35c) tvám tán vettha yádi té jātavedaḥ svadháyā yajñám  
svádhitiṃ juṣantām ||35||

(AVŚ\_18,2.36a) sám tapa máti tapo ágne má tanvām tápaḥ |

(AVŚ\_18,2.36c) váṇeṣu súṣmo astu te pṛthivyām astu yád dháraḥ ||  
36||

(AVŚ\_18,2.37a) dádāmy asmā avasānam etád yá eṣá ágan máma  
céd ábhūd ihá |

(AVŚ\_18,2.37c) yamás cikitván prát̥y etád āha mámaiṣá rāyá úpa  
tiṣṭhatām ihá ||37||

(AVŚ\_18,2.38a) imám mátrām mimīmahe yáthāparam ná māsātai |

(AVŚ\_18,2.38c) sáté śarátsu no purá ||38||

(AVŚ\_18,2.39a) prémám mátrām mimīmahe yáthāparam ná māsātai  
|

(AVŚ\_18,2.39c) sáté śarátsu no purá ||39||

(AVŚ\_18,2.40a) ápemám mátrām mimīmahe yáthāparam ná  
māsātai |

(AVŚ\_18,2.40c) sáté śarátsu no purá ||40|| {10}

(AVŚ\_18,2.41a) vímám mátrām mimīmahe yáthāparam ná māsātai |

(AVŚ\_18,2.41c) sáté śarátsu no purá ||41||

(AVŚ\_18,2.42a) nír imám mátrām mimīmahe yáthāparam ná  
māsātai |

(AVŚ\_18,2.42c) sáté śarátsu no purá ||42||

(AVŚ\_18,2.43a) úd imám mátrām mimīmahe yáthāparam ná

māsātai |  
(AVŚ\_18,2.43c) śaté śarátsu no purá ||43||

(AVŚ\_18,2.44a) sám imāṃ mātṛāṃ mimīmahe yáthāparam ná  
māsātai |  
(AVŚ\_18,2.44c) śaté śarátsu no purá ||44||

(AVŚ\_18,2.45a) ámāsi mātṛāṃ svàr agām áyuṣmān bhūyāsam |  
(AVŚ\_18,2.45c) yáthāparam ná māsātai śaté śarátsu no purá ||45||  
(AVŚ\_18,2.46a) prāṇó apānó vyāná áyuś cákṣur dṛśāye sūryāya |  
(AVŚ\_18,2.46c) áparipareṇa pathá yamárājñāḥ pitṛṇ gacha ||46||

(AVŚ\_18,2.47a) yé ágravaḥ śasāmānāḥ pareyúr hitvá dvéṣāṃsy  
ánapatyavantāḥ |  
(AVŚ\_18,2.47c) té dyām udítýāvidanta lokām nákasya pṛṣṭhé ádhi  
dídhyanāḥ ||47||

(AVŚ\_18,2.48a) udanvátī dyáur avamá pílumatíti madhyamá |  
(AVŚ\_18,2.48c) tṛtíyā ha pradyáur íti yásyāṃ pitára ástate ||48||

(AVŚ\_18,2.49a) yé na pitúḥ pitáro yé pitāmahá yá āviviśúr urv  
āntárikṣam |  
(AVŚ\_18,2.49c) yá ākṣiyānti pṛthivím utá dyām tébhyaḥ pitṛbhyo  
námāsā vidhema ||49||

(AVŚ\_18,2.50a) idám íd vá u náparam diví paśyasi sūryam |  
(AVŚ\_18,2.50c) mātá putráṃ yáthā sicābhy ènam bhūma ūṇuhi ||  
50|| {11}

(AVŚ\_18,2.51a) idám íd vá u náparam jarásy anyád itó 'param |  
(AVŚ\_18,2.51c) jāyá pátim iva vásasābhy ènam bhūma ūṇuhi ||51||

(AVŚ\_18,2.52a) abhí tvorṇomi pṛthivyá mātúr vástreṇa bhadráyā |  
(AVŚ\_18,2.52c) jīvēṣu bhadráṃ tán máyi svadhá pitṛṣu sá tváyi ||  
52||

(AVŚ\_18,2.53a) ágnīṣomā páthikṛtā syonām devébhyo rátnam  
dadhathur ví lokám |  
(AVŚ\_18,2.53c) úpa prēṣyantaṃ pūṣāṇaṃ yó váhāty añjoyānaiḥ  
pathíbhīḥ tatra gachatam ||53||

(AVŚ\_18,2.54a) pūṣá tvetás cyāvayatu prá vidván ānaṣṭapaśur  
bhúvanasya gopāḥ |  
(AVŚ\_18,2.54c) sá tvaitébhyaḥ pári dadat pitṛbhyo 'gnír devébhyaḥ  
suvidatríebhyaḥ ||54||

(AVŚ\_18,2.55a) áyur viśváyuh pári pātu tvā pūṣá tvā pātu prápathe  
purástāt |  
(AVŚ\_18,2.55c) yátrāsate sukṛto yátra tá īyús tatra tvā devāḥ savitá

dadhātu ||55||

(AVŚ\_18,2.56a) imáu yunajmi te váhnī ásunītāya vódhave |  
(AVŚ\_18,2.56c) tábhyāṃ yamáśya sádanam sámītiś cáva gachatāt ||56||

(AVŚ\_18,2.57a) etát tvā vásaḥ prathamāṃ nv ágann ápaitád ūha  
yád ihābibhaḥ purá |  
(AVŚ\_18,2.57c) iṣṭāpūrtám anusámkrāma vidván yátra te dattám  
bahudhá víbandhuṣu ||57||

(AVŚ\_18,2.58a) agnér várma pári góbhir vyayasva sám prórṇuṣva  
médasā pívasā ca |  
(AVŚ\_18,2.58c) nét tvā dhṛṣṇúr hárasā járhrṣāṇo dadhṛg vidhakṣán  
parīñkháyātai ||58||

(AVŚ\_18,2.59a) daṇḍám hástād ādádāno gatásoḥ sahá śrótrena  
várcasā bálēna |  
(AVŚ\_18,2.59c) átraivá tvám ihá vayám suvírā víśvā mṛdho  
abhímātīr jayema ||59||

(AVŚ\_18,2.60a) dhánur hástād ādádāno mṛtásya sahá kṣatreṇa  
várcasā bálēna |  
(AVŚ\_18,2.60c) samāgr̥bhāya vásu bhūri puṣṭám arvān tvám éhy  
úpa jīvalokám ||60|| {12}

(AVŚ\_18,3.1a) iyám nārī patilokám vṛṇāná ní padyata úpa tvā  
martya prétam |  
(AVŚ\_18,3.1c) dhármaṃ purāṇám anupāláyantī tásyai prajám  
dráviṇam cehá dhehi ||1||

(AVŚ\_18,3.2a) úd īrṣva nāry abhí jīvalokám gatāsum etám úpa śeṣa  
éhi |  
(AVŚ\_18,3.2c) hastagrābhāśya dadhiṣós távedám pátyur janitvám  
abhí sám babhūtha ||2||

(AVŚ\_18,3.3a) ápaśyam yuvatím nīyámānām jīvám mṛtébhyaḥ  
parīñyámānām |  
(AVŚ\_18,3.3c) andhéna yát támasā právr̥tásīt prāktó ápācīm  
anayám tát enām ||3||

(AVŚ\_18,3.4a) prajānaty āghnye jīvalokám devānām pánthām  
anusamcārantī |  
(AVŚ\_18,3.4c) ayám te gópatīś tám juṣasva svargám lokám ádhi  
rohayainam ||4||

(AVŚ\_18,3.5a) úpa dyám úpa vetasám ávattaro nadínām |

(AVŚ\_18,3.5c) ágne pittám apám asi ||5||

(AVŚ\_18,3.6a) yám tvám agne samádahas tám u nír vāpaya púnaḥ |  
(AVŚ\_18,3.6c) kyāmbūr ātra rohatu śāṇḍadūrvā vyāḷkaśā ||6||

(AVŚ\_18,3.7a) idám ta ékam purá ū ta ékaṃ tṛtíyena jyótiṣā sám  
viśasva |  
(AVŚ\_18,3.7c) saṃvéśane tanvā cārur edhi priyó devānām paramé  
sadhāsthe ||7||

(AVŚ\_18,3.8a) út tiṣṭha préhi prá draváukaḥ kṛṇuṣva salilé  
sadhāsthe |  
(AVŚ\_18,3.8c) táttra tvám pitṛbhiḥ saṃvidānāḥ sám sómena  
mādasva sám svadhābhiḥ ||8||

(AVŚ\_18,3.9a) prá cyavasva tanvām sám bharasva mǎ te gātrā ví  
hāyi mó śārīram |  
(AVŚ\_18,3.9c) máno níviṣṭam anusámviśasva yātra bhūmer juṣāse  
táttra gacha ||9||

(AVŚ\_18,3.10a) vārcasā mǎm pitáraḥ somyáso áñjantu devá  
mádhunā ghṛténa |  
(AVŚ\_18,3.10c) cákṣuṣe mā pratarám tāráyanto jaráse mā  
jarádaṣṭim vardhantu ||10|| {13}

(AVŚ\_18,3.11a) vārcasā mǎm sám anaktv agnír medhám me víṣṇur  
ny ànaktv āsán |  
(AVŚ\_18,3.11c) rayím me víśve ní yachantu devāḥ syoná mǎpaḥ  
pávanaiḥ punantu ||11||

(AVŚ\_18,3.12a) mitráváruṇā pári mǎm adhātām ādityā mā sváravo  
vardhayantu |  
(AVŚ\_18,3.12c) vārco ma índro ny ànaktu hástayor jarádaṣṭim mā  
savitā kṛṇotu ||12||

(AVŚ\_18,3.13a) yó mamǎra prathamó mártynām yáḥ preyáya  
prathamó lokám etám |  
(AVŚ\_18,3.13c) vaivasvatám saṃgámanam jánānām yamám  
rájānām havíṣā saparyata ||13||

(AVŚ\_18,3.14a) párā yāta pitara á ca yātāyám vo yajñó mádhunā  
sámaktaḥ |  
(AVŚ\_18,3.14c) dattó asmábhyaṃ dráviṇehá bhadram rayím ca naḥ  
sárvavīram dadhāta ||14||

(AVŚ\_18,3.15a) kánvaḥ kakṣívān purumīḍhó agástyaḥ śyāvāśvaḥ  
sóbhary arcanānāḥ |  
(AVŚ\_18,3.15c) viśvāmitro 'yám jamádagnir átrir ávantu naḥ  
kaśyápo vāmádevaḥ ||15||

(AVŚ\_18,3.16a) víśvāmitra jámadagne vásiṣṭha bháradvāja gótama  
vāmādeva |

(AVŚ\_18,3.16c) śardír no átrir agrabhīn nāmobhiḥ súsaṃśāsaḥ  
pítarō mṛḍātā naḥ ||16||

(AVŚ\_18,3.17a) kasyé mṛjānā áti yanti riprám áyur dádhanāḥ  
pratarāṃ návīyaḥ |

(AVŚ\_18,3.17c) āpyāyamānāḥ prajāyā dhānenādha syāma  
surabhāyo gṛhēṣu ||17||

(AVŚ\_18,3.18a) añjáte vy añjate sám añjate krátuṃ rihanti  
mādhunābhy añjate |

(AVŚ\_18,3.18c) síndhor ucchvāsé patáyantam ukṣāṇaṃ  
hiraṇyapāvāḥ paśúm āsu gṛhnate ||18||

(AVŚ\_18,3.19a) yád vo mudráṃ pítaraḥ somyáṃ ca téno sacadhvaṃ  
svāyāśaso hí bhūtá |

(AVŚ\_18,3.19c) té arvāṇaḥ kavaya á śṛṇota suvidátrā vidáthe  
huyāmānāḥ ||19||

(AVŚ\_18,3.20a) yé átrayo áṅgirasō návagvā iṣṭāvanto rātiṣāco  
dádhanāḥ |

(AVŚ\_18,3.20c) dākṣiṇāvantāḥ sukṛto yá u sthāsadyāsmín barhiṣi  
mādayadhvam ||20|| {14}

(AVŚ\_18,3.21a) ádhā yáthā naḥ pitáraḥ párāsaḥ pratnāso agna ṛtām  
āśaśānāḥ |

(AVŚ\_18,3.21c) śúcíd ayan dídhyaata ukthaśāsaḥ kṣāmā bhindánto  
aruṇīr āpa vran ||21||

(AVŚ\_18,3.22a) sukármānaḥ surúco devayánto áyo ná devā jánimā  
dhāmantaḥ |

(AVŚ\_18,3.22c) śucánto agníṃ vāvṛdhánta índram urvīm gávyām  
pariśādaṃ no akran ||22||

(AVŚ\_18,3.23a) á yūthéva kṣumáti paśvó akhyad devānām  
jānimānty ugráḥ |

(AVŚ\_18,3.23c) mártāsaś cid urváśír akṛpran vṛdhé cid aryá  
úparasyāyóḥ ||23||

(AVŚ\_18,3.24a) ákarma te svápasō abhūma ṛtām avasrann uśāso  
vibhātīḥ |

(AVŚ\_18,3.24c) víśvaṃ tát bhadráṃ yád ávanti devā bṛhád vadema  
vidáthe suvīrāḥ ||24||

(AVŚ\_18,3.25a) índro mā marútvān prácyā diśáḥ pātu bāhucyútā  
pṛthiví dyām ivopári |

(AVŚ\_18,3.25c) lokakṛtaḥ pathikṛto yajāmahe yé devānām

hutábhāgā ihá sthá ||25||

(AVŚ\_18,3.26a) dhātā mā nírṛtyā dākṣiṇāyā diśáḥ pātu bāhucyútā  
pṛthivī dyām ivopári |

(AVŚ\_18,3.26c) lokakṛtaḥ pathikṛto yajāmahe yé devānām  
hutábhāgā ihá sthá ||26||

(AVŚ\_18,3.27a) áditir mādityáiḥ pratícyā diśáḥ pātu bāhucyútā  
pṛthivī dyām ivopári |

(AVŚ\_18,3.27c) lokakṛtaḥ pathikṛto yajāmahe yé devānām  
hutábhāgā ihá sthá ||27||

(AVŚ\_18,3.28a) sómo mā vísvair deváir údīcyā diśáḥ pātu bāhucyútā  
pṛthivī dyām ivopári |

(AVŚ\_18,3.28c) lokakṛtaḥ pathikṛto yajāmahe yé devānām  
hutábhāgā ihá sthá ||28||

(AVŚ\_18,3.29a) dhartā ha tvā dharúṇo dhārayātā ūrdhvām bhānūm  
savitā dyām ivopári |

(AVŚ\_18,3.29c) lokakṛtaḥ pathikṛto yajāmahe yé devānām  
hutábhāgā ihá sthá ||29||

(AVŚ\_18,3.30a) prācyām tvā diśi purā samvṛtaḥ svadhāyām á  
dadhāmi bāhucyútā pṛthivī dyām ivopári |

(AVŚ\_18,3.30c) lokakṛtaḥ pathikṛto yajāmahe yé devānām  
hutábhāgā ihá sthá ||30|| {15}

(AVŚ\_18,3.31a) dākṣiṇāyām tvā diśi purā samvṛtaḥ svadhāyām á  
dadhāmi bāhucyútā pṛthivī dyām ivopári |

(AVŚ\_18,3.31c) lokakṛtaḥ pathikṛto yajāmahe yé devānām  
hutábhāgā ihá sthá ||31||

(AVŚ\_18,3.32a) pratícyām tvā diśi purā samvṛtaḥ svadhāyām á  
dadhāmi bāhucyútā pṛthivī dyām ivopári |

(AVŚ\_18,3.32c) lokakṛtaḥ pathikṛto yajāmahe yé devānām  
hutábhāgā ihá sthá ||32||

(AVŚ\_18,3.33a) údīcyām tvā diśi purā samvṛtaḥ svadhāyām á  
dadhāmi bāhucyútā pṛthivī dyām ivopári |

(AVŚ\_18,3.33c) lokakṛtaḥ pathikṛto yajāmahe yé devānām  
hutábhāgā ihá sthá ||33||

(AVŚ\_18,3.34a) dhruvāyām tvā diśi purā samvṛtaḥ svadhāyām á  
dadhāmi bāhucyútā pṛthivī dyām ivopári |

(AVŚ\_18,3.34c) lokakṛtaḥ pathikṛto yajāmahe yé devānām  
hutábhāgā ihá sthá ||34||

(AVŚ\_18,3.35a) ūrdhvāyām tvā diśi purā samvṛtaḥ svadhāyām á  
dadhāmi bāhucyútā pṛthivī dyām ivopári |

(AVŚ\_18,3.35c) lokakṛtaḥ pathikṛto yajāmahe yé devānām  
hutābhāgā ihā sthā ||35||

(AVŚ\_18,3.36a) dhartāsi dharúno 'si váṃsago 'si ||36||

(AVŚ\_18,3.37a) udapúr asi madhupúr asi vātapúr asi ||37||

(AVŚ\_18,3.38a) itás ca māmútaś cāvatām yamé iva yātamāne yád  
aitām |

(AVŚ\_18,3.38c) prá vām bharan mānuṣā devayānto á sīdatām svām  
u lokām vídāne ||38||

(AVŚ\_18,3.39a) svāsasthé bhavatam índave no yujé vām bráhma  
pūrvyām námobhiḥ |

(AVŚ\_18,3.39c) ví ślóka eti pathyèva sūríḥ śṛṇvāntu vísve amṛtāsa  
etát ||39||

(AVŚ\_18,3.40a) trīṇi padāni rupó ánv arohac cātuṣpadīm ánv etad  
vratēna |

(AVŚ\_18,3.40c) akṣāreṇa práti mimīte arkám ṛtasya nábhāv abhí  
sām punāti ||40|| {16}

(AVŚ\_18,3.41a) devébhyaḥ kám avṛṇīta mṛtyúṃ prajāyai kím  
amṛtam návṛṇīta |

(AVŚ\_18,3.41c) bṛhaspátir yajñám atanuta řṣiḥ priyām yamás  
tanvām á rireca ||41||

(AVŚ\_18,3.42a) tvám agna īditó jātavedó 'vāḍ ḍhavyāni surabhīṇi  
kṛtvā |

(AVŚ\_18,3.42c) prādāḥ pitṛbhyaḥ svadháyā té akṣann addhí tvām  
deva práyatā havíṃṣi ||42||

(AVŚ\_18,3.43a) áśīnāso aruṇínām upásthe rayīm dhatta dāsúṣe  
mártyāya |

(AVŚ\_18,3.43c) putrébhyaḥ pitaras tasya vásvaḥ prá yachata tá  
ihórjaṃ dadhāta ||43||

(AVŚ\_18,3.44a) ágniṣvāttāḥ pitara éhá gachata sádaḥsadaḥ sadata  
supraṇītayāḥ |

(AVŚ\_18,3.44c) attó havíṃṣi práyatāni barhíṣi rayīm ca naḥ  
sárvavīraṃ dadhāta ||44||

(AVŚ\_18,3.45a) úpahūtā naḥ pitáraḥ somyāso barhiṣyēṣu nidhíṣu  
priyéṣu |

(AVŚ\_18,3.45c) tá á gamantu tá ihā śruvantv ádhi bruvantu té  
'vantv asmán ||45||

(AVŚ\_18,3.46a) yé naḥ pitúḥ pitáro yé pitāmahá anūjahiré  
somapīthām vásiṣṭhāḥ |



(AVŚ\_18,3.46c) tébhir yamáḥ samrarāṇó havíṃṣy usánn usádbhiḥ  
pratikāmám attu ||46||

(AVŚ\_18,3.47a) yé tātrṣúr devatrā jéhamānā hotrāvídaḥ  
stómataṣṭāso arkáḥ |

(AVŚ\_18,3.47c) ágne yāhi sahásraṃ devavandáiḥ satyáiḥ kavíbhīr  
ṛṣibhīr gharmaśadbhiḥ ||47||

(AVŚ\_18,3.48a) yé satyāso havirádo haviṣpā índreṇa deváiḥ  
saráthaṃ turéṇa |

(AVŚ\_18,3.48c) ágne yāhi suvidátrebhir arvān páraiḥ pūrvair ṛṣibhir  
gharmaśadbhiḥ ||48||

(AVŚ\_18,3.49a) úpa sarpa mātáraṃ bhúmim etám uruvyácasam  
pṛthivīm suśévām |

(AVŚ\_18,3.49c) ūṇamradāḥ pṛthiví dákṣiṇāvata eṣá tvā pātu  
prápathe purástāt ||49||

(AVŚ\_18,3.50a) úc chvañcasva pṛthivi má ní bādhathāḥ  
sūpāyanāsmāi bhava sūpasarpañā |

(AVŚ\_18,3.50c) mātá putráṃ yáthā sicābhy ènaṃ bhūma ūṇuhi ||  
50|| {17}

(AVŚ\_18,3.51a) úcchváñcamānā pṛthiví sú tiṣṭhatu sahásraṃ míta  
úpa hí śráyantām |

(AVŚ\_18,3.51c) té gṛháso gṛtaścútaḥ syoná viśvāhāsmāi śaraṇāḥ  
santv átra ||51||

(AVŚ\_18,3.52a) út te stabhnāmi pṛthivīm tvát párīmām logám  
nidádhan mó ahám riṣam |

(AVŚ\_18,3.52c) etám sthúṇām pitáro dhārayanti te tatra yamáḥ  
śadanā te kṛṇotu ||52||

(AVŚ\_18,3.53a) imám agne camasám má ví jihváraḥ priyó devānām  
utá somyānām |

(AVŚ\_18,3.53c) ayám yás camasó devapānas tásmin devá amṛtā  
mādayantām ||53||

(AVŚ\_18,3.54a) átharvā pūrṇám camasám yám indrāyābibhar  
vājínivate |

(AVŚ\_18,3.54c) tásmin kṛṇoti sukṛtasya bhakṣám tásmin índuḥ  
pavate viśvadānīm ||54||

(AVŚ\_18,3.55a) yát te kṛṣṇāḥ śakuná ātutóda pipílāḥ sarpá utá vā  
śvāpadaḥ |

(AVŚ\_18,3.55c) agníṣ ṭád viśvād agadám kṛṇotu sómaś ca yó  
brāhmaṇám āvivéśa ||55||

(AVŚ\_18,3.56a) páyasvatīr óṣadhayaḥ páyasvan māmakám páyaḥ |

(AVŚ\_18,3.56c) apām páyaso yát páyas téna mā sahá śumbhatu || 56||

(AVŚ\_18,3.57a) imā nārīr avidhavāḥ supātnīr āñjanena sarpīṣā sām sprśantām |

(AVŚ\_18,3.57c) anaśrávo anamīvāḥ surátnā á rohantu jánayo yónim ágre ||57||

(AVŚ\_18,3.58a) sām gachasva pitṛbhiḥ sām yaméneṣṭāpūrténa paramé vyòman |

(AVŚ\_18,3.58c) hitvāvadyām púnar ástam éhi sām gachatām tanvā suvárcāḥ ||58||

(AVŚ\_18,3.59a) yé naḥ pitúḥ pitáro yé pitāmahá yá āviviśúr urv àntárikṣam |

(AVŚ\_18,3.59c) tébhyaḥ svarád ásunītir no adyá vathāvaśām tanvāḥ kalpayāti ||59||

(AVŚ\_18,3.60a) śam te nīhāró bhavatu śam te pruṣvāva śīyatām |

(AVŚ\_18,3.60c) śítike śítikāvati hládike hládikāvati |

(AVŚ\_18,3.60e) maṇḍūky àpsú śam bhuva imām sv àgnīm śamaya || 60|| {18}

(AVŚ\_18,3.61a) vivásvān no ábhayaṃ kṛṇotu yáḥ sutrāmā jīrādānuḥ sudānuḥ |

(AVŚ\_18,3.61c) ihémé vīrá bahávo bhavantu gómad ásvavan máyy astu puṣṭām ||61||

(AVŚ\_18,3.62a) vivásvān no amṛtatvé dadhātu páraitu mṛtyúr amṛtaṃ na áitu |

(AVŚ\_18,3.62c) imān rakṣatu púruṣān á jarimṇó mó sv èṣām ásavo yamām guḥ ||62||

(AVŚ\_18,3.63a) yó dadhré antárikṣe ná mahnā pitṛṇām kavíḥ prámatir matīnām |

(AVŚ\_18,3.63c) tám arcata víśvámitrā havírbhiḥ sá no yamáḥ pratarām jīvāse dhāt ||63||

(AVŚ\_18,3.64a) á rohata dívam uttamām řsayo má bibhītana |

(AVŚ\_18,3.64c) sómapāḥ sómapāyina idām vaḥ kriyate havír áganma jvótir uttamām ||64||

(AVŚ\_18,3.65a) prá ketúnā bṛhatā bhāty agnír á ródasī vṛṣabhó roravīti |

(AVŚ\_18,3.65c) divás cid ántād upamām úd ānaḍ apām upásthe mahiśó vavardha ||65||

(AVŚ\_18,3.66a) náke suparṇām úpa yát pátantaṃ hrdá vénanto abhyácakṣata tvā |

(AVŚ\_18,3.66c) híraṇyapakṣaṃ váruṇasya dūtáṃ yamáśya yónau śakunám bhuranyúm ||66||

(AVŚ\_18,3.67a) índra krátuṃ na á bhara pitá putrébhyo yáthā |  
(AVŚ\_18,3.67c) śíkṣā ṇo asmín puruhūta yámani jīvá jyótir aśīmahi ||67||

(AVŚ\_18,3.68a) apūpāpihitān kumbhān yáṃs te devā ádhārayan |  
(AVŚ\_18,3.68c) té te santu svadhāvanto mādhumanto ghṛtaścútaḥ ||68||

(AVŚ\_18,3.69a) yás te dhāná anukirámi tilámiśrā svadhāvatīḥ |  
(AVŚ\_18,3.69c) tās te santu vibhvīḥ prabhvís tās te yamó rájānu manyatām ||69||

(AVŚ\_18,3.70a) púnar dehi vanaspate yá eṣá níhitas tváyi |  
(AVŚ\_18,3.70c) yáthā yamáśya sādana āsātau vidáthā vādan ||70||

(AVŚ\_18,3.71a) á rabhasva jātavedas téjasvad dháro astu te |  
(AVŚ\_18,3.71c) śārīram asya sám daháthainam dehi sukṛtām u loké ||71||  
(AVŚ\_18,3.72a) yé te pūrve párāgatā ápare pitáraś ca yé |  
(AVŚ\_18,3.72c) tébhyo ghṛtásya kulyáitu śatádhārā vyundatí ||72||

(AVŚ\_18,3.73a) etád á roha váya unmrjānáḥ svá ihá bṛhád u dīdayante |  
(AVŚ\_18,3.73c) abhí préhi madhyató mápa hāsthāḥ pitṛnám lokám prathamó yó átra ||73|| {19}

(AVŚ\_18,4.1a) á rohata jánitrīm jātavedasaḥ pitṛyānaiḥ sám va á rohayāmi |  
(AVŚ\_18,4.1c) ávāḍ dhavyéṣitó havyavāhá ījānám yuktāḥ sukṛtām dhattā loké ||1||

(AVŚ\_18,4.2a) devā yajñám ṛtávaḥ kalpayanti havīḥ puroḍāśam srucó yajñāyudháni |  
(AVŚ\_18,4.2c) tébhir yáhi pathíbhir devayánair yáir ījānáḥ svargám yanti lokám ||2||

(AVŚ\_18,4.3a) ṛtásya pánthām ánu paśya sādhv áṅgirasah sukṛto yéna yánti |  
(AVŚ\_18,4.3c) tébhir yáhi pathíbhiḥ svargám yátrādityā mādhu bhakṣáyanti tṛtíye náke ádhi ví śrayasva ||3||

(AVŚ\_18,4.4a) tráyaḥ suparṇā úparasya māyú nákasya pṛṣṭhé ádhi viṣṭápi śritāḥ |  
(AVŚ\_18,4.4c) svargā loká amṛtena viṣṭhá íṣam úrjam yájamānāya duhrām ||4||

(AVŚ\_18,4.5a) juhúr dādhāra dyām upabhṛd antárikṣam dhruvā  
dādhāra pṛthivīm pratiṣṭhām |  
(AVŚ\_18,4.5c) prátimām lokā ghṛtápṛṣṭhāḥ svargāḥ kāmamkāmaḥ  
yājamānāya duhrām ||5||

(AVŚ\_18,4.6a) dhrúva á roha pṛthivīm viśvábhojasam antárikṣam  
upabhṛd á kramasva |  
(AVŚ\_18,4.6c) júhu dyām gacha yājamānena sākām sruvéṇa  
vatsēna dísaḥ prápīnāḥ sárva dhukṣvāhṛṇyamānaḥ ||6||

(AVŚ\_18,4.7a) tīrthāis taranti praváto mahír íti yajñakṛtaḥ sukṛto  
yéna yánti |  
(AVŚ\_18,4.7c) átrādadhur yājamānāya lokām díso bhūtāni yád  
ákalpayanta ||7||

(AVŚ\_18,4.8a) áṅgirasām áyanam púrvo agnír ādityānām áyanam  
gārhapatyō dākṣiṇānām áyanam dakṣiṇāgníḥ |  
(AVŚ\_18,4.8c) mahimānam agnér víhitasya bráhmaṇā sámaṅgaḥ  
sárva úpa yāhi śagmāḥ ||8||

(AVŚ\_18,4.9a) púrvo agniṣ tvā tapatu sám purástāc chām paścāt  
tapatu gārhapatyah |  
(AVŚ\_18,4.9c) dakṣiṇāgniṣ ṭe tapatu sárma vármottarató madhyató  
antárikṣād diśódiśo agne pári pāhi ghorát ||9||

(AVŚ\_18,4.10a) yūyām agne śamtamābhis tanúbhir ījānām abhí  
lokām svargām |  
(AVŚ\_18,4.10c) áśvā bhūtvā pṛṣṭiváho vahātha yātra deváiḥ  
sadhāmādam mādanti ||10|| {20}

(AVŚ\_18,4.11a) sám agne paścāt tapa sám purástāc chām uttarāc  
chām adharát tapainam |  
(AVŚ\_18,4.11c) ékas tredhá víhito jātavedaḥ samyág enam dhehi  
sukṛtām u loké ||11||

(AVŚ\_18,4.12a) sám agnáyaḥ sámiddhā á rabhantām prājāpatyām  
médhyaḥ jātávedasaḥ |  
(AVŚ\_18,4.12c) śṛtām kṛṇvānta ihá máva cikṣipan ||12||

(AVŚ\_18,4.13a) yajñá eti vítataḥ kálpamāna ījānām abhí lokām  
svargām |  
(AVŚ\_18,4.13c) tám agnáyaḥ sárvahutam juṣantām prājāpatyām  
médhyaḥ jātávedasaḥ ||13||

(AVŚ\_18,4.14a) ījānás citām árukṣad agníḥ nákasya pṛṣṭhād dívam  
utpatiṣyān |  
(AVŚ\_18,4.14c) tásmāi prá bhāti nábhaso jyótiṣīmānt svargāḥ  
pánthāḥ sukṛte devayānaḥ ||14||

(AVŚ\_18,4.15a) agnír hótādhvaryúṣ ʔe bṛhaspátir índro brahmá  
dakṣiṇatás te astu |  
(AVŚ\_18,4.15c) hutó 'yám sámsthito yajñá eti yátra púrvam áyanam  
hutānām ||15||

(AVŚ\_18,4.16a) apūpāvān kṣīrāvāṃś carúr éhá sīdatu |  
(AVŚ\_18,4.16c) lokakṛtaḥ pathikṛto yajāmahe yé devānām  
hutābhāgā ihá sthá ||16||

(AVŚ\_18,4.17a) apūpāvān dādhivāṃś carúr éhá sīdatu |  
(AVŚ\_18,4.17c) lokakṛtaḥ pathikṛto yajāmahe yé devānām  
hutābhāgā ihá sthá ||17||

(AVŚ\_18,4.18a) apūpāvān drapsāvāṃś carúr éhá sīdatu |  
(AVŚ\_18,4.18c) lokakṛtaḥ pathikṛto yajāmahe yé devānām  
hutābhāgā ihá sthá ||18||

(AVŚ\_18,4.19a) apūpāvān ghr̥tāvāṃś carúr éhá sīdatu |  
(AVŚ\_18,4.19c) lokakṛtaḥ pathikṛto yajāmahe yé devānām  
hutābhāgā ihá sthá ||19||

(AVŚ\_18,4.20a) apūpāvān māṃsāvāṃś carúr éhá sīdatu |  
(AVŚ\_18,4.20c) lokakṛtaḥ pathikṛto yajāmahe yé devānām  
hutābhāgā ihá sthá ||20|| {21}

(AVŚ\_18,4.21a) apūpāvān ánnavāṃś carúr éhá sīdatu |  
(AVŚ\_18,4.21c) lokakṛtaḥ pathikṛto yajāmahe yé devānām  
hutābhāgā ihá sthá ||21||

(AVŚ\_18,4.22a) apūpāvān mādhumāṃś carúr éhá sīdatu |  
(AVŚ\_18,4.22c) lokakṛtaḥ pathikṛto yajāmahe yé devānām  
hutābhāgā ihá sthá ||22||

(AVŚ\_18,4.23a) apūpāvān rāsavāṃś carúr éhá sīdatu |  
(AVŚ\_18,4.23c) lokakṛtaḥ pathikṛto yajāmahe yé devānām  
hutābhāgā ihá sthá ||23||

(AVŚ\_18,4.24a) apūpāvān ápavāṃś carúr éhá sīdatu |  
(AVŚ\_18,4.24c) lokakṛtaḥ pathikṛto yajāmahe yé devānām  
hutābhāgā ihá sthá ||24||

(AVŚ\_18,4.25a) apūpāpihitān kumbhān yāṃś te devā ádhārayan |  
(AVŚ\_18,4.25c) té te santu svadhāvanto mādhumanto ghr̥taścútaḥ ||  
25||

(AVŚ\_18,4.26a) yás te dhāná anukirámi tilámiśrāḥ svadhāvatīḥ |  
(AVŚ\_18,4.26c) tás te santūdbhvīḥ prabhvís tás te yamó rájānu  
manyatām ||26||

(AVŚ\_18,4.27a) ákṣitiṃ bhūyasīm ||27||

(AVŚ\_18,4.28a) drapsás caskanda pṛthivīm ánu dyām imám ca  
yónim ánu yás ca pūrvāḥ |

(AVŚ\_18,4.28c) samānām yónim ánu samcárantaṃ drapsám juhomy  
ánu saptá hótṛāḥ ||28||

(AVŚ\_18,4.29a) śatádihāraṃ vāyúm arkām svarvídaṃ ṇṛcákṣasas té  
abhí cakṣate rayīm |

(AVŚ\_18,4.29c) yé pṛnānti prá ca yāchanti sarvadā té duhrate  
dákṣiṇām saptámātaram ||29||

(AVŚ\_18,4.30a) kósam duhanti kalásam cāturbilam ídām dhenúm  
mádhumatīm svastáye |

(AVŚ\_18,4.30c) ūrjam mádantīm áditiṃ jáneṣv ágne má himsīḥ  
paramé vyòman ||30|| {22}

(AVŚ\_18,4.31a) etát te devāḥ savitā vásò dadāti bhártave |

(AVŚ\_18,4.31c) tát tvam yamásya rájye vásānas tārpyām cara ||31||

(AVŚ\_18,4.32a) dhānā dhenúr abhavad vatsó asyās tiló 'bhavat |

(AVŚ\_18,4.32c) tám vái yamásya rájye ákṣitām úpa jīvati ||32||

(AVŚ\_18,4.33a) etās te asau dhenávaḥ kāmádúghā bhavantu |

(AVŚ\_18,4.33c) éniḥ syénīḥ sárūpā vírūpās tilávatsā úpa tiṣṭhantu  
tvātra ||33||

(AVŚ\_18,4.34a) énīr dhānā hāriṇīḥ syénīr asya kṛṣṇā dhānā róhiṇīr  
dhenāvas te |

(AVŚ\_18,4.34c) tilávatsā ūrjam asmái dúhānā viśvāhā santv  
ánapasphurantīḥ ||34||

(AVŚ\_18,4.35a) vaiśvānaré havír idām juhomi sāhasráṃ śatádihāram  
útsam |

(AVŚ\_18,4.35c) sá bibharti pitāraṃ pitāmāhán prapitāmāhán  
bibhārti pínvamānaḥ ||35||

(AVŚ\_18,4.36a) sahásradhāraṃ śatádihāram útsam ákṣitaṃ  
vyacyámānaṃ salilásya pṛṣṭhé |

(AVŚ\_18,4.36c) ūrjam dúhānam ánapasphurantaṃ úpāsate pitārah  
svadhābhiḥ ||36||

(AVŚ\_18,4.37a) idām kāsāmbu cáyanena citām tát sajātā áva  
paśyatéta |

(AVŚ\_18,4.37c) mártyo 'yám amṛtatvám eti tásmāi gṛhān kṛṇuta  
yāvatsābandhu ||37||

(AVŚ\_18,4.38a) iháiváidhi dhanasánir ihácitta ihákratuḥ |

(AVŚ\_18,4.38c) iháidhi vīryāvattaro vayodhā aparāhataḥ ||38||

(AVŚ\_18,4.39a) putraṃ páutram abhitarpáyantīr āpo mādhumatīr imāḥ |

(AVŚ\_18,4.39c) svadhāṃ pitṛbhyo amṛtaṃ dúhānā āpo devīr ubháyāṃs tarpayantu ||39||

(AVŚ\_18,4.40a) āpo agnīṃ prá hiṇuta pitṛṃr úpemāṃ yajñāṃ pitáro me juṣantām |

(AVŚ\_18,4.40c) āsīnām ūrjam úpa yé sácante té no rayīṃ sárvavīraṃ ní yachān ||40|| {23}

(AVŚ\_18,4.41a) sám indhate ámartyaṃ havyavāhaṃ ghṛtapríyam |

(AVŚ\_18,4.41c) sá veda níhitān nidhín pitṛn parāvato gatān ||41||

(AVŚ\_18,4.42a) yāṃ te manthāṃ yām odananāṃ yān māṃsām nīpṛṇāmi te |

(AVŚ\_18,4.42c) té te santu svadhāvanto mādhumanto ghṛtaścútaḥ ||42||

(AVŚ\_18,4.43a) yās te dhānā anukirámi tilāmiśrāḥ svadhāvatīḥ |

(AVŚ\_18,4.43c) tās te santūdbhvīḥ prabhvīs tās te yamó rājānu manyatām ||43||

(AVŚ\_18,4.44a) idāṃ pūrvam áparaṃ niyānaṃ yénā te pūrve pitáraḥ páretāḥ |

(AVŚ\_18,4.44c) purogavā yé abhisáco asya té tvā vahanti sukṛtām u lokām ||44||

(AVŚ\_18,4.45a) sárasvatīṃ devayánto havante sárasvatīṃ adhvaré tāyāmāne |

(AVŚ\_18,4.45c) sárasvatīṃ sukṛto havante sárasvatī dāsúṣe vāryaṃ dāt ||45||

(AVŚ\_18,4.46a) sárasvatīṃ pitáro havante dakṣiṇā yajñāṃ abhinákṣamāṇāḥ |

(AVŚ\_18,4.46c) āsádyāsmín barhíṣi mādayadhvam anamīvā íṣa ā dhehy asmé ||46||

(AVŚ\_18,4.47a) sárasvati yā saráthaṃ yayáthoktháiḥ svadhābhir devi pitṛbhir mādantī |

(AVŚ\_18,4.47c) sahasrārgḥām idó átra bhāgāṃ rāyás póṣaṃ yájamānāya dhehi ||47||

(AVŚ\_18,4.48a) pṛthivīm tvā pṛthivyām á veśayāmi devó no dhātá prá tirāty áyuh |

(AVŚ\_18,4.48c) párāparaitā vasuvíd vo astv ádhā mṛtāḥ pitṛṣu sám bhavantu ||48||

(AVŚ\_18,4.49a) á prá cyavethām ápa tán mṛjethām yád vām  
abhibhā́ átrocúḥ |  
(AVŚ\_18,4.49c) asmā́d étam aghnyáu tád váśīyo dātúḥ pitṛśv  
ihábhojanau máma ||49||

(AVŚ\_18,4.50a) éyám agan dákṣiṇā bhadrató nā anéna dattā  
sudúghā vayodhāḥ |  
(AVŚ\_18,4.50c) yáuvane jīván upapṛñcatí jarā́ pitṛbhya  
upasāmpārāṇayād imān ||50|| {24}

(AVŚ\_18,4.51a) idām pitṛbhyaḥ prá bharāmi barhír jīvām devébhya  
úttaram strṇāmi |  
(AVŚ\_18,4.51c) tád á roha puruṣa médhyo bhávan práti tvā jānantu  
pitáraḥ páretam ||51||

(AVŚ\_18,4.52a) édām barhír asado médhyo 'bhūḥ práti tvā jānantu  
pitáraḥ páretam |  
(AVŚ\_18,4.52c) yathāparú tanvām sám bharasva gātrāṇi te  
bráhmanā kalpayāmi ||52||

(AVŚ\_18,4.53a) parṇó rájāpidhānam carūṇām ūrjó bálam sāha ójo  
na āgan |  
(AVŚ\_18,4.53c) áyur jīvébhyo vídadhad dīrghāyutváya śatásāradāya  
||53||

(AVŚ\_18,4.54a) ūrjó bhāgó yá imām jajánāśmānnānām ādhipatyam  
jagāma |  
(AVŚ\_18,4.54c) tám arcata viśvámitrā havírbhiḥ sá no yamáḥ  
pratarám jīvāse dhāt ||54||

(AVŚ\_18,4.55a) yáthā yamáya harmyám ávapan páñca mānavāḥ |  
(AVŚ\_18,4.55c) evā vapāmi harmyām yáthā me bhúrayó 'sata ||55||

(AVŚ\_18,4.56a) idām híraṇyam bibhṛhi yát te pitā́bibhaḥ purā́ |  
(AVŚ\_18,4.56c) svargām yatáḥ pitúr hástam nír mṛḍḍhi dákṣiṇam ||  
56||

(AVŚ\_18,4.57a) yé ca jīvā́ yé ca mṛtā́ yé jā́tā yé ca yajñíyāḥ |  
(AVŚ\_18,4.57c) tébhyo ghṛtasya kulyáitu mádhudhārā vyundatí ||  
57||

(AVŚ\_18,4.58a) vṛṣā matīnām pavate vicakṣaṇāḥ súro áhnām  
pratārītośāsām divāḥ |  
(AVŚ\_18,4.58c) prāṇāḥ síndhūnām kalásāṃ acikradad índrasya  
hārdīm āviśān manīśáyā ||58||

(AVŚ\_18,4.59a) tveśás te dhūmā ūrṇotu diví śām chukrá átataḥ |  
(AVŚ\_18,4.59c) súro ná hí dyutā́ tvaṃ kṛpā́ pāvaka rócasa ||59||



(AVŚ\_18,4.60a) prá vá etíndur índrasya níṣkṛtiṃ sákhā sákhyur ná  
prá mināti saṃgirāḥ |

(AVŚ\_18,4.60c) márya iva yóṣāḥ sám arṣase sómaḥ kaláśe  
śatáyāmanā pathá ||60|| {25}

(AVŚ\_18,4.61a) ákṣann ámīmadanta hy áva priyāṁ adhūṣata |

(AVŚ\_18,4.61c) ástoṣata svábhānavo víprā yáviṣṭhā īmahe ||61||

(AVŚ\_18,4.62a) á yāta pitarāḥ somyáso gambhīráiḥ pathíbhiḥ  
pitṛyāñaiḥ |

(AVŚ\_18,4.62c) áyur asmábhyaṃ dádhataḥ prajāṃ ca rāyás ca  
póṣair abhí naḥ sacadhvam ||62||

(AVŚ\_18,4.63a) párā yāta pitarāḥ somyáso gambhīráiḥ pathíbhiḥ  
pūryāñaiḥ |

(AVŚ\_18,4.63c) ádhā māsi púnar á yāta no gr̥hān havír áttuṃ  
suprajásah suvírāḥ ||63||

(AVŚ\_18,4.64a) yád vo agnír ájahād ékam áṅgaṃ pitṛlokáṃ  
gamāyaṃ jātávedāḥ |

(AVŚ\_18,4.64c) tát va etát púnar á pyāyayāmi sāṅgāḥ svargé pitáro  
mādayadhvam ||64||

(AVŚ\_18,4.65a) ábhūd dūtāḥ práhito jātávedāḥ sāyāṃ nyáhna  
upavāndyo nṛbhiḥ |

(AVŚ\_18,4.65c) prādāḥ pitṛbhyaḥ svadháyā té akṣann addhí tvám  
deva práyatā havīm̐ṣi ||65||

(AVŚ\_18,4.66a) ásau há ihá te mánaḥ kákutsalam iva jāmáyaḥ |

(AVŚ\_18,4.66c) abhy ènaṃ bhūma ūṇuhi ||66||

(AVŚ\_18,4.67a) súmbhantāṃ lokāḥ pitṛśadanāḥ pitṛśadane tvā loká  
á sādāyāmi ||67||

(AVŚ\_18,4.68a) yé asmákaṃ pitáras téṣāṃ barhír asi ||68||

(AVŚ\_18,4.69a) úd uttamáṃ varuṇa páśam asmád ávādhamáṃ  
śrathāya |

(AVŚ\_18,4.69c) ádhā vayám āditya vraté távānāgasō áditaye syāma  
||69||

(AVŚ\_18,4.70a) prásmát páśān varuṇa muñca sárvaṇ yáiḥ samāmé  
badhyáte yáir vyāmé |

(AVŚ\_18,4.70c) ádhā jīvema śarādaṃ śatāni tváyā rājan gupitá  
rákṣamāṇāḥ ||70|| {26}

(AVŚ\_18,4.71a) agnáye kavyavāhanāya svadhá námaḥ ||71||

(AVŚ\_18,4.72a) sómāya pitṛmāte svadhá námaḥ ||72||

(AVŚ\_18,4.73a) pitṛbhyaḥ sómavadbhyaḥ svadhā námaḥ ||73||

(AVŚ\_18,4.74a) yamāya pitṛmāte svadhā námaḥ ||74||

(AVŚ\_18,4.75a) etát te pratatāmaha svadhā yé ca tvām ánu ||75||

(AVŚ\_18,4.76a) etát te tatāmaha svadhā yé ca tvām ánu ||76||

(AVŚ\_18,4.77a) etát te tata svadhā ||77||

(AVŚ\_18,4.78a) svadhā pitṛbhyaḥ pṛthiviśádbhyaḥ ||78||

(AVŚ\_18,4.79a) svadhā pitṛbhyo antarikṣasádbhyaḥ ||79||

(AVŚ\_18,4.80a) svadhā pitṛbhyo diviśádbhyaḥ ||80|| {27}

(AVŚ\_18,4.81a) námo vaḥ pitara ūrjé námo vaḥ pitaro rásāya ||81||

(AVŚ\_18,4.82a) námo vaḥ pitaro bhāmāya námo vaḥ pitaro  
manyáve ||82||

(AVŚ\_18,4.83a) námo vaḥ pitaro yád ghorám tásmāi námo vaḥ  
pitaro yát krūrám tásmāi ||83||

(AVŚ\_18,4.84a) námo vaḥ pitaro yác chivám tásmāi námo vaḥ pitaro  
yát syonám tásmāi ||84||

(AVŚ\_18,4.85a) námo vaḥ pitaraḥ svadhā vaḥ pitaraḥ ||85||

(AVŚ\_18,4.86a) yé 'tra pitáraḥ pitáro yé 'tra yūyám sthá yuṣmāṃs té  
'nu yūyám téṣāṃ śréṣṭhā bhūyāstha ||86||

(AVŚ\_18,4.87a) yá ihá pitáro jīvá ihá vayám smaḥ |

(AVŚ\_18,4.87c) asmāṃs té 'nu vayám téṣāṃ śréṣṭhā bhūyāśma ||  
87||

(AVŚ\_18,4.88a) á tvāgna idhīmahī dyumántaṃ devājāram |

(AVŚ\_18,4.88c) yád gha sá te pánīyasī samíd dīdáyati dyávi |

(AVŚ\_18,4.88e) íṣaṃ stotṛbhya á bhara ||88||

(AVŚ\_18,4.89a) candrámaḥ apsv àntár á suparṇó dhāvate diví |

(AVŚ\_18,4.89c) ná vo hiraṇyanemayaḥ padám vindanti vidyuto  
vittám me asyá rodasī ||89|| {28}

(AVŚ\_19,1.1a) sámśaṃ sravantu nadyàḥ sám vātāḥ sám patatríṇaḥ |

(AVŚ\_19,1.1c) yajñám imám vardhayatā girāḥ sámśrāvyēṇa havíṣā  
juhomi ||1||

(AVŚ\_19,1.2a) imám homā yajñám avatemám saṃsrāvaṇā utá  
yajñám imám vardhayatā giraḥ saṃsrāvyèṇa havíṣā juhomi ||2||

(AVŚ\_19,1.3a) rūpám rūpaṃ váyovayaḥ saṃrābhyainaṃ pári ṣvaje |  
(AVŚ\_19,1.3c) yajñám imám cátsaḥ pradíśo vardhayantu  
saṃsrāvyèṇa havíṣā juhomi ||3||

(AVŚ\_19,2.1a) sám ta ápo haimavatíḥ sám u te santūtsyāḥ |  
(AVŚ\_19,2.1c) sám te saniṣyadā ápaḥ sám u te santu varṣyāḥ ||1||

(AVŚ\_19,2.2a) sám ta ápo dhanvanyāḥ sám te santv anūpyāḥ |  
(AVŚ\_19,2.2c) sám te khanitrímā ápaḥ sám yāḥ kumbhébhir ábhṛtāḥ  
||2||

(AVŚ\_19,2.3a) anabhráyaḥ khánamānā víprā gambhīré apásaḥ |  
(AVŚ\_19,2.3c) bhiśágbhyo bhiśáktarā ápo áchā vadāmasi ||3||  
(AVŚ\_19,2.4a) apám áha divyānām apám srotasyānām |  
(AVŚ\_19,2.4c) apám áha praṇéjané 'śvā bhavatha vājínaḥ ||4||

(AVŚ\_19,2.5a) tá apāḥ śivā apó 'yakṣmaṃkáraṇīr apāḥ |  
(AVŚ\_19,2.5c) yáthaivá tṛpyate máyas tās ta á datta bhesajíḥ ||5||

(AVŚ\_19,3.1a) divás pṛthivyāḥ páry antárikṣād vánaspátibhyo ádhy  
óṣadhībhyāḥ |  
(AVŚ\_19,3.1c) yátrayatra víbhrto jātávedās táta stutó juśamāṇo na  
éhi ||1||

(AVŚ\_19,3.2a) yás te apsv mahimā yó váneṣu yá óṣadhīṣu paśúṣv  
apsv àntāḥ |  
(AVŚ\_19,3.2c) ágne sárvas tanvāḥ sám rabhasva tábhir na éhi  
draviṇodā ájasraḥ ||2||

(AVŚ\_19,3.3a) yás te devéṣu mahimā svargó yá te tanúḥ pitṛṣv  
āvivéśa |  
(AVŚ\_19,3.3c) púṣtir yá te manuṣyèṣu paprathé 'gne táyā rayím  
asmāsu dhehi ||3||

(AVŚ\_19,3.4a) śrútkarṇāya kaváye védyāya vácobhir vākáir úpa  
yāmi rātīm |  
(AVŚ\_19,3.4c) yáto bhayám ábhayaṃ tán no astv áva devānām yaja  
hédo agne ||4||

(AVŚ\_19,4.1a) yām áhutiṃ prathamām átharvā yá jātā yá havyám

ákr̥ṇoj jātávedāḥ |

(AVŚ\_19,4.1c) tām ta etām prathamó johavīmi tábhiṣ ṭuptó vahatu  
havyām agnír agnáye svāha ||1||

(AVŚ\_19,4.2a) ákūtiṃ devīm subhágām puró dadhe cittásya mātá  
suhávā no astu |

(AVŚ\_19,4.2c) yām āśām émi kévalī sá me astu vidéyam enām  
mánasi práviṣtām ||2||

(AVŚ\_19,4.3a) ákūtyā no bṛhaspata ákūtyā na úpá gahi |

(AVŚ\_19,4.3c) átho bhágasya no dhehy átho naḥ suhávo bhava ||3||

(AVŚ\_19,4.4a) bṛhaspátir ma ákūtim āngirasáh práti jānātu vácam  
etām |

(AVŚ\_19,4.4c) yásya devá devátāḥ saṃbabhūvúḥ sá supráṇītāḥ  
kāmō ánv etv asmán ||4||

(AVŚ\_19,5.1a) índro rájā jágataś carṣaṇīnām ádhi kṣami víṣurūpaṃ  
yád āsti |

(AVŚ\_19,5.1c) táto dadāti dāśúṣe vásūni códad rádha úpastutaś cid  
arvāk ||1||

(AVŚ\_19,6.1a) sahasrabāhuḥ púruṣaḥ sahasrākṣáh sahasrapāt |

(AVŚ\_19,6.1c) sá bhūmiṃ víśváto vṛtváty átiṣṭhad daśāṅgulám ||1||

(AVŚ\_19,6.2a) tribhíḥ padbhír dyām arohat pād asyehābhavat púnaḥ  
|

(AVŚ\_19,6.2c) táthā vy àkrāmad víṣvaṃ aśanānaśané ánu ||2||

(AVŚ\_19,6.3a) távanto asya mahimānas táto jyāyāṃś ca púruṣaḥ |

(AVŚ\_19,6.3c) pādo 'sya víśvā bhūtāni tripād asyāmṛtaṃ diví ||3||

(AVŚ\_19,6.4a) púruṣa evédāṃ sárvaṃ yád bhūtāṃ yác ca bhāvyām  
|

(AVŚ\_19,6.4c) utāmṛtatvásyēśvaró yád anyénābhavat sahá ||4||

(AVŚ\_19,6.5a) yát púruṣaṃ vy ádadahuḥ katidhá vy àkalpayan |

(AVŚ\_19,6.5c) múkhaṃ kím asya kím bāhú kím ūrú pādā ucyate ||5||

(AVŚ\_19,6.6a) brāhmaṇó 'sya múkham āsīd bāhú rājanyò 'bhavat |

(AVŚ\_19,6.6c) mādhyam tád asya yád váisyaḥ padbhyām sūdró  
ajāyata ||6||

(AVŚ\_19,6.7a) candrāmā mánaso jātás cākṣoḥ sūryo ajāyata |

(AVŚ\_19,6.7c) múkhād índraś cāgnís ca prāṇád vāyúr ajāyata ||7||

(AVŚ\_19,6.8a) nábhya āsīd antárikṣam śīrṣṇó dyáuḥ sám avartata |  
(AVŚ\_19,6.8c) padbhyám bhúmīr díśaḥ śrótrāt táthā lokám  
akalpayan ||8||

(AVŚ\_19,6.9a) virāḍ ágre sám abhavad virájo ádhi púruṣaḥ |  
(AVŚ\_19,6.9c) sá jātó áty aricyata paścād bhúmim átho puráḥ ||9||

(AVŚ\_19,6.10a) yát púruṣeṇa havíṣā devā yajñám átanvata |  
(AVŚ\_19,6.10c) vasantó asyāsīd ájyam grīṣmā idhmáḥ śarád dhavíḥ  
||10||

(AVŚ\_19,6.11a) tám yajñám prāvṛṣā práukṣan púruṣam jātám  
agraśáḥ |  
(AVŚ\_19,6.11c) téna devā ayajanta sādhyā vásavaś ca yé ||11||

(AVŚ\_19,6.12a) tásmād ásvā ajāyanta yé ca ké cobhayádataḥ |  
(AVŚ\_19,6.12c) gāvo ha jajñire tásmāt tásmā jātā ajāvayaḥ ||12||

(AVŚ\_19,6.13a) tásmād yajñāt sarvahúta icaḥ sāmāni jajñire |  
(AVŚ\_19,6.13c) chāndo ha jajñire tásmād yájus tásmād ajāyata ||  
13||

(AVŚ\_19,6.14a) tásmād yajñāt sarvahútaḥ sambhṛtaḥ pṛṣadājyam |  
(AVŚ\_19,6.14c) paśúmś támś cakre vāyavyān āraṇyā grāmyās ca yé  
||14||

(AVŚ\_19,6.15a) saptāsyāsan paridháyas tríḥ saptá samídhaḥ kṛtāḥ |  
(AVŚ\_19,6.15c) devā yád yajñám tanvānā ábadhnan púruṣam  
paśúm ||15||

(AVŚ\_19,6.16a) mūrdhnó devásya bṛható aṁśavaḥ saptá saptatīḥ |  
(AVŚ\_19,6.16c) rájñaḥ sómasyājāyanta jātásya púruṣād ádhi ||16||

(AVŚ\_19,7.1a) citráṇi sākám diví rocanāni sarīṣpāṇi bhúvane javāni  
|  
(AVŚ\_19,7.1c) turmíṣam sumatím ichámāno áhāni gīrbhíḥ saparyāmi  
nákam ||1||

(AVŚ\_19,7.2a) suhávam agne kṛttikā róhiṇī cástu bhadráḥ  
mṛgásiraḥ sám ādrá |  
(AVŚ\_19,7.2c) púnarvasū sūnṛtā cáru púṣyo bhānúr āśleṣā áyanam  
maghá me ||2||

(AVŚ\_19,7.3a) púṇyam púrvā phálgunyaw cátra hástaś citrá śivā  
svatī sukhó me ástu |  
(AVŚ\_19,7.3c) rádhe viśákhe suhāvānurādhā jyéṣṭhā sunákṣatram

áriṣṭa múlam ||3||

(AVŚ\_19,7.4a) ánnam púrvā rāsatām me aṣādhā úrjam devy úttarā  
ā vahantu |

(AVŚ\_19,7.4c) abhijín me rāsatām púṇyam evá śrávaṇaḥ śráviṣṭhāḥ  
kurvatām supuṣṭím ||4||

(AVŚ\_19,7.5a) ā me mahác chatábhiṣag várīya ā me dvayā  
próṣṭhapadā suśárma |

(AVŚ\_19,7.5c) ā revatī cāsvayújau bhágam ma ā me rayím bháraṇya  
ā vahantu ||5||

(AVŚ\_19,8.1a) yāni nákṣatrāṇi divy àntárikṣe apsú bhúmau yāni  
nágeṣu dikṣú |

(AVŚ\_19,8.1c) prakalpáyamś candráma yāny éti sárvaṇi māmaitāni  
śivāni santu ||1||

(AVŚ\_19,8.2a) aṣṭāviṃśāni śivāni śagmāni sahā yógam bhajantu me  
|

(AVŚ\_19,8.2c) yógam prá padye kṣémaṃ ca kṣémaṃ prá padye  
yógam ca námo 'horātrābhyām astu ||2||

(AVŚ\_19,8.3a) svástitam me suprātáḥ susāyám sudivám sumṛgám  
suśakunám me astu |

(AVŚ\_19,8.3c) suhávam agne svasty àmartyám gatvá púnar  
āyābhínāndan ||3||

(AVŚ\_19,8.4a) anuhavám parihavám parivādám parikṣavám |

(AVŚ\_19,8.4c) sárvaṇi me riktakumbhān párā tánt sávitaḥ suva ||4||

(AVŚ\_19,8.5a) ápapāpám parikṣavám púṇyam bhakṣīmáhi kṣávam |

(AVŚ\_19,8.5c) śivá te pāpa násikām púṇyagaś cābhí mehatām ||5||

(AVŚ\_19,8.6a) imā yā brahmaṇas pate víṣucīr vāta írate |

(AVŚ\_19,8.6c) sadhrícīr indra táḥ kṛtvā máhyam śivátamās kṛdhi ||  
6||

(AVŚ\_19,8.7a) svastí no astv ábhayam no astu námo 'horatrābhyām  
astu ||7||

(AVŚ\_19,9.1a) śāntā dyáuḥ śāntā pṛthiví śāntám idám urv  
àntárikṣam |

(AVŚ\_19,9.1c) śāntā udanvátīr ápaḥ śāntā naḥ santv óṣadhīḥ ||1||

(AVŚ\_19,9.2a) śāntāni pūrvarūpāṇi śāntám no astu kṛtākṛtám |

(AVŚ\_19,9.2c) śāntám bhūtám ca bhávyam ca sárvam evá śám astu naḥ ||2||

(AVŚ\_19,9.3a) iyám yá parameṣṭhínī vág deví bráhmaśítā |  
(AVŚ\_19,9.3c) yáyaivá sasrjé ghorám táyaivá śántir astu naḥ ||3||

(AVŚ\_19,9.4a) idám yát parameṣṭhínám máno vām  
bráhmaśítam |  
(AVŚ\_19,9.4c) yénaivá sasrjé ghorám ténaivá śántir astu naḥ ||4||

(AVŚ\_19,9.5a) imāni yāni páñcendriyāni mánaḥśaṣṭhāni me hṛdí  
bráhmanā sámśítāni |  
(AVŚ\_19,9.5c) yáir evá sasrjé ghorám táir evá śántir astu naḥ ||5||

(AVŚ\_19,9.6a) śám no mitráḥ śám váruṇaḥ śám víṣṇuḥ śám  
prajāpatiḥ |  
(AVŚ\_19,9.6c) śám na índro bṛhaspátīḥ śám no bhavativ aryamā ||6||

(AVŚ\_19,9.7a) śám no mitráḥ śám váruṇaḥ śám vivásvām chám  
ántakaḥ |  
(AVŚ\_19,9.7c) utpátāḥ pāṛthivāntárikṣāḥ śám no divícarā gráhāḥ ||  
7||

(AVŚ\_19,9.8a) śám no bhúmir vepyamāná śám ulká nírhatam ca yát  
|  
(AVŚ\_19,9.8c) śám gávo lóhitakṣīrāḥ śám bhúmir áva tīryatīḥ ||8||

(AVŚ\_19,9.9a) nákṣatram ulkābhíhatam śám astu naḥ śám no  
'bhicārāḥ śám u santu kṛtyāḥ |  
(AVŚ\_19,9.9c) śám no níkhātā valgāḥ śám ulká deśopasargāḥ śám u  
no bhavantu ||9||

(AVŚ\_19,9.10a) śám no gráhās cāndramasāḥ śám ādityās ca rāhuṇā  
|  
(AVŚ\_19,9.10c) śám no mṛtyúr dhūmáketuḥ śám rudrás  
tigmātejasah ||10||

(AVŚ\_19,9.11a) śám rudráḥ śám vásavaḥ śám ādityāḥ śám agnáyah  
|  
(AVŚ\_19,9.11c) śám no maharṣáyo devāḥ śám devāḥ śám  
bṛhaspátīḥ ||11||

(AVŚ\_19,9.12a) bráhma prajāpatir dhātā lokā védāḥ saptaṛṣáyo  
'gnáyah |  
(AVŚ\_19,9.12c) táir me kṛtám svastyáyanam índro me sárma  
yachatu brahmā me sárma yachatu |  
(AVŚ\_19,9.12e) víśve me devāḥ sárma yachantu sárve me devāḥ  
sárma yachantu ||12||

(AVŚ\_19,9.13a) yāni kāni cic chāntāni loké saptaṛṣāyo vidúḥ |  
(AVŚ\_19,9.13c) sārvaṇi sám bhavantu me sám me astv ábhayaṃ  
me astu ||13||

(AVŚ\_19,9.14a) pṛthiví śántir antárikṣaṃ śántir dyáuḥ śántir ápaḥ  
śántir óṣadhayaḥ śántir vánaspátayaḥ śántir víśve me devāḥ śántiḥ  
sárve me devāḥ śántiḥ śántiḥ śántiḥ śántibhiḥ |  
(AVŚ\_19,9.14c) yád ihá ghoráṃ yád ihá krūráṃ yád ihá pāpáṃ tác  
chāntáṃ tác chiváṃ sárvaṃ evá sám astu naḥ ||14||

(AVŚ\_19,10.1a) sám na indrāgní bhavatām ávobhiḥ sám na  
indrāváruṇā rātáhavyā |  
(AVŚ\_19,10.1c) sám indrāsómā suvitāya sám yóḥ sám na  
indrāpūṣāṇā vājasātau ||1||

(AVŚ\_19,10.2a) sám no bhágaḥ sám u naḥ sámso astu sám naḥ  
púraṃdhiḥ sám u santu ráyaḥ |  
(AVŚ\_19,10.2c) sám naḥ satyásaḥ suyámasya sámṣaḥ sám no  
aryamá purujátó astu ||2||

(AVŚ\_19,10.3a) sám no dhātá sám u dhartá no astu sám na urūcí  
bhavātu svadhābhiḥ |  
(AVŚ\_19,10.3c) sám ródasī bṛhatí sám no ádriḥ sám no devānāṃ  
suhávāni santu ||3||

(AVŚ\_19,10.4a) sám no agnír jyótiranīko astu sám no mitrávāruṇāv  
aśvínā sám |  
(AVŚ\_19,10.4c) sám naḥ sukṛtāṃ sukṛtāni santu sám na iṣiró abhí  
vātu vātāḥ ||4||

(AVŚ\_19,10.5a) sám no dyāvāpṛthiví pūrváhūtau sám antárikṣaṃ  
dṛśāye no astu |  
(AVŚ\_19,10.5c) sám na óṣadhīr vaníno bhavantu sám no rájasas  
pátir astu jiṣṇúḥ ||5||

(AVŚ\_19,10.6a) sám na índro vásubhir devó astu sám ādityébhir  
váruṇaḥ suśámṣaḥ |  
(AVŚ\_19,10.6c) sám no rudró rudrébhir jálāṣaḥ sám nas tváṣṭā  
gnābhir ihá śṛṇotu ||6||

(AVŚ\_19,10.7a) sám naḥ sómo bhavatu bráhma sám naḥ sám no  
grāvāṇaḥ sám u santu yajñāḥ |  
(AVŚ\_19,10.7c) sám naḥ svárūnāṃ mitáyo bhavantu sám naḥ  
prasvāḥ sám v astu védiḥ ||7||

(AVŚ\_19,10.8a) sám naḥ sūrya urucákṣā úd etu sám no bhavantu  
pradíśaś cátaśraḥ |



(AVŚ\_19,10.8c) sám naḥ párvatā dhruváyo bhavantu sám naḥ  
sindhavaḥ sám u santv āpaḥ ||8||

(AVŚ\_19,10.9a) sám no áditir bhavatu vratébhiḥ sám no bhavantu  
marútaḥ svarkāḥ |

(AVŚ\_19,10.9c) sám no víṣṇuḥ sám u pūṣā no astu sám no  
bhavítṛaṃ sám v astu vāyúḥ ||9||

(AVŚ\_19,10.10a) sám no devāḥ savitā tráyamāṇaḥ sám no  
bhavantūṣāso vibhātīḥ |

(AVŚ\_19,10.10c) sám naḥ parjáno bhavatu prajābhyaḥ sám naḥ  
kṣétrasya pátir astu śambhúḥ ||10||

(AVŚ\_19,11.1a) sám naḥ satyásya pátayo bhavantu sám no  
árvantaḥ sám u santu gāvaḥ |

(AVŚ\_19,11.1c) sám na ṛbhávaḥ sukṛtaḥ suhástāḥ sám no bhavatu  
pitáro háveṣu ||1||

(AVŚ\_19,11.2a) sám no devā víśvádevā bhavantu sám sárasvatī  
sahá dhībhír astu |

(AVŚ\_19,11.2c) sám abhiṣācaḥ sám u rātiṣācaḥ sám no divyāḥ  
pārthivāḥ sám no ápyāḥ ||2||

(AVŚ\_19,11.3a) sám no ajá ékapād devó astu sám áhir budhnyāḥ  
sám samudráḥ |

(AVŚ\_19,11.3c) sám no apām nápat perúr astu sám naḥ pṛṣṇir  
bhavatu devágopā ||3||

(AVŚ\_19,11.4a) ādityā rudrá vásavo juṣantām idám bráhma  
kriyāmāṇaṃ návīyaḥ |

(AVŚ\_19,11.4c) sṛṇvantu no divyāḥ pārthivāso gójātā utá yé  
yajñíyāsaḥ ||4||

(AVŚ\_19,11.5a) yé devānām ṛtvíjo yajñíyāso mánor yájatrā amṛtā  
ṛtajñāḥ |

(AVŚ\_19,11.5c) té no rāsantām urugāyám adyá yūyám pāta  
svastíbhiḥ sádā naḥ ||5||

(AVŚ\_19,11.6a) tát astu mitrāvaruṇā tát agne sám yór asmábhyam  
idám astu śastám |

(AVŚ\_19,11.6c) asīmáhi gādhám utá pratiṣṭhām námo divé bṛhaté  
śadanāya ||6||

(AVŚ\_19,12.1a) uṣā ápa svásus támaḥ sám vartayati vartaním  
sujātātā |

(AVŚ\_19,12.1c) ayá vājmaṁ devāhitaṁ sanema mādema śatāhimāḥ  
suvīrāḥ ||1||

(AVŚ\_19,13.1a) índrasya bāhú sthāviraṁ vṛṣāṇau citrá imā vṛṣabháu  
pārayiṣṇú |

(AVŚ\_19,13.1c) táu yokṣe prathamó yóga ágate yábhyāṁ jítam  
ásurāṇāṁ svàr yát ||1||

(AVŚ\_19,13.2a) āśúḥ śísāno vṛṣabhó ná bhīmó ghanāghanāḥ  
kṣóbhaṇas carṣaṇīnām |

(AVŚ\_19,13.2c) samkrándano 'nimiśá ekavīráḥ śatām sénā ajayat  
sākám índraḥ ||2||

(AVŚ\_19,13.3a) samkrándanenānimiśéṇa jiṣṇúnāyodhyéna  
duścyavanéna dhr̥ṣṇúnā |

(AVŚ\_19,13.3c) tát índreṇa jayata tát sahadhvaṁ yúdho nara  
iṣuhastena vṛṣṇā ||3||

(AVŚ\_19,13.4a) sá iṣuhastaiḥ sá niṣaṅgíbhīr vaśí sámśraṣṭā sá  
yúdhā índro gaṇéna |

(AVŚ\_19,13.4c) sámśraṣṭajít somapá bāhuśardhy ùgrádhanvā  
prátihitābhīr ástā ||4||

(AVŚ\_19,13.5a) balavijñāyáḥ sthāviraḥ právīraḥ sáhasvān vājí  
sáhamāna ugráḥ |

(AVŚ\_19,13.5c) abhívīro abhíṣatvā sahojíj jáitram índra rátham á  
tiṣṭhā govídā ||5||

(AVŚ\_19,13.6a) imām vīrām ánu harṣadhvam ugrám índraṁ  
sakhāyo ánu sám rabhadhvam |

(AVŚ\_19,13.6c) grāmajítam gojítam vájrabāhum jáyantam ájma  
pramṛṇántam ójasā ||6||

(AVŚ\_19,13.7a) abhí gotráṇi sáhasā gáhamāno 'dāyá ugráḥ  
śatāmanyur índraḥ |

(AVŚ\_19,13.7c) duścyavanáḥ pṛtanāśād ayodhyò 'smākaṁ sénā  
avatu prá yutsú ||7||

(AVŚ\_19,13.8a) bṛhaspate pári dīyā ráthena rakṣohámítrāṁ  
apabādhāmānaḥ |

(AVŚ\_19,13.8c) prabhañjám chátrūn pramṛṇánn amítrān asmákam  
edhy avitā tanúnām ||8||

(AVŚ\_19,13.9a) índra eṣāṁ netá bṛhaspátir dákṣiṇā yajñáḥ purá etu  
sómāḥ |

(AVŚ\_19,13.9c) devasenānām abhibhañjatínām jáyantīnām marúto  
yantú mádhye ||9||

(AVŚ\_19,13.10a) índrasya vṛṣṇo váruṇasya rájña ādityānām  
marútām sárdha ugrám |  
(AVŚ\_19,13.10c) mahāmanasām bhuvanacyavānām ghóṣo devānām  
jáyatām úd asthāt ||10||

(AVŚ\_19,13.11a) asmákam índraḥ sámṛteṣu dhvajéṣv asmákam yá  
íṣavas tá jayantu |  
(AVŚ\_19,13.11c) asmákam vīrá úttare bhavantv asmán devāso 'vatā  
háveṣu ||11||

(AVŚ\_19,14.1a) idám ucchréyo 'vasānam ágām sívé me dyāvāpṛthiví  
abhūtām |  
(AVŚ\_19,14.1c) asapatnáḥ pradíso me bhavantu ná vái tvā dviṣmo  
ábhayam no astu ||1||

(AVŚ\_19,15.1a) yáta indra bháyāmahe táto no ábhayam kṛdhi |  
(AVŚ\_19,15.1c) mághavam chagdhí táva tvám na útíbhīr ví dviṣo ví  
mṛdho jahi ||1||

(AVŚ\_19,15.2a) índram vayám anūrādhām havāmahé 'nu  
rādhýāsma dvipádā cátuṣpadā |  
(AVŚ\_19,15.2c) má naḥ sénā áraruṣīr úpa gur víṣūcir indra druhó ví  
nāsaya ||2||

(AVŚ\_19,15.3a) índras trātótá vṛtrahá parasphāno váreṇyah |  
(AVŚ\_19,15.3c) sá rakṣitā caramatāḥ sá madhyatāḥ sá paścāt sá  
purástān no astu ||3||

(AVŚ\_19,15.4a) urúm no lokám ánu neṣi vidvánt svār yáj jyótir  
ábhayam svastí |  
(AVŚ\_19,15.4c) ugrá ta indra sthávīrasya bāhú úpa kṣayema saraṇá  
bṛhántā ||4||

(AVŚ\_19,15.5a) ábhayam naḥ karaty antárikṣam ábhayam  
dyāvāpṛthiví ubhé imé |  
(AVŚ\_19,15.5c) ábhayam paścād ábhayam purástād uttarād  
adharād ábhayam no astu ||5||

(AVŚ\_19,15.6a) ábhayam mitrád ábhayam amítrād ábhayam jñātād  
ábhayam puró yáh |  
(AVŚ\_19,15.6c) ábhayam náktam ábhayam divā naḥ sárva áśā  
māma mitráḥ bhavantu ||6||

(AVŚ\_19,16.1a) asapatnām purástāt paścān no ábhayaṃ kṛtam |  
(AVŚ\_19,16.1c) savitā mā dakṣiṇatā uttarān mā śacīpātiḥ ||1||

(AVŚ\_19,16.2a) divó mādityā rakṣatu bhúmyā rakṣantv agnáyaḥ |  
(AVŚ\_19,16.2c) indrāgnī rakṣatām mā purástād asvínāv abhítaḥ  
śárma yachatām |  
(AVŚ\_19,16.2e) tiraścín aghnyā rakṣatu jātávedā bhūtakṛto me  
sarvātaḥ santu várma ||2||

(AVŚ\_19,17.1a) agnír mā pātu vásubhiḥ purástāt tásmin krame  
tásmiṃ chraye tám púraṃ práimi |  
(AVŚ\_19,17.1c) sá mā rakṣatu sá mā gopāyatu tásmā ātmānaṃ pári  
dade sváhā ||1||

(AVŚ\_19,17.2a) vāyúr mántarikṣeṇaitáśyā diśáḥ pātu tásmin krame  
tásmiṃ chraye tám púraṃ práimi |  
(AVŚ\_19,17.2c) sá mā rakṣatu sá mā gopāyatu tásmā ātmānaṃ pári  
dade sváhā ||2||

(AVŚ\_19,17.3a) sómo mā rudráir dákṣiṇāyā diśáḥ pātu tásmin krame  
tásmiṃ chraye tám púraṃ práimi |  
(AVŚ\_19,17.3c) sá mā rakṣatu sá mā gopāyatu tásmā ātmānaṃ pári  
dade sváhā ||3||

(AVŚ\_19,17.4a) váruṇo mādityáir etáśyā diśáḥ pātu tásmin krame  
tásmiṃ chraye tám púraṃ práimi |  
(AVŚ\_19,17.4c) sá mā rakṣatu sá mā gopāyatu tásmā ātmānaṃ pári  
dade sváhā ||4||

(AVŚ\_19,17.5a) súryo mā dyāvāpṛthivíbhyām pratícyā diśáḥ pātu  
tásmiṃ krame tásmiṃ chraye tám púraṃ práimi |  
(AVŚ\_19,17.5c) sá mā rakṣatu sá mā gopāyatu tásmā ātmānaṃ pári  
dade sváhā ||5||

(AVŚ\_19,17.6a) ápo máuṣadhīmatīr etáśyā diśáḥ pāntu tásu krame  
tásu śraye tám púraṃ práimi |  
(AVŚ\_19,17.6c) tá mā rakṣantu tá mā gopāyantu tábhya ātmānaṃ  
pári dade sváhā ||6||

(AVŚ\_19,17.7a) viśvákarmā mā saptaṛṣíbhir údīcyā diśáḥ pātu  
tásmiṃ krame tásmiṃ chraye tám púraṃ práimi |  
(AVŚ\_19,17.7c) sá mā rakṣatu sá mā gopāyatu tásmā ātmānaṃ pári  
dade sváhā ||7||

(AVŚ\_19,17.8a) índro mā marútvān etáśyā diśáḥ pātu tásmin krame  
tásmiṃ chraye tám púraṃ práimi |  
(AVŚ\_19,17.8c) sá mā rakṣatu sá mā gopāyatu tásmā ātmānaṃ pári

dade sváhā ||8||

(AVŚ\_19,17.9a) prajāpatir mā prajānanavānt sahā pratiṣṭhāyā  
dhruvāyā diśāḥ pātu tāsmin krame tāsmin chraye tām púram  
prāimi |

(AVŚ\_19,17.9c) sá mā rakṣatu sá mā gopāyatu tasmā ātmānaṃ pári  
dade sváhā ||9||

(AVŚ\_19,17.10a) bṛhaspátir mā vísvair deváir ūrdhvāyā diśāḥ pātu  
tāsmīn krame tāsmin chraye tām púram prāimi |

(AVŚ\_19,17.10c) sá mā rakṣatu sá mā gopāyatu tasmā ātmānaṃ  
pári dade sváhā ||10||

(AVŚ\_19,18.1a) agnīm té vásuvantam ṛchantu |

(AVŚ\_19,18.1c) yé māghāyávaḥ prácyā diśó 'bhidāsān ||1||

(AVŚ\_19,18.2a) vāyúm tè 'ntárikṣavantam ṛchantu |

(AVŚ\_19,18.2c) yé māghāyáva etásyā diśó 'bhidāsān ||2||

(AVŚ\_19,18.3a) sómaṃ té rudrávantam ṛchantu |

(AVŚ\_19,18.3c) yé māghāyávo dáksīṇāyā diśó 'bhidāsān ||3||

(AVŚ\_19,18.4a) váruṇaṃ tá ādityávantam ṛchantu |

(AVŚ\_19,18.4c) yé māghāyáva etásyā diśó 'bhidāsān ||4||

(AVŚ\_19,18.5a) sūryaṃ té dyāvāpṛthivívantam ṛchantu |

(AVŚ\_19,18.5c) yé māghāyáva pratícyā diśó 'bhidāsān ||5||

(AVŚ\_19,18.6a) apás tá óṣadhīmatīr ṛchantu |

(AVŚ\_19,18.6c) yé māghāyáva etásyā diśó 'bhidāsān ||6||

(AVŚ\_19,18.7a) víśvá-karmānaṃ té saptaṛṣívantam ṛchantu |

(AVŚ\_19,18.7c) yé māghāyáva údīcyā diśó 'bhidāsān ||7||

(AVŚ\_19,18.8a) índraṃ té marútvantam ṛchantu |

(AVŚ\_19,18.8c) yé māghāyáva etásyā diśó 'bhidāsān ||8||

(AVŚ\_19,18.9a) prajāpatiṃ té prajānanavantam ṛchantu |

(AVŚ\_19,18.9c) yé māghāyávo dhruvāyā diśó 'bhidāsān ||9||

(AVŚ\_19,18.10a) bṛhaspátim té víśvádevavantam ṛchantu |

(AVŚ\_19,18.10c) yé māghāyáva ūrdhvāyā diśó 'bhidāsān ||10||

(AVŚ\_19,19.1a) mitráḥ pṛthivyód akrāmat tām púram prá ṇayāmi  
vaḥ |

(AVŚ\_19,19.1c) tám á vísata tām prá vísata sá vaḥ sárma ca várma

ca yachatu ||1||

(AVŚ\_19,19.2a) vāyúr antárikṣeṇód akrāmat tám púraṃ prá ṇayāmi vaḥ |

(AVŚ\_19,19.2c) tám á viśata tám prá viśata śá vaḥ śárma ca várma  
ca yachatu ||2||

(AVŚ\_19,19.3a) súryo divód akrāmat tám púraṃ prá ṇayāmi vaḥ |

(AVŚ\_19,19.3c) tám á viśata tám prá viśata śá vaḥ śárma ca várma  
ca yachatu ||3||

(AVŚ\_19,19.4a) candráma náḁṣatrair úd akrāmat tám púraṃ prá  
ṇayāmi vaḥ |

(AVŚ\_19,19.4c) tám á viśata tám prá viśata śá vaḥ śárma ca várma  
ca yachatu ||4||

(AVŚ\_19,19.5a) sóma óṣadhībhir úd akrāmat tám púraṃ prá ṇayāmi  
vaḥ |

(AVŚ\_19,19.5c) tám á viśata tám prá viśata śá vaḥ śárma ca várma  
ca yachatu ||5||

(AVŚ\_19,19.6a) yajñó dáḁṣiṇābhir úd akrāmat tám púraṃ prá  
ṇayāmi vaḥ |

(AVŚ\_19,19.6c) tám á viśata tám prá viśata śá vaḥ śárma ca várma  
ca yachatu ||6||

(AVŚ\_19,19.7a) samudró nadībhir úd akrāmat tám púraṃ prá  
ṇayāmi vaḥ |

(AVŚ\_19,19.7c) tám á viśata tám prá viśata śá vaḥ śárma ca várma  
ca yachatu ||7||

(AVŚ\_19,19.8a) bráhma brahmacāribhir úd akrāmat tám púraṃ prá  
ṇayāmi vaḥ |

(AVŚ\_19,19.8c) tám á viśata tám prá viśata śá vaḥ śárma ca várma  
ca yachatu ||8||

(AVŚ\_19,19.9a) índro vīryeṇód akrāmat tám púraṃ prá ṇayāmi vaḥ |

(AVŚ\_19,19.9c) tám á viśata tám prá viśata śá vaḥ śárma ca várma  
ca yachatu ||9||

(AVŚ\_19,19.10a) devá amṛtenód akrāmaṃs tám púraṃ prá ṇayāmi  
vaḥ |

(AVŚ\_19,19.10c) tám á viśata tám prá viśata śá vaḥ śárma ca várma  
ca yachatu ||10||

(AVŚ\_19,19.11a) prajāpatiḥ prajābhir úd akrāmat tám púraṃ prá  
ṇayāmi vaḥ |

(AVŚ\_19,19.11c) tám á viśata tám prá viśata śá vaḥ śárma ca várma  
ca yachatu ||11||

(AVŚ\_19,20.1a) ápa nyádhuḥ páuruṣeyaṃ vadhám yám indrágnī  
dhātā savitā bṛhaspātīḥ |  
(AVŚ\_19,20.1c) sómo rājā váruṇo aśvínā yamáḥ pūṣāsmān pári pātu  
mr̥tyóḥ ||1||

(AVŚ\_19,20.2a) yāni cakāra bhúvanasya yás pātīḥ prajāpatir  
mātariśvā prajābhyaḥ |  
(AVŚ\_19,20.2c) pradísó yāni vasaté díśaś ca táni me vármāṇi  
bahulāni santu ||2||

(AVŚ\_19,20.3a) yát té tanúṣv ánahyanta devā dyúrājayo dehínah |  
(AVŚ\_19,20.3c) índro yác cakré várma tát asmān pātu viśvátaḥ ||3||

(AVŚ\_19,20.4a) várma me dyāvāpṛthiví vármāhar várma sūryaḥ |  
(AVŚ\_19,20.4c) várma me víśve devāḥ kran má mā prāpat pratīkā  
||4||

(AVŚ\_19,21.1a) gāyatrī ūṣṇīg anuṣṭúb bṛhatī pañktís triṣṭúb jāgatyai  
||1||

(AVŚ\_19,22.1a) āṅgirasānām ādyáiḥ páñcānuvākáiḥ svāhā ||1||

(AVŚ\_19,22.2a) ṣaṣṭháya svāhā ||2||

(AVŚ\_19,22.3a) saptaṁṣṭamābhyaṃ svāhā ||3||

(AVŚ\_19,22.4a) nīlanakhébhyaḥ svāhā ||4||

(AVŚ\_19,22.5a) haritébhyaḥ svāhā ||5||

(AVŚ\_19,22.6a) kṣudrébhyaḥ svāhā ||6||

(AVŚ\_19,22.7a) paryāyikébhyaḥ svāhā ||7||

(AVŚ\_19,22.8a) prathamébhyaḥ śaṅkhébhyaḥ svāhā ||8||

(AVŚ\_19,22.9a) dvitīyebhyaḥ śaṅkhébhyaḥ svāhā ||9||

(AVŚ\_19,22.10a) tṛtīyebhyaḥ śaṅkhébhyaḥ svāhā ||10||

(AVŚ\_19,22.11a) upottamébhyaḥ svāhā ||11||

(AVŚ\_19,22.12a) uttamébhyaḥ sváhā ||12||  
(AVŚ\_19,22.13a) uttarébhyaḥ sváhā ||13||  
(AVŚ\_19,22.14a) ṛṣíbhyaḥ sváhā ||14||  
(AVŚ\_19,22.15a) śikhíbhyaḥ sváhā ||15||  
(AVŚ\_19,22.16a) gaṇébhyaḥ sváhā ||16||  
(AVŚ\_19,22.17a) mahāgaṇébhyaḥ sváhā ||17||  
(AVŚ\_19,22.18a) sárvebhyó 'ṅgirobhyo vidagaṇébhyaḥ sváhā ||18||  
(AVŚ\_19,22.19a) pṛthaksahasrábhyāṃ sváhā ||19||  
(AVŚ\_19,22.20a) brahmáṇe sváhā ||20||  
(AVŚ\_19,22.21a) bráhmajyeṣṭhā sámbhṛtā viryāṇi bráhmágre  
jyēṣṭhaṃ dívam á tatāna |  
(AVŚ\_19,22.21c) bhūtānāṃ brahmá prathamótá jajñe ténārhati  
bráhmaṇā spárdhituṃ káḥ ||21||

(AVŚ\_19,23.1a) ātharvaṇānāṃ caturṛcébhyaḥ sváhā ||1||  
(AVŚ\_19,23.2a) pañcarcébhyaḥ sváhā ||2||  
(AVŚ\_19,23.3a) ṣaṛcébhyaḥ sváhā ||3||  
(AVŚ\_19,23.4a) saptarcébhyaḥ sváhā ||4||  
(AVŚ\_19,23.5a) aṣṭarcébhyaḥ sváhā ||5||  
(AVŚ\_19,23.6a) navarcébhyaḥ sváhā ||6||  
(AVŚ\_19,23.7a) daśarcébhyaḥ sváhā ||7||  
(AVŚ\_19,23.8a) ekādaśarcébhyaḥ sváhā ||8||  
(AVŚ\_19,23.9a) dvādaśarcébhyaḥ sváhā ||9||  
(AVŚ\_19,23.10a) trayodaśarcébhyaḥ sváhā ||10||  
(AVŚ\_19,23.11a) caturdaśarcébhyaḥ sváhā ||11||  
(AVŚ\_19,23.12a) pañcadaśarcébhyaḥ sváhā ||12||



(AVŚ\_19,23.13a) ṣoḍaśarcébhyaḥ svāhā ||13||

(AVŚ\_19,23.14a) saptadaśarcébhyaḥ svāhā ||14||

(AVŚ\_19,23.15a) aṣṭādaśarcébhyaḥ svāhā ||15||

(AVŚ\_19,23.16a) ekonaviṃśatīḥ svāhā ||16||

(AVŚ\_19,23.17a) viṃśatīḥ svāhā ||17||

(AVŚ\_19,23.18a) mahatkāṇḍāya svāhā ||18||

(AVŚ\_19,23.19a) tṛcībhyaḥ svāhā ||19||

(AVŚ\_19,23.20a) ekarcībhyaḥ svāhā ||20||

(AVŚ\_19,23.21a) kṣudrībhyaḥ svāhā ||21||

(AVŚ\_19,23.22a) ekāṇrcībhyaḥ svāhā ||22||

(AVŚ\_19,23.23a) rohitībhyaḥ svāhā ||23||

(AVŚ\_19,23.24a) sūryābhyāṃ svāhā ||24||

(AVŚ\_19,23.25a) vrātyābhyāṃ svāhā ||25||

(AVŚ\_19,23.26a) prājāpatyābhyāṃ svāhā ||26||

(AVŚ\_19,23.27a) viśāsahyāi svāhā ||27||

(AVŚ\_19,23.28a) maṅgalikībhyaḥ svāhā ||28||

(AVŚ\_19,23.29a) brahmāṇe svāhā ||29||

(AVŚ\_19,23.30a) bráhmajyeṣṭhā sám̐bhṛtā vīryāṇi bráhmāgre  
jyēṣṭhaṃ dívam á tatāna |

(AVŚ\_19,23.30c) bhūtānāṃ brahmā prathamótá jajñe ténārhati  
bráhmanā spárdhituṃ káḥ ||30||

(AVŚ\_19,24.1a) yéna devāṃ savitāraṃ pári devā ádhārayan |

(AVŚ\_19,24.1c) ténemāṃ brahmaṇas pate pári rāṣṭráya dhattana ||  
1||

(AVŚ\_19,24.2a) párīmám índram áyuṣe mahé kṣatrāya dhattana |

(AVŚ\_19,24.2c) yáthainaṃ jaráse náyāj jyók kṣatré 'dhi jāgarat ||2||

(AVŚ\_19,24.3a) párīmám índram áyuṣe mahé śrótrāya dhattana |

(AVŚ\_19,24.3c) yáthainaṃ jaráse náyāj jyók śrótré 'dhi jāgarat ||3||

(AVŚ\_19,24.4a) pári dhatta dhattá no várcasemāṃ jarāmṛtyuṃ

kṛṇuta dīrghám áyuh |  
(AVŚ\_19,24.4c) bṛhaspátih práyachad vása etát sómāya rájñe  
páridhātavá u ||4||  
(AVŚ\_19,24.5a) jarām sú gacha pári dhatsva vása bhávā gr̥ṣṭīnām  
abhiśastipá u |  
(AVŚ\_19,24.5c) śatām ca jīva śarādaḥ purūcí rāyás ca póṣam  
upasāmvyayasva ||5||

(AVŚ\_19,24.6a) páridám vása adhithāḥ svastáyé 'bhūr vāpīnām  
abhiśastipá u |  
(AVŚ\_19,24.6c) śatām ca jīva śarādaḥ purūcír vásūni cārur ví bhajāsi  
jīvan ||6||

(AVŚ\_19,24.7a) yógeyoge tavástaram vājevāje havāmahe |  
(AVŚ\_19,24.7c) sákhāya índram ūtáye ||7||

(AVŚ\_19,24.8a) híraṇyavarṇo ajáraḥ suvíro jarāmṛtyuh prajáyā sám  
viśasva |  
(AVŚ\_19,24.8c) tát agnír āha tát u sóma āha bṛhaspátih savitá tát  
índraḥ ||8||

(AVŚ\_19,25.1a) áśrāntasya tvā mánasā yunájmi prathamásya ca |  
(AVŚ\_19,25.1c) útkūlam udvahó bhavodúhya práti dhāvatāt ||1||

(AVŚ\_19,26.1a) agnéḥ prájātaṁ pári yád dhíraṇyam amṛtaṁ dadhré  
ádhi mártyeṣu |  
(AVŚ\_19,26.1c) yá enad véda sá íd enam arhati jarāmṛtyur bhavati  
yó bibhárti ||1||

(AVŚ\_19,26.2a) yád dhíraṇyam sūryeṇa suvárṇam prajāvanto  
mánavaḥ púrva īṣiré |  
(AVŚ\_19,26.2c) tát tvā candráṁ várcasā sám sṛjaty áyusmān  
bhavati yó bibhárti ||2||

(AVŚ\_19,26.3a) áyuṣe tvā várcase tváujase ca bálāya ca |  
(AVŚ\_19,26.3c) yáthā hiraṇyatéjasā vibhāsāsi jánāṁ ánu ||3||

(AVŚ\_19,26.4a) yád véda rájā váruṇo véda devó bṛhaspátih |  
(AVŚ\_19,26.4c) índro yád vṛtrahá véda tát ta āyusyām bhuvat tát te  
varcasyām bhuvat ||4||

(AVŚ\_19,27.1a) góbhiṣ ṭvā pātv ṛṣabhó vṛṣā tvā pātu vājíbhiḥ |  
(AVŚ\_19,27.1c) vāyúṣ ṭvā bráhmanā pātv índras tvā pātv indriyáih ||

1||

(AVŚ\_19,27.2a) sómas tvā pātv óṣadhībhir náḁṣatraiḥ pātu sūryaḥ |  
(AVŚ\_19,27.2c) mādbhyás tvā candró vṛtrahá vātaḥ prāṇéna rakṣatu  
||2||

(AVŚ\_19,27.3a) tistró dívas tistráḥ pṛthivís trīṇy antárikṣāṇi catúraḥ  
samudrán |  
(AVŚ\_19,27.3c) trivṛtaṃ stómaṃ trivṛta ápa āhus tás tvā rakṣantu  
trivṛtā trivṛdbhiḥ ||3||

(AVŚ\_19,27.4a) trín náḁāṃs trín samudráṃs trín bradhnāṃs trín  
vaiṣṭapān |  
(AVŚ\_19,27.4c) trín mātariśvanas trínt sūryān goptṛṇ kalpayāmi te ||  
4||

(AVŚ\_19,27.5a) ghṛténa tvā sám ukṣāmy ágne ájyena vardháyan |  
(AVŚ\_19,27.5c) agnés candrásya sūryasya má prāṇāṃ māyíno  
dabhan ||5||

(AVŚ\_19,27.6a) má vaḥ prāṇāṃ má vo 'pānāṃ má háro māyíno  
dabhan |  
(AVŚ\_19,27.6c) bhrájanto viśvāvedaso devā dáivyena dhāvata ||6||

(AVŚ\_19,27.7a) prāṇénāgnīm sám srjati vātaḥ prāṇéna sámhitāḥ |  
(AVŚ\_19,27.7c) prāṇéna viśvátomukhaṃ sūryaṃ devā ajanayan ||7||

(AVŚ\_19,27.8a) áyuṣāyuhkṛtāṃ jīvāyuṣmān jīva má mṛthāḥ |  
(AVŚ\_19,27.8c) prāṇénātmanvátām jīva mā mṛtyór úd agā vāsam ||  
8||

(AVŚ\_19,27.9a) devánāṃ níhitaṃ nidhīm yám índro 'nvávindat  
pathībhir devayāṇaiḥ |  
(AVŚ\_19,27.9c) ápo híraṇyaṃ jugupus trivṛdbhis tás tvā rakṣantu  
trivṛtā trivṛdbhiḥ ||9||

(AVŚ\_19,27.10a) tráyastrimśad devátās trīṇi ca vīryāṇi priyāyāmāṇā  
jugupur apsv àntāḥ |  
(AVŚ\_19,27.10c) asmíṃś candré ádhi yád dhíraṇyaṃ ténāyāṃ  
kṛṇavad vīryāṇi ||10||

(AVŚ\_19,27.11a) yé devā divy ékādaśa sthá te devāso havír idám  
juṣadhvam ||11||

(AVŚ\_19,27.12a) yé devā antárikṣa ékādaśa sthá te devāso havír  
idám juṣadhvam ||12||

(AVŚ\_19,27.13a) yé devā pṛthivyām ékādaśa sthá te devāso havír  
idám juṣadhvam ||13||

(AVŚ\_19,27.14a) asapatnām purástāt paścān no ábhayaṃ kṛtam |  
(AVŚ\_19,27.14c) savitā mā dakṣiṇatā uttarān mā śacīpātiḥ ||14||

(AVŚ\_19,27.15a) divó mādityā rakṣantu bhūmyā rakṣantv agnāyaḥ |  
(AVŚ\_19,27.15c) indrāgnī rakṣatām mā purástād aśvínāv abhítaḥ  
śárma yachatām |  
(AVŚ\_19,27.15e) tiraścín aghnyā rakṣatu jātāvedā bhūtakṛto me  
sarvātaḥ santu várma ||15||

(AVŚ\_19,28.1a) imám badhnāmi te mañim dīrghāyutvāya téjase |  
(AVŚ\_19,28.1c) darbham sapatnadāmbhanam dviṣatás tāpanam  
hṛdāḥ ||1||

(AVŚ\_19,28.2a) dviṣatás tāpāyan hṛdāḥ śātrūṇām tāpāyan mánah |  
(AVŚ\_19,28.2c) durhārdaḥ sárvaṃs tvám darbha gharmā ivābhínt  
saṃtāpāyan ||2||

(AVŚ\_19,28.3a) gharmā ivābhitāpan darbha dviṣató nitāpan maṇe |  
(AVŚ\_19,28.3c) hṛdāḥ sapátnānām bhinddhíndra iva virujám balám  
||3||

(AVŚ\_19,28.4a) bhinddhí darbha sapátnānām hṛdayam dviṣatām  
maṇe |  
(AVŚ\_19,28.4c) udyán tvācam iva bhūmyāḥ síra eṣám ví pātaya ||4||

(AVŚ\_19,28.5a) bhinddhí darbha sapátnān me bhinddhí me  
pṛtanāyatāḥ |  
(AVŚ\_19,28.5c) bhinddhí me sárvaṇ durhārdo bhinddhí me dviṣató  
maṇe ||5||

(AVŚ\_19,28.6a) chinddhí darbha sapátnān me chinddhí me  
pṛtanāyatāḥ |  
(AVŚ\_19,28.6c) chinddhí me sárvaṇ durhārdo chinddhí me dviṣató  
maṇe ||6||

(AVŚ\_19,28.7a) vṛścā darbha sapátnān me vṛścā me pṛtanāyatāḥ |  
(AVŚ\_19,28.7c) vṛścā me sárvaṇ durhārdo vṛścā me dviṣató maṇe ||  
7||

(AVŚ\_19,28.8a) kṛntā darbha sapátnān me kṛntā me pṛtanāyatāḥ |  
(AVŚ\_19,28.8c) kṛntā me sárvaṇ durhārdo kṛntā me dviṣató maṇe ||  
8||

(AVŚ\_19,28.9a) piṃśā darbha sapátnān me piṃśā me pṛtanāyatāḥ |  
(AVŚ\_19,28.9c) piṃśā me sárvaṇ durhārdo piṃśā me dviṣató maṇe  
||9||

(AVŚ\_19,28.10a) vídhya darbha sapátnān me vídhya me  
pṛtanāyatáh |  
(AVŚ\_19,28.10c) vídhya me sárvān durhárdo vídhya me dviṣató  
maṇe ||10||

(AVŚ\_19,29.1a) níkṣa darbha sapátnān me níkṣa me pṛtanāyatáh |  
(AVŚ\_19,29.1c) níkṣa me sárvān durhárdo níkṣa me dviṣató maṇe ||  
1||

(AVŚ\_19,29.2a) tṛṇddhí darbha sapátnān me tṛṇddhí me  
pṛtanāyatáh |  
(AVŚ\_19,29.2c) tṛṇddhí me sárvān durhárdo tṛṇddhí me dviṣató  
maṇe ||2||

(AVŚ\_19,29.3a) runddhí darbha sapátnān me runddhí me  
pṛtanāyatáh |  
(AVŚ\_19,29.3c) runddhí me sárvān durhárdo runddhí me dviṣató  
maṇe ||3||

(AVŚ\_19,29.4a) mṛṇá darbha sapátnān me mṛṇá me pṛtanāyatáh |  
(AVŚ\_19,29.4c) mṛṇá me sárvān durhárdo mṛṇá me dviṣató maṇe ||  
4||

(AVŚ\_19,29.5a) mántha darbha sapátnān me mántha me  
pṛtanāyatáh |  
(AVŚ\_19,29.5c) mántha me sárvān durhárdo mántha me dviṣató  
maṇe ||5||

(AVŚ\_19,29.6a) piṇḍdhí darbha sapátnān me piṇḍdhí me  
pṛtanāyatáh |  
(AVŚ\_19,29.6c) piṇḍdhí me sárvān durhárdo piṇḍdhí me dviṣató  
maṇe ||6||

(AVŚ\_19,29.7a) óṣa darbha sapátnān me óṣa me pṛtanāyatáh |  
(AVŚ\_19,29.7c) óṣa me sárvān durhárdo óṣa me dviṣató maṇe ||7||

(AVŚ\_19,29.8a) dáha darbha sapátnān me dáha me pṛtanāyatáh |  
(AVŚ\_19,29.8c) dáha me sárvān durhárdo dáha me dviṣató maṇe ||  
8||

(AVŚ\_19,29.9a) jahí darbha sapátnān me jahí me pṛtanāyatáh |  
(AVŚ\_19,29.9c) jahí me sárvān durhárdo jahí me dviṣató maṇe ||9||

(AVŚ\_19,30.1a) yát te darbha jarāmṛtyu śatām vármasu várma te |

(AVŚ\_19,30.1c) ténemám varmíṇam kṛtvá sapátnām jahí vīryàḥ ||1||

(AVŚ\_19,30.2a) śatám te darbha vármāṇi sahásraṃ vīryāṇi te |  
(AVŚ\_19,30.2c) tám asmái víśve tvám devā jaráse bhártavā aduḥ ||2||

(AVŚ\_19,30.3a) tvám āhur devavárma tvám darbha bráhmaṇas  
pátim |  
(AVŚ\_19,30.3c) tvám índrasyāhur várma tvám rāṣṭráṇi rakṣasi ||3||

(AVŚ\_19,30.4a) sapatnakṣáyanaṃ darbha dviṣatás tápanaṃ hṛdāḥ |  
(AVŚ\_19,30.4c) maṇím kṣatrásya várdhanaṃ tanūpānaṃ kṛṇomi te  
||4||

(AVŚ\_19,30.5a) yát samudró abhyákrandat parjáno vidyútā sahá |  
(AVŚ\_19,30.5c) táto hiranyáyo bindús táto darbhó ajāyata ||5||

(AVŚ\_19,31.1a) áudumbareṇa maṇínā púṣṭikāmāya vedhásā |  
(AVŚ\_19,31.1c) paśūṇám sárveṣāṃ sphātím goṣṭhé me savitā karat  
||1||

(AVŚ\_19,31.2a) yó no agnír gārhapatyah paśūṇám adhipá ásat |  
(AVŚ\_19,31.2c) áudumbaro víśā maṇíḥ sám mā sṛjatu puṣṭyá ||2||

(AVŚ\_19,31.3a) karīṣiṇīm phálavatīm svadhām írām ca no gṛhé |  
(AVŚ\_19,31.3c) áudumbarasya téjasā dhātā puṣṭím dadhātu me ||3||

(AVŚ\_19,31.4a) yád dvipác ca cátuṣpác ca yāny ánnāni yé rásāḥ |  
(AVŚ\_19,31.4c) gṛhṇè 'hám tv èṣām bhūmānaṃ bíbhrad  
áudumbaraṃ maṇím ||4||  
(AVŚ\_19,31.5a) puṣṭím paśūṇám pári jagrabhāhám cátuṣpadām  
dvipádām yác ca dhānyām |  
(AVŚ\_19,31.5c) páyah paśūṇám rásam óṣadhīnām bṛhaspátīḥ savitā  
me ní yachāt ||5||

(AVŚ\_19,31.6a) ahám paśūṇám adhipá ásāni máyi puṣṭám  
puṣṭapátir dadhātu |  
(AVŚ\_19,31.6c) máhyam áudumbaro maṇír dráviṇāni ní yachatu ||6||

(AVŚ\_19,31.7a) úpa máudumbaro maṇíḥ prajáyā ca dhánena ca |  
(AVŚ\_19,31.7c) índreṇa jinvitó maṇír á māgant sahá várcasā ||7||

(AVŚ\_19,31.8a) devó maṇíḥ sapatnahá dhanasá dhánasātaye |  
(AVŚ\_19,31.8c) paśór ánnasya bhūmānaṃ gávām sphātím ní  
yachatu ||8||

(AVŚ\_19,31.9a) yáthāgre tvám vanaspate puṣṭhyá sahá jajñíṣe |

(AVŚ\_19,31.9c) evá dhánasya me sphātím á dadhātu sárasvatī ||9||

(AVŚ\_19,31.10a) á me dhánaṃ sárasvatī páyasphātīm ca dhānyām |  
(AVŚ\_19,31.10c) sinīvāly úpá vahād ayám cáudumbaro mañih̥ ||10||

(AVŚ\_19,31.11a) tvám mañīṇām adhipá vṛṣāsi tváyi puṣṭám  
puṣṭápátir jajāna |  
(AVŚ\_19,31.11c) tváyīmé vājā dráviṇāni sárvádumbarah̥ sá tvám  
asmát sahasvārād ārād árātim ámatīm kṣúdham ca ||11||

(AVŚ\_19,31.12a) grāmañír asi grāmañír uttháya abhíṣikto 'bhí mā  
siñca várcasā |  
(AVŚ\_19,31.12c) téjo 'si téjo máyi dhārayādhi rayír asi rayím me  
dhehī ||12||

(AVŚ\_19,31.13a) puṣṭír asi puṣṭyá mā sám aṅgdhi gṛhamedhí  
gṛhápátim mā kṛṇu |  
(AVŚ\_19,31.13c) áudumbarah̥ sá tvám asmāsu dhehi rayím ca nah̥  
sárvavīraṃ ní yacha rāyás póṣāya prāti muñce ahám tvám ||13||

(AVŚ\_19,31.14a) ayám áudumbaro mañír vīró vīráya badhyate |  
(AVŚ\_19,31.14c) sá nah̥ saním mádhumatīm kṛṇotu rayím ca nah̥  
sárvavīraṃ ní yachāt ||14||

(AVŚ\_19,32.1a) śatákāṇḍo duścyavanáh̥ sahásraparṇa uttiráh̥ |  
(AVŚ\_19,32.1c) darbhó yá ugrá óṣadhis tám te badhnāmy áyuṣe ||  
1||

(AVŚ\_19,32.2a) nāsya kēsān prá vapanti nórasi tāḍam á ghnate |  
(AVŚ\_19,32.2c) yásmā achinnaparṇéna darbhéna śárma yáchatī ||2||

(AVŚ\_19,32.3a) diví te túlam oṣadhe pṛthivyām asi níṣṭhitaḥ |  
(AVŚ\_19,32.3c) tváyā sahásrakāṇḍenāyuh̥ prá vardhayāmahe ||3||

(AVŚ\_19,32.4a) tísro divó áty atṛṇat tísrá imāḥ pṛthivír utá |  
(AVŚ\_19,32.4c) tváyāhám durhárdo jihvám ní tṛṇadmi vácāṃsi ||4||

(AVŚ\_19,32.5a) tvám asi sáhamāno 'hám aṣmi sáhasvān |  
(AVŚ\_19,32.5c) ubháu sáhasvantau bhūtvā sapátnān sahiṣīvahi ||5||

(AVŚ\_19,32.6a) sáhasva no abhímātim sáhasva pṛtanāyatáh̥ |  
(AVŚ\_19,32.6c) sáhasva sárvān durhárdaḥ suhárdo me bahún kṛdhi  
||6||

(AVŚ\_19,32.7a) darbhéna devájātena diví ṣṭambhéna śásvad ít |  
(AVŚ\_19,32.7c) ténāhám śásvato jánāṃ ásanam sánavāni ca ||7||

(AVŚ\_19,32.8a) priyāṃ mā darbha kṛṇu brahmarājanyābhyām  
śūdrāya cāryāya ca |  
(AVŚ\_19,32.8c) yāsmāi ca kāmāyāmahe sārvasmāi ca vipāśyate ||8||

(AVŚ\_19,32.9a) yó jāyamānaḥ pṛthivīm ādṛmhad yó āstabhnād  
antārikṣaṃ dívaṃ ca |  
(AVŚ\_19,32.9c) yāṃ bibhrataṃ nanú pāpmā viveda sá no 'yāṃ  
darbhó váruṇo divā kaḥ ||9||

(AVŚ\_19,32.10a) sapatnahā śatākāṇḍaḥ sāhasvān óśadhīnām  
prathamāḥ sám babhūva |  
(AVŚ\_19,32.10c) sá no 'yāṃ darbhāḥ pári pātu viśvátas téna sākṣīya  
pṛtanāḥ pṛtanyatāḥ ||10||

(AVŚ\_19,33.1a) sahasrārghāḥ śatākāṇḍaḥ páyasvān apām agnír  
vīrúdhām rājasūyam |  
(AVŚ\_19,33.1c) sá no 'yāṃ darbhāḥ pári pātu viśvátō devó mañír  
āyusā sám sṛjāti naḥ ||1||

(AVŚ\_19,33.2a) ghṛtād úllupto mādhumān páyasvān bhūmidṛmho  
'cyutaś cyāvayiṣṇúḥ |  
(AVŚ\_19,33.2c) nudánt sapátnān ādharāṃś ca kṛṇván dārbhá roha  
mahātām indriyéṇa ||2||

(AVŚ\_19,33.3a) tvām bhūmim áty eṣy ójasā tvām védyām sīdasi  
cārur adhvaré |  
(AVŚ\_19,33.3c) tvām pavítram íṣayo 'bharanta tvām punīhi duritāny  
asmāt ||3||  
(AVŚ\_19,33.4a) tīkṣṇó rájā viśāsahí rakṣohā viśvácarṣaṇiḥ |  
(AVŚ\_19,33.4c) ójo devánām bálam ugrám etát tám te badhnāmi  
jarāse svastáye ||4||

(AVŚ\_19,33.5a) darbhéṇa tvām kṛṇavad vīryāṇi darbhām bíbhrad  
ātmánā má vyathiṣṭhāḥ |  
(AVŚ\_19,33.5c) atiṣṭháya várcasādhānyánt sūrya ivā bhāhi pradíśaś  
cátasraḥ ||5||

(AVŚ\_19,34.1a) jāṅgīdó 'si jaṅgīdó rákṣitāsi jaṅgīdāḥ |  
(AVŚ\_19,34.1c) dvipāc cātuṣpād asmākaṃ sārvaṃ rakṣatu jaṅgīdāḥ  
||1||  
(AVŚ\_19,34.2a) yā gṛtsyas tripañcāśíḥ śatām kṛtyākṛtaś ca yé |  
(AVŚ\_19,34.2c) sārván vinaktu téjaso 'rasām jaṅgīdās karat ||2||

(AVŚ\_19,34.3a) arasām kṛtrímaṃ nādām arasāḥ saptá vísrasaḥ |  
(AVŚ\_19,34.3c) ápetó jaṅgīdāmatim íṣum ásteva śātaya ||3||



(AVŚ\_19,34.4a) kṛtyādúṣaṇa eváyám átho arātidúṣaṇaḥ |  
(AVŚ\_19,34.4c) átho sáhasvāñ jaṅgiḍáh prá na áyumṣi tāriṣat ||4||

(AVŚ\_19,34.5a) sá jaṅgiḍásya mahimā pári ṇaḥ pātu viśvátaḥ |  
(AVŚ\_19,34.5c) viṣkandham yéna sāsáha sámṣkandham ója ójasā ||5||

(AVŚ\_19,34.6a) tríṣ tvā devā ajanayan níṣṭhitam bhúmyām ádhi |  
(AVŚ\_19,34.6c) tám u tvāngirā íti brāhmaṇáh pūrvyā viduḥ ||6||

(AVŚ\_19,34.7a) ná tvā pūrvā óṣadhayo ná tvā taranti yá návāḥ |  
(AVŚ\_19,34.7c) víbādha ugró jaṅgiḍáh paripāṇaḥ sumaṅgálaḥ ||7||

(AVŚ\_19,34.8a) áthopadāna bhagavo jáṅgiḍāmitavīrya |  
(AVŚ\_19,34.8c) purā ta ugrā grasata úpéndro vīryam dadau ||8||

(AVŚ\_19,34.9a) ugrā ít te vanaspata índra ojmānam ā dadhau |  
(AVŚ\_19,34.9c) ámivāḥ sárvās cātáyaḥ jahí rákṣāṃsy oṣadhe ||9||

(AVŚ\_19,34.10a) áśarīkam víśarīkam balásam pṛṣṭyāmayám |  
(AVŚ\_19,34.10c) takmānam viśvāsāradam arasām jaṅgiḍás karat ||10||

(AVŚ\_19,35.1a) índrasya náma gṛhṇánta ṛsayo jaṅgidám daduḥ |  
(AVŚ\_19,35.1c) devā yám cakrúr bheṣajám ágre viṣkandhadúṣaṇam ||1||

(AVŚ\_19,35.2a) sá no rakṣatu jaṅgiḍó dhanapāló dháneva |  
(AVŚ\_19,35.2c) devā yám cakrúr brāhmaṇáh paripāṇam arātihám ||2||

(AVŚ\_19,35.3a) durhárdaḥ sámghoraḥ cákṣuḥ pāpakṛtvānam  
āgamam |  
(AVŚ\_19,35.3c) támṣ tvām sahasracakṣo pratibodhéna nāsaya  
paripāṇo 'si jaṅgiḍáh ||3||

(AVŚ\_19,35.4a) pári mā diváh pári mā pṛthivyáh páry antárikṣāt pári  
mā vīrúdbhyaḥ |  
(AVŚ\_19,35.4c) pári mā bhūtāt pári motá bhávyād diśódiśo jaṅgiḍáh  
pātv āsmān ||4||

(AVŚ\_19,35.5a) yá ṛṣṇávo devákṛtā yá utó vavṛté 'nyáh |  
(AVŚ\_19,35.5c) sárvām stān viśvábheṣajo 'rasām jaṅgiḍás karat ||5||

(AVŚ\_19,36.1a) śatāvāro anīnaśad yákṣmān rákṣāṃsi téjasā |

(AVŚ\_19,36.1c) āróhan vārcasā sahá maṇír durṇāmacātanah ||1||

(AVŚ\_19,36.2a) śṛṅgābhyāṃ rākṣo nudate mūlena yātudhānyāḥ |  
(AVŚ\_19,36.2c) mādhyena yákṣmaṃ bādhate náinaṃ pāpmāti  
tatratī ||2||

(AVŚ\_19,36.3a) yé yákṣmāso arbhakā mahānto yé ca śabdínaḥ |  
(AVŚ\_19,36.3c) sárvāṃ durṇāmahā maṇíḥ śatāvāro anīnaśat ||3||

(AVŚ\_19,36.4a) śatām vīrān ajanayac chatām yákṣmān āpāvapat |  
(AVŚ\_19,36.4c) durṇāmnaḥ sárvān hatváva rākṣāṃsi dhūnute ||4||

(AVŚ\_19,36.5a) hīraṇyaśṛṅga ṛṣabhāḥ śātavāro ayām maṇíḥ |  
(AVŚ\_19,36.5c) durṇāmnaḥ sárvāṃs tṛdhváva rākṣāṃsy akramīt ||  
5||

(AVŚ\_19,36.6a) śatām ahām durṇāmnīnām gandharvāpsarāsām  
śatām |  
(AVŚ\_19,36.6c) śatām śaśvanvātīnām śatāvāreṇa vāraye ||6||

(AVŚ\_19,37.1a) idām vārco agnínā dattām āgan bhārgo yásaḥ sāha  
ójo váyo bálam |  
(AVŚ\_19,37.1c) tráyastrīṃśad yāni ca vīryāṇi tāny agnīḥ prá dadātu  
me ||1||

(AVŚ\_19,37.2a) vārca ā dhehi me tanvām sāha ójo váyo bálam |  
(AVŚ\_19,37.2c) indriyāya tvā kārmaṇe vīryāya práti gṛhṇāmi  
śatáśāradāya ||2||

(AVŚ\_19,37.3a) ūrjé tvā bálāya tváujase sáhase tvā |  
(AVŚ\_19,37.3c) abhibhúyāya tvā rāṣṭrabhṛtyāya páry ūhāmi  
śatáśāradāya ||3||

(AVŚ\_19,37.4a) ṛtúbhyaṣ ṭvārtavébhyo mādbyāḥ saṃvatsarébhyaḥ  
|  
(AVŚ\_19,37.4c) dhātré vidhātré samṛdhe bhūtásya pátaye yaje ||4||

(AVŚ\_19,38.1a) ná tám yákṣmā árundhate náinaṃ śapátho aśnute |  
(AVŚ\_19,38.1c) yām bheṣajásya gulgulóḥ surabhír gandhó aśnuté ||  
1||

(AVŚ\_19,38.2a) víṣvañcas tásmād yákṣmā mṛgā áśvā iverate |  
(AVŚ\_19,38.2c) yád gulgulú saindhavām yád vāpy ási samudríyam ||  
2||

(AVŚ\_19,38.3a) ubháyor agrabhaṃ námāsmā ariṣṭátātaye ||3||

(AVŚ\_19,39.1a) áitu devás trāyamāṇaḥ kúṣṭho himávatas pári |  
(AVŚ\_19,39.1c) takmāṇaṁ sárvaṁ nāśaya sárvaś ca yātudhānyāḥ ||  
1||

(AVŚ\_19,39.2a) trīṇi te kuṣṭha nāmāni nadyamāró nadyāriṣaḥ |  
(AVŚ\_19,39.2c) nádyāyāṁ púruṣo riṣat |  
(AVŚ\_19,39.2e) yásmai paribrāvīmi tvā sâyáṁprātar átho dívā ||2||

(AVŚ\_19,39.3a) jīvalā nāma te mātā jīvantó nāma te pitā |  
(AVŚ\_19,39.3c) nádyāyāṁ púruṣo riṣat |  
(AVŚ\_19,39.3e) yásmai paribrāvīmi tvā sâyáṁprātar átho dívā ||3||

(AVŚ\_19,39.4a) uttamó asy óṣadhīnām anaḍvān jágatām iva  
vyāghráḥ śvápadām iva |  
(AVŚ\_19,39.4c) nádyāyāṁ púruṣo riṣat |  
(AVŚ\_19,39.4e) yásmai paribrāvīmi tvā sâyáṁprātar átho divā ||4||

(AVŚ\_19,39.5a) trīḥ śāmbubhyo áṅgirebhyas trír ādityébhyas pári |  
(AVŚ\_19,39.5c) trír jātó viśvādevebhyaḥ |  
(AVŚ\_19,39.5e) sá kúṣṭho viśvábheṣajaḥ sākāṁ sómena tiṣṭhati |

(AVŚ\_19,39.6a) aśvatthó devasádanas tṛtīyasyām itó diví |  
(AVŚ\_19,39.6c) tátṛāmṛtasya cákṣaṇaṁ tátaḥ kúṣṭho ajāyata |  
(AVŚ\_19,39.6e) sá kúṣṭho viśvábheṣajaḥ sākāṁ sómena tiṣṭhati |

(AVŚ\_19,39.7a) hiraṇyáyī náur acarad dhíraṇyabandhanā diví |  
(AVŚ\_19,39.7c) tátṛāmṛtasya cákṣaṇaṁ tátaḥ kúṣṭho ajāyata |  
(AVŚ\_19,39.7e) sá kúṣṭho viśvábheṣajaḥ sākāṁ sómena tiṣṭhati |

(AVŚ\_19,39.8a) yátra nāvaprabhráṁśanaṁ yátra himávataḥ síraḥ |  
(AVŚ\_19,39.8c) tátṛāmṛtasya cákṣaṇaṁ tátaḥ kúṣṭho ajāyata |  
(AVŚ\_19,39.8e) sá kuṣṭho viśvábheṣajaḥ sākāṁ sómena tiṣṭhati |

(AVŚ\_19,39.9a) yāṁ tvā véda púrva íkṣvāko yāṁ vā tvā kuṣṭha  
kāmyāḥ |  
(AVŚ\_19,39.9c) yāṁ vā váso yāṁ átsyas ténāsi viśvábheṣajaḥ ||9||

(AVŚ\_19,39.10a) śīrṣaśokāṁ tṛtīyakaṁ sadamdir yás ca hāyanāḥ |  
(AVŚ\_19,39.10c) takmāṇaṁ viśvadhāvīryādharāñcam párá suva ||  
10||

(AVŚ\_19,40.1a) yān me chidrāṁ mánaso yác ca vācāḥ sárasvatī  
manyumāntaṁ jagāma |  
(AVŚ\_19,40.1c) vísvais tát deváiḥ sahá saṁvidānáḥ sám dadhātu  
bṛhaspátīḥ ||11||

(AVŚ\_19,40.2a) mǎ na āpo medhām mǎ bráhma prá mathiṣṭana |  
(AVŚ\_19,40.2c) suṣyadā yūyām syandadhvam úpahūto 'hām  
sumédhā varcasví ||2||

(AVŚ\_19,40.3a) mǎ no medhām mǎ no dīkṣām mǎ no hiṃsiṣṭam yát  
tápaḥ |  
(AVŚ\_19,40.3c) śivá naḥ sám santv áyuṣe śivá bhavantu mātáraḥ ||  
3||

(AVŚ\_19,40.4a) yá naḥ píparad aśvínā jyótiṣmatī támas tiráḥ |  
(AVŚ\_19,40.4c) tám asmé rāsatām íṣam ||4||

(AVŚ\_19,41.1a) bhadram ichánta řṣayaḥ svarvídaś tápo dīkṣām  
upanīsedur ágre |  
(AVŚ\_19,41.1c) táto rāṣṭrām bálam ójaś ca jātām tát asmai devá  
upasāṃnamantu ||1||

(AVŚ\_19,42.1a) bráhma hótā bráhma yajñá bráhmaṇā sváravo  
mitāḥ |  
(AVŚ\_19,42.1c) adhvaryúr bráhmaṇo játó bráhmaṇo 'ntárhitaṃ  
haviḥ ||1||

(AVŚ\_19,42.2a) bráhma srúco gṛtávatīr bráhmaṇā védir úddhitā |  
(AVŚ\_19,42.2c) bráhma yajñásya tátvaṃ ca řtvíjo yé haviṣkṛtaḥ |  
(AVŚ\_19,42.2e) sámítāya sváhā ||2||

(AVŚ\_19,42.3a) aṃhomúce prá bhare manīṣām á sutrávṇe sumatím  
āvrṇánāḥ |  
(AVŚ\_19,42.3c) imám indra práti havyām gṛbhāya satyāḥ santu  
yájamānasya kāmāḥ ||3||

(AVŚ\_19,42.4a) aṃhomúcaṃ vrṣabhām yajñíyānām virájantaṃ  
prathamám adhvarāṇam |  
(AVŚ\_19,42.4c) apām nápātam aśvínā huve dhíya indriyéṇa ta  
indriyām dattam ójaḥ ||4||

(AVŚ\_19,43.1a) yátra brahmanávido yánti dīkṣáyā tápasā sahá |  
(AVŚ\_19,43.1c) agnír mā tátra nayatv agnír medhā dadhātu me |  
(AVŚ\_19,43.1e) agnáye sváhā ||1||

(AVŚ\_19,43.2a) yátra brahmanávido yánti dīkṣáyā tápasā sahá |  
(AVŚ\_19,43.2c) vāyúr mā tátra nayatu vāyúḥ praṇān dadhātu me

vāyāve svāhā ||2||

(AVŚ\_19,43.3a) yātra brahmavído yānti dīkṣáyā tápasā sahá |  
(AVŚ\_19,43.3c) sūryo mā táttra nayatu cákṣuḥ sūryo dadhātu me |  
(AVŚ\_19,43.3e) sūryāya svāhā ||3||

(AVŚ\_19,43.4a) yātra brahmavído yānti dīkṣáyā tápasā sahá |  
(AVŚ\_19,43.4c) candró mā táttra nayatu mánaś candró dadhātu me |  
(AVŚ\_19,43.4e) candráya svāhā ||4||

(AVŚ\_19,43.5a) yātra brahmavído yānti dīkṣáyā tápasā sahá |  
(AVŚ\_19,43.5c) sómo mā táttra nayatu páyaḥ sómo dadhātu me |  
(AVŚ\_19,43.5e) sómāya svāhā ||5||

(AVŚ\_19,43.6a) yātra brahmavído yānti dīkṣáyā tápasā sahá |  
(AVŚ\_19,43.6c) índro mā táttra nayatu bálam índro dadhātu me |  
(AVŚ\_19,43.6e) índrāya svāhā ||6||

(AVŚ\_19,43.7a) yātra brahmavído yānti dīkṣáyā tápasā sahá |  
(AVŚ\_19,43.7c) āpo mā táttra nayatv amṛtam mópa tiṣṭhatu |  
(AVŚ\_19,43.7e) adbhyāḥ svāhā ||7||

(AVŚ\_19,43.8a) yātra brahmavído yānti dīkṣáyā tápasā sahá |  
(AVŚ\_19,43.8c) brahmá mā táttra nayatu brahmá bráhma dadhātu me |  
(AVŚ\_19,43.8e) brahmāṇe svāhā ||8||

(AVŚ\_19,44.1a) áyuṣo 'si pratáraṇaṃ vípraṃ bḥeṣajám ucyase |  
(AVŚ\_19,44.1c) tád āñjana tvám śaṃtāte śám āpo ábhayaṃ kṛtam ||1||

(AVŚ\_19,44.2a) yó harimá jāyānyo 'ṅgabhedó viśálpakaḥ |  
(AVŚ\_19,44.2c) sárvaṃ te yákṣmam áṅgebhyo bahír nír hantv  
āñjanam ||2||

(AVŚ\_19,44.3a) āñjanam pṛthivyám jātám bhadráṃ puruṣajívanam |  
(AVŚ\_19,44.3c) kṛṇótv ápramāyukaṃ ráthajūtim ánāgasam ||3||

(AVŚ\_19,44.4a) prāṇa prāṇám trāyasvāso ásave mṛḍa |  
(AVŚ\_19,44.4c) nírṛte nírṛtyā naḥ páśebhyo muñca ||4||

(AVŚ\_19,44.5a) síndhor gárbho 'si vidyútām púṣpam |  
(AVŚ\_19,44.5c) vātaḥ prāṇáḥ sūryaś cákṣur divás páyaḥ ||5||

(AVŚ\_19,44.6a) dévāñjana tráikakuda pári mā pāhi viśvátaḥ |  
(AVŚ\_19,44.6c) ná tvā taranty óśadhayo báhyāḥ parvatíyā utá ||6||

(AVŚ\_19,44.7a) vídām mādhyam āvāsṛpad rakṣohāmīvacātanah |  
(AVŚ\_19,44.7c) āmīvāḥ sārvas cātāyan nāsāyad abhibhā itāḥ ||7||

(AVŚ\_19,44.8a) bahv idām rājan varuṇānṛtam āha pūruṣah |  
(AVŚ\_19,44.8c) tasmāt sahasravīrya muñcā nah pāry āmhasah ||8||

(AVŚ\_19,44.9a) yād āpo aghnyā iti varuṇēti yād ūcimā |  
(AVŚ\_19,44.9c) tasmāt sahasravīrya muñcā nah pāry āmhasah ||9||

(AVŚ\_19,44.10a) mitrás ca tvā varuṇas cānupréyatur āñjana |  
(AVŚ\_19,44.10c) táu tvānugātya dūrām bhogāya púnar óhatuḥ ||10||

(AVŚ\_19,45.1a) ṛṇād ṛṇām iva sám naya kṛtyām kṛtyākṛto gṛhām |  
(AVŚ\_19,45.1c) cākṣurmantrasya durhárdaḥ pṛṣṭír ápi śṛṇāñjana ||1||

(AVŚ\_19,45.2a) yād asmāsu duṣvápnyaṃ yād góṣu yác ca no gṛhé |  
(AVŚ\_19,45.2c) ánāmagas tám ca durhárdaḥ priyāḥ prāti muñcatām ||2||

(AVŚ\_19,45.3a) apām ūrjá ójaso vāvṛdhānám agnér jātám ádhi  
jātávedasah |  
(AVŚ\_19,45.3c) caturvīraṃ parvatíyaṃ yād āñjanaṃ díśah pradiśah  
karaḍ íc chivás te ||3||

(AVŚ\_19,45.4a) caturvīraṃ badhyata āñjanaṃ te sārvas díśo ábhayās  
te bhavantu |  
(AVŚ\_19,45.4c) dhruvās tiṣṭhāsi savitéva cárya imá víśo abhí  
harantu te balím ||4||

(AVŚ\_19,45.5a) ákṣvaíkam maṇím ékam kṛṇuṣva snāhy ékenā  
pibáikam eṣām |  
(AVŚ\_19,45.5c) caturvīraṃ nairṛtébhyaś catúrbhyo gráhyā  
bandhébhyaḥ pári pātv asmān ||5||

(AVŚ\_19,45.6a) agnír māgnínāvatu prāṇáyāpānáyáyuṣe várcasa  
ójase |  
(AVŚ\_19,45.6c) téjase svastáye subhūtáye sváhā ||6||

(AVŚ\_19,45.7a) índro mendriyēnāvatu prāṇáyāpānáyáyuṣe várcasa  
ójase |  
(AVŚ\_19,45.7c) téjase svastáye subhūtáye sváhā ||7||

(AVŚ\_19,45.8a) sómo mā sáumyenāvatu prāṇáyāpānáyáyuṣe  
várcasa ójase |  
(AVŚ\_19,45.8c) téjase svastáye subhūtáye sváhā ||8||

(AVŚ\_19,45.9a) bhágo ma bhágenāvatu prāṇáyāpānáyáyuṣe

vārcasa ójase |  
(AVŚ\_19,45.9c) téjase svastáye subhūtáye svāhā ||9||

(AVŚ\_19,45.10a) marúto mā gaṇáir avantu prāṇāyāpānāyuse  
vārcasa ójase téjase |  
(AVŚ\_19,45.10c) svastáye subhūtáye svāhā ||10||

(AVŚ\_19,46.1a) prajāpatiṣ tvā badhnāt prathamám ástṛtaṃ vīryāya  
kām |  
(AVŚ\_19,46.1c) tát te badhnāmy áyuse vārcasa ójase ca bálāya  
cāstṛtas tvābhí rakṣatu ||1||

(AVŚ\_19,46.2a) ūrdhvás tiṣṭhatu rákṣann ápramādam ástṛtemám  
mā tvā dabhan paṇáyo yātudhānāḥ |  
(AVŚ\_19,46.2c) índra iva dásyūn áva dhūnuṣva pṛtanyatáḥ sárvām  
chátrūn ví śahasvāstṛtas tvābhí rakṣatu ||2||

(AVŚ\_19,46.3a) śatám ca na praháranto nighnānto ná tastiré |  
(AVŚ\_19,46.3c) tásminn índraḥ páry adatta cákṣuḥ prāṇám átho  
bálam ástṛtas tvābhí rakṣatu ||3||

(AVŚ\_19,46.4a) índrasya tvā vármaṇā pári dhāpayāmo yó devānām  
adhirājó babhúva |  
(AVŚ\_19,46.4c) púnas tvā devāḥ prá ṇayantu sárvé 'stṛtas tvābhí  
rakṣatu ||4||

(AVŚ\_19,46.5a) asmín maṇāv ékaśataṃ vīryāṇi sahásraṃ prāṇá  
asminn ástṛte |  
(AVŚ\_19,46.5c) vyāghráḥ śátrūn abhí tiṣṭha sárvān yás tvā pṛtanyād  
ádharāḥ só astv ástṛtas tvābhí rakṣatu ||5||

(AVŚ\_19,46.6a) ghṛtád úllupto mádhumān páyasvānt sahásraprāṇaḥ  
śatáyonir vayodhāḥ |  
(AVŚ\_19,46.6c) śambhús ca mayobhús córjasvāṃś ca páyasvāṃś  
cāstṛtas tvābhí rakṣatu ||6||

(AVŚ\_19,46.7a) yáthā tvám uttaró 'so asapatnáḥ sapatnahá |  
(AVŚ\_19,46.7c) sajātānām asad vaśí táthā tvā savitá karad ástṛtas  
tvābhí rakṣatu ||7||

(AVŚ\_19,47.1a) á rātri pāṛthivaṃ rájaḥ pitúr aprāyi dhāmabhiḥ |  
(AVŚ\_19,47.1c) divāḥ sádāṃsi bṛhatí ví tiṣṭhasa á tveśám vartate  
támaḥ ||1||

(AVŚ\_19,47.2a) ná yásyāḥ pāram dádṛse ná yóyuvad vísvam asyām  
ní víśate yád éjati |

(AVŚ\_19,47.2c) áriṣṭāśas ta urvi tamasvati rātri pārām aśīmahi  
bhādre pārām aśīmahi ||2||

(AVŚ\_19,47.3a) yé te rātri nṛcákṣaso draṣṭāro navatír náva |  
(AVŚ\_19,47.3c) aśītíḥ sánty aṣṭá utó te saptá saptatíḥ ||3||

(AVŚ\_19,47.4a) ṣaṣṭís ca ṣaṭ ca revati pañcāśát páñca sumnaya |  
(AVŚ\_19,47.4c) catváraś catvāriṃśác ca tráyas triṃśác ca vājini ||4||

(AVŚ\_19,47.5a) dváu ca te viṃsatís ca te rātry ékādaśāvamāḥ |  
(AVŚ\_19,47.5c) tébhir no adyá pāyúbhir nú pāhi duhitar divaḥ ||5||

(AVŚ\_19,47.6a) rákṣā mākīr no agháśaṃsa īśata má no duḥśaṃsa  
īśata |  
(AVŚ\_19,47.6c) má no adyá gávāṃ stenó māvīnāṃ vṛka īśata ||6||

(AVŚ\_19,47.7a) māsṽnāṃ bhadre táskaro má nṛṇāṃ yātudhānyāḥ |  
(AVŚ\_19,47.7c) paramébhiḥ pathíbhi stenó dhāvatu táskaraḥ |  
(AVŚ\_19,47.7e) páreṇa datvātī rájjuḥ páreṇāghāyúr arṣatu ||7||

(AVŚ\_19,47.8a) ádha rātri tṛṣṭádhūmam aśīrṣāṇam áhiṃ kṛṇu |  
(AVŚ\_19,47.8c) hánū vṛkasya jambháyā stenám drupadé jahi ||8||

(AVŚ\_19,47.9a) tváyi rātri vasāmasi svapiṣyāmasi jāgrhí |  
(AVŚ\_19,47.9c) góbhyo naḥ sárma yachásvebhyaḥ púruṣebhyaḥ ||  
9||

(AVŚ\_19,48.1a) átho yāni ca yásmā ha yāni cāntāḥ parīṇáhi |  
(AVŚ\_19,48.1c) tāni te pári dadmasi ||1||

(AVŚ\_19,48.2a) rātri mātār uśáse naḥ pári dehi |  
(AVŚ\_19,48.2c) uśá no áhne pári dadātv áhas túbhyaṃ vibhāvari ||  
2||

(AVŚ\_19,48.3a) yát kíṃ cedám patáyati yát kíṃ cedám sarīṣpám |  
(AVŚ\_19,48.3c) yát kíṃ ca párvatāyāsátvaṃ tásmāt tvám rātri pāhi  
naḥ ||3||

(AVŚ\_19,48.4a) sá paścát pāhi sá puráḥ sóttarád adharád utá |  
(AVŚ\_19,48.4c) gopāyá no vibhāvari stotāras ta ihá smasi ||4||

(AVŚ\_19,48.5a) yé rātrim anutíṣṭhanti yé ca bhūtéṣu jāgrati |  
(AVŚ\_19,48.5c) paśún yé sárvān rákṣanti té na ātmāsu jāgrati té naḥ  
paśúṣu jāgrati ||5||

(AVŚ\_19,48.6a) véda vai rātri te náma ghṛtácī náma vā asi |  
(AVŚ\_19,48.6c) tám tvám bharádvājo veda sá no vitté 'dhi jāgrati ||



(AVŚ\_19,49.1a) iṣirā́ yóṣā́ yuvatír dāmūnā́ rātrī devāsya savitúr  
bhágasya |

(AVŚ\_19,49.1c) aśvakṣabhā́ suhávā́ sám̐bhṛtaśrī́r á paprau  
dyāvāpṛthivī́ mahitvá́ ||1||

(AVŚ\_19,49.2a) áti víśvāny aruhad gambhiró vārṣiṣṭham aruhanta  
śráviṣṭhāḥ |

(AVŚ\_19,49.2c) uśatī́ rātry ánu sá bhadrábhī́ tiṣṭhate mitrá iva  
svadhā́bhiḥ ||2||

(AVŚ\_19,49.3a) várye vānde súbhage sújāta ájagan rātri sumánā́ ihá  
syām̐ |

(AVŚ\_19,49.3c) asmā́m̐s trāyasva náryāṇí jātá átho yāni gávyāni  
puṣṭyā́ ||3||

(AVŚ\_19,49.4a) simhāsya rātry uśatī́ pīm̐śāsya vyāghrásya dvīpíno  
várcā́ á dade |

(AVŚ\_19,49.4c) áśvasya bradhnám̐ púruṣasya māyúḥ purú rūpāṇi  
kṛṇuṣe vibhātī́ ||4||

(AVŚ\_19,49.5a) śivám̐ rātrim anusúryam̐ ca himāsya mātá́ suhávā  
no astu |

(AVŚ\_19,49.5c) asyá stómasya subhage ní bodha yéna tvā vānde  
víśvāsu dikṣú́ ||5||

(AVŚ\_19,49.6a) stómasya no vibhāvari rātri rájeva joṣase |

(AVŚ\_19,49.6c) ásāma sáravīrā́ bhávāma sáravedaso vyuchántīr  
ánūṣāsaḥ ||6||

(AVŚ\_19,49.7a) śámyā́ ḥa náma dadhiṣé máma dípsanti yé dhánā́ |

(AVŚ\_19,49.7c) rātrī́hī́ tán asutapá́ yá stenó ná vidyāte yát púnar ná  
vidyāte ||7||

(AVŚ\_19,49.8a) bhadrási rātri camasó ná viṣṭó víṣvaṇ górūpaḥ  
yuvatír bibharṣi |

(AVŚ\_19,49.8c) cākṣuṣmatī́ me uśatī́ vápūm̐ṣi práti tvám̐ divyá́ ná  
kṣām̐ amukthāḥ ||8||

(AVŚ\_19,49.9a) yó adyá stená́ áyaty aghāyúr mártyo ripúḥ |

(AVŚ\_19,49.9c) rātrī́ tásyā́ pratítya prá grīvāḥ prá síro hanat ||9||

(AVŚ\_19,49.10a) prá pā́dau ná yáthāyati prá hástau ná yáthā́śiṣat |

(AVŚ\_19,49.10c) yó malimlúr upāyati sá sám̐piṣṭo ápāyati |

(AVŚ\_19,49.10e) ápāyati svápāyati súṣke sthāṇāv̐ ápāyati ||10||

(AVŚ\_19,50.1a) ádha rātri tṛṣṭádhūmam aśīrṣāṇam áhiṃ kṛṇu |  
(AVŚ\_19,50.1c) akṣáu vṛkasya nír jahyās téna tám drupadé jahi ||1||

(AVŚ\_19,50.2a) yé te rātry anaḍvāhaṣ tīkṣṇáśṛṅgāḥ svāśávaḥ |  
(AVŚ\_19,50.2c) tébhir no adyá pārayāti durgāṇi viśvāhā ||2||

(AVŚ\_19,50.3a) rātriṃrātrim áriṣyantas tárema tanvā vayám |  
(AVŚ\_19,50.3c) gambhīrám áplavā iva ná tareyur árātayaḥ ||3||

(AVŚ\_19,50.4a) yáthā sāmyākaḥ prapátann apavān nānuvidyáte |  
(AVŚ\_19,50.4c) evá rātri prá pātaya yó asmāṃ abhyaghāyāti ||4||

(AVŚ\_19,50.5a) ápa stenám vásayo goajám utá táskaram |  
(AVŚ\_19,50.5c) átho yó árvataḥ síro 'bhidháya nínīṣati ||5||

(AVŚ\_19,50.6a) yád adyá rātri subhage vibhájanty áyo vásu |  
(AVŚ\_19,50.6c) yád etád asmán bhójaya yáthéd anyān upāyasi ||6||

(AVŚ\_19,50.7a) uṣáse naḥ pári dehi sárvān rātry anāgásaḥ |  
(AVŚ\_19,50.7c) uṣá no áhne á bhajād áhas túbhyam vibhāvari ||7||

(AVŚ\_19,51.1a) áyuto 'hám áyuto ma ātmáyutam me cákṣur áyutam  
me śrótram |  
(AVŚ\_19,51.1c) áyuto me prāṇó 'yuto me 'pānó 'yuto me vyānó  
'yuto 'hám sárvaḥ ||1||

(AVŚ\_19,51.2a) devásya tvā savitúḥ prasavé 'śvínor bāhúbhyām  
pūṣṇó hástābhyām prásūta á rabhe ||2||

(AVŚ\_19,52.1a) kāmas tát ágre sám avartata mánaso rétaḥ  
prathamám yád áśīt |  
(AVŚ\_19,52.1c) sá kāma kāmēna bṛhatá sáyonī rāyás póṣam  
yájamānāya dhehi ||1||

(AVŚ\_19,52.2a) tvám kāma sáhasāsi prátiṣṭhito vibhúr vibhāvā  
sakha á sakhīyaté |  
(AVŚ\_19,52.2c) tvám ugráḥ pṛtanāsu sasahíḥ sáha ójo yájamānāya  
dhehi ||2||

(AVŚ\_19,52.3a) dūrác cakamānāya pratipāṇáyākṣaye |  
(AVŚ\_19,52.3c) ásmā aśṛṇvann áśāḥ kámenājanayant svāḥ ||3||

(AVŚ\_19,52.4a) kāmēna mā kāma ágan hṛdayād dhṛdayam pári |

(AVŚ\_19,52.4c) yád amíṣām adó mánas tát áitúpa mām ihá ||4||

(AVŚ\_19,52.5a) yát kāma kāmāyamānā idām kṛṇmási te havíḥ |  
(AVŚ\_19,52.5c) tán naḥ sárvaṃ sám ṛdhyatām áthaitásya havíṣo  
vīhi sváhā ||5||

(AVŚ\_19,53.1a) kāló áśvo vahati saptáraśmiḥ sahasrākṣó ajáro  
bhúriretāḥ |

(AVŚ\_19,53.1c) tám á rohanti kaváyo vipaścítas tása cakrá  
bhúvanāni víśvā ||1||

(AVŚ\_19,53.2a) saptá cakrán vahati kálá eṣá saptásya nábhīr  
amṛtaṃ nv ákṣaḥ |

(AVŚ\_19,53.2c) sá imá víśvā bhúvanāny añjat káláḥ sá īyate  
prathamó nú devāḥ ||2||

(AVŚ\_19,53.3a) pūrṇāḥ kumbhó 'dhi kálá áhitas táṃ vái páśyāmo  
bahudhá nú sántam |

(AVŚ\_19,53.3c) sá imá víśvā bhúvanāni pratyān kálām tám āhúḥ  
paramé vyòman ||3||

(AVŚ\_19,53.4a) sá evá sám bhúvanāny ábharat sá evá sám  
bhúvanāni páry ait |

(AVŚ\_19,53.4c) pitá sann abhavat putrá eṣāṃ tásmād vái nányát  
páram asti téjaḥ ||4||

(AVŚ\_19,53.5a) kāló 'múṃ dívam ajanayat kálá imáḥ pṛthivír utá |

(AVŚ\_19,53.5c) kálé ha bhūtām bhávyam ceṣitām ha ví tiṣṭhate ||5||

(AVŚ\_19,53.6a) kāló bhūtīm asṛjata kálé tápati súryaḥ |

(AVŚ\_19,53.6c) kálé ha víśvā bhūtāni kálé cākṣur ví paśyati ||6||

(AVŚ\_19,53.7a) kálé mánāḥ kálé prāṇāḥ kálé náma samáhitam |

(AVŚ\_19,53.7c) káléna sárva nandanty ágatena prajā imáḥ ||7||

(AVŚ\_19,53.8a) kálé tápaḥ kálé jyéṣṭham kálé bráhma samáhitam |

(AVŚ\_19,53.8c) kāló ha sárvasyeśváró yáḥ pitásīt prajāpateḥ ||8||

(AVŚ\_19,53.9a) téneṣitām téna jātām tát u tásmín pratiṣṭhitam |

(AVŚ\_19,53.9c) kāló ha bráhma bhūtvá bíbharti parameṣṭhínam ||9||

(AVŚ\_19,53.10a) káláḥ prajā asṛjata kāló ágre prajāpatim |

(AVŚ\_19,53.10c) svayaṃbhúḥ kaśyápaḥ kálát tápaḥ kálád ajāyata ||  
10||

(AVŚ\_19,54.1a) kālād āpaḥ sām abhavan kālād bráhma tápo dísaḥ |  
(AVŚ\_19,54.1c) kālénód eti sūryaḥ kālé ní viśate púnāḥ ||1||

(AVŚ\_19,54.2a) káléna vātaḥ pavate káléna pṛthiví mahí |  
(AVŚ\_19,54.2c) dyáur mahí kálá áhitā ||2||

(AVŚ\_19,54.3a) kāló ha bhūtām bhávyam ca putró ajanayat purá |  
(AVŚ\_19,54.3c) kālād ŋcaḥ sām abhavan yájuḥ kālād ajāyata ||3||

(AVŚ\_19,54.4a) kāló yajñām sām airayad devébhyo bhāgām ákṣitam |  
(AVŚ\_19,54.4c) kālé gandharvāpsarásaḥ kālé lokāḥ prātiṣṭhitāḥ ||4||

(AVŚ\_19,54.5a) kālé 'yám ángirā devó 'tharvā cādhi tiṣṭhataḥ |  
(AVŚ\_19,54.5c) imām ca lokām paramām ca lokām púṇyāmś ca lokān vídhṛtīś ca púṇyāḥ |  
(AVŚ\_19,54.5e) sárvāmī lokān abhijítya bráhmanaḥ kálāḥ sá ŋyate paramó nú devāḥ ||5||

(AVŚ\_19,55.1a) rátriṃrātrim áprayātam bhárantó 'śvāyeva tiṣṭhate ghāsām asmái |  
(AVŚ\_19,55.1c) rāyās póṣeṇa sām iṣā mādanto má te agne prátiveśā riṣāma ||1||

(AVŚ\_19,55.2a) yá te vásor vāta iṣuḥ sá ta eṣā táyā no mṛḍa |  
(AVŚ\_19,55.2c) rāyās póṣeṇa sām iṣā mādanto má te agne prátiveśā riṣāma ||2||

(AVŚ\_19,55.3a) sâyáṃsâyam gṛhāpatir no agníḥ prātáḥprātaḥ saumanasasya dātā |  
(AVŚ\_19,55.3c) vásorvasor vasudāna edhi vayām tvéndhānās tanvām puṣema ||3||

(AVŚ\_19,55.4a) prātáḥprātar gṛhāpatir no agníḥ sâyáṃsâyam saumanasasya dātā |  
(AVŚ\_19,55.4c) vásorvasor vasudāna edhíndhānās tvā śatāmhimā ṛdhema ||4||

(AVŚ\_19,55.5a) ápaścā dagdhānnasya bhūyāsam |  
(AVŚ\_19,55.5c) annādāyānnapataye rudráya námo agnáye |  
(AVŚ\_19,55.5e) sabhyāḥ sabhām me pāhi yé ca sabhyāḥ sabhāsádaḥ ||5||

(AVŚ\_19,55.6a) tvām indrā puruhūta víśvam áyur vy àśnavan |  
(AVŚ\_19,55.6c) áharahar balím ít te hárantó 'śvāyeva tiṣṭhate ghāsām agne ||6||

(AVŚ\_19,56.1a) yamásya lokád ádhy á babhūvitha prámadā  
mártyān prá yunakṣi dhírah |  
(AVŚ\_19,56.1c) ekākínā saráthaṃ yāsi vidvānt svápnaṃ mímāno  
ásurasya yónau ||1||

(AVŚ\_19,56.2a) bandhás tvāgre viśvácayā apaśyat purá rátryā  
jánitōr éke áhni |  
(AVŚ\_19,56.2c) tátah svapnedám ádhy á babhūvitha bhiśágbhyo  
rúpám apagúhamānah ||2||

(AVŚ\_19,56.3a) bṛhadgávāsuresbhyó 'dhi devān úpāvartata  
mahimānam ichán |  
(AVŚ\_19,56.3c) tásmāi svápnāya dadhur ádhipatyam  
trayastrimśásah svār ānaśānāḥ ||3||

(AVŚ\_19,56.4a) náitām viduḥ pitáro nótá devá yéśām jálpis cáraty  
antarédám |  
(AVŚ\_19,56.4c) trité svápnam adadhur āptyé nára ādityāso  
váruṇenānuśiṣṭāḥ ||4||

(AVŚ\_19,56.5a) yásya krūrám ábhajanta duṣkṛto 'svápnena sukṛtaḥ  
púnyam áyuh |  
(AVŚ\_19,56.5c) svār madasi paraméṇa bandhúnā tapyámānasya  
mánaso 'dhi jajñiṣe ||5||

(AVŚ\_19,56.6a) vidmá te sárvaḥ parijāḥ purástād vidmá svapna yó  
adhipá ihá te |  
(AVŚ\_19,56.6c) yaśaśvíno no yásasehá pāhy ārád dviṣébhir ápa yāhi  
dūrám ||6||

(AVŚ\_19,57.1a) yáthā kalām yáthā śaphām yáthā ṛnām samnáyanti  
|  
(AVŚ\_19,57.1c) evá duṣvápnyaṃ sárvam ápriye sám nayāmasi ||1||

(AVŚ\_19,57.2a) sám rájāno aguḥ sám ṛnāmy aguḥ sám kuṣṭhá aguḥ  
sám kalá aguḥ |  
(AVŚ\_19,57.2c) sám asmāsu yád duṣvápnyaṃ nír dviṣaté  
duṣvápnyaṃ suvāma ||2||

(AVŚ\_19,57.3a) dévānām patnīnām garbha yámasya kara yó  
bhadráḥ svapna |  
(AVŚ\_19,57.3c) sá māmā yáḥ pāpás tát dviṣaté prá hiṇmah |  
(AVŚ\_19,57.3e) má tṛṣṭānām asi kṛṣṇaśakunér múkham ||3||

(AVŚ\_19,57.4a) tám tvā svapna táthā sám vidma sá tvām  
svapnáśva iva kāyám áśva iva nīnāhám |

(AVŚ\_19,57.4c) anāsmākāṃ devapīyūṃ pīyāruṃ vapa yád asmāsu  
duṣvāpnyam yád góṣu yác ca no gr̥hé ||4||

(AVŚ\_19,57.5a) anāsmākás tād devapīyúḥ pīyārur niṣkām iva prāti  
muñcatām |

(AVŚ\_19,57.5c) návāratnín āpamayā asmākāṃ tátāḥ pári |

(AVŚ\_19,57.5e) duṣvāpnyam sárvaṃ dviṣaté nír dayāmasi ||5||

(AVŚ\_19,58.1a) ghṛtásya jūtíḥ sámanā sádevā saṃvatsaráṃ havíṣā  
vardháyantī |

(AVŚ\_19,58.1c) śrótram cákṣuḥ prāṇó 'chinno no astv áchinṇā  
vayám áyuṣo vārcasaḥ ||1||

(AVŚ\_19,58.2a) úpāsmān prāṇó hvayatām úpa prāṇām havāmahe |

(AVŚ\_19,58.2c) vārco jagrāha pṛthivy àntárikṣam vārcaḥ sómo  
bṛhaspátir vidhattá ||2||

(AVŚ\_19,58.3a) vārcaso dyāvāpṛthiví saṃgrāhaṇī babhūváthur vārco  
gr̥hītvā pṛthivím ánu sám carema |

(AVŚ\_19,58.3c) yaśásam gávō gópatim úpa tiṣṭhanty āyatír yáso  
gr̥hītvā pṛthivím ánu sám carema ||3||

(AVŚ\_19,58.4a) vrajáṃ kṛṇudhvaṃ sá hí vo nṛpāṇo vármā  
sīvyadhvaṃ bahulá pṛthúni |

(AVŚ\_19,58.4c) púrah kṛṇudhvaṃ áyasīr ádhṛṣṭā má vaḥ susroc  
camasó dṛṃhata tám ||4||

(AVŚ\_19,58.5a) yajñásya cákṣuḥ prábhṛtir múkham ca vācā śrótrena  
mánasā juhomi |

(AVŚ\_19,58.5c) imám yajñám vítataṃ viśvákarmaṇā devā yantu  
sumanasyámānāḥ ||5||

(AVŚ\_19,58.6a) yé devānām ṛtvíjo yé ca yajñíyā yébhyo havyám  
kriyáte bhāgadhéyam |

(AVŚ\_19,58.6c) imám yajñám sahá pátnībhir étya yāvanto devás  
taviṣā mādayantām ||6||

(AVŚ\_19,59.1a) tvám agne vratapá asi devá á mártyeṣv á |

(AVŚ\_19,59.1c) tvám yajñéṣv ídyaḥ ||1||

(AVŚ\_19,59.2a) yád vo vayám pramināma vratāni vidúṣām devā  
áviduṣṭarāsaḥ |

(AVŚ\_19,59.2c) agníṣ tād viśvād á pṛṇātu vidvánt sómasya yó  
brāhmaṇám āvivéśa ||2||

(AVŚ\_19,59.3a) á devānām ápi pánthām aganma yác chaknāvāma  
tád anuprávoḍhum |

(AVŚ\_19,59.3c) agnír vidvánt sá yajāt sá íd dhótā só 'dhvaránt sá  
ṛtūn kalpayāti ||3||

(AVŚ\_19,60.1a) vān ma āsān nasóḥ prāṇás cákṣur akṣṇóḥ śrótram  
kārṇayoh |

(AVŚ\_19,60.1c) āpalitāḥ kēsā ásoṇā dāntā bahú bāhvór bālam ||1||

(AVŚ\_19,60.2a) ūrvór ójo jāṅghayor javáh pádayoh |

(AVŚ\_19,60.2c) pratiṣṭhá áriṣṭāni me sárvaśmānibhrṣṭah ||2||

(AVŚ\_19,61.1a) tanús tanvā me sahe datáh sárvaś áyur asīya |

(AVŚ\_19,61.1c) syonám me sīda purúḥ pṛṇasva pávamānaḥ svargé  
||1||

(AVŚ\_19,62.1a) priyám mā kṛṇu devéṣu priyám rájasu mā kṛṇu |

(AVŚ\_19,62.1c) priyám sárvasya páśyata utá súdrá utárye ||1||

(AVŚ\_19,63.1a) út tiṣṭha brahmaṇas pate devān yajñéna bodhaya |

(AVŚ\_19,63.1c) áyuh prāṇám prajám paśún kīrtīm yájamānam ca  
vardhaya ||1||

(AVŚ\_19,64.1a) ágne samídham āhārṣam bṛhaté jātávedase |

(AVŚ\_19,64.1c) sá me śraddhám ca medhám ca jātávedāḥ prá  
yachatu ||1||

(AVŚ\_19,64.2a) idhména tvā jātavedaḥ samídha vardhayāmasi |

(AVŚ\_19,64.2c) táthā tvám asmān vardhaya prajáyā ca dhánena ca  
||2||

(AVŚ\_19,64.3a) yád agne yāni káni cid á te dárūṇi dadhmási |

(AVŚ\_19,64.3c) sárvaṁ tád astu me śívam táj juṣasva yaviṣṭhya ||3||

(AVŚ\_19,64.4a) etás te agne samídhas tvám iddháh samíd bhava |

(AVŚ\_19,64.4c) áyur asmāsu dhehy amṛtatvám ācāryāya ||4||

(AVŚ\_19,65.1a) háriḥ suparṇó dívam āruho 'rcísā yé tvā dípsanti  
dívaṁ utpátantam |

(AVŚ\_19,65.1c) áva tám jahi hárasā jātavedó 'bibhyad ugró 'rcísā  
dívaṁ á roha sūrya ||1||

(AVŚ\_19,66.1a) áyojālā ásurā māyíno 'yasmáyaiḥ páśair aṅkíno yé  
cárantī |  
(AVŚ\_19,66.1c) táṃs te randhayāmi hárasā jātavedaḥ sahásraṣṭīḥ  
sapátnān pramṛṇān pāhi vājraḥ ||1||

(AVŚ\_19,67.1a) páśyema śarádaḥ śatám ||1||

(AVŚ\_19,67.2a) jīvema śarádaḥ śatám ||2||

(AVŚ\_19,67.3a) búdhyema śarádaḥ śatám ||3||

(AVŚ\_19,67.4a) róhema śarádaḥ śatám ||4||

(AVŚ\_19,67.5a) púṣema śarádaḥ śatám ||5||

(AVŚ\_19,67.6a) bhávema śarádaḥ śatám ||6||

(AVŚ\_19,67.7a) bhúṣema śarádaḥ śatám ||7||

(AVŚ\_19,67.8a) bhúyasīḥ śarádaḥ śatám ||8||

(AVŚ\_19,68.1a) ávyasaś ca vyácasaś ca bílaṃ ví śyāmi māyáyā |  
(AVŚ\_19,68.1c) tábhyām uddhṛtya védam átha kármāṇi kṛṇmahe ||  
1||

(AVŚ\_19,69.1a) jīvā stha jīvyāsaṃ sárvaṃ áyur jīvyāsaṃ ||1||

(AVŚ\_19,69.2a) upajīvā sthópa jīvyāsaṃ sárvaṃ áyur jīvyāsaṃ ||2||

(AVŚ\_19,69.3a) saṃjīvā stha sám jīvyāsaṃ sárvaṃ áyur jīvyāsaṃ ||  
3||

(AVŚ\_19,69.4a) jīvalā stha jīvyāsaṃ sárvaṃ áyur jīvyāsaṃ ||4||

(AVŚ\_19,70.1a) índra jīva sūrya jīva dévā jīvā jīvyāsaṃ ahám |  
(AVŚ\_19,70.1c) sárvaṃ áyur jīvyāsaṃ ||1||



(AVŚ\_19,71.1a) stutá máyā varadā vedamātā prā codayantām  
pāvamānī dvijānām |  
(AVŚ\_19,71.1c) āyuh prāṇam prajāṃ paśúm kīrtim draviṇam  
brahmavarcaśam |  
(AVŚ\_19,71.1e) máhyam dattvá vrajata brahmalokām ||1||

(AVŚ\_19,72.1a) yásmāt kósād udábharāma védam tásminn antár  
áva dadhma enam |  
(AVŚ\_19,72.1c) kṛtām iṣṭām bráhmaṇo vīryeṇa téna mā devās  
tāpasāvatehá ||1||

(AVŚ\_20,1.1a) índra tvā vṛṣabhām vayām suté sóme havāmahe |  
(AVŚ\_20,1.1c) sá pāhi mádhvo ándhasaḥ ||1||

(AVŚ\_20,1.2a) máruto yásya hí kṣáye pāthā divó vimahasah |  
(AVŚ\_20,1.2c) sá sugopátamo jánaḥ ||2||

(AVŚ\_20,1.3a) ukṣānnāya vaśānnāya sómapṛṣṭhāya vedháse |  
(AVŚ\_20,1.3c) stómair vidhemāgnāye ||3||

(AVŚ\_20,2.1a) marútaḥ potrát suṣṭúbhaḥ svarkād ṛtúnā sómam  
pibantu ||1||

(AVŚ\_20,2.2a) agnír āgnīdhrāt suṣṭúbhaḥ svarkād ṛtúnā sómam  
pibatu ||2||

(AVŚ\_20,2.3a) índro brahmā bráhmaṇāt suṣṭúbhaḥ svarkād ṛtúnā  
sómam pibatu ||3||

(AVŚ\_20,2.4a) devó draviṇodāḥ potrát suṣṭúbhaḥ svarkād ṛtúnā  
sómam pibatu ||4||

(AVŚ\_20,3.1a) á yāhi suṣumā hí ta índra sómam píbā imám |  
(AVŚ\_20,3.1c) édām barhíḥ sado máma ||1||

(AVŚ\_20,3.2a) á tvā brahmayújā hárī váhatām indra keśínā |  
(AVŚ\_20,3.2c) úpa bráhmāṇi naḥ śṛṇu ||2||

(AVŚ\_20,3.3a) brahmāṇas tvā vayām yujá somapám indra somínaḥ |  
(AVŚ\_20,3.3c) sutávanto havāmahe ||3||

(AVŚ\_20,4.1a) á no yāhi sutāvato 'smākaṃ suṣṭutír úpa |  
(AVŚ\_20,4.1c) píba sú śiprinn ándhasaḥ ||1||

(AVŚ\_20,4.2a) á te siñcāmi kukṣyór ánu gātrā ví dhāvatu |  
(AVŚ\_20,4.2c) gr̥bhāyā jihváyā mādhu ||2||

(AVŚ\_20,4.3a) svādúṣ ṭe astu saṃsúde mādhumān tanvè táva |  
(AVŚ\_20,4.3c) sómaḥ sám astu te hṛdé ||3||

(AVŚ\_20,5.1a) ayám u tvā vicarṣaṇe jánīr ivābhí sám̐vṛtaḥ |  
(AVŚ\_20,5.1c) prá sóma indra sarpatu ||1||

(AVŚ\_20,5.2a) tuvigrívo yapódaraḥ subāhúr ándhaso sáde |  
(AVŚ\_20,5.2c) índro vṛtrāṇi jighnate ||2||

(AVŚ\_20,5.3a) índra préhi purás tvám vísvasyésāna ójasā |  
(AVŚ\_20,5.3c) vṛtrāṇi vṛtrahaṃ jahi ||3||

(AVŚ\_20,5.4a) dīrghás te astv añkuśó yénā vásu prayáchasi |  
(AVŚ\_20,5.4c) yájamānāya sunvaté ||4||

(AVŚ\_20,5.5a) ayám ta indra sómo nípūto ádhi barhíṣi |  
(AVŚ\_20,5.5c) éhīm asyá drāvā píba ||5||

(AVŚ\_20,5.6a) śácigo śácipūjanāyám ráṇāya te sutáḥ |  
(AVŚ\_20,5.6c) ákhaṇḍala prá hūyase ||6||

(AVŚ\_20,5.7a) yás te śṛṅgavṛṣo ṇapāt práṇapāt kuṇḍapāyyaḥ |  
(AVŚ\_20,5.7c) ny àsmin dadhra á mánaḥ ||7||

(AVŚ\_20,6.1a) índra tvā vṛṣabhám vayám suté sóme havāmahe |  
(AVŚ\_20,6.1c) sá pāhi mādho ándhasaḥ ||1||

(AVŚ\_20,6.2a) índra kratuvídaṃ sutám sómaṃ harya puruṣtuta |  
(AVŚ\_20,6.2c) píbā vṛṣasva tátṛpim ||2||

(AVŚ\_20,6.3a) índra prá ṇo dhitāvānaṃ yajñám víśvebhir devébhir |  
(AVŚ\_20,6.3c) tirá stavāna víspate ||3||

(AVŚ\_20,6.4a) índra sómāḥ sutá imé táva prá yanti satpate |  
(AVŚ\_20,6.4c) kṣáyam candrāsa índavaḥ ||4||

(AVŚ\_20,6.5a) dadhiṣvá jaṭhāre sutám sómam indra váreṇyam |  
(AVŚ\_20,6.5c) táva dyukṣāsa índavaḥ ||5||

(AVŚ\_20,6.6a) gírvaṇaḥ pāhí naḥ sutám mádhora dhárābhir aḡyase |  
(AVŚ\_20,6.6c) índra tvādātam íd yáśaḥ ||6||

(AVŚ\_20,6.7a) abhí dyumnāni vanína índraṃ sacante ákṣitā |  
(AVŚ\_20,6.7c) pītṡí sómasya vāvṛdhe ||7||

(AVŚ\_20,6.8a) arvāvāto na á gahi parāvátas ca vṛtrahan |  
(AVŚ\_20,6.8c) imā juṣasva no gíraḥ ||8||

(AVŚ\_20,6.9a) yád antará parāvátam arvāvátam ca hūyāse |  
(AVŚ\_20,6.9c) índrehá táta á gahi ||9||

(AVŚ\_20,7.1a) úd ghéd abhí śrutāmagham vṛṣabhám náryāpasam |  
(AVŚ\_20,7.1c) ástāram eṣi sūrya ||1||

(AVŚ\_20,7.2a) náva yó navatím púro bibhédā bāhvòjasā |  
(AVŚ\_20,7.2c) áhiṃ ca vṛtrahāvadhīt ||2||

(AVŚ\_20,7.3a) sá na índraḥ śiváḥ sákhāśvāvad gómad yávamat |  
(AVŚ\_20,7.3c) urúdhāreva dohate ||3||

(AVŚ\_20,7.4a) índra kratuvídaṃ sutám sómaṃ harya puruṣtuta |  
(AVŚ\_20,7.4c) pibā vṛṣasva tátṛpim ||4||

(AVŚ\_20,8.1a) evá pāhi pratnáthā mándatu tvā śrudhí bráhma  
vāvṛdhásvotá gīrbhíḥ |  
(AVŚ\_20,8.1c) āvíḥ sūryaṃ kṛṇuhí pīpihíṣo jahí śátrūṃr abhí gá indra  
tṛndhí ||1||

(AVŚ\_20,8.2a) arvān éhi sómakāmaṃ tvāhur ayám sutás tāsya pibā  
mádāya |  
(AVŚ\_20,8.2c) uruvyácā jaṭhára á vṛṣasva pitéva naḥ śṛṇuhi  
hūyāmānaḥ ||2||

(AVŚ\_20,8.3a) āpūrṇo asya kalášaḥ svāhā sékteva kósam siṣice  
píbadhyai |  
(AVŚ\_20,8.3c) sám u priyá ávavṛtran mádāya pradakṣiṇíd abhí  
sómāsa índram ||3||

(AVŚ\_20,9.1a) tám vo dasmám ṛtīśāham vásora mandānám ándhasaḥ  
|  
(AVŚ\_20,9.1c) abhí vatsám ná svásareṣu dhenáva índraṃ gīrbhír

navāmahe ||1||

(AVŚ\_20,9.2a) dyukṣám sudānum táviṣṭbhir ávṛtaṃ girím ná  
puruḥhójasam |

(AVŚ\_20,9.2c) kṣumántaṃ vājaṃ śatínaṃ sahasríṇaṃ makṣú  
gómāntaṃ īmahe ||2||

(AVŚ\_20,9.3a) tát tvā yāmi suvīryaṃ tād bráhma pūrvácittaye |

(AVŚ\_20,9.3c) yénā yátibhyo bhṛgave dháne hité yéna práskaṇvam  
ávitḥa ||3||

(AVŚ\_20,9.4a) yénā samudráṃ ásrjo mahír apás tād indra vṛṣṇi te  
śávaḥ |

(AVŚ\_20,9.4c) sadyáh só asya mahimá ná saṃnáśe yám kṣoṇír  
anucakradé ||4||

(AVŚ\_20,10.1a) úd u té mádhumattamā gíra stómāsa īrate |

(AVŚ\_20,10.1c) satrājító dhanasá ákṣitotayo vājayánto ráthā iva ||1||

(AVŚ\_20,10.2a) káṇvā iva bhṛgavaḥ sūryā iva víśvam íd dhítám  
ānaśuḥ |

(AVŚ\_20,10.2c) índraṃ stómebhir maháyanta āyávaḥ priyāmedhāso  
asvāraṇ ||2||

(AVŚ\_20,11.1a) índraḥ pūrbhíd átirad dásam arkáir vidádvasur  
dáyamāno ví śátrūn |

(AVŚ\_20,11.1c) bráhmajūtas tanvā vāvṛdhānó bhúridātra āpṛṇad  
ródasī ubhé ||1||

(AVŚ\_20,11.2a) makhásya te taviśásya prá jūtím íyarmi vácām  
amṛtāya bhúṣan |

(AVŚ\_20,11.2c) índra kṣitínám asi mánuṣīṇāṃ viśám dáivīnām utá  
pūrvāyāvā ||2||

(AVŚ\_20,11.3a) índro vṛtrám avṛṇoc chárdhanītiḥ prá māyínām  
aminād várpaṇītiḥ |

(AVŚ\_20,11.3c) áhan vyàṃsam uśádhag váneṣv āvír dhénā akrṇod  
rāmyāṇām ||3||

(AVŚ\_20,11.4a) índraḥ svarṣá janáyann áhāni jigáyośígbhiḥ pṛtanā  
abhiṣṭíḥ |

(AVŚ\_20,11.4c) prárocayan mánave ketúm áhnām ávindaj jyótir  
bṛhaté ráṇāya ||4||

(AVŚ\_20,11.5a) índras tújo barháṇā á viveśa nṛvád dádḥāno náryā

purúṇi |

(AVŚ\_20,11.5c) ácetayad dhíya imá jaritré prémam várnam atirac  
chukráṁ āsām ||5||

(AVŚ\_20,11.6a) mahó mahāni panayanty asyéndrasya kárma sūkṛtā  
purúṇi |

(AVŚ\_20,11.6c) vṛjánaena vṛjinánt sám pipeṣa mâyábhīr dasyúṁr  
abhíbhūtyojāḥ ||6||

(AVŚ\_20,11.7a) yudhéndro mahná várivaś cakāra devébhyaḥ  
sátpatīś carṣaṇipráḥ |

(AVŚ\_20,11.7c) vivásvataḥ sádane asya táni víprā ukthébhiḥ kaváyo  
grṇānti ||7||

(AVŚ\_20,11.8a) satrāsāhaṁ váreṇyaṁ sahodám sasavāṁsaṁ svār  
apás ca devīḥ |

(AVŚ\_20,11.8c) sasāna yáḥ pṛthivīm dyám utémám índraṁ madanty  
ānu dhíraṇāsaḥ ||8||

(AVŚ\_20,11.9a) sasánátyāṁ utá súryaṁ sasānéndraḥ sasāna  
purubhójaṁ gām |

(AVŚ\_20,11.9c) hiraṇyáyam utá bhógaṁ sasāna hatví dásyūn  
práryaṁ várnam āvat ||9||

(AVŚ\_20,11.10a) índra óṣadhīr asanod áhāni vánaśpátīṁr asanod  
antárikṣam |

(AVŚ\_20,11.10c) bibhédā balám nunudé vívācá 'thābhavad  
damiṭābhíkratūnām ||10||

(AVŚ\_20,11.11a) śunám huvema maghāvānam índram asmín bhāre  
nṛtamaṁ vājasātau |

(AVŚ\_20,11.11c) śṛṇvāntam ugrám ūtáye samátsu ghnántam vṛtrāṇi  
saṁjítam dhánānām ||11||

(AVŚ\_20,12.1a) úd u bráhmāṇy airata śravasyéndraṁ samaryé  
mahāyā vasiṣṭha |

(AVŚ\_20,12.1c) á yó víśvāni śávasā tatánopaśrotá ma ívato vácāṁsi  
||1||

(AVŚ\_20,12.2a) áyāmi ghóṣa indra devájāmir irajyánta yác churúdho  
vívācī |

(AVŚ\_20,12.2c) nahí svám áyuś cikité jáneṣu táníd áṁhāṁsy áti  
parṣy asmán ||2||

(AVŚ\_20,12.3a) yujé ráthaṁ gavéṣaṇam háribhyaṁ úpa bráhmāṇi  
juṣṣānām asthuḥ |

(AVŚ\_20,12.3c) ví bādhiṣṭa syá ródasī mahitvéndro vṛtrāṇy apratí  
jaghanvān ||3||

(AVŚ\_20,12.4a) ápaś cit pipyu staryò ná gávo náksann ṛtām jaritāras  
ta indra |

(AVŚ\_20,12.4c) yāhī vāyúr ná niyúto no áchā tvām hí dhībhír dáyase  
ví vājān ||4||

(AVŚ\_20,12.5a) té tvā mādā indra mādayantu śuśmīṇam  
tuvirāḍhasam jaritré |

(AVŚ\_20,12.5c) éko devatrā dáyase hí mártān asmín chūra sávane  
mādayasva ||5||

(AVŚ\_20,12.6a) evéd índram vṛṣaṇam vājrabāhum vāsiṣṭhāso abhy  
ārcanty arkāiḥ |

(AVŚ\_20,12.6c) sá na stutó vīrávad dhātu gómad yūyām pāta  
svastībhiḥ sādā naḥ ||6||

(AVŚ\_20,12.7a) ṛjīśí vajrí vṛṣabhás turāṣāṭ chuśmí rájā vṛtrahá  
somāpāvā |

(AVŚ\_20,12.7c) yuktvā háribhyām úpa yāsad arvān mādhyamdine  
sávane matsad índraḥ ||7||

(AVŚ\_20,13.1a) índraś ca sómam pibatam bṛhaspate 'smín yajñé  
mandasānā vṛṣaṇvasū |

(AVŚ\_20,13.1c) á vām viśantv índavaḥ svābhúvo 'smé rayīm  
sārvavīram ní yachatam ||1||

(AVŚ\_20,13.2a) á vo vahantu sáptayo raghuṣyádo raghupátvānaḥ  
prá jigāta bāhúbhiḥ |

(AVŚ\_20,13.2c) sīdatā barhír urú vaḥ sádas kṛtām mādáyadhvam  
maruto mādho ándhasaḥ ||2||

(AVŚ\_20,13.3a) imām stómam árhate jātávedase rátham iva sám  
mahemā manīṣáyā |

(AVŚ\_20,13.3c) bhadrá hí naḥ prámatir asya saṃsády ágne sakhyé  
mā riṣāmā vayām táva ||3||

(AVŚ\_20,13.4a) áibhir agne sarátham yāhy arvān nānārathām vā  
vibhávo hy áśvāḥ |

(AVŚ\_20,13.4c) pátnīvatas triṃśátam tríṃś ca devān anuṣvadhām á  
vaha mādáyasva ||4||

(AVŚ\_20,14.1a) vayām u tvām apūrvya sthūrām ná kác cid bháranto  
'vasyávaḥ |

(AVŚ\_20,14.1c) vāje citráṃ havāmahe ||1||

(AVŚ\_20,14.2a) úpa tvā kármann ūtáye sá no yúvográs cakrāma yó  
dhr̥ṣāt |  
(AVŚ\_20,14.2c) tvām íd dhy àvitāraṃ vavṛmāhe sákhāya indra  
sānasīm ||2||

(AVŚ\_20,14.3a) yó na idámidam purā prá vásya ānināya tám u va  
stuṣe |  
(AVŚ\_20,14.3c) sákhāya índram ūtáye ||3||

(AVŚ\_20,14.4a) háryaśvam sátpatiṃ carṣaṇīsáhaṃ sá hí śmā yó  
ámandata |  
(AVŚ\_20,14.4c) á tu naḥ sá vayati gávyam áśvyam stotṛbhyo  
maghāvā śatám ||4||

(AVŚ\_20,15.1a) prá mām̐hiṣṭhāya bṛhaté bṛhádraye satyásuṣmāya  
tavāse matim̐ bhare |  
(AVŚ\_20,15.1c) apām̐ iva pravaṇé yásya durdháram̐ rádho viśvāyu  
śávase ápāvṛtam ||1||

(AVŚ\_20,15.2a) ádha te víśvam ánu hāsad iṣṭāya āpo nimnéva  
sāvanā havíṣmataḥ |  
(AVŚ\_20,15.2c) yát párvate ná samásīta haryatá índrasya vājraḥ  
śnáthitā hiraṇyáyaḥ ||2||

(AVŚ\_20,15.3a) asmái bhīmāya námasā sám adhvará úṣo ná śubhra  
á bhārā pānīyase |  
(AVŚ\_20,15.3c) yásya dhāma śrávase námendriyám̐ jyótir̐ ákārī  
harító nāyase ||3||

(AVŚ\_20,15.4a) imé ta indra té vayám̐ puruṣṭuta yé tvārābhya  
cārāmasi prabhūvaso |  
(AVŚ\_20,15.4c) nahí tvád̐ anyó girvaṇo gíraḥ sádhat̐ kṣoṇír̐ iva práti  
no harya tát̐ vácaḥ ||4||

(AVŚ\_20,15.5a) bhūri ta indra vīryām̐ táva smasy asyá stotúr̐  
maghavan kāmam̐ á pṛṇa |  
(AVŚ\_20,15.5c) ánu te dyáur̐ bṛhatí vīryām̐ mama iyám̐ ca te pṛthiví  
nemā ójase ||5||

(AVŚ\_20,15.6a) tvám̐ tám̐ indra párvataṃ mahám̐ urúm̐ vājreṇa  
vajrin̐ parvaśás̐ cakartitha |  
(AVŚ\_20,15.6c) ávāsṛjo nívr̥tāḥ sártavā́ apáḥ satrá́ víśvam̐ dadhiṣe  
kévalam̐ sáhaḥ ||6||

(AVŚ\_20,16.1a) udaprúto ná váyo rákṣamāṇā vávadato

abhríasyeva ghóṣāḥ |

(AVŚ\_20,16.1c) giribhrájo nórmaýo mádanto bṛhaspátim abhy àrká  
anāvan ||1||

(AVŚ\_20,16.2a) sám góbhir aṅgirasó náḁṣamāṇo bhága ivéd  
aryamáṇam nināya |

(AVŚ\_20,16.2c) jáne mitró ná dámpatī anakti bṛhaspate vājáyāsúṁr  
ivājáu ||2||

(AVŚ\_20,16.3a) sādhvaryā atithínīr iṣirā spārḥāḥ suvárṇā  
anavadyárūpāḥ |

(AVŚ\_20,16.3c) bṛhaspátīḥ párvatebhyo vitúryā nír gā ūpe yávam  
iva sthivíbhyah ||3||

(AVŚ\_20,16.4a) āpruṣāyán mádhunā ṛtásya yónim avakṣipánn arká  
ulkām iva dyóḥ |

(AVŚ\_20,16.4c) bṛhaspátir uddhárann áśmano gā bhúmyā udnéva ví  
tvácām bibheda ||4||

(AVŚ\_20,16.5a) ápa jyótiṣā támo antárikṣad udnāḥ śípālam iva vāta  
ājat |

(AVŚ\_20,16.5c) bṛhaspátir anumṛśyā valásyābhrám iva vāta ā cakra  
ā gāḥ ||5||

(AVŚ\_20,16.6a) yadā valásya píyato jásum bhéd bṛhaspátir  
agnitápobhir arkáiḥ |

(AVŚ\_20,16.6c) dadbhír ná jihvá páriverṣtam ádad āvír nidhīm  
akṛṇod usríyāṇām ||6||

(AVŚ\_20,16.7a) bṛhaspátir ámata hí tyád āsām náma svaríṇām  
sádāne gúhā yát |

(AVŚ\_20,16.7c) āṇḁeva bhitvá śakunásya gárbham úd usríyāḥ  
párvatasya tmánājat ||7||

(AVŚ\_20,16.8a) áśnāpinaddham mádhu páry apaśyan mátsyam ná  
dīná udáni kṣiyántam |

(AVŚ\_20,16.8c) níṣ ṭáj jabhāra camasām ná vṛkṣād bṛhaspátir  
viravēṇā vikṛtya ||8||

(AVŚ\_20,16.9a) sóṣām avindat sá svāḥ só agníṁ só arkéṇa ví  
babādhe támāṁsi |

(AVŚ\_20,16.9c) bṛhaspátir góvapuṣo valásya nír majjānam ná  
párvāṇo jabhāra ||9||

(AVŚ\_20,16.10a) himéva parṇā muṣitā vānāni bṛhaspátinākṛpayad  
való gāḥ |

(AVŚ\_20,16.10c) anānukṛtyám apunás cakāra yát súryāmāsā mithá  
uccārātaḥ ||10||



(AVŚ\_20,16.11a) abhí śyāvām ná kṛśanebhir áśvaṃ nákṣatrebhiḥ  
pitáro dyām apimśan |  
(AVŚ\_20,16.11c) rátryām támō ádadhur jyótir áhan bṛhaspátir  
bhinád ádriṃ vidád gáh ||11||

(AVŚ\_20,16.12a) idám akarma námo abhriyáya yáh pūrvír ánv  
ānónavīti |  
(AVŚ\_20,16.12c) bṛhaspátir sá hí góbhiḥ só áśvaiḥ sá vīrebhiḥ sá  
nṛbhír no váyo dhāt ||12||

(AVŚ\_20,17.1a) áchā ma índraṃ matáyaḥ svarvídaḥ sadhrícīr víśvā  
uśatīr anūṣata |  
(AVŚ\_20,17.1c) pári śvajante jánayo yáthā pátim máryaṃ ná  
śundhyúm maghāvānam ūtáye ||1||

(AVŚ\_20,17.2a) ná ghā tvadríg ápa veti me mánas tvé ít kāmam  
puruḥūta śísraya |  
(AVŚ\_20,17.2c) rájeva dasma ní ṣadó 'dhi barhíṣy asmínt sú sóme  
'vapānam astu te ||2||

(AVŚ\_20,17.3a) viṣūvṛd índro ámuter utá kṣudháḥ sá íd rāyó  
maghāvā vásva īśate |  
(AVŚ\_20,17.3c) tásyéd imé pravaṇé saptá síndhavo váyo vardhanti  
vṛṣabhásya śuṣmínah ||3||

(AVŚ\_20,17.4a) váyo ná vṛkṣám supalāśám áśadant sómāsa índraṃ  
mandínaś camūśadaḥ |  
(AVŚ\_20,17.4c) práiṣām ánīkaṃ śávasā dávidyutad vidát svār  
mánāve jyótir áryam ||4||

(AVŚ\_20,17.5a) kṛtām ná śvaghní ví cinoti dévane saṃvārgam yán  
maghāvā sūryam jáyat |  
(AVŚ\_20,17.5c) ná tát te anyó ánu vīryām śakan ná purāṇó  
maghavan nótá nūtanah ||5||

(AVŚ\_20,17.6a) vísaṃviśam maghāvā páry aśāyata jánānām dhénā  
avacākaśad vṛṣā |  
(AVŚ\_20,17.6c) yáśyāha śakráḥ sávaneṣu ráṇyati sá tīvráiḥ sómaiḥ  
sahate pṛtanyatáh ||6||

(AVŚ\_20,17.7a) ápo ná síndhum abhí yát samákṣarant sómāsa  
índraṃ kulyá iva hradám |  
(AVŚ\_20,17.7c) vārdhanti víprā máho asya sádane yávaṃ ná vṛṣtír  
divyéna dánunā ||7||

(AVŚ\_20,17.8a) vṛṣā ná kruddháḥ patayad rájaḥsv á yó aryápatnīr  
ákṛṇod imá apáh |

(AVŚ\_20,17.8c) sá sunvaté maghávā jīrádānavé 'vindaj jyótir  
mánave havíṣmate ||8||

(AVŚ\_20,17.9a) új jāyatām paraśú jyótiṣā sahā bhūyā́ ṛtasya  
sudúghā purāṇavat |  
(AVŚ\_20,17.9c) ví rocatām aruṣó bhānúnā súciḥ svàr ná śukráṃ  
śúsucīta sátpatiḥ ||9||

(AVŚ\_20,17.10a) góbhiṣ ṭareṃāmatiṃ durévāṃ yávena kṣúdham  
puruḥūta víśvām |  
(AVŚ\_20,17.10c) vayám rájabhiḥ prathamā́ dhánāny asmákēna  
vrjānenā jayema ||10||

(AVŚ\_20,17.11a) bṛhaspátir naḥ pári pātu paścād utóttarasmād  
ádharād aghāyóḥ |  
(AVŚ\_20,17.11c) índraḥ purástād utá madhyató naḥ sákhā  
sákhībhyaḥ várivaḥ kṛṇotu ||11||

(AVŚ\_20,17.12a) bṛhaspate yuvám índraś ca vásvo divyásyeśāthe  
utá pāṛthivasya |  
(AVŚ\_20,17.12c) dhattám rayím stuvaté kīráye cid yūyám pāta  
svastībhiḥ sádā naḥ ||12||

(AVŚ\_20,18.1a) vayám u tvā tadítarthā índra tvāyántaḥ sákhāyaḥ |  
(AVŚ\_20,18.1c) káṇvā ukthébhīr jarante ||1||

(AVŚ\_20,18.2a) ná ghem anyád ā́ papana vājrinna apáso náviṣtau |  
(AVŚ\_20,18.2c) távéd u stómaṃ ciketa ||2||

(AVŚ\_20,18.3a) ichánti devāḥ sunvántaṃ ná svápnāya sprḥayanti |  
(AVŚ\_20,18.3c) yánti pramādam átandrāḥ ||3||

(AVŚ\_20,18.4a) vayám indra tvāyávo 'bhí prá ṇonumo vr̥ṣan |  
(AVŚ\_20,18.4c) viddhí tv āsyá no vaso ||4||

(AVŚ\_20,18.5a) má no nidé ca váktave 'ryó randhīr árāvne |  
(AVŚ\_20,18.5c) tvé ápi krátur máma ||5||

(AVŚ\_20,18.6a) tvám vármāsi sapráthaḥ puroyodhás ca vr̥trahan |  
(AVŚ\_20,18.6c) tváyā prāti bruve yujā́ ||6||

(AVŚ\_20,19.1a) vātrahaṭyāya śávase pṛtanāśāhyāya ca |  
(AVŚ\_20,19.1c) índra tvā vartayāmasi ||1||

(AVŚ\_20,19.2a) arvācīnaṃ sú te mána utá cákṣuḥ śatakrato |  
(AVŚ\_20,19.2c) índra kṛṇvāntu vāghátaḥ ||2||

(AVŚ\_20,19.3a) nāmāni te śatakrato víśvābhir gīrbhír īmahe |  
(AVŚ\_20,19.3c) índrābhimātiṣāhye ||3||

(AVŚ\_20,19.4a) puruṣtutāsya dhāmabhiḥ śatēna mahayāmasi |  
(AVŚ\_20,19.4c) índrasya carṣaṇīdhṛtaḥ ||4||

(AVŚ\_20,19.5a) índraṃ vṛtrāya hántave puruhūtám úpa bruve |  
(AVŚ\_20,19.5c) bhāreṣu vājasātaye ||5||

(AVŚ\_20,19.6a) vājeṣu sāsahír bhava tvām īmahe śatakrato |  
(AVŚ\_20,19.6c) índra vṛtrāya hántave ||6||

(AVŚ\_20,19.7a) dyumnēṣu pṛtanājye pṛtsutúrṣu śrávaḥsu ca |  
(AVŚ\_20,19.7c) índra sākṣvābhímātiṣu ||7||

(AVŚ\_20,20.1a) śuṣmíntamaṃ na ūtāye dyumnínāṃ pāhi jāgṛvim |  
(AVŚ\_20,20.1c) índra sómaṃ śatakrato ||1||

(AVŚ\_20,20.2a) indriyāṇi śatakrato yā te jāneṣu pañcāsu |  
(AVŚ\_20,20.2c) índra tāni ta ā vṛṇe ||2||

(AVŚ\_20,20.3a) ágann índra śrávo bṛhád dyumnám dadhiṣva  
duṣṭāram |  
(AVŚ\_20,20.3c) út te śúṣmaṃ tirāmasi ||3||

(AVŚ\_20,20.4a) arvāvāto na ā gahy átho śakra parāvātaḥ |  
(AVŚ\_20,20.4c) u lokó yás te adriṃa índrehá táta ā gahi ||4||

(AVŚ\_20,20.5a) índro aṅgāṃ mahád bhayám abhí śád ápa cucyavat |  
(AVŚ\_20,20.5c) sá hí sthiró vícarṣaṇiḥ ||5||

(AVŚ\_20,20.6a) índraś ca mṛláyāti no ná naḥ paścād aghāṃ naśat |  
(AVŚ\_20,20.6c) bhadraṃ bhavāti naḥ puráh ||6||

(AVŚ\_20,20.7a) índra āśābhyas pári sársvābhyo ábhayaṃ karat |  
(AVŚ\_20,20.7c) jētā śátrūn vícarṣaṇiḥ ||7||

(AVŚ\_20,21.1a) ny ū śú vācam prá mahé bharāmahe gíra índrāya  
sādane vivāsvataḥ |  
(AVŚ\_20,21.1c) nú cid dhí rátnaṃ sasatām ivāvidan ná duṣṭutír  
draviṇodēṣu śasyate ||1||

(AVŚ\_20,21.2a) duró áśvasya durá índra gór asi duró yávasya

vásuna inás pátiḥ |  
(AVŚ\_20,21.2c) śikṣānarāḥ pradīvo ākāmakarśanaḥ sákhā  
sákhibhyas tám idám gṛṇīmasi ||2||

(AVŚ\_20,21.3a) śácīva indra purukṛd dyumattama távéd idám  
abhítaś cekite vásu |  
(AVŚ\_20,21.3c) átaḥ saṃgṛbhyābhibhūta á bhara má tvāyató jaritúḥ  
kāmam ūnayīḥ ||3||

(AVŚ\_20,21.4a) ebhír dyúbhir sumánā ebhír índubhir nirundhānó  
ámatim góbhira ásvínā |  
(AVŚ\_20,21.4c) índreṇa dásyum daráyanta índubhir yutádveṣasaḥ  
sam īśā rabhemahi ||4||

(AVŚ\_20,21.5a) sám indra rāyā sám īśā rabhemahi sám vājebhiḥ  
puruścandrāir abhidyubhiḥ |  
(AVŚ\_20,21.5c) sám devyā prámatyā vīráśuṣmayā  
góagrāyāśvāvatyā rabhemahi ||5||

(AVŚ\_20,21.6a) té tvā mādā amadan táni vṛṣṇyā te sómāso  
vṛtrahátyeṣu satpate |  
(AVŚ\_20,21.6c) yát kārāve dáśa vṛtrāṇy apratí barhíṣmate ní  
sahásrāṇi barháyaḥ ||6||

(AVŚ\_20,21.7a) yudhá yúdhama úpa ghéd eṣi dhṛṣṇuyā purá púram  
sám idám haṃsy ójasā |  
(AVŚ\_20,21.7c) námyā yád indra sákhyā parāvāti nibarháyo  
námūcim náma māyīnam ||7||

(AVŚ\_20,21.8a) tvám káraṇjam utá parṇāyam vadhīs  
téjīṣṭhayātithigvāsya vartanī |  
(AVŚ\_20,21.8c) tvám śatā vāṅgṛdasyābhinat púro 'nānudāḥ páriṣūtā  
ṛjísvanā ||8||  
(AVŚ\_20,21.9a) tvám etám janarájño dvír dásābandhúnā  
suśrávasopajagmúṣaḥ |  
(AVŚ\_20,21.9c) ṣaṣṭim sahasrā navatim náva śrutó ní cakreṇa  
ráthyā duṣpádāvṛṇak ||9||

(AVŚ\_20,21.10a) tvám āvitha suśrávasam távotíbhira táva trāmabhir  
indra túrvayāṇam |  
(AVŚ\_20,21.10c) tvá asmai kútsam atithigvám āyúḥ mahé rájñe  
yúne arandhanāyaḥ ||10||

(AVŚ\_20,21.11a) yá udṛcīndra devágopāḥ sákhāyas te śívátamā  
ásāma |  
(AVŚ\_20,21.11c) tvám stośāma tváyā suvīrā drāghīya áyuh  
pratarám dádhanāḥ ||11||

(AVŚ\_20,22.1a) abhí tvā vṛṣabhā suté sutám sṛjāmi pītāye |  
(AVŚ\_20,22.1c) tṛmpá vy àśnuhī mādāma ||1||

(AVŚ\_20,22.2a) mǎ tvā mūrǎ aviṣyávo mópahásvāna á dabhan |  
(AVŚ\_20,22.2c) mǎkīm brahmadvíṣo vanaḥ ||2||

(AVŚ\_20,22.3a) ihá tvā góparīṇasā mahé mandantu rádhase |  
(AVŚ\_20,22.3c) sáro gauró yáthā piba ||3||

(AVŚ\_20,22.4a) abhí prá gópatim giréndram arca yáthā vidé |  
(AVŚ\_20,22.4c) sūnúṃ satyása sátpatim ||4||

(AVŚ\_20,22.5a) á hárayaḥ sasṛjiré 'ruṣṛ ádhi barhíṣi |  
(AVŚ\_20,22.5c) yátrābhí saṃnávāmahe ||5||

(AVŚ\_20,22.6a) índrāya gáva āśíraṃ duduhré vajríṇe mádhu |  
(AVŚ\_20,22.6c) yát sīm upahvaré vidát ||6||

(AVŚ\_20,23.1a) á tú na indra madryàg ghuvānáḥ sómapītaye |  
(AVŚ\_20,23.1c) háribhyām yāhy adrivaḥ ||1||

(AVŚ\_20,23.2a) sattó hótā na ṛtvíyas tistiré barhír ānuṣák |  
(AVŚ\_20,23.2c) áyujran prātár ádrayaḥ ||2||

(AVŚ\_20,23.3a) imá bráhma brahmavāhaḥ kriyánta á barhíḥ sīda |  
(AVŚ\_20,23.3c) vīhí śūra puroláśam ||3||

(AVŚ\_20,23.4a) rārandhí sávaneṣu ṇa eṣú stómeṣu vṛtrahan |  
(AVŚ\_20,23.4c) ukthéṣv indra girvaṇaḥ ||4||

(AVŚ\_20,23.5a) matáyāḥ somapám urúm rihánti sávasas pátim |  
(AVŚ\_20,23.5c) índraṃ vatsám ná mātáraḥ ||5||

(AVŚ\_20,23.6a) sá mandasvā hy ándhaso rádhase tanvā mahé |  
(AVŚ\_20,23.6c) ná stotáram nidé karaḥ ||6||

(AVŚ\_20,23.7a) vayám indra tvāyávo havíṣmanto jarāmahe |  
(AVŚ\_20,23.7c) utá tvám asmayúr vaso ||7||

(AVŚ\_20,23.8a) mǎré asmád ví mumuco háripriyārvān yāhi |  
(AVŚ\_20,23.8c) índra svadhāvo mátsvehá ||8||

(AVŚ\_20,23.9a) arvāñcam tvā sukhé ráthe váhatām indra keśínā |  
(AVŚ\_20,23.9c) ghṛtásnū barhír āsáde ||9||

(AVŚ\_20,24.1a) úpa naḥ sutám á gahi sómam indra gávāśiram |  
(AVŚ\_20,24.1c) háribhyāṃ yás te asmayúḥ ||1||

(AVŚ\_20,24.2a) tám indra mádam á gahi barhiṣṭhāṃ grāvabhiḥ  
sutám |  
(AVŚ\_20,24.2c) kuvín nv àsya tṛṇávaḥ ||2||

(AVŚ\_20,24.3a) índram itthá gíro māmāchāgur iṣitá itáḥ |  
(AVŚ\_20,24.3c) āvṛte sómapītaye ||3||

(AVŚ\_20,24.4a) índraṃ sómasya pītāye stómair ihá havāmahe |  
(AVŚ\_20,24.4c) ukthébhiḥ kuvíd āgámat ||4||

(AVŚ\_20,24.5a) índra sómāḥ sutá imé tán dadhiṣva śatakrato |  
(AVŚ\_20,24.5c) jathāre vājinīvaso ||5||

(AVŚ\_20,24.6a) vidmā hí tvā dhanamjayám vājeṣu dadhṛṣám kave |  
(AVŚ\_20,24.6c) ádhā te sumnám īmahe ||6||

(AVŚ\_20,24.7a) imám indra gávāśiraṃ yāvāśiraṃ ca naḥ piba |  
(AVŚ\_20,24.7c) āgátyā vṛṣabhiḥ sutám ||7||

(AVŚ\_20,24.8a) túbhyéd indra svá okyè sómaṃ codāmi pītāye |  
(AVŚ\_20,24.8c) eṣá rārantu te hṛdí ||8||

(AVŚ\_20,24.9a) tvám sutásya pītāye pratnám indra havāmahe |  
(AVŚ\_20,24.9c) kuśikāso avasyávaḥ ||9||

(AVŚ\_20,25.1a) áśvāvati prathamó góṣu gachati suprāvír indra  
mártyas távotíbhiḥ |  
(AVŚ\_20,25.1c) tám ít pṛṇakṣi vásunā bhāvīyasā síndhum ápo  
yáthābhíto vícetasah ||1||

(AVŚ\_20,25.2a) ápo ná devír úpa yanti hotríyam aváh paśyanti  
vítataṃ yáthā rájah |  
(AVŚ\_20,25.2c) prācáir devāṣah prá ṇayanti devayúṃ  
brahmapríyam joṣayante vará iva ||2||

(AVŚ\_20,25.3a) ádhi dváyor adadhā ukthyāṃ váco yatásrucā  
mithunā yá saparyátaḥ |  
(AVŚ\_20,25.3c) ásaṃyatto vraté te kṣeti púṣyati bhadrá śaktír  
yájamānāya sunvaté ||3||

(AVŚ\_20,25.4a) ád áṅgirāḥ prathamám dadhire váya iddhāgnayah  
śámyā yé sukrtyáyā |  
(AVŚ\_20,25.4c) sárvaṃ pañéh sám avindanta bhójanam

áśvāvantam gómantam á paśúm nárah ||4||

(AVŚ\_20,25.5a) yajñáir átharvā prathamāḥ pathás tate tátaḥ sūryo  
vratapā venā ājani |

(AVŚ\_20,25.5c) á gā ājad uśánā kāvyāḥ sácā yamásya jātām  
amṛtam yajāmahe ||5||

(AVŚ\_20,25.6a) barhír vā yát svapatyāya vṛjyáte 'rkó vā ślókam  
āghóṣate diví |

(AVŚ\_20,25.6c) grāvā yātra vādati karúr ukthyàs tásyéd índro  
abhipitvéṣu raṇyati ||6||

(AVŚ\_20,25.7a) prógrām pītīm vṛṣṇa iyarmi satyām prayái sutásya  
haryaśva túbhyam |

(AVŚ\_20,25.7c) índra dhénābhir ihá mādayasva dhībhir víśvābhiḥ  
śacyā grṇānāḥ ||7||

(AVŚ\_20,26.1a) yógeyoge tavástaram vājevāje havāmahe |

(AVŚ\_20,26.1c) sákhāya índram ūtāye ||1||

(AVŚ\_20,26.2a) á ghā gamad yádi śrávat sahasrīṇībhir ūtībhiḥ |

(AVŚ\_20,26.2c) vājebhir úpa no hávam ||2||

(AVŚ\_20,26.3a) ánu pratnásyáukaso huvé tuvipratím náram |

(AVŚ\_20,26.3c) yām te púrvaṁ pitā huvé ||3||

(AVŚ\_20,26.4a) yuñjānti bradhnám aruṣām cárantam pári tasthúṣaḥ  
|

(AVŚ\_20,26.4c) rócante rocanā diví ||4||

(AVŚ\_20,26.5a) yuñjānti asya kámyā hárī vípakṣasā ráthe |

(AVŚ\_20,26.5c) śónā dhṛṣṇū nṛvāhasā ||5||

(AVŚ\_20,26.6a) ketúm kṛṇvānn aketáve péso maryā apeśāse |

(AVŚ\_20,26.6c) sám uśádbhir ajāyathāḥ ||6||

(AVŚ\_20,27.1a) yád indrāhām yáthā tvám íśīya vásva éka ít |

(AVŚ\_20,27.1c) stotā me góṣakhā syāt ||1||

(AVŚ\_20,27.2a) śíkṣeyam asmai dítseyam sácīpate manīṣīṇe |

(AVŚ\_20,27.2c) yád ahām gópatiḥ syām ||2||

(AVŚ\_20,27.3a) dhenúṣ ṭa indra sūnṛtā yájamānāya sunvaté |

(AVŚ\_20,27.3c) gām áśvam pipyúṣī duhe ||3||

(AVŚ\_20,27.4a) ná te vartásti rádhasa índra devó ná mártyaḥ |  
(AVŚ\_20,27.4c) yád dítsasi stutó maghám ||4||

(AVŚ\_20,27.5a) yajñá índram avardhayad yád bhúmim vy àvartayat |  
(AVŚ\_20,27.5c) cakrāṇá opaśám diví ||5||

(AVŚ\_20,27.6a) vāvṛdhānāsya te vayám víśvā dhánāni jigyúṣaḥ |  
(AVŚ\_20,27.6c) ūtīm indrá vṛṇīmahe ||6||

(AVŚ\_20,28.1a) vy àntárikṣam atiran máde sómasya rocaná |  
(AVŚ\_20,28.1c) índro yád ábhinad valám ||1||

(AVŚ\_20,28.2a) úd gá ājad áṅgirobhya āviṣ krṇván gúhā satīḥ |  
(AVŚ\_20,28.2c) arvāñcam nunude valám ||2||

(AVŚ\_20,28.3a) índreṇa rocaná divó dṛḷhāni dṛṇhitāni ca |  
(AVŚ\_20,28.3c) sthirāni ná parāṇúde ||3||

(AVŚ\_20,28.4a) apām ūrmír mādann iva stóma indrájirāyate |  
(AVŚ\_20,28.4c) ví te mādā arājiṣuḥ ||4||

(AVŚ\_20,29.1a) tvám hí stomavárdhana indrásy ukthavárdhanaḥ |  
(AVŚ\_20,29.1c) stotṛṇám utá bhadrakṛt ||1||

(AVŚ\_20,29.2a) índram ít keśínā hárī somapéyāya vakṣataḥ |  
(AVŚ\_20,29.2c) úpa yajñám surádhasam ||2||

(AVŚ\_20,29.3a) apām phénena námuceḥ síra indród avartayaḥ |  
(AVŚ\_20,29.3c) víśvā yád ájaya spṛdhaḥ ||3||

(AVŚ\_20,29.4a) māyābhir utsísṛpsata indra dyām ārúrukṣataḥ |  
(AVŚ\_20,29.4c) áva dásyūṁr adhūnuthāḥ ||4||

(AVŚ\_20,29.5a) asunvám indra saṃsádam víśúcīm vy ànāśayaḥ |  
(AVŚ\_20,29.5c) somapá úttaro bhávan ||5||

(AVŚ\_20,30.1a) prá te mahé vidáthe śaṃsiṣám hárī prá te vanve  
vanúṣo haryatám mādám |  
(AVŚ\_20,30.1c) ghṛtám ná yó háribhiś cáru sécata á tvā viśantu  
hárivarpasam gírah ||1||

(AVŚ\_20,30.2a) hárim hí yónim abhí yé samásvaran hinváto hárī



divyāṃ yāthā sādah |  
(AVŚ\_20,30.2c) ā yāṃ pṛṇānti hāribhir ná dhenāva índrāya śūsāṃ  
hārivantam arcata ||2||

(AVŚ\_20,30.3a) só asya vājro hārīto yā āyasó hārīr nīkāmo hārīr ā  
gābhastyoh |  
(AVŚ\_20,30.3c) dyumnī suśipró hārimanyusāyaka índre ní rūpā  
hāritā mimikṣire ||3||

(AVŚ\_20,30.4a) divī ná ketúr ādhi dhāyi haryató vivyācad vājro  
hārīto ná rāṃhyā |  
(AVŚ\_20,30.4c) tudād ahīm hārīsipró yā āyasāḥ sahāsraśokā  
abhavad dharimbharāḥ ||4||

(AVŚ\_20,30.5a) tvāṃtvam aharyathā úpastutaḥ pūrvebhir indra  
harikēśa yājvabhiḥ |  
(AVŚ\_20,30.5c) tvāṃ haryasi táva víśvam ukthyām āsāmi rádho  
harijāta haryatām ||5||

(AVŚ\_20,31.1a) tá vajríṇaṃ mandínaṃ stómyaṃ máda índraṃ ráthe  
vahato haryatā hārī |  
(AVŚ\_20,31.1c) purūṇy asmai sávanāni haryata índrāya sómā  
hārayo dadhanvire ||1||

(AVŚ\_20,31.2a) áraṃ kāmāya hārayo dadhamire sthirāya hinvan  
hārayo hārī turā |  
(AVŚ\_20,31.2c) árvadbhir yó hāribhir jóṣam íyate só asya kāmāṃ  
hārivantam ānaśe ||2||

(AVŚ\_20,31.3a) hārīśmaśārur hārīkeśa āyasás turaspéye yó haripā  
ávardhata |  
(AVŚ\_20,31.3c) árvadbhir yó hāribhir vājínīvasur áti víśvā duritā  
pāriṣad dhārī ||3||

(AVŚ\_20,31.4a) śrúveva yasya hārīṇī vipetátuḥ śípre vājāya hārīṇī  
dāvidhvataḥ |  
(AVŚ\_20,31.4c) prá yát kṛté camasé mármṛjad dhārī pītvā mādasya  
haryatásyāndhasaḥ ||4||

(AVŚ\_20,31.5a) utá sma sādna haryatásya pastyòr átyo ná vājaṃ  
hārivāṃ acikradat |  
(AVŚ\_20,31.5c) mahí cid dhí dhiṣāṇāharyad ójasā bṛhád váyo  
dadhīṣe haryatás cid ā ||5||

(AVŚ\_20,32.1a) ā ródasī hāryamāṇo mahitvá návyamṇavyaṃ

haryasi mánma nú priyám |  
(AVŚ\_20,32.1c) prá pastyàm asura haryatám gór āvís kṛdhi háraye  
súryāya ||1||

(AVŚ\_20,32.2a) á tvā haryántam prayújo jánānām rátthe vahantu  
hárisīpram indra |  
(AVŚ\_20,32.2c) píbā yáthā prátibhṛtasya mádhvo háryan yajñám  
sadhamāde dásoṇim ||2||

(AVŚ\_20,32.3a) ápāḥ púrveṣām harivaḥ sutánām átho idám  
sávanam kévalam te |  
(AVŚ\_20,32.3c) mamaddhí sómam mádhumantam indra satrá vṛṣam  
jathára á vṛṣasva ||3||

(AVŚ\_20,33.1a) apsú dhūtásya harivaḥ píbehá nṛbhiḥ sutásya  
jaṭhāram pṛṇasva |  
(AVŚ\_20,33.1c) mimikṣúr yám ádraya indra túbhyam tébhir  
vardhasva mádam ukthavāhaḥ ||1||

(AVŚ\_20,33.2a) prógrām pítim vṛṣṇa iyarmi satyām prayái sutásya  
haryaśva túbhyam |  
(AVŚ\_20,33.2c) índra dhénābhir ihá mādayasva dhībhír víśvābhiḥ  
śácyā grṇānāḥ ||2||

(AVŚ\_20,33.3a) ūtí śacīvas táva vīryeṇa váyo dádhanā usíja ṛtajñāḥ |  
(AVŚ\_20,33.3c) prajāvad indra māmso duroṇé tasthúr grṇántaḥ  
sadhamādyāsaḥ ||3||

(AVŚ\_20,34.1a) yó jātá evá prathamó mánasvān devó devān  
krátunā paryámūṣat |  
(AVŚ\_20,34.1c) yásya súṣmād ródasī ábhyasetām nṛmṇásya mahná  
sá janāsa índraḥ ||1||

(AVŚ\_20,34.2a) yáḥ pṛthivīm vyáthamānām ádṛmhad yáḥ párvatān  
prákūpitām áramṇāt |  
(AVŚ\_20,34.2c) yó antárikṣam vimamé várīyo yó dyām ástabhnāt sá  
janāsa índraḥ ||2||

(AVŚ\_20,34.3a) yó hatvāhim áriṇāt saptá síndhūn yó gā udājad  
apadhā valásya |  
(AVŚ\_20,34.3c) yó áśmanor antár agníḥ jajāna samvṛk samátsu sá  
janāsa índraḥ ||3||

(AVŚ\_20,34.4a) yénemá vísvā cyávanā kṛtāni yó dásam várṇam  
ádhamam gúhākaḥ |

(AVŚ\_20,34.4c) śvaghnīva yó jigīvām lakṣām ādad aryāḥ puṣṭāni sá  
janāsa índraḥ ||4||

(AVŚ\_20,34.5a) yām smā pṛchānti kúha sēti ghorām utém āhur  
nāiśó astīty enam |  
(AVŚ\_20,34.5c) só aryāḥ puṣṭīr víja ivā mināti śrād asmai dhatta sá  
janāsa índraḥ ||5||

(AVŚ\_20,34.6a) yó radhrāsyā coditā yāḥ kṛśāsya yó brahmāṇo  
nādhāmānasya kīréḥ |  
(AVŚ\_20,34.6c) yukṭagrāvṇo yó 'vitā suśipráḥ sutāsomasya sá  
janāsa índraḥ ||6||

(AVŚ\_20,34.7a) yāsyāśvāsaḥ pradīsi yāsyā gāvo yāsyā grāmā yāsyā  
vísve ráthāsaḥ |  
(AVŚ\_20,34.7c) yāḥ sūryam yá uśāsam jajāna yó apām netā sá  
janāsa índraḥ ||7||

(AVŚ\_20,34.8a) yām krāndasī samyatī vihváyete páre 'vare ubháya  
amítṛāḥ |  
(AVŚ\_20,34.8c) samānām cid rátham ātasthivāṃsā nānā havete sá  
janāsa índraḥ ||8||

(AVŚ\_20,34.9a) yāsmān ná ṛté vijáyante jánāso yām yúdhyamānā  
āvasē hávante |  
(AVŚ\_20,34.9c) yó víśvasya pratimānam babhúva yó acyutacyút sá  
janāsa índraḥ ||9||  
(AVŚ\_20,34.10a) yāḥ śāsvato máhy eno dádhanān ámanyamānām  
chārvā jaghána |  
(AVŚ\_20,34.10c) yāḥ śárdhate nānudádāti śṛdhyām yó dāsyor hantā  
sá janāsa índraḥ ||10||

(AVŚ\_20,34.11a) yāḥ śāmbharam párvateṣu kṣiyāntam  
catvāriṃśyām śarády anvávindat |  
(AVŚ\_20,34.11c) ojāyāmānam yó áhiṃ jaghána dánūm śáyānam sá  
janāsa índraḥ ||11||

(AVŚ\_20,34.12a) yāḥ śāmbharam paryátarat kásībhir yó  
'cārukāśnāpibat sutāsya |  
(AVŚ\_20,34.12c) antár giráu yájamānam bahúm jánam yásminn  
āmūrchat sá janāsa índraḥ ||12||

(AVŚ\_20,34.13a) yāḥ saptáraśmir vṛṣabhás túviṣmān avāsṛjat  
sártave saptá síndhūn |  
(AVŚ\_20,34.13c) yó rauhiṇām ásphurad vájrabāhur dyām  
āróhantam sá janāsa índraḥ ||13||

(AVŚ\_20,34.14a) dyāvā cid asmai pṛthiví mamete súṣmāc cid asya  
párvatā bhayante |

(AVŚ\_20,34.14c) yáh somapá nicitó vájrabāhur yó vájrahastaḥ sá  
janāsa índraḥ ||14||

(AVŚ\_20,34.15a) yáh sunvāntam ávati yáh pácantam yáh  
śámśantam yáh śaśamānām ūtí |  
(AVŚ\_20,34.15c) yása bráhma vārdhanam yása sómo yásyedam  
rádhaḥ sá janāsa índraḥ ||15||

(AVŚ\_20,34.16a) jātó vy àkhyat pitrór upásthe bhúvo ná veda  
janitūḥ párasya |  
(AVŚ\_20,34.16c) staviṣyāmāṇo nó yó asmád vratá devānām sá  
janāsa índraḥ ||16||

(AVŚ\_20,34.17a) yáh sómakāmo háryaśvaḥ sūrír yásmād réjante  
bhúvanāni vísvā |  
(AVŚ\_20,34.17c) yó jaghána śámbaram yás ca śúṣṇam yá ekavīráḥ  
sá janāsa índraḥ ||17||

(AVŚ\_20,34.18a) yáh sunvaté pácate dudhrá á cid vājam dārdarṣi sá  
kílāsi satyáḥ |  
(AVŚ\_20,34.18c) vayám ta indra vísvāha priyāsaḥ suvīrāso vidátham  
á vadema ||18||

(AVŚ\_20,35.1a) asmá íd u prá tavāse turāya práyo ná harmi stómaḥ  
māhināya |  
(AVŚ\_20,35.1c) ícīṣamāyādhṛigava óham índrāya bráhmāṇi  
rātátamā ||1||

(AVŚ\_20,35.2a) asmá íd u práya iva prá yaṃsi bhārāmy āngūśam  
bādhe suvṛktí |  
(AVŚ\_20,35.2c) índrāya hṛdá manasā manīśá pratnáya pátye dhíyo  
marjāyanta ||2||

(AVŚ\_20,35.3a) asmá íd u tyám upamám svarśám bhārāmy  
āngūśam āsyèna |  
(AVŚ\_20,35.3c) máṃhiṣṭham áchoktibhir matínám suvṛktíbhiḥ sūrím  
vāvṛdhādhyai ||3||

(AVŚ\_20,35.4a) asmá íd u stómaḥ sám hinomi rátham ná táṣṭeva  
tátsināya |  
(AVŚ\_20,35.4c) gíraś ca gírvāhase suvṛktíndrāya vísvaminvám  
médhirāya ||4||

(AVŚ\_20,35.5a) asmá íd u sáptim iva śravasyéndrāyārkám juhvā  
sám añje |  
(AVŚ\_20,35.5c) vīram dānāukasaḥ vandádhyai purám  
gūrtáśravasaḥ darmāṇam ||5||

(AVŚ\_20,35.6a) asmā́ íd u tváṣṭā takṣad vájraṃ svāpastamaṃ  
svaryāṃ rāṇāya |  
(AVŚ\_20,35.6c) vṛtrasya cid vidád yéna márma tujānn íśānas tujatá  
kiyedhāḥ ||6||

(AVŚ\_20,35.7a) asyéd u mātúḥ sávanéṣu sadyó mahāḥ pitúṃ  
pāpivāṃ cārv ánnā |  
(AVŚ\_20,35.7c) muṣāyád víṣṇuḥ pacatāṃ sáhīyān vídhyad varāhāṃ  
tiró ádrim ástā ||7||

(AVŚ\_20,35.8a) asmā́ íd u gnás cid devápatnīr índrāyārkám ahihátya  
ūvuḥ |  
(AVŚ\_20,35.8c) pári dyāvāpṛthiví jabhra urví násya té mahimānaṃ  
pári ṣṭaḥ ||8||

(AVŚ\_20,35.9a) asyéd evá prá ririce mahitváṃ divás pṛthivyāḥ páry  
antárikṣāt |  
(AVŚ\_20,35.9c) svarā́l índro dáma á viśvágūrtaḥ svarír ámatro  
vavakṣe rāṇāya ||9||

(AVŚ\_20,35.10a) asyéd evá śávasā́ śuśántaṃ ví vṛ́scad vájreṇa  
vṛtrám índraḥ |  
(AVŚ\_20,35.10c) gā́ ná vrāṇá́ avánīr amuñcad abhí śrávo dāvāne  
sáčetāḥ ||10||

(AVŚ\_20,35.11a) asyéd u tveṣásā́ ranta síndhavaḥ pári yád vájreṇa  
sīm áyachat |  
(AVŚ\_20,35.11c) íśānakṛ́d dāśúṣe daśasyán turvítaye gādhāṃ  
turvánīḥ káḥ ||11||

(AVŚ\_20,35.12a) asmā́ íd u prá bharā́ tūtujāno vṛtrāya vájraṃ  
íśānaḥ kiyedhāḥ |  
(AVŚ\_20,35.12c) gór ná párvatá ví radā tiraścéṣyann árṇāṃsy apāṃ  
carádhyai ||12||

(AVŚ\_20,35.13a) asyéd u prá brūhi pūrvyāṇi turásya kármāṇi návya  
ukthāiḥ |  
(AVŚ\_20,35.13c) yudhé yád iṣṇāná́ áyudhāny ṛghāyāmāṇo niriṇáti  
śátrūn ||13||

(AVŚ\_20,35.14a) asyéd u bhiyá giráyaś ca dṛlḥá́ dyāvā́ ca bhúmā  
janúṣas tujete |  
(AVŚ\_20,35.14c) úpo venásya jóguvāna oṇīm sadyó bhuvad víryāya  
nodhāḥ ||14||

(AVŚ\_20,35.15a) asmā́ íd u tyád ánu dāyy eṣām éko yád vavné  
bhúrér íśānaḥ |  
(AVŚ\_20,35.15c) práitaśaṃ sūrye paspṛdhānaṃ sáuvaśvye súṣvim

āvad índrah ||15||

(AVŚ\_20,35.16a) evá te hāriyojanā suvr̥ktíndra bráhmāṇi gótamāso  
akran |

(AVŚ\_20,35.16c) áiṣu viśvápeśasaṃ dhíyaṃ dhāḥ prātár makṣú  
dhiyāvasur jagamyāt ||16||

(AVŚ\_20,36.1a) yá éka íd dhāvyaś carṣaṇīnām índraṃ tám gīrbhír  
abhy àrca ābhíḥ |

(AVŚ\_20,36.1c) yáḥ pátyate vṛṣabhó vṛṣṇyāvānt satyáḥ sátvā  
purumāyáḥ sáhasvān ||1||

(AVŚ\_20,36.2a) tám u naḥ pūrve pitáro návagvāḥ saptá víprāso abhí  
vājáyantaḥ |

(AVŚ\_20,36.2c) nakṣaddābhām táturim parvateṣṭhām  
ádroghavācam matíbhiḥ śáviṣṭham ||2||

(AVŚ\_20,36.3a) tám īmahe índram asya rāyáḥ puruvírasya nṛvātaḥ  
puruḁśóḥ |

(AVŚ\_20,36.3c) yó áṣkr̥dhoyur ajáraḥ svàrvān tám á bhara harivo  
mādayádhyai ||3||

(AVŚ\_20,36.4a) tán no ví voco yádi te purá cij jaritāra ānaśúḥ  
sumnām indra |

(AVŚ\_20,36.4c) kás te bhāgáḥ kíṃ váyo dudhra khiduḥ púruhūta  
purūvaso 'suraghnáḥ ||4||

(AVŚ\_20,36.5a) tám pṛchántī vājrahastaṃ ratheṣṭhām índraṃ vépī  
vākvārī yásya nú gíḥ |

(AVŚ\_20,36.5c) tuvigrābhām tuvikūrmím rabhodām gātúm íṣe  
nákṣate túmram ácha ||5||

(AVŚ\_20,36.6a) ayá ha tyám māyáyā vāvṛdhānām manojúvā  
svatavaḥ párvatena |

(AVŚ\_20,36.6c) ácyutā cid vīlitā svojo rujó ví dṛlhá dhṛṣatā virapśin ||  
6||

(AVŚ\_20,36.7a) tám vo dhiyá návyasyā śáviṣṭham pratnām  
pratnavát paritaṃsayádhyai |

(AVŚ\_20,36.7c) sá no vakṣad animānáḥ suváhnéndro víśvāny áti  
durgáhāṇi ||7||

(AVŚ\_20,36.8a) á jánāya drúhvaṇe pāṛthivāni divyāni dīpayo  
'ntárikṣā |

(AVŚ\_20,36.8c) tápā vṛṣan viśvātaḥ śócíṣā tán brahmadvíṣe śócaya  
kṣām apás ca ||8||

(AVŚ\_20,36.9a) bhúvo jánasya divyásya rájā párthivasya jágatas  
tveṣasaṃdr̥k |

(AVŚ\_20,36.9c) dhiṣvá vājraṃ dákṣiṇa indra háste víśvā ajurya  
dayase ví māyāḥ ||9||

(AVŚ\_20,36.10a) ā saṃyátam indra ṇaḥ svastíṃ śatrutúryāya  
br̥hatīm ámr̥dhrām |

(AVŚ\_20,36.10c) yáyā dāsāny áryāṇi vṛtrá káro vajrint sutúkā  
náhuṣāṇi ||10||

(AVŚ\_20,36.11a) sá no niyúdbhiḥ puruhūta vedho viśvāvārābhir ā  
gahi prayajyo |

(AVŚ\_20,36.11c) ná yā ádevo várate ná devá ābhir yāhi túyam ā  
madryadrík ||11||

(AVŚ\_20,37.1a) yás tigmásṛṅgo vṛṣabhó ná bhīmáḥ ékaḥ kṛṣṭís  
cyavāyati prá víśvāḥ |

(AVŚ\_20,37.1c) yāḥ śásvato ádāsuṣo gáyasya prayantási  
súṣvitarāya védaḥ ||1||

(AVŚ\_20,37.2a) tvám ha tyád indra kútsam āvaḥ súśrūṣamāṇas  
tanvā samaryé |

(AVŚ\_20,37.2c) dāsaṃ yác súṣṇam kúyavaṃ ny àsmā árandhaya  
āṛjuneyāya śíkṣan ||2||

(AVŚ\_20,37.3a) tvám dhṛṣṇo dhṛṣatā vītáhavyaṃ právo víśvābhir  
ūtíbhīḥ sudāsam |

(AVŚ\_20,37.3c) prá páurukutsim trasádasyum āvaḥ kṣétrasātā  
vṛtrahátyeṣu pūrúm ||3||

(AVŚ\_20,37.4a) tvám nṛbhir nṛmaṇo devávītau bhúrīṇi vṛtrá  
haryaśva haṃsi |

(AVŚ\_20,37.4c) tvám ní dásyum cúmuriṃ dhúniṃ cāsvāpayo  
dabhītaye suhántu ||4||

(AVŚ\_20,37.5a) táva cyautnāni vajrahasta táni náva yát púro  
navatīm ca sadyāḥ |

(AVŚ\_20,37.5c) nivésane śatatamāvivēṣīr áhaṃ ca vṛtrám námucim  
utáhan ||5||

(AVŚ\_20,37.6a) sánā tā ta indra bhójanāni rātáhavyāya dāsúṣe  
sudāse |

(AVŚ\_20,37.6c) vṛṣṇe te hárī vṛṣaṇā yunajmi vyántu bráhmāṇi  
puruśāka vājam ||6||

(AVŚ\_20,37.7a) má te asyám sahasāvan páriṣṭāv aghāya bhūma  
harivaḥ parādáu |

(AVŚ\_20,37.7c) tráyasva no 'vrkébhir várūthais táva priyāsaḥ sūrīṣu syāma ||7||

(AVŚ\_20,37.8a) priyāsa ít te maghavann abhiṣṭau náro madema śaraṇé sakhāyaḥ |

(AVŚ\_20,37.8c) ní turvásaṃ ní yádvaṃ śísīhy atithigváya śamsyaṃ kariṣyān ||8||

(AVŚ\_20,37.9a) śadyás cin nú te maghavann abhiṣṭau náraḥ śamsanty ukthaśśasa ukthá |

(AVŚ\_20,37.9c) yé te hávebhir ví paṇíṃr ádāśann asmán vr̥ṇīṣva yújyāya tásmāi ||9||

(AVŚ\_20,37.10a) eté stómā narāṃ nṛtama túbhyam asmadryāñco dádaṭo maghāni |

(AVŚ\_20,37.10c) téṣāṃ indra vr̥trahátye śívó bhūḥ sakhā ca súro 'vitá ca nṛṇām ||10||

(AVŚ\_20,37.11a) nú indra sūra stávamāna ūtí bráhmajūtas tanvā vāvṛdhasva |

(AVŚ\_20,37.11c) úpa no vājān mimīhy úpa stín yuyám pāta svastībhiḥ sádā naḥ ||11||

(AVŚ\_20,38.1a) á yāhi suṣumá hí ta índra sómaṃ píbā imám |

(AVŚ\_20,38.1c) édám barhíḥ sado máma ||1||

(AVŚ\_20,38.2a) á tvā brahmayújā hárī váhatām indra keśínā |

(AVŚ\_20,38.2c) úpa bráhmāṇi naḥ śṛṇu ||2||

(AVŚ\_20,38.3a) brahmāṇas tvā vayám yujá somapám indra somínaḥ |

(AVŚ\_20,38.3c) sutāvanto havāmahe ||3||

(AVŚ\_20,38.4a) índram íd gāthíno bṛhád índram arkébhir arkínaḥ |

(AVŚ\_20,38.4c) índraṃ vāṇīr anūṣata ||4||

(AVŚ\_20,38.5a) índra íd dháryoḥ sácā sám̐míśla á vacoyújā |

(AVŚ\_20,38.5c) índro vajrí hiraṇyáyaḥ ||5||

(AVŚ\_20,38.6a) índro dīrghāya cákṣasa á súryaṃ rohayad diví |

(AVŚ\_20,38.6c) ví góbhir ádrim airayat ||6||

(AVŚ\_20,39.1a) índraṃ vo viśvátas pári hávāmahe jánebhyaḥ |

(AVŚ\_20,39.1c) asmákam astu kévalaḥ ||1||



(AVŚ\_20,39.2a) vy àntárikṣam atiran máde sómasya rocaná |  
(AVŚ\_20,39.2c) índro yád ábhinad valám ||2||

(AVŚ\_20,39.3a) úd gá ājad āngirobhya āviṣ kṛṇván gúhā satíḥ |  
(AVŚ\_20,39.3c) arvāñcam nunude valám ||3||

(AVŚ\_20,39.4a) índreṇa rocaná divó dṛlḥāni dṛṃhitāni ca |  
(AVŚ\_20,39.4c) sthirāni ná parāṇúde ||4||

(AVŚ\_20,39.5a) apām ūrmír mādann iva stóma indrājirāyate |  
(AVŚ\_20,39.5c) ví te mādā arājiṣuḥ ||5||

(AVŚ\_20,40.1a) índreṇa sám hí dṛkṣase samjagmānó ábibhyuṣā |  
(AVŚ\_20,40.1c) mandú samānāvarcasā ||1||

(AVŚ\_20,40.2a) anavadyáir abhídyubhir makháḥ sáhasvad arcati |  
(AVŚ\_20,40.2c) gaṇáir índrasya kām̐yaiḥ ||2||

(AVŚ\_20,40.3a) ád áha svadhām ánu púnar garbhatvám eriré |  
(AVŚ\_20,40.3c) dádḥānā nāma yajñíyam ||3||

(AVŚ\_20,41.1a) índro dadhīcá asthábhir vṛtrāṇy ápratiṣkutaḥ |  
(AVŚ\_20,41.1c) jaghána navatír náva ||1||

(AVŚ\_20,41.2a) ichán áśvasya yác chíraḥ párvateṣv ápaśritam |  
(AVŚ\_20,41.2c) tát vidac charyaṇāvati ||2||

(AVŚ\_20,41.3a) átráha gór amanvata nāma tváṣtur apīcyam |  
(AVŚ\_20,41.3c) itthá candrámaso grḥé ||3||

(AVŚ\_20,42.1a) vācam aṣṭāpadīm ahám návasraktim ṛtaspr̥śam |  
(AVŚ\_20,42.1c) índrāt pári tanvām mame ||1||

(AVŚ\_20,42.2a) ánu tvā ródasī ubhé krákṣamāṇam akṛpetām |  
(AVŚ\_20,42.2c) índra yád dasyuhábhavaḥ ||2||

(AVŚ\_20,42.3a) uttiṣṭhann ójasā sahá pītṛvī sípre avepayah |  
(AVŚ\_20,42.3c) sómam indra camú sutám ||3||

(AVŚ\_20,43.1a) bhindhí vísvā ápa dvíṣaḥ bádhō jahí mṛdhaḥ |  
(AVŚ\_20,43.1c) vásu spārhám tát á bhara ||1||

(AVŚ\_20,43.2a) yád vīlāv indra yát sthiré yát pársāne párābhṛtam |  
(AVŚ\_20,43.2c) vásu spārhām tád á bhara ||2||

(AVŚ\_20,43.3a) yásya te víśvāmānuṣo bhúrér dattásya védati |  
(AVŚ\_20,43.3c) vásu spārhām tád á bhara ||3||

(AVŚ\_20,44.1a) prá samrájaṃ carṣaṇīnām índraṃ stotā návyam  
gīrbhīḥ |  
(AVŚ\_20,44.1c) náraṃ nṛṣāhaṃ māmhiṣṭham ||1||

(AVŚ\_20,44.2a) yásminn ukthāni ráṇyanti víśvāni ca śravasya |  
(AVŚ\_20,44.2c) apām ávo ná samudré ||2||

(AVŚ\_20,44.3a) tám suṣṭutyā vivāse jyeṣṭharājaṃ bhāre kṛtnúm |  
(AVŚ\_20,44.3c) mahó vājínaṃ saníbhyaḥ ||3||

(AVŚ\_20,45.1a) ayám u te sám atasi kapóta iva garbhadhím |  
(AVŚ\_20,45.1c) vácas tác cin na ohase ||1||

(AVŚ\_20,45.2a) stotrām rādhānām pate gírvāho vīra yásya te |  
(AVŚ\_20,45.2c) víbhūtír astu sūnṛtā ||2||

(AVŚ\_20,45.3a) ūrdhvás tiṣṭhā na ūtāye 'smín vāje śatakrato |  
(AVŚ\_20,45.3c) sám anyéṣu bravāvahai ||3||

(AVŚ\_20,46.1a) praṇetāram vásyo áchā kártāram jyótiḥ samátsu |  
(AVŚ\_20,46.1c) sāsahvāmsam yudhāmítrān ||1||

(AVŚ\_20,46.2a) sá naḥ pápriḥ pārayāti svastí nāvā puruhūtáḥ |  
(AVŚ\_20,46.2c) índro víśvā áti dvíṣaḥ ||2||

(AVŚ\_20,46.3a) sá tvám na indra vājobhir daśasyā ca gātuyā ca |  
(AVŚ\_20,46.3c) áchā ca naḥ sumnáṃ neṣi ||3||

(AVŚ\_20,47.1a) tám índraṃ vājayāmasi mahé vṛtráya hántave |  
(AVŚ\_20,47.1c) sá vṛṣā vṛṣabhó bhuvat ||1||

(AVŚ\_20,47.2a) índraḥ sá dāmane kṛtá ójiṣṭhaḥ sá máde hitáḥ |  
(AVŚ\_20,47.2c) dyumní ślokí sá somyáḥ ||2||

(AVŚ\_20,47.3a) girá vájro ná sám̐bhṛtaḥ sábalō ánapacyutaḥ |  
(AVŚ\_20,47.3c) vavakṣá ṛṣvó ástṛtaḥ ||3||

(AVŚ\_20,47.4a) índram íd gāthíno bṛhád índram arkébhīr arkíṇaḥ |  
(AVŚ\_20,47.4c) índram vāñīr anūṣata ||4||

(AVŚ\_20,47.5a) índra íd dháryoḥ sácā sám̐mīśla á vacoyújā |  
(AVŚ\_20,47.5c) índro vajrí hiraṇyáyaḥ ||5||

(AVŚ\_20,47.6a) índro dīrghāya cákṣasa á súryam rohayad diví |  
(AVŚ\_20,47.6c) ví góbhīr ádrim airayat ||6||

(AVŚ\_20,47.7a) á yāhi suṣumā hí ta índra sómam píbā imám |  
(AVŚ\_20,47.7c) édám barhíḥ sado máma ||7||

(AVŚ\_20,47.8a) á tvā brahmayújā hārī váhatām indra keśínā |  
(AVŚ\_20,47.8c) úpa bráhmāṇi naḥ śṛṇu ||8||

(AVŚ\_20,47.9a) brahmāṇas tvā vayám yujā somapám indra somínaḥ |  
(AVŚ\_20,47.9c) sutāvanto havāmahe ||9||

(AVŚ\_20,47.10a) yuñjānti bradhnám aruṣám cárantaṁ pári  
tasthúṣaḥ |  
(AVŚ\_20,47.10c) rócante rocanā diví ||10||

(AVŚ\_20,47.11a) yuñjānty asya kām̐yā hārī vípakṣasā rát̐he |  
(AVŚ\_20,47.11c) sóṇā dhṛṣṇú nṛvāhasā ||11||

(AVŚ\_20,47.12a) ketúm̐ kṛṇvānn aketáve péso maryā apeśāse |  
(AVŚ\_20,47.12c) sám̐ uṣádbhīr ajāyathāḥ ||12||  
(AVŚ\_20,47.13a) úd u tyám̐ jātávedasam̐ devám̐ vahanti ketávaḥ |  
(AVŚ\_20,47.13c) dṛśé víśvāya súryam ||13||

(AVŚ\_20,47.14a) ápa tyé tāyávo yathā nákṣatrā yanty aktúbhiḥ |  
(AVŚ\_20,47.14c) súrāya víśvácakṣase ||14||

(AVŚ\_20,47.15a) ádr̥ṣrann asya ketávo ví raśmáyo jánāṁ̐ ánu |  
(AVŚ\_20,47.15c) bhrájanto agnáyo yathā ||15||

(AVŚ\_20,47.16a) tarāñīr víśvadarśato jyotiṣkṛd̐ asi sūrya |  
(AVŚ\_20,47.16c) víśvam̐ á bhāsi rocana ||16||

(AVŚ\_20,47.17a) pratyán̐ devánām̐ vísaḥ pratyán̐ úd eṣi mánuṣīḥ |  
(AVŚ\_20,47.17c) pratyán̐ víśvam̐ svār dṛśé ||17||

(AVŚ\_20,47.18a) yénā pāvaka cákṣasā bhuṛaṇyántam̐ jánāṁ̐ ánu |  
(AVŚ\_20,47.18c) tvám̐ varuṇa pásyasi ||18||

(AVŚ\_20,47.19a) ví dyām eṣi rájas pṛthv áhar mímāno aktúbhiḥ |  
(AVŚ\_20,47.19c) páśyaṃ jánmāni sūrya ||19||

(AVŚ\_20,47.20a) saptá tvā haríto ráthe váhanti deva sūrya |  
(AVŚ\_20,47.20c) śocíṣkeśaṃ vicakṣaṇám ||20||

(AVŚ\_20,47.21a) áyukta saptá śundhyúvaḥ sūro ráthasya napytāḥ |  
(AVŚ\_20,47.21c) tābhir yāti sváyuktibhiḥ ||21||

(AVŚ\_20,48.1a) abhí tvā várcasā gíraḥ siñcánty ā caranyúvaḥ |  
(AVŚ\_20,48.1c) abhí vatsám ná dhenávaḥ ||1||

(AVŚ\_20,48.2a) tá arṣanti śubhríyaḥ pṛñcatír várcasā páyaḥ |  
(AVŚ\_20,48.2c) jātám jánir yáthā hṛdā ||2||

(AVŚ\_20,48.3a) vájrāpavasādhyāḥ kīrtír mriyámāṇam āvahan |  
(AVŚ\_20,48.3c) máhyam áyur ghṛtám páyaḥ ||3||

(AVŚ\_20,48.4a) áyám gáuḥ pṛśnir akramīd ásadān mātāraṃ purāḥ |  
(AVŚ\_20,48.4c) pitāraṃ ca prayánt svāḥ ||4||

(AVŚ\_20,48.5a) antás carati rocanā asyá prāṇād apānatāḥ |  
(AVŚ\_20,48.5c) vy àkhyān mahiṣāḥ svāḥ ||5||

(AVŚ\_20,48.6a) triṃśád dhāmā ví rājati vāk pataṅgó asísriyat |  
(AVŚ\_20,48.6c) prāti vāstor áhar dyúbhiḥ ||6||

(AVŚ\_20,49.1a) yác chakrá vácama áruhann antárikṣaṃ siṣāsathāḥ |  
(AVŚ\_20,49.1c) sám devā amadan vṛṣā ||1||

(AVŚ\_20,49.2a) śakró vácama ádhṛṣṭāyór uvāco ádhṛṣṇuhi |  
(AVŚ\_20,49.2c) māmhiṣṭha ā madardívi ||2||

(AVŚ\_20,49.3a) śakró vácama ádhṛṣṇuhi dhāmadharman ví rājati |  
(AVŚ\_20,49.3c) vímadan barhír āsaran ||3||

(AVŚ\_20,49.4a) tám vo dasmám ṛtīśāhaṃ vásor mandānám  
ándhasaḥ |  
(AVŚ\_20,49.4c) abhí vatsám ná svásareṣu dhenáva índraṃ gīrbhír  
navāmahe ||4||

(AVŚ\_20,49.5a) dyukṣám sudānum táviṣībhir āvṛtam girím ná  
puruḥhójasam |  
(AVŚ\_20,49.5c) kṣumántam vājaṃ sátínaṃ sahasríṇam makṣú  
gómāntam īmahe ||5||

(AVŚ\_20,49.6a) tát tvā yāmi suvīryaṃ tād bráhma pūrvácittaye |  
(AVŚ\_20,49.6c) yénā yátibhyo bhṛḡgave dháne hité yéna práskaṇvam  
ávitha ||6||

(AVŚ\_20,49.7a) yénā samudráṃ ásrjo mahír apás tād indra vṛṣṇi te  
śávaḥ |  
(AVŚ\_20,49.7c) sadyáḥ só asya mahimá ná saṃnáśe yáṃ kṣoṇír  
anucakradé ||7||

(AVŚ\_20,50.1a) kán návyo atasínāṃ turó grṇīta mártyaḥ |  
(AVŚ\_20,50.1c) nahí nv àsya mahimánam indriyáṃ svàr grṇánta  
ānaśūḥ ||1||

(AVŚ\_20,50.2a) kád u stuvánta ṛtayanta deváta ṛṣiḥ kó vípra ohate |  
(AVŚ\_20,50.2c) kadá hávaṃ maghavann indra sunvatáḥ kád u  
stuvatá á gamah ||2||

(AVŚ\_20,51.1a) abhí prá vaḥ surádhasam índram arca yáthā vidé |  
(AVŚ\_20,51.1c) yó jaritṛbhyo maghávā purūvásuḥ sahásreṇeva  
śikṣāti ||1||

(AVŚ\_20,51.2a) śatānīkeva prá jigāti dhṛṣṇuyá hanti vṛtrāṇi dāśúṣe |  
(AVŚ\_20,51.2c) girér iva prá rāsā asya pinvire dátṛāṇi purubhójasaḥ  
||2||

(AVŚ\_20,51.3a) prá sú śrutáṃ surádhasam árcā śakráṃ abhíṣṭaye |  
(AVŚ\_20,51.3c) yáḥ sunvaté stuvaté kámyaṃ vásu sahásreṇeva  
mámhate ||3||

(AVŚ\_20,51.4a) śatānīkā hetáyo asya duṣṭārā índrasya samíšo  
mahīḥ |  
(AVŚ\_20,51.4c) girír ná bhujmá maghátsu pinvate yád īṃ sutá  
ámandiṣuḥ ||4||

(AVŚ\_20,52.1a) vayáṃ gha tvā sutávanta ápo ná vṛktábarhiṣaḥ |  
(AVŚ\_20,52.1c) pavítrasya prasrávaṇeṣu vṛtrahan pári stotára āsate  
||1||

(AVŚ\_20,52.2a) sváranti tvā suté náro vásó nireká ukthínaḥ |  
(AVŚ\_20,52.2c) kadá sutáṃ tṛṣāṇá oka á gama índra svabdíva  
váṃsagaḥ ||2||

(AVŚ\_20,52.3a) káṇvebhir dhṛṣṇav á dhṛśád vājaṃ darṣi sahasríṇam  
|  
(AVŚ\_20,52.3c) piśáṅgarūpaṃ maghavan vicarṣaṇe makṣú  
gómāntam īmahe ||3||

(AVŚ\_20,53.1a) ká īṃ veda suté sácā píbantaṃ kád váyo dadhe |  
(AVŚ\_20,53.1c) ayáṃ yáh púro vibhinátty ójasā mandānáḥ śipry  
ándhasaḥ ||1||

(AVŚ\_20,53.2a) dāná mṛgó ná vāraṇáḥ purutrā caráthaṃ dadhe |  
(AVŚ\_20,53.2c) nákiṣ ṭvā ní yamad á suté gamo mahás carasy ójasā  
||2||

(AVŚ\_20,53.3a) yá ugráḥ sánn ániṣṭṛta sthiró ráṇāya sámśkr̥taḥ |  
(AVŚ\_20,53.3c) yádi stotúr maghávā śṛṇavad dhávaṃ néndro yoṣaty  
á gamat ||3||

(AVŚ\_20,54.1a) víśvāḥ pṛtanā abhibhútaraṃ náraṃ sajús tataksur  
índraṃ jajanús ca rājāse |  
(AVŚ\_20,54.1c) krátvā váriṣṭhaṃ vára āmúrim utógrām ójiṣṭhaṃ  
tavásam tarasvínam ||1||

(AVŚ\_20,54.2a) sám īṃ rebhāso asvarann índraṃ sómasya pītáye |  
(AVŚ\_20,54.2c) svàrpatiṃ yád īṃ vṛdhé dhṛtávratō hy ójasā sám  
ūtíbhīḥ ||2||

(AVŚ\_20,54.3a) nemīm namanti cákṣasā meṣám víprā abhisvárā |  
(AVŚ\_20,54.3c) sudītáyo vo adrúho 'pi kárṇe tarasvínāḥ sám  
ṛkvabhiḥ ||3||

(AVŚ\_20,55.1a) tám índraṃ johavīmi maghávānam ugráṃ satrá  
dádḥānam ápratiṣkutaṃ śávāṃsi |  
(AVŚ\_20,55.1c) māmhiṣṭho gīrbhír á ca yajñíyo vavártad rāyé no  
víśvā supáthā kṛṇotu vajrí ||1||

(AVŚ\_20,55.2a) yá indra bhúja ábharah svárvāṃ ásurebhyaḥ |  
(AVŚ\_20,55.2c) stotāram ín maghavann asya vardhaya yé ca tvé  
vṛktábarhiṣaḥ ||2||

(AVŚ\_20,55.3a) yám indra dadhiṣé tvám áśvaṃ gām bhāgám  
ávyayam |  
(AVŚ\_20,55.3c) yájamāne sunvatí dáksīṇāvati tásmin tám dhehi má  
paṇáu ||3||

(AVŚ\_20,56.1a) índro mādāya vāvṛdhe śávase vṛtrahá nṛbhiḥ |  
(AVŚ\_20,56.1c) tám ín mahátstv ājīṣūtém árbhe havāmahe sá vājeṣu  
prá nō 'viṣat ||1||

(AVŚ\_20,56.2a) ási hí vīra sényo 'si bhūri parādadíḥ |  
(AVŚ\_20,56.2c) ási dabhrásya cid vṛdhó yajamānāya śikṣasi sunvaté  
bhūri te vásu ||2||

(AVŚ\_20,56.3a) yád udírata ājáyō dhṛṣṇáve dhīyate dhánā |  
(AVŚ\_20,56.3c) yukṣvá madacyútā hárī kám hánaḥ kám vásau  
dadho 'smāñ indra vásau dadhaḥ ||3||

(AVŚ\_20,56.4a) mādemade hí no dadír yūthá gávām ṛjukrátuḥ |  
(AVŚ\_20,56.4c) sám gṛbhāya purú śatóbhayāhastyá vásu śísīhí rāyá  
ā bhara ||4||

(AVŚ\_20,56.5a) mādāyasva suté sácā śávase śūra rádhase |  
(AVŚ\_20,56.5c) vidmá hí tvā purūvásuṃ úpa kāmānt sasṛjmáhé 'thā  
no 'vitā bhava ||5||

(AVŚ\_20,56.6a) eté ta indra jantávo viśvaṃ puṣyanti vāryam |  
(AVŚ\_20,56.6c) antár hí khyó jánānām aryó védo ádāśuṣām téṣām  
no véda ā bhara ||6||

(AVŚ\_20,57.1a) surūpakṛtnúm ūtáye sudúghām iva godúhe |  
(AVŚ\_20,57.1c) juhūmási dyávidyavi ||1||

(AVŚ\_20,57.2a) úpa naḥ sávaná gahi sómasya somapāḥ piba |  
(AVŚ\_20,57.2c) godá íd reváto mádaḥ ||2||

(AVŚ\_20,57.3a) áthā te ántamānām vidyāma sumatīnām |  
(AVŚ\_20,57.3c) má no áti khya ā gahi ||3||

(AVŚ\_20,57.4a) śuṣmíntamaṃ na ūtáye dyumnínam pāhi jágṛvim |  
(AVŚ\_20,57.4c) índra sómaṃ śatakrato ||4||

(AVŚ\_20,57.5a) indriyāṇi śatakrato yá te jáneṣu pañcásu |  
(AVŚ\_20,57.5c) índra táni ta ā vṛṇe ||5||

(AVŚ\_20,57.6a) ágann indra śrávo bṛhád dyumnám dadhiṣva  
duṣṭāram |  
(AVŚ\_20,57.6c) út te śúṣmaṃ tirāmasi ||6||

(AVŚ\_20,57.7a) arvāváto na ā gahy átho śakra parāvataḥ |

(AVŚ\_20,57.7c) u lokó yás te adriva índrehá tata á gahi ||7||

(AVŚ\_20,57.8a) índro aṅgá mahád bhayám abhí śád ápa cucyavat |  
(AVŚ\_20,57.8c) sá hí sthiró vícarṣaniḥ ||8||

(AVŚ\_20,57.9a) índraś ca mṛláyāti no ná naḥ paścād aghám naśat |  
(AVŚ\_20,57.9c) bhadram bhavāti naḥ puráḥ ||9||

(AVŚ\_20,57.10a) indra áśābhyas pári sárvaḥbhyo ábhayaṁ karat |  
(AVŚ\_20,57.10c) jētā śātrūn vícarṣaniḥ ||10||

(AVŚ\_20,57.11a) ká īm veda suté sácā píbantaṁ kád váyo dadhe |  
(AVŚ\_20,57.11c) ayám yáḥ púro vibhináṭty ójasā mandānáḥ śipry  
ándhasaḥ ||11||

(AVŚ\_20,57.12a) dāná mṛgó ná vāraṇáḥ purutrā caráthaṁ dadhe |  
(AVŚ\_20,57.12c) nákiṣ ṭvā ní yamad á suté gamo mahámś carasy  
ójasā ||12||

(AVŚ\_20,57.13a) yá ugráḥ sánn ániṣṭṛta sthiró ráṇāya sámśkṛtaḥ |  
(AVŚ\_20,57.13c) yádi stotúr maghávā śṛṇávad dhávaṁ néndro  
yoṣaty á gamat ||13||

(AVŚ\_20,57.14a) vayám gha tvā sutávanta ápo ná vṛktábarhiṣaḥ |  
(AVŚ\_20,57.14c) pavítrasya prasrávaṇeṣu vṛtrahan pári stotāra  
āsatē ||14||

(AVŚ\_20,57.15a) sváranti tvā suté náro váso nireká ukthínaḥ |  
(AVŚ\_20,57.15c) kadā sutám tṛṣṇā óka á gama índra svabdíva  
váṁsagaḥ ||15||

(AVŚ\_20,57.16a) káṇvebhir dhr̥ṣṇav á dhr̥śád vájaṁ darṣi  
sahasríṇam |  
(AVŚ\_20,57.16c) piśāṅgarūpaṁ maghavan vicarṣaṇe makṣú  
gómāntam īmahe ||16||

(AVŚ\_20,58.1a) śráyanta iva sūryaṁ víśvéd índrasya bhakṣata |  
(AVŚ\_20,58.1c) vásūni jāté jánamāna ójasā práti bhāgám ná  
dīdhima ||1||

(AVŚ\_20,58.2a) ánarśarātiṁ vasudām úpa stuhi bhadrá índrasya  
rātáyaḥ |  
(AVŚ\_20,58.2c) só asya kāmāṁ vidható ná roṣati máno dānáya  
codáyan ||2||

(AVŚ\_20,58.3a) bāṇ mahám̐ asi sūrya bād āditya mahám̐ asi |  
(AVŚ\_20,58.3c) mahás te sató mahimā panasyate 'ddhá deva



mahám̐ asi ||3||

(AVŚ\_20,58.4a) bát sūrya śrávasā mahám̐ asi satrá deva mahám̐ asi  
|  
(AVŚ\_20,58.4c) mahná devānām asuryāḥ puróhito vibhú jyótir  
ádābhyam ||4||

(AVŚ\_20,59.1a) úd u tyé mādhu mattamā gíra stómāsa īrate |  
(AVŚ\_20,59.1c) satrājító dhanasā ákṣitotayo vājayánto ráthā iva ||1||

(AVŚ\_20,59.2a) kánvā iva bhṛgavaḥ sūrya iva víśvam íd dhítam  
ānaśuḥ |  
(AVŚ\_20,59.2c) índraṃ stómebhir maháyanta āyávaḥ priyāmedhāso  
asvarān ||2||

(AVŚ\_20,59.3a) úd ín nv āsya ricyaté 'mśo dhánaṃ ná jigyúsaḥ |  
(AVŚ\_20,59.3c) yá índro hárivān ná dabhanti tám ripo dákṣaṃ  
dadhāti somíni ||3||

(AVŚ\_20,59.4a) mántram ákharvaṃ súdhitam supésasaṃ dádhāta  
yajñíyeṣv ā |  
(AVŚ\_20,59.4c) pūrvís caná prásitayas taranti tám yá índre kármaṇā  
bhúvat ||4||

(AVŚ\_20,60.1a) evā hy ási vīrayúr evā súra utá sthiráḥ |  
(AVŚ\_20,60.1c) evā te rádhyam mánaḥ ||1||

(AVŚ\_20,60.2a) evā rātís tuvīmagha víśvebhir dhāyi dhātṛbhiḥ |  
(AVŚ\_20,60.2c) ághā cid indra me sácā ||2||

(AVŚ\_20,60.3a) mó śú brahméva tandrayúr bhúvo vājānām pate |  
(AVŚ\_20,60.3c) mátsvā sutásya gómataḥ ||3||

(AVŚ\_20,60.4a) evā hy āsya sūnṛtā virapśí gómatī mahí |  
(AVŚ\_20,60.4c) pakvā śákhā ná dāsúṣe ||4||

(AVŚ\_20,60.5a) evā hí te víbhūtaya ūtāya indra māvate |  
(AVŚ\_20,60.5c) sadyás cit sánti dāsúṣe ||5||

(AVŚ\_20,60.6a) evā hy āsya kámyā stóma uktháṃ ca sám̐syā |  
(AVŚ\_20,60.6c) índrāya sómapītaye ||6||

(AVŚ\_20,61.1a) tám te mádaṃ gr̥ṇīmasi vṛṣaṇaṃ pṛtsú sāsahím |  
(AVŚ\_20,61.1c) u lokakṛtnúm adrivo hariśríyam ||1||

(AVŚ\_20,61.2a) yéna jyótīmṣy āyáve mánave ca vivéditha |  
(AVŚ\_20,61.2c) mandānó asyá barhíṣo ví rājasi ||2||

(AVŚ\_20,61.3a) tát adyá cit ta ukthínó 'nu ṣṭuvanti pūrváthā |  
(AVŚ\_20,61.3c) vṛṣapatnīr apó jayā divédive ||3||

(AVŚ\_20,61.4a) tám v abhí prá gāyata puruhūtām puruṣtutam |  
(AVŚ\_20,61.4c) índram gīrbhís taviśám á vivāsata ||4||  
(AVŚ\_20,61.5a) yásya dvibārhaso bṛhát sáho dādhāra ródasī |  
(AVŚ\_20,61.5c) girīm̐r ájrām̐ apáh svàr vṛṣatvaná ||5||

(AVŚ\_20,61.6a) sá rājasi puruṣtutam̐ éko vṛtrāṇi jighnase |  
(AVŚ\_20,61.6c) índra jáitrā śravasya ca yántave ||6||

(AVŚ\_20,62.1a) vayám u tvām apūrvya sthūrām ná kác cid bháranto  
'vasyāvaḥ |  
(AVŚ\_20,62.1c) vāje citrām havāmahe ||1||

(AVŚ\_20,62.2a) úpa tvā kármann ūtāye sá no yúvográs cakrāma yó  
dhr̥ṣat |  
(AVŚ\_20,62.2c) tvām íd dhy àvitāram vavṛmāhe sákhāya indra  
sānasīm ||2||

(AVŚ\_20,62.3a) yó na idámidaṃ purá prá vāsya ānināya tám u va  
stuṣe |  
(AVŚ\_20,62.3c) sákhāya índram ūtāye ||3||

(AVŚ\_20,62.4a) háryaśvaṃ sátpatiṃ carṣaṇīśaṃ sá hí ṣmā yó  
ámandata |  
(AVŚ\_20,62.4c) á tú naḥ sá vayati gávyam ásvyam stotṛbhyo  
maghāvā śatám ||4||

(AVŚ\_20,62.5a) índrāya sáma gāyata víprāya bṛhaté bṛhát |  
(AVŚ\_20,62.5c) dharmakṛte vipaścíte panasyáve ||5||

(AVŚ\_20,62.6a) tvām indrābhibhūr asi tvām sūryam arocayaḥ |  
(AVŚ\_20,62.6c) viśvákarmā viśvádevo mahām̐ asi ||6||

(AVŚ\_20,62.7a) vibhrājāṃ jyótiṣā svàr ágacho rocanām diváh |  
(AVŚ\_20,62.7c) devás ta indra sakhyāya yemire ||7||

(AVŚ\_20,62.8a) tám v abhí prá gāyata puruhūtām puruṣtutam |  
(AVŚ\_20,62.8c) índram gīrbhis taviśám á vivāsata ||8||

(AVŚ\_20,62.9a) yásya dvibārhaso bṛhát sáho dādhāra ródasī |  
(AVŚ\_20,62.9c) girīm̐r ájrām̐ apáh svàr vṛṣatvaná ||9||

(AVŚ\_20,62.10a) sá rājasi puruṣtutaṁ éko vṛtrāṇi jighnase |  
(AVŚ\_20,62.10c) índra jáitra śravasya ca yántave ||10||

(AVŚ\_20,63.1a) imá nú kaṁ bhúvanā sīṣadhāméndraś ca víśve ca devāḥ |  
(AVŚ\_20,63.1c) yajñam ca nas tanvaṁ ca prajām cādityáir indraḥ sahá cikṣipāti ||1||

(AVŚ\_20,63.2a) ādityáir índraḥ ságaṇo marúdbhir asmákam bhūtv avitā tanúnām |  
(AVŚ\_20,63.2c) hatváya devā ásurān yád áyan devā devatvám abhirákṣamāṇāḥ ||2||

(AVŚ\_20,63.3a) pratyáñcam arkám anayaṁ chácībhir ád ít svadhám iṣirām páry apaśyan |  
(AVŚ\_20,63.3c) ayā vājam deváhitam sanema mādema śatáhimāḥ suvīrāḥ ||3||

(AVŚ\_20,63.4a) yá éka íd vidáyate vásu mártāya dāsúṣe |  
(AVŚ\_20,63.4c) íśāno ápratiṣkuta índro aṅgá ||4||

(AVŚ\_20,63.5a) kadā mártam arādhásam padā kṣúmpam iva sphurat |  
(AVŚ\_20,63.5c) kadā naḥ súśravad gíra índro aṅgá ||5||

(AVŚ\_20,63.6a) yás cid dhí tvā bahúbhya á sutāvāṁ āvívāsati |  
(AVŚ\_20,63.6c) ugrām tát patyate śáva índro aṅgá ||6||

(AVŚ\_20,63.7a) yá indra somapátamo mádaḥ śaviṣṭha cétati |  
(AVŚ\_20,63.7c) yénā háṁsi ny àttrīṇam tám īmahe ||7||

(AVŚ\_20,63.8a) yénā dásagvam ádhriguṁ vepáyantam svàṇaram |  
(AVŚ\_20,63.8c) yénā samudrám ávithā tám īmahe ||8||

(AVŚ\_20,63.9a) yéna síndhuṁ mahír apó ráthāṁ iva pracodáyaḥ |  
(AVŚ\_20,63.9c) pánthām ṛtásya yátave tám īmahe ||9||

(AVŚ\_20,64.1a) éndra no gadhi priyáḥ satrājíd ágohyaḥ |  
(AVŚ\_20,64.1c) girír ná víśvátas pṛthúḥ pátir diváḥ ||1||

(AVŚ\_20,64.2a) abhí hí satya somapā ubhé babhútha ródasī |  
(AVŚ\_20,64.2c) índrási sunvató vṛdháḥ pátir diváḥ ||2||

(AVŚ\_20,64.3a) tvám hí śásvatīnām índra dartá purám ási |  
(AVŚ\_20,64.3c) hantá dásyor mánor vṛdháḥ pátir diváḥ ||3||

(AVŚ\_20,64.4a) éd u mádhvo madíntaraṃ siñcá vādhvaryo  
ándhasaḥ |

(AVŚ\_20,64.4c) evā hí vīrá stávate sadāvṛdhaḥ ||4||

(AVŚ\_20,64.5a) índra sthātar harīṇāṃ nákiṣ te pūrvyástutim |

(AVŚ\_20,64.5c) úd ānaṃśa śávasā ná bhandānā ||5||

(AVŚ\_20,64.6a) tám vo vājānāṃ pátim áhūmahi śravasyávaḥ |

(AVŚ\_20,64.6c) áprāyubhir yajñébhīr vāvṛdhényam ||6||

(AVŚ\_20,65.1a) éto nv índraṃ stávāma sákhāya stómyaṃ náram |

(AVŚ\_20,65.1c) kuṣṭīr yó víśvā abhy àsty éka ít ||1||

(AVŚ\_20,65.2a) ágorudhāya gavīṣe dyukṣāya dásmyaṃ vácaḥ |

(AVŚ\_20,65.2c) ghṛtāt svādīyo mádhunaś ca vocata ||2||

(AVŚ\_20,65.3a) yásyāmitāni vīryā ná rádhāḥ páryetave |

(AVŚ\_20,65.3c) jyótir ná víśvam abhy ásti dákṣiṇā ||3||

(AVŚ\_20,66.1a) stuhíndraṃ vyaśvavád ánūrmim vājínaṃ yámaṃ |

(AVŚ\_20,66.1c) aryó gáyam máṃhamānaṃ ví dāśúṣe ||1||

(AVŚ\_20,66.2a) evā nūnám úpa stuhi váiyaśva daśamám návam |

(AVŚ\_20,66.2c) súvidvāṃsaṃ carḁṛtyaṃ carāṇīnām ||2||

(AVŚ\_20,66.3a) vétthā hí nírṛtīnāṃ vájrahasta parivṛjam |

(AVŚ\_20,66.3c) áharahaḥ śundhyúḥ paripádām iva ||3||

(AVŚ\_20,67.1a) vanóti hí sunván kṣáyam párīṇasaḥ sunvānó hí śmā  
yájaty áva dvíṣo devānām áva dvíṣaḥ |

(AVŚ\_20,67.1c) sunvāná ít siṣāsati sahásrā vājy ávṛtaḥ |

(AVŚ\_20,67.1e) sunvānáyéndro dadāty ābhúvaṃ rayīm dadāty  
ābhúvam ||1||

(AVŚ\_20,67.2a) mó śú vo asmád abhí tñni páuṃsyā sánā bhūvan  
dyumnāni mótá jāriṣur asmát purótá jāriṣuḥ |

(AVŚ\_20,67.2c) yád vaś citráṃ yugéyuge návyam ghóṣād ámartyam  
|

(AVŚ\_20,67.2e) asmāsu tán maruto yác ca duṣṭáraṃ didhṛtā yác ca  
duṣṭáraṃ ||2||

(AVŚ\_20,67.3a) agníṃ hótāram manye dāsvantaṃ vásum sūnúṃ

sáhaso jātávedasam vípraṃ ná jātávedasam |  
(AVŚ\_20,67.3c) yá ūrdhváyā svadhvaró devó devácyā kṛpā |  
(AVŚ\_20,67.3e) ghṛtásya víbhrāṣṭim ánu vaṣṭi śocíṣājúhvānasya  
sarpíṣaḥ ||3||

(AVŚ\_20,67.4a) yajñáih sám̐miślāḥ pṛṣatībhir ṛṣṭībhir yāmaṃ  
chubhráso añjīṣu priyá utá |  
(AVŚ\_20,67.4c) āsádyā barhír bharatasya sūnavah potrád á sómaṃ  
pibatā divo naraḥ ||4||

(AVŚ\_20,67.5a) á vakṣi devāṃ ihá vipra yákṣi cośán hotar ní ṣadā  
yóniṣu triṣú |  
(AVŚ\_20,67.5c) prāti vīhi prást̐hitam somyám mādhu píbāgnīdhrāt  
táva bhāgásya tṛṣṇuhi ||5||

(AVŚ\_20,67.6a) eṣá syá te tanvò nṛmṇavárdhanaḥ sáha ójaḥ pradívi  
bāhvór hitáḥ |  
(AVŚ\_20,67.6c) túbhyam sutó maghavan túbhyam ābhṛtas tvám  
asya bráhmaṇād á tṛpát piba ||6||

(AVŚ\_20,67.7a) yám u pūrvam áhuve tám idám huve séd u hávyo  
dadír yó náma pátyate |  
(AVŚ\_20,67.7c) adhvaryúbhiḥ prást̐hitam somyám mādhu potrát  
sómaṃ draviṇodaḥ píba ṛtúbhiḥ ||7||

(AVŚ\_20,68.1a) surūpakṛtnúm ūtáye sudúghām iva godúhe |  
(AVŚ\_20,68.1c) juhūmási dyávidyavi ||1||

(AVŚ\_20,68.2a) úpa naḥ sávanā gahi sómasya somapāḥ piba |  
(AVŚ\_20,68.2c) godá íd reváto mádaḥ ||2||

(AVŚ\_20,68.3a) áthā te ántamānām vidyāma sumatīnām |  
(AVŚ\_20,68.3c) má no áti khya á gahi ||3||

(AVŚ\_20,68.4a) párehi vígram ástr̐tam índram pṛchā vipaścítam |  
(AVŚ\_20,68.4c) yás te sákhibhya á váram ||4||

(AVŚ\_20,68.5a) utá bruvantu no nído nír anyátaś cid ārata |  
(AVŚ\_20,68.5c) dádhanā índra íd dúvaḥ ||5||

(AVŚ\_20,68.6a) utá naḥ subhágāṃ arír vocéyur dasma kṛṣṭáyah |  
(AVŚ\_20,68.6c) syáméd índrasya śármaṇi ||6||

(AVŚ\_20,68.7a) ém āśúm āśáve bhara yajñaśríyam nṛmādanam |  
(AVŚ\_20,68.7c) patayán mandayátsakham ||7||

(AVŚ\_20,68.8a) asyá pītvā śatakrato ghanó vṛtrāṇām abhavaḥ |

(AVŚ\_20,68.8c) právo vājeṣu vājínam ||8||

(AVŚ\_20,68.9a) tám tvā vājeṣu vājínam vājáyāmaḥ śatakrato |  
(AVŚ\_20,68.9c) dhánānām indra sātáye ||9||

(AVŚ\_20,68.10a) yó rāyò 'vánir mahánt supārāḥ sunvatáḥ sákhā |  
(AVŚ\_20,68.10c) tásmā índrāya gāyata ||10||

(AVŚ\_20,68.11a) á tv étā ní ṣīdaténdram abhí prá gāyata |  
(AVŚ\_20,68.11c) sákhāya stómavāhasaḥ ||11||

(AVŚ\_20,68.12a) purūtámaḥ purūṇām íśānaḥ vāryāṇām |  
(AVŚ\_20,68.12c) índraḥ sóme sácā suté ||12||

(AVŚ\_20,69.1a) sá ghā no yóga á bhuvat sá rāyé sá púraṇdhyām |  
(AVŚ\_20,69.1c) gámad vājebhir á sá naḥ ||1||

(AVŚ\_20,69.2a) yásya samsthé ná vṛṇváte hárī samátsu śátravaḥ |  
(AVŚ\_20,69.2c) tásmā índrāya gāyata ||2||

(AVŚ\_20,69.3a) sutapāvne sutá imé súcayo yanti vītáye |  
(AVŚ\_20,69.3c) sómāso dádhyāśiraḥ ||3||

(AVŚ\_20,69.4a) tvám sutásya pītáye sadyó vṛddhó ajāyathāḥ |  
(AVŚ\_20,69.4c) índra jyáiṣṭhyāya sukrato ||4||

(AVŚ\_20,69.5a) á tvā viśantv āśávaḥ sómāsa indra girvaṇaḥ |  
(AVŚ\_20,69.5c) sám te santu pracetase ||5||

(AVŚ\_20,69.6a) tvám stómā avīvṛdhan tvám ukthá śatakrato |  
(AVŚ\_20,69.6c) tvám vardhantu no gíraḥ ||6||

(AVŚ\_20,69.7a) ákṣitotih saned imám vājam índraḥ sahasríṇam |  
(AVŚ\_20,69.7c) yásmin víśvāni páuṃsyā ||7||

(AVŚ\_20,69.8a) má no mártā abhí druhan tanúnām indra girvaṇaḥ |  
(AVŚ\_20,69.8c) íśāno yavayā vadhám ||8||

(AVŚ\_20,69.9a) yuñjánti bradhnám aruśám cárantaḥ pári tasthúṣaḥ |  
(AVŚ\_20,69.9c) rócante rocaná diví ||9||

(AVŚ\_20,69.10a) yuñjánty asya kámyā hárī vípakṣasā rátthe |  
(AVŚ\_20,69.10c) sóṇā dhṛṣṇú nṛvāhasā ||10||

(AVŚ\_20,69.11a) ketúm kṛṇvānn aketáve péso maryā apeśáse |  
(AVŚ\_20,69.11c) sám uśádbhir ajāyathāḥ ||11||

(AVŚ\_20,69.12a) ád áha svadhām ánu púnar garbhatvām eriré |  
(AVŚ\_20,69.12c) dádhanā nāma yajñíyam ||12||

(AVŚ\_20,70.1a) vīlú cid ārujatnúbhir gúhā cid indra váhnibhiḥ |  
(AVŚ\_20,70.1c) ávinda usríyā ánu ||1||

(AVŚ\_20,70.2a) devayánto yáthā matím áchā vidádvasuṃ gírah |  
(AVŚ\_20,70.2c) mahām anūṣata śrutám ||2||

(AVŚ\_20,70.3a) índreṇa sám hí dṛkṣase samjagmānó ábibhyuṣā |  
(AVŚ\_20,70.3c) mandú samānávarcasā ||3||

(AVŚ\_20,70.4a) anavadyáir abhídyubhir makháh sáhasvad arcati |  
(AVŚ\_20,70.4c) gaṇáir índrasya kāmýaiḥ ||4||

(AVŚ\_20,70.5a) átaḥ pariymann á gahi divó vā rocanād ádhi |  
(AVŚ\_20,70.5c) sám asminn ṛñjate gírah ||5||

(AVŚ\_20,70.6a) itó vā sātím ímahe divó vā párthivād ádhi |  
(AVŚ\_20,70.6c) índram mahó vā rájasaḥ ||6||

(AVŚ\_20,70.7a) índram íd gathíno bṛhád índram arkébhir arkíṇaḥ |  
(AVŚ\_20,70.7c) índram vāñīr anūṣata ||7||

(AVŚ\_20,70.8a) índra íd dháryoḥ sácā sám̐mísā á vacoyújā |  
(AVŚ\_20,70.8c) índro vajrí hiraṇyáyaḥ ||8||

(AVŚ\_20,70.9a) índro dīrghāya cákṣasa á súryaṃ rohayad diví |  
(AVŚ\_20,70.9c) ví góbhir índram airayat ||9||

(AVŚ\_20,70.10a) índra vājeṣu no 'va sahásrapradhaneṣu ca |  
(AVŚ\_20,70.10c) ugrá ugrábhīr ūtíbhīḥ ||10||

(AVŚ\_20,70.11a) índram vayám mahāadhaná índram árbhe  
havāmahe |  
(AVŚ\_20,70.11c) yújam vṛtréṣu vajríṇam ||11||

(AVŚ\_20,70.12a) sá no vṛṣann amúṃ carúṃ sátrādāvann ápā vṛdhi |  
(AVŚ\_20,70.12c) asmábhyam ápratiṣkutaḥ ||12||

(AVŚ\_20,70.13a) tuñjētuñje yá úttare stómā índrasya vajríṇaḥ |  
(AVŚ\_20,70.13c) ná vindhe asya suṣtútím ||13||

(AVŚ\_20,70.14a) vṛṣā yūthéva váṃsagaḥ kṛṣṭír iyarty ójasā |  
(AVŚ\_20,70.14c) íśāno ápratiṣkutaḥ ||14||

(AVŚ\_20,70.15a) yá ékaś carṣaṇīnām vásūnām irajyāti |

(AVŚ\_20,70.15c) índraḥ páñca kṣitīnām ||15||

(AVŚ\_20,70.16a) índraṃ vo viśvátas pári hávāmahe jánebhyaḥ |  
(AVŚ\_20,70.16c) asmákam astu kévalaḥ ||16||

(AVŚ\_20,70.17a) éndra sānasīm rayīm sajítvānaṃ sadāsáham |  
(AVŚ\_20,70.17c) várṣiṣṭham ūtáye bhara ||17||

(AVŚ\_20,70.18a) ní yéna muṣṭihatyáyā ní vṛtrá ruṇádhāmahai |  
(AVŚ\_20,70.18c) tvótāso ny árvatā ||18||

(AVŚ\_20,70.19a) índra tvótāso á vayám vájraṃ ghaná dadīmahī |  
(AVŚ\_20,70.19c) jáyema sám yudhí spṛdhaḥ ||19||

(AVŚ\_20,70.20a) vayám śúrebhir ástr̥bhir índra tváyā yujá vayám |  
(AVŚ\_20,70.20c) sāsahyāma pṛtanyatáḥ ||20||

(AVŚ\_20,71.1a) mahám índraḥ parás ca nú mahitvám astu vajríṇe |  
(AVŚ\_20,71.1c) dyáur ná prathiná śávaḥ ||1||

(AVŚ\_20,71.2a) samohé vā yá áśata náras tokásya sánitau |  
(AVŚ\_20,71.2c) víprāso vā dhiyāyávaḥ ||2||

(AVŚ\_20,71.3a) yáḥ kukṣíḥ somapátamaḥ samudrá iva pínvate |  
(AVŚ\_20,71.3c) urvír ápo ná kākúdaḥ ||3||

(AVŚ\_20,71.4a) evá hy àsya sūñtā virapśí gómatī mahí |  
(AVŚ\_20,71.4c) pakvá śákhā ná dāśúṣe ||4||

(AVŚ\_20,71.5a) evá hí te víbhūtaya ūtáya indra mávate |  
(AVŚ\_20,71.5c) sadyás cit sánti dāśúṣe ||5||

(AVŚ\_20,71.6a) evá hy àsya kámyā stóma ukthám ca sám̐syā |  
(AVŚ\_20,71.6c) índrāya sómapītaye ||6||

(AVŚ\_20,71.7a) índréhi mátsy ándhaso víśvebhiḥ somapárvabhiḥ |  
(AVŚ\_20,71.7c) mahám abhiṣṭír ójasā ||7||

(AVŚ\_20,71.8a) ém enaṃ sṛjatā suté mandím índrāya mandíne |  
(AVŚ\_20,71.8c) cákrim víśvāni cákraye ||8||

(AVŚ\_20,71.9a) mátsvā suśipra mandíbhi stómebhir viśvacarṣaṇe |  
(AVŚ\_20,71.9c) sácaiṣú sávaneṣv á ||9||

(AVŚ\_20,71.10a) ásr̥gram indra te gíraḥ práti tvám úd ahāsata |  
(AVŚ\_20,71.10c) ájoṣā vṛṣabhám pátim ||10||



(AVŚ\_20,71.11a) sám codaya citráṃ arvāg rādha indra váreṇyam |  
(AVŚ\_20,71.11c) ásad ít te vibhú prabhú ||11||

(AVŚ\_20,71.12a) asmánt sú táttra codayéndra rāyé rābhasvataḥ |  
(AVŚ\_20,71.12c) túvidyumna yásasvataḥ ||12||

(AVŚ\_20,71.13a) sám gómad indra vājavad asmé pṛthú śrávo bṛhát |  
(AVŚ\_20,71.13c) viśvāyur dhehy ákṣitam ||13||

(AVŚ\_20,71.14a) asmé dhehi śrávo bṛhád dyumnám  
sahasrasātāmam |  
(AVŚ\_20,71.14c) índra tá rathínīr íṣaḥ ||14||

(AVŚ\_20,71.15a) vásor índram vásupatiṃ gīrbhír gṛṇánta ṛgmíyam |  
(AVŚ\_20,71.15c) hóma gántāram ūtāye ||15||

(AVŚ\_20,71.16a) sutésute nyòkase bṛhád bṛhatá éd aríḥ |  
(AVŚ\_20,71.16c) índrāya súṣám arcati ||16||

(AVŚ\_20,72.1a) víśveṣu hí tvā sávanēṣu tuñjáte samānám ékaṃ  
vīṣamaṇyavaḥ pṛthak svāḥ saniṣyávaḥ pṛthak |  
(AVŚ\_20,72.1c) tám tvā nāvaṃ ná parśāṇiṃ súṣāsya dhurí dhīmahi |  
(AVŚ\_20,72.1e) índraṃ ná yajñáís catáyanta āyáva stómebhir  
indram āyávaḥ ||1||

(AVŚ\_20,72.2a) ví tvā tatasre mithunā avasyávo vrajásya sātá  
gavyásya niḥsṛjaḥ sákṣanta indra niḥsṛjaḥ |  
(AVŚ\_20,72.2c) yád gavyántā dvā jánā svār yántā samúhasi |  
(AVŚ\_20,72.2e) āviṣ kárikrad vīṣaṇaṃ sacābhúvaṃ vājram indra  
sacābhúvam ||2||

(AVŚ\_20,72.3a) utó no asyá uṣáso juṣéta hy àrkásya bodhi havíṣo  
hávīmabhiḥ svārṣātā hávīmabhiḥ |  
(AVŚ\_20,72.3c) yád indra hántave mṛgho vīṣā vajriṃ cíketasi |  
(AVŚ\_20,72.3e) á me asyá vedháso nāvīyaso mánma śrudhi  
nāvīyasaḥ ||3||

(AVŚ\_20,73.1a) túbhyéd imá sávanā sūra víśvā túbhyam bráhmāṇi  
várdhanā kṛṇomi |  
(AVŚ\_20,73.1c) tvám nṛbhir hávyo viśvádḥāsi ||1||

(AVŚ\_20,73.2a) nú cin nú te mányamānasya dasmód aśnuvanti  
mahimānam ugra |  
(AVŚ\_20,73.2c) ná vīryām indra te ná rādhaḥ ||2||

(AVŚ\_20,73.3a) prá vo mahé mahivṛdhe bharadhvaṃ prácetase prá

sumatīm kṛṇudhvam |

(AVŚ\_20,73.3c) víśaḥ pūrvīḥ prá carā carṣaṇipráḥ ||3||

(AVŚ\_20,73.4a) yadā vájraṃ híraṇyam íd áthā ráthaṃ hárī yámasya  
vāhato ví sūrībhiḥ |

(AVŚ\_20,73.4c) á tiṣṭhati maghávā sánaśruta índro vâjasya  
dīrgháśravasas pátiḥ ||4||

(AVŚ\_20,73.5a) só cin nú vṛṣṭír yūthyā svā sácāṃś índraḥ śmáśrūṇi  
háritābhí prusṇute |

(AVŚ\_20,73.5c) áva veti sukṣáyamaṃ suté mádhúd íd dhūṇoti vāto  
yáthā vānam ||5||

(AVŚ\_20,73.6a) yó vācā vīvāco mṛdhrávācaḥ purú saháśráśivā  
jaghāna |

(AVŚ\_20,73.6c) táttad íd asya páuṃsyaṃ gṛṇīmasi pitéva yás  
táviṣīm vāvṛdhé śávaḥ ||6||

(AVŚ\_20,74.1a) yác cid dhí satya somapā anāśastā iva smási |

(AVŚ\_20,74.1c) á tú na indra śaṃsaya góṣv áśveṣu śubhríṣu  
sahásreṣu tuvīmagha ||1||

(AVŚ\_20,74.2a) śíprin vājānām pate sácīvas táva daṃsánā |

(AVŚ\_20,74.2c) á tú na indra śaṃsaya góṣv áśveṣu śubhríṣu  
sahásreṣu tuvīmagha ||2||

(AVŚ\_20,74.3a) ní śvāpayā mithūdṛśā sastām ábudhyamāne |

(AVŚ\_20,74.3c) á tú na indra śaṃsaya góṣv áśveṣu śubhríṣu  
sahásreṣu tuvīmagha ||3||

(AVŚ\_20,74.4a) śasāntu tyā árātayo bódhantu sūra rātáyah |

(AVŚ\_20,74.4c) á tú na indra śaṃsaya góṣv áśveṣu śubhríṣu  
sahásreṣu tuvīmagha ||4||

(AVŚ\_20,74.5a) sám indra gardabhám mṛṇa nuvántaṃ papáyāmuyā  
|

(AVŚ\_20,74.5c) á tú na indra śaṃsaya góṣv áśveṣu śubhríṣu  
sahásreṣu tuvīmagha ||5||

(AVŚ\_20,74.6a) pátāti kuṇḍṛṇácyā dūrám vāto vānād ádhi |

(AVŚ\_20,74.6c) á tú na indra śaṃsaya góṣv áśveṣu śubhríṣu  
sahásreṣu tuvīmagha ||6||

(AVŚ\_20,74.7a) sárvaṃ parikrośám jahi jambháyā kṛkadāśvām |

(AVŚ\_20,74.7c) á tú na indra śaṃsaya góṣv áśveṣu śubhríṣu  
sahásreṣu tuvīmagha ||7||

(AVŚ\_20,75.1a) ví tvā tatasre mithunā avasyávo vrajásya sātā  
gavyasya niḥsṛjaḥ sākṣanta indra niḥsṛjaḥ |  
(AVŚ\_20,75.1c) yád gavyánta dvā jánā svār yántā samúhasi |  
(AVŚ\_20,75.1e) āviś kárikrad vṛṣaṇaṃ sacābhúvaṃ vājram indra  
sacābhúvaṃ ||1||

(AVŚ\_20,75.2a) vidúṣ ṛe asyā vīryàsya pūrāvaḥ púro yád indra  
śāradīr avātiraḥ sāsahānó avātiraḥ |  
(AVŚ\_20,75.2c) śāsas tám indra mārtyaṃ áyajum śavasas pate |  
(AVŚ\_20,75.2e) mahīm amuṣṇāḥ pṛthivīm imā apó mandasāná imā  
apāḥ ||2||

(AVŚ\_20,75.3a) ād ít te asyā vīryàsya carkiran mádeṣu vṛṣann uśíjo  
yád āvitha sakhīyató yád āvitha |  
(AVŚ\_20,75.3c) cakārtha kārām ebhyaḥ pṛtanāsu právantave |  
(AVŚ\_20,75.3e) té anyāmanyāṃ nadyāṃ saniṣṇata śrávasyántaḥ  
saniṣṇata ||3||

(AVŚ\_20,76.1a) vāne ná vā yó ny àdhāyi cākrāṃ chúcir vāṃ stómo  
bhuraṇāv ajīgaḥ |  
(AVŚ\_20,76.1c) yásyéd índraḥ purudíneṣu hótā nṛṇāṃ nárvo  
nṛtamaḥ kṣapāvān ||1||

(AVŚ\_20,76.2a) prá te asyā uśásah prāparasyā nṛtáu syāma nṛtam  
asya nṛṇām |  
(AVŚ\_20,76.2c) ánu trisókaḥ śatám āvahan nṛṇ kútsena rátho yó  
ásat śasavān ||2||

(AVŚ\_20,76.3a) kás te máda indra rántyo bhūd dúro gíro abhy ùgró  
ví dhāva |  
(AVŚ\_20,76.3c) kád vāho arvág úpa mā manīṣā á tvā śakyām  
upamám rádho ánnaiḥ ||3||

(AVŚ\_20,76.4a) kád u dyumnám indra tvāvato nṛṇ káyā dhiyā  
karase kán na ágan |  
(AVŚ\_20,76.4c) mitró ná satyá urugāya bhṛtyā ágne samasya yád  
ásan manīṣāḥ ||4||

(AVŚ\_20,76.5a) préraya súro árthaṃ ná pāráṃ yé asya kāmam  
janidhā iva gmán |  
(AVŚ\_20,76.5c) gíraś ca yé te tuvijāta pūrvīr nára indra pratiśíkṣanty  
ánnaiḥ ||5||

(AVŚ\_20,76.6a) mātṛe nú te súmīte indra pūrvī dyāur majmánā  
pṛthivī kávyena |

(AVŚ\_20,76.6c) várāya te ghṛtāvantaḥ sutásasḥ svádnan bhavantu  
pītāye mádhūni ||6||

(AVŚ\_20,76.7a) á mádhvo asmā asicann ámatram índrāya pūrṇam  
sá hí satyārādhāḥ |  
(AVŚ\_20,76.7c) sá vāvṛdhe várimann á pṛthivyá abhí krátvā náryaḥ  
páuṃsyais ca ||7||

(AVŚ\_20,76.8a) vy ànaḥ índraḥ pṛtanāḥ svójā ásmāi yatante  
sakhýāya pūrvīḥ |  
(AVŚ\_20,76.8c) á smā rátham ná pṛtanāsu tiṣṭha yām bhadráyā  
sumatyā codáyāse ||8||

(AVŚ\_20,77.1a) á satyó yātu maghávāṃ ṛjīṣī drávantv asya háraya  
úpa naḥ |  
(AVŚ\_20,77.1c) tásmā íd ándhaḥ suṣumā sudákṣam ihābhipitvām  
karatē grṇānáḥ ||1||

(AVŚ\_20,77.2a) áva sya sūrādhvano nānte 'smín no adyá sávane  
mandādhyai |  
(AVŚ\_20,77.2c) sám̐sāty ukthám uśāneva vedhás cikitúṣe asuryāya  
mánma ||2||

(AVŚ\_20,77.3a) kavír ná niṇyām vidáthāni sáadhan vṛṣā yát sékam  
vipipānó árcāt |  
(AVŚ\_20,77.3c) divá itthá jījanat saptá kārún áhnā cic cakrur vayúnā  
grṇántaḥ ||3||

(AVŚ\_20,77.4a) svār yád védi sudṛṣīkam arkáir máhi jyótī rurucur  
yád dha vástoḥ |  
(AVŚ\_20,77.4c) andhá támāṃsi dúdhitā vicákṣe nṛbhyaś cakāra  
nṛtāmo abhíṣṭau ||4||

(AVŚ\_20,77.5a) vavakṣá índro ámitam ṛjīṣy ùbhé á paprau ródasī  
mahítvā |  
(AVŚ\_20,77.5c) átaś cid asya mahimá ví recy abhí yó víśvā bhúvanā  
babhūva ||5||

(AVŚ\_20,77.6a) víśvāni śakró náryāṇi vidván apó rireca sákhibhir  
níkāmaiḥ |  
(AVŚ\_20,77.6c) ásmānam cid yé bibhidúr vácobhir vrajám  
gómāntam usíjo ví vavruḥ ||6||

(AVŚ\_20,77.7a) apó vṛtrām vavrivāṃsam párāhan právat te vájram  
pṛthiví sácetāḥ |  
(AVŚ\_20,77.7c) prārṇāṃsi samudríyāṇy ainoḥ pátir bhávaṃ chávasā  
sūra dhṛṣṇo ||7||

(AVŚ\_20,77.8a) apó yád ádrim puruhūta dārdar āvīr bhuvat sarāmā  
pūrvyām te |  
(AVŚ\_20,77.8c) sá no netá vājam á darṣi bhūrim gotrá rujānn  
āngirobhir grṇānāḥ ||8||

(AVŚ\_20,78.1a) tát vo gāya suté sácā puruhūtāya sátvane |  
(AVŚ\_20,78.1c) sám yád gāve ná śākíne ||1||

(AVŚ\_20,78.2a) ná ghā vásur ní yamate dānām vājasya gómataḥ |  
(AVŚ\_20,78.2c) yát sīm úpa śrávad gíraḥ ||2||

(AVŚ\_20,78.3a) kuvítsasya prá hí vrajām gómantaṁ dasyuhá gámat  
|  
(AVŚ\_20,78.3c) sácībhir ápa no varat ||3||

(AVŚ\_20,79.1a) índra krátum na á bhara pitá putrébhyo yáthā |  
(AVŚ\_20,79.1c) śíkṣā ṇo asmín puruhūta yāmani jīvā jyótir aśīmahi ||  
1||

(AVŚ\_20,79.2a) má no ájñātā vṛjánā durādhyò māsivāso áva kramuḥ  
|  
(AVŚ\_20,79.2c) tváyā vayām pravátaḥ śásvatīr apó 'ti sūra tarāmasi  
||2||

(AVŚ\_20,80.1a) índra jyéṣṭham na á bharaṁ ójiṣṭham pápuri śrávaḥ  
|  
(AVŚ\_20,80.1c) yénemé citra vajrahasta ródasī óbhé suśipra práḥ ||  
1||

(AVŚ\_20,80.2a) tvām ugrám ávase carṣaṇísáham rājan devéṣu  
hūmahe |  
(AVŚ\_20,80.2c) víśvā sú no vithurá pibdaná vaso 'mítrān suśáhān  
kṛdhi ||2||

(AVŚ\_20,81.1a) yád dyāva indra te śatām śatām bhúmir utá syúḥ |  
(AVŚ\_20,81.1c) ná tvā vajrint sahasraṁ sūryā ánu ná jātām aṣṭa  
ródasī ||1||

(AVŚ\_20,81.2a) á paprātha mahiná kṛṣṇyā vṛṣan víśvā śaviṣṭha  
śávaśā |

(AVŚ\_20,81.2c) asmāṁ áva maghavan gómati vrajé vájrim citrábhir  
ūtíbhīḥ ||2||

(AVŚ\_20,82.1a) yád indra yāvatas tvám etávad ahám íśīya |  
(AVŚ\_20,82.1c) stotáram íd didhiṣeya radāvaso ná pāpatváya rāsīya  
||1||

(AVŚ\_20,82.2a) śíkṣeyam ín mahayaté divédive rāyá ā kuhacidvíde |  
(AVŚ\_20,82.2c) nahí tvád anyán maghavan na āpyam vásyo ásti  
pitá caná ||2||

(AVŚ\_20,83.1a) índra tridhātu śaraṇam trivárūtham svastimát |  
(AVŚ\_20,83.1c) chardír yacha maghávadbhyaś ca máhyam ca  
yāváyā didyúm ebhyaḥ ||1||

(AVŚ\_20,83.2a) yé gavyatá manasā sátrum ādabhúr abhipraghnánti  
dhṛṣṇuyá |  
(AVŚ\_20,83.2c) ágha smā no maghavann indra girvaṇas tanūpá  
ántamo bhava ||2||

(AVŚ\_20,84.1a) índrá yāhi citrabhāno sutá imé tvāyávaḥ |  
(AVŚ\_20,84.1c) āṇvībhis tánā pūtásaḥ ||1||

(AVŚ\_20,84.2a) índrá yāhi dhiyéṣitó víprajutaḥ sutāvataḥ |  
(AVŚ\_20,84.2c) úpa bráhmāṇi vāghátaḥ ||2||

(AVŚ\_20,84.3a) índrá yāhi tūtujāna úpa bráhmāṇi harivaḥ |  
(AVŚ\_20,84.3c) suté dadhiṣva naś cánaḥ ||3||

(AVŚ\_20,85.1a) má cid anyád ví śaṃsata sákhāyo má riṣaṇyata |  
(AVŚ\_20,85.1c) índram ít stotā vṛṣaṇam sácā suté múhur ukthá ca  
śaṃsata ||1||  
(AVŚ\_20,85.2a) avakrakṣīnam vṛṣabhám yathājúram gām ná  
carṣaṇīsáham |  
(AVŚ\_20,85.2c) vidvéṣaṇam saṃvánanobhayaṃkarám máṃhiṣṭham  
ubhayāvínam ||2||

(AVŚ\_20,85.3a) yác cid dhí tvā jánā imé nānā hávanta ūtáye |  
(AVŚ\_20,85.3c) asmákam bráhmedám indra bhūtu té 'hā víśvā ca  
várdhanam ||3||

(AVŚ\_20,85.4a) ví tartūryante maghavan vipaścīto 'ryó vípo  
jánānām |  
(AVŚ\_20,85.4c) úpa kramasva pururūpam á bhara vājaṃ nédiṣṭham  
ūtāye ||4||

(AVŚ\_20,86.1a) bráhmanā te brahmayújā yunajmi hārī sákhāyā  
sadhāmāda āśú |  
(AVŚ\_20,86.1c) sthirám rátham sukhám indrādhitíṣṭhan prajānán  
vidvāṃ úpa yāhi sómam ||1||

(AVŚ\_20,87.1a) ádhvaryavo 'ruṇám dugdhám aṃśúm juhótana  
vṛṣabhāya kṣitīnām |  
(AVŚ\_20,87.1c) gaurád védīyāṃ avapānam índro viśvāhéd yāti  
sutásomam ichán ||1||

(AVŚ\_20,87.2a) yád dadhiṣé pradívi cárv ánnam divédive pītím íd  
asya vakṣi |  
(AVŚ\_20,87.2c) utá hṛdótá mánasā juṣāṇá usánn indra prásthītān  
pāhi sómān ||2||

(AVŚ\_20,87.3a) jajñānāḥ sómam sáhase papātha prá te mātā  
mahimānam uvāca |  
(AVŚ\_20,87.3c) éndra paprāthorv àntárikṣam yudhá devébhyo  
várivaś cakārtha ||3||

(AVŚ\_20,87.4a) yád yodháyā maható mányamānān sákṣāma tán  
bāhúbhiḥ śásadānān |  
(AVŚ\_20,87.4c) yád vā nṛbhir vṛta indrābhiyúdhyās tám tváyājím  
sauśravasám jayema ||4||

(AVŚ\_20,87.5a) préndrasya vocaṃ prathamá kṛtāni prá nūtanā  
maghāvā yá cakāra |  
(AVŚ\_20,87.5c) yadéd ádevīr ásaḥiṣṭa māyā áthābhavat kévalaḥ  
sómo asya ||5||

(AVŚ\_20,87.6a) távedám víśvam abhítaḥ paśavyaṃ yát páśyasi  
cákṣasā sūryasya |  
(AVŚ\_20,87.6c) gávām asi gópatir éka indra bhakṣīmáhi te  
práyatasya vásvaḥ ||6||

(AVŚ\_20,87.7a) bṛhaspate yuvám índraś ca vásvo divyásyeśāthe utá  
pārthivasya |  
(AVŚ\_20,87.7c) dhattám rayím stuvaté kīráye cid yūyám pāta  
svastíbhiḥ sádā naḥ ||7||

(AVŚ\_20,88.1a) yás tastámbha sáhasā ví jmó ántān bṛhaspátis  
triṣadhassthó ráveṇa |  
(AVŚ\_20,88.1c) tám prasnāsa ṛṣayo dídhyānāḥ puró víprā dadhire  
mandrájihvam ||1||

(AVŚ\_20,88.2a) dhunétayaḥ supraketaṁ mādanto bṛhaspate abhí yé  
nas tatasré |  
(AVŚ\_20,88.2c) pṛśantaṁ sṛprám ádabdham ūrvám bṛhaspate  
rákṣatād asya yónim ||2||

(AVŚ\_20,88.3a) bṛhaspate yá paramā parāvád áta á te ṛtaspríśo ní  
seduḥ |  
(AVŚ\_20,88.3c) túbhyam khātá avatá ádrídugdhā mádhva ścotanty  
abhíto virapsám ||3||

(AVŚ\_20,88.4a) bṛhaspátih prathamám jáyamāno mahó jyótiṣaḥ  
paramé vyòman |  
(AVŚ\_20,88.4c) saptáśyas tuvijátó ráveṇa ví saptáraśmir adhamat  
tāmāṁsi ||4||

(AVŚ\_20,88.5a) sá suṣṭúbhā sá ṛkvatā gaṇéna valám ruropa  
phaligám rávena |  
(AVŚ\_20,88.5c) bṛhaspátir usríyā havyasúdaḥ kánikradad vāvaśatīr  
úd ājat ||5||

(AVŚ\_20,88.6a) evá pitré viśvádevāya vṛṣṇe yajñáir vidhema  
nāmasā havírbhiḥ |  
(AVŚ\_20,88.6c) bṛhaspate suprajá vīrávanto vayám syāma pátayo  
rayīṇām ||6||

(AVŚ\_20,89.1a) ásteva sú pratarám láyam ásyān bhúṣann iva prá  
bharā stómam asmaí |  
(AVŚ\_20,89.1c) vācā viprās tarata vācam aryó ní rāmaya jaritaḥ  
sómā índram ||1||

(AVŚ\_20,89.2a) dóhena gām úpa śikṣā sákhāyam prá bodhaya  
jaritar jārám índram |  
(AVŚ\_20,89.2c) kósam ná pūrṇám vásunā nyṛṣṭam á cyāvaya  
maghadéyāya súram ||2||

(AVŚ\_20,89.3a) kím aṅgá tvā maghavan bhojám āhuḥ śísīhí mā  
śísayám tvā śṛṇomi |  
(AVŚ\_20,89.3c) ápnasvatī máma dhír astu śakra vasuvídaṁ bhágam  
indrā bharā naḥ ||3||



(AVŚ\_20,89.4a) tvám jánā mamasatyéṣv indra samtasthāná ví  
hvayante samīké |  
(AVŚ\_20,89.4c) átrā yújaṃ kṛṇute yó havíṣmān nāsunvatā sakhyāṃ  
vaṣṭi śúraḥ ||4||

(AVŚ\_20,89.5a) dhānaṃ ná spandráṃ bahuláṃ yó asmai tīvrānt  
sómāñ āsunóti prāyasvān |  
(AVŚ\_20,89.5c) tásmāi śátrūnt sutúkān prātár áhno ní sváṣṭrān  
yuvāti hánti vṛtrám ||5||

(AVŚ\_20,89.6a) yásmin vayáṃ dadhimā śáṃsam índre yáh śísráya  
maghávā kāmam asmé |  
(AVŚ\_20,89.6c) ārac cit sán bhayatām asya śátrur ny àsmāi dyumnā  
jányā namantām ||6||

(AVŚ\_20,89.7a) ārac chātrum ápa bādhasva dūrám ugró yáh  
śámbaḥ puruhūta téna |  
(AVŚ\_20,89.7c) asmé dhehi yávamad gómad indra kṛdhí dhíyaṃ  
jaritrē vājaratnām ||7||

(AVŚ\_20,89.8a) prá yám antár vṛṣasavāso ájman tīvrāḥ sómā  
bahulāntāsa índram |  
(AVŚ\_20,89.8c) náha dāmānaṃ maghávā ní yaṃsan ní sunvaté  
vapati bhūri vāmám ||8||

(AVŚ\_20,89.9a) utá prahām átidīvā jayati kṛtām iva śvaghní ví cinoti  
kālé |  
(AVŚ\_20,89.9c) yó devákāmo ná dhānaṃ ruṇáddhi sám ít táṃ rāyāḥ  
srjati svadhábhiḥ ||9||

(AVŚ\_20,89.10a) góbhiṣ ṭare māmatim durévām yávena vā kṣúdham  
puruhūta vísve |  
(AVŚ\_20,89.10c) vayáṃ rájasu prathamā dhánāny áriṣṭāso vṛjaníbhīr  
jayema ||10||

(AVŚ\_20,89.11a) bṛhaspátir naḥ pári pātu paścād utóttarasmād  
ádharād aghayóḥ |  
(AVŚ\_20,89.11c) índraḥ purástād utá madhyató naḥ sákhā  
sákhībhyo várīyaḥ kṛṇotu ||11||

(AVŚ\_20,90.1a) yó adribhít prathamajā ṛtāvā bṛhaspátir āṅgirasó  
havíṣmān |  
(AVŚ\_20,90.1c) dvibárhajmā prāgharmasát pitá na á ródasī vṛṣabhó  
roravīti ||1||

(AVŚ\_20,90.2a) jánāya cid yá ívate u lokáṃ bṛhaspátir deváhūtau  
cakāra |

(AVŚ\_20,90.2c) ghnán vṛtrāṇi ví púro dardarīti jáyaṃ chátrūṃr  
amítṛān pṛtsú sāhan ||2||

(AVŚ\_20,90.3a) bṛhaspátih sám ajayad vásūni mahó vrajān gómate  
devá eṣāḥ |

(AVŚ\_20,90.3c) apāḥ síṣāsant svàr ápratīto bṛhaspátir hánty  
amítṛam arkáih ||3||

(AVŚ\_20,91.1a) imám dhíyaṃ saptásīrṣṇīm pitá na ṛtáprajātām  
bṛhatīm avindat |

(AVŚ\_20,91.1c) turíyaṃ svij janayad viśvájanyo 'yāsya ukthám  
índrāya sámśan ||1||

(AVŚ\_20,91.2a) ṛtām sámśanta ṛjú dídhyanā divás putrásō ásurasya  
vīráḥ |

(AVŚ\_20,91.2c) vípraṃ padám áṅgirasō dádhanā yajñásya dhāma  
prathamám mananta ||2||

(AVŚ\_20,91.3a) haṃsáir iva sákhibhir vāvadadbhir aśmanmáyaṇi  
náhanā vyáśyan |

(AVŚ\_20,91.3c) bṛhaspátir abhikánikradad gá utá prástaud úc ca  
vidvāṃ agāyat ||3||

(AVŚ\_20,91.4a) avó dvábhyām pará ékayā gá gúhā tíṣṭhantīr  
ánṛtasya sétau |

(AVŚ\_20,91.4c) bṛhaspátis támasi jyótir ichán úd usrá ákar ví hí tistrá  
ávah ||4||

(AVŚ\_20,91.5a) vibhídya púram śayáthem ápācīm nís trīṇi sākám  
udadhér akṛntat |

(AVŚ\_20,91.5c) bṛhaspátir uśasaṃ sūryaṃ gám arkám viveda  
stanáyann iva dyáuḥ ||5||

(AVŚ\_20,91.6a) índro valám rakṣitāram dúghānām karéṇeva ví  
cakartā ráveṇa |

(AVŚ\_20,91.6c) svédāñjibhir āsíram ichámānó 'rodayat paṇím á gá  
amuṣṇāt ||6||

(AVŚ\_20,91.7a) sá īm satyébhiḥ sákhibhiḥ śucádbhir gódhāyasam ví  
dhanasáir adardah |

(AVŚ\_20,91.7c) bráhmaṇas pátir vṛṣabhir varāhair gharmásvedebhir  
dráviṇam vy ānaṭ ||7||

(AVŚ\_20,91.8a) té satyéna mánasā gópatim gá iyānása iṣaṇayanta  
dhībhiḥ |

(AVŚ\_20,91.8c) bṛhaspátir mithóavadyapebhir úd usríyā asṛjata  
svayúgbhiḥ ||8||

(AVŚ\_20,91.9a) tám vardháyanto matíbhiḥ śivábhiḥ simhám iva  
nānadataṃ sadhásthe |

(AVŚ\_20,91.9c) bṛhaspátim vṛṣaṇaṃ śúrasātau bhárebhare ánu  
madema jiṣṇúm ||9||

(AVŚ\_20,91.10a) yadá vājam ásanad viśvárūpam á dyām arukṣad  
úttarāṇi sádma |

(AVŚ\_20,91.10c) bṛhaspátim vṛṣaṇaṃ vardháyanto nānā sánto  
bíbhtrato jyótir āsā ||10||

(AVŚ\_20,91.11a) satyám āśíṣaṃ kṛṇutā vayodhái kīrīm cid dhy  
ávathā svébhir évaiḥ |

(AVŚ\_20,91.11c) paścā mṛdho ápa bhavantu vísvās tát rodasī  
śṛṇutaṃ viśvaminvé ||11||

(AVŚ\_20,91.12a) índro mahnā maható arṇavásya ví mūrdhānam  
abhinad arbudásya |

(AVŚ\_20,91.12c) áhann áhim áriṇāt saptá síndhūn deváir  
dyāvāpṛthivī prāvataṃ naḥ ||12||

(AVŚ\_20,92.1a) abhí prá gópatim giréndram arca yáthā vidé |

(AVŚ\_20,92.1c) sūtúm satyásya sátpatim ||1||

(AVŚ\_20,92.2a) á hárayaḥ sasṛjiré 'ruṣṛ ádhi barhíṣi |

(AVŚ\_20,92.2c) yátrābhí saṃnāvāmahe ||2||

(AVŚ\_20,92.3a) índrāya gāva āśíraṃ duduhré vajríṇe mādhu |

(AVŚ\_20,92.3c) yát sīm upahvaré vidát ||3||

(AVŚ\_20,92.4a) úd yád bradhnásya viṣṭápaṃ gṛhám índraś ca  
gānvahi |

(AVŚ\_20,92.4c) mādхваḥ pītṡá sacevahi tríḥ saptá sákhyuḥ padé ||  
4||

(AVŚ\_20,92.5a) árcata prārcata príyamedhāso árcata |

(AVŚ\_20,92.5c) árcantu putrakā utá púraṃ ná dhṛṣṇv àrcata ||5||

(AVŚ\_20,92.6a) áva svarāti gárgaro godhá pári saniṣvaṇat |

(AVŚ\_20,92.6c) píngā pári caniṣkadad índrāya bráhmódyatam ||6||

(AVŚ\_20,92.7a) á yát pátanty enyàḥ sudúghā ánapasphuraḥ |

(AVŚ\_20,92.7c) apasphúraṃ gṛbhāyata sómam índrāya pátave ||7||

(AVŚ\_20,92.8a) ápād índro ápād agnír víśve devā amatsata |

(AVŚ\_20,92.8c) váruṇa íd ihá kṣayat tám ápo abhy ànūṣata vatsám  
saṃśísvarīr iva ||8||

(AVŚ\_20,92.9a) sudevó asi varuṇa yásya te saptá síndhavaḥ |  
(AVŚ\_20,92.9c) anukṣāranti kākúdaṃ sūryaṃ suṣirām iva ||9||

(AVŚ\_20,92.10a) yó vyátimr áphāṇayat súyuktām úpa dāśúṣe |  
(AVŚ\_20,92.10c) takvó netá tád íd vápur upamá yó ámucyata ||10||

(AVŚ\_20,92.11a) átíd u śakrá ohata índro vísvā áti dvíṣaḥ |  
(AVŚ\_20,92.11c) bhínát kanína odanáṃ pacyámānaṃ paró girá ||11||

(AVŚ\_20,92.12a) arbhakó ná kumārakó 'dhi tiṣṭhann ávaṃ rátham |  
(AVŚ\_20,92.12c) sá pakṣan mahiṣám mṛgám pitré māt্রে vibhukrátum ||12||

(AVŚ\_20,92.13a) á tú suśipra daṃpate rátham tiṣṭhā hiraṇyáyam |  
(AVŚ\_20,92.13c) ádha dyukṣám sacevahi sahásrapādam aruṣám svastigām anehásam ||13||

(AVŚ\_20,92.14a) tám ghem itthá namasvína úpa svarājam āsate |  
(AVŚ\_20,92.14c) ártham cid asya súdhitam yád étave āvartáyanti dāvāne ||14||

(AVŚ\_20,92.15a) ánu pratnásyáukasaḥ priyámedhāsa eṣām |  
(AVŚ\_20,92.15c) púrvām ánu práyatiṃ vṛktábarhiṣo hitáprayasa āśata ||15||

(AVŚ\_20,92.16a) yó rājā carṣaṇīnām yātā ráthebhir ádhriguḥ |  
(AVŚ\_20,92.16c) vísvāsām tarutá pṛtanānām jyéṣṭho yó vṛtrahá grṇé ||16||

(AVŚ\_20,92.17a) índraṃ tám śumbha puruhanmann ávase yásya dvitá vidhartári |  
(AVŚ\_20,92.17c) hástāya vājraḥ práti dhāyi darśató mahó divé ná sūryaḥ ||17||

(AVŚ\_20,92.18a) nákiṣ ṭám kármaṇā naśad yás cakāra sadāvṛdham |  
(AVŚ\_20,92.18c) índraṃ ná yajñáir vísvágūrtam ūbhvasam ádhṛṣṭam dhṛṣṇvòjasam ||18||

(AVŚ\_20,92.19a) áṣālham ugrám pṛtanāsu sāsahím yásmin mahír urujráyaḥ |  
(AVŚ\_20,92.19c) sám dhenávo jáyamāne anonavur dyávaḥ kṣámo anonavuh ||19||

(AVŚ\_20,92.20a) yád dyáva indra te śatám śatám bhúmīr utá syuh |  
(AVŚ\_20,92.20c) ná tvā vajrint sahásraṃ sūryā ánu ná jātám aṣṭa ródaśi ||20||

(AVŚ\_20,92.21a) á paprātha mahinā vṛṣṇyā vṛṣan víśvā śaviṣṭha śávaśā |

(AVŚ\_20,92.21c) asmāṁ ava maghavan gómati vrajé vájriṁ citrābhir ūtibhiḥ ||21||

(AVŚ\_20,93.1a) út tvā mandantu stómāḥ kṛṇuṣvā rādho adrivaḥ |

(AVŚ\_20,93.1c) áva brahmadviśo jahi ||1||

(AVŚ\_20,93.2a) padā pañíṁr arādháso ní bādhasva mahāṁ asi |

(AVŚ\_20,93.2c) nahí tvā kás caná prāti ||2||

(AVŚ\_20,93.3a) tvám īśiṣe sutānām índra tvám ásutānām |

(AVŚ\_20,93.3c) tvám rájā jánānām ||3||

(AVŚ\_20,93.4a) īṅkháyantīr apaśyúva índraṁ jātám úpāsate |

(AVŚ\_20,93.4c) bhejánāsaḥ suvíryam ||4||

(AVŚ\_20,93.5a) tvám indra bálād ádhi sáhaso jātá ójasaḥ |

(AVŚ\_20,93.5c) tvám vṛṣan vṛṣéd asi ||5||

(AVŚ\_20,93.6a) tvám indrási vṛtrahá vy àntárikṣam átiraḥ |

(AVŚ\_20,93.6c) úd dyām astabhna ójasā ||6||

(AVŚ\_20,93.7a) tvám indra sajóṣasam arkám bibharṣi bāhvóḥ |

(AVŚ\_20,93.7c) vájraṁ śísāna ójasā ||7||

(AVŚ\_20,93.8a) tvám indrábhibhúr asi víśvā jātāny ójasā |

(AVŚ\_20,93.8c) sá víśvā bhúva ábhavaḥ ||8||

(AVŚ\_20,94.1a) á yātv índraḥ svápatir mādāya yó dhármaṇā tūtujānás túviṣmān |

(AVŚ\_20,94.1c) pratvakṣāṇó áti víśvā sáhāṁsy apāreṇa mahatā vṛṣṇyena ||1||

(AVŚ\_20,94.2a) suṣṭhāmā ráthaḥ suyāmā hárī te mimyákṣa vájro nṛpate gábhastau |

(AVŚ\_20,94.2c) śíbhaṁ rājan supáthá yāhy arvān várdhāma te papúso vṛṣṇyāni ||2||

(AVŚ\_20,94.3a) éndraváho nṛpátim vájrabāhum ugrám ugrásas taviṣāsa enam |

(AVŚ\_20,94.3c) prátvakṣasaṁ vṛṣabhám satyáśuṣmam ém asmatrá sadhāmádo vahantu ||3||

(AVŚ\_20,94.4a) evá pátim droṇasācaṁ sácetasam ūrjá skambháṁ

dharúṇa á vṛṣāyase |  
(AVŚ\_20,94.4c) ójaḥ kṛṣva sám gṛbhāya tvé ápy áso yáthā  
kenipānām inó vṛdhé ||4||

(AVŚ\_20,94.5a) gámann asmé vásūny á hí sámśiṣaṃ svāśiṣaṃ  
bhārām á yāhi somínaḥ |  
(AVŚ\_20,94.5c) tvám īśiṣe sásmínn á satsi barhíṣy anādhṛṣyá táva  
pátrāṇi dhármaṇā ||5||

(AVŚ\_20,94.6a) pṛthak prāyan prathamā deváhūtayó 'kṛṇvata  
śravasyāni duṣṭārā |  
(AVŚ\_20,94.6c) ná yé śekúr yajñíyām nāvam ārúham irmáivá té ny  
āviśanta képayah ||6||

(AVŚ\_20,94.7a) eváivāpāg ápare santu dūdhyó 'śvā yéṣāṃ duryúga  
āyuyūjré |  
(AVŚ\_20,94.7c) itthá yé prág úpare santi dāvāne purūṇi yátra  
vayúnāni bhójanā ||7||  
(AVŚ\_20,94.8a) giriṃr ájrān réjamānāṃ adhārayad dyáuḥ krandad  
antárīkṣāni kopayat |  
(AVŚ\_20,94.8c) samīcīné dhiśāṇe ví ṣkabhāyati vṛṣṇah pītṛvá máda  
ukthāni śaṃsati ||8||

(AVŚ\_20,94.9a) imām bibharmi súkṛtaṃ te aṅkuśāṃ yénārujāsi  
maghavaṃ chaphārújah |  
(AVŚ\_20,94.9c) asmínt sú te sávane astv oktyām sutá iṣṭáu  
maghavan bodhy ábhagah ||9||

(AVŚ\_20,94.10a) góbhiṣ ṭarematim durévām yávena kṣúdham  
puruḥūta víśvām |  
(AVŚ\_20,94.10c) vayām rájabhiḥ prathamā dhánāny asmákēna  
vrjānenā jayema ||10||

(AVŚ\_20,94.11a) bṛhaspátir naḥ pári pātu paścād utóttarasmād  
ádharād aghayóḥ |  
(AVŚ\_20,94.11c) índraḥ purástād utá madhyató naḥ sákhā  
sákhībhyo várivah kṛṇotu ||11||

(AVŚ\_20,95.1a) tríkadrakeṣu mahiśó yávāśiraṃ tuviśúṣmas tṛpát  
sómam apibad víṣṇunā sutám yathávaśat |  
(AVŚ\_20,95.1c) sá īṃ mamāda máhi kárma kártave mahám urúm  
sáinaṃ saścad devó devám satyám índraṃ satyá índuḥ ||1||

(AVŚ\_20,95.2a) pró śv àsmai purorathám índrāya sūṣám arcata |  
(AVŚ\_20,95.2c) abhíke cid u lokakṛt saṃgé samátsu vṛtrahásmákam  
bodhī coditá nábhantām anyakéṣāṃ jyāká ádhi dhánvasu ||2||

(AVŚ\_20,95.3a) tvám síndhūṃr ávāsṛjo 'dharāco áhann áhim |

(AVŚ\_20,95.3c) aśatrúr indra jajñiṣe víśvaṃ puṣyasi vāryaṃ táṃ tvā  
pāri ṣvajāmahe nābhantām anyakéṣāṃ jyākā́ ádhi dhánvasu ||3||

(AVŚ\_20,95.4a) ví śú víśvā árātayo 'ryó naśanta no dhíyaḥ |  
(AVŚ\_20,95.4c) ástāsi śátrave vadhāṃ yó na indra jíghāṃsati yá te  
rātír dadír vásu |  
(AVŚ\_20,95.4e) nābhantām anyakéṣāṃ jyākā́ ádhi dhánvasu ||4||

(AVŚ\_20,96.1a) tīvráśyābhívayaso asyá pāhi sarvarathā́ ví hārī ihá  
muñca |  
(AVŚ\_20,96.1c) índra má tvā yájamānāso anyé ní rīraman túbhyam  
imé sūtásah ||1||

(AVŚ\_20,96.2a) túbhyam sūtás túbhyam u sótvāsas tvāṃ gírah  
śvātryā́ á hvayanti |  
(AVŚ\_20,96.2c) índredám adyá sávanam juṣāṇó víśvasya vidvā́m ihá  
pāhi sómam ||2||

(AVŚ\_20,96.3a) yá uśatā́ mánasā sómam asmai sarvahr̥dā́  
devákāmaḥ sunóti |  
(AVŚ\_20,96.3c) ná gá́ índras táśya párā dadāti praśastám íc cārum  
asmai kr̥ṇoti ||3||  
(AVŚ\_20,96.4a) ánuṣpaṣṭo bhavaty eṣó asya yó asmai revā́n ná  
sunóti sómam |  
(AVŚ\_20,96.4c) nír aratnáu maghávā́ táṃ dadhāti brahmadvíṣo  
hantý ánānudiṣṭaḥ ||4||

(AVŚ\_20,96.5a) aśvāyá́nto gavyá́nto vājáyanto hávāmahe  
tvópāgantavá u |  
(AVŚ\_20,96.5c) ābhúṣantas te sumatáu nāvāyāṃ vayám indra tvā  
śunām huvema ||5||

(AVŚ\_20,96.6a) muñcā́mi tvā havíṣā́ jívanāya kám ajñātayaḥśmád  
utá rājayaḥśmāt |  
(AVŚ\_20,96.6c) grā́hir jagráha yády etád táśyā́ indrāgnī prá  
mumuktam enam ||6||

(AVŚ\_20,96.7a) yádi kṣitā́yur yádi vā páreto yádi mṛtyór antikám  
níta evá |  
(AVŚ\_20,96.7c) tám á harā́mi nírṛter upásthād áspārśam enam  
śatásāradāya ||7||

(AVŚ\_20,96.8a) sahasrākṣēṇá śatávīryeṇá śatā́yuṣā havíṣā́hārṣam  
enam |  
(AVŚ\_20,96.8c) índro yáthainam śarádo náyāty áti víśvasya  
duritā́sya pārám ||8||

(AVŚ\_20,96.9a) śatām jīva śarādo vārdhamānaḥ śatām hemantān  
chatām u vasantān |

(AVŚ\_20,96.9c) śatām ta índro agnīḥ savitā bṛhaspatīḥ śatāyuṣā  
haviṣāhārṣam enam ||9||

(AVŚ\_20,96.10a) āhārṣam ávidam tvā púnar āgāḥ púnarṇavaḥ |

(AVŚ\_20,96.10c) sárvaṅga sárvaṃ te cákṣuḥ sárvaṃ áyuś ca te  
'vidam ||10||

(AVŚ\_20,96.11a) bráhmaṇāgnīḥ samvidānó rakṣohā bādhatām itāḥ |

(AVŚ\_20,96.11c) ámīvā yás te gárbham durṇāmā yónim āśáye ||11||

(AVŚ\_20,96.12a) yás te gárbham ámīvā durṇāmā yónim āśáye |

(AVŚ\_20,96.12c) agnīḥ ṭām bráhmaṇā sahá níḥ kravýādam anīnaśat  
||12||

(AVŚ\_20,96.13a) yás te hānti patáyantaṃ niṣatsnúṃ yāḥ sarīsrpām |

(AVŚ\_20,96.13c) jātām yás te jíghāṃsati tám itó nāśayāmasi ||13||

(AVŚ\_20,96.14a) yás ta ūrú viháraty antarā dámpatī śáye |

(AVŚ\_20,96.14c) yónim yó antár ārélhi tám itó nāśayāmasi ||14||

(AVŚ\_20,96.15a) yás tvā bhrātā pátir bhūtvā jāró bhūtvā nipádyate |

(AVŚ\_20,96.15c) prajām yás te jíghāṃsati tám itó nāśayāmasi ||15||

(AVŚ\_20,96.16a) yás tvā svápnena támasā mohayitvá nipádyate |

(AVŚ\_20,96.16c) prajām yás te jíghāṃsati tám itó nāśayāmasi ||16||

(AVŚ\_20,96.17a) akṣībhyām te nāsikābhyām kárṇābhyām chúbukād  
ádhi |

(AVŚ\_20,96.17c) yákṣmaṃ śírṣaṇyām mastíṣkāḥ jihváyā ví vṛhāmi te  
||17||

(AVŚ\_20,96.18a) grīvābhyas ta uṣṇíhābhyaḥ kíkasābhyo anūkyāt |

(AVŚ\_20,96.18c) yákṣmaṃ doṣaṇyām āṃsābhyām bāhúbhyām ví  
vṛhāmi te ||18||

(AVŚ\_20,96.19a) hṛdayāt te pári klomnó hálīkṣṇāt pārśvābhyām |

(AVŚ\_20,96.19c) yákṣmaṃ mátasnābhyām plīhnó yaknás te ví  
vṛhāmasi ||19||

(AVŚ\_20,96.20a) āntrébhyas te gúdābhyo vaniṣṭhór udárād ádhi |

(AVŚ\_20,96.20c) yákṣmaṃ kukṣībhyām plāśér nābhyā ví vṛhāmi te ||  
20||

(AVŚ\_20,96.21a) ūrúbhyām te aṣṭhívadbhyām pārṣṇibhyām  
prápādābhyām |

(AVŚ\_20,96.21c) yákṣmaṃ bhasadyām śróṇibhyām bhāsadaṃ  
bhāṃsaso ví vṛhāmi te ||21||



(AVŚ\_20,96.22[-]a) méhanād vanamkáraṇāl lómabhyas te  
nakhébhyaḥ |  
(AVŚ\_20,96.22[-]c) yákṣmaṃ sárvasmād ātmánas tám idám ví  
vr̥hāmi te ||22||

(AVŚ\_20,96.[-]22a) asthíbhyas te majjábhyaḥ snávbhyo  
dhamánibhyaḥ |  
(AVŚ\_20,96.[-]22b) yákṣmaṃ pāṇíbhyām aṅgúlibhyo nakhébhyo ví  
vr̥hāmi te ||22||

(AVŚ\_20,96.23a) ángeaṅge lómnilomni yás te párvaniparvaṇi |  
(AVŚ\_20,96.23c) yákṣmaṃ tvacasyāṃ te vayám kaśyápasya  
vībarhéṇa víṣvañcam ví vr̥hāmasi ||23||

(AVŚ\_20,96.24a) ápehi manasas paté 'pa kāma parás cara |  
(AVŚ\_20,96.24c) paró nírṛtyā á cakṣva bahudhá jīvato mánaḥ ||24||

(AVŚ\_20,97.1a) vayám enam idá hyópīpemehá vajríṇam |  
(AVŚ\_20,97.1c) tásmā u adyá samanā sutám bhará nūnám bhūṣata  
śruté ||1||

(AVŚ\_20,97.2a) vr̥kaś cid asya vāraṇá urāmáthir á vayúneṣu bhūṣati  
|  
(AVŚ\_20,97.2c) sémám naḥ stómaṃ jujuṣāṇá á gahíndra prá citráyā  
dhiyā ||2||

(AVŚ\_20,97.3a) kád u nv àsyākṛtam índrasyāsti páuṃsyam |  
(AVŚ\_20,97.3c) kéno nú kaṃ śrómatena ná śuśruve janúṣaḥ pári  
vr̥trahá ||3||

(AVŚ\_20,98.1a) tvām íd dhí hávāmahe sātá vājasya kāravaḥ |  
(AVŚ\_20,98.1c) tvám vr̥tréṣv indra sátpatiṃ náras tvām káṣṭhāsv  
árvataḥ ||1||

(AVŚ\_20,98.2a) sá tvám naś citra vajrahasta dhṛṣṇuyá mahá  
stavānó adrivaḥ |  
(AVŚ\_20,98.2c) gām áśvaṃ rathyaṃ indra sám kira satrá vājaṃ ná  
jigyúṣe ||2||

(AVŚ\_20,99.1a) abhí tvā pūrvápītaya índra stómebhir āyávaḥ |  
(AVŚ\_20,99.1c) samīcīnása ṛbhávaḥ sám asvaran rudrá gr̥ṇanta  
pūrvyam ||1||

(AVŚ\_20,99.2a) asyéd índro vāvṛdhe vṛṣṇyaṃ sávo máde sutásya  
vṛṣṇavi |  
(AVŚ\_20,99.2c) adyá tám asya mahimānam āyávó 'nu ṣṭuvanti  
pūrvāthā ||2||

(AVŚ\_20,100.1a) ádhā híndra girvaṇa úpa tvā kāmān maháḥ  
sasṛjmáhe |  
(AVŚ\_20,100.1c) udéva yánta udábhiḥ ||1||

(AVŚ\_20,100.2a) vār ṇá tvā yavyābhir vārdhanti śūra bráhmāṇi |  
(AVŚ\_20,100.2c) vāvṛdhvāṃsaṃ cid adrivo divédive ||2||

(AVŚ\_20,100.3a) yuñjánti hárī iṣirásya gáthayoráu rátha urúyuge |  
(AVŚ\_20,100.3c) indravāhā vacoyújā ||3||

(AVŚ\_20,101.1a) agníṃ dūtáṃ vṛṇīmahe hótāraṃ viśvāvedasam |  
(AVŚ\_20,101.1c) asyá yajñásya sukrátum ||1||

(AVŚ\_20,101.2a) agnímagñiṃ hāvīmabhiḥ sádā havanta viśpátim |  
(AVŚ\_20,101.2c) havyavāhaṃ purupriyám ||2||

(AVŚ\_20,101.3a) ágne devám ihá vaha jajñānó vṛktábarhiṣe |  
(AVŚ\_20,101.3c) ási hótā na íḍyaḥ ||3||

(AVŚ\_20,102.1a) ilényo namasyàs tirás támāṃsi darśatáh |  
(AVŚ\_20,102.1c) sám agnír idhyate vṛṣā ||1||

(AVŚ\_20,102.2a) vṛṣo agníḥ sám idhyaté 'śvo ná devavāhanaḥ |  
(AVŚ\_20,102.2c) tám havíṣmantaḥ ilate ||2||

(AVŚ\_20,102.3a) vṛṣaṇaṃ tvā vayám vṛṣan vṛṣaṇaḥ sám idhīmaḥ |  
(AVŚ\_20,102.3c) ágne dídyataṃ bṛhát ||3||

(AVŚ\_20,103.1a) agníṃ īliṣvāvase gáthābhiḥ śírásociṣam |  
(AVŚ\_20,103.1c) agníṃ rāyé purumīlha śrutáṃ náro 'gníṃ sudītāye  
chardíḥ ||1||

(AVŚ\_20,103.2a) ágna á yāhy agníbhir hótāraṃ tvā vṛṇīmahe |  
(AVŚ\_20,103.2c) á tvám anaktu práyatā havíṣmatī yájiṣṭhaṃ barhír  
āsáde ||2||

(AVŚ\_20,103.3a) ácha hí tvā sahasaḥ sūno aṅgiraḥ srúcaś cáranty  
adhvaré |  
(AVŚ\_20,103.3c) ūrjó nápātaṃ ghr̥tákeśam īmahe 'gnīm yajñēṣu  
pūrvyām ||3||

(AVŚ\_20,104.1a) imá u tvā purūvaso gíro vardhantu yá máma |  
(AVŚ\_20,104.1c) pāvakāvarṇāḥ súcayo vipaścíto 'bhí stómair  
anūṣata ||1||

(AVŚ\_20,104.2a) ayám sahasram ṛṣibhiḥ sáhaskṛtaḥ samudrá iva  
paprāthe |  
(AVŚ\_20,104.2c) satyáḥ só asya mahimá gṛne śávo yajñēṣu  
viprarājye ||2||

(AVŚ\_20,104.3a) á no víśvāsu hávya índraḥ samátsu bhūṣatu |  
(AVŚ\_20,104.3c) úpa bráhmāṇi sávanāni vṛtrahá paramajyá  
ṛcīṣamaḥ ||3||

(AVŚ\_20,104.4a) tvám dātā prathamó rághasām asy ási satyá  
īśānakṛt |  
(AVŚ\_20,104.4c) tuvidyumnásya yújyā vṛṇīmahe putrásya śávaso  
maháḥ ||4||

(AVŚ\_20,105.1a) tvám indra prátūrtiṣv abhí víśvā asi spṛdhaḥ |  
(AVŚ\_20,105.1c) áśastihá janitá viśvatúr asi tvám tūrya taruṣyatáḥ ||  
1||

(AVŚ\_20,105.2a) ánu te súṣmaṃ turáyantam īyatuh kṣoṇí śísuṃ ná  
mātārā |  
(AVŚ\_20,105.2c) víśvās te spṛdhaḥ śnathayanta manyáve vṛtrám  
yád indra túrvasi ||2||

(AVŚ\_20,105.3a) itá ūtí vo ajáram prahetāram áprahitam |  
(AVŚ\_20,105.3c) āśúṃ jētāram hétāram rathítamam átūrtam  
tugryāvṛdham ||3||

(AVŚ\_20,105.4a) yó rájā carṣaṇīnām yātā ráthebhir ádhriḡuḥ |  
(AVŚ\_20,105.4c) víśvāsām tarutá pṛtanānām jyéṣṭho yó vṛtrahá gṛné  
||4||

(AVŚ\_20,105.5a) índram tám śumbha puruhanmann ávase yásya  
dvitā vidhartári |  
(AVŚ\_20,105.5c) hástāya vājraḥ práti dhāyi darśató mahó divé ná  
súryaḥ ||5||

(AVŚ\_20,106.1a) táva tyád indriyám bṛhát táva súṣmam utá krátum  
|  
(AVŚ\_20,106.1c) vájraṃ śísāti dhiṣāṇā váreṇyam ||1||

(AVŚ\_20,106.2a) táva dyáur indra páuṃsyam pṛthiví vardhati śrávaḥ  
|  
(AVŚ\_20,106.2c) tvám ápaḥ párvatāsaś ca hinvire ||2||

(AVŚ\_20,106.3a) tvám víṣṇur bṛhán kṣáyo mitró gṛṇāti váruṇaḥ |  
(AVŚ\_20,106.3c) tvám sárdho madaty ánu márutam ||3||

(AVŚ\_20,107.1a) sám asya manyáve víso víśvā namanta kuṣṭáyāḥ |  
(AVŚ\_20,107.1c) samudráyeva síndhavaḥ ||1||

(AVŚ\_20,107.2a) ójas tát asya titviṣa ubhé yát samávartayat |  
(AVŚ\_20,107.2c) índraś cármeva ródasī ||2||

(AVŚ\_20,107.3a) ví cid vṛtrásya dódhato vájreṇa śatáparvaṇā |  
(AVŚ\_20,107.3c) śíro bibhed vṛṣṇínā ||3||

(AVŚ\_20,107.4a) tát íd āsa bhúvaneṣu jyéṣṭham yáto jajñá ugrás  
tveṣāṇṛmṇaḥ |  
(AVŚ\_20,107.4c) sadyó jajñānó ní riṇāti sátrūn ánu yád enaṃ  
mádanti víśva ūmāḥ ||4||

(AVŚ\_20,107.5a) vāvṛdhānāḥ śávasā bhúryojāḥ sátrur dāsāya  
bhiyāsaṃ dadhāti |  
(AVŚ\_20,107.5c) ávyanac ca vyanác ca sásni sám te navanta  
prábhṛtā mádeṣu ||5||

(AVŚ\_20,107.6a) tvé krátum ápi pṛñcanti bhúri dvír yád eté trír  
bhavanty ūmāḥ |  
(AVŚ\_20,107.6c) svádóḥ svádīyaḥ svādúnā sṛjā sám adáḥ sú mádhu  
mádhunābhí yodhīḥ ||6||

(AVŚ\_20,107.7a) yádi cin nú tvā dhánā jáyantaṃ ráṇeraṇe  
anumádanti víprāḥ |  
(AVŚ\_20,107.7c) ójīyaḥ súṣmint sthirám á tanuṣva má tvā dabhan  
durévāsaḥ kaśókāḥ ||7||

(AVŚ\_20,107.8a) tváyā vayám śāsadmahe ráṇeṣu prapásyanto  
yudhēnyāni bhúri |  
(AVŚ\_20,107.8c) codáyāmi ta áyudhā vácobhiḥ sám te śísāmi  
bráhmanā váyāṃsi ||8||

(AVŚ\_20,107.9a) ní tát dadhiṣé 'vare páre ca yásminn ávithāvasā

duroné |

(AVŚ\_20,107.9c) á sthāpayata mātāraṃ jigatnūm āta invata  
kārvarāṇi bhūri ||9||

(AVŚ\_20,107.10a) stuṣṣvā varṣman puruvārtmānaṃ sām ŷbhvāṇam  
inātāmam āptām āptyānām |

(AVŚ\_20,107.10c) á darśati śávasā bhūryojāḥ prá sakṣati  
pratimānaṃ pṛthivyāḥ ||10||

(AVŚ\_20,107.11a) imā bráhma bṛháddivaḥ kṛṇavad índrāya sūśám  
agniyāḥ svarṣāḥ |

(AVŚ\_20,107.11c) mahó gotrásya kṣayati svarājā túraś cid víśvam  
arṇavat tápasvān ||11||

(AVŚ\_20,107.12a) evā mahān bṛháddivo átharvāvocat svām tanvām  
índraṃ evā |

(AVŚ\_20,107.12c) svāsārau mātāribhvarī aripré hinvānti caine  
śávasā vardháyanti ca ||12||

(AVŚ\_20,107.13a) citráṃ devānām ketúr ánīkaṃ jyótiṣmān pradísāḥ  
súrya udyán |

(AVŚ\_20,107.13c) divākaró 'ti dyumnáis támāṃsi víśvātārīd duritāni  
śukráḥ ||13||

(AVŚ\_20,107.14a) citráṃ devānām úd agād ánīkaṃ cákṣur mitrásya  
váruṇasyāgnéḥ |

(AVŚ\_20,107.14c) áprād dyāvāpṛthiví antárikṣam súrya ātmá  
jágatas tasthúṣaś ca ||14||

(AVŚ\_20,107.15a) súryo devīm uśásam rócamānām máryo ná  
yóśām abhy èti paścāt |

(AVŚ\_20,107.15c) yátrā náro devayánto yugāni vitanvaté prāti  
bhadráya bhadráṃ ||15||

(AVŚ\_20,108.1a) tvám na indrá bharaṃ ójo nṛmṇám śatakrato  
vicarṣaṇe |

(AVŚ\_20,108.1c) á vīraṃ pṛtanāśāham ||1||

(AVŚ\_20,108.2a) tvám hí naḥ pitá vaso tvám mātá śatakrato  
babhūvitha |

(AVŚ\_20,108.2c) ádhā te sumnám īmahe ||2||

(AVŚ\_20,108.3a) tvám śuṣmin puruhūta vājayántam úpa bruve  
śatakrato |

(AVŚ\_20,108.3c) sá no rāsva suvīryam ||3||

(AVŚ\_20,109.1a) svādór itthá viṣuváto mádhvaḥ pibanti gauryàḥ |  
(AVŚ\_20,109.1c) yá índreṇa sayávarīr vṛṣṇā mādanti śobhāse vásvīr  
ánu svarājyam ||1||

(AVŚ\_20,109.2a) tá aśya pṛṣanāyúvaḥ sómaṃ śrīṇanti pṛśnayaḥ |  
(AVŚ\_20,109.2c) priyá índrasya dhenávo vājraṃ hinvanti sáyakaṃ  
vásvīr ánu svarājyam ||2||

(AVŚ\_20,109.3a) tá aśya námasā sáhaḥ saparyānti prácetasah |  
(AVŚ\_20,109.3c) vratāny aśya saścire purúṇi pūrvácittaye vásvīr  
ánu svarājyam ||3||

(AVŚ\_20,110.1a) índrāya mādūne sutám pári ṣṭobhantu no gírah |  
(AVŚ\_20,110.1c) arkám arcantu kāravaḥ ||1||

(AVŚ\_20,110.2a) yásmin víśvā ádhi śríyo ráṇanti saptá saṃsádaḥ |  
(AVŚ\_20,110.2c) índraṃ suté havāmahe ||2||

(AVŚ\_20,110.3a) tríkadrukeṣu cétanaṃ deváso yajñám atnata |  
(AVŚ\_20,110.3c) tám íd vardhantu no gírah ||3||

(AVŚ\_20,111.1a) yát sómam indra víṣṇavi yád vā gha tritá āptyé |  
(AVŚ\_20,111.1c) yád vā marútsu mándase sám índubhiḥ ||1||

(AVŚ\_20,111.2a) yád vā śakra parāvāti samudré ádhi mándase |  
(AVŚ\_20,111.2c) asmákam ít suté raṇā sám índubhiḥ ||2||

(AVŚ\_20,111.3a) yád vási sunvató vṛdhó yájamānasya satpate |  
(AVŚ\_20,111.3c) ukthé vā yásya ráṇyasi sám índubhiḥ ||3||

(AVŚ\_20,112.1a) yád adyá kác ca vṛtrahann udágā abhí sūrya |  
(AVŚ\_20,112.1c) sárvaṃ tát indra te váse ||1||

(AVŚ\_20,112.2a) yád vā pravṛddha satpate ná marā íti mányase |  
(AVŚ\_20,112.2c) utó tát satyám ít táva ||2||

(AVŚ\_20,112.3a) yé sómāsaḥ parāvāti yé arvāvāti sunviré |  
(AVŚ\_20,112.3c) sárvāṃs tám indra gachasi ||3||

(AVŚ\_20,113.1a) ubháyaṃ śṛṇāvac ca na índro arvág idám vácaḥ |  
(AVŚ\_20,113.1c) satrácyā maghāvā sómapītaye dhiyá sáviṣṭha á  
gamāt ||1||

(AVŚ\_20,113.2a) tám hí svarájam vṛṣabhám tám ójase dhiśāṇe  
niṣṭatakṣātuḥ |  
(AVŚ\_20,113.2c) utópamānām prathamó ní ṣīdasi sómakāmaṁ hí te  
mánāḥ ||2||

(AVŚ\_20,114.1a) abhrātṛvyó'aná tvám ánāpir indra janúṣā sanád asi  
|  
(AVŚ\_20,114.1c) yudhéd āpitvám ichase ||1||

(AVŚ\_20,114.2a) náki revántam sakhyāya vindase pīyanti te  
surāśvāḥ |  
(AVŚ\_20,114.2c) yadā kṛṇóṣi nadanúm sám ūhasy ád ít pitéva  
hūyase ||2||

(AVŚ\_20,115.1a) ahám íd dhí pitúṣ pári medhám ṛtasya jagrábha |  
(AVŚ\_20,115.1c) ahám súrya ivājani ||1||

(AVŚ\_20,115.2a) ahám pratnéna mánmanā gíraḥ śumbhāmi  
kaṇvavát |  
(AVŚ\_20,115.2c) yénéndraḥ súṣmam íd dadhé ||2||

(AVŚ\_20,115.3a) yé tvám indra ná tuṣṭuvúr ṛṣayo yé ca tuṣṭuvúḥ |  
(AVŚ\_20,115.3c) máméd vardhasva súṣtutaḥ ||3||

(AVŚ\_20,116.1a) mã bhūma níṣṭyā ivéndra tvád áraṇā iva |  
(AVŚ\_20,116.1c) vānāni ní prajahitāny adrivo duróṣāso amanmahi ||  
1||

(AVŚ\_20,116.2a) ámanmahíd anāśávo 'nugrāsaś ca vṛtrahan |  
(AVŚ\_20,116.2c) sukṛt sú te mahatā sūra rádhasānu stómaṁ  
mudīmahi ||2||

(AVŚ\_20,117.1a) píbā sómam indra mándatu tvā yám te suśáva  
haryaśvādriḥ |  
(AVŚ\_20,117.1c) sotúr bāhúbhyām súyato nārvā ||1||

(AVŚ\_20,117.2a) yás te mádo yújas cārur ásti yéna vṛtrāṇi haryaśva  
hāmṣi |  
(AVŚ\_20,117.2c) sá tvám indra prabhūvaso mamattu ||2||

(AVŚ\_20,117.3a) bódhā sú me maghavan vācam émām yám te

vásiṣṭho árcati práśastim |  
(AVŚ\_20,117.3c) imā bráhma sadhamāde juṣasva ||3||

(AVŚ\_20,118.1a) śagdhy ū śú śacīpata índra víśvābhir ūtībhiḥ |  
(AVŚ\_20,118.1c) bhágaṃ ná hí tvā yaśásaṃ vasuvídān ānu śūra  
cārāmasi ||1||

(AVŚ\_20,118.2a) pauró áśvasya purukṣd gávān asy útso deva  
hiraṇyáyaḥ |  
(AVŚ\_20,118.2c) nákir hí dānaṃ parimárdhiṣat tvé yádyad yāmi tát  
ā bhāra ||2||

(AVŚ\_20,118.3a) índram íd devātātaye índraṃ prayaty ādhvaré |  
(AVŚ\_20,118.3c) índraṃ samīké vaníno havāmaha índraṃ dhánasya  
sātāye ||3||

(AVŚ\_20,118.4a) índro mahnā ródasī paprathac cháva índraḥ  
sūryam arocayat |  
(AVŚ\_20,118.4c) índre ha víśvā bhúvanāni yemira índre suvānása  
índavaḥ ||4||

(AVŚ\_20,119.1a) ástāvi mánma pūrvyāṃ bráhméndrāya vocata |  
(AVŚ\_20,119.1c) pūrvír ṛtasya bṛhatír anūṣata stotúr meghā  
asṛkṣata ||1||

(AVŚ\_20,119.2a) turaṇyávo mádhumantaṃ ghṛtaścútaṃ víprāso  
arkām āṇcuḥ |  
(AVŚ\_20,119.2c) asmé rayíḥ paprathe víṣṇyaṃ sávo 'smé suvānása  
índavaḥ ||2||

(AVŚ\_20,120.1a) yád indraḥ práḡ ápāg údañ nyàg vā hūyáse nṛbhiḥ |  
(AVŚ\_20,120.1c) sīmā purú nṛṣūto asy ānavé 'si praśardha turváśe ||  
1||

(AVŚ\_20,120.2a) yád vā rúme rúsame śyāvake kṛpa índra mādáyase  
sácā |  
(AVŚ\_20,120.2c) káṇvāsas tvā bráhmabhi stómavāhasa índrá  
yachānty ā gahi ||2||

(AVŚ\_20,121.1a) abhí tvā śūra nonumó 'dugdhā iva dhenávaḥ |  
(AVŚ\_20,121.1c) íśānam asyá jágataḥ swardṛśam íśānam indra  
tasthúṣaḥ ||1||



(AVŚ\_20,121.2a) ná tvāvāṁ anyó divyó ná páṛthivo ná jātó ná  
janiṣyate |  
(AVŚ\_20,121.2c) aśvāyānto maghavann indra vājino gavyántas tvā  
havāmahe ||2||

(AVŚ\_20,122.1a) revātīr naḥ sadhamāda índre santu tuvívājāḥ |  
(AVŚ\_20,122.1c) kṣumānto yābhir mādema ||1||  
(AVŚ\_20,122.2a) á gha tvāvān tmánāptá stotṛbhyo dhṛṣṇav iyānáḥ |  
(AVŚ\_20,122.2c) ṛṇór ákṣaṁ ná cakrayòḥ ||2||  
(AVŚ\_20,122.3a) á yád dúvaḥ śatakrataḥ á kāmāṁ jaritṛṇām |  
(AVŚ\_20,122.3c) ṛṇór ákṣaṁ ná śacībhiḥ ||3||

(AVŚ\_20,123.1a) tát sūryasya devatvāṁ tán mahitvāṁ madhyá  
kártor vítataṁ sám jabhāra |  
(AVŚ\_20,123.1c) yadéd áyukta harítaḥ sadhásthād ád rátrī vásas  
tanute simásmāi ||1||

(AVŚ\_20,123.2a) tán mitrásyā váruṇasyābhicákṣe sūryo rūpāṁ  
kṛṇute dyór upásthe |  
(AVŚ\_20,123.2c) anantám anyád rúśad asya prájaḥ kṛṣṇám anyád  
dharítaḥ sám bharanti ||2||

(AVŚ\_20,124.1a) káyā naś citrá á bhuvad ūtí sadāvṛdhaḥ sákhā |  
(AVŚ\_20,124.1c) káyā śáciṣṭhayā vṛtá ||1||

(AVŚ\_20,124.2a) kás tvā satyó mādānāṁ māmhiṣṭho matsad  
ándhasaḥ |  
(AVŚ\_20,124.2c) dṛlhá cid ārúje vásu ||2||

(AVŚ\_20,124.3a) abhí śú naḥ sákhīnām avitá jaritṛṇām |  
(AVŚ\_20,124.3c) śatām bhavāsy ūtibhiḥ ||3||

(AVŚ\_20,124.4a) imá nú kaṁ bhúvanā sīṣadhāméndraś ca vísve ca  
devāḥ |  
(AVŚ\_20,124.4c) yajñām ca nas tanvām ca prajām cādityáir índraḥ  
sahá cīkṣāpāti ||4||

(AVŚ\_20,124.5a) ādityáir índraḥ ságaṇo marúdbhir asmákāṁ bhūtv  
avitá tanúnām |  
(AVŚ\_20,124.5c) hatváya devá ásurān yád áyan devá devatvām

abhirákṣamāṇāḥ ||5||

(AVŚ\_20,124.6a) pratyāñcam arkám anayaṃ chácībhīr ād ít  
svadhām iṣirām páry apaśyan |  
(AVŚ\_20,124.6c) ayā vājaṃ deváhitam sanema mādema śatáhimāḥ  
suvírāḥ ||6||

(AVŚ\_20,125.1a) ápendra práco maghavann amítrān ápāpāco  
abhibhūte nudasva |  
(AVŚ\_20,125.1c) ápódīco ápa sūrādharaśca uráu yáthā táva śárman  
mādema ||1||

(AVŚ\_20,125.2a) kuvíd aṅgá yávamanto yávaṃ cid yáthā dānty  
anupūrvām viyúya |  
(AVŚ\_20,125.2c) ihéhaiṣām kṛṇuhi bhójanāni yé barhíṣo námovṛkṭim  
ná jagmúḥ ||2||

(AVŚ\_20,125.3a) nahí sthúry ṛtuthá yātám asti nótá śrávo vivide  
saṃgaméṣu |  
(AVŚ\_20,125.3c) gavyánta índraṃ sakhyáya víprā asvāyánto  
vṛṣaṇam vājáyantaḥ ||3||

(AVŚ\_20,125.4a) yuvám surāmam asvinā námucāv āsuré sácā |  
(AVŚ\_20,125.4c) vipipāná śubhas patī índraṃ kármasv āvatam ||4||

(AVŚ\_20,125.5a) putrám iva pitárāv asvínobhéndrāváthuḥ kávyair  
daṃsánābhīḥ |  
(AVŚ\_20,125.5c) yát surāmam vy ápibaḥ śácībhiḥ sárasvatī tvā  
maghavann abhiṣṇak ||5||

(AVŚ\_20,125.6a) índraḥ sutrāmā svávāṃ ávobhiḥ sumṛḍīkó bhavatu  
viśvávedāḥ |  
(AVŚ\_20,125.6c) bádhatām dvéṣo ábhayaṃ naḥ kṛṇotu suvírasya  
pátayaḥ syāma ||6||

(AVŚ\_20,125.7a) sá sutrāmā svávāṃ índro asmád ārác cid dvéṣaḥ  
sanutár yuyotu |  
(AVŚ\_20,125.7c) tásya vayám sumatáu yajñíyasyápi bhadré  
saumanasé syāma ||7||

(AVŚ\_20,126.1a) ví hí sótor áṣṭkṣata néndraṃ devám amaṃsata |  
(AVŚ\_20,126.1c) yátrámadaḥ vṛṣákapiṛ aryáḥ puṣṭéṣu mátsakhā  
viśvasmād índra úttaraḥ ||1||

(AVŚ\_20,126.2a) párā híndra dhāvasi vṛṣákaper áti vyáthiḥ |

(AVŚ\_20,126.2c) nó áha prá vindasy anyátra sómapītaye víśvasmād  
índra úttaraḥ ||2||

(AVŚ\_20,126.3a) kím ayám tvām vṛṣákapiś cakāra hárito mṛgáḥ |  
(AVŚ\_20,126.3c) yásmā irasyásíd u nv àryó vā puṣṭimád vásu  
víśvasmād índra úttaraḥ ||3||

(AVŚ\_20,126.4a) yám imám tvām vṛṣákapiṃ priyám indrābhirákṣasi  
|  
(AVŚ\_20,126.4c) śvā nv àsya jambhiṣad ápi kárṇe varāhayúr  
víśvasmād índra úttaraḥ ||4||

(AVŚ\_20,126.5a) priyā taṣṭāni me kapír vyàktā vy àdūduṣat |  
(AVŚ\_20,126.5c) šíro nv àsya rāviṣaṃ ná sugám duṣkṛte bhuvam  
víśvasmād índra úttaraḥ ||5||

(AVŚ\_20,126.6a) ná mát strī subhasáttarā ná suyásutarā bhuvat |  
(AVŚ\_20,126.6c) ná mát práticyavīyasī ná sákthy údyamīyasī  
víśvasmād índra úttaraḥ ||6||

(AVŚ\_20,126.7a) uvé amba sulābhike yáthevāṅgám bhaviṣyāti |  
(AVŚ\_20,126.7c) bhasán me amba sákthi me šíro me víva hṛṣyati  
víśvasmād índra úttaraḥ ||7||

(AVŚ\_20,126.8a) kím subāho svaṅgure pṛthuṣṭo pṛthujāghane |  
(AVŚ\_20,126.8c) kím sūrapatni nas tvām abhy àmīṣi vṛṣákapiṃ  
víśvasmād índra úttaraḥ ||8||

(AVŚ\_20,126.9a) avírām iva mām ayám śarārur abhí manyate |  
(AVŚ\_20,126.9c) utáhám asmi vīrīṇíndrapatnī marútsakhā  
víśvasmād índra úttaraḥ ||9||

(AVŚ\_20,126.10a) saṃhotráṃ sma purā nārī sámanam vāva gachati  
|  
(AVŚ\_20,126.10c) vedhá ṛtásya vīrīṇíndrapatnī mahīyate víśvasmād  
índra úttaraḥ ||10||

(AVŚ\_20,126.11a) indrāṇīm āsú nāriṣu subhágām ahám aśravam |  
(AVŚ\_20,126.11c) nahy àsyā aparám caná jarásā mārāte pátir  
víśvasmād índra úttaraḥ ||11||

(AVŚ\_20,126.12a) nāhám indráṇi rāraṇa sákhyur vṛṣákaper ṛté |  
(AVŚ\_20,126.12c) yásyedám ápyam havíḥ priyám devéṣu gáchat  
víśvasmād índra úttaraḥ ||12||

(AVŚ\_20,126.13a) vṛsākapāyi révati súputra ād u súsnuse |  
(AVŚ\_20,126.13c) ghásat ta índra ukṣāṇaḥ priyám kācitkarám havir  
víśvasmād índra úttaraḥ ||13||

(AVŚ\_20,126.14a) ukṣṇó hí me páñcadaśa sākāṃ pācanti viṃsatīm |  
(AVŚ\_20,126.14c) utāhām admi píva íd ubhá kukṣī pṛṇanti me  
vísvasmād índra úttaraḥ ||14||

(AVŚ\_20,126.15a) vṛṣabhó ná tigmásṛṅgo 'ntár yūthēṣu róruvat |  
(AVŚ\_20,126.15c) manthás ta índra śám hṛdé yám te sunóti  
bhāvayúr vísvasmād índra úttaraḥ ||15||

(AVŚ\_20,126.16a) ná séśe yásya rámbate 'ntará sakthyā kápṛt |  
(AVŚ\_20,126.16c) sédīśe yásya romaśám niṣedúṣo vijṛmbhate  
vísvasmād índra úttaraḥ ||16||

(AVŚ\_20,126.17a) ná séśe yásya romaśám niṣedúṣo vijṛmbhate |  
(AVŚ\_20,126.17c) sédīśe yásya rámbate 'ntará sakthyā kápṛt  
vísvasmād índra úttaraḥ ||17||

(AVŚ\_20,126.18a) ayám índra vṛṣākapiḥ párasvantam hatám vidat |  
(AVŚ\_20,126.18c) asím sūnám návaṃ carúm ād edhasyāna ácitam  
vísvasmād índra úttaraḥ ||18||

(AVŚ\_20,126.19a) ayám emi vicākaśad vicinvān dāsam áryam |  
(AVŚ\_20,126.19c) píbāmi pākasútvano 'bhí dhíram acākaśam  
vísvasmād índra úttaraḥ ||19||

(AVŚ\_20,126.20a) dhánva ca yát kṛntáttram ca káti svit tá ví yójanā |  
(AVŚ\_20,126.20c) nédīyaso vṛṣākapé 'stam éhi gṛhām úpa  
vísvasmād índra úttaraḥ ||20||

(AVŚ\_20,126.21a) púnar éhi vṛṣākape suvitā kalpayāvahai |  
(AVŚ\_20,126.21c) yá eṣā svapnanámśanó 'stam éṣi pathā púnar  
vísvasmād índra úttaraḥ ||21||

(AVŚ\_20,126.22a) yád údañco vṛṣākape gṛhām indrájagantana |  
(AVŚ\_20,126.22c) kvà syá pulvaghó mṛgáḥ kám agam janayópano  
vísvasmād índra úttaraḥ ||22||

(AVŚ\_20,126.23a) pársur ha náma mānaví sākāṃ sasūva viṃsatīm |  
(AVŚ\_20,126.23c) bhadram bhala tyásyā abhūd yásyā udáram  
āmayad vísvasmād índra úttaraḥ ||23||

(AVŚ\_20,127.1a) idám jánā úpa śruta nārāśámśa stáviṣyate |  
(AVŚ\_20,127.1c) ṣaṣṭīm sahásrā navatīm ca kaurama ā ruśāmeṣu  
dadmahe ||1||

(AVŚ\_20,127.2a) úṣṭrā yásya pravāháṇo vadhūmanto dvirdāśa |  
(AVŚ\_20,127.2c) varṣmā ráthasya ní jihīdate divá īśāmāṇā  
upaspṛśaḥ ||2||

(AVŚ\_20,127.3a) eṣá iṣāya māmāhe śatām niṣkān dāśa srājaḥ |  
(AVŚ\_20,127.3c) trīṇi śatānyārvatām sahāsrā dāśa gónām ||3||

(AVŚ\_20,127.4a) vācyasva rébha vacyasva vṛkṣé na pakvé śakúnaḥ |  
(AVŚ\_20,127.4c) náṣṭe jihvá carcarīti kṣuró ná bhuríjoriva ||4||

(AVŚ\_20,127.5a) prá rebháso manīṣā vṛṣā gáva iverate |  
(AVŚ\_20,127.5c) amotapútrakā eṣāmamóta gā ívāsate ||5||

(AVŚ\_20,127.6a) prá rebha dhīm bharasva govídām vasuvídām |  
(AVŚ\_20,127.6c) devatrémām vācam sṛīṇihīṣurnāvīrastāram ||6||

(AVŚ\_20,127.7a) rájño viśvajánīnasya yó devómartyāṃ áti |  
(AVŚ\_20,127.7c) vaiśvānarāśya súṣṭutimā sunótā parikṣítaḥ ||7||

(AVŚ\_20,127.8a) parichínnaḥ kṣémam akarot táma āsanamācāran |  
(AVŚ\_20,127.8c) kúlāyan kṛṇván káuravyaḥ pátir vādati jāyáyā ||8||

(AVŚ\_20,127.9a) katarát ta á harāṇi dádhi mánthām pári śrútam |  
(AVŚ\_20,127.9c) jāyāḥ pátim ví pṛchati rāṣṭré rájñaḥ parikṣítaḥ ||9||

(AVŚ\_20,127.10a) abhívásvaḥ prá jihīte yávaḥ pakvāḥ pathó bílam |  
(AVŚ\_20,127.10c) jánaḥ sá bhadram édhati rāṣṭré rájñaḥ parikṣítaḥ ||10||

(AVŚ\_20,127.11a) índraḥ kārúm abūbudhad úttiṣṭha ví carā jánam |  
(AVŚ\_20,127.11c) māmédugrāśya cárkṛdhi sārva ít te pṛṇādaríḥ ||11||

(AVŚ\_20,127.12a) ihá gávaḥ prá jāyadhvam iháśvā ihá pūruṣāḥ |  
(AVŚ\_20,127.12c) ihó sahāsradaḁṣiṇópi pūṣā ní ṣīdati ||12||

(AVŚ\_20,127.13a) némā indra gávo riṣan mó āsām gópa rīriṣat |  
(AVŚ\_20,127.13c) māsām amítrayúrjana índra má stená ísata ||13||

(AVŚ\_20,127.14a) úpa no na ramasi súktena vācasā vayám  
bhadréṇa vācasā vayám |  
(AVŚ\_20,127.14c) vānād adhídhvanó giró ná riṣyema kadā caná ||14||

(AVŚ\_20,128.1a) yáḥ sabhéyo vidathyāḥ sutvá yajvātha pūruṣāḥ |  
(AVŚ\_20,128.1c) súryam cámu riśádāsas tát devāḥ práḡ akalpayan ||1||

(AVŚ\_20,128.2a) yó jāmyā aprathayas tát yát sákhāyam dúdhūrṣati |  
(AVŚ\_20,128.2c) jyéṣṭho yád apracetās tát āhur ádharāg íti ||2||

(AVŚ\_20,128.3a) yád bhadráśya púruśasya putró bhavāti dādhṛśīḥ |  
(AVŚ\_20,128.3c) tát vipró ábravīd u tát gandharváḥ kámyaṃ vácaḥ ||3||

(AVŚ\_20,128.4a) yásca paṇí rághujiṣṭhyó yásca devāṃ ádāśuriḥ |  
(AVŚ\_20,128.4c) dhírāṇāṃ śásvatām ahám tát apāg íti śuśruma ||4||

(AVŚ\_20,128.5a) yé ca devā áyajantátho yé ca parādadíḥ |  
(AVŚ\_20,128.5c) sūryo dívam iva gatváya maghávā no ví rapśate ||5||

(AVŚ\_20,128.6a) yó'nāktákṣo anabhyaktó ámaṇivó áhiraṇyávaḥ |  
(AVŚ\_20,128.6c) ábrahmā bráhmanaḥ putrástotá kálpeṣu saṃmítā ||6||

(AVŚ\_20,128.7a) yá āktákṣaḥ subhyaktáḥ sūmaṇiḥ sūhiraṇyávaḥ |  
(AVŚ\_20,128.7c) súbrahmā bráhmanaḥ putrástotá kálpeṣu saṃmítā ||7||

(AVŚ\_20,128.8a) áprapāṇá ca veśantá revāṃ áprátidiśyayaḥ |  
(AVŚ\_20,128.8c) áyabhyā kanyā kalyāṇí totá kálpeṣu saṃmítā ||8||

(AVŚ\_20,128.9a) súprapāṇá ca veśantá revānt súprátidiśyayaḥ |  
(AVŚ\_20,128.9c) súyabhyā kanyā kalyāṇí totá kálpeṣu saṃmítā ||9||

(AVŚ\_20,128.10a) párivṛktá ca máhiṣī svastyā ca yudhím gamáḥ |  
(AVŚ\_20,128.10c) ánāśuráścāyāmí totá kálpeṣu saṃmítā ||10||

(AVŚ\_20,128.11a) vāvātá ca máhiṣī svastyā ca yudhím gamáḥ |  
(AVŚ\_20,128.11c) śvāśúraś cāyāmí totá kálpeṣu saṃmítā ||11||

(AVŚ\_20,128.12a) yád indrádo dāśarājñé mánuṣaṃ ví gāhathāḥ |  
(AVŚ\_20,128.12c) vírūpaḥ sárvasmā āsīt sahá yakṣáya kálpate ||12||

(AVŚ\_20,128.13a) tvám vṛṣākṣúm maghavann ámraṃ maryākáro ráviḥ |  
(AVŚ\_20,128.13c) tvám rauhiṇám vyāśyo ví vṛtráśyābhinac chíraḥ ||13||

(AVŚ\_20,128.14a) yáḥ párvatān vyàdadhād yó apó vyagāhathāḥ |  
(AVŚ\_20,128.14c) índro yó vṛtrahānmahám tásmād indra námo 'stu te ||14||

(AVŚ\_20,128.15a) pṛṣṭhám dhāvantam haryór áuccaiḥ śravasám abruvan |  
(AVŚ\_20,128.15c) svastyásva jáitrāyéndram á vaha susrájam ||15||

(AVŚ\_20,128.16a) yé tvā śvetā ájaiśravasó háryo yuñjánti dákṣiṇam  
|  
(AVŚ\_20,128.16c) pūrvā námasya devānāṃ bíbhrad indra mahīyate  
||16||

(AVŚ\_20,129.1a) etā áśvā á plavante ||1||

(AVŚ\_20,129.2a) pratīpāṃ prāti sutvánam ||2||

(AVŚ\_20,129.3a) tāsāṃ ékā háríknikā ||3||

(AVŚ\_20,129.4a) háríkniké kím ichāsi ||4||

(AVŚ\_20,129.5a) sādhum putráṃ hiraṇyáyam ||5||

(AVŚ\_20,129.6a) kvāhatam pārāsyah ||6||

(AVŚ\_20,129.7a) yātrāmús tísrah śimśapāḥ ||7||

(AVŚ\_20,129.8a) pári trayah ||8||

(AVŚ\_20,129.9a) pṛdākavaḥ ||9||

(AVŚ\_20,129.10a) śṛṅgam dhamánta āsate ||10||

(AVŚ\_20,129.11a) ayánmahā te arvāhāḥ ||11||

(AVŚ\_20,129.12a) sá íchákaṃ sághāghate ||12||

(AVŚ\_20,129.13a) sághāghate gómīdyā gógatīr íti ||13||

(AVŚ\_20,129.14a) púmāṃ kusté nímichasi ||14||

(AVŚ\_20,129.15a) pálpa baddha váyo íti ||15||

(AVŚ\_20,129.16a) báddha vo ághā íti ||16||

(AVŚ\_20,129.17a) ájāgāra kévikā ||17||

(AVŚ\_20,129.18a) áśvasya vāro gośapadyaké ||18||

(AVŚ\_20,129.19a) śyénīpátī sá ||19||

(AVŚ\_20,129.20a) anāmayópajihvīkā ||20||

(AVŚ\_20,130.1a) kó arya bahulímā íṣūni ||1||  
(AVŚ\_20,130.2a) kó asidyāḥ páyaḥ ||2||  
(AVŚ\_20,130.3a) kó árjunyāḥ páyaḥ ||3||  
(AVŚ\_20,130.4a) káḥ kārṣṇyāḥ páyaḥ ||4||  
(AVŚ\_20,130.5a) etám pṛcha kúhaṃ pṛcha ||5||  
(AVŚ\_20,130.6a) kúhākaṃ pakvakáṃ pṛcha ||6||  
(AVŚ\_20,130.7a) yávāno yatiṣvábhiḥ kubhiḥ ||7||  
(AVŚ\_20,130.8a) ákupyantaḥ kúpāyakuḥ ||8||  
(AVŚ\_20,130.9a) āmaṇako máṇatsakaḥ ||9||  
(AVŚ\_20,130.10a) déva tvapratísūrya ||10||  
(AVŚ\_20,130.11a) énaścipaṅktiká havíḥ ||11||  
(AVŚ\_20,130.12a) prádúdrudo mághāprati ||12||  
(AVŚ\_20,130.13a) śṛṅga utpanna ||13||  
(AVŚ\_20,130.14a) má tvābhi sákhā no vidan ||14||  
(AVŚ\_20,130.15a) vaśáyāḥ putráṃ á yanti ||15||  
(AVŚ\_20,130.16a) írāvedumáyaṃ data ||16||  
(AVŚ\_20,130.17a) átho iyánníyann íti ||17||  
(AVŚ\_20,130.18a) átho iyánníti ||18||  
(AVŚ\_20,130.19a) átho śvā ásthīro bhavan ||19||  
(AVŚ\_20,130.20a) uyám yakáṃśalokaká ||20||

(AVŚ\_20,131.1a) āminonití bhadyate ||1||  
(AVŚ\_20,131.2a) tásya anu níbhañjanam ||2||  
(AVŚ\_20,131.3a) váruṇo yāti vásvabhiḥ ||3||  
(AVŚ\_20,131.4a) śatám vā bhāratī śávaḥ ||4||



- (AVŚ\_20,131.5a) śatāmāśvā hiraṇyáyāḥ |  
(AVŚ\_20,131.5c) śatām rathyā hiraṇyáyāḥ |  
(AVŚ\_20,131.5e) śatām kuthā hiraṇyáyāḥ |  
(AVŚ\_20,131.6a) áhula kuśa varttaka ||6||  
(AVŚ\_20,131.7a) śaphéna ivá ohate ||7||  
(AVŚ\_20,131.8a) áya vanénatī jánī ||8||  
(AVŚ\_20,131.9a) vániṣṭhā náva gr̥hyánti ||9||  
(AVŚ\_20,131.10a) idām máhyaṃ mādūríti ||10||  
(AVŚ\_20,131.11a) té vṛkṣāḥ sahá tiṣṭhati ||11||  
(AVŚ\_20,131.12a) páka balíḥ ||12||  
(AVŚ\_20,131.13a) śáka balíḥ ||13||  
(AVŚ\_20,131.14a) áśvattha khádiro dhaváḥ ||14||  
(AVŚ\_20,131.15a) áraduparama ||15||  
(AVŚ\_20,131.16a) śáyo hatá iva ||16||  
(AVŚ\_20,131.17a) vyāpa pūruṣaḥ ||17||  
(AVŚ\_20,131.18a) ádūhamityāṃ púṣakam ||18||  
(AVŚ\_20,131.19a) átyardharcá parasvátaḥ ||19||  
(AVŚ\_20,131.20a) dáuva hastíno dṛtí ||20||
- (AVŚ\_20,132.1a) ādálābukamékakam ||1||  
(AVŚ\_20,132.2a) álābukam níkhātakam ||2||  
(AVŚ\_20,132.3a) karkarikó níkhātakāḥ ||3||  
(AVŚ\_20,132.4a) tád vāta únmathāyati ||4||  
(AVŚ\_20,132.5a) kúlāyaṃ kṛṇavādíti ||5||  
(AVŚ\_20,132.6a) ugrām vaniṣádātataṃ ||6||  
(AVŚ\_20,132.7a) ná vaniṣadánātataṃ ||7||

(AVŚ\_20,132.8a) ká eṣāṃ kárkarī likhat ||8||

(AVŚ\_20,132.9a) ká eṣāṃ dundúbhiṃ hanat ||9||

(AVŚ\_20,132.10a) yádīyāṃ hanat káthaṃ hanat ||10||

(AVŚ\_20,132.11a) devī hanat kúhanat ||11||

(AVŚ\_20,132.12a) páryāgāraṃ púnaḥpunaḥ ||12||

(AVŚ\_20,132.13a) trīṇyuṣṭrāsya nāmāni ||13||

(AVŚ\_20,132.14a) hiraṇyá ítyéke abravīt ||14||

(AVŚ\_20,132.15a) dváu vā yé śísavaḥ ||15||

(AVŚ\_20,132.16a) nīlaśikhaṇḍavāhanaḥ ||16||

(AVŚ\_20,133.1a) vītatau kiraṇau dváu távā pinaṣṭi pūruṣaḥ |

(AVŚ\_20,133.1c) ná vai kumāri tát táthā yáthā kumāri mányase ||1||

(AVŚ\_20,133.2a) mātúṣṭé kiraṇau dváu nírvṛttaḥ pūruṣānṛte |

(AVŚ\_20,133.2c) ná vai kumāri tát táthā yáthā kumāri mányase ||2||

(AVŚ\_20,133.3a) nígrhya kárṇakau dváu nírāyachasi mādhyame |

(AVŚ\_20,133.3c) ná vai kumāri tát táthā yáthā kumāri mányase ||3||

(AVŚ\_20,133.4a) uttānāyai śayānāyai tíṣṭhantī vāva gūhasi |

(AVŚ\_20,133.4c) ná vai kumāri tát táthā yáthā kumāri mányase ||4||

(AVŚ\_20,133.5a) ślákṣṇāyāṃ ślákṣṇikāyāṃ ślákṣṇamevāva gūhasi |

(AVŚ\_20,133.5c) ná vai kumāri tát táthā yáthā kumāri mányase ||5||

(AVŚ\_20,133.6a) ávaślakṣṇamíva bhraṃśad antárlomamāti hradé |

(AVŚ\_20,133.6c) ná vai kumāri tát táthā yáthā kumāri mányase ||6||

(AVŚ\_20,134.1a) ihétthá prágápāgúdagadhārāg  
ārālāgúdabhartsatha ||1||

(AVŚ\_20,134.2a) ihétthá prágápāgúdagadhārāg vatsāḥ pūruṣanta  
āsatē ||2||

(AVŚ\_20,134.3a) ihétthá prágápāgúdagadhārāk sthālīpāko ví līyate  
||3||

(AVŚ\_20,134.4a) ihétthá prágápāgúdagadhārāk sá vai pṛthú līyate ||  
4||

(AVŚ\_20,134.5a) ihétthá prágápāgúdagadhārāg āste lāhaṇi līsāthī ||  
5||

(AVŚ\_20,134.6a) ihétthá prágápāgúdagadhārāg ákṣlīlī púchīlīyate ||  
6||

(AVŚ\_20,135.1a) bhúg ity abhígataḥ śáalityapákrāntaḥ  
pháalityabhíṣṭhitaḥ |

(AVŚ\_20,135.1c) dundúbhim āhananābhyām jarítaróthāmo daivá ||  
1||

(AVŚ\_20,135.2a) kośabīle rajani gránther dhānām upánāhi pādām |  
(AVŚ\_20,135.2c) úttamām jánimām janyánúttamām jánīn  
vartmanyāt ||2||

(AVŚ\_20,135.3a) álābūni pṛṣṭakānyáśvatthapálāśam |  
(AVŚ\_20,135.3c) pípīlikāvátasváso vidyútsvāparṇasāphó gósaphó  
jarítaróthāmo daivá ||3||

(AVŚ\_20,135.4a) vīme devā akraṃsatādhvaryó kṣiprām pracára |  
(AVŚ\_20,135.4c) susatyām íd gávām asyási prakhudási ||4||

(AVŚ\_20,135.5a) patnī yádṛṣyate patnī yáksyamāṇā jaritaróthāmo  
daivá |  
(AVŚ\_20,135.5c) hotá viṣṭīmená jaritar óthāmo daivá ||5||

(AVŚ\_20,135.6a) ādityā ha jaritar āngirobhyo dākṣiṇām anáyan |  
(AVŚ\_20,135.6c) tám ha jaritaḥ prátyāyaṃs tám ú ha jaritaḥ  
prátyāyan ||6||

(AVŚ\_20,135.7a) tám ha jaritar naḥ prátyagr̥bhṇaṃs tám ú ha jaritar  
naḥ prátyagr̥bhṇaḥ |  
(AVŚ\_20,135.7c) áhānetarasam na ví cetánāni yajñān étarasam na  
púrogávāmaḥ ||7||

(AVŚ\_20,135.8a) utá śvéta āśupatvā utó pádyābhir yáviṣṭhaḥ |  
(AVŚ\_20,135.8c) utém āśu mánam piparti ||8||

(AVŚ\_20,135.9a) ādityā rudrá vásavas tvénu ta idám rádhaḥ práti  
gr̥bhṇīhy aṅgiraḥ |  
(AVŚ\_20,135.9c) idám rádho vibhú prábhu idám rádho bṛhát pṛthu ||  
9||

(AVŚ\_20,135.10a) dévā dadatvāsuraṃ tát vo astu súcetanam |  
(AVŚ\_20,135.10c) yúṣmāñ astu dívedive pratyéva gr̥bhāyat ||10||

(AVŚ\_20,135.11a) tvám indra śarmāriṇā havyāṃ pāṛāvatebhyaḥ |  
(AVŚ\_20,135.11c) víprāya stuvaté vasuvāniṃ duraśravasé vaha ||11||

(AVŚ\_20,135.12a) tvám indra kapótāya chinnapakṣāya vāñcate |  
(AVŚ\_20,135.12c) śyāmākaṃ pakvāṃ pīlu ca vāasmā ákr̥ṇor bahúḥ ||12||

(AVŚ\_20,135.13a) araṃgaró vāvadīti tredhā baddhó varatrāyā |  
(AVŚ\_20,135.13c) írāmaha práśaṃsaty ánirām ápa sedhati ||13||

(AVŚ\_20,136.1a) yád asyā aṃhubhédyāḥ kṛdhú sthūlám upā́tasat |  
(AVŚ\_20,136.1c) muṣkāvídasyā ejató gośaphé śakulāv iva ||1||

(AVŚ\_20,136.2a) yádā sthūléna pásasāṇau muṣkā úpāvadhīt |  
(AVŚ\_20,136.2c) víṣvañcā vasyā vārdhataḥ síkatāsv eva gārdabhau ||2||

(AVŚ\_20,136.3a) yád alpikāsvālpikā kárkadhūkévaśádyate |  
(AVŚ\_20,136.3c) vāsantikám iva téjanam yānty avātāya vítpati ||3||

(AVŚ\_20,136.4a) yád devāso lalāmaguṃ práviṣṭīmínam āviṣuḥ |  
(AVŚ\_20,136.4c) sakulā dediśyate nārī satyáśyākṣibhúvo yáthā ||4||

(AVŚ\_20,136.5a) mahānagnyàtṛpnadvi mókradadásthānāsan |  
(AVŚ\_20,136.5c) śáktikānānā svacamáśakaṃ saktu pádyama ||5||

(AVŚ\_20,136.6a) mahānagnyūlūkhalam atikrámanty abravīt |  
(AVŚ\_20,136.6c) yáthā táva vanaspate níraghnanti táthaiveti ||6||

(AVŚ\_20,136.7a) mahānagnyúpa brūte bhraṣṭóthápyabhūbhuvah |  
(AVŚ\_20,136.7c) yáthaivá te vanaspate píppati táthaiveti ||7||

(AVŚ\_20,136.8a) mahānagnyúpa brūte bhraṣṭóthápyabhūbhuvah |  
(AVŚ\_20,136.8c) yáthā vayo vídāhya svargé namávádahyate ||8||

(AVŚ\_20,136.9a) mahānagnyúpa brūte svasāvéśitaṃ pásah |  
(AVŚ\_20,136.9c) itthāṃ phálasya vṛkṣasya śúrpe śúrpaṃ bhájemahi ||9||

(AVŚ\_20,136.10a) mahānagní kṛkavākaṃ sám̐yayā pári dhāvati |  
(AVŚ\_20,136.10c) ayāṃ na vidmá yó mṛgáḥ sīrṣṇā harati dhāṇikām ||10||

(AVŚ\_20,136.11a) mahānagní mahānagnám dhāvantam ánu dhāvati |

(AVŚ\_20,136.11c) imás tād asya gá rakṣa yábha mām  
addhyaudanām ||11||

(AVŚ\_20,136.12a) súdevas tvā mahānagnīr bābādhate mahatāḥ  
sādhū khodānam |  
(AVŚ\_20,136.12c) kusām pīvaró navat ||12||

(AVŚ\_20,136.13a) vaśá dagdhām imāṅgurīm prásṛjatográtam pare |  
(AVŚ\_20,136.13c) mahān vai bhadró yábha mām addhyaudanām ||  
13||

(AVŚ\_20,136.14a) vídevas tvā mahānagnīr víbādhate mahatāḥ  
sādhū khodānam |  
(AVŚ\_20,136.14c) kumāriká piṅgaliká kārda bhásmā ku dhāvati ||  
14||

(AVŚ\_20,136.15a) mahān vai bhadró bilvó mahān bhadra  
udumbārah |  
(AVŚ\_20,136.15c) mahām abhiktá bādhate mahatāḥ sādhu  
khodānam ||15||

(AVŚ\_20,136.16a) yāḥ kumārī piṅgaliká vásantam pīvarī labhet |  
(AVŚ\_20,136.16c) táilakuṇḍamímāṅguṣṭhām ródantam śudam  
úddharet ||16||

(AVŚ\_20,137.1a) yád dha prācīr ájagantóro maṇḍūradhāṇikīḥ |  
(AVŚ\_20,137.1c) hatá índrasya śáttravaḥ sárve budbudáyāsavaḥ ||1||

(AVŚ\_20,137.2a) kápṛṇ narah kapṛthām úd dadhātana codáyata  
khudāta vājasātaye |  
(AVŚ\_20,137.2c) niṣṭigryāḥ putrām á cyāvayotáya índram sabādha  
ihá sómapītaye ||2||

(AVŚ\_20,137.3a) dadhikrávṇo akāriṣam jiṣṇór áśvasya vājínah |  
(AVŚ\_20,137.3c) surabhí no múkhā karat prá ṇa áyūṃṣi tāriṣat ||3||

(AVŚ\_20,137.4a) sutáso mādhumattamāḥ sómā índrāya mandínah |  
(AVŚ\_20,137.4c) pavítravanto akṣaran devān gachantu vo mādāḥ ||  
4||

(AVŚ\_20,137.5a) índur índrāya pavata íti devāso abruvan |  
(AVŚ\_20,137.5c) vācás pátir makhasyate víśvasyésāna ójasā ||5||

(AVŚ\_20,137.6a) sahásradhārah pavate samudró vācamīṅkhayāḥ |  
(AVŚ\_20,137.6c) sómah pátī rayīṇām sákhéndrasya divédive ||6||

(AVŚ\_20,137.7a) áva drapsó aṃśumátīm atiṣṭhad iyānáḥ kṛṣṇó

daśábhiḥ sahásraiḥ |  
(AVŚ\_20,137.7c) ávat tám índraḥ śácyā dhámantam ápa snéhitīr  
nṛmāṇā adhatta ||7||

(AVŚ\_20,137.8a) drapsám apaśyaṃ víṣuṇe cárantam upahvaré  
nadyō aṃśumátyāḥ |  
(AVŚ\_20,137.8c) nábho ná kṛṣṇám avatasthiváṃsam íṣyāmi vo  
vṛṣaṇo yúdhyatājáu ||8||

(AVŚ\_20,137.9a) ádha drapsó aṃśumátyā upásthé 'dhārayat  
tanvāṃ titviṣāṇāḥ |  
(AVŚ\_20,137.9c) víso ádevīr abhy àcárantīr bṛhaspátinā yujéndraḥ  
sasāhe ||9||

(AVŚ\_20,137.10a) tvám ha tyát saptábhyo jáyamāno 'śatrúbhyo  
abhavaḥ śátrur indra |  
(AVŚ\_20,137.10c) gūlhé dyāvāpṛthiví ánv avindo vibhumádbhyo  
bhúvānebhyo ráṇaṃ dhāḥ ||10||

(AVŚ\_20,137.11a) tvám ha tyád apratimānám ójo vājreṇa vajrin  
dhṛṣitó jaghantha |  
(AVŚ\_20,137.11c) tvám súṣṇasyāvā tiro vádhatrais tvám gá indra  
śácyéd avindaḥ ||11||

(AVŚ\_20,137.12a) tám índraṃ vājayāmasi mahé vṛtrāya hántave |  
(AVŚ\_20,137.12c) sá vṛṣā vṛṣabhó bhuvat ||12||

(AVŚ\_20,137.13a) índraḥ sá dāmane kṛtá ójiṣthaḥ sá máde hitáḥ |  
(AVŚ\_20,137.13c) dyumní ślokí sá somyáḥ ||13||

(AVŚ\_20,137.14a) girá vājro ná sám̐bhṛtaḥ sábalō ánapacyutaḥ |  
(AVŚ\_20,137.14c) vavakṣá ṛṣvó ástṛtaḥ ||14||

(AVŚ\_20,138.1a) mahā́m̐ índro yá ójasā parjányo vṛṣṭimā́m̐ iva |  
(AVŚ\_20,138.1c) stómair vatsásya vāvṛdhe ||1||

(AVŚ\_20,138.2a) prajám ṛtásya píprataḥ prá yád bháranta váhnayaḥ  
|  
(AVŚ\_20,138.2c) víprā ṛtásya váhasā ||2||

(AVŚ\_20,138.3a) káṇvāḥ índraṃ yád ákrata stómair yajñásya  
sádhanam |  
(AVŚ\_20,138.3c) jāmí bruvata áyudham ||3||

(AVŚ\_20,139.1a) á nūnám aśvinā yuvám vatsásya gantam ávase |

(AVŚ\_20,139.1c) prásmai yachatam avṛkám pṛthú chardír yuyutám  
yá árātayaḥ ||1||

(AVŚ\_20,139.2a) yád antárikṣe yád diví yát páñca mánusāṃ ánu |  
(AVŚ\_20,139.2c) nṛmnám tát dhattam ásvinā ||2||

(AVŚ\_20,139.3a) yé vām dámsāṃsy ásvinā víprasaḥ parimāmṛśúḥ |  
(AVŚ\_20,139.3c) evét kañvásya bodhatam ||3||

(AVŚ\_20,139.4a) ayám vām gharmó ásvinā stómena pári śicyate |  
(AVŚ\_20,139.4c) ayám sómo mádhumān vājinīvasū yéna vṛtrám  
ciketathaḥ ||4||

(AVŚ\_20,139.5a) yád apsú yád vánapátau yád óśadhīṣu  
puruḍaṃsasā kṛtám |  
(AVŚ\_20,139.5c) téna māviṣtam ásvinā ||5||

(AVŚ\_20,140.1a) yán nāsatyā bhuraṇyátho yád vā deva  
bhiṣajyáthaḥ |  
(AVŚ\_20,140.1c) ayám vām vatsó matíbhir ná vindhate  
havíṣmantám hí gáchathaḥ ||1||

(AVŚ\_20,140.2a) á nūnám ásvínor íṣi stómaṃ ciketa vāmáyā |  
(AVŚ\_20,140.2c) á sómaṃ mádhumattamaṃ gharmám siñcād  
átharvaṇi ||2||

(AVŚ\_20,140.3a) á nūnám raghúvartaniṃ rátham tiṣṭhātho ásvinā |  
(AVŚ\_20,140.3c) á vām stómā imé máma nábho ná cucyavīrata ||3||

(AVŚ\_20,140.4a) yád adyá vām nāsatyoktháir ācucyuvīmáhi |  
(AVŚ\_20,140.4c) yád vā vāṇībhir ásvinevét kañvásya bodhatam ||4||

(AVŚ\_20,140.5a) yád vām kakṣívāṃ utá yád vyàśva íṣir yád vām  
dīrghátamā juhāva |  
(AVŚ\_20,140.5c) pṛthī yád vām vainyáḥ sādaneṣv evéd áto ásvinā  
cetayethām ||5||

(AVŚ\_20,141.1a) yātám chardiṣpá utá paraspá bhūtám jagatpá utá  
nas tanūpá |  
(AVŚ\_20,141.1c) vartís tokáya tánayāya yātam ||1||

(AVŚ\_20,141.2a) yád índreṇa sarátham yāthó ásvinā yád vā vāyúnā  
bhávathaḥ sámokasā |  
(AVŚ\_20,141.2c) yád ādityébhir ṛbhúbhiḥ sajóṣasā yád vā víṣnor  
vikrámaṇeṣu tiṣṭhathaḥ ||2||

(AVŚ\_20,141.3a) yád adyáśvínāḥ ahám huvéya vājasātaye |  
(AVŚ\_20,141.3c) yát pṛtsú turváṇe sáṇas tác chréṣṭham aśvínor  
ávaḥ ||3||

(AVŚ\_20,141.4a) á nūnáṃ yātam aśvinemā havyāni vāṃ hitā |  
(AVŚ\_20,141.4c) imé sómāso ádhi turváše yádāḥ imé káṇveṣu vām  
átha ||4||

(AVŚ\_20,141.5a) yán nāsatyā parāké arvāké ásti bheṣajám |  
(AVŚ\_20,141.5c) téna nūnáṃ vimadāya pracetasā chardír vatsāya  
yachátam ||5||

(AVŚ\_20,142.1a) ábhutsy u prá devyā sākám vācāham aśvínoh |  
(AVŚ\_20,142.1c) vy àvar devy á matím ví rātím mártyebhyaḥ ||1||

(AVŚ\_20,142.2a) prá bodhayoṣo aśvínā prá devi sūṇṛte mahi |  
(AVŚ\_20,142.2c) prá yajñahotar ānuṣák prá mādāya śrávo bṛhát ||2||

(AVŚ\_20,142.3a) yád uṣo yāsi bhānúnā sám sūryeṇa rocase |  
(AVŚ\_20,142.3c) á hāyám aśvínó rátho vartír yāti nṛpāyyam ||3||

(AVŚ\_20,142.4a) yád āpītāso aṃśávo gávo ná duhrá údhabhiḥ |  
(AVŚ\_20,142.4c) yád vā vāṇīr ānuṣata prá devayánto aśvínā ||4||

(AVŚ\_20,142.5a) prá dyumnāya prá śávase prá nṛṣāhyāya śármaṇe |  
(AVŚ\_20,142.5c) prá dákṣāya pracetasā ||5||

(AVŚ\_20,142.6a) yán nūnáṃ dhībhír aśvinā pitúr yónā niśídathaḥ |  
(AVŚ\_20,142.6c) yád vā sumnébhir ukthyā ||6||

(AVŚ\_20,143.1a) tám vāṃ ráthaṃ vayám adyā huvema pṛthujráyam  
aśvínā sám gatim góḥ |  
(AVŚ\_20,143.1c) yáh sūryám váhati vandhurāyúr gírvāhasam  
purutámaṃ vasūyúm ||1||

(AVŚ\_20,143.2a) yuvám śríyam aśvinā devātā tám dívo napātā  
vanathaḥ śácībhiḥ |  
(AVŚ\_20,143.2c) yuvór vápur abhí pṛkṣaḥ sacante váhanti yát  
kakuḥśaso ráthe vām ||2||

(AVŚ\_20,143.3a) kó vām adyā karate rātāhavya ūtāye vā  
sutapéyāya vārkáih |  
(AVŚ\_20,143.3c) ṛtāsyā vā vanúṣe pūrvyāya námo yemānó aśvínā  
vavartat ||3||



(AVŚ\_20,143.4a) hiraṇyáyena purubhū ráthenemám yajñám  
nāsatyópa yātam |  
(AVŚ\_20,143.4c) píbātha ín mádhunaḥ somyásya dádhathe rátanam  
vidhaté jánāya ||4||

(AVŚ\_20,143.5a) á no yātam divó ácha pṛthivyá hiraṇyáyena suvṛtā  
ráthena |  
(AVŚ\_20,143.5c) má vām anyé ní yaman devayántaḥ sám yád dadé  
nábhīḥ pūrvyá vām ||5||

(AVŚ\_20,143.6a) nú no rayím puruvíram bṛhántam dásrā mímāthām  
ubháyeṣv asmé |  
(AVŚ\_20,143.6c) náro yád vām ásvinā stómam ávant sadhástatim  
ājamīlhāso agman ||6||

(AVŚ\_20,143.7a) ihéha yád vām samanā papṛkṣé séyám asmé  
sumatír vājaratnā |  
(AVŚ\_20,143.7c) uruṣyátam jaritāram yuvám ha śritáḥ kámo  
nāsatyā yuvadrík ||7||

(AVŚ\_20,143.8a) mádhumatír óṣadhīr dyáva āpo mádhuman no  
bhavātv antárikṣam |  
(AVŚ\_20,143.8c) kṣétrasya pátir mádhumān no astv áriṣyanto ánv  
enam carema ||8||

(AVŚ\_20,143.9a) panāyyam tát ásvinā kṛtām vām vṛṣabhó divó  
rájaṣaḥ pṛthivyāḥ |  
(AVŚ\_20,143.9c) sahásram śáṃsā utá yé gáviṣṭau sárvaṃ ít táṃ  
úpa yātā píbadhyai ||9||